




Collegij Societatis Iesv Monachij

1658



Permissu superiorum et cum grat. præsult. ac. Cap. Maest.

1658

Kopra front. z egz. i pisanego
przez VD 17 (12:104715K)

*Compendium
sive Breuiarium*

COMPENDIVM

Seu

BREVIARIUM
ABSOLVTISSIMVM
OMNIVM MEDITA-
TIONVM

R. P. LVDOVICI DE
PONTE Societatis IE-
SV, Vallis-oletani.

1-111-36

CONFIDENTIAL

RECEIVED
JAN 10 1964

10011

ILLVSTRISSIMO
AC REVERENDISSIMO
DOMINO.

D. IOANNIBER-
N ARDO Schenck
à Schweinsberg / ECCLE-
siæ Fuldenlis Abbati,

S. Rom. Imperij Principi,

DIVÆ AVGVSTÆ
ARCHICANCELLARIO, PER
Germaniam Galliamque Primate,
Administratori Hirschfel-
densi &c.

DOMINO SVO CLE-
mentissimo

D. C. Q.

Ioannes Kinckius



Vanta nunc illo tam
turbido seculo, Illustris-
sime, Reuerendissimeq;
Princeps, multorum ta-
men in Ecclesia Catho-
lica pietas sit & studi-
um pietatis, vel ex illa cognoscere liceat

EPISTOLA

adeo frequentata editione piissimorum
 scriptorum R. P. Ludouici de Ponte, opti-
 mi illius in ludo Mystica Theologia, nec
 ob hoc ipsum ulli non noti Magistri.
 Cuius piarum Meditationum Epito-
 men seu Compendium elaborauit aliquis
 sanctæ I E S V Societatis æquè Presbiter,
 quò occupatioribus, aut multa legendi in-
 diligentioribus ad manum esset libellus,
 ex quo facile breuiterq; ad exercitium
 pietatis atque profectum, sic utilium,
 quasi succus omnis ipsaq; medulla expri-
 meretur. Eundem & ego nunc iure quo-
 dam meo (cùm hactenus ipsa transferri
 in Latinum opera curarim, meisq; typis
 euulgari) ex officina itidem mea denuò
 prodeuntem iubeo adire pro me Illu-
 strissimam Tuam, Reuerendissimamque
 Cels. ab illiusq; pia manu & magno No-
 mine gratiorem venire Germania ocu-
 lis, & tantò magis commendabilem.
 Quis enim non amet cupiatque librum
 illo salutifero. I. in limine prænota-
 tum? Nomine, inquam, Illustrissime
 Princeps, TVO, cuius omnes sacris Au-
 spiciis gausi, & in immensum spes suas
 exten-

DEDICATORIA

tenderūt, non Fuldenses modò, peculiare
 Tuum ouile, ob vitæ præsertim integri-
 tatem in fide & Religione zelum; amo-
 remq; in subditos paternum, & morum,
 qui temporum iniquitate non optimi ir-
 repsere. reformandorum studium; sed et-
 iam nunc Hirschfeldenses, & quidquid
 in Germania bonarum mentium est,
 & exspectantium redemptionem Israel.
 O quàm bonè cum Regnis agitur,
 imis, summis, sacris, profanis, ubi Recto-
 res & sapiunt, & utuntur auidè, fru-
 unturq; sapientibus! Multitudo enim
 sapientum (inquit Sapiens) sanitas
 orbis terrarum. Prosperet, qui dedit il-
 lud in Manu TV A Sacrum Regnum, ut
 olim ipsum, auctâ primùm satis Virtuti-
 bus TV IS inclytæ pristinaeque Familiae,
 quam sanè vehementer illustras, gloriâ:
 Ecclesiae quoque totius & imperij com-
 muni bono procurato plenus dierum &
 boni meriti in manû euocantis ad mer-
 cedem ac præmium Dei reponas.

Euge, Praesul illustriss. & hæc vota
 mea, indicemque votorum ac testem li-
 bellum accipe animo, quo offeruntur;

EPIST. DEDICAT.

*Et officinam Kinckij patere radiolo ali-
quo ab illâ Nominis inclyti TVI luce
sibi deciso fulgere tantisper ac gloriari.
Coloniæ ipso SS. Patriarchæ Bene-
dicti die. Anno salutis.
M. DC. XXIX.*



APPROBATIO.

EGO Gregorius Rumer Societatis
Iesv per Prouinciam Austriae Præ-
positus Prouincialis, ex commissione R.
P. N. Mutij Vitellesci Præpositi Genera-
lis, facultatem concedo, vt Compendium
Meditationum P. Ludouici de Ponte, à
quodam Patre è Societate nostrâ recens
factum, & eiusdem Societatis grauium
doctorumque virorum iudicio appro-
barum, typis mandetur. In quorum fidem
has literas manu nostra subscriptas & si-
gillo nostro munitas dedimus, Gracij. 5.
Augusti. 1622.

Gregorius Rumer.



Ioann. Kinckius Bibliopola
LECTORIBENEVOLO S.

QUINQUENNIVM iam
est, cum typis meis expressum de-
di *Compendium Meditationum*
divinarum celeberrimi illius Do-
ctoris, ac cōsummatissimi rerum
spiritualium Magistri R. P. Ludonici de Pon-
te, cuius laudem satis indicant tot praeclara
monimenta, quae haecenus ex officina mea pro-
dierunt: qualia inter alia, Dux spiritualis.
De perfectione Christiana Tomi IV.
Sermones in cantica canticorum, Vitae
P. Balthasaris Alvarez. lib. 10.
Piarū Medit. partes sex, iā aliquoties editae.

Ac R. quidem Pater Nicolaus de Arnaya
Hispanus, cum postremū hoc opus non parum
contraheret, aliud sibi propositum habuit, nem-
pē ut *Meditationes illas in quatuor hebdoma-*
des distributas ad ipsa S. Parris IGNATII
exercitia accommodaret. Itaque & non pauca
quae in P. Ludouico de Ponte non habebantur,

Et in-

LECTORI

Et introductionibus ferè omnibus omiſſis, di-
 ctas Meditationes ad quatuor hebdomadarum
 præſcriptum (ut ſuo propoſito deſervire quàm
 optimè videbantur) digeſſit, mutato interim
 auctoris ordine, adeò, ut Meditationes quaſdã
 de SS. Euchariftia, ac de B. Virgine cuius-
 que virtutibus, loco ſuo, quem ab aucto-
 re primò acceperant, demonſtrari, in propoſitum
 illud ſuum ſcilicet collimando, ut omnia ad
 quadripartitam ipſorum exercitiarum in heb-
 domadas diſtributionem referret; cæteris in
 alium locum, pro ut ipſi magis convenire vide-
 bantur reiectis.

Hæc cum alii non pauci, viri ſanè pii ac Me-
 ditationum R. P. Ludovici de Ponte amantiſ-
 ſimi hoc quinquennio perſpexiſſent, ſapius opta-
 runt aliquem ex eadem Societate hanc ſibi ope-
 ram depoſcere, ut abſolutum aliquod omnium
 Meditationum (ſervato eodem ordine ac nu-
 mero) compendium concinnaret: donec tandem
 hoc anno inuentus eſt quiſpiam in provincia
 Auſtriaca, qui hanc ſpartam pro multorum
 votis ſibi exornandam eſſe indicaret. Nam ut
 S. P. Ignatius annotatione ſecunda (ex 2. in Ex-
 ercit. libro præſcriptis) prudenter aduerſit:
 Homini meditaturo expedit, ut director, qui
 illum exercet, ſuccincte ac breuiter materiam
 proponat, eamq; paucis explicet: ut is, inquit,
 qui meditaturus eſt accepto veritatis hi-

historicæ fundamento discurrat postea, & ratiocinetur per seipsum. Ita enim fiet, ut dum aliquid inuenerit, quod elucidatione, vel apprehensionem historię aliquantò maiorem præbeat, siue ex discursu proprio siue ex diuina mentis illustratione gustum delectabiliorem, & vberiore fructum percipiat, quàm si res ipsa ei ab altero diffusius narrata, & declarata esset. Non enim abundantia scientię, sed sensus, & gustus rerum interior, desiderium animę explere solet.

Adq̃, hunc finem Compendium hocce deseruiet: nempe pro directione eorum, qui de his ipsis fidei nostrę ac Saluatoris mysteriis meditari volunt. Ceteris qui in hoc exercitationis genere parum versati sunt, deseruire poterunt maiores illi Tomi, in quibus sine ulla ulteriori meditatione cibum quasi iam coctum ac preparatum inuenient, ut solus masticandi ac in suum succum ac sanguinem conuertendi labor atq̃ exigua admodum molestia relinquatur.

Tu verò beneuole Lector, qui ad meditationis succum per te exprimendum aspiras, hac directione, quę tuā causā suscepta est, utere frui ad perfectiōem animę maiorem consequendam.

Colonię ex officina nostra Anno salutis.
M. DC. XXIII.

INDEX MEDI- TATIONVM IN HOC COMPENDIO.

INTRODVCTIO TOTIVS

operis sequentia habet capita.

CAPVT. I. Quid sit oratio mentalis.	pag. 1
2. De modo colloquiorum.	4
3. De excellentia Orationis.	6
4. De materia Meditationis.	7
5. De ingressu ad orandum.	10
6. De difficultate meditandi & distractionibus.	12
7. De extrinsecis adiumentis ad Meditat.	14
8. De examine Meditationum.	15
9. De variis orandi modis.	17
10. De supplendo labore meditandi.	18
11. De extraordinariis orandi modis.	20
12. De præscribendo tempore Meditationi.	24
13. De vsu frequentium Meditationum.	26
Introductio ad I. partem Meditationum,	ibid.

I. Pars Meditationum.

*De pertinentibus ad purgandam animam
a peccatis.*

Meditatio I. & fundamentalis de ultimo fine ho- minis.	29
1. De triplici peccato Angeli Adæ, & patric.	34
3. De grauitate peccati ex multitudine & pug- nantia cum ratione.	39.
4. De grauitate peccati ex vilitate hominis.	41
5. De grauitate peccati ex Dei offen- sæ excellētia	43
6. De grauitate peccati ex pœnis.	45
7. De 4 Nouissimis, de proprietatib. mœris.	47

INDEX.

8. Ea quæ angunt moribundum, vel sunt præterita, vel præsentia vel futura.	49
9. De iudicio particulari.	52
10. De corpore, anima destituto.	56
11. super verba: illa memento homo, quia pulvis, &c. 59	ri. 61
12. De obliuione mortis ex parabola diuitis auaritiæ.	63
13. De signis præcedentibus iudiciũ vniuersale	65
14. De corporum resurrectione, & præcedentibus sententiam.	71
15. De iudicis sententiâ,	76
16. De inferno.	81
17. De pœna sensus & damni.	85
18. De vitiis capitalibus & superbia.	88
19. De vitio Gulæ.	9
20. De Luxuria & Castitate.	95
21. De Avaritia.	99
22. De Ira.	102
23. De Inuidiâ.	104
24. De Acediâ.	106
25. De præceptis Decalogi	113
26. De quinque sensibus exterioribus,	116
27. Circa internas animi potentias.	119
28. De quotidiano examine conscientiæ.	123
29. De examine particularis vicij,	126
30. De Sacramento Pœnitentiæ.	129
31. De præparatione ad Confessionem.	134
32. De gratiarum actione pro absolutione.	137
33. De præparatione ad SS. Communionem.	142
34. De spirituali Communione.	145
35. De gratiarum actione post Communionem.	149
36. De Purgatorio.	

II. Pars Meditationum.

Introductio.	154
Funda	

INDEX.

Fundamentū Meditationum De Christo Rege.	157
Meditatio I. De decreto Incarnationis.	260
2. De infinita Charitate Dei in Incarnatione.	164
3. De electione Matris in eius Conceptione.	166
4. De Natiuitate & vita B. Virg.	170
5. De tempore Incarnationis.	175
6. De Annuntiatione.	176
7. De Expositione Nuntii ad Virginem.	179
8. De Assensu Virginis.	181
9. Executio Incarnationis.	184
1. De Perfectionibus animæ Christi.	189
11. De Professione B. Virg. ad Elizabetham.	189
12. De ipsa Visitatione.	191
13. De Natiuitate Præcursoris.	197
14. De reuelatione facta Ioseph:	199
15. De expectatione Partus.	201
16. De professione B. Virginis Bethlehem.	203
17. De Natiuitate Christi.	204
18. De Nuntio ad Pastores.	206
19. De Adoratione Pastorum.	208
20. De Circumcisione Domini.	210
21. De Impositione Nominis Iesu.	212
22. De Magorum perfectione.	214
23. De Adoratione Magorum.	217
24. De purificatione Matris.	220
25. De Simeone & Anna prophetissa.	222
27. De fuga in Aegyptum.	225
28. De eade Innocentum.	228
29. De Christo inter doctores.	230
30. De inuentione in templo.	232
31. De vita Christi ad annum 30.	235

III. Pars Meditationum

De vita Christi à Baptismo ad Passionem.

Introductio

Caput 1. De actionibus vitæ actiue. 238

INDEX.

1. De actionibus vitæ contemplatiuæ	239
3. Vita actiua opus habet contemplatione.	241
4. De moderanda actione.	243
5. De yno necessario.	244
6. De præstantia contemplatiuæ.	245
7. De excellentia vitæ mixtæ.	246
8. Quomodo Christus cõcurrit ad vtrumque.	248
Meditatio 1. Vita præcursoris.	205
2. Testificatio Ioannis de Christo.	253
3. De Baptismo Christi.	255
4. De ieiunio Christi.	258
5. De tentatione.	262
6. De vocatione Apostolorum.	265
7. De generali vocatõne hominum.	270
8. De resignatione ad sequendam vocationem.	276
9. De nuptiis in Cana Galilææ.	287
10. De eiectis in templo negotiatoribus.	284
11. De sermone Domini in monte.	287
12. De triplici munere Apostolico.	298
13. De legis Euangelicæ excelllentia.	300
14. De oratione Dominica.	302
15. De missione Apostolorum.	310
6. Decollatio S. Ioannis.	314
7. Miraculum quinque panum	315
8. De sedata tempestate.	320
9. De ambulatione Christi super mare.	321
10. De confessione Petri.	326
11. De transfiguratione.	330
12. Consecuta transfigurationem.	332
13. De petitione matris filiorum Zebedæi.	335
14. De Lazaro & diuite epulone.	339
15. De conuersione Magdalenzæ.	341
26. De Samaritana.	347
27. De adultera.	352
12. De Zacharõ.	35

INDEX.

29. D. Cananæ.	355
30. De seruo centurionis.	356
31. De Hemorrhoiſſi.	358
32. De piscina probatica.	360
33. De leproſo ſanato.	363
34. De decem leproſis.	365
35. De cæco apud Iericho.	367
36. De cæco nato.	369
37. De turdo & muto.	372
38. De dæmoniaco lunatico.	374
39. De filia Archiſynagogi.	377
40. De filio viduæ reſcitato.	379
41. De Lazaro reſcitato.	382
42. De concilio contra Chriſtum.	387
43. De ſapiente & ſtulto.	388
44. De ſemine.	391
45. De Zizanijs.	393
46. De grano ſinapis.	397
47. De negotiatore margaritarum.	399
48. De oue perdita.	401
49. De filio prodigo.	404
50. De Samaritano & Leuita.	407
51. De Rege & ſeruo debitore 10000.	10
52. De Villico.	413
53. De publicano & Phariſæo.	416
54. De operarijs in vinea.	417
55. De Vineæ.	420
56. De inuitatis ad Cœnam & Nuptias.	43
57. De decem Virginitibus.	47
58. De Talentis.	429

IV. Pars Meditationum.

De Paſſione D.N. Ieſu Chriſti.

Introductio in IV. partem.

430

Med.

INDEX.

Med. 1. De circumstantiis Dom. passionis.	438
2. Prædicat discipulis passionem.	447
3. De ingressu in Ierusalem.	449
4. De fletu super Ierusalem.	452
5. De Cæna in Bethania.	454
6. De Christi venditione.	456
7. De esu agni pschalis.	459
8. De lotionem pedum.	462
9. De præmissis ante institutionem SS. Eucharistia:	466
10. De circumstantiis SS. Eucharistia:	469
11. De conuersione panis in corpus.	470
12. De conuersione vini in sanguinem	473
13. De sacramentalibus speciebus panis & vini.	475
14. De ritu consecrationis, &c.	477
15. De potestate consecrandi, SS. Eucharistiam data Apostolis.	479
16. De insinuatione proditoris.	482
17. De Apostolorum contentione:	485
18. De sermone Christi post cœnam.	487
19. De oratione Christi ad Patrem.	492
20. De itinere Christi ad hortum.	496
21. Oratio Christi in hortu.	500
22. De sudore sanguineo.	503
23. Applicatio sensuum interiorum circa effusionem Christi.	505
24. De osculo Iudæ, &c.	505
25. Comprehensio Christi.	509
26. De ductione ad Annam.	512
27. De alapa in domo Annæ.	514
28. Triplex Negatio.	516
29. De accusatione coram Caipha.	520
30. De iussione apud Caipham.	522
31. De ductione ad Pilatum.	526
32. De accusatione coram pilato.	529

INDEX.

33. De missione ad Herodem & remissione.	532
34. Christus Barabæ postponitur.	534
35. De flagellatione.	537
36. De coronatione spineæ.	538
37. De productione ad populum.	541
38. De condemnatione ad crucem.	544
39. De crucis baiulatione.	546
40. De circumstantijs crucifixionis.	550
41. Cruci affigitur.	552
42. De mysterijs in Christo crucifixo.	554
43. De titulo crucis.	557
44. Partitio vestium & blasphemiarum.	559
45. De 1 verbo pro crucifixoribus.	562
46. De 2 verbo ad latronem.	563
47. De verbo ad Matrem.	567
48. De tenebris & 4 verbo.	569
49. De 5 verbo, sitio.	571
50. De 6 verbo, consummatum est.	573
51. De 7 verbo commendat spiritum.	574
52. De prodigijs post mortem.	577
53. De lateris apertione.	578
54. Depositio de cruce.	582
55. De sepultura Christi.	583
56. De solitudine B. Virg. post sepulchrum.	585
57. De custodia sepulchri.	586

V. Pars Meditationum.

De Resurrectione & sequentibus mysterijs.

Introductio V. Partis. De scopo viz vnitivæ.		588
Medit. 1. De descensu Christi ad inferos.		592
2. De resurrectione Christi.		599
3.	{ Matri.	599
4.	{ Magdalene.	603
5.	{ De apparitione facta aliis mulieribus.	607
6.	{ Petro apud sepulchrum.	609

INDEX.

7.	Euntibus in Emaus	611
8.	Congregatis eodē die discip.	614
9.	Dat Spiritum sanctum	617
10.	Apostolis. s. die præsentē Tho- ma.	620
11.	Cur reservauerit Cicatrices vulnerum	622
12.	Apparitio 7. piscantibus in Galilæa	624
13.	Committit Petro oues.	627
14.	Apparitio in monte Galilææ.	629
15.	De mansionē Christi vsque ad, &c.	632
16.	De aliis variis apparitionibus.	633
17.	Apparitio in die Ascensionis.	636
18.	Ascendit in cœlum,	638
19.	De triumpho Ascendentis Christi.	641
20.	Expectatio Aduentus Spiritus S.	644
21.	De Electione Matthiæ Apostoli	646
22.	De beneficio datī Spiritus S.	648
23.	De modo quo datus Spiritus S.	650
24.	De gestis ab Apostolis in die pentecost.	656
25.	De vita primorum Christianorum.	658
26.	De Spiritus S. inspirationibus.	660
27.	De septem donis Spiritus S.	662
28.	De S. Stephano Protomartyre	665
29.	Conuersio Pauli.	670
30.	De iis, quæ secuta Pauli Conuersionem.	675
31.	Illustres Pauli virtutes	680
32.	De vocatione Cornelii.	688
33.	De B. Virgine, quomodo vixerit post aduentum Spiritus S.	692
34.	De transitu B. Virginis è vita	699
35.	De Glorificatione animæ B. Virg.	699
36.	De assumptione in corpore	702
37.	De humilitate B. Virg.	703
38.	De deuotione erga B. Virginem	708
39.	De Profestis Sanctorum	713

INDEX

VI. Pars Meditationum,

De Perfectionibus diuinis.

Introd. 6. part. de feruentibus amoris actibus.	716
Med. I. Quod Deus sit.	721
2. De Eternitate Dei.	725
3. De Infinitate Dei.	728
4. De unitate essentiae.	732
5. De perfectione infinita.	740
6. De bonitate Dei.	742
7. De communicatione bonitatis Dei.	744
8. De amabilitate summa Dei.	746
9. Qualem charitatem Deus habet.	749
10. De excellentijs charitatis diuinæ.	754
11. Quod Deus vult à nobis amari.	760
12. De infinita misericordia Dei.	763
13. De liberalitate Dei.	768
14. De immensitate Dei.	770
15. De infinita Dei sapientia.	774
16. De omnipotentia Dei.	778
17. De omnipotentia Dei in creatione.	786
18. De illo, quod initio temporis creatum.	781
19. De opere primæ diei.	785
20. De opere secundæ diei.	788
21. De opere tertiæ diei.	791
22. De opere quartæ diei.	799
23. De opere quintæ diei.	803
24. De opere sextæ diei.	806
25. De creatione hominis.	807
26. De formatione corporis Adæ & inspiratione animæ.	812
27. De approbat. totius operis ac de Sabbato. 8	6
28. De conseruatione rerū & depēdētia à Deo.	819
24. Quid sit prouidentia, & quæ bona ex ea proueniant.	821

INDEX.

30 De prouidentia in gubernatione mundi	823
31 De prouid. in victu, cultu, & bonis fortu.	822
32 De prouidentia Dei in aduersis & malis , tum culpz, tum peenaz	830
33 De prouidentia in orationib. audiendis	834
34 De prouidentia in custodia Angelorum	834
35 De prouidentia in reparatione hominis per Christum	838
36. De prouidentia in Ecclesia fundanda	840
37 De prouidentia in vocatione ad Ecclesiam & fidem	842
38 De prouidentia in sacramentorum institut.	844
39 De prouidentia in institutione venerabilis Sa- cramenti	845
40 Quodd Sacramentum Eucharistiaz sit in memo- ria mirabilium Domini	847
41 De Eucharistia vt memoriali Passionis	849
42 De Eucharistia vt signo & causa sanctificatio- nis	851
43 De Eucharistia vt est pignus futuraz gloriæ	853
44 Applicatio sensuum ad SS. Eucharistiam	855
45 De supplicatione corporis Christi	857
46 De prouidentia Dei in assignando cuique sta- tum	857
47 De Prouidentia circa statum Religiosum	862
48 De bonis status Religiosi	862
49 De prouidentia erga Prædestinatos	865
50 De humilitate & resignatione pro consequen- dis fructibus prouidentiaz	878
De cœlesti Gloria.	
51 Quid sit, de loco, & lociis	867
52 De Essentiali gloria animæ & corporis	868
53 De gloria cœlesti, vt respondet octo beatitu- dinibus	871
54 De gloria cœlesti, vt datur vineenti Apoc. 2.	873

INTRO-

*Summa Omnium Meditationum
in hoc Libri Opusculo 259.*



INTRODVCTIO

AD MEDITANDVM.

CAPVT I.

Quid sit Oratio mentalis.



RATIO mentalis est exercitatio internarum animæ rationalis potentiarum, nempe Memoriae, Intellectus, & Voluntatis, circa Deum, & mysteria potissimum fidei, cum

collocutione interna & familiari ad Deum. Vnde quatuor habet partes.

Quid sit?

Partes Meditac.

Prima est, exercitatio memoriae: qua Dei præsentia adducitur ante oculos; & mysterium illud, circa quod meditandum est, per puncta distinctum memoratur; & intellectui proponitur, cum fide viua ac feruenti ipsius mysterij: sine qua languebit meditatio, nec intelligetur, quod frigide creditur, iuxta illud: *Nisi credideritis non intelligetis.*

Isa. 7. 9.

Secunda est ratiocinatio Intellectus circa propositam materiam: tū, vt eam intimè per-

Medit. Compend.

A

cipat,

2
cipiat; tum, vt eliciat documenta virtutum: quæ voluntati amplectenda proponat.

3. Tertia est concitatio voluntatis, vt res fert considerata, eliciendo varios actus & affectus: vel erga Deum, amoris, fiduciæ, gratitudinis; vel erga seipsum, odij, compunctionis, desiderij meliorum, & similes. Qui est finis meditationis.

4. Quarta est petitio eorum, quæ meditando, intelleximus nobis expedire, cum fiduciali colloquio, vel ad vnam speciatim ex diuinis personis, pro re nata, & affectu; vel vniuersè ad omnes. In petendo autem proferemus rationes, cur exaudiendi simus: quæ potissimè sunt tres. 1. Ex parte Dei, quia bonus, quia ipse amat nos; quia vult à se peti; quia sic glorificabitur; & tandem per singulas ipsius perfectiones nominatim expressas, potest fieri obsecratio. 2. Ex parte Christi, obtendendo illius merita vniuersè: tum sigillatim singula eius mysteria, & actiones, passionisque: denique per ipsius virtutes, quibus placuit Patri, eundem Patrem obsecrando. Modò ipsum filium rogando per amorem, quo nos amplexus est; per officium, quod gerit Mediatoris; per magnitudinem pretij, quo nos redemit. Et ipsum quoque Spiritum sanctum compellando, pro eo amore, quo Christum prosequitur, eiusque merita: in quem fine mensura effusus est. 3. Ex parte nostra, prætenso necessitate & miseria maxima. In iniquitatibus concepti sumus: intus vrgemur

1. Ratio.

2.

3.

à con-

à concupiscentijs: foris impetitur à dæmonibus, & à mundi illecebris prouocamur. Persequitur diabolus in nobis imaginem Dei: vt vel eo nomine debeat nos Deus ab iniuria vindicare. Licebit hic particulares necessitates, ac proprias singillatim commemorare, ad diuinam misericordiam magis permouendam. Aliquando etiam viri perfecti obtendere possunt obsequia, vt Ezechias: *Memento Domine quod ambulauerim coram te in veritate.* Et Christus ipse: *Ego te clarificauit super terram, & nunc clarifica me tu Pater.*

4. Reg. 20. 3.

Ioan. 17. 4.

Atque modus iste orandi traditur ab Apostolo: *In omni oratione & obsecratione cū gratiarū actione petitiones vestra innotescāt apud Deum.* Nec istæ obsecrationes tā adhibentur ad persuadendū Deo, qui ipse vrget & præcipit, vt petamus; quàm ad excitandum in nobis feruorem deuotionis, & impetrandi fiduciam: quòd mereamur exaudiri. Consentit prædictis illa Augustini sententia: *Meditatio parit scientiā; scientia compunctionem; cōpunctio deuotionem; deuotio verò perficit orationē.*

Philip. 4. 6.

Lib. de Spiritu & Ani. c. 79.

Etenim per meditationē homo in Dei, & sui ipsius cognitionem venit; Hinc compungitur, & erubescit de propria vilitate; Compunctus, in Dei misericordia & bonitate conqueiscit dulciter. Huc prouectus, miscet colloquia cum Deo; necessitates exponens suas, fidenterque postulans auxilium opportunum.

CAPVT II.

De modo colloquiorum.

*Finis collo
quij duplex.*

*Primus finis
Eph. 5. 9.*

IN colloquijs potissimum consistit oratio: quo um finis est duplex: alter confessio laudis diuinæ; alter imploratio gratiæ. Ad priorem pertinent quatuor affectus à Paulo recensiti. Implemini spiritu sancto, loquentes vobismetipsis in psalmis, hymnis, & canticis spiritualibus: cantantes & psallentes in cordibus vestru Domino, gratias agentes semper pro omnibus in nomine Domini nostri Iesu Christi, Deo & Patri.

Primus affectus: *In psalmis.* Hic est amor in Deum cū deliberata voluntate non discedendi minimū ab illius mandatis. Hoc est psalterium decem chordarum: quod in oratione pulsatur, quando anima concipit alia atque alia desideria perficiendæ diuinæ voluntatis.

Isa. 6. 3.

Apo. 5. 12.

Secundus affectus: *in hymnis.* Hic est admiratio & prædicatio diuinarum perfectionum in se, & operum mirabilium extra se: propter quæ Seraphim atque Cherubim incessabili voce proclamant: Sanctus, Sanctus, Sanctus: Adde tu: Bonus, misericors, sapiens, omnipotens; & si quid aliud voles. Dicito illi cum senioribus: Dignus est Agnus, qui occisus est, accipere virtutem & Diuinitatem, & sapientiam & fortitudinem, & honorem & gloriam & benedictionem in secula seculorum, Amen.

CAPVT II.

Et quia maior est omni laude: inuita omnes etiam inanimes creaturas, ad eum laudandum, vt fecerunt tres pueri in fornace; & totus ipse in laudes effundere cum Dauide, dicens: *Benedic anima mea Dominum. & omnia, quæ intra me sunt, nomini sancto eius.*

Psalm. 102. 1

Tertius affectus: in canticis spiritualibus. Hic est gaudium & exultatio de diuino bono in se; & quod glorificatur à sanctis in cælo & in terra; illic per possessionem plenam, istic per spem. Vndedicunt: *Alleluia, quoniam regnauit Dominus Deus noster omnipotens, gaudeamus & exulemus, & demus gloriam ei.*

Apost. 19. 6.

Quartus affectus gratitudinis, *agendo gratias* pro beneficijs acceptis: nec non pro collatis in alios etiam, siue homines siue Angelos; quin in ipsa inanimata: quæ per se nequeunt gratias agere, & in ipsos dæmones, qui nolunt: quia sunt obstinati in malo.

Alter finis colloquiorum est, *petitio gratiæ*. In petendo autem variè affici possumus: vel spiritu filiali erga Patrem: quæ ratione iussit nos orare: *Pater noster, qui es in cælis*, vel, vt mendicus à prædiuite subsidium petit: nam *Diues est in omnes, qui inuocant illum*: vel, vt æger medico infirmitatem suam exponit: vel vt discipulus à Magistro edoceri cupit: vel, si eò fiducia surgat, tanquam sponsa cum dilecto suo colloquatur. Sed in his omnibus Spiritus sanctus est præcipuus director; qui & *postulat pro nobis gemitibus inenarrabilibus,*

Secundus finis.

Rom. 10. 12

Rom. 8. 26.
Serm. 45.
cant.

Psal. 41. 6.
Psal. 61. 2.

suum affectum inspirans, qui est maxime opportunus. quare Bernardus rectè dicit: *deuotionem esse linguam animæ; & qui illam tenent, optimè loqui & conuersari posse cum Verbo aeterno.* Licet etiam colloqui nobiscum ipsis arguendo, increpando, excitando, vt sæpè in psalmis: *Quare tristis es anima mea? spera in Deo. Nonne Deo subiecta erit anima mea?* Surgam, & ibo ad Patrem meum. Sanctos etiam alloquemur, tum gratulando ipsis bona sua, tum nobis similia postulando.

CAPVT III.

De excellentia Orationis.

Virtutes
Orat.

PRAESTANTIA apparet; quod in ea exercentur tam sublimes actus, vt in præcedentibus capitibus ostensum est. Quare Chrysostomus eam comparat Reginae cum amplissimo comitatu. Aliæ enim virtutes præcedunt, quibus præparatur anima orationi: Fides, humilitas, reuerentia, intentio pura; aliæ comitantur: Charitas, Religio, deuotio, intellectus, sapientia, aliæque dona Spiritûs sancti; aliæ sequuntur; ardentia desideria, & exercitiâ virtutum, obedientiæ, patientiæ, temperantiæ, & reliquarum.

Oratio facit similes Angelis Seraphinis, per ardentem amorem; Cherubinis, per scientiæ plenitudinem; Thronis, per altissimam in Deo quietem; Dominationibus, per dominium appetitûs proprii; Potestatibus, per im-

perium

perium in demones; Virtutibus, per admirabilem operationem; Archangelis, per fortitudinem in arduis; Angelis, per obedientie promptitudinem; denique, omnibus Spiritibus caelestibus, per sanctitatem & sapientiam.

In oratione non ipse homo tantum cum Deo loquitur: sed vicissim Deus cum homine; Locutio autem Verbi, (vt ait Bernardus) est infusio doni. Inde latitia spiritus inenarrabilis: pax exuperans omnem sensum; Quare audiam, quid loquatur in me Deus, quoniam loquetur pacem in plebem suam, & super sanctos suos, & in eos, qui conuertuntur ad cor.

Oratio est connexa cum omnibus virtutibus, vt Cassianus docet: quod oratio perfecta, sine istis esse non valeat; neque istae absque oratione acquiri vel conseruari possint, ex quo necessitas orationis commendatur. Oratio est finis omnium virtutum: quia per orationem inhæretur Deo, vnione intimâ: quod refertur, quicquid boni in vita agitur. Ibi Deus reddit centuplum pro ijs, quæ ipsius causâ contempsimus, vel tolerauimus: & arham præbet vitæ æternæ.

Fructus.

Serm. 45.

1. Pet. 1. 8.

Phil. 4. 7.

Psal. 84. 9.

Colla. 9. e. 2.

Clym. gra-
llu 28.

CAPVT IV.

De Materia Meditationis.

MATERIA, est vniuersè, quidquid diuinitus reuelatum est. Potest autem distinguui iuxta conditionem meditantium tri-

Materia:

pliciter. Nam aliqui, peccatores sunt; sed cupiunt resipiscere; vel, si peccatum reliquerunt: adhuc subiacent vitæ prioris passionibus, quas mortificare desiderant. Vnde Purgatiuam adhuc viam ingrediuntur. Alij, his superatis difficultatibus, profectui virtutum, & ampliori lumini cœlestium acquirendo intendunt: quæ est Via Illuminatiua. Alij denique progressi sunt ad familiarem & intimam cum Deo vnionem: quæ dicitur Via Vnitiua.

Vitæ Purgatiuæ conuenit meditatio circa ipsa peccata: vt cognoscatur eorum multitudo & grauitas; tum dolor concipiatur admissorum, atque horror peccandi. Ad quem finem iuuant, quæ timorem incutiunt, qui est initium sapientiæ: qualia sunt Nouissima nostra, mors, iudicium, & infernus; de quibus, vt de alijs, ad ritè confitendum, & ad iustificationis gratiam percipiendam, agitur in prima parte Meditationum. Id vbi incipiens peregit; quod etiam à reliquijs peccatorum purgetur: incumbet in meditationem mysteriorum vitæ Christi Domini, & maxime eius infantie; (de qua est secunda pars Meditationum) studens euadere quasimodogenitus infans.

Vitæ Illuminatiuæ, quæ est iam purgatorû, & in virtute proficientium, conuenit Meditatio gestorum Christi per tempus suæ prædicationis, nec non passionis obitæ. Nam proficimus agendo, & patiando: vtriusque documen-
ta

menta præbuit Christus eximia in vita & morte sua, cuius conuersatio fuit, vt August. ait, *mira facere, & mala pati*. de his tractatur in III. & IV. parte Meditationum.

In Psal. 49.

Vix Vnitiuæ conuenit meditatio, tū Christi humanitatis iam resuscitatæ & glorificatæ, tum Diuinitatis in Trinitate personarum, diuinarumque perfectionum, quæ tractantur in V. & VI. parte. *Montes excelsi ceruis, petra refugium herinaceis*. Alta Diuinitatis iuga petunt agiles & expediti ab omni terreno affectu: imperfectis autē petra est refugium.

3.

Psal 107. 13.

Cassian.

Coll 10.

6. 10.

Petra autem erat Christus, eiusque humanitas.

Istæ sex partes meditationum sunt instar sex alarum Seraphim, quibus ad Deum attollimur, indeque purgati, illuminati, atque consummati, regredimur ad perficiendos alios: quia non debemus profectu proprio esse contenti, nisi & alios iuueamus. Deinde ita ex his meditationibus aliæ alijs conueniunt: vt quiuis exercere se possit aliquando in omnibus: tamen non eodem modo, nam Perfectus, ex quibuscunque colliget fructum vnionis; Incipiens autem seu Proficiens, pro sua necessitate, iuuari poterit ex qualibet etiam meditatione. Sed & Imperfectus potest aliquando assurgere ad actus vnionis; vt & Perfectus timore concuti, ob admissa peccata. Et est varietas ingeniorum: vt quidam à supplicijs minus percellantur, ad detestanda peccata; magis autem ex consideratione diuini amoris. Ordinariè autem, viâ incedendum est

euiusque gradus propria, & meditationes adhibendæ accommodatæ.

CAPVT V.

De ingressu ad orandum.

Eccles. 19.
Mater. præ-
parata.

Dei præ-
sentia.

Matt. 6. 6.

Cum oraueris, intra in cubiculum tuum, & clauso ostio, ora Patrem tuum. Pete secretum cordis, & occlude ostia sensuum tuorum. Quod si in hac representatione præsentia Dei, sentiat se homo affici singulariter, morari in ea licebit; ordinariè autem non, nisi ad se sistendum mente coram Deo; à cuius conspectu in reliquo etiam orationis decursu non est discedendum, ut monet Dauid: *Meditatio cordis mei in conspectu tuo semper, sed præcipuè in collo-*

ANTE orationem prepara animam tuam, & noli esse quasi homo qui tenet Deum. Huc pertinet preparatio certæ materiæ, & digestio in puncta: alioqui anima euagabitur per varia sine fructu. Licet autem sequi impulsus Spiritus sancti, si quando trahit aliò à materia proposita: dum non leuiter fiat.

Primum igitur cogitabimus Deum præsentem: qui cum sit vbique non acceditur ad illum passibus corporis, sed fide viuæ præsentia ipsius. Variè autem cogitari potest præsens, vel tanquam mare immensum me circumuallans, & continens; vel tanquam intra me existens per essentiam, præsentiam & potentiam. Et hoc est quod ipse Dominus iussit:

colloquijs : quando effundo orationem meam in conspectu eius, & tribulationem meam ante ipsum pronuntio. Psal. 54. 3.

Secundò exhibenda est profunda reuerentia Deo præsenti; tum gestu corporis, tum animi sensu, semel, iterum ac tertio flexo poplite venerabimur illam Maiestatem, tanto maiori iure, quàm id præstatur Regibus terrenis: dein etiam procidemus ad terram exemplo Christi, qui preces supplicationesq; cum clamore valido, & lachrymis offerens, exauditus est pro sua reuerentia. Hebr. 5. 7.

Post hæc in loco orationi designato genua flectam, & cruce me signabo, præmittens illud: *Per signum crucis de inimicis nostris libera nos Deus noster*; ne ab illis impediatur orando. tum inuocabo SS. Trinitatem: *In nomine Patris, & Filij, & Spiritus sancti*, in cuius virtute instituo, orationem auspiciari. Sunt qui præmittant etiam Confessionem generalem: Quia *iustus in principio orationis accusator est sui*. Et sunt qui ab actione gratiarum ordiantur, vt S. Basilius monet. In quo sequi licet propriam deuotionem: sed illud tamen ab omnibus seruandum, vt aliqua breui precatatione dirigatur præsens opus ad gloriam Dei, & postuletur gratia rectè perficiendi. Oratio præparat.

Prou. 18 17.

CAPVT VI.

*De difficultate meditandi, & de
distractiōibus.*

Difficultas
Meditat.

Iob 17. 11.

Psal. 39. 13.

MEDITATIO, quæ est operatio mentis, & discussio propositæ materiæ, magnam habet difficultatem, vt absque euagatione fiat: de quo etiam Sancti queruntur. *Cogitationes meæ*, inquit Iob, *dissipatae sunt*, torquetur cor meum; & Dauid: *Cor meum dereliquit me*. Prouenit autem ex diuersis causis. Vel à dæmone satagente impedire fructum orationis; vel ex conditione phantasie per se vagæ, & volubilis; vel ab affectibus immortificatis, mentem ad se rapientibus; vel à curis sollicitantibus animam, atq; pungentibus; vel à remissione & ignauia; vel denique à defectu discursus.

Vniuersè oportet rem meditandam, probè concipere: deinde circa illā expendere causas, effectus, circumstantias. Velut in mysterio Incarnationis, primò rem ipsam, prout fides docet, menti distinctè obijciam; deinde considerabo causam motiuam tanti operis; quæ fuit bonitas & misericordia Dei, nō merita hominum; tum finem, ostensionem diuinæ bonitatis, & reparationem generis humani; postmodum fructus, iustificationem, resurrectionem, & glorificationem nostram; item damna alioqui obuentura: deniq; circumstantias loci, temporis, & modi; & qua-

lem

lem carnem & animam assumpserit. Ceterum in singulis punctis immorandum est, quoad fructus elicitur: nec ad alia properandum. & quia, cum à Spiritu sancto peculiariter impellimur, succedunt omnia: oportet etiam, quando extraordinario illo ductu destituimur: per ordinarium gratiæ auxilium, quod non negatur volenti, adiri, quantum possumus. qui conatus, vt minus habeat internæ consolationis: fortè plus meriti, ob maius nostrum studium, & conflictus difficultatem. Aderit Christus *laborantibus in remigando*, & *Matt. 14. 32* tranquillum faciet.

Aduersus euagationes & ariditatem Spiritus iuuant ista. 1. Humilitas, ex cognitione propriæ infirmitatis; & confusione, quod ita cum Deo versemur. 2. Constantia propositi non admittendi vllam cogitationem alienam, conatusque repellendi; exemplo Abrahamæ, qui à Sacrificio abigere volucres perseuerauit, donec ecstasi correptus, meruit de maximis diuinitus edoceri. 3. Oratio, quæ petatur à Deo remedium. *Cor meum dereliquit me: complaceat tibi Domine vt eripias me. Et: Psal. 39. 13*
Anima mea sicut terra sine aqua tibi. Velociter exaudi me Domine, defecit spiritus meus. 142. 7.
 4. Fiducia, quod Deus aderit conantibus, cum ipse iubeat orare. Dicam: *Declinate à me Ps. 118. 115.*
maligui, & scrutabor mandata Dei mei. Et: Psal. 91. 6
Venite adoremus, & procidamus, & proremus ante Deum, qui fecit nos.

CAPVT VII.

*De quibusdam extrinsecis adiumentis,
ad meditandum.*

Adminicu-
la Medit.

I.

Imagina-
tio.

ET SI Meditatio est opus intellectus; iu-
uatur tamen ab imaginatione, lingua, &
sensibus. I. Phantasia, etsi alioqui impedit,
cùm vaga est: tamen confert vis illius ad re-
præsentandum intus rem per imagines, vt
quasi præsens cernatur. Quare id erit facien-
dum in exordio meditationis, pro qualitate
rei meditandæ. Vt si de inferno, cogitetur lo-
cus tanquam carcer, obscurus, arctus, profun-
dus, horridus, igniuomus, quo detineantur da-
mnati. Si de Christi Natiuitate, specus ven-
tis peruia, in qua iaceat Saluator. Verùm, qui
difficulter efformant hæc imagines corpo-
reas, potius abstineant: ne caput lædant; qui
verò facilè, & vehementer concipiunt, ca-
ueant tum à læsione capitis, tum ab elusione
diabolica: qua fit, vt phantasma pro re acci-
piatur, & putetur diuina ostensio: quæ est
imaginationis propriæ figmentum.

II.

Lingua.

II. Iuuat lingua, siue oratio vocalis, ipsam
meditationem, præcipuè in ariditate & di-
stractionibus, nam excitatur ad attentionem
anima, & ad torporem excutiendum. Fit au-
tem dupliciter; vel cùm mens ex affectu pro-
rumpit in verba, minimè præmeditata, aut
composita; vel cùm aptam aliquam preca-
tionem ab alio compositam in eum finem ex-
citandi se ipsam, assumit.

III. Quo-

III. Quod ad sensus externos attinet, quidam sunt collectiores, vitatis omnibus obiectis, occlusisque sensibus; alij autem aspectu coeli, aut piæ imaginis, vel etiam conuentu pio permouentur, ex motibus cæteris, vt tunctione pectoris, geniculatione frequenti, prostratione corporis, expansione brachiorum, statione; alij aliter afficiuntur: vitanda autem in publico, quæ insolita sunt.

III.
Sensus.

CAPVT VIII.

De examine faciendo super Meditatione.

CONFERT multum ad fructum, vt super meditatione iam peracta instituat examen. Id quod circa alias quoque orationes vocales, præsertim longiores facere, operæpretium erit.

Quid examinandū.

I. Examinabo accessum ad meditandum: an præparata sufficienter materia; an præsentia Dei ante oculos studiosè posita; an opus illud pura intentione in Deum direxerim, & obtulerim, gratiâ dignè perficiendi postulata. Quod minus præstiterim, dolebo, cum proposito emendationis.

I.

II. Examinabo progressum orationis: distrectusne atque aridus, an collectus & deuotus fuerim; an multus in discursibus, & parum affectibus intentus; an bona desideria ac proposita in posterum conceperim; & qua re ueren-

II.

uerentia in colloquijs cum Deo me habuerim. Si quid benè gestum; Deo referam acceptum, gratiasque agam: quod minus: eius causam inuestigabo, ad remouendum.

III.

III. Examinanda sunt ipsa lumina in meditatione percepta, & affectus spirituales: dispiciendo, quò ducant animam, & quales in ea pariant effectus: vt discamus varios spiritus discernere.

IV.

IV. Dispiciendum; quâ ratione exequi valeamus, atque in praxim quàm primum deducere, quæ intelleximus, nobis esse faciendas; nam arbor infructuosa excindetur: *Iustus autem erit sicut lignum, quod plantatum est secus decursus aquarum, quod fructum suum dabit in tempore suo.* Cæterum fructus meditationis esse debent: reformatio morum, vitatio culparum etiam leuium; declinatio occasionum mali, & quarumuis imperfectio- num; refrænatio passionum; victoria difficultatum in exercitio virtutum; superatio tentationum; studium laborandi ac patienti- di; in ijs, quæ sunt proprii status, & vocatio- nis accurata exercitatio: denique imitatio Christi, in charitate, humilitate, patientia, obedientia, crucis amore, mortificatione, cæterisque virtutibus; ac præsertim, qua quisque maximè indigere se sentit.

Psal 13.

Fructus
Medit.

CAPVT IX.

De variis orandi modis.

QVAE est hominis infirmitas, vt spiritualium rerum tardium facile concipiat, ad illud vitandum excogitati sunt à viris sanctis diuersi modi orandi. Tres B. P. noster Ignatius quàm accommodatissimos tradit.

I. Modus est, quo decalogi praecepta, aut vitia capitalia, aut internæ animæ potentiae, ipsique sensus exteriores pro materia meditando assumuntur. Qui modus conuenit viæ purgatiuæ; ac de illo agetur in 1. parte meditationum, vbi propriæ de ijs capitibus considerationes proponuntur.

II. Modus, cùm Psalmi alicuius versiculus, aut alia Scripturæ sententia, aut etiam hymni ecclesiastici pars ad meditandum proponitur; eliciendo ex ea spiritu fructumque latentem. Itaque singula verba pensanda sunt: & quò spectent, considerandum. Nam, si Deus in proposita sententia loquatur homini, aut docet, aut præcipit, aut corripit, aut terret; vel contrà, erigit, solatur, allicit: & pro affectu flectendus est animus, Deoq; subiiciendus. Si autem homo loquatur Deo, vt passim in psalmis; aut laudat, & gratias agit; aut petit peccatorum veniam, vel liberationem à malis, aliave beneficia, induendus porro est ille affectus, quem verba præ se ferunt; vel eiusmodi sententia debet assumi, quæ

Cant. 5. 13.

Ioan. 6. 69.

III.

Psal. 18. 131

Diuersitas
Meditar.

conueniat affectui, quē volumus in nobis excitare. Conuenit iste modus viæ Illuminatiuæ, qua scrutatur mysteria diuinorum eloquiorum, ad proficiendum in spiritu. Praxis tradetur in 2. & 3. parte Meditationum, circa orationem Dominicam, & salutationem Angelicam, & alias Christi Domini sententias, quæ in primis efficaces sunt. Nam *labia eius sicut stillantia myrrham primam.* & ipse de se: *Verba quæ ego locutus sum vobis, spiritus & vita sunt.* quod Petrus agnouit, cum dixit: *Verba vite æternæ habes.*

III. Modus constat varijs affectibus per intervalla respirationum, non enim hæretur diutius in verbo aut parte aliqua sententiæ, nisi quantum inter vnā & alteram respirationem intercedit, veluti carpendo cursim ex propositis fructum, & alium post alium affectum concipiendo, & quasi iacula in cælum iaciendo, quod exprimere videtur David illis verbis: *Os meum aperui, & attraxi Spiritum: quia mandata tua desiderabam:* quasi ad singulas attractiones funderet orationem. Conuenit hic modus Viam ingressis Vnitiuam.

CAPVT X.

De supplendo labore meditandi.

TRIPLICITER se habēt homines in meditando; quidā plus ratiocinationi dant, minus affectui; alij plus affectui, sed cū ratiocina-

cina-

cinatione; alij simplici intuitu rei in affectus
 assurgunt: quæ est contemplatio. Verû ad hanc
 ferè non perueniunt, nisi qui in meditando &
 inquiredo, se diu exercuerunt Velut cû puella
 nubere volens, de sponsi conditione multa ex-
 quirit; sed omnibus compertis, ad solâ illius
 mentionem, aut subitû conspectum, tota exhi-
 lare scit; neque quâ expendens singula, ob quæ
 est sibi amabilis; sed ex præconcepta cogniti-
 one subito exardescens Ita, qui diu multumq;
 per meditationis studium in Christi Domini
 gesta, inquiserunt; & deprehenderunt, qua-
 lis, quantusque sit, tandem absq; alio discursu,
 ad quamvis occasionem, in eum rapiuntur,
 atq; ita de alijs meditationis argumētis. Quia
 tamen in nobis facilius delentur spiritualium
 rerum imagines, oportet etiam, exercitatos
 viros renouare subinde ipsas meditationes,
 quibus foueatur ac confirmetur notitia illa
 habituata, lumenque rerum diuinarum.

Cæterum solet Deus quosdam etiam minus
 in meditando antea versatos præuenire in be-
 nedictionibus suis, & speciali lumine persuf-
 fos subito illustrare; atque ob oculos intuen-
 dum ponere, vnde in varios affectus incales-
 cant. Idcirco, qui debilitate capitis, aut alio
 impedimento prohibentur meditationi in-
 tendere, hanc rationem poterunt seruare: vt
 proposita sibi aliqua certa materia, coeleste
 lumen implorent, quod suppleat conatum la-
 boremq; meditandi: præsertim, quia ex præ-
 terito vsu accedit semper aliquod iuuamen;

Simile.

Dei boni-
tas.

cum non planè sint res ignotæ, & nunquā antea perpenſæ. Aderit Deus, qui non deſerit in ſe confidentes. Triplex autē notitia vniuerſe ſpectatur; ſui ipſius, Chriſti Domini; Dei ac eius perfectionum & operum: quæ notitiæ ita ſunt connexæ inter ſe. vt, ex alia in aliam facillimè gradus fiat inter meditandum: & habent ſingulæ proprios quosdam affectus.

CAPVT XI.

De extraordinarijs orandi modis.

Zach. 12. 10

Rom. 8. 2.

Sap. 7. 22.

mod. 12

2 Cor. 11. 14

ORATIONIS donū à Spiritu ſancto eſt, illiè promiſſum: *Effundam ſuper domū David & ſuper habitatores Ieruſalem Spiritum gratiæ & precum*: nam, neſcimus, quid oremus ſicut oportet. Non tamen vno modo Spiritus ſanctus docet orare: vt, valde ſit repræhenſibile, quod quis velit, omnes alios tenere eum modum, quem ipſe probat, ac ſequitur: cum *Spiritus ſit vnus & multiplex*.

Porro generatim modi orandi ſunt duo: alter ordinarius, de quo hætenus dictum eſt; alter verò extraordinarius: iſque multiplex. Sed hunc nec poſtulare, nec expetere quidem licet; quod id ſit præſumptionis, & periculo illuſionis expoſitum, *transfigurante ſe diabolo in Angelum lucis*: oblatum autem à Deo ſubmiſſe & caute oportet admittere; ſeruatis documentis, quæ in 3. p. medit. 19. traduntur, & p. 5. vbi de apparitionibus Chriſti: iuuat tamen, quædam non ignorare, ad hunc modum pertinentia.

Eſt igitur

Est igitur sciendum, quod quemadmodum in parte animæ sensitivæ habemus quinque sensus exteriores, quibus res sensibiles & delectabiles percipimus: ita proportionē quadam in parte rationali sunt actus illis similes, quibus invisibilia Dei & delectabilia percipiuntur; unde existit cognitio quædam experimentalis divinorum: quæ tantò præstat notitiæ, ratiocinationibus comparatæ, quanto degustatio mellis antecellit omnem de eâ re discursum. Hinc existit mystica Theologia, quæ est sapientia, siue sapida scientia Dei, de qua Dionysius, & alij Patres, & nominatim Bonau. de 7. itineribus æternitatis, in 6. itinere. Sed in huiusmodi, ut Bernardus ait, *non capit intelligentia, nisi quantum experientia attingit.*

Primus modus communicationis est, velut aspectui obijciendo aliquod mysterium in tã claro lumine, ut videre homo sibi videatur ipsam rem: quamvis ea visio non excludat fidem. Hanc notitiam comitatur iubilus, qui est gaudium velut exilientis animæ præ lætitiâ, ob tam eximiam charitatem, quale apud Iob: *Deprecabitur Deum, & placabilis erit, & videbit faciem eius in iubilo.* Ad quod inuitamur à Deo ipso: *Vacate & videte; quoniam ego sum Deus.* Sed vacare oportet à terrenis. Tales illustrationes immittere solet Deus servis suis, sed tanquam fulgurationes transeuntes; ut subito cernant quasi oculis mysterium quoddam, aut fidei verita-

II

Audire

Cant. 1. 2

I.

Visio. 1. 2

Iob 33. 20

III

Oportet

Iob 33. 20

Psal. 45. 11.

tem: ex quo mirifici in anima affectus relinquuntur, quin ipsi peccatores nonnunquam similiter illustrantur, ut perspiciant vel peccati malitiam, vel quid aliud, unde penitus immutentur. de quo in p. 5. de conuersione Pauli.

II.
Auditus.

Cant. 5. 6.

Iob 42. 5.

Psal. 84. 9.

III.
Odoratus.

Cant. 1. 4.

Secundus modus per internum auditum: quando Deus ita se interiùs communicat, ut quædam spiritualia verba formet, quibus doceat animam; vel voluntatem suam circa rem aliquam disertè intimet. Vbi non res ipsa cernitur, ut in primo modo, sed percipitur, quid Deus velit, ad cuius vocem diffluit in affectus sponsa: *Anima mea liquefacta est, ubi dilectus locutus est.* Huic internæ locutioni similes sunt inspirationes internæ: quæ communiter iustis, ac ipsis peccatorib. immittuntur: quæ sunt voces Dei. sed nõ illo modo expressè. Ambos modos per visum & auditum insinuat Iob: *Auditu auris audiui: nunc autè oculus meus videt te.* Sed præstat visus, ut habens plus claritatis: quia res ipsa cernitur, nõ edicitur solù. Ergo *audiam, quid loquatur in me Dominus.*

Tertius modus per internum olfactum, quo per sentitur quædam rerum diuinarum quasi fragrantia, valdè reficiens confortansq; animam; atq; in earum prosecutionem inflammans, ut dicat: *Curremus in odorem vnguentorum tuorum.* & Bonau. de Ioanne Apostolo refert, orare solito: *Odor tuus, Domine, exiit aui in nobis concupiscentias æternas.* Sicut canis, vestigia fere odoratus, non desistit ijs insistere, donec reperiatur: ita anima suauitate æternorù

intimè

intimè delinita, ad ea se extendit; nihil morata, quidquid est extra illa. Solent, qui ad Religionem vocantur, aliquid de hoc odore percipere: quando per difficultates quascunq; à proposito nequeunt retardari.

Quartus modus per internū gustatum, quo sunt homini Deus & diuina supra mel & fauum: contraq; planè desipiunt omnia mundana: & solet is sapor etiam in sensum redundare, vt Dauidi continebat: *Cor meum & caro mea exaltauerunt in Deum viuum.* Per hunc saporem fit nobis suaue iugū Domini, & exercitatio virtutū alioqui difficilium. *O Domine quā magna est multitudo dulcedinis tuae, quā abscondisti timentibus te!* quasi dicat: magna & multa est dulcedo; quippe vnaquæq; virtus suam habet propriam, & eam magnā, vnde existat seruator operandi. Verū etsi non datur cuiuis ille sublimis gustus: aliquid tamen de illo cōmunicatur iustis ordinariè; & ipsis peccatorib; vt ablaentur à sensu voluptatib; sed illis in primis datur, qui Christi amore, se penitus abdicarunt omnibus desiderabilibus.

Quintus modus per spiritualem tactū, quo Deus velut tenetur arcto cōplexu: *Tenui eum nec dimittam.* quin & osculum expetit: *Osculetur me osculo oris sui.* & vicissim, Deus, subiecta capiti leua, *dextera sua amplexatur spōsam.* Hæc est quædam adhesio, de qua scriptū est: *Qui adharet Domino vnus spiritus est:* vt absit hinc omnis carnalis cogitatio. Hi sunt spirituales quasi sensus; quos Deus tribuit, vt

IV.
Gustus.

Psal. 83. 3.

Psal. 30. 20

V.
Tactus.

Cant. 3. 4.

1. Cor. 6. 17.

Custodia
sensuum.

placet. Nos interea mortificemus lentius nostros exteriores, vt participare possimus de interioribus, nam teste Gregorio: *Vbi externus sensus clauditur, mox internus aperitur.* Contra verò teste Augustino: *Internus sensus dormit, si suis externus voluptatibus se tradit.*

CAPVT XII.

De præscribendo Meditationi tempore.

Orationis
tempus du-
plex.

1.

2.

3.

4.

5.

Ordinariū
tempus.

Mat. 26. 40.

ORATIONIS duplex tempus esse potest: vnum quotidianum & statum, alterum extraordinarium, cum ad vnā vel plures hebdomadas, cæteris curis sepositis, homo se tradit diuinorū commentationi, quod ob plures causas suscipi potest. I. Ad seriam conuersionem, per accuratam & generalē confessionē. II. Ad comparandum mysticæ huius Theologiæ vsum per plures hebdomadas, sub aliquo spiritali duce. III. Ad consulendū Deum de vitæ statu; vel etiā de negotio aliquo graui suscipiendo. IV. Quamuis alioqui vir in hoc genere exercitatus, cum sentit se languere: ad excitandum spiritum. V. Quando etiam nihil horum subit, ad fruendum Deo per otium.

Ordinariū & quotidianū tempus non potest omnibus idem præscribi. vtile foret mane aut vespere horam vnā ponere, exemplo Christi, cū obiecit Apostolis: *Non potuistis vna hora vigilare mecum?* Si minus liceat horā dare, saltē mediam, aut quartā partē, & in festis amplius aliquid. Sed quod constitutū semel fuerit, vel ex obligatione Instituti, vel ex deuotione,

debet

debet inuiolabiliter obseruari : alioqui semel
aut iterum omitendo, fit, vt penitus negligatur.
In quo imitabimur Daniele : qui nec
metu mortis intermisit ternum quotidie pre-
cationis tempus ; vnde meruit à leonibus il-
latus seruari. Ita nos ob consuetum orationis
tempus non patiemur iacturam aut damnum
in cæteris negotijs : ob quæ alioqui solemus à
consueris exercitijs auocari.

Dan. 6. 10.

Iuuant orationem frequentata per diem ad
Deum suspiria ; quas iaculatorias vocant ora-
tiones, quibus deuotio in meditatione conce-
pta fouetur ; & qui illi non vacant, per ea sup-
plent illius vices, & fructum. Et est eò facilis,
quòd breuis ; & potest affectuosius fundi ; neq;
enim Deus in multiloquio exaudit : & ita eti-
am impletur Christi præceptum : *Oportet sem-
per orare, & nunquam deficere* : & illud ; *Reli-
quia cogitationum diem festum agere tibi*. nam
istæ orationes sunt veluti reliquæ ex medita-
tione præcedenti, quas S. Chrysostomus vult
minimum ad horas singulas frequentari : vt
sint quasi quoddam spirituale horologium : &
frequentabantur olim, teste Cassiano, à san-
ctis Aegypti incolis inter labores manuum as-
siduè, cum ingentifructu : qui potest ex contra-
rio æstimari. Nam si quis tam esset impius, vt
per momenta in Deum contumelias iaceret :
quantum is sibi malorum cumulet : tantun-
dem vir pius meritorum, per religiosos affe-
ctus identidem expressos, sibi proculdubio
conquiret.

Iaculatorie
preces

CAPVT XIII.

De usu sequentium Meditationum.

Vsus Med.
seq.

I.

II.

III.

VARIVS vsus potest esse sequentium meditationum. I. vt seruiant lectioni spirituali, in qua Deus velut loquitur legenti ea, quæ scripta sunt; intus mentem de ijs illuminans; affectumque mouens, quare debent attentè legi, neque cursim, sed cum meditatione quadam, & petita gratia cum fructu legendi, *Loquere Domine, quia audit seruus tuus.* II. vt præbeant materiam meditationis. iuuat enim ad colligendam mentem, quando super punctis meditationis aliquid prælectum est: & possunt inde colligi certa puncta meditanda, quorū sufficiant. affectus autem, petitiones, & colloquia non sunt conceptis verbis ex libro sumenda, sed suggerente spiritu formanda, & fundenda. III. vt Patres spirituales inde suos filios instituunt, & informant in ratione meditandi, suppeditatis punctis meditandi, pro capacitate & necessitate cuiusque; quin & ad exhortandum & exstimulandum ad perfectionem pro ratione status, conferre possunt. Ob quos fines in meditationibus afferuntur multa ex sacris literis & Patribus; & habent, in quo exercere se possunt, incipientes, proficientes, atque ipsi perfecti.

Introductio ad 1. partem Meditationum.

MEDITATIO, vt ait S. Bernardus, fa-

CIT

eit ad puritatem cordis: & quod S. Petrus in-
 quit, *Fide purificans corda eorum*, tunc præci-
 puè contingit, si mysteria fidei accurata con-
 sideratione expendantur: cumque omnia iu-
 uent, potissimum illa, quæ viæ purgatiuæ
 conueniunt. Huc spectant triplicis generis ac-
 ctus. I. cognitio sui, & contemptus: vnde exi-
 stit virtus humilitatis. Porro hæc est duplex:
 vna eorum, qui nunquam animam lethali
 culpa scedarunt: qui nihilominus humiliari
 debent ex consideratione sui nihili, quod ex
 se sunt, tam quoad naturam, quàm quoad gra-
 tiam, quò faciunt meditationes 6. partis. Al-
 tera est eorum, qui aliquando se inquinaverunt:
 isti autem humiliari debent suarum intuitu
 miserationum, & his conueniunt meditationes
 I. partis II. genus actuum, est illorum, qui ad
 iustificationem disponunt, vt sunt timor di-
 uinæ iustitiæ, spes misericordiæ, dolor de
 peccatis, confessio, satisfactio. III. genus ac-
 ctuum, quibus remanentes ex peccato mali
 habitus, & inordinatæ passionis mortifican-
 tur: nam equum est, quod possit Apostolus: vt
*sicut exhibuistis membra vestra seruire iniusti-
 tiæ ad iniquitatem: ita nunc exhibeatis, seruire
 iustitiæ in sanctificationem.* Et sicut porta-
 uimus imaginem Adæ terreni, ita portemus
 celestis. Imo qui feruentiores sunt, non de-
 bent esse contenti illa paritate, quam per in-
 dulgentiam permittit Apostolus, sed potius
 obaudire debent prophetæ consulenti: sic-
fuit sensus vester, vt erraretis à Deo: decies tantum

Aster. 15. 9.

I. Humilitas
duplex.II. Dispositio
iustificar.III. Passio
mortificati-
onis.

Rom. 6. 19.

1. Cor. 15.

149.

B
ayac. 4. 28

ite-

iterum conuertentes requiritur eum. Caterum
conuenit, etiam iustos, qui longius progressi
sunt in via spirituali, aliquando se referre ad
meditationes purgatiuæ, siquidem monemur.

De propitiato peccato noli esse sine metu;

Et, ne verearis vsque ad mortem

iustificari; Et, qui iustus

est, iustificetur

adhuc.

Eccli. 1. 3.

6. 18. 22.

Apo. 22.

11.



PRIMA PARS

MEDITATIONVM.

DE PERTINENTIBVS AD


purgandam animam à peccatis.

MEDITATIO PRIMA

&

FVNDAMENTVM RELI-

QVARVM.

De ultimo fine Hominis.

RAELVDIVM I. Pro loci compositione, cogitabo Deum quasi mare immensum, ex quo manant veluti riui creaturæ omnes, atque ad eundem reuer-

tuntur.

PRAELVDIVM II. Petam lumen cognoscendi penitus finem meum, atq; ad eum actiones vitæ meæ deuiantes dirigendi; illud vsurpans; *Emitte lucem tuam & veritatem: Psal. 42.3. tuam: ipsa me deduxerunt, & adduxerunt in montem sanctum tuum, & in tabernacula tua.*

PUNCTVM I.

Quis sit finis Hominis.

I. V DELICET, vt Deum laudet ac reueretur; cique seruiens, tandem sal-

uus

Rom. 6. 23.
Finis pri-
mus homi-
nis

uus fiat, quod ait Apostolus: *Habetis fructum vestrum in sanctificationem: finem verò vitam æternam.* Quasi dicat: finis proximus pro hac vita, est sanctitas actionum; vltimus autem, felicitas æterna. Circa quod expendam, quod non sum creatus ad indulgendum cupiditati-
bus; vel ad ambiendum honores, vel opes cum-
mulandas. quod plerique tamen faciunt; sed
ad cultum deferendum Deo debitum, eiusq;
mandatis ac voluntati seruiendum: quod
perpauci seriò præstant.

Vltimus.

II. Quod spectat ad futuram vitam; cum
humana conditio nihil tale postulatet; boni-
tate sua Deus destinauit hominem, vt Deum
clare in se ipso videret, eoque frueretur, sum-
mo bono: quod est, simillimum fieri Deo: qui
eò beatissimus est, quod se ipsum videt, & a-
mat. *Scimus*, (inquit S. Ioannes) *quoniam,*
cum apparuerit, similes ei erimus: quoniam vi-
debimus eum, sicuti est! O finem altissimum! &
tenebatur alioqui homo, absque tali mercede
Deo suo omne obsequium præstare. Præstabo
igitur tanto studiosius. Sed prò, quàm aliter
meam hæcenus vitam impendi! Dimitte,
Domine, dimitte, vt *plangam paululum* hanc
supinam in tanto negotio negligentiam, *an-*
tequam vadam in terram tenebrosam & oper-
tam mortis caligine. Dimitte, Domine, dimitte
propter temetipsum!

1. Ioan. 3. 2.

Iob. 10. 71.

Damna-
tio.

II I. Quem non permouet tam excellentis
finis amor, deterreant mala, quæ deficientem
à fine suo consequuntur. Et quid est in hac vi-

ta bo-

ta boni, quod vicissim tantam sarciat iactu-
ram? nam, *quid prodest homini, si vniuersum* *Matt. 16. 26*
mundum lucretur, anima verò sue detrimen-
tum patiatur? Ergo age, anima mea; illuc
contende, propter quod condica es: illum sa-
rage comprehendere, qui est omne bonum; &
extra quem nullum est verum bonum: is est
centrum tuum, in quo solo potes adipisci re-
quiem. *Fecisti enim nos ad te, Deus; & inquit-*
sum est cor nostrum, donec requiescat in te.

S. August. l.
1. conf. cap. 2

PUNCTVM II.

Quis sit finis aliarum rerum.

VT iuuent hominem, ad finem suum con-
sequendum, tam in hac vita, quam in al-
tera sicut ait Dauid: *dedit illi regiones genti-* *Psal. 104. 4.*
um, & labores populorum possederunt, vt custo-
diant iustificationes eius, & legem eius requi-
rant. circa quæ tria consideranda veniunt.

I. Munificentia Dei erga hominem, in cu-
ius vsum tot, tamque varia condidit; non ad
necessitatem modo vitæ, verum etiam ad ob-
lectationem, quare, quod ipsis creaturis Deus
dedit; mihi præcipue dedit; propter quem il-
læ sunt. *Benedicite ergo omnia opera Domini*
Domino. perque singula discurrendo, per cæ-
los, elementa, plantas, aliaque pro singulis
gratias agam.

Liberalitas
Dei.

II. Quod, cum ipsæ creaturæ obsequium
suum tam fidele mihi præstent; contra, ego eis
abutar: siquidem non vtor, vt medijs, ad finem
meum consequendum; sed tanquam in fine

Creaturæ
obsequiu.

proprio, in illis acquiesco. quæ est inordinatio maxima: idque facit omnis peccans, vel ipsa naturali creaturarum inclinatione reclamante: quæ proinde liberari à servitute ista cupiunt, quam serviunt peccatoribus sique possent, subducerent se à sensibus eorum, ne illos oblectarent; quando in Dei offensam cecidit: vereque ipsi peccatores digni essent tali subtractione; nisi ratio diuinæ providentiæ eam veraret, quæ *solem oriri facit super iustos & iniustos: & pluit super bonos & malos.* Deslebo meam & similitum ingratitudinem, in tanto abusu donorum Dei, & mediorum consequendi finis.

Notitia De
ex creatu-
ris:

Rom. 1. 20.

Vsus
rectus.

III. Serviunt etiam creaturæ ad finem hominis; quia ex ipsis creator illarum cognosci potest, & amari: & inuitant quodammodo ipsamet hominem ad diuinas perfectiones contemplandas, quæ in eis sunt adumbratæ. Nam *inuisibilia Dei per ea, quæ facta sunt, intellecta conspiciuntur; sempiterna eius quoque virtus & diuinitas.*

PUNCTVM III.

1. **E**X duobus punctis præcedentibus, tantquam ex præmissis certis & necessarijs, colligitur illa conclusio, & vitæ regulæ: oportere hominem indifferentem esse circa usum omnium creaturarum; vt vel utatur, vel abstineat; vel hoc aut illo modo utatur, prout ad finem suum vltimum conducet. Quæ indifferentia est apex perfectionis, & o-

rigo

origo omnium bonarum actionum, contraque est peccatorum omnium radicitus extirpatio.

II. Hinc aggrediar perscrutari cor meum circa affectiones rerum creaturarum; diuitiarum, honorum, voluptatum, cognatorum & amicorum; aliorumque omnium, quæ suspecta esse possunt: & sicubi hæret affectus, enitar euellere, meque in indifferentia vera constituere, in manus Dei proijciendo; qui maxime illis prouidet, qui se totos ipsi committunt: sicut etiam promittit: *Querite primum Regnum Dei, & hæc omnia adyicientur vobis.*

Mortificatio.

Matt. 6. 33

III. Et quia huc assurgere non est virium hominis; auxilium diuinum suppliciter implorabo. *De his punctis plura in sexta parte.*

PUNCTVM IV.

ALTERA Conclusio ex iisdem principijs sequitur: quodd peccatum super omnia mala detestandum sit: quippe quod solum priuat hominem suo fine, ei que directe aduersatur, præsertim mortale quare in scriptura dicitur Deus factis malis abnegari: *venter esse Deus; & pecunia idolum*: quia Deus honore finis vltimi priuatur, peccando; isque in creaturam transfertur, quæ Deo præferatur.

Detestatio peccati.

Titi 1. 16.

Philip. 3. 19.

Ephes. 5.

MEDITATIO II.

De triplici peccato, Angeli, Ada, & particulari quocunque.

AESTIMATUR grauitas peccati in hac meditatione ab exemplis, quæ merito formidare debemus; atque ex eis cognoscere imbecillitatem nostram, ne fidamus nobis ipsis.

Pro introductione huius & sequentium meditationum cogitabo, Deum pro tribunali sedentem, aspectu formidoloso: à facie cuius fluuius igneus rapidusque egreditur, ad hauriendos peccatores; me verò multorum criminum reum, cathenis vinctum coram illo assistere, sententiam promeritam excepturum.

PVNCTVM I.

Lapsus Luciferi, & sequacium Angelorum.

Ezech. 28, 13

*I.
Angelorum
dignitates.*

I. **A**NGELVS qualis fuerit creatus. Tu signaculum similitudinis, plenus sapientia, & perfectus decore, in delitijs Paradisi fuisti; omnis lapis preciosus operimentum tuum. Hi lapides fuerunt, I. quòd purus spiritus sine vlla corporis admixtione. II. quòd immortalis, & nec posset mori. III. quòd intelligens, & mira ingenij subtilitate ornatus. IV. quòd li-

ber

ber, ac Dominus suarum actionum. V. quòd sapiens, omni scientia præditus rerum creaturarum VI. quòd potens super omnes creaturas. V I. quòd sanctus à donis gratiæ. VIII. quòd incola cœli Empyreï IX. quòd capax videndi Deum in semetipso; &, cum spe certa id assequendi, modò perstitisset.

II. Quòd ingratus ex ijs ipsis donis accepit ruinæ occasionem, inquit scriptura: *Elevatum est cor tuum in decore tuo.*

III. Quòd in momento deturbatus est: *Videbam S. tanam tanquam fulgur de cœlo cadentem: nec ullus ei relictus pœnitentiæ locus, idque ad nostram instructionem; ut monet S. Petrus, Si enim Deus Angelis peccantibus non peperit, sed rudentibus inferni detractos in Tartarum tradidit cruciandos, quanto magis nos?*

IV. Applicabo hæc tria ad me, æstimans bona accepta; ingratitudinem à me redditam abusumque donorum; at pro meritum iudicium: tantò magis, quòd non vnum, ut Angelus, sed plurima peccaui; non cogitatione tantum, ut ille: sed verbo & opere; nec in vno genere, ut ille, superbiæ: sed in multis; &, quod maximum est, contra sanguinem Christi, in quo redemptus & sanctificatus sum, eum non ite in Angelus. Concutiar debito timore à periculo, in quo versatus fui; mirabor patientiam & longanimitatem Dei, & meum iudicem deprecabor.

II.
Ingratitudo.

I II.
Vltio.

2 Petri 2.4

IV.
Antichristus.

FVNCTVM II.

I. *Peccatum Ada: in quo similiter tria
considerabo.*

I.
Dona Adg.

I. **Q**VALIS creatus sit, videlicet ad imaginem & similitudinem ipsiusmet Dei: II gratiâ donatus: qua erat filius Dei adoptione III cum iustitia originali: qua appetitus plenè rationi subiectus erat. IV. immortalis, vt posset non mori, si vellet; & immunis ab ærumanis & miserijs, quas nunc patimur. V. Dominus creaturarum factus, & indita illarum cognitione imbutus. vt omnibus nomina imponeret. VI. in loco deliciarum constitutus; transferendus aliquando in cœlum cum glorificato corpore ad visionem Dei.

2.
Ingratitudo.
Genes 3 4.

II Quàm ingratus extiterit, nam Eua acquieuit serpenti pollicenti: *Nequaquam moriemini, sed eritis sicuti dñj, scientes bonum & malum.* Adam etiam, quem saltem oportebat sapere, indulgit mulieri, vt gustaret de fructu contra præceptum Dei.

3.
Vltio Dei.

III. Quæ sit poena consecuta I. spoliati sunt gratia adoptionis II. exuti iustitia Originali rebellante appetitu. III. necessitati moriendi facti sunt obnoxij: & tot tantilque miserijs, quas posterius etiam magno sanè suo damno experiuntur: qui etiam nascimur filij iræ; quia in Adamo peccauimus. Atque ex eo peccato tanquam origine pullularunt plurima alia,

quor-

quotquot ab hominibus perpetrantur. IV. denique genus humanum factum est reum æternæ damnationis, actumq; in exilium, vt in sudore vultus sui pane suo vescatur, vitamq; sustentet: terra etiam ipsa propter hominem à Deo maledictioni deuota.

IV. Expendam, quòd ego similiter Diaboli tentationibus circumueniri me quàm sapissime passus sim; carne, vt altera Eua, spiritum pelliciente; quodque per superbiam, Dei similitudinem affectauerim, arrogans mihi non mea, sed Dei; & tandem, quòd pro vna Adæ inobedientia, ego innumerabiles admiserim.

V. Quòd Adam diuturnam valde poenitentiam egit, toto vitæ tempore, quam extraxit ad nongentos annos. *Et eduxit illum.* vt ait Sapiens, *a delicto suo.* cuius exemplo seriam agam poenitentiam, Deo supplicans, vt nunc feriat, vrat & secet: modò in æternum parcat.

PUNCTVM III.

Circa peccatum quodcunque lethale.

I. **C**OGITATIONE in infernum descendens, ibi contemplanor complures, qui ob vnum aliquod peccatum mortale sempiternas poenas luunt, alij ob aliud; & ex ijs aliqui, qui vixerunt aliquando piè & sanctè, sed per remissionem, in peccatum lapsi, in eo mori permisi sunt, iusto Dei iudicio: atque ita delinquentes in vno, *facti sunt omnium rei,*

4.
Antithesis.

5.
Pœnæ grauitas.
Sapien. 10. 2

1.
Pœna vnius peccati.

Iac. 2. 10.

ut ait S. Iacobus, hoc est perinde aeternae damnationi addicti, etsi non pari poenae.

Antithesi

II. Considerabo quodd idem mihi contingere potuerit, qui saepe saepius peccaui, & infernum in singulis promerui: quod autem secus euenerit, non ullis meritis meis, sed bonitati singulari Dei erga me adscribam. simul gratias agens, & constituens firmiter, non abuti amplius Dei patientia, & commissa per debitam poenitentiam expiare

Præseruatio quid.
Psal. 138.

III. Expendam, quodd præseruatum esse à damnatione, cum illam meritò poteram incurere, perinde est, atque ex ipso inferno fuisse ereptum: ut dicere possim: *Confitebor tibi Domine; quia misericordia tua magna est super me. & eruisti animam meam ex inferno inferiori.* Iam, si quis inde ereptus fuisset, locusque poenitentiae ipsi datus, qualem & quantam libentissimè perageret? quàm se gratum exhiberet? faciam ergo id ipsum.

PUNCTVM IV.

Luce 22. 31.

Passio Christi pro peccatis.

I. **A**ESTIMANDA est grauitas peccati, præcipuè ab exemplo Christi, quod efficacius multò est tribus reliquis. Nam, *si in viridi ligno talia sunt*, & filius Dei tanta deuit pati pro expiandis peccatis alienis; *in a quo quid fiet?* quantum suppliciorum reseruetur ipsi peccatori? 2. I taque repræsentabo mihi Christum per omnes passionis suæ partes, pro me exsoluentem; variosque affectus excitabo in me, modò timoris à tanta seueri-

tate

tate iudicij; modò compunctionis, quòd causa extiterim; modò vindictæ de me ipso; sed & certos Christi cruciatus certis peccatorum generibus applicabo, tanquam pro illis inflictos, ut fel & acetum pro gula; coronam spinæ pro superbia; flagella pro carnis indulgentia; atque ita de alijs Et tandem Christo supplex petam, mihi efficaciter applicari fructum ipsius passionis: & pro eo gratias agam.

MEDITATIO III.

*De gravitate peccatorum ex multitudi-
dine, & pugnantiâ cum ra-
tione.*

PUNCTVM I.

I. **M**VLTITVDO colligenda est ex decursis omnibus vitæ partibus & officijs, atque fieri debet cum sensu animi, qualis Ezechia Regis. *Recogitabo tibi omnes annos meos in amaritudine animæ meæ.* Ac præter mihi cognita, ne dubitem, restare cōplura ignota, pro quibus orat David: *ab occultis meis munda me Domine.* II. Fugiant autem nos vel per obliuionem; vel ob subtilitatem, ut interni motus superbiæ, sinistra intentiones, omissiones; vel ex ignorantia, & circumuentione inimici per speciem boni operis. III. Ex utrisq; notis & ignotis colligam immen-

Isai. 38. 15.

Psal. 18. 17.

sum numerum, vt dicere possim cum Dauide,
Psal. 39. 13. Super capillos capitis mei multiplicatae sunt ini-
2. Paral. in quitates mea; & cum Manasse: Super arenam
fine. maris. Vnde laudabo patientiam Dei, qui non
 vnam aut alteram à me iniuriam (quod
 ipsum apud homines vix toleratur) sed in-
 numerabiles sustinuerit.

PUNCTVM II.

Grauitas
 peccatorū,
Luc. 17. 2.

2. Petri 2. 4.

Psal. 21. 14.

Recidua,
Mat. 18. 26.

I. **A**ESTIMABO iam ex multitudine
 grauitatem meorum peccatorum;
 nam si quotuis, lethale est instar lapidis mo-
 laris, quo deprimimur in profundum abyssi:
 quam depriment tot, talesque lapides? Ne-
 citur ex tot peccatis velut catena ferrea, ad
 infernum vique pertingens, quā peccator
 constrictus, illuc pertrahitur, quemadmodum
 Lucifer cum suis à coelo ipso detractus est
rudemibus inferni, vt ait S. Petrus. II. Sunt eri-
 am instar crudelium ferarum, quæ animam
 circumstant ad laniandum, ac deuorandum.
Aperuerunt super me os suum, sicut leo rapiens
& rugiens III. sicut denique debitum illud
 decem millium talentorum, cui soluendo ne-
 mo est, quamuis omnia eius diuendantur. IV.
 Et augetur malum, quòd in eadem peccata
 sapissime relapsus sum, sicut canis ad vomit-
 um reuersus; & sicut sus lota ad voluta-
 brum luti Sed adhuc semel Domine patienti-
 am habe in me, & omnia reddam tibi per gra-
 tiam tuam.

PVNCTVM III.

1. **E**T cùm homo ad imaginē & similitudinem Dei factus sit, per peccatū iumentis insipientibus comparatur, & eis similis efficitur. Si minus quoad substantiam animæ, certè quoad vitam & operationes, nam operari est viuere. 2. Deinde assiduitate peccandi habitus contrahit bestiales, quibus quasi in naturam versis, continentur agitur ad malum. 3. & postremò quid deformius, quàm rationem ancillari sensui? spiritum carni? quin homo fit seruus diaboli & peccati; à quo enim quis superatus est, eius & seruus est. Et *omnis qui facit peccatum, seruus est peccati.* 2. Pet. 2. 18. Certè & diabolus & peccatum plus valent in *ioan. 8. 34.* animam peccantis.

Peccatum
contra ra-
tionem.

MEDITATIO IV.

*De gravitate peccati ex vilitate
hominis.*

PVNCTVM I.

Quid sit homo secundum corpus.

EX limo terræ: foenum & flos agri, vapor ad modicum parens; umbra fugiens, qui *brevi viuens tempore, repletur multis miserijs,* Job. 14. 1. & innumeris necessitatibus est obnoxius: & hic eum, à quo solo iuari potest, tam audacter offendit? & eum, qui perdere potest in gehennam?

Vilitas
corporis.

PUNCTVM II.

*Quid sit homo quo ad animam.**Psal. 38. 6.
Vilitas
animæ.**Soliloq. c. 5.*

1. **E**X nihilo creatus, substantia mea tanquam nihilum ante te; & in nihilum recideret, nisi à Deo conseruaretur; & sine quo nihil potest agere. 2. Deinde in peccatis secundum animam conceptus est, & immoderatis passionibus agitur intus; foris autem ab inuisibilibus inimicis incessanter appetitur; vnde passim peccatis inuoluitur: vt melius foret, si natus non esset. 3. Et tandem, vt ait S. Augustinus, nullum est peccatum, quod vnquam fecerit homo, quod non possit facere alter homo; ita ex se miser est, & totus quasi vlcus, vnde sanies fluit, nisi sanetur à gratia. Et hic irritabit illum, à quo solo è tantis malis vindicari potest?

PUNCTVM III.

*Quàm sit exile bonum, quod homo quisque habet.**Isa. 40. 17.
Sap. 11. 23.*

1. **P**RIMUM comparatione aliorum omnium hominum: plura enim in alijs sunt, quibus carent singuli. 2. Deinde quid sit præ omnibus hominibus & angelis. 3. Et tandem quid respectu Dei, nam omnes omnino gentes quasi non sint, sic sunt coram eo; & quasi nihilum & inane reputatæ sunt ei; & tanquam momentum statera, sic est ante te orbis terrarum, & tanquam gutta roris antelucani, quæ descendit in terram. Quid sunt stellæ in præsentia

sentia Solis? nec apparent quidem. Quid bona omnia creata in vnum hominem congesta, siue corporis siue animi? nihil. *Nemo bonus nisi solus Deus.* Et tantillus non veretur liberimè hunc offendere? hunc irritare? propterea in fauilla & cinere agam penitentiam.

Luc. 18. 19.

Iob. 42. 6s

MEDITATIO V.

*De gravitate peccati ex Dei offensi
excellencia.*

PUNCTVM I.

Perpendam Diuinas perfectiones, ex quibus potissimum aggrauatur peccatum.

I. **E**ST bonitas: ob quam Deus est dignus infinito amore, quali se ipse amat: & beati clarè eum videntes, toto corde in eum feruntur, nec possunt non ita ferri; tanta est illius amabilitas. & hunc ego flocci habui?

1.

Bonitas.

II. Immensitas, quâ replet omnia, notitiaque infinita. Itaque in sinu quasi Dei existens, non tantùm in conspectu, non dubitauit ea patrare, quæ serenissimi eius oculi execrantur. *Oculi enim eius mundi sunt, nec vident malum, nec respicere ad iniquitatem sine horrore possunt.*

2.

Immensitas.

Abac. 1. 13.

III. Omnipotentia, qua rebus omnibus dat esse, & operari: vt ipsamet actiones malæ, quæ sunt aliquæ res, exerceri sine illo nequeant; concurrat autem pro bonitate sua vt naturæ cursum teneat, & libertatem hu-

3.

Omnipotentia.

ma-

manam seruet. Igitur cooperatione Diuina ego abutor, & eam seruire facio meæ cupiditati.

PUNCTVM II.

*Ex beneficiis acceptis à liberali Dei manu
aggrauatur peccatum.*

Beneficia.

1.

Dent. 32. 6.

IPSE creauit, conseruat & gubernat. Hic rine reddis Domino popule stulte & insipientes? nunquid non ipse est Pater tuus, qui posedit te & fecit & creauit te? Deum qui te genuit dereliquisti, & oblitus es Domini creatoris tui? En, quot verbis similibus inculcat, vt indignitatem offensæ apprehendam.

2.

2. Redemit. & quonam modo, & quanti? ipse Pater, Pastor, Medicus, Magister, & Saluator meus & hunc, peccans, iterum crucifixi, & ostentui habui.

Hebr. 6. 8.

3.

3. Sanctificauit. Huc spectant Sacramenta, idcirco instituta, præsertim Baptismus, Eucharistia, Pœnitentia; nec non sancti Spiritus internæ inspirationes & auxilia, milleque media diuinitus oblata; & ipse tandem sanctificationis finis; promissa Resurrectio, & gloria. quæ cum ita sint: quidni dicam maiori iure cum Ioseph, quando pelliciebatur ad peccatum; Quomodo possum hoc malum facere, & peccare in Dominum meum? Et illud Saulis ad Dauid: Iustior tu es quàm ego (Deus meus) tu enim tribuisti mihi bona, ego autem reddidi tibi mala.

Gen. 39. 9.

1. Reg. 24. 18

PVNCTVM III.

Propter quid offenderim Deum.

PROPTER leuissimam rem, siue voluptatem, siue lucrum, siue auram popularem; tales mihi deos fabricans, & Barabbam Christo præponens. *Obstupescite cæli & portæ eius* Ierem. 2. 12. *de solamini vehementer propter duo mala, quæ fecit populus meus: dereliquit me venam aquarum viuentium, & foderunt sibi cisternas dissipatas, quæ continere non valent aquas.* Peius hoc, quàm quòd Esau primogenita sua *ven-* Gen. 25. 33. *diderit pro lentis edulio: quæ ille recuperare amplius non potuit: At, quæ est bonitas & misericordia Dei, mihi licet, gratiâ ipsius.*

PVNCTVM IV.

STUPOR & exclamatio: quæ me tam ingratum terra sustinuerit! neque armauerit *Deus creaturas ad vltionem inimici*, Sap. 5. 18. *quin seruire eas mihi fecerit, solem, Astra, elementa, plantas, animalia, & ipsos Angelos.*

MEDITATIO VI.

De grauitate peccati ex pœnis.

PVNCTVM I.

EX pœnis temporalibus, quæ infligi à Deo solent in bonis, tum externis, tum corporis, & in vita ipsa; certè tria illa Fames, Bellum, Pestilentia, quorum data est optio Dauidi, à peccatis venire solent.

PVN-

PUNCTVM II.

I.
Peccatum
pœna ma-
ius.

PECCATVM est malum tantò maius illis omnibus pœnis, vt simul omnes non sufficiant soluendo debito pro vno peccato mortali.

1.

I RATIO: Quia istæ pœnæ priuant hominem bono aliquo creato & finito: culpa autem bono infinito. Et sicut Deus absolutè solus est bonus, ita illud absolutè est malum, quod priuat Deo: reliqua secundùm quid mala. Quare bene Eleazarus olim respondit: *Præmitti se malle in infernum, quàm prauari-
cari legem Dei.*

2. *Malachab.
cap. 6. 13.*

2.

Amos 3. 8.

2. RATIO: Hinc fit etiam, quòd Deus, cum reliqua mala inferre valeat (nam non est malum in ciuitate, quod Dominus non fecerit) culpæ tamen auctor esse non potest. Item, cum filius Dei ad omnia alia se dimiserit mala: peccatum, vel minimum non potuit admittere.

3.

3. RATIO. Quòd mala cætera adhibentur à Deo in medicinam peccati: nemo autem sapiens medicus intulerit maius malum ad curandum minus; certè Christus ideo tot illa & tanta perpeffus est, vt medicinam faceret peccato.

PUNCTVM III.

II.
Maius æ-
terna.

EX comparatione æternæ pœnæ: Nam mala omnia præsentis vitæ nec computantur in partem supplicij culpæ debiti; sed

de in-

de integro punitur peccator in inferno, quamvis summa in hac vita fuerit passus. Id autem iustè sit: nam, cum peccatum sit infinitum à maiestate infinita Dei offensi; debet quoque pœna esse infinita: talis est inferni: eò quod priuat Deo. *Sed quia hæc amantibus Augustinus in Psal. 49.*
duntaxat pœna est, non contemnentibus, ut ait
 Augustinus: idè istis decreta est pœna sensus inferni; præ qua præsentis videri umbra debent.

PUNCTUM IV.

TANDEM, vel ipsæ inferni pœnæ simul omnes non æquant peccati malitiam: ut si optio detur vel illas subeundi, vel peccatum admittendi; prius omnino præoptari debeat. Sed hæc collatio non est necessaria, quando dari nequit casus, ubi alterutrum sit necessarium eligendum.

III.
 Peccatum
 peius in-
 ferno.

DE NOVISSIMIS.

MEDITATIO VII.

De proprietatibus Mortis.

PUNCTUM I.

QUOD sit certa & ineuitabilis; & ita quidem, ut Deus præfinierit diem & horam, quæ præteriri non poterit. Proinde conuenit, ut omnem vitam ponam in seruitio Dei, à quo per momenta pendet. 1. Porro
 2.
 Deus

1.
 Mors certa.

2.

Deus aliquādo prorogat ultra naturales causas, vel ad preces, vt Ezechiae: & ijs, qui suscitantur à mortuis; vel ob alia consilia suae prouidentiae. Aliquando etiam minuit, vel *ne malitia mutet intellectum*; vel contrā, in poenam. *Viri sanguinum non dimidiabunt dies suos* Et pro expiando peccato in hac vita; vt ille Propheta, qui quod cibum sumpsisset contra prohibitionem, ab alio circumuentus, occubuit à leone.

PUNCTVM II.

1.
Vigilantia.

Mat. 24. 42

Matth. 5.

2.
Cautela.

I. QVOD dies, locus, & modus latent, hoc tamen homo scit, quod veniet, vti fur. Atque id ita ordinauit Deus, vt aduigilaremus semper, vt ipse monet Christus: *Vigilate: quia nescitis diem neque horam*; Et, *estote parati: quia, qua hora non putatis, filius hominis veniet*. Quam rem pluribus parabolis inculcauit, vt de decem Virginibus. 2. Recollam igitur casus auditos, aut visos, & qui quotidie eueniunt improuisi; & per eos admoneri me intelligam, cui perinde possint contingere. 3. Cogitabo etiam: quouis mortali peccato me reddi dignum tali animaduersione. Nam Christus de quibusdam ruina oppressis pronunciauit: *Putatis, quod pra omnibus Galilaeis peccatores fuerint, quia talia passi sunt: non, dico vobis: sed nisi poenitentiam habueritis, omnes similiter peribitis*: quasi dicat: non grauissima tantum peccata merentur talem animaduersionem; sed quaecunque, nisi poeni-

tentiâ expientur. Et ausim, vel ad horam in peccato permanere? quis me securum reddidit, cū Christum sciam comminari omnibus? ergo homo *miserere anima tua placens Deo.*

Ecc. 30. 24.

PUNCTVM III.

1. **Q**UOD semel tantummodo mori datur: *Statutum est omnibus hominibus semel mori;* proinde, si semel malè: caret remedio in omnem æternitatem: Vt contrā, absque periculo iacturæ est mors semel obita in gratia Dei. *Vbi ceciderit lignum siue ad Austrum, siue ad Aquilonem, ibi erit.* 2. Hinc obstupescā, quī fiat, vt homo ista pro certissimis habens ex fide Diuina, tam incurius viuat suæ salutis. 3. Deinde excitabo meipsum ad curam maiorem, & feruorem; suppliciter orans, ne ad Aquilonem mihi cadere contingat. Discutiam quoque, quid hoc momento foret mecum, si mors obrepere?

Mors irreparabilis.

Hebr. 9. 27.

Ecc. 11. 3.

MEDITATIO VIII.

Ea quæ angunt Meribundum, vel sunt præterita, vel præsentia, vel futura.

PUNCTVM I.

1. **P**RÆTERITA in primis sunt peccata, quæ tunc vno agmine obsidebunt animam ac importune se ingerent; vt impleatur præteritum illud; *Circumdederunt me dolores mortis, & torum.*

1.

Memoria præteritorum.

Medit. Compēd.

D

torren-

Psal. 17. 5. torrentes iniquitatis conturbauerunt me, dolores inferni circumdederunt me, praoccupauerunt me laquei mortis. Quare de proprio peccato noli esse sine metu. 2. Deinde occurreret animoiactura facta temporis in rebus inutilibus, & vanis, pro quibus poteram multa mihi merita cumulare. 4. Neglectus etiam mediorum, quibus iuuari potui, praesertim Sacramentorum. 3. Tunc proposita concipiam benè agendi; quando copia agendi non dabitur; & illa fortè inutilia, quòd ex torta necessitate, ac minimè sincera. Vt quondam Antiochi Regis; de quo Scriptura: *Orabat sceleratus hic Dominum, à quo non esset misericordiam consecuturus.* 5. Itaque hora illa reuelabit fraudes, quibus nunc circumuenimur à mundo & diabolo; & ostendet serò vanitatem esse, quæ modò suscipimus. 6. Proinde *Eccl. 14. 14.* discite nunc sapere, & non defrauderis à die bono, & particula bonæ diei non te praterat, quòd minus in bono semper proficias.

PUNCTVM II.

Religio
praesentis.

1.

XXXX

*Eccl. 4. 1**Iob 20. 13.*

2.

PRAESENTIA quoque affligent: quando non deseritur sine dolore, quod cum amore possidetur, sunt autem triplicia. 1. Bona externa. *O mors quàm amara est memoria tua homini pacem habenti in substantiis suis!* & eò magis, si cum peccato fuerint acquisita. in quos dicetur: *Panis eius in utero eius vertetur in fel diuitias, quas deuorauit, euomet.* 2. Personæ coniunctæ & charæ, à quibus di-

uelli-

uellemur; *siccine separat amara mors?* Vol-
ne etiam relinquendi? 3. Corpus ipsum, diu-
tina atque arcta societate cum anima coniun-
ctum; & cum corpore, simul omnium, qui-
buscum corpore fruimur, æterna iactura fa-
cienda est. II. Inquiram in me, an horum ali-
quid inordinatè diligam; & nunc potius istis
moriar; quàm, cum deferenda sunt. III. Ex-
pendendum etiam, quàm sit absurdum, ob
ea, quæ mox amittenda sunt, æternam vitam
in discrimen vocare.

PUNCTVM III.

DENIQUE affliget timor futurorum; Futurorum
vt cum quis iam iam expectat defini- timor.
tiuam sententiam, in qua agitur de opibus,
honore, & vita; nec satis ei constat de euen-
tu. Hic etiam agitur de bonis & vita æterna,
& sententia erit irreuocabilis: & tam incer-
ta, vt nec iustus sciat, *vtum amore vel odio* Eccl. 9. 1.
dignus sit; & quamuis *nihil sibi conscius: non* 1 Cor. 4. 4.
tamen in hoc iustificatus sit. 2. Accedet ten-
tator, calcaneo maximè insidians, illudque in-
gerens: *si iustus vix saluabitur, impius & pec-*
cator vbi parebunt? qui & alijs mille modis
turbare phantasiâ, & illudere homini po-
test, & solet. Nunc dispiciam: quid tunc
maximè terrere me possit; & occurram:
& pro felici morte crucifixum
deprecabor.

MEDITATIO IX.

De particulari Iudicio statim à morte.

PUNCTVM I.

I.
Iudicio As
sistentes.

1.

2.

3.

II.
Timor.

Psal. 108. 6.

Zach. 3. 2.

QVAE personæ interueniunt. 1. Anima iudicanda, exuta corpore, & ijs, quæ corpus comitantur, perinde Rustici, ac Regis; & quæ animam sequuntur: scientiæ, nihil conferent, nisi tantû bona opera. 2. Cingent latera Angelus custos & malus, diuerso affectu, prout erit diuersa conditio animæ: nam bonæ applaudet bonus, malus mœrebit; è contra, si mala sit. 3. Asidebit iudex Deus, inuisibilis quidem, sed certis signis suam præsentiam manifestans: infinitè sapiens, iustus, potens: à quo non appellatur: & in oculis ponentur omnia, quando libri aperientur nostrarum actionum, vt non sit tergiuersationi locus.

II. Cogitabo me assistere; atque, vt salutarem timorem concipiam, videre Iudicem ipsum irato vultu; & accusatorem diabolum gestientem; ac in me impletum illud: *Diabolus stet à dextris eius: cum indicatur, exeat condemnatus.* contra verò, vt spem excitem, aspiciam beneuolum Iudicem & Angelum custodem arridentem mihi, atque abigentem à me dæmonem, illis verbis: *increpet in te Dominus, Sathan, qui elegit hunc; numquid non iste torrens & erutus de igne?*

PUNCTVM II.

1. **T**EMPVS & locus Iudicij huius. Tempus est momentum illud, quo anima soluitur à corpore: in eo accusatio, sententia, & executio perficiuntur. O momentum, æternitatis principium, siue gloriæ, siue poenæ
 2. Locus est ille ipse, vbi homo moritur. 3. Quid si hoc momentum, quid si hic locus discernet? Vxor Lot, vbi se conuertit retrò, ibi iudicium tulit.

1.

2.

3.

Gen. 19. 26

PUNCTVM III.

I. **O**RDO Iudicialis. Accusatores erunt tres: 1. Diabolus, qui per excellentiam dicitur *Accusator fratrum*; accusabit de ijs, quæ ipsius instinctu peccaui: & cum interna nostra non perspiciat, affirmabit plura ex coniectura vel etiam malitia. 2. Erit conscientia, mille testes; hic omnia patebunt, unde animam exstimulet, de qua illud est: *Cum vadis cum aduersario tuo ad principem in via, da operam liberari ab illo, ne forte trahat te ad iudicem; & iudex tradat te exactori, & hic mittat te in carcerem.* Aduersarius est conscientia, à qua in via liberatur, qui in hac vita eluit peccata. 3. Quodammodo erit ipse Angelus custos, cuius posthabui monita, & officij ingratus fui.

I.

Accusatores.

1.

Apoc. 12. 10.

2.

Luc. 12. 58.

3.

II. Examen erit 1. accuratissimum, vsque ad verbum otiosum, nec de commissis tantum, sed etiam de omisis, ac de medijs non adhibitis, de neglectis inspirationibus, de be-

II.

Examinis conditiones.

Psal. 74. 3.
 2. neficijs posthabitis, tam communibus, quam priuatis; ac de ipsis circumstantijs bonorum operum: quò pertinet illud: *Ego iustitias iudicabo.* 2. Fiet hoc examen in tanta luce, vt anima conspiciat omnia mala sua, & grauitatem illorum æstimabit; & quæ pro peccatis non habuit, aut non aduertit, vel oblita est, repræsentabuntur ei omnia: sicut dicit Dominus: *In tempore illo scrutabor Hierusalem in lucernis*, abditos quoque angulos; nec Babylonē tantū, sed & Hierusalem, iustos ipsos.

Psal. 142. 2. Heu non intres in iudicium cum seruo tuo Domine, quia nō iustificabitur in conspectu tuo omnis viuens. 3. At vicissim Deus bona opera iustorū etiam minuta, vsque ad calicem aquæ frigidæ, producet & repræsentabit animæ, ad ipsius mirificam consolationem. *Opera enim illorum sequuntur illos.*

Apoc. 14. 13.

PUNCTVM IV.

Priua ut
 bonis,

EXAMINE factō, anima primūm exspoliabitur donis, quæ residuerunt; ad eum modū, quo degradatur sacerdos, sacræq; vestes detrahuntur, ad insignem ignominiam, tanquam indigna munere, ac dignitate sacerdotali, vt ita tradatur in manus iudicis secularis, morte mulctandus. 2. Donum fidei ab eo aufertur: quòd non studuerit vitam agere fidei suæ conformem. 3. Deinde spei donum, quòd media neglexerit, per quæ debuerat ad speratum bonum aspirare. 4. Præterea spoliabitur gratijs gratis datis, si quas habuit,

propter

propter bonum aliorum: quod vel ijs non v-
sus bene fit ad finem, propter quæ data erant;
vel quod alijs intendens, seipsum neglexerit:
quod est inordinatum. 5. Ipsæ etiam virtutes
morales acquisitæ in eo deficient. 6. Scientiæ
etiam erunt ad maiorem cruciatum: quod
scientiam salutis postposuerit illis. 7. Vnicus
manebit character Baptismatis; & si quem a-
lium accepit; vt appareat, à qua conditione
exciderit: illudaturque illi ab infidelibus,
eo nomine, quod, cum posuerit tanti ædificij
fundamentum non valuerit consummare. I-
gitur in talem complebitur illud Ezechielis:

*Denudabunt te vestimentis tuis, & tollent vasa gloriae tuae, & dimittent te nudam, & ignomi-
niam plenam.* Eze. 24. 26.

PUNCTUM V.

SENTENTIA Christi in peccatricem ani-
mam: *Di cedite à me maledicti in ignem* Matt. 23. 42
ate, nunc, qui paratus est diabolus & Angelis Sententia
eius Impij. Quo ipso momento destruetur Diuinâ
protectione; qua etiam peccatores illuc vs-
que prosequitur Deus; & ab angelo custode
deferetur, illud vsurpante; *Curauimus Baby-* Jerem. 51. 9.
lonem, & non est sanata: derelinquamus eam,
vtique in manus sœuissimi leonis, qui cum
tripudio è lectulo delicato & corona amico-
rum, in puncto ad inferna deportabit. Quid
tam subita & tam dispar conditio, rerumque
omnium permutatio in infelici anima effi-
ciet? ô iuste Iudex, cum veneris iudicare, noli
me condemnare.

PUNCTVM VI.

Iusti.

Matt. 25. 34

Matt. 25. 21

SENTENTIA pro anima iusta: *Venite benedicti Patris mei, percipite Regnum, quod vobis preparatum est ab origine mundi.* Et: *Euge serue bone & fidelis intra in gaudium Domini tui.* Suscipiet eum Angelus custos, ac pluribus comitantibus deducet in coelum, (nisi fuerit purganda) in illo autem primo ingressu, & quasi occurso torrentis voluptatis, quomodo afficietur! ô verè preciosa mors sanctorum in conspectu Dei; mors autem peccatorum pessima. Petam illam mihi: & quoniam in illo iudicio non est locus patrocinijs, nunc purissimam DEI MATREM feruenter compellabo: MARIA mater gratiae, MATER misericordiae, tu nos ab hoste protege, & hora mortis suscipe.

MEDITATIO X.

De corpore animâ destituto.

Hac meditatio est imago mortis spiritualis, qua homo passionibus suis moritur, qua propterea mortificatio dicitur.

PUNCTVM I.

I.
Corpus
mortuum.

1.

2.

QVALE remanet corpus? 1. Destitutū motu membrorum, & vſu omnium sensuum, nec illorum obiectis afficitur. 2. Pallidum, deforme, & foetidum redditur, & mox in corruptionē vergit; estq; horroni, quod vi-

uum

nū delectabat, 3. proinde solitarium relinquitur cadauer, & quam primum efferri curatur.

II. Dum viuo, mortuum imitabor in his tribus. I. in sensuum mortificatione, etiam à licitis non necessarijs; & quasi carerem sensibus, non afficiar. 2. non considerando, quòd res sunt; sed quòd erunt postmodum squalidæ & tetræ: *omnis enim caro fenum, & gloria eius quasi flos agri.* 3. nihil curando, quòd relinquar, & me vitent alij, vt cadauer, quod de se Dauid: *qui videbant me, foras fugerunt: obliuioni datus sum tanquam mortuus à corde; factus sum tanquam vas perditum, quoniam audiui vituperationem multorum commorantium in circuitu.* hoc est, crucifixum esse mundo: vt pro mortuo me habeat, & tractet; & mihi mundum: vt id perferam, quasi insensibilis factus, ad mundi vexationem.

PUNCTVM II.

I. **V**ESTIS, lectus, & habitudo defuncti corporis: pro veste lintheum, quo inuoluitur; vel si quid preciosum additur, mox sepeliendo detrahatur. pro lecto humus; & *subter illud sternetur linea, & operimentum eius erunt vermes;* pro habitatione erit fossa septeipedalis ac si qua moles superstruatur, quid ea confert exanimi? pudeat mollitiei, & superfluitatis dum viuo, circa eiusmodi.

II. Imitabitur Religiosus conditionem cadaueris. I. in studio paupertatis, vt vilissima quoque in vestibus, lecto, & habitatione præ-

II.

Mori in vita.

1.

2.

Isai. 40. 7.

3.

Psal. 30. 12.

I.

Isai. 14. 11.

II.

Religiosus.

2.

III.

3.

optet; neque moueatur quomodocunque circa ista habeatur. 2. in studio castitatis: ut sicut per mortem fit diuortium perpetuum, ab omnibus oblectamentis & curis mundi: ita ego per votum castitatis penitus ipsdem moriar. 3. in studio obedientiæ. ut instar cadaueris, me versari finam sine contradictione.

PUNCTVM II.

I.
Iter ad sepulchrum.

2.

3.

I. **E**LATIO ad sepulchrū 1. in feretro, alenis humeris, per plateas effertur exanimis, qui paulò antè obibat omnia alacer. quare nunc è cubiculo, è domo egrediens per compita incedens, memorabo diem illum, cum tantò aliter agetur mecum. 2. effertur cum comitatu; alijs cantu, alijs fletu prosequentibus, vel honoris ergo; sed ea quid profunt exanguis? imò damnato cedunt ad cruciatum. 3. Infertur in sepulchrum, cooperitur humo, lapide clauditur, mox à vermibus depascendus, sempiternaque memoria delendus, vel si etiam honorificè celebratur, id animæ quantum confert, præsertim æternis ignibus addictæ; unde bene quidam dicebat: *ô Aristoteles laudari ubi non es, cruciari ubi es.*

II.
Documenta.

II. Ergo discam, vanos honores pro nihilo habere. me ipsum vili pendere, neminem aspernari; quando omnes futuri sumus mox per mortem æquales. Dicam autem animæ meæ: vide. quam foues & ornas, cui seruis: carni putidissimæ; quin pro ancilla eam habeto, & seruire tibi facito. Nec istum sepulturæ ho-

norem

norem polliceri tibi potes; cū possit contingere, quod regi Ioacim, *qui sepultura asini* *Jerem. 22. 19*
sepelitur, putrefactus & proiectus extra portas *4. Reg. 9. 35.*
 Ierusalem. quod & Iezabeli factum; tuque
 forsitan promeritus es ob tua peccata.

MEDITATIO XI.

*Super illa verba: Memento homo, quia
 pulvis es, & in puluerem re-
 uerteris.*

PUNCTVM I.

CVR homo ex puluere factus; cū potu-
 isses ex nihilo corpus creari; sicut & ani-
 ma. 1. ad humiliandum ipsum ex intuitu o-
 riginis. 2. vt Dei benignitatem, potentiamque
 amaret; qui ex puluere per inspirationem a-
 nimæ fecisset ipsum ad imaginem suam; *quid*
superbis terra & cinis? & ex donis Dei cur ex-
 tolleris? Adam. oblitus originis suæ, affecta-
 uit esse sicut Deus.

Homo ex
 puluere.

1.

2.

Eccli. 10. 9.

PUNCTVM II.

CVR homo damnatus? vt in puluerem re-
 deat. 1. vt intelligatur malitiæ peccati,
 quæ promeruit: tam nobile opus in puluerem
 redigi? cū alioqui non fuisset interiturum, si
 non peccasset. 2. vt qui ex vilitate principij,
 vnde plasmatus est; non se continuit in hu-
 militate; humiliaretur ex fine; quem habitu-
 rus est reductus in puluerem. 3. vt recordati-
 one pulueris extremi, terrenas comprimatur af-

In pulue-
 rem regres-
 sus.

1.

2.

3.

festi-

Mich. 1. 10.

fectiones; & commissorum agat poenitentiam, ut suadet Propheta: *In domo pulueris puluere vos conspergite* hoc est, qui domos luteas habitatis, in suum principium resoluendas, puluere vos conspergite; ritu poenitentium.

PVNCTVM III.

Puluis es.

CUR dicat, memento, quia puluis es; non autem, fueris? Nempe, quia de facto est, sicut de terra constans, ita ad terrena procliuus; & instabilis ut puluis, quem projicit ventus à facie terræ, tum in consilijs & bene coeptis: tum ob vitæ mortalis casus, & incertitudinem. Optimum esto consilium, ut quoties aliquod apparens bonum meos percellit sensus: mihi obijciam statim; at qui hoc totum puluis est, & ego ipse puluis sum, postmodum exsufflandus.

PVNCTVM IV.

Eccli 38. 23.

OMNIA mihi occinunt sententiam istam at præcipuè Caluarix & ossa defunctorum: inter quæ versans & illud audire mihi videar: *Memor esto iudicij mei. sic enim erit & tuum mihi heri, & tibi hodie*: pro hodierno haberi debet, quod vita mortali clauditur; quia brevis & incerta est.

MEDITATIO XII.

De obliuione mortis, ex parabola diuitis auari. Luca. 12.

PUNCTVM I.

TRIPLEX fallacia ex obliuione mortis exemplo huius diuitis. 1. pollicetur sibi longam vitam, cum dies illa esset postrema. tales reprehendit Iacobus Apostolus, quod audeant dicere, faciam cras hoc vel illud; *qui ignoras quid erit in crastino, quæ enim est vita tua? vapor est ad modicum parens: pro eo quod dicere deberes si vixero, si Dominus voluerit.* 2. quod promittat sibi quietam bonorum vsuram, vnde ait: *anima, habes multa bona reposita in multos annos, requiesce, comede, bibe epulare: cum alioqui bona hæc auferri possint: ac si maneant, contingeret tibi illud; cunctis diebus vita sua comedit in tenebris, & in curis multis & in ærumna atque tristitia.* 3. supina negligentia salutis animæ bonorumque æternorum.

Mortis obliuio fallax.

1.
Iac. 4. 13.

2.

Eccles. 5. 16.
3.

PUNCTVM II.

DAMNA huius obliuionis. 1. quod serò agnoscat errorem suum, quando remedium non subest; vt stulti illi in libro sapientie, *semet propterea insensatos confitentur.* quare & huic diuiti dicitur: *stulte.* 2. quod noctu abripiantur è vita: *Hac nocte* scilicet in ipsis tenebris peccati, vt ab interioribus transeant ad exteriores & æternas. Auerte à me

Mala ex obliuione I.
Sap. 54.

Domine,

Isaia 38. 10.

Domine, dicito mihi priùs; *Dispone domui tue, quia morieris*; da tempus poenitentiae. Et si illud optimum, vt quotidie id mihi intimari putem, & ita semper sim paratus, quodd ægrè & inuiti moriuntur, quare dicit: *Animam tuam repetent à te*, mali scilicet dæmones. Iustis autem in desiderio est: *Educ de custodia animam meam ad consistendum tibi.*

Psal. 141. 8.

PUNCTVM III.

Psal. 48. 18.

Psal. 118. 94.

Qua autem parasti, cuius erunt? hoc postremum obliuionis damnum: quod quasi semper victuri non prospiciunt in posterum. Tua certè non erunt, quia diuici dicitur, qui, *cùm interierit non sumet omnia, neque descendet cum eo gloria eius*. Non sic iustis, non sic; quorum opes sunt opera bona, quæ sequuntur ipsos. Interrogabo etiam te: & hæc anima cuius erit? *quam dabit impius redemptionem pro anima sua*: quominus in potestatem Diaboli veniat? dicam Deo: tuus sum ego, saluum me fac.

PUNCTVM IV:

Exemplum

Dani. 5. 26.

OBLIVOSI conditio representatur in Balthasare Rege Babylonis, cui operam danti comessationibus, visa est manus scribens in pariete: *Mane, Theol, Phares. numerauit Deus Regnum tuum*, & compeluit illud. *Appensus es in statera, & inuentus es minus habens. Diuisum est regnum tuum, & datum est Medis & Persis*: ita Daniele interpretante, &c

te, & eadem nocte id eorum subsecutum est. & quadrat in illum diuitem ac similes. *Mane, numerant*; Stulte hac nocte repetent animam tuam à te. *Thecel, appensus es*, vtique minus habens inuentus es; qui idcirco vocatur stultus. *Phares, diuisum est*; & hæc, quæ parasti cuius erunt? auferentur videlicet à te, & dabuntur ei, quem ignoras.

DE IUDICIO VN uersali.

MEDITATIO XIII.

De signis præcedentibus iudicium.

PUNCTVM I.

CAVSÆ vniuersalis Iudicij 1. vt sententia lata in particulari iudicio, eiusque æquitas innotescat toti mundo: atque vt suppleatur quod defuit. nam de corpore ibi nihil fuit decretum; & contingit damnati hominis corpus in honore esse, beati autem ignominiosè haberi; debet autem participare gloriæ aut poenæ, prout in hac vita seruiuit iustitiæ, aut iniquitati. 2. vt iustis honor coram omnibus habeatur, qui in hac vita fuerunt contemptui. Ac in primis, vt iustificetur Deus in iudicijs suis, qui iustos premi nunc, malos autem exaltari permisit: quod sapientissimè fuisse dispositum, dies illa manifestabit. propterea, *nolite ante tempus iudicare.* 3. vt mali & impij videant gloriam Christi, præsertim ij qui

Pro Domi-
nica 1. ad-
uentus.

Causæ iu-
dicij.

1.

2.

1 Cor. 4. 3.
3.

Actu. 1. 11
Psa. 95 9. 7

qui viderunt humiliatum; ideoque iudicium in valle Iosaphat constituetur circa Ierusalem & montem Oliuarum, vbi crucifixus Dominus fuit, & ascendit in cœlum, vt ibidem illum videant descendentem cum potestate magna & maiestate, sicut prædixerunt Angeli: *quemadmodum vidisti eum ascendentem in cœlum, ita veniet. Ergo latentur cœli, & exultet terra: quoniam venit iudicare terram in equitate, & populos in veritate sua.*

PUNCTVM II.

Signa 1.
Sapie. 5 18

2.

Mat. 24. 29.

SIGNA præcedentia. I. erunt plurima, *Omniem enim creaturam armabit Deus ad vltionem, & pugnabit cum illo orbu terrarum contra insensatos. & meritò; quia omnibus abusi sunt peccatores 2. erunt terribilia. Sol obscurabitur, & luna non dabit lumen suum, sed conuertetur in sanguinem. Stella cadent de cœlo. & virtutes cœlorum mouebuntur, erunt terra motus terroresque de cœlo: mare mugiet, & arescent homines præ timore & expectatione impendentium. Nam obscuratio solis portendet æternas tenebras; suffusa luna sanguine, irâ iudicis implacabilem; cadentes stellæ, præcipitationes in abyssum, etiam hominum aliquando clarorum; fremitus maris apertique terræ hiarus, & omnium confusio elementorum, imaginem referet furentium Dæmoniorum in capita hominum, & infernale chaos repræsentabit: in quo nullus ordo, sed sempiternus horror inhabitat. Arescat autem*

Iob 10. 22.

impius

impius præ timore, exsiccante ossa spiritu
tristi ex conscientia factorum; at electi cum
timore simul fiduciam habebunt; memores
Christi verborum. *his fieri incipientibus, respice
& leuate capita vestra, quia appropinquat
redemptio vestra.* Luc. 21. 28.

PUNCTVM III.

CONFLAGRATIO Mundi, de qua S. Petrus; *Adueniet dies Domini sicut fur, in
quo celi in igne impetru transiunt, elementa ve-
rò calore soluentur, terra autem, & quæ in ipsa
sunt, opera exurentur; nempè plantæ, animan-
tes, homines ipsi residui; & quicquid ad vsum
& luxum humana fecit industria; palatiâ,
moles, vrbes, amœnitates omnes: nam, vtrahit
Iohel; ante faciem eius ignis vorans & post eum
flamma exurens, quasi hortus voluptatis terra
coram eo, & post eum solitudo deserti, ne-
que est qui effugiat eum. Ignis iste cru-
ciabit malos: iusti autem per illum pur-
gabuntur. Permanebit autem vsque ad fi-
nem iudicii, etiam resurrectione facta; &
in corpora damnatorum sæuiet, etiam
ante sententiam, & eâ pronuntiatâ, tan-
quam fluuius rapidus trahet eos secum in
tartara. At verò iustorum resuscitatorum
corpora non poterit lædere, Deo interciden-
te flammæ ignis: vtræ verba Basilii inter-
pretatur. Tunc implebitur: Ecce dies venit
succensa quasi caminus; & erunt omnes su-
perbi, & facientes impietatem, stipula: &*

2 Pet. 3. 10
ignis finis
mundi,

Joel. 2. 3

Malis cru-
delis.

in Psal. 78.
Mala. 4. 1.

inflammabit eos dies veniens; quæ non derelinquet eis radicem & germen. Et orietur vobis cimentibus nomen meum sol iustitiæ, & sanitas in pennis eius; & egrediemini. & sabetis sicut viruli de armento: & calcabitis impios, cum fuerint cinis sub planta pedum vestrorum.

PUNCTVM IV.

Mat. 24. 36.
Dies incerta.

DE die illa & hora (quæ euenient ista) nemo scit, neque angeli cælorum, neque filius hominis, nisi solus Pater; & non solum non potest à longe prænosci hora illa, sed nec iam instans præsentietur; ac ita, incautos, & nihil minus cogitantes, imo nuptijs & commessationibus operam dantes, ex improviso corripiet ignis illè; quemadmodum diluuium in diebus Noë inopinantes obruit, & flamma coelitus Sodomitas absumpsit quibus exemplis Dominus est vsus, ad improvisam sui aduentus, & conflagrationis mundi quasi irruptionem indicandam.

MEDITATIO XIV.

De resurrectione corporum, & de præcedentibus sententiam.

PUNCTVM I.

Resurre-
ctio.

Mat. 24. 31

RESURGENT mortui, mittet Angelos suos cum tuba & voce magna, & congregabunt electos eius à quatuor ventis à
sum-

summis cœlorum vsque ad terminos eorum
 In momento & in ictu oculi, in nouissima tu-
 ba (canet enim tubâ) mortui resurgent in-
 corrupti, quoniam ipse Dominus in iussu &
 in voce Archangeli, & in tuba Dei descen-
 det de cœlo, & mortui qui in Christo sunt resur-
 gent primi; & dabit mare mortuos qui in ipso
 erunt; & mors & infernus dederunt mortuos
 suos; & iudicatum est de singulis secundum o-
 pera ipsorum. Ad hanc citationem compa-
 rebunt magni & parui; & corporibus mo-
 mento reformatis, animæ è cœlo & inferis
 reuocatae, vt prius vniuntur. O vocem po-
 tentem & malisq; terribilem, quam vt
 eunc lætus excipiam, audiam modò illam:
Surge qui dormis, & illuminabit te Chri-
stus.

1. Cor. 15. 52.

1. Thess. 4.

25.

Apoc. 20. 13.

Ephes. 5. 14.

II. Porro corporum erit diuersitas, nam
 omnes quidem resurgemus, sed non omnes
 immutabimur. Mali fortientur immortalia
 quidem, sed patibilia & foeda; quæ subire
 animæ exhorrescent. Ibi se mutuo insecta-
 buntur anima & corpus; illa quòd ob cor-
 poris rebellionem in ea mala deuenerit; i-
 istud autem, quòd, cum frænari corporis
 concupiscentiæ ab anima debuissent: con-
 trà indulsit ei omnia; ex quo etiam cres-
 cet vtriusque tormentum. At iusti fortien-
 tur corpora impatibilia, & gloriosa: vnde sibi
 mutuo gratulabuntur anima & corpus de
 mortificata sensualitate.

1. Cor. 15. 51.

1.

Corpora
malorum.

2.

Bonorum.

PUNCTVM II.

Iudicis glo-
ria.

2.

Philip. 2. 10.

2. Comi-
tatus.

Mat. 25. 31.

3. Crux

Mat. 24. 30

4. Thronus

6. B. Virgo.

ADVENTVS Iudicis. I. gloria & ma-
iestas eius erit præ sole & luna, & stel-
lis, quam vel ipsi dæmones coacti venerabun-
tur, pro Deo ipsum agnoscentes, vt tunc vel
maximè omne genu ipsi flectatur, cœlestium,
terrestrium & infernorum, & omnis lingua con-
fiteatur quia Dominus IESVS CHRISTVS
est in gloria Dei Patris, vbi, iuxta promissum,
ponentur inimici eius scabellum pedum ipsius.
2. Comitatus erit Angelorum omnium, vt ip-
semet præmonuit: Cum venerit Filius hominis
in maiestate sua, & omnes Angelicum eo: qui,
vt credi potest, lucidis, instar solis, vestientur
corporibus, ad Regis sui magnificentiam cor-
poreis oculis, etiam impiorum subiicien-
dam. 3. Tunc apparebit signum filij hominis
in cælo; & tunc plangent omnes tribus terra.
& videbunt Filium hominis venientem. Plan-
gent inimici crucis. Exultabunt, qui car-
nem suam crucifixerunt cum virijs & concu-
piscentijs suis 4. Thronum iudici exhibe-
bunt splendidissimæ nubes, è cuius vultu
ac oculis micabunt radij placidissimi aduer-
sus Iustos; in malos autem ira & indignatio,
vt illius aspectum sustinere nequeant. Quin
etiam vulnera ipsa amorem spirabunt, &
accendent in pectoribus iustorum; confusi-
onem autem & fletum mouebunt in experti-
bus illorum fructus; & maximè Iudæis, qui
illum pupugerunt. 5. Sed & beatissimæ

Virgini

Virgini MARIAE tanquam Regis Matri, suus thronus collocabitur, non secus ac Salomon matri suae fieri voluit; non iam, ut deprecetur poenas; sed ut confundantur, qui in tempore vbi non fuerunt illius patrocini, aut etiam iniurijs eam affecerunt; & ut quae prae omnibus compassa est Christo patienti, prae omnibus conglorificetur iam regnanti. Circumponentur etiam sedes Apostolis Domini, iuxta Magistri promissum: Amen dico vobis, quod vos qui secuti estis me, in regeneratione, cum sederit filius hominis in sede Maiestatis suae, sedebitis & vos super sedes duodecim iudicantes duodecim tribus Israel.

Apostoli.

Mat. 19. 28

PUNCTUM III.

SEGREGATIO bonorum à malis. Exhibunt Angeli, & separabunt malos de medio iustorum; sicut Pastor separat oves ab hœdis, & statuet quidem oves à dextris, hœdos autem à sinistris. In hac vita sunt omnes permixti, & plerumque melior peiore loco, siue dignitate, siue opinione hominum, siue successibus. Tunc mutabuntur vices, manebuntque perpetuae: quo gaudio iustorum; & qua iniquorum confusione? Iuvat nunc tenere nouissimum locum; ut dicatur tibi: *ascende superius*; non contrà, Ibi *assistet Regina à dextris* Regis in vestitu deaurato. Propterea neminem in hac vita contemne: quia fortè præcedet te illic.

Mat 13. 49.

25. 31.

Separatio

Psalm. 44. 10.

PUNCTVM IV.

1. Cor. 4. 5.

1.
Patebunt
conscien-
tiæ.

I. **A**PERTIO conscientiarũ, de qua, Paulus: *Nolite ante tempus iudicare, quoadusq; veniat Dominus, qui iudicabit abscondita tenebrarum, & manifestabit consilia cordium, & tunc laus erit, unicuique à Deo.* Conscientiæ sunt libri: qui aperientur tunc ad iudicandum, qui modò sunt clausi; tunc autem patebunt singulis omnes. Studiosè nunc occulto peccata; & grauissimè ferò propalari vel vni alteri; imò vix non subiticeo in confessione, & quomodo sustinebo coram Angelis, & hominibus cunctis planè nudari, & ostentui haberi?

2.
Opera bona.

II. Producentur etiam in lucem omnia bona iustorum vnde laudem referant: nec mala eorum tegentur: quæ tamen ipsis confusione non erunt, quando ab illis se expediuerunt per gratiam Dei. & cedit in confusionem maiorum, qui fortè minus peccauerunt; nec se tamen à peccatis per poenitentiam exemerunt. Malis etiam ipsa bona patrata augerunt ignominiam, quòd à coeptis destiterunt.

PUNCTVM V.

Accusato-
res.1.
2.
Oratione
De amore
Dei & pro-
imi.

ACCUSATIO reorum. 1. Diabolus accusabit, & dicet ad Iudicem: ego hos non creauì, pro eis non sum passus &c. & tamen mihi seruiuerunt, te neglecto. Ita S. Basiliius. 2. Christus ipse intra ipsorum consci-

entias

entias repræsentando exprobrabit beneficia,
tum communia tum priuata in singulos : &
quid tandem facere potui, quod non feci rim?
3. Angeli custodes sua obijcient officia : & iu-
sti quoque, qui nostræ salutis operam ali-
quam impenderunt : & denique ipsa nos ac-
cusabit vehementissimè conscientia.

MEDITATIO XV.

*Sententia Iudicis pro bonis, &
contra malos.*

PUNCTVM I.

Pro Domi-
nica 26.
post Trin.

SENTENTIA pro iustis, blando vultu &
voce sic alloquetur : *Venite benedicti Patris
mei: possidete paratum vobis regnum à consti-
tutione mundi.* Venite: vndenam ? qui ali-
quando vocati paruistis; & tollentes crucem
secuti estis me. venite de Libano, quæ est Ec-
clesia, in qua regenerati, & alii in cedros
pulcherrimas excreuistis. venite de tribula-
tione magna, ablutis stolis vestris in sanguine
meo. venite de cubilibus leonum, de monti-
bus pardorum, de societate hominum crude-
lium, qui vos persecuti sunt, & affligerunt. ô
audiam primò vocantem; sequarq; , vt secun-
dò audire merear in die illa inuitantem: *Bene-
dicti Patris mei.* ô compellatio optatissima!
quisnam eam promerebitur ? *innocens mani-
bus & mundo corde, hic accipiet benedictionem*

Sent. ad iu-
stos.

Matt. 25.3.

Psal. 33.

Ephes. I. 3.

Opera misericordiæ.

Mat. 5. 7.

à Domino, & misericordiam à Deo salutaris suo. BENEDICTI, non Abraham, Isaac aut Iacob, qui benedixerunt filiis suis; aut Moyses, qui populo benedixit; sed PATRIS MEI, paterno prorsus affectu, qui benedixit vos in omni benedictione spiritali per gratiam, nunc autem per gloriam; & est benedictio eius efficax, nec frustrari potest. Possidete paratum vobis regnum à constitutione mundi. quodnam regnum? quod solum est verè regnum; & per excellentiam tale. quomodo paratum? in misericordia & beneplacito diuino: idque à constitutione mundi, quando præparabat coelos, sedem huius regni constituens Empyreum cælum, & vobis paratum præ tot alijs. Esuriui, & nim, & dedistis mihi manducare, sitiui, & dedistis mihi bibere, &c. admiratio capiet Iustos quòd ob tam exilia merita tribuat regnum, & quidem tale. & quòd tanti faciat opera misericordiæ; sibi que exhibita imputet, quæ pauperibus, quos & fratres vocare non dedignatur: Verè igitur beati misericordes: quoniam ipsi misericordiam consequuntur

Cæterum, non illa tantum in remunerationem adducet, sed omnia alia; & unicuique speciatim illa, quibus excelluit, interiùs repræsentabit. Vt Martyri, quòd pro se vitam posuerit; Virgini, quòd se Deo immaculatam seruauerit; Religioso,

quòd,

quod, relictis omnibus, sibi fideliter adhaerit.

PUNCTUM II.

SENTENTIA in reprobos, formidabili vultu voceque pronunciata: *Discedite à me.* Hæc est pœna damni. Exclusio à Regno, à visione & fruitione Diuina, ab amore, ab omni fauore & beneficio, à coelesti sede, à confortio beatorum, Angelorum, & hominum; *A me,* qui principium & finis omnium sum, Creator vester, Redemptor Deus. Qui ad id tantummodò in vobis ero; vt, quoniam sine me esse non potestis, non planè in nihilum redigamini, sed viuatis; vt nunquam miserie se destinatis. *Maledicti:* per omnia maledicti, in corpore, anima, potentijs illius; in sensibus, in loco, in socijs, in rebus omnibus. non dicit: *Patris mei;* quia Deus mortem non fecit, nec maledictionis auctor est; sed eam sibi peccatores consciscunt. *Dilexit maledictionem, & venit ei: & noluit benedictionem, & elongabitur ab eo.* Quæ rabies tunc damnatorum? Irrugijt Esau ob præreptam sibi à Iacob benedictionem: quantò magis isti ob superinductam sibi amplius æternam maledictionem? vnde etiam in maledicta prorumpent; in matrem, quæ genuit; in lac, quod suxerunt; in Deum ipsum iustum peccatorum vindicem. O IESU qui maledictum factus, vt nos à maledicto vindicares; ne, quæso te, illius infaustæ maledictionis pœnā in-

In impios
sententia.
Pœna
damni,

Maledi-
ctio.

Ps. 108. 18.

Galat. 3.

Pœna sensus.

Isa. 30. 33.

Dæmones socij.

curram *In ignem æternum*: hæc est pœna, quæ vocatur sensus; quia peccator non tantum priuatur summo bono, sed etiam afficitur summo malo. Ergo ait: *Discedite in ignem æternum*. Non tantum qui durabit in æternum; sed, qui etiam in æternum cruciabit. Non vobis tantum à meo conspectu, & bonis excludo, abijcioque; quod fortassis parui feceritis; si liceret, vt prius, vt creaturis, ad explendas cupiditates; sed omni ex illis consolatione exutos æternis cruciatibus addico. *Qui paratus est*: sicut Empyreum cœlum Iustis, ita infernalis ignis peccatoribus paratus est; cuius indicia præbent profundæ voragine, in varijs terræ locis euomentes ignem. *Præparata est ab heri Tophet, à Rege præparata, profunda & dilatata, nutrimenta eius ignis & ligna multa, flatus Domini sicut torrens sulphuris succendens eam*. Sic describitur infernus, qui Tophet dicitur à loco incendiij, vbi cremabantur infantes idolo Moloch consecrati; quod is locus imaginem repræsentet inferni; & est idem locus, qui gehenna dicitur, quo nomine Christus infernum expressit ab eadem similitudine. *Diabolo & Angelis eius*: vt quibus viuendo adhæsis, eos habeatis supplicij socios & tortores; non ait; paratus vobis; sicut dixerat de Regno; quia quoad se voluit omnes saluos fieri, neminem ex proposito perire (quanquam & de Angelis idem est verum) sed significat, ignem illum ab initio in angelos præuaricatores excitatum fuisse;

le; ho-

le; homines verò ipsos, dum eos imitantur, sibi quoque illum procurasse, communemque fecisse. *Esurivi enim; & non dedistis mihi manducare; sitiui, & non dedistis bibere, &c.* minora obijcit, ut ex ijs iudicium fiat de maioribus. Nec illa parua censi debent, quando ait, *quod vni ex his meis minimis non fecistis, nec mihi fecistis*: est autem proculdubio non paruum, Christo ipsi misericordiam denegasse; quod fit, quando pauperi non præstatur: quandoquidem contestatum reliquit; sibi præstari, aut negari, quod pauperi vel præstatur, vel negatur. Nihilominus cætera quoque obijciet vnicuique sigillatim, quorum erit reus.

Ratio.

Opponent aliqui bona, quæ fecerunt, ut illi: Domine nonne in nomine tuo prophetauimus, dæmonia eiecimus, virtutes multas fecimus? quibus respondebit: *quia nunquam noui vos*. Quod si hæc diuina dona non iuuabunt: quantò minùs scientiæ, aut dotes naturales? illa autem non proderunt: quia peccatis proprijs obscurata sunt. Et quia, dum alijs per ea profumus, nobis per bona opera non consulimus. Qualiter hanc sententiam excipient reprobi? nam, si præ timore arecebant ad signa tantùm Dominici aduentus, quid iam iras experti, quarum illa tantùm fuerant signa?

Donis abusi.

PUNCTVM III.

Executio.

I. **E**XECVTIO sententię; & ibunt hi in supplicium æternum, Iusti autem in vitam æternam. Primùm damnati illo ipso momento, dehiscente terra, cum toto exercitu dæmonum haurientur: ac implebitur illa maledictio: *Veniat mors super illos, & descendant in infernum viuentes: ibi erit stetus & stridor dentium.*

Iustorum triumphus.

Exod. 15. 4.
Apoc. 15. 5.

II. De quorum casu iustoque iudicio laudabunt sancti Dominum, tanquam demerito Pharaone cum exercitibus suis, & dicent: *Dextera Domini fecit virtutem, dextera Domini percussit inimicum.* Et illud: *Magna & mirabilia sunt opera tua: iusta, & vera sunt viæ tuæ.* Deinde ipsi cum Christo ascendent in cælum, eo sensu lætitiæ, quem mortalis homo adhuc concipere nequit, concinentes illud: *Benedictus Deus qui nō dedit nos in captiōem dentibus eorum.*

Psal. 123. 6.

MEDITATIO XVI.

De inferno, quid sit, & de loco, æternitatis, socijs Tortoribus.

PUNCTVM I.

Definitio
I.

QUID sit Infernus. Est carcer perpetuus ac durissimū, omni genere incommodorum refertus, ijs coërcendis, qui cum peccati mortalis conscientia impœnitentes ex

hac

hac vita discesserunt. Est status omnium bonorum vacuus; & contrà, omnium malorum aggregatione cumulatus. Nullum quippe illic bonum, vel ex ijs, propter quæ vita præfens modò à plerisque diligitur; nullum ibi deest malum, quod in hac vita toleratur. Quare discurre per singula; & cogita, hæc præ illis esse veluti picta; & præter talia, superesse peiora; qualia assequi non potes cogitando; quod præsentibus sint dissimilia, & sine comparatione atrociora. Et ego defugiam modò modicum laborem, vt in illas non deueniam? Sed cumulum complet, quod nō habeant finem; vt nec ipsa æternitas. Et postquam millia millium annorum effluerint, semper quasi incipient.

PUNCTVM II.

AETERNITAS hæc malorum prouenit ex his causis. 1. Quia damnati ipsi sunt immortales; non tantum secundum animam, sed etiam secundum corpus. In illis diebus *quærent homines mortem, & nō inuenient eam, & desiderabunt mori, & fugiet mors ab eis;* Quod ipsum desiderium, cum impleri non poterit, ipsos ager in rabiem. 2. Locus similiter est æternus, terræ centrum, nam terra in æternum stabit. 3. Ignis eius inextinguibilis, & æternus erit: Nam *status Domini sicut torrens sulphuris succendet eam.* hoc est, Deo ita volente, ac faciente, conseruabitur ignis, ac si finis sulphuris indeficiens suppeditaret ei materiam

Causæ æternitatis.

Apo. 9. 6.

2.

3.

Isa. 34. 31.

teriam

- teriam sine intermissione. Porro ille ignis sic
vret, vt non consumat, quæ incendit; & ita
4. nec ipse consumetur vrendo. 4. Vermis eo-
rum non morietur. Hic nascetur ex conscien-
tia peccati, tanquam putredine; quæ, cum vi-
geat semper, & apprehendatur immobiliter:
5. morsus quoque vermis perpetuus existeret. 5.
Decretum Dei immutabile: In inferno nulla
est redemptio, quod sanguis Christi non deri-
uatur. 6. Culpa manet semper, ac proinde
6. comes illius poena: permanet autem culpa
quia & impoenitentia. Quare cum homo in
peccato mori non refugit, hoc ipso eligit in eo
perdurare in perpetuum.

PUNCTVM III.

Continua
poena.

Iob 24. 19.

Impatien-
tia.

Psal. 75. 23.

CONTINUITAS poenarum: vt nec in-
termissio fiat, nec variatio, cum aliquo
leuamine. Documento sit diues Epulo, cui vel
aque gutta denegata est ad tantillum refrige-
rium: quin poena ipsa ex accidenti augebitur,
modò certè ex accessu plurium indies dam-
natorum: postea verò, cum (vt est apud Iob)
ad calorem nimium transierit ab aqua niuium;
& extremorum inter se acris pugna magis
subiectum affliget. Præterea, nec ex habitu
quodam patiendi minuetur doloris sensus;
potius crescet, crescente ipsa impatientia do-
loris, furore ac rabie: nam *superbia illo-
rum, qui te oderunt, ascen-
dit semper.*

PUNCTVM IV.

LOCI ipsius peculiaris ærumna. 1. Nam subterraneus & tenebricosus erit præ Aegyptiacis tenebris: quo nullus radius penetrare poterit: & ipse ignis quoque nullam mittet lucem, Deo intercidente flammam ignis, id est, prohibente. Tametsi ea etiam esse poterit eius natura, vt non euaporet flammam, sed tetrum solummodo fumum, vt alibi videmus ex spissa & pingui materia: vel, vt ne fumum quidem: quia ille ignis non resoluetur, vt communis noster. 2. Erit angustissimus præ infinita corporum multitudine, vt planè compacta sint futura atque compressa inter se. 3. Nulla adspirabit illuc aura, & ita vocatur à Ioanne *Stagnum ignis & sulphuris*: quò immersi delitescunt. 4. Erit foetidissimus, vel ex afflatu ipsorum corporum, & reliqua loci foeditate. Denique æternum clausus; quòd si modò alicui exire datur, is sua tormenta circumfert; post iudicium verò nemini.

1.
Infernus
obscurus.

2.
Angustus.

3.
Calidissimus.
Apoc. 19. 20.

4.
Foetidissimus.

PUNCTVM V.

TORMENTVM à socijs. Erunt ibi ex Angelis omnium ordinum; erunt ex omni statu & conditione hominum; & multi, qui nobis aliqua necessitudine fuerunt in vita coniuncti. Omne ibi discrimen dignitatum cessabit, omnis titulus: pares erunt omnes. Accedet odium mutuum implacabile, vt ne-

Confusio.

Odium.

mo alterum ferre possit; & præimpatentia & rabie se mutuo conuiciabuntur, & impetent: atque id atrocius, quod fuerant in vita coniunctiores, præsertim si in malo. Videlicet uti carbones accensi, si cumulentur, se vicissim magis accendunt: ita isti infernales titiones, ob mali acerbiteriam irritati, in semet iras exacuent, atque conuertent. Et erit illud eis intolerabile, quod separari nunquam poterunt; neque diuturnitate pacari animi, aut reconciliari voluntates valebunt.

PUNCTVM VI.

Tortoris.

1.

2.

3.

4.

IMMANITAS tormentorum. 1. Ipsi se inuicem torquebunt, dicentes & facientes sibi mutuo quàm pessimè poterunt: ut in præcedenti puncto. 2. Dæmones in primis exagitabunt illos: & terrificis umbris infestabunt. 3. Vermis conscientia, dum homo cernit, quemadmodum potuit ista mala præcauere, gratiamque Dei neglexit: Mandasti Domine; & ita fit, ut inordinatus animus sibi ipsi sit poena. 4. Manus Dei inuisibilis super illos aggrauata. Illo enim mandante, & vim ignis ministrante, excruciantur infelices. Unde ira in Deum exardescentes, blasphemio ore illum proscindunt; extincturi, si possent. Quæ rabies adeo non leuat poenam, ut multum adaugeat! Heu! *horrendum*

Hebr. 10. 31.

*est incidere in manus Dei
viuentis.*

MEDITATIO XVII.

De pœna sensus, & pœna damni.

PUNCTVM I.

IN omnibus sensibus torquebitur, nam per
quæ quis peccat, per hæc torquetur. Oculi ab
 aspectu contubernaliū; quos angue peius
 oderit; & à spectris horribilibus, & à patrarorū
 peccatorum formis inuisis. *Auditus* à blasphemis,
 & maledictionibus; nec non ab inconditis
 vocibus, & eiulatibus; & quasi ferarum
 rugitu & ululatu. *Odoratus* à mutuo corporum
 pœdore, sulphure, & omni immunditia. *Gustus*
 ab ingesto sapore hærente palatui, quo-
 uis absynthio & felle amariore, cum stomachi
 conuulsione & nausea; nec non à canina fa-
 me, & siti inextinguibili: vt apparet in Epu-
 lone. *Tactus* toto corpore diffusus ab acutis-
 simis quibusque doloribus per omnia mem-
 bra: quales ex nois morbis possumus conie-
 ctare. In eo autem sensu potissimum punien-
 tur, quo maxime peccauerunt. Et operæpre-
 tium ducemus in hæc omnia mala incurrere,
 ob breuem & exiguam voluptatem.

PUNCTVM II.

POENA ignis; cuius erunt proprietates;
 1. Vt adhærescat damnato, & vbique eum
 circumferat. 2. Quodd, cum sit idem, inæ-
 qualiter cruciet pro ratione meritorum; &

Sap. II. 17.
 Sensuum
 pœna.

Ignis In-
 ferni ad
 quid?

1.
 2

Medit Compend.

F

eam

3.
Mal. 4. 1.

Isa. 33. 14.

cam partem magis, qua homo peccauit: at temperante Deo illius vim & operationem. 3. Quod exurit, non lucet; ac licet, vt dicit Malachias, *erunt omnes peccatores stipula*, quod statim eos flamma corripiet: non consumeruntur tamen, ne cruciari desinant. Audi homo, *quis poterit habitare de vobis cum igne deuorante? quis habitabit ex vobis cum ardoribus sempiternis?*

PUNCTVM III.

I.
Sap. 17.
4. 9.

POENA potentiarum internarum. Phantasia vexabitur tristibus imaginibus. Quale de AEGYPTIIS olim scribitur, quod *personae illis truces apparentes pauorem illis praestabant; & transitu animalium, & serpentum sibilatione commoti tremebundi peribant*. Hinc appetitus sensitiuus per varias passionis distrahetur, & quasi lacerabitur, ab ira, tristitia, pauore, agonia, desperatione, inuidia, rabie.

2.

Memoria iactabitur fluctibus cogitationum, tum rerum praeteritarum, tum imminentium, quae se importunè obiciunt, ac ingerent; nec ex vlla re solatium poterit accipere; & ipsae olim perceptae voluptates tormento erunt.

3.

Intelligentia turbata, & excoecata aberrabit in iudicando; & poenas iniustitiae Diuinæ adscribet.

4.

Voluntas in malo indurata, & obstinata erit: vt Deum ipsum oderit, & amicos eius:

neque

neque in vlla re miser homo implere voluntatem suam poterit, vnde aliquod leuamen accipiat.

PUNCTVM IV.

Restat poena damni: quæ ex quibusdam similibus, licet infinite distantibus æstimari potest. Veluti si quis excidat hereditate amplissima; si copia maximarum deliciarum priuetur; si vita hac longè charissima per mortem exuatur intempestiuè; sed hæc vilia sunt, nec conferenda. Plus valet, quod viri sancti, diuinitus illustrati, vel ad cogitationem solam tantæ iacturæ deficiant animis. Porro damnati, etsi non percipiant intimis sensibus magnitudinem iacturæ, quam faciunt; poterunt tamen ex malis, quæ perferunt & patiuntur, ex parte aliqua coniectare. Nam Deus, qui ita seuerè vindicat peccata, haud dubiè non est in remunerando minùs liberalis, quàm in puniendo iustus. Intuebuntur etiam aliquod gloriæ cœlestis specimen, ex aspectu Sanctorum in die iudicii, quodque illos in beatas cœli regiones subuectos cognoscent, ipsis ad tartarâ detrussis; neque tamen honesti amor, aut Dei, erit causa dolendi de amisso illo bono: sed quod illius vsura à tot malis eos vindicasset, & magnâ proculdubio quiete beasset.

Pœna damni similitudine explicatur.

Cæterùm iactura illa erit tanta, quantum est bonum, videre Deum sicuti est; & frui possessione boni infiniti modo excellentissimi.

Dolor dānatorum.

mo: Item quanti est corpora immortalia & impatibili gestare, & potentias omnes animæ, tum externas, tum internas habere perfectas; & circa obiecta ipsis convenientissima occupatas. Frui etiam loci pulchritudine incredibili, & societate iucundissima hominum & Angelorum, absque omni amaritudine, vel offensione, atque id totum in æternum. Amen.

*MODVS ORANDI PRO PV-
ritate Conscientiæ acquirenda.*

IN Introductione Cap. 9. dictum est de tribus orandi modis, quorum unus confert ad purgandam conscientiam: versatur autem circa septem vitia Capitalia, Decalogi præcepta, tres animæ Potentias, & quinque Sensus exteriores. Subiiciuntur porrò de singulis partibus meditationes; ac primò de septem vitijs, quæ sunt aliorum vitiorum fontes, & in septem capitibus Draconis significantur: quin in septem nationibus Terræ Palæstinæ, quæ subigendæ fuerunt, vt Iudæi illam possiderent. Subegerunt autem paulatim, non primo statim appulsu: quod ipsum nobis contingit. Nam licet per contritionem & confessionem delera sit culpa, remanent prauæ consuetudines, efferatæque pæssiones, sensim edomandæ. Sicut Moyses Israeli dixit: *Ipse Deus consumer nationes has in conspectu tuo paulatim atque per partes: non poteris eas delere pariter.* Circa

Deut. 7. 22

singula

singula peccata considerabuntur tria. 1. Quo-
modo peccatur, etiam venialiter. 2. Damna
prouenientia, & poenæ in hac & futura vita
debitæ. 3. Præmiū vincentis.

Nota.

MEDITATIONES SUPER
capitalia peccata.

MEDITATIO XVIII.

De Superbia.

PVNCTVM I.

Quid sit & quomodo peccetur?

EST appetitus excellentiæ inordinatus, de
bonis siue corporis, siue animi. Habet
quatuor actus. 1. Cū tribuit sibi, quod
est Dei, veluti dicens: *Quis nosler Domi-
nus est?* 2. Cū à Deo recognoscit; sed tan-
quam debitum suis meritis, quod est gratiæ.
3. Cū plura præsumit, quàm habeat. 4. Cū
in habitis se excellere putat alios; aut cupit
certè, quòd sibi cedant.

Superbiæ

Actus

I

Isa. 10. 13.

2

3

4

Ex superbia multa oriuntur vitia. 1. Vana
gloria: qua appetitur æstimari & laudari ab
aliis. Huius actus sunt: gloriatio de bonis
habitis, ac si ea non accepisset à Deo; vel de iis
etiam, quæ non habet; vel etiam de malis.
Deinde studium placendi hominibus propter
laudem: denique inane gaudium, quòd pla-
ceat illis, & in æstimatione sit. Et est vana
gloria detestabilior de bonis animi, præsertim

Vitia.

2. virtutibus, quod has corrumpat. I I. Ex iu-
perbia oritur iactantia : cuius adus sunt, lau-
dare seipsum ; venditare, quæ non habet ; aut
3. exaggerare, quæ habet ; & inaniter propalare,
quæ supprimenda forent. I II. Ambitio ho-
norum & dignitatum : quæ inordinata est,
cùm appetit supra merita ; aut medijs non
conuenientibus ; aut affectu nimio, quasi finem
constituendo. IV. Præsumptio : qua, landis ap-
petitu, maiora suis viribus præsumit, & audet.
5. V. Hypocrisis : simulando bonam intentio-
nem : cùm sit vana ; aut bona operando, causa
gloriæ. VI. Pertinacia : vbi par erat cedere a-
lieno iudicio ; vel cum tuetur suum, ne errasse
videatur. VII. Contemptus aliorum : non in-
feriorum tantum, sed etiam Aequalium & Su-
periorum. Superbia enim ascendit semper, vn-
de existunt innumerabilia peccata : discordiæ,
rixæ, maledicta, inobedienciæ, blasphemiæ.
Circa hæc meditans, ingrediar in me ipsum ;
I. Cor. 4. 7. & recognoscam in singulis meos defectus, me-
met acriter reprehendens : Miser, quid habes,
Apo. 3. 17. quod non accepisti ? iam diues factus es ; iam
Eccl. 10. 9. saturatus es, iam solus regnas ? Et nescis, quia
C. 25. 4. tu es miser & miserabilis, & pauper, & cæcus
& nudus ? Quid superbis terra & cinis ? Pau-
perem superbum odit Deus.

PUNCTVM II.

Pœnæ Su-
perbiæ.

1.

DAMNA Superbiæ. Ea indicantur illis
verbis: *Qui se exaltat humiliabitur. Vbi*

Mat. 2, 132.

triplex

triplex poena significatur : 1. & quod spoliatur bono habitu; 2. & quod frustreretur desiderio; 3. & quod pro exaltatione subeat humiliatio- nem. Sic Lucifer amisit gratiam & dona, quibus ornatus fuerat; non attigit, quod adspira- uit; & pro excelso folio præcipitatus est in profundum luti. Quo exemplo Christus glo- riantes discipulos repressit: *Videbam Satha- nam sicut fulgur de cælo cadentem*. Ita Adam, Nabuchodonosor, Herodes & alij.

Deinde superbos destituit Deus extraordi- narijs auxilijs, & labi finit etiam in foeda pec- cata, quæ est poena maxima. De Anania & Sa- phyra affirmat Basilius, quod affectantes glo- riam ex venditis facultatibus, permittente Deo, partem sibi reseruauerint: unde & lau- dem facti, & vitam ipsam perdiderunt. De- nique consideranda est æterna confusio, quam subibunt elati, quando eis improperebitur à superbis demonibus: *Et tu vulneratus es sicut & nos? nostri similis factus es: detracta est ad inferos superbia tua. O trabs superbiæ in o- culo, quæ non finis videre; amoue, vt videam Iesu humillime.*

PUNCTVM III.

MERCES humilium. *Qui se humiliat exaltabitur*. Primò educitur ex statu abiectionis, & miserijs; 1. deinde conserua- ta ipsi manent: dona accepta: 3. demum ad ampliora euehitur. Peccator seipsum humi- lians, eruitur à peccatis, recipit amissam

Luc. 10. 18.

2.
Derelictio
iusta.

3.
Confusio.

Isa. 14. 10.

Matt. 7. 3.

Matt. 23.

12.

Merces
humilium
triplex.

Exempla.

Eccl. 3. 20.

Matth. 23.

12.

2.

Exploratio vitii.

Serm. 2.

quadrag.

gratiam, exaltatur ad dignitatem filii Dei. Sic publicanus descendit iustificatus coram Deo, præ superbo Phariseo; & impius Achab, quia se humiliavit, auertit intentatum supplicium. Quod si peccator humilis exaltatur: quomodo iustus humilitatis studiosus? augebitur haud dubiè copiosis gratiæ donis. Ergo, *quanto magis es, humilia te in omnibus, & coram Deo inuenies gratiam.* Sic Dei mater exaltata est propter humilitatem suam; quin ipse filius Dei. Nam generalis est regula absque exceptione: *Qui se humiliat, exaltabitur.*

Insurgam in meos circa hoc defectus, contrariisq; actibus eos extirpare conabor, initio factò ab humiliatione in rebus externis, quæ facilius est. Nihil porro (teste Bernardo) *facilius est volenti, quàm humiliare seipsum.* nam, si exaltare me velim, erunt, qui obstant; si autem humiliare, nemo repugnabit. Est autem expedita ac vnica ratio vincendi superbiam, *humiliatio*; vt idem ait Bernardus.

MEDITATIO XIX.

De vitio gula.

PUNCTVM I.

Gula peccatur.

1.

2.

EST cibi & potus inordinatus appetitus; peccatur autem quiaque modis. 1. Si contra præceptum vescamur vetitis ab Ecclesia, vel ab instituto, vel ex voto. 2. Si im-

mode-

moderatè in quantitate, cum graui valetudi-
nis corporis incommodo, vel animæ periculo:
aut bibas vsque ad iudicii turbationem, vel
amissionem. 3. in qualitate, si exquisitis & pre-
tiosis supra statum, gulæ causa. 4. in circum-
stantijs, si tempore aut loco non conuenienti;
aut sæpius, quàm par est; aut contra regulam
tui instituti. 5. in modo, si nimis auidè, &
indecenter ingurgitando, quasi in cibum ab-
sorptus, vel ob solam oblectationem. De his
examinabo meipsum, quòd vix absque culpa
vescar: & proponam meliora.

3.

4.

5.

PUNCTVM II.

POENÆ in gulosos. Ipsa gula secum poe-
nam adfert. *Vigilia & cholera & tortura*
viro infrunito: lèditur enim sanitas & mors ac-
celeratur. Et, *cui va, cui rixa, cui sine causa vul-*
nera: nonne his, qui morantur in vino, & student
calicibus epotandis? Et CHRISTVS mo-
ner: *Attendite vobis, ne fortè grauentur corda*
vestra crapula & ebrietate, & superueniat in
vos repentina dies illa. Ampliùs: ineptum red-
dit orationi, & indignum spiritualibus conso-
lationibus: quòd indulgeat carnalibus; facit
inertem ad res magnas diuini obsequii, & qui
à tam infirmo hoste superatur, quomodo vin-
cet fortiores?

Poenæ.

1.

Sibi ipsi.

Eccl. 31. 23.

Prou. 23.

29.

Luc. 21. 34.

Deinde considerandæ poenæ à Deo inflictæ
ob gulam. Primi parentes è Paradiso pulsi
fuerunt. Iudæis in deserto carnes appetenti-
bus, cum haberent cœleste Manna? *Ira Dei a-*

2.

Deus vl-

tor.

Pfal. 77. 31. scendit super eos, & occidit pingues eorum, cum adhuc esca eorum essent in ore ipsorum. Aliàs occisa sunt viginti tria millia, quando sedit populus manducare & bibere, & surrexerunt ludere, videlicet in venerationem Idolis; quin Propheta occisus est à leone, quodd comedisset contra Dei mandatum. In altera, etiam vita peculiariter cruciabuntur. Vt ille diues, qui epulabatur quotidie splendide, postea verò expetijt vel guttam aqua, quæ ipsi est denegata. Et contra Babylonem pronuntiatur. Quantum glorificauit se, & in delicijs fuit, tantum date illi tormentum & luctum. Heu nolim vt Esau, pro oblatione vendere primogenita mea.

P V N C T V M I I I.

Bona temperantia

I

In corpore.

MERCEB temperantiæ. Ipse sibi est merces, quando sanitatem tuetur, & vitam producit: animum aptat suis functionibus, & dominari facit appetitui, & capacem reddit coelestium, & ad magna expeditum, vitia comprimit, mentem eleuat, virtutem largitur.

2.

Anima.

Deinde remunerat abstinentiam Deus melioribus delitijs spiritus, vt fecit erga Danielem & socios. Moysen etiam & Eliam per ieiunium ad sui consortium assumpsit, & in Transfiguratione adhibuit testes. Post hanc verò vitam assidere facit mensæ suæ, & singulariter reficit abstinentes. O sim ex illis! crucifigam nunc carnem meam cum vitijs & concupiscencijs, vt illicepulari valeam. Per si-

Galat. 5. 24.

rim,

tim, fel, & acetum illud tuum te obsecro, bon^e
Iesu, merear placare te cū Niniuitis, & pro
tot culpis satisfacere.

MEDITATIO XX.

De Luxuria, & bono castitatis.

PVNCTVM I.

QUID sit. Est inordinatus appetitus de-
lectationis carnalis. Peccatur 1. cogita-
tione: cū voluntas in rem cogitatam consen-
tit, vel deliberatē se oblectat ipsa cogitatione
absque proposito perficiendi rem; quæ voca-
tur morosa delectatio: vel, si minū deliberatē
oblectatur, saltem negligenter repellit co-
gitationem, aut eius causam. 2. peccatur ver-
bo, aut aliquo sensuum exteriorum. Verbo
proferendo inhonestā; auditu, spontē præ-
bendo aures talibus; visu, cū spectantur
prouocantia, vel leguntur; odoratu & gusta-
tu, cū inde pellicimur ad inhonestā, tactu,
cū mollioribus quis vtitur, cū irritamen-
to libidinis; nam tactus alioqui corporum est
consummatio peccati, & pertinet ad opus. 3.
peccatur opere consummato; vel se polluen-
do, vel alteri commiscendo: & hoc pro quali-
tate personæ est multiplex peccatum: si al-
ter sit voto castitatis obstrictus, aut religiosus,
aut coniugatus, aut si consanguinei: extra et-
iam commissionem merus tactus suimet, vel

1.
Luxuria
fit cogita-
tione.

2.
Verbo.

3.
Opere.

alterius

alterius caula delectationis, est peccatum mortale

PUNCTVM II.

poenæ

I.

Sibi ipsi.

Prou. 23. 32.

1. Cor. 5. 5.

2.

Deus vltor.

Sap. 11. 17.

3.

Infernus.

1. Cor. 6.

18.

Eph. 5. 3.

POENÆ. 1. quæ ex ipso peccato nascuntur. Nam blandè ingreditur, sed in nouissimo mordebit vt coluber, & sicut regulus venenum diffundet, morbi, infamia, depauperatio, mors, sunt luxuriæ fructus; & Paulus incestuosum tradidit Satana in interitum carnis; vt in corpore à dæmone cruciaretur.

2. Poenæ à Deo inflictæ in hac vita. Diluui o obruit mundum; Sodomam incendit; ex Israelitis vna die viginti tria millia occidit; nepotem Iacob, ob fufum semen, morte percussit; filios Eli perire fecit in bello; Samson autem, ob mulierem, in seruitutem venit. quid David, quid Salomon propterea passi sunt? Quod si isti: quin tu times? 3. poenæ futurae: per quæ quis peccauit, in ijs acerbissimè cruciabitur. pro oblectatione cogitationum horrendis vexabitur imaginibus; sensus singuli proprio afficientur tormento: totus homo immersus stagno ignis & sulphuris pro breui voluptate æternum ardebit. Ergo fugite fornicationem, ait Paulus; fuga est præsens re medium, vnde etiam ait: Fornicatio nec nominetur in vobis. ipsum nomen vsurpari non debet, ne rei imagine repræsentata polluat mentem.

P V N C T V M III.

BONVM castitatis comparatur lilio, ob
 textus actus tanquam folia candidissima. 1.
 custodia visus & auditus; ne quid subeat in a-
 nimum impuri: hi sunt custodes castitatis. 2.
 Trium aliorum sensuum, odoratus, gustatus,
 & tactus mortificatio; ne quem igniculum
 suppeditent. 3. sermonis, & moruum omnium
 corporis, gestuumque modestia virginalis; nec
 non ipsius vestitus moderatio, ac decens com-
 positio; vt nihil insit solutum, ac leue. 4. cir-
 cumspecta familiaritas & conuersatio cum
 hominibus; cauens, ne quid subrepat à puri-
 tate alienum. 5. prouida declinatio occasio-
 num, tam internarum quàm externarum. In-
 ternæ sūt superbia; in quam Deus animaduer-
 tere solet permissione lapsus; vnde humilie-
 tur homo, & confundatur. Deinde ira, qua
 exardescit sanguis; cum otium, per quod dif-
 fluit mens, & totus homo. Externæ autem sunt
 variæ à loco, à tempore, à socijs: *Qui amat pe-
 riculum, peribit in illo* 6. puritas cordis ab in-
 cursu malarum suggestionum, & corporis ab
 inuoluntarijs etiam motibus & illusionibus,
 tam per vigiliam, quàm per somnum, quantum
 homini possibile est.

Actus 6.
 Castitatis.

1

2

3

4

5

Ecel. 3. 17.

6

P V N C T V M VI.

MVLTIPLIX fauor Dei erga castos. 1.
 fauor, præsidium Angelorum peculi-
 are; nam hi delectantur sui similibus, liben-

Fauor An-
 gelorum.

ter.

Dan. 3. 50.

2

Dei.

Cant. 2. 16.

Dan. 13. 23.

4

Nuptiarū
coelestiu.

Luc. 18. 29.

4

Filiorum
Spiritua-
lium.

Mat. 12. 50.

Isaia 56. 3.

5

Extraor-
dinaria.

terque illis assistunt: sic in fornacibus pueris adfuit Angelus, & excussit flammam ignis, & fecit medium fornacis quasi ventum ro-
ris flantem. Ita in ardore tentationis excuti-
unt flammam, ne mentem subeat per consen-
sum; & rore coelesti ardorem carnis restin-
guunt; atque in gratiarum actionem, pro vi-
ctoria, erumpere animam faciunt, vnā cum
tribus pueris in camino ignis. 2. fauor à pe-
culiari ipsiusmet Dei protectione: qui pasci-
tur inter lilia. Quare ingruenti tentationi ob-
ijciam illud Susannæ: *Melius est mihi mori,*
quàm peccare in cōspectu Domini. 3. fauor, quod
pro spretis nuptijs Deus sibi peculiariter ani-
mam desponder, iuxta promissum Christi;
Qui uxorem reliquerit, centuplum accipiet in
hac vita: non centum uxores, sed quod exce-
dit centuplo omnes coniugales voluptates:
Norunt casta pectora. 4. fauor, multiplicatio
prolis: ne vel hic fructus desit proles sunt
multiplicia opera bona, quibus se exercet,
qui diuisus non est per curas matrimoniales,
sed vni Deo intentus: item proles sunt homi-
nes, quos Deo lucrificat; ut sit non solum fra-
ter, & soror, verum etiam Mater Christi, quod
ipse Dominus asseruit. Quare non dicat Eu-
nuchus: *Ecce ego lignum aridum: quia hac dicit*
Dominus Eunuchs: dabo eis in domo mea locum
& nomen melius à filiis & filiabus: nomen
sempiternum dabo eis, quod non peribit. 5. fa-
uor: quod, quia supra hominem se per casti-
moniam attollunt; Deus extra ordinem ca-

stos exaltat. Sic B. Mariam, vt fieret mater Dei; Ioannem, vt dilectus haberetur, & in sinu recumberet, tum & sublimes futurorum reuelationes acciperet. Elias, Elisæus, Daniel, eiusque socij mirificati sunt ob meritum castitatis. 6. fauor; quod *sequuntur Agnum, quocunque ierit*, singulari societate ei inhærentes. O, liceat mihi, Agne innocentissime, vnâ tecum per ista cœli spatia discurrendo modulari canticum nouum, quod incoquinatâ solùm animæ cantare possunt.

Sequuntur

Agnum.

Apoc. 14. 4.

Istæ sex prærogatiuæ erunt mihi munimento aduersus tentationes; meque obfirmabo, dicens cum S. Ioseph: *Quomodo possum hoc malum facere, & peccare in Dominum meum?* quin pallium, & adhuc facultates omnes, honorem, vitam ipsam posthabebo, vt merear, vti, Ioseph ad regnum Aegypti, ita ego ad complexum cælestis sponsi per studium castitatis aliquando pertingere?

Gen. 39. 9.

MEDITATIO XXI.

De Auaritia

PVNCTVM I.

QUID sit auaritia, i. Est inordinata appetitio diuitiarum. Peccatur autem. i. si ali-
ena concupiscat, contra præceptum decimum, vel etiam sibi vsurpet, inuito domino, contra septimum. 2. si malè vtatur proprijs, non im-
pertiens

Auaritia
peccatur.

1

2

82
3. *N* pertiens egentibus, quando ex iustitia, vel ex
charitate misericordiaque tenetur. 3. si nimio
studio feratur, ut propterea negligat alias ob-
ligationes, quibus tenetur: vel admitat aliqua
alia peccata, ut sunt mendacia, periuria, frau-
des, violentiæ. Nam *radix malorum omnium est*
1. Tim. 6. *cupiditas*, teste Paulo. 4. si voto paupertatis
10. adstrictus, vsurpet sibi aliquid de communi-
bus absque superioris licentia; vel, si alienet,
4. dando; vel, donatum accipiat, sine eiusdem fa-
cultate, vel si concessis utatur affectu inordi-
nato tanquam propriis; vel si queratur & mur-
muretur, cum subtrahuntur. 5. Si quis opera vir-
5. tutis exerceat præcipuo fine lucri; vel lucri
causa omittat exercere. Avaritia vocatur à
Paulo *Idolorum servitus*, quia tanquam Deo
Ephef. 5. 5. cuidam servitur cupiditati; & omnia eius cau-
Col. 3. 5. sa fiunt: absit à me hæc impietas.

PUNCTVM II.

Damna 3. **P**OENÆ avari. 1. ipsa avaritia est avari vl-
1. tor, miserrima servitute illum premens,
Sibi ipsi. quam servit in conquirendis tuendisque bo-
nis. Item tanquam spinæ animam illius pun-
gunt, tum curæ, tum remorsus conscientiæ: ut
nec terrenis quietè fruatur, & coelestia amit-
tat: velut Iudas avarus, qui inter coelum &
terram medius crepuit. 2. solet etiam Deus
2. in hac vita punire: ut Achan, quod surripuis-
set de spoliis, iussu Dei lapidatus est. Naбал,
quod Dauidi tunc egenti denegasset subsidium,

um, Deo animaduertente, extinctus est. Iezabel ob adeptam vineam, Deo disponente, à canibus deuorata est. Ananias & Zaphira. ob partem pretij defraudatam conciderunt repente mortui. Giezi, ob accepta munera contra Elisæi mandatum, leprosus euasit, Iudas furari solitus de oblatiis, & magistri venditor ex auaritia factus, suspendio voluntario interijt. Et ecce quomodo hæc pestis omne genus hominum corripit, à Regibus vsque ad Apostolum? 3. æterna subsequetur eos egestas, qualis illa epulonis: & memoria prioris abundantia ex cruciabit magis.

PUNCTVM III.

PRAEMIA virtutis opposita i. duobus modis auaritia vincitur; vel frænando inordinatum appetitum habendi, vel renunciando rebus habitis, & spiratis; quod sic appetitus ipse ab animo radicatus euellatur. Vterque modus potest intelligi per paupertatem spiritus, cui promittitur regnum coelorum: siue hoc sit vita æterna; siue (quod Paulus etiam vocat regnum coelorum in hac vita) *Iustitia, pax, & gaudium in spiritu sancto*. Est autem iustitia meliorum diuitiarum copia, nempe bonorum operum. Pax autem est à molestiarum curarum perturbatione quies, quales ingerit auaritia; denique gaudium spirituale à pacata conscientia. 2. Qui victa cupiditate distribuit sua liberaliter in pauperes, Deum erga se liberalem experietur, cum in tempo.

3.
Infernus:

Auaritia
vincitur.

2.
morrifica-
tione.

Rom. 14. 17.

2.
Liberalita-
te.

Medit. Compend.

G

ralibus,

Luc. 6. 38.

Pr. ex. 11. 24.

3.

Præmio
cælesti.Pro posita
quinque,

ralibus, tum in spiritualibus bonis refunden-
dis, sicut promittit: *Date & dabitur vobis; men-
suram bonam & confertam, & coagulatam; &
superfluentem dabunt in sinum vestrum.* Ad-
dit: *Eadem quippe mensura, qua mensi fueritis,
remetietur vobis.* quasi dicat: Si vestra creue-
rit liberalitas, etiam diuina erga vos. quibus
suffragatur Sapiens: *Alij diuidunt propria &
ditiores fiunt; alij repetunt non sua, & semper
in egestate sunt.* Anima, qua benedicit, impin-
guabitur: & qui inebriat, ipse quoque inebri-
abitur. 3. peculiare præmium ijs promittitur,
qui facto omnia sua relinquunt, centuplum
in hac vita, & postea æternum, cum præroga-
tiua considendi ad iudicandum Tribus Isra-
el. Tu qui propter nos egenus factus es, & in
testimonium mori nudus voluisti, aufer à me
omne caducum desiderium, vt tuæ opulentia
particeps in cælo fiam.

Concipiendi sunt affectus in primo puncto
indicati. 1. vt habitis contentus sim, quam-
uis modicis; neque appetam aliena. 2. vt ijs
dem benè utar, & liberaliter in pauperes. 3. vt
sine affectu habita possideam, quasi non ha-
bens. 4. vt libenter etiam experiar defectum,
causâ Christum imitandi. 5. seruiam Deo,
non ob temporalia; sed quia dignus
est, & vt assequar
æterna.

MEDITATIO XXII.

De Ira.

PUNCTVM I.

IRA est appetitus inordinatus vindictæ,
 cum accensione sanguinis circa cor. Pecca-
 tur I mente: si concipiat odium personæ of-
 fendentis: si vlcisci proponat: si saltem desi-
 deret ei quidpiam mali euenire: si gaudeat de
 malo eueniente, aut tristetur de illius bono.
 2. Peccatur verbo: cū ex affectu vindictæ
 prorumpitur in conuitia, aut detractionem,
 aut imprecationes malas, aut contentiones,
 rixasque verborum. 3. opere; cū ex vindicta
 inferitur aliquod damnum in corpore aut re-
 bus, propria auctoritate; vel si à Magistratu
 flagitatur, id fit ex odio personæ, non sincero
 amore iustitiæ: vel si inexorabilis planè homo
 fit ad condonandum. Porro ex ira existunt li-
 tes, factiones, bella.

1.
Ira cogita-
tionis.

2.
Verbi.

3.
Operis.

Ira affinis est impatientia, quæ propriè non
 est appetitus vindictæ, sed immoderata tristi-
 tia ex incommodis occurrentibus, & conatus
 repellendi illa. Ex quo affectu nascuntur va-
 ria peccata. In Deum quidem, per modum
 querelæ, & aliquando cum expressa blasphem-
 ia: in alios autem, exhibendo se morosum &
 asperum, & inquietum contra bonum pacis:
 imò in ipsas bestias, præ impatientia, sæuien-
 do; aut in res etiam inanimatas inuolando.
 Præterea in seipsum insurgit; mortem optan-
 do, vitæ tædio, ex impatientia malorum; vel

4.
Impatien-
tia.

morfu aut simili impetu in semet irruendo

PVNCTVM II.

Pœnæ

1.

Ipsa ira.

2.

Dus.

Gen. 4. 24.

Mat. 5. 23.

3.

Infernus
duplex.

Fuga.

POENAE. I. ipsa ira est sibi poena; quia est velut phrenesis quædam, mentisque infania; imo quasi malus dæmon, possidens hominem. Similia enim obsessis à Dæmone agit; deinde sic turbat animam, ut incapacem reddat coelestium & inhabitantis spiritus sancti, qui non requiescit nisi super quietum & humilem 2. Deus vlciscitur ultores, iam à principio. Ultio dabitur septuplum de Cain: de Lamech verò septuagies septies. Sed illud præcipuum, quod Christus pronuntiavit: *Ego autem dico vobis: quia omnis, qui irascitur fratri suo, reus erit iudicio.* Antequam prodeat foras ira, iam apud Deum instituitur iudicium. *Qui autem dixerit fratri suo, Racha, reus erit concilio.* Si erumpat in signum, de ampliore poena consultatur. *Qui autem dixerit: Fatue; reus erit gehennæ ignis.* Hic iam hoc ipso est reus æternæ damnationis, quando apertam contumeliam iacit. quid si peius aliud inferat? Illic duplici torquebitur igne, iracundiæ & flammæ: nam eò quòd impatientissimè feret flammam, nec vitare poterit, rabie percitus augebit incredibiliter cruciatum. In quo differunt animæ iustæ purgatorii; quòd poenas ferunt patienter, indeque referunt solatium suæ conscientie.

Hinc discam primò declinare omnem motum iræ; qui suspectus est, quando etiam sumitur zelo iustitiæ, ne subsit appetitus propriæ vindictæ.

Secundo : insurgentem initio opprimam, ne inuale scat: nā à *scintilla vna augetur ignis*, vt Sapiens ait: nec est facile auctum extinguere.

PVNCTVM III.

BONVM compressæ ira, siue mansuetudinis & patientiæ, quibus frenatur. nam mansuetudo auersatur nocere cuiquam & comē se exhibet etiam inferentibus iniuriam, patientia sustinet mala illata: ne idcirco homo exorbitet aut indigni quid faciat.

Fructus istarum virtutū sunt. 1. Pax cordis, quia *mansueti possidebunt terram*: in potestate habebunt seipsos; & *in patientia vestra possidebitis animas vestras*. 2. māsuētudo reddit amabiles: *qui in mansuetudine opera sua perficit, super hominum gloriam diligitur*. 3. Patientia autem facit spectandos & admirabiles apud alios: *Melior est patiens viro forti, & qui dominatur animo suo, expugnatore urbium*. 3. Faciunt Deo amabilem, & accessum ad Deum pandunt; exemplo Moysis, ob insignem mansuetudinem. Quare iubet Paulus: *Volo viros orare in omni loco, leuantes puras manus; sine ira & disceptatione*. 4. Tales habent spiritū Christi. Vnde discipulis cupientibus venire ignem de cœlo in Samaritanos, quod non recepissent ipsos, Dominus ait: *Nescitis cuius spiritus estis, meus certē non est ultionis spiritus, sed benedictionis*. Vnde Petrus de illo: *Cū malediceretur, non maledicebat; cū pateretur, non comminabatur*.

Obsta initio.

Eccl. II. 34.

Patientiæ.

Fructus.

1.

Mat. 5. 4:

Luce 21. 19

2.

Eccl. 3. 19.

3.

Prou. 16. 31.

1 Tim. 2. 8.

4.

Lu. 9. 55.

1. Pet. 2. 23.

MEDITATIO XXIII.

De Inuidia.

PUNCTVM I.

nuidia ex
superbia.

Materia
inuidiæ.

1.

2.

3.

4.

Sap. 2. 24.

Pœnæ
Sibi ipsi.

1.

Prov. 14. 30.

2.

3.

infernus.

INVIDIA est tristitia de bono proximi, qua nostrum excedit, vel obscurat. Oritur ex superbia, & comitem habet iram, & ita utriusq; actus: veluti odium proximi, qua illius successus me obscurant; gaudere de proximi depreffione, triftari de exaltatione, triftari de laude, minuere illam, detrahere.

Inuidia distingui potest iuxta genera rerum quasi obiecta inuidiæ I. de bonis externis, aut corporis: quod præcellat diuitijs, dignitate, honore, gratia hominum, corporis dotibus. Et hæc est mūdāna. 2. de bonis intellectualibus. 3. de bonis virtutum 4. de ipsamet charitate & gratijs gratuitis: quod est peccatum in Spiritum sanctū, quale fuit Luciferi, vt ideo struxerit homini insidias ad peccandū. *Inuidiā enim diaboli mors introiuit in orbem terrarum.* quare inuidi illū imitantur. prò res indigna!

PUNCTVM II.

PŒNÆ I. ab ipsamet inuidia; nā exficcat ossa; & fouetur perinde bonis ac malis euetibus; & difficilè curatur: quia quòd vilis sit animi, celatur. 2. ab exēplis, Cain occidit fratrem, voluit occultare Deo crimen: desperauit de venia. Ioseph à fratribus per Inuidiā venditus euasit illorū Dominus. Dathan & Abirō in Moysē insurrexerunt: & absorpti sunt à terra. Saul in Dauidē insaniuit, & perijt: Iudei Mesiā suum crucifixerunt, in caput suum. 3. In

infer.

inferno crudeliter eos rodet gloria sanctorum, præsertim ex collatione abiectiois propriæ, *Iuda epist.* atq; miseriar. Quare *Va illis, qui in via Cain v. 11.* abierunt: similiter fratres suos prosequentes. Et errore Balaam, mercede effusi sunt: malis consilijs eosdem subuertere studentes. Et in contradictione curæ perierunt, non ferentes sibi alios præferri

PUNCTVM III.

BONVM contrariæ virtutis, qua mortificatur inuidia. Ea est charitas, in tribus præsertim actibus. 1. insurgentes motus inuidiæ statim opprimit. 2. gaudet de bono proximi ac de proprio. 3. optat alios excellere omnibus bonis, nihil inde sibi decere putans.

Charitatis
3. actus.

Vrgemur ad hanc virtutem, quod gloriam Dei & commune bonum oportet præferre proprio: quare si ita Deus disponit, vt alij excellent: excelsi animi est, gratum id habere. Proinde non vt Iosue feremus ægrè, quod alij prophetent; sed cū Moysè dicemus: *quis tribu at, vt omnis populus prophetet?* Nec inuidia tangemur, vt discipuli Ioannis, quod Iesus baptizaret, & ad eum fierent concursus: sed respondimus cū Ioanne: *Qui habet sponsam, sponsus est: amicus autem sponsi gaudet propter vocem sponsi.* Hoc ergo gaudiū meum implētū est; illū oportet crescere, me autem minui. Deinde; si gaudeam de bono proximi, facio illud meū; & demereor Deū, vt me pluribus augeat. Si doleo de illius malo; Deus vicissim me à proprijs expediet. Præterea sic agendo, referā fructus

Dei gloria.

Num. 11. 28

Ioan. 3. 29.

charitatis; qui sunt pax, & gaudium in Spiritu sancto; & imitabor statū Beatorum, vbi singuli sua conditione contenti, per vniōem charitatis cōmunicant in bonis omniū; tanquam de proprijs exultando, gratiasq; agendo. Itaq; amulemur omnes in bono, contendentes ad summam virtutem, non studio vincendi, sed Deo placendi quā maximè.

MEDITATIO XXIV.

De Acedia.

PUNCTVM I.

Acedia
peccatur.

1.

2.

3.

4.

5.

6.

7.

8.

9.

ACEDIA est tristitia inordinata & tēdiū actū studioforum & laudabilium. In quo peccatur variè. 1. nimius timor difficultatū, quæ virtutem comitantur; vnde tēdium. 2. pusillanimitas; vnde etiā occultantur talenta nec exeruntur 3. languor in exequēdis obligationibus, cum repugnantia; & ex neceffitate magis, quā voluntate, & ob fines viles. 4. inconstantia in bonis actionibus; vel variando ex tēdio; vel non perducendo ad exitū. 5. diffidentia superādi difficultates, vsq; ad desperationem. 6. auersio ab ipsismet spiritualibus viris; quod desipiant spiritualia, vel quod ab illis moneri odiosum. 7. otiositas & somnolētia, maximè in spiritualibus. 8. Euagatio per varia, ad leuandum tēdium; vel laxando frānū cogitationibus quibuscunq; vel soluendo lingua, cæterosq; sensus in omnia obuia; vel etiā de loco in locū obeundo; vt nullibi nulla in re consistere valeat. 9. Ex tota hac hominis habitudine siue dispositione oriūtur innumera-

biles

biles culpæ omissionis, & negligentiae infinitae in omnibus actionibus debitis.

PVNCTVM II.

DAMNA Acediae. Est valde periculosa, *Damna.*
& procliuis ad lapsum; arcet consolationes diuinas; dat locum tentationibus daemonis, qui assumptis secum pluribus nequioribus, occupat domum illam tanquam vacantem. *1.*
Multam quippe malitiam docuit otiositas, & de tali dicitur: Per agrum hominis pigri transiui, & ecce totum repleuerant vrtice, & operuerant superficiem eius spina, & maceria lapidum destructa erat. Horrida nimirum fit anima, & peruia viatoribus, hoc est, daemonibus. *Luc. 11. 26.*
Qui propter frigus arare noluit, mendicabit astate, & non dabitur illi. Qui sectatur otium, replebitur egestate. 2. Quin iusti ipsi ab acedia patiuntur damna. Nam maledictus homo, qui facit opus Domini fraudulenter, siue negligenter; & tepidi reuomuntur à Domino; & onus Christi suaue, fit ipsis graue. *Ecc. 13. 29.*
Prou. 24. 30.
Pigrum deijcit timor; remittit studium, metu difficultatis. *Prou. 20. 4.*
Eccl. 28. 19.
Et desideria occidunt pigrum, quia vult & non vult: sicque angitur sine fructu. *2.*

3. Sed & in altera vita, qui talentum Domini sui defodit, eijcitur in tenebras exteriores; sicut & Iudæi ignaui exclusi sunt à terra promissionis, duobus exceptis impigris, qui ad pergendum ceteros hortati fuerant. *Matth. 25.*
28. & 30.

PVNCTVM III.

FRUCTVS ex victoria acediae. 1. Fit labor leuis & fructuosus, qui alioqui grauis,

uis, & inutilis est acedioso: & talibus dicitur: *Iugum meum suauē est, & onus leue.* Et hi vnā horā promerentur, quantum alij toto die portantes pondus diei & æstus; quia cum feruore laborant. 2. Singulariter placet Deo, quòd ei alacriter seruiatur. *Hilarem datorem diligit Deus*, sicut ipse impertit hilariter hominibus, quæcunque donat; & talium petitiones & desideria cordis exaudit: quin preguſtare facit lætitiā, quā in cœlo sancti obsequuntur Deo. O Deus, *redde mihi lætitiā salutaris tui, & Spiritu principali confirma me.* Fac, vt quemadmodum tu exultasti vt gressus ad currendam viam longè difficillimam; ita & ego viam mandatorum tuorum cucurri, cum dilataſti cor meum.

MEDITATIO XXV.

Super Decalogi Præcepta.

Vñſo.

Zach. 5. 3.

HABETVR Zachariæ Cap. 5. Ego video volumen volans; longitudo eius viginti cubitorum, & latitudo eius decem cubitorum. Et dixit ad me: Hæc est maledictio, quæ egredietur super faciem omni terra: quia omnis fur, sicut ibi scriptum est, iudicabitur, & omnis iuratus ex hoc similiter iudicabitur. Educam illud (scilicet volumen) dicit Dominus, & veniet ad domum furis, & ad domum iurantis in nomine meo mendaciter, & commorabitur in medio domus eius, & consumet eam, & lin-

qua eius ut lapides eius. Haecenus visio. Tale quid in meditatione hac ob oculos ponemus, librum, ex quo peccata mea contra Dei praecepta consignata sunt; simulque supplicia eis debita: quem iam iam super me aduenientem intuebor, ad perdendum me cum omnibus.

Præcepta considerari possunt dupliciter; & quâ continent, quod est de necessitate salutis; & quâ, quod est perfectionis, vel secundum id, quod ad litteram vetant, aut præcipiunt: & secundum spirituales sensum, atque hic etiam in ipsis meditationibus indicatur.

Sensus præceptorum.

PVNCTVM I.

Quomodo circa singula peccetur?

IN primo præcipitur *cultus Dei*. Quò pertinent virtutes, *Fidei, Spei, Charitatis, & Religionis*. contra quas peccatur contrarijs actibus.

Peccata contra decem præcepta. Contra I.

Contra *Fidem*, per idololatriam, aut infidelitatem aliam, & per solam dubitationem. Sed & est quoddam genus idololatriæ, pertinaciter suo iudicio adhærere. *Quasi peccatum enim ariolandi est, repugnare; & quasi scelus idololatriæ nolle acquiescere.* Et sunt, quorum *Deus venter est*; Et *avaritia est idolorum seruitus*: & quidam dicunt *se nosse Deum*; factis autem negant.

I. Reg. 15. 13

Philip. 3. 19.
Coloss. 3. 5.
Tit. 2. 16.

Contra *Spem* peccatur per diffidentiam obtinendi veniam, aut consequendi gloriam;

2.

vel

vel contrà per præsumptionem ea assequendi, non adhibitis medijs necessarijs.

3. Contra *Charitatem*, cùm Deo præponitur creatura; & huius voluntas diuinæ præferatur. Vel, cùm tepidè amatur: & adeo non ex toto corde, mente, & viribus.

4. Denique contra *Religionem*, si debitus cultus negligatur.

Contra II.
De iuramento.

In secundo præcepto prohibetur iuramentum; si absit veritas, aut necessitas, aut reuerentia: quare peccatur, si aliter sentiam, quàm iurando affirmo; vel, si non intendam implere, quod promitto; vel, si non impleam iuratum, cùm est bonum. Si sit malum, peccatur implendo, sicut & iurando. Deinde, si necessitas absit interponendi diuinam testificationem: quia tunc leuiter iuratur. Denique, si absque reuerentia, quæ diuino Nomini summa debetur. Huc potest referri votum; præsertim iuratum. in quod peccatur, differendo executionem, aut negligenter exequendo.

Cōtra III.
De Festis.

In tertio præcipitur *Sanctificatio Festorum*: quæ perficitur, audiendo Missæ sacrum, & vacando ab operibus seruilibus, aliæque agendo, quæ diuini sunt cultus: peccatur autem contrà agendo.

Cōtra IV.
De honore parentum.

In quarto præcipitur *Honor parentum*: qui non consistit in externa solum reuerentia; sed magis in obedientia præstanda iussis illorum; & in subueniendo etiam necessitatibus corporalibus: Nec parentibus solum carnalibus obseruantia, obedientiaque debetur; sed

alijs

alijs etiam superioribus, tam Spiritualibus, quam Ciuilibus; quin omnes, vt luadet Apostolus, honorare se mutuò debent: *Superiores sibi inuicem arbitrantes.* Et tandem D. Petri consilio parendum est: *Subiecti estote omni humana creatura propter Deum.*

Philip. 2. 2.

1. Per. 2. 13.

In quinto prohibetur *Homicidium.* Quòd spectant, quæ de Ira dicta sunt, Meditatione 22 sed & spirituale committitur homicidium suis ipsius, cum peccando, vita gratiæ perditur; & Paulus monet: *Spiritum nolite extinguere:* id quod fit, diuinæ inspirationes veluti suffocando. Christus etiam ipse crucifigitur: quando *qui semel illuminati sunt, & gustauerunt donum cælestē, prolabuntur, rursum crucifigentes sibi metipsis filium Dei, & ostentui habentes.* quia faciunt id, propter quod oporteret Christum secundò mori, nisi prima mors, pro infinita sua virtute, ad omnia sufficisset. Præterea occiditur spiritualiter proximus: quando ei scandalum præbetur, & occasio peccandi; & cum spiritualia ipsi auxilia non præbentur: sicut occidit pauperem, qui egenti non succurrit.

Contra V.
De homicidio.

1. Thess. 5. 19

Hebr. 6. 6.

Occisio spiritualis.

In sexto, *Non mæchaberis,* prohibetur Adulterium & omnis luxuria, de quo in Medit. 20. dictum est.

Contra VI.
De fornicatione.

Porro spirituale adulterium committitur, quando adhæreretur creaturæ, posthabito Deo, vero animarum sponso. Genus etiam adulterij est, quo opera bona verbaque diuina adulcerantur, quando non diriguntur in finem debi-

debitum. Oblivio etiam Dei per nimiam ad creata effusionem cordis, similis est adulterio, & quædam reiectio sponsi.

Cōtra VII.
de furto.
Furtum
spirituale.

In septimo *Furtum vetatur*, de quo in Avaritia Medit. 21. Furtum autem spirituale est, cū gloriam soli Deo debitam ex bonis omnibus mihi vendico; vel cū tempus, Dei obsequio debitum, suffuror; vt inaniter consumam; vel, cū pro iniuria Deo peccatis meis illata non satisfacio, vel, cū pro acceptis beneficijs non reddo gratiam; vel, cū voluntatem meam iam Deo dicatam subtraho, faciens pro libitu meo; vel, cū vsurpo mihi iudicium de intentione factisq̃ ue proximi: quæ ad diuinum spectant tribunal; vel, si cum principe latronum diabolo prædas agam de animabus: charitatem, aliasq̃ virtutum opes diripiendo, vastando.

Cōtra VIII.
De falso
testimonio.

In octauo prohibetur *Falsum testimonium*, quod spectant peccata linguæ, quibus honor aut fama proximi læditur; de quibus Medit. 22. Item indicium temerarium huc refertur; & fictio, ad decipiendum proximum, per mendacium, hypocrisim, adulationem, & simulata officia.

Est etiam quoddam falsum testimonium in ipsum Deum: cū de illius bonitate, iustitia, aut prouidentia non sentio, prout debeo; vel ita viuo, vt sim causa, cur nomen eius blasphemetur, aut lex eius minori sit in pretio. Denique Deo mentior, cū non impleo vota, vel etiam proposita bona leuiter depono.

Nonum

SVPER DECAL. PRAECEPTA. III

Nonum & decimum praeceptum in sexto & septimo continentur. Ista perpendens dolore & pudore afficiat, quod vel in vno peccans, *factus sim omnium reus*: Et est quoduis peccatum mortale quaedam Infidelitas, homicidium, adulterium, furtum, &c. vt expofitum eft. Quare in meipfum, vt talem. Sancto zelo inuehar, exprobrans mihi ipfi, quod talis fuerim. *Exitus aquarum deduxerunt oculi mei, quia non custodierunt legem tuam.* Iac. 2. 10. Ps. 118. 136.

PVNCTVM III.

POENAE in transgressores praeceptorum. *Deut. 27.* Moyses multas & horribiles maledictiones in Dei nomine denuntiat: suprema illa erit grauissima, quam infliget Christus: *Ite maledicti in ignem aeternum.* *Matt. 25. 41.* At scio Domine, quod mineris, vt parcas: Memento, quod pro nobis factus sis ipse *maledictum*, vt nos a *maledicto liberares.* Galat. 3. 13

Deinde decem plagae Aegyptijs inflictae cum submersione in mare, repraesentant multiplicia flagella peccatorum, cum suprema tandem in tartara detrusione. Tales etiam illae septem plagae, per Angelos immittendae ante diem iudicii: quae mortales reddent praestupore attonitos. Praeterea solent peculiaria peccata proprijs vindicari poenis. *Vir multum iurans implebitur iniquitate, & non decedet a domo illius plaga.* Et, *Oculus, qui subsannat patrem, aut matrem efodiant illum corui de torrentibus, & comedant illum filii aquila.* De 10 plagis Aegyptiorum. Eccl. 21. 12. Prov. 20. 17.

PUNCTVM III.

Benedi-
ctiones.*Deut. 28. 1.**Matt. 6. 33.**Psal. 144. 16.**Psal. 118. 8.**Prov. 3. 2.**Prov. 3.**Psal. 118. 9.*1.
Affectus
doloris.2.
Fiducia.
Eccel. 33. 3.

PRAEMIA obseruata legis. Moyſes vicifſim in obſeruatores legis multas confert benedictiones: temporales quidem pro conditione illius Testamenti, ſed in quibus ſpirituales tantò ampliores indicentur pro filiis Noui Testamenti. Sed nec temporales iſtis negantur, quando Dominus filiis ſuis promiſit: *& hæc omnia adiſcientur vobis, nam qui aperit manum ſuam, & implet omne animal benedictione, quantò magis filios?*

Porro ſpirituales benedictiones comprehenduntur illo triplici genere bonorum, *Honeſto, Vtili, Delectabili*, de *Honeſto* eſt illud: *Lex Domini immaculata, conuertens animas, ſapientiam præſtans paruulis.* De *Vtili*: *Longitudinem dierum, & annos vitæ, & pacem apponent tibi, ſi præcepta mea cor tuum cuſtodiat.* De *Delectabili* *Iuſtitia Domini recta latificantes corda.* De utroque, nempe vtilitate & ſuauitate: *Iudicia Domini deſiderabilia ſuper aurum & lapidem pretioſum, & dulciora ſuper mel & fauam.*

Colligi poſſunt tres affectus. 1. Dolor ob tantum bonum legis à me neglectum: cum tranſgreſſio cōtrà extiterit mihi triplici malo oneroſa. Nam dehoneſtat hominem, multa affert ſecum damna, & aculeo ſuo mordeet conſcientiam. 2. Fiducia conſequendi omnes illas benedictiones, quam ingenerat fidelis cuſtodia mandatorum: iuxta illud: *Homo*

ſenſa-

CIRCA QVINQVE SENSVS EXT. 113

sentiam credit legi, & lex illi fidelis. Credit legi, promissa obseruatori bona redditum iri confidens: neque fallit illum lex, sed præstat abunde. Igitur, ne dixeris cum impio: Vanus est, qui seruit Deo; & quod emolumentum, quia custodimus præcepta eius? Quin conuertere ad Dominum, & videbis, quid sit inter iustum & impium, & inter seruientem Deo, & non seruientem ei. 3. Studium legis! Circumda eam gutturi tuo, & describe in tabulis cordis tui. Tabulæ istæ sunt tres: memoria, à qua nunquam excidat; intellectus, qui assidue de illa meditetur; voluntas, quæ ardeat illius desiderio. *Quomodo dilexi legem tuam Domine? tota die meditatio mea est.*

Eccl. 33. 3.

Amor legis.

Pron. 3. 3.

Psal. 118. 97

MEDITATIO XXVI.

Circa quinque sensus exteriores.

PVNCTVM I.

QUOMODO circa eos peccauerim. 1. *Visu*, oblectando me sine discrimine, quorumvis aspectu, vanitatis aut curiositatis, aut etiam sensualitatis causâ; nec cauendo noxia. In modo etiam, sublimes, aut vagos oculos circumferendo: in quibus maximè enitet modestia. 2. *Auditu*, patulas præbendo aures quibusue sermonibus otiosis, vanis, scurrilibus, & nominatim detractorijs: contrâ verò, auersando pios sermones, monitaque salutaria.

Oculus.

Auditus.

De odoratu, gustu & tactu dictum est circa

Medit. Compend.

H

peccat.

Iac. 3. 6.

peccata gulæ, & luxuriæ; sicut & de peccatis linguæ in præcedentibus: quæ varia sunt, in Deum, aut in proximum. *Lingua enim, teste Iacobo, est vniuersitas iniquitatis; & ignis inflammans rotam natiuitatis nostræ*, hoc est, vniuersam vitæ propriæ periodum. Sed & ex circumstantijs peccatur linguâ: cum verba à conditione statûs abhorrent; vel loco, aut tempore indebito; vel contra peculiarem regulam silentij religiosi. Huc spectare possunt motus corporis, gestusque immodesti, nam, teste Sapiente, *Amictus corporis & risus dentium, & ingressus hominis enunciant de illo.*

Eccl. 29. 17.

PUNCTVM II.

Damna.

Ierem. 9. 21.

Thren. 3. 51.

Prou. 25. 28.

Agg. 1. 19.

Num. 19. 15.

DAMNA ex incustodia sensuum. Nam, vt ait Propheta, *Ascendit mors per fenestras nostras*. Et: *Oculus meus deprædatus est animam meam*. Sic Eua decepta, Diua oppressa, David expugnatus, & est *tanquam vîs patens absque murorum ambitu*, quæ facîle capitur. Deinde per sensus inuadunt animam mille rerum phantasmata, quæ passionibus appetitûs commouent, & quando non aliud, certè confundunt interiorem hominem, vt colligere se nequeat; & tandem exire foras, & euagari ipsum etiam cogunt. *Propter hoc prohibiti sunt cœli, ne darent rorem; & terra prohibita est, ne daret germen suum*. priuatur talis anima cœlesti influxu, redditur quæ infœcunda & sterilis.

Aptè huic conuenit illud: *Vas quod non*

habue-

hauerit operculum, nec ligaturam de superius mundum erit.

Ergo audi consilium bonum: *Serpe ames tuas* Eccl. 28. 28.
spiritus, & linguam nequam noli audire: & ori-
tuo factio ostia, & seras auribus tuis; & atten-
de, ne fortè labaris in lingua, & cadas in con-
spectu inimicorum insidiantium tibi, & sit casus
tuus insanabilis in mortem.

PUNCTVM III.

BONA ex sensuum custodia prouenientia. Mortifica-
 I. Dum occluduntur sensus vanitatibus, tio sensuū
 aperiuntur Deo, cui placet valde mortifica- bona.
 tio illorum; sit enim anima *hortus conclusus* 1.
 in quo libenter diuersatur sponsus; impletur
 Christi monitum: *Cum oraueris, intra in cubi-* Mart. 6. 6.
culum tuum, & clauso ostio ora Patrem tuum in
abscondito. 2. Qui sensibus rectè utitur, &
 ex Dei voluntate, vicissim per eos haurit, quo
 iuuetur in spiritu, & in Deum attollatur.

Porrò, sicut *fons de eodem foramine non ma-* Iac. 3. 11.
nat dulcem & amarant aquam: ita non con-
 uenit, ut quibus sensibus benedicimus Deum;
 iisdem abutamur ad illius offensam. 3. Mo- 3.
 destia sensuum & exteriorum motuum ædifi-
 cat mirum in modum intuentes; & ad viden-
 dum propius, quod intus est, allicit. *Modestia*
vestra, inquit Paulus, nota sit omnibus homini-
bus: quippe ad exemplum conferens pluri-
 mum. motuum autem addit: *Dominus enim* Phil. 4. 5.
propè est. Sic vos gerite, ut qui in Dei præ-
 sentia versamini. 4. Propria cuique sensui 4.

reddetur merces post resurrectionem, tantò delectabilior præsentì iucunditate, vt operæ pretium sit, modò sensus mortificare, vt illic satientur.

MEDITATIO XXVII.

Circa internas anima potentias.

PUNCTVM I.

Peccata Intellectus.

1.

2.

3.

4.

5.

Job 18. 7.

6.

PEC-CATA ex parte *Intellectus*. 1. *Ignorantia* eorum, quæ sunt creditu necessaria, vel quæ agi debent, tum vniuersè ab omnibus, tum ab vnoquoque speciatim, pro statu suo & officio. 2. *Inconsideratio* in agendo, non satis perpenſa re. vnde multi exiſtunt defectus. 3. *Temeritas* in iudicando proximum: in quo ſum iniurius Deo, cuius parte mihi aſſumo, de occultis cenſendo: deinde etiam proximo, quem inconſultè damno; quin mihi ipſe noceo: quia permittit Deus nos labi in ea, de quibus temerè alios iudicamus. 4. *Instabilitas* iudicij: qua fit, vt bona propoſita facilè mutem; & quibuſve apparentibus ſuggeſtionibus carnis, aut dæmonis, facilè abducatur; & prout phantafia eſt vaga, ita etiam mens quouis feratur. 5. *Pertinacia* proprij iudicij, ſecti neſcia. Hinc inobedientiæ, rebelliones, contentiones, eluſiones, errores. *Præcipitabit me*, inquit Iob, *conſilium meum*. 6. *Prudentia* carnis: qua perſpica-

ces

ces sumus ad peruidenda, quæ carnalibus mundanisque desiderijs seruiunt. Vnde fraudes & doli excogitantur adhibenturque passim. Huic vitio adnexæ sunt stultitia, ineptitudo, & tarditas circa diuina. Quàm enim sunt perspicaces ad terrena, tam sunt hebetes ad cœlestia. *Animalis enim homo non percipit ea, quæ sunt spiritus Dei: stultitia enim est illi & non potest ea intelligere.* Et quacumque ignorat blasphematur. 7. Curiositas sciendi, quæ non expediunt; aut quæ supra captum; aut inutilia, & à statu meo aliena, aut nimio cum affectu; aut ob finem vanum, vel etiam malum; aut per media illicita: quæ omnia prohibentur illâ sententiâ: *Non plus sapere quàm oportet sapere, sed sapere ad sobrietatem.*

Iam cum mens debeat esse lux actionum: *Si oculus tuus nequam fuerit, totum corpus tuum tenebrosum erit.* Et, *Si cæcus cæco ducatur præstet, ambo in foveam cadunt.* Idcirco petam à Spiritu sancto dona eius septem aduersus hæc totidem vitia, vt fiat intellectus meus sicut argentum, *purgatum terræ, purgatum septuplum.*

PUNCTVM II.

PECCATA propriæ voluntatis. Vocatur *propria*, & hoc ipso praua: quia, cum fuerit à Deo creata, vt diuinæ voluntati subiacet: ita homo sibi facit propriam, vt nullo respectu, vel Dei ipsius, feratur in res quaslibet, eò tantum, quòd sibi placent.

1. Cor. 2. 14.

Iudas in epist. v. 10.
7.

Rom. 12. 3.

Matt. 6. 23.
c. 15. 14.
Oratio.

Psal. 11. 2.

Voluntatis peccata.

Triplicia.

1.

Hinc oriuntur peccata omnia, quæ ad tria capita possunt reuocari. 1. est *Inobedientia*, legum omnium contemptrix, tum diuinarum, tum humanarum, & Religiosi statûs in primis ruina: qui totus in propriæ voluntatis abnegatione consistit.

2.

2. *Intentio praua*, quâ etiam bonæ actiones, & aliqui Deo placituræ, redduntur vitiosæ. *Ecce in die ieiunij,*

Isa. 58. 3.

3.

vestri inuenitur voluntas vestra. 3. Quærere tantû quæ SVA sunt: vnde usurpat sibi quæuis, nullo respectu, iusti vel iniusti. Rectè igitur Bernardus dicit: *Cesset propria volun-*

Serm. de

Resur.

tas, et non erit infernus. Imò ipsamet in hac vita est sibi infernus: nam quæcunque nos affligunt, eò cruciant, quia voluntati repugnant nostræ. Fiant igitur voluntaria per electionem, & iam non infernus nobis erunt, sed ignis purgans peccata. Itaque Dominum meum imitabor dicentem: *Non quero voluntatem meam, sed eius qui misit me.* Et iterum: *Non mea voluntas, sed tua fiat.* Proinde, *non quæram amplius, quæ mea sunt; sed quæ Iesu Christi, & proximorum.*

Ioan. 5. 3.

Luc. 22. 42.

PUNCTVM III.

Imaginatio.

DE potentijs internis materialibus. vna est *Phantasia*, quæ est instar cuiusdam aula, infinitis rerum omnis generis imaginibus refertæ: quarum contemplatione sese oblectat ipsa phantasia, modò in has, modò in illas intenta: & trahit secum intellectum

ratio.

rationalem, vt ijsdem intendat. ex quo peccata plurima omnis generis proueniunt.

Altera potentia est *appetitus sensitivus*, quasi mare fluctibus vehementibus exagitatum: quia non aliud sunt passiones amoris, odij, desiderij, fugæ, iræ, quàm fluctus turbulentissimi. Ista sunt instrumenta, quibus dæmon utitur ad nos pertrahendum in peccata. Ista bella manent spiritui: nam, *quod nolo malum, hoc ago*. Quin ipsæmet passiones inter se pugnant animam distrahunt. Sæpè enim in aliud voluptas, in aliud ei contrarium ambitio trahit. *Infelix ego homo, quis me liberabit de corpore mortis huius? O custos hominum, quare posuisti me contrarium tibi, & factus sum mihi metipsi grauis?*

Appetitus
sensitiveus.

Rom. 7. 15.
19.

versu 24.
Iob 7. 20.

MEDITATIO XXVIII.

De quotidiano examine conscientie.

COMMENDATUR à SS. Patribus hoc exercitium, nam tenemur duplici debito erga Deum: altero gratiarum, ob beneficia quotidie accepta; altero resipiscentiæ à culpis quotidianis, quibus Deum offendimus. Et conuenit à gratijs ordiri: vt prius reddamus Deo honorem, tum facilius veniam impetremus.

PUNCTVM I.

I.
Gratiarum
actio.

COMMEMORATIO beneficiorum, tum communium, tum peculiarium, & illius diei nominatim, cum humili gratiarum actione: considerata simul excellentiâ donantis & profuso amore: ex parte verò accipientis, propriâ indignitate. Igitur gratias agam, quia me creauit, redemit suo sanguine, vocauit ad fidem & gratiam, sibi quæ me incorporare dignatus est; tum quia alit, vestit, conseruat, tuetur quæ ab innumeris periculis corporis: multò autem magis, quòd ab animæ; & eam quotidianis inspirationibus ad bonum exsuscitat. Prouocabo Angelos & Sanctos ad laudandum Deum, gratias quæ agendum.

PUNCTVM II.

Petitio gratiarum.

- 1.
- 2.
- 3.

PETITIO gratiarum, ad cognoscenda diei desideranda peccata; quæ tripliciter est necessaria. 1. Vt memoria iuuetur ad reminiscendum. 2. Vt illustretur mens ad æstimandum. 3. Vt vrgeatur voluntas ad dignè detestandum. Hic est funiculus triplex, obliuio, ignoratio, torpor, quo teneri constrictus à diabolo homo solet, quò minus se à peccatis expedire possit.

PUNCTVM III.

Examen.

Sophon. i. 12

EXAMEN & inquisitio commissorum. Vbi proponam mihi ante oculos Deum omnium inspectorem ac iudicem, qui *in lucernis scrutabitur Ierusalim*, vt dicit per Prophe-

tam.

ram; occultissima quæque vel etiam minutissima in lucem producturus; quin iustitias ipsas iudicaturus; operaque bona, quæ sæpius malis circumstantijs deprauantur. In conspectu igitur huius inspectoris ac iudicis mei inquirā in omnes cogitationes, verba & opera; nec modò commissa, sed omissa, neglectaque dispiciam; ac de occultis, à quibus mundari David flagitat, sollicitus ero: num aliquid admiserim per ignorantiam aliquam culpabilem, aut illusionem Diaboli, persuasus, bonum esse, quod secus erat: vt cū iram pro zelo sum interpretatus.

Materiam examinis præbebunt, quæ de 7. Materia vitij, & decalogi præceptis, sensibusque & examinis. potentij supra sunt explicata. In examinando, per spatia diei ordine discurrā: siquæ boni aliquid reperero à me factum, humiliter Deo referam acceptum: de malis autem confundar, & *confitebor aduersum me iniustitiam meam Domino*: paratus etiam confiteri Sacerdoti; non excusando aut minuendo, sed potiùs exaggerando cum veritate, ad maiorem meam confusionem.

Psal. 31. 5.

PVNCTVM IV.

DOLOR de admissis quàm maximus concipiendus, qui procedat ex vero amore Dei, qui tantæ est efficacix, vt deleat peccata etiam mortalia, & in gratia hominē constituat: ac, si contingat, ea nocte mori, etiam sopitum, sufficiat ad salutem. Ita cū

Dolor.

Psal 31. 5. diceret Dauid: *Confitebor aduersum me iniustitiam meam*, subiecit statim: *Et tu remisisti impietatem peccati mei*. Et obiurgatus idem à Nathan Propheta de homicidio & adulterio, cum poenitens dixisset: *Peccaui Domino*: adiecit Propheta, *Dominus quoque transtulit peccatum tuum*. Tanta est vis veræ contritionis, & tanti refert ita se reconciliare Deo ante cubitum, cum proposito in tempore confitendi, quod est necessarium. Inuat ad excitandum hunc dolorem collatio primi & tertij puncti inter se; beneficiorum Dei, & redlitarum à me offensarum. Item meditationes de peccatis, præsertim quinta supra posita, & trigesima prima sequens.

Antithesis.

PUNCTVM V.

Propositum.

FIRMVM propositum deinceps non peccandi concipiam. quod vt firmitus sit, occasiones sigillatim vitare proponam, per quas labi solitus sum. & quia sine Deo nil possumus, hunc obnixè obsecro, per filij sui sanguinem pretiosum. concludam autem cum recitatione Dominicæ precatationis, præsertim in tribus vltimis petitionibus immorando, & cum Deo colloquendo.

MEDITATIO XXIX.

De examine particulari circa speciale aliquod vitium.

COMMENDATUR à Cassiano Coll. 5. c. 14. & à B. Patre Ignatio modus traditur. Sic hostes facilius expugnantur, quando seiunctim inuaduntur, & ita egerunt filij Israël in expugnanda Palestina.

Porro tria tempora huic exercitationi assignantur; matutinum, pomeridianum, vespertinum, exemplo Dauidis: *Vespere, & mane, & meridie narrabo, & exaudies vocem meam.* Quid narraret, nisi miseras suas coram Deo effunderet? Daniel quoque *tribus diei temporibus flectebat genua sua, & adorabat, confitebaturq; coram Deo suo.* *Psal. 54. 18. Dan. 6. 10.*

PUNCTVM I.

MANE, vbi vestes indui, hæc præstabo.

1. Positis genibus gratias pro eius noctis quiete, & conseruatione à peccatis agam, tum, breui reflexione facta, dispiciam, si quid à vespertino examine peccatum sit, & deflebo. 2. Intentionem puram Deo offeram circa omnes eius diei actiones; cupiens, & petens acceptari à Deo in vnione Christi meritum; vt illis coniunctæ, reddantur acceptæ in conspectu Dei. 3. Proponam vitare omnem culpam; & speciatim, quam expugnandam suscepì. Hoc est videlicet, quod agebat Dauid: *In matutino interficiebam omnes peccatores* *Psal. 100. 8.*

terra:

terra : mane & in tempore peccata præu-
tere. quod propositum ut sit efficacius, iuuat
ea breuiter præuidere ac recolere, in quibus
pro ratione status, & conditione mea plus sub-
est periculi; ad ea me præmuniendo certis
rationibus, cum diuina ope. Illud etiam pro-
uectioribus in spiritu potest conferre, ut mo-
lesta quædam, & ingrata sibi obijciant; ad
eaque superanda, si contingant, seipsos ani-
ment, atque obfirmant, quod paratiores sint
ad euentus: imò optent sibi euenire, iuxta
illud: *Proba me Domine, & tenta me, vt re-
nes meos, & cor meum: quia misericordia tua
ante oculos meos est*: quâ confusus, nihil me-
tuo. Et si istud minus mortificatis non est
semper vsui, quia possent deterreri, & in con-
traria impelli.

Psal. 25. 2.

PUNCTVM II.

Examen
meridianū.

ALTERVM tempus est meridianum.
Tunc, implorato lumine diuino, discuti-
am, an & quoties deliquerim in speciali vi-
tio, quod persequor, ac pro numero & graui-
tate meipsum arguam inconstantia acriter
post tam seria proposita; & inquiram de mo-
do & occasione lapsuum, cum instauratione
propositi.

Christus
crucifixus.

Iuuabit ad se confirmandum, commemora-
re, Christum per id tempus cruci affixum
fuisse, & perseverasse constanter plures ho-
ras in acerbissimis doloribus: sub idē etiam
tempus ascendisse in cœlum, laborum fructus

per-

percepturum. Quâ utrâque consideratione animari possum ad vincendum; dicamque Domino: *Indica mihi, ubi pascas, ubi cubes in meridie, ne vagari incipiam post vestigia gregum, irrationalium videlicet cupiditatum.*

Cant. 1. 7.

PUNCTVM III.

TEMPVS tertium examinis particularis ante cubationem. Præstabo quæ in meridie; ac, si sæpius deliquissem, eò me acrius obiurgabo, nō despondebo tamen animo, quia *septies in die cadit iustus.*

Versperten.

Similis collatio erratorum fiet inter diem & diem, & inter hebdomadas, ut constet fructus, & emendatio. Tandem proderit, quandoque peccatur, tunctione pectoris, aut alio signo semet statim corripere; nam sic retinebitur melius numerus culparum, & cautior reddetur homo à lapsu, & fiet, quod illic dicitur: *Septies cadet iustus, & resurget, quia*

Prov. 24. 16.
Collatio.

Prov. 24. 16.

MEDITATIONES ANTE Confessionem Sacramental- lem, & sacram Com- munionem.

QUONIAM ad parandam conscientie munditiam (quod in hac parte meditationum agitur) confert plurimum frequens usus & pius istorum Sacramentorum, de ijs aliquas Meditationes visum est proponere.

MEDITATIO XXX.

De Sacramento Pœnitentiæ.

PUNCTVM I.

Pœnitentiæ
excellentiæ.

1.

Isa. 43. 25.

QVOD eximium sit beneficium Dei, Sacramentum Pœnitentiæ. 1. Quia cùm solius Dei sit, peccata remittere, vt dicit ipse per Isaiam: *Ego sum, ego sum ipse, qui deleo iniquitates tuas propter me;* voluit tamen hanc potestatem cum hominibus communicare, perinde peccato obnoxij & eiusdem Sacramenti ope indigentibus, vt peccatoribus animos adderet: quando ipsi Sacerdotes eadem laborant infirmitate, vnde compati possint. Contulit autem potestatem absque omni restrictione, aut exceptione vllius generis peccati, vel numeri culparum, si vel septuagies septies, quod est, vel si infinities homo peccauerit. Ex quo apparet bonitas Dei, quæ sic est prona & facilis ad ignoscendum, imò optat ignoscere.

2.

2. QVOD Deus seuerissimum iudicium, quod post hanc vitam manet, commutauerit in hoc placidissimum Sacramentum Pœnitentiæ; modò vti velimus, iuxta Pauli sententiam: *Si nosmetipsos iudicemus, non utique iudicemur,* quia, vt alibi dicitur: *Non consurget duplex tribulatio.* 3. Hic est fons pascens Domui David, & habitantibus Ierusalem in ablutione peccatorum & menstruata.

*1. Cor. II. 31**Nah. 1. 9.**Zach. 13. 1.*

3.

PUNCTVM II.

QUOD actus confitendi sit præstantissimus ob adiunctas virtutes, quæ simul exercentur. 1. Est fides, quæ creditur, talem potestatem hominibus datam esse à Deo, & quasi clauēs Regni cælorum. 2. Spes, quæ contra vsum aliorum tribunalium, per confessionem facti speratur absolutio à reatu. 3. Charitas, ex qua procedit dolor peccatorum; & studium recuperandæ gratiæ, quæ inhæreamus Deo. 4. Humilitas, in aperiendo secreta cordis homini, ad sui confusionem: vt velit haberi pro eo quod est peccator. 5. Obedientia, in exequendo præcepto, quamuis difficili, confessionis: subiiciendoque se homini, paratum ad facienda iniuncta. 6. Iustitia, quando ad satisfaciendum Deo pro offensis, personam sumit ipsemet accusatoris & testis, sententiæque executoris. 7. Fortitudo in superanda vehementi inclinatione, ad occultanda excusandaque peccata: quod fecit Adam in paradiso, & pro magno prædicat S. Iob: *Si abscondi quasi homo peccatum meum.* Imò, nunquā plus requiritur fortitudinis ad seipsum in hac re vincendum, quàm fuerat necessaria ad præcauendum peccatum.

Hinc constat, humilem confessionem esse opus magni meriti, prædictosque actus magno feruore concipiendos esse: quò sit confessio fructuosior. *Puer* ab Elisæo suscitatus: *ositaui septies*: ita nos per hos septem actus.

Actus virtutum confessionis.

1.

2.

3.

4.

5.

6.

7.

Iob 31. 33.

Meritum confitendi.

4. Reg. 4. 35.

quasi

quasi totidem respirationes, recipimus vitam gratiæ. & æquum est, ut cum in hoc Sacramento dimittantur peccata septem mortalia, & dona septem Spiritus sancti conferantur, vicissim Deo hosce actus totidem offeramus.

PUNCTVM III.

3. Fructus.

Rom. 14. 17.

1.
Iustitia.

Apo. 22. 11.

2. par.

2.
Pax.

Prov. 16. 7.

3.
Gaudiū.

FRUCTVS Sacramenti huius considerandi sunt, qui reduci possunt ad tres, de quibus dicitur: *Regnum Dei est iustitia, & pax, & gaudium in Spiritu sancto.*

1. Est *Iustitia*, hoc est, gratia sanctificans animam, gratamque Deo faciens, & constituens filium Dei. Cui adnexa est charitas, ceteraque dona Spiritus sancti, virtutesque infusæ. Quod si iam iustificatus ad Sacramentum accedit, recipit augmentum gratiæ: nam *qui iustus est, iustificetur adhuc.* 2. Est *Pax*; utique cum Deo, sed & ab alijs inimicis; quales sunt ipsa in primis peccata, deinde dæmones, & passionēs propriæ. Primos hostes, hoc est, peccata, penitus delet. Secundos fugat: quippe non sustinent dæmones, manifestari medico morbos animæ. Tercios subigit Spiritui, sicut ait Sapiens: *Cum placuerint Domino via hominis, inimicos quoque eius convertet ad pacem.* Nempe tentationes & internæ difficultates occultatæ non sinunt animam quiescere: expositæ autem Patri spirituali remittunt impugnationem. 3. *Gaudium* in Spiritu sancto, depulsâ nube tristitiæ; ex-

aculeo conscientiae, & serenitate reddita ex testimonio remissionis peccatorum, & meliore spe salutis; quod experiebatur David:

Auditui meo dabis gaudium & letitiam. & Psal. 50. 10.
exultabunt ossa humiliata. Ipsa ossa renouiscunt, quæ exsiccabit tristitia

Ex horum consideratione fructuum excitabo meipsum ad superandas difficultates confessionis: cum etiam ex eo, quod Christus tantò maiora præstiterit, ut mihi veniam pararet peccatorum. Denique, quod potuisset grauiora his mihi imponere, ad remissionem obtinendam, qui alioqui reus eram æternæ confusionis quare in me quadrat illud serui dictum ad Naaman: *Pater, et si rem grandem dixisset tibi Propheta, certè facere debueras: quando magis, quia nunc dixit tibi, Lauare, & mundaberis: Ergo pro anima tua non confundaris dicere verum: Est enim confusio adducens peccatum, & est confusio adducens gloriam & gratiam.*

4. Reg. 5. 13.

Eccl. 4. 24.

MEDITATIO XXXI.

Preparatio ad Confessionem.

ANTE iudicium Sacramentale insti-
tuam ego ipse mecum iudicium de me-
ipso. Vbi Ratio ipsa sit iudex decernens de
grauitate culparum, & seueram indicens pæ-
nam. Conscientia accusator accuratissimus
nihil indiscussum relinquens. Timor autem
diuini iudicii quasi lictor me ad quauis pro-

actu Poe-
nitentis.

Medit. Compend.

1

auer-

auertenda seueritate illius iudicij velut adstringens, paratumque exhibens. Denique dolor sit exactor peenæ. Et est quod S Gregorius ait: *Conscientia acculat, ratio iudicat, timor ligat, dolor excruciat.* Porro iudicium hoc priuatum peragam, supremum iudicem Deum ante oculos constituens, inspectorem totius mee actionis: vt inde extimuler ad seuerius procedendum aduersum me, quod exoptabat S. Iob: *Quis tribuat, vt veniam vsque ad folium eius? ponam coram eo iudicium. & os meum replebo increpationibus.* Et Isaias: *Re-duc me in memoriam, & iudicemur simul.*

Iob 2.3.4.35

Isa. 43. 16.

PUNCTVM I.

Sunt partes
pœnitentia.

Eccl. 33.

Contritio.

Confessio.

Satisfactio.

QUOD Deus voluerit, vt actus hominis ipsius, essent pars Sacramenti poenitentia, vt qui nostris actibus Deum offendimus, nostris quoque, diuina ope, factis impetraremus veniam: quare conuenit, vt quàm exactissimè perficiantur, sicut vniuersè monemur: *In omnibus operibus tuis præcellens esto.* Sunt porro tres, *Contritio, Confessio, Satisfactio*: quæ respondent triplici generi culpæ, cogitationis, oris, & operis. pro singulis speciatim implorabimus gratiam; pro contritione, à Spiritu sancto, qui est amor, ex quo debet manare contritio; à Filio, pro confessione; vt qui est sapientia, faciat me cognoscere exactè omnia, & integrè confiteri; à Patre pro satisfactione; vt cuius est potentia, conferat fortitudinem ad exequenda o-

pera

pera satisfactionis, fructusque faciendos poenitentiae.

PUNCTVM II.

REQVISA ad praedictos actus. Ac primo, ad contritionem non sufficit dolor ex metu seruili supplicij, qui vocatur attritio; sed debet ex amore Dei super omnia proficisci: qui vocatur contritio. Est autem contritio mensura gratiae in Sacramento conferendae, ut pro magnitudine contritionis, detur gratia maior vel minor. Ex quo intelligitur, quanti referat, dolorem esse quam maximum. Ad quem excitandum iuuant allata superius Meditat. V. quibus addi possunt ista.

Confusio
qualis.

Similia.

1. Quod si mater amarissime flet super mortem vnigeniti, quomodo non ego super mortem spirituali animae meae, vnicae & dilectae, quam ipse interemi, peccando? *Luctum*, inquit Ierem. *vnigeniti fac tibi, plañctum amarum*. Et verò plañctus super filio est inutilis: iste verò super animam, reddit illi vitam. Nec solum flendum, quia mihi periit anima: sed quia periit Deo, cuius inprimis erat. Ergò, Domine, erue à framea animam meam, & de manu canis vnicaui meam.

1.
Vt mater
vnigenitū.

Ierem. 6. 26.

Psal 21. 11.

2. De Christi morte est apud Zachariam: *Plangent eum plañctu quasi super vnigenitum*. Ego autem, peccando, praebui occasionem morti eius: imò, *rursum mibimetipsi filium Dei*

2.
Vt Christi
crucifixū.
Zach. 12.

crucifixi, & ostentui habui: Et quibus non lachrymis tantum facinus expiabo?

3.
Vt Spon-
sum amil-
sum,

3. *Sponsa* moeret de amisso sponso, cum quo omnia amisit; & anima dolere satis vnquam poterit iacturam cælestis sponsi, omniumque, quæ sibi contulerat, charismatum? Viduata porro caret etiam fructu prolis bonorum operum. quodd si istæ considerationes lachrymas amoris non eliciunt, accersantur aliæ, à seueritate diuini iudicij, & suppliciorum, quæ timoris lachrymas prouocent, vnde ad amorem fiat gradus.

PUNCTVM III.

Confessio

1.
integra

Iosue 7. 25.

1. Reg. 12. 13

2.
Candida.

REQVISITA ad Confessionem. 1. Propositum certum confitendi omnia, superata omni confusione. Nam, si pudore nunc vincaris, quomodo feres confusionem iudicij tremendi? &, cum tua delicta perspecta sint Deo, vt quid refugis eadem ministro illius manifestare? præsertim, quod manifestatio hæc est tibi ad vitam; non sicut illa *Achan*, cum iussus est *confiteri furtum, & dare gloriam Deo*, ob quod lapidatus est: sed qualis fuit *Dauidis* apud *Nathan*, à quo retulit responsum: Et *Dominus transtulit peccatum tuum*. Quare expedit, vt confessio inchoetur ab eo peccato, de quo mox erubescimus. nam velut *Goliath* prostrato, phalanges reliquæ facile proffigabuntur.

2. Propositum, cum omni demissione confitendi, vt sit confessio clara & simplex, absq;

excu-

excusatione sui, vel accusatione alterius: vt fecêre primi parentes: item absque diminutione peccati, vel etiam exaggeratione, quæ obstat veritati, in qua potest inesse superbia per ostentationem humilitatis.

3. Vt velit Confessarij monita patienter, libenterque audire, vt audiuit Dauid reprehensionem Prophetæ: *Auditacens, & pro reuerentia accedit tibi bona gratia.*

3.
Humilis.
Eccl. 22. 9.

Conferet ad hæc, intueri personam Confessarij tanquam Dei ipsius; Deumque in illo interiùs, & exteriùs venerari: nam & ideo Sacerdos non vitur verbis precatorijs in absoluen- do; sed absolutæ potestatis: *Ego te absoluo.* O quanti istud salutis verbum comparari dignum est? & amittes tu ob leuissimum pudorem? Audi Sapientem: *Quàm bonum est correptum manifestare pœnitentiam! sic enim effugies voluntarium peccatum.* Si manifestaueris: *Omniùm iniquitatum iuarum non recordabitur Dominus.*

Sacerdos
Dei Vica-
rius.

Eccl. 20. 4.

Ezech. 18. 22.

PVNCTVM IV.

CIRCA Satisfactionem. I. Paratus ero præstare omnia. quæ mihi fuerint à Confessario iniuncta, vel ad medicinam peccato faciendam, vel ad satisfaciendum Deo pro iniuria, nam cum gratis mihi remittatur pœna aeterna culpæ mortali debita, inque temporariam commutetur, conuenit, vt hanc tota voluntate suscipiam, sicut Dauid: *Ego in flagella paratus sum, & dolor meus in conspectu mei*

Satisfactio
I.
Obediens.

Psal. 37. 28.

semper : quoniam iniquitatem meam annuntiabo, & cogitabo pro peccato meo.

2.
Memoria
passionis
Christi.
Purgatorij,

2. Iuuerit memoria acerbissimæ poenitentia, quam Christus in passione sua subiuit pro peccatis meis, ne pro magno mihi sit, tantò minorem pro reatu me peragere. Conferet etiam, poenas purgatorij cogitare: quæ cum grauissimæ sint, licet eas nunc redimere minori multò satisfactione. quin hæc ipsa satisfactio acceptatur à Deo ad nouum augmentum gratiæ & gloriæ: quod purgatorij cruciatibus non est concessum.

3.
Propositū
emendandi.

Jerem. 31. 21.

3. Necessarium est, serium propositum non peccandi in posterum: sine quo est contritio ficta, confessio sacrilega, & satisfactio inutilis, & absolutio inanis ab effectu: quin nec venialis culpa absque simili proposito remitti potest. Quamobrem, vt monet Ieremias, *Statue tibi speculam*, (explora peccata tua) *pone tibi amaritudines* (amarè illa desse) *dirige cor tuum in viam rectam, in qua ambulasti*: quod est, propone ex corde vitam tuam corrigere.

MEDITATIO XXXII.

Gratiarum actio pro beneficio absolutionis.

Confessio
laudis.
Osee 14. 2.

DVPLEX est confessio: & peccatorum, & laudis diuinæ. conuenit autem, vt hæc illi succedat, quod suadet Osee: *Conuertere Israel ad Dominū Deum tuum, quoniam corruisti*

corruisti in iniquitate tua. Tollite vobiscum verba, & dicite ei: Omnem aufer iniquitatem & accipe bonum. & reddemus vitulos labiorum. nostrorum. En humilis confessio peccati, cum ait: *Omnem aufer iniquitatem;* propositum autem emendationis ibi: *Et accipe bonum;* deniq. gratiarum actio sunt *vituli labiorum.* De qua etiam David: *Sacrificium laudis honorificabit me, & illic iter, quo ostendam illi salutare Dei:* nempe gratitudo, pro accepta gratia, est via ad perfectam salutem consequendam. Ideo Christo tantopere placuit Samaritanus ille; qui cum alijs nouem à lepra mundatus, redijt vnicus ad gratias agendas.

Opportunum fuerit, in Ecclesiam se recipere, & coram venerabili Sacramento opus hoc peragere gratiarum, memorando dulce illud verbum ac potens: *Absoluo te: quod auditui meo dedit gaudium, & exultare facit ossa humiliata.* Constant autem gratiæ tribus actibus: agnitione beneficij, laude auctoris, oblatione certi operis in illius obsequium.

PUNCTVM I.

AGNITIO beneficiorum Dei in Sacramento poenitentiae praeceptorum. 1. Quod omnia peccata mihi condonauerit, etiam ea, quae non fuerim confessus per obliuionem, aut ignorantiam inculpabilem. 2. Quod animum pacauerit meum à passionibus internis agitatam. 3. Quod à morte aeterna, & ea, quam priuatio gratiae, & amicitiae diuinæ

Vituli labiorum.

Gratitudo.

psal. 50. 10.

Beneficia
Confessionis.

1.

2.

3.

4. affect, me vindicauerit. 4. Quod in misericordia sua prauenerit me, vt ritè obirem Sacramentum; auxiliaque nunc offerat opportuna ad vincendas tentationes, permanendumque in gratia. 5. Quod *repleuerit in bono desiderium meum*, donans gratiam & charitatem, virtutesque reliquas infusas; aut si aderant, nouis augens incrementis. 6. Quod renouauerit, vt aquilæ iuuentutem meam, depositis actibus veteris hominis, alacremque reddens ad opera virtutum, & viam mandatorum Dei nouo feruore decurrendam.

PUNCTVM II.

CONFESSIO laudis pro ijsdem beneficijs. Quadrat illud Canticum Davidis: *Psal. 102. 1 Benedic anima mea Domino. & omnia que intra me sunt, nomini sancto eius* quod licebit percurrere. Orabo supplex, vt impleatur in me illud: *Qui sperant in Domino. mutabunt fortitudinem; assument pennas sicut Aquila, current, & non laborabunt; ambulabunt, & non deficient.*

PUNCTVM III.

OBLATIO operis pro beneficijs. I. Præcipuum est cautio à reciduo: quod monuit Dominus: *Ecce sanus factus es, iam noli peccare, ne deterius tibi aliquid contingat; ne, vt canis reuertar ad vomitum: aut locum dem septem alijs spiritibus nequioribus: & fiant nouissima priora prioribus.* Et est signum non se-

riæ pœnitentiæ, mox secutus lapsus, & tali
conuenit illud: *Qui baptizatur a mortuo, &*
iterum tangit eum, quid proficit lauatio illius:
sic homo, qui ieiunat in peccatis suis, & iterum
eadem faciens, quid proficit humiliando se? o
rationem illius quis exaudiet? Nec ideo tamen
animum despondebo, nam *septies in die cadis*
rustus, & resurgit.

Eccl. 24. 30.

Prou. 24. 16.

2. Implebo statim iniunctam pœnitentiam,
aut, si minus licet totam; saltem eius par em,
cum affectu obedientiæ, & cum seruiore amo-
ris, cupiens multò plura præstare; dicamque
cum seruo illo debitore: *Patientiam habet in*
me, & omnia reddam tibi.

2.

Pœnitentia
non diffi-
cile da.

Matt. 18. 26.

3. Comparabo me ad sacram Eucharistiam
percipiendam, quo opere non est aliud effi-
cacius ad gratiam reterendâ. *Quid retribuam*
Domino pro omnibus, quæ retribuit mihi? ca-
licem Salutaris accipiam, & nomen Domini
inuocabo.

3.

S. Eucha-
ristiæ sum-
ptio.

Psal. 115. 12.

MEDITATIO XXXIII.

Præparatio ad sacram Commu-
nionem.

DE excellentia & fructu Sacramenti hu-
ius considerabitur in 4. parte; ubi de
Institutione; & in 6. parte, inter beneficia.
Nunc considerationes tantum aliquæ propo-
nuntur præparatoriæ ad Sumptum. *Dignitas*
visitantis, vilitas visitati, modus, finis.

PUNCTVM I.

1.
Excellentię
Diuinitatis
Christi.

DIGNITAS visitantis. Perfectiones diuinæ in Christo considerandæ sunt, & quæ est in se infinitus, & quæ extra se est principium, finisque omnium; & cum tantus sit, non fuit ei satis induisse carnem nostram, nisi etiam singulis sese hominibus corporaliter communicaret, & in eis sedem thronumque collocaret, quod accederemus cum fiducia misericordiæ consequendæ, auxiliique opportuni.

2.
Humanitatis.

Deinde consideretur idē Christus, quæ homo. Is est, qui in utero Virginis conceptus moratusque nouem mensibus, Tabernaculum suum innumeris & amplissimis ornauit donis. Qui, adhuc ex utero, sanctificauit præcursores, eiusque matrem Spiritu sancto repleuit: quidni ad me veniens, & in me existens, pariter faciat suæ gratiæ participem? Is iam natus, & in præsepio locatus, adoratores suos Pastores & Magos magnis impertijt bonis: & qui ipsum intra me venerabundus excipio, exosculor, in donatus relinquer? Iam natu grâdis obibat regiones benefaciendo & sanando omnes, & ad me ingressus non similia præstabit? Caro illa tot cruciata supplicijs, & sanguis ille per tormenta effusus pro salutem, in Sacramento sumpta, non operabuntur in me salutis effectum? Hic est, qui spoliauit infernum, in coelos ascendit, & sedet à dextris Dei, dans bona hominibus. Hic egit

Officia
Christi.

mor

mortalis *Magistrum, Medicum, Redemptorem, Pastorem, & Sacerdotem* pro me: haud dubiè talem se nunc quoque exhibebit animæ meæ, quando tam benignè ad eam ingredi non dedignatur.

Ergò ad illius me pedes prouoluam cum *Magdalena*, lauans eos lachrymis contritionis; cum *Syrophœnissa tangam* fiducialiter *eius vestimentisimbriam*, vt sanus fiam. Immittam in latus manusq; eius manum meam & digitos, exclamans cum Thoma, *Dominus meus, & Deus meus.*

Luc. 7. 38.

Affectus.

Matt. 9. 21

Ioan. 20. 2

PUNCTVM II.

VILITAS visitati: Is est homo, ad quem diuertit Deus. O vile hospitium; nec vile tantum, sed immundum & horridum. Lingua hominis, quâ primùm excipit Christum venientem, est vniuersitas iniquitatis; guttur, quo demittit, gurgēs, crapulæ, & sepulchrum patens, foetorem omnem exhalans; pectus & interiora, quò inducitur, est sentina prauarum cogitationum & appetitionum.

Vilitas hominis.

Talis est homo ex se, nisi tu, Domine, laueris illum, & ornaueris: & vel fuisse aliquando talem, sufficit, vt indignus reputetur fauore tam eximio visitationis tuæ: visitas tamen, & mansionem apud eum facis, & cœnas cum illo. O, *inclina cœlos tuos & descende:* adduc tecum cœlestium virtutum comitatum quo adornetur thalamus animæ meæ,

Psal. 143.

Oratio.

ad dignè excipiendum. O *spiritus* sancte, & sanctificator, qui gloriosa Virginis Matris Mariæ corpus & animam, vt dignum Filij Dei habitaculum effici mereretur, plenitudine gratiæ præparasti; da, vt qui eundem Dominum excepturus sum, si minus pari, quod fieri nequit, puritate, saltem non indignè suscipiam.

PUNCTVM III.

Modus.

MODVS visitandi hominem. Sufficisset, si modò se in Sacramento præsentem exhibuisset aspiciendum & adorandum, vt olim serpentem aeneam; vel summum, si tangendum: vt virtus de illo exiens sanaret nos ab infirmitatibus animæ spiritualibus. At voluit intimè nobis copulari, & in ipsa viscera peruadere; ideoque in cibum se tradidit. Et impletur hîc etiam illud: *Homo circumdabit virum*, complectitur enim Christum, perfectum Deum & hominem; non brachijs, sed intimis visceribus, quoad sacræ perdurant species diuini Sacramenti.

Manducavit.

Jerem. 31.

PUNCTVM IV.

Finis.

1.

FINIS visitandi hominem, nempe vt ei speciatim illa conferat, ob quæ mortalis olim venit in mundum. Itaque venit
1. vt Saluator; quò pretium sui Sanguinis mihi communicet. 2. vt Medicus, ad tol-

2.

len-

lendas ægritudines per opportuna pharmaca.
 3. vt magister, ad instruendum & illuminan-
 dum. 4. vt Sacerdos; per hoc Sacramentum
 applicaturus mihi fructum sui cruenti sacri-
 ficii; 5. sicut nutrix, vt lactet me sua dulcedi-
 ne, pacis osculum præbeat, sibi que adstringat
 amplexu charitatis; impleaturq; illud spon-
 sæ desiderium; *Osculetur me osculo oris sui* Sed
 & alia similia licet cogitare: quòd veniat vt
 pastor, me requirens; vt defensor, ad prote-
 gendum; vt ignis, ad purificandum & accen-
 dendum cor meum charitate.

3.

4.

5.

Cant. 1.1.

Post hæc, vel potius inter hæc, dum singu-
 las causas considero veniendi, vicissim neces-
 sitatem meam conferam: veluti, quàm in
 digeam Saluatore, medico, magistro, & reli-
 quis? Hinc partim admirabor dignationem
 Dei, partim vota inflammata concipiam, fru-
 endi tam multiplici bono. Admirabor: Nam
 quid opus erat ob eos fines sic se demittere? E-
 lias & Elisæus super defuncti pueri membra
 seipsos contraxerunt; membra membris iun-
 gentes, vt illum ad vitam reuocarent. Sic se
 Dominus maiestatis in panis particulam re-
 stringit, vt vitam mihi reddat, & poterat id
 solo nutu facere. Quando autem venire ipse
 vult ad sanandum me, quî satis exardescam in
 illius desiderium? dicam; *Excita potentiam*
tuam, & veni, vt saluum me facias. Vtinam dis-
rumperet cælos, & descenderes: à facie tu-
montes disfluxerunt. Elata corda amore li-
 quescerent: *Rorate cæli desuper, & nubes*

Propria e-
gestas.

Oratio.

pluant

Puritas su-
mentis.

pluant iustum. Hisce & similibus sententijs me accendam cupiditate participandi diuina mysteria, & in ipso puncto maximè communionis, nam his cibus, quòd profit, quàm auidissimè capiendus est. Sed & contemplatione tantæ puritatis & sanctitatis, ô velim purior esse astris, certè dabo operam, vt me à præcedenti communionem die ita mente & corpore custodiam, vt in nulla re vel leuissima delinquam: vt sicut à media nocte ieiunus esse ab omni cibo & potu debeo, ita sim à culpa ieiunus.

MEDITATIO XXXIV.

De spirituali Communionem.

Cômunio
spiritalis ad
quid!

SERVIT hæc communio præparationi i. ad communionem Sacramentalem: deinde audiendæ Missæ cum fructu, nam sicut Sacerdos celebrans offert sacrificium in gratiarum actionem pro acceptis beneficijs; & 3. ad propitiationem peccatorum pro viuis, & defunctis; & 4. ad impetranda noua dona, tū sibi tum alijs, toti quæ Ecclesiæ: ita audiens Missam, potest ad eosdem fines Deo offerre, quod ibi peragitur. Item; sicut celebrans consumit Sacramentaliter oblationem, ita audiens potest spiritualiter manducare, & participare de oblati per actus internos fidei, spei, & charitatis, dicente Domino: *Ego sum panis vitæ, qui venit ad me, non esuriet; & qui credit in me, non sitiet in æternus.*

Ioan. 6. 35

P V N -

PUNCTVM I.

EXERCENDA viua fides circa hoc Sacramentum: quæ quatuor nititur quasi columnis. SAPIENTIA Dei: qua valet inuenire modos ineffabiles communicandi se mortalibus BONITATE; qua propendet ad se communicandum. OMNIPOTENTIA: qua potest, quidquid vult. denique VERITATE, quæ mentiri non potest: reuelauit autem nobis, in hoc Sacramento verè tradere se ipsum in cibum ac potum.

His nixa fides, renuntiansque sensibus, firmiter credit, verè & realiter sub illis speciebus contineri Christum Dominum, verum Deum & hominem, cum omni gloria, quam in coelo habet: & sicut ibi diuinitatis suæ conspectu, & præsentia humanitatis satiat, beatque sanctos: ita in isto Sacramento replet bonis animas esurientium. Expediens fuerit ad actuandum magis hanc fidem, percurrere perfectiones diuinas Christi figillatim, tum etiam humanas, & quæ egit tulitque propter nos: eliciendo actus fidei circa singulas, quod hic lateat ille immensus, omnipotens. &c. & ille pro me natus, passus, &c. & ille medicus magister, &c. qualia in præcedenti Medit fuerunt indicata.

Profitetur quoque, me ita certò credere ac si præsentem Christum oculis cernerem; nec secus gaudere de hac latente ipsius præ-

Actus fidei

4. columnar.

1.

2.

3.

4.

Professio.

sen-

sentia; proque ista dignatione æquè gratias agere.

PUNCTVM II.

Actus Spei.

Joan. 6. 50.
51. &c.

Centurio.
Matt. 8. 8.

Luc. 8. 44.

Serpens.

EXCITANDA certa spes percipiendi fructus promissos participantibus hoc Sacramentum, si vel solo desiderio illud sumam, quales sunt: *Qui manducat hunc panem viuet in æternum; Et, qui manducat meam carnem, & bibit meum sanguinem, in me manet. & ego in eo; Et, Sicut misit me Pater, & ego uiuo propter Patrem: qui manducat me, viuet propter me.* Nam potentia Dei non est alligata Sacramentis: quin similes effectus conferre possit & velit, præsertim desiderantibus eos ardentè; cum præcipuè non est opportunum, sumere ipsum Sacramentum, votoque saltem sumitur. Quare dicam cum Centurione: *Domine non sum dignus, vt intres sub tectum meum, sed tantum dic verbo, & sanabitur anima mea: & cum pia muliere: Si tetigero tantum simbriam vestimenti eius salua ero.*

Quòd si aspectus anei serpentis sanabat faucios: quid nì aspectus fidei in Saluatorem mundi multò magis animam sanet? Si sola vmbra Petri curabat omnes: vtique & deuota memoria huius diuini Sacramenti, quæ plus est, quàm vmbra.

PUNCTVM III.

Charitatis
actus.

EXERCENDI sunt actus charitatis, quibus vnimur Deo, & conueniunt huic ma-

ximè Sacramento quod est vnionis. Amabo igitur illas perfectiones Dei, quæ inprimis e-
 lucent in isto Sacramento bonitatem, chari-
 tatem, potentiam, liberalitatem; vicissim op-
 tans, me ipsi liberalem exhibere. Cupiam Deo
 inhaerere perfectè, & sine intermissione; eius-
 que similitudinem viuam per virtutum ac-
 tiones in me exprimere; ac potissimum per
 idem cum Deo velle & nolle. Velim ex animo,
 vt omnes Christum in hoc Sacramento agnos-
 cant, & venerentur; atque diuitias in eo la-
 tentes participant, gratias agentes & benedi-
 centes Deo pro tam eximio dono. Offeram
 me totum Deo, qui cum in omnibus suis ope-
 ribus mirabilis sit, in isto etiam summè ama-
 bilis. Proponam igitur amare illum ex toto
 corde, mente, anima, fortitudine, & viribus;
 tum quia per seipsum dignissimus est, & om-
 ni amore maior; tum ob tam eximia beneficia,
 quibus præuenit nos.

MEDITATIO XXXV.

*Gratiarum actio post Communio-
nem.*

MAGNI refert, benè vti illo tempore,
 quo apud nos Christus demoratur
 post sumptam Eucharistiam: nam & tunc ha-
 bet locum Christi ipsius dictum; *quandiu* Ioan. 95.
sum in mundo, lux sum mundi & illud Eccle-
siastici consilium; Non defraudare à die bono, Eccle. 10. 15.
Medis. Compend. **K** *Et par-*

¶ particula boni doni non te praterat.

PUNCTVM I.

Fides præ-
sentia Christi.

Luc. 5. 8.
6. 2. 3.

Psal. 8. 5.
Psal. 8. 2.

Affectus
laudis.

Isai. 6. 3.

Matt. 21. 9.

Dan. 3. 52.

Inuitatio
Sanctorum.

Animæ.

EXCITANDA primùm est fides ardentior præsentia Christi; & quod ille talis, & tantus iam mihi adsit: quia verò Rex non venit absque comitatu, me circum Angelis vallatum intuebor, & perculsus tantæ Maiestatis reuerentia, confundar apud me ipsum, dicamque Domino cum S. Petro: *Exi à me, quia homo peccator sum;* vel cum Elizabetha; vnde hoc mihi, ut veniat Dominus meus ad me? & illud: *Quid est homo, quia memores eius?* & , ò Domine Dominus noster, quàm admirabile est nomen tuum? Atque isti humilitatis & reuerentia sunt affectus. Deinde excitabo affectus gratiarum, vel cū Seraphim & Cherubim incessabili voce proclamans: *Sanctus, Sanctus Sanctus Dominus Deus Sabaoth,* hoc est, exercituum siue virtutum. Vel cum pueris Hebræorum: *Hosanna filio David; Benedictus qui venit in nomine Domini,* *Hosanna in altissimis.* Vel cum tribus pueris in fornace inuitabo omnes creaturas: *Benedicite omnia opera Domini Domino, laudate & superexaltate eum in secula.* Licēbit etiam sigillatim inuitare ad laudandum Deum nouem choros Angelorum, tum singulos Sanctorum choros, Patriarcharum, Prophetarum, Apostolorum, Martyrum, Confessorum, Sacerdotum, Virginum, Viduarum, Sanctorumque omnium.

Quin meas ipsas potentias animæ, inter-

nas

nas: externaſque prouocabo ad glorifican-
dum Deum. Vos oculi mei, quibus datum eſt
cernere in hoc ſacraſſimo velamine Domi-
num Maieſtatis; tu lingua, labia, palatum, pe-
ctus, quæ tactu illius ſanctificamini; tu mens,
voluntas, memoria, quas reficit hoc cæleſte
Manna; & omnia, quæ intra me ſunt, benedici-
te Domino, qui eſt laudabilis & glorioſus in ſa-
cula.

*Psal. 102. 1.
Dan. 3. 56.*

PVNCTVM II.

POST affectus ſubmiſſionis & tantæ lau-
dis, me conuertam ad hauriendum fru-
ctum ex Chriſti præſentia, ac primò per amo-
rem arctè illum complectar cum ſponſa: In-
ueni, qui in diligit anima mea; tenui eum, nec
dimittam. Non mors, neque vita, neque creatu-
ra alia poteſt me ſeparare à charitate Dei; quæ
eſt in Chriſto Jeſu Domino meo.

*1.
Vnio cum
Chriſto per
amorem.
Cant. 3. 4.
Rom. 8. 38.*

Deinde effundam in conſpectu eius oratio-
nem meam, & tribulationem meam ante ip-
ſum pronuntiabo, ſigillatim exponens neceſſi-
tates meâs ſpirituales, & vitia, à quibus maxi-
mè impugnor. & poſtulans ab eo remedium,
qui medicus eſt; lumen à Magiſtro; auxilium
à potente. & vt impleatur in me illud ad
Zachæum: Quia hodie huic Domui ſalus à Deo
facta eſt. Vrgebo autem inſtanter, ac velut Ia-
cob cum eo luſtans; non dimittam, niſi
benedixerit mihi.

*2.
Miſeriæ
explicatio.*

Gen 32. 24.

(?)

PUNCTVM III.

CONVENIT tanto hospiti munus ali-
 quod offerre. Ille quidem dicit: *Sto ad os-
 sium & pulso: si quis audierit vocem meam, &
 aperuerit ianuam, intrabo ad illum, & cenabo
 cum illo, & ipse mecum.* Quare videtur coenam
 expetere. Ille quidem sua secum infert fercu-
 la, quibus animam pascat, delicias spirituales:
 sed & pasci vult à nobis. Apponam ergò ipsi,
 quod futurum est ei gratissimum. in primis
 cor meum: quod & petit; *Fili, prabe mihi cor
 tuum.* Imò Domine, libens offero; accipe; &
 quia tuum erit, fac, ne deinceps quidquam in
 illud subrepat, quod alienum sit à te. Sed &
 corpus meum offero, *hostiam viventem, sanctam,
 Deo placentem:* cupiens mortificationem tu-
 am, bone Iesu, in corpore meo circumferre, &
 ibi me præcipue mortificare, vnde maxime
 impugnor.

Præter has spirituales dapes, è re fuerit,
 Christum ipsum in pauperibus pascere, si fa-
 cultas subsit. Religiosus autem vota sua pau-
 pertatis, castitatis, & obedientia opportunè
 renouabit. Sed & aliquid peculiare offeram
 eodice perficiendum, quem in affectibus pie-
 tatis traducam, implens illud, *Fasciculus Myr-
 rha dilectus meus mihi, inter vbera mea com-
 morabitur:* Et, viuo ego, iam non ego: viuit, verò
 in me Christus. Et, in fortitudine cibi istius am-
 bulabo vsque ad montem Dei Horeb. Orabo tã-
 dem, vt postquam consumptis sacris specie-

bus

Apo. 3. 20.

Oblatio
sui.

Pro. 23. 26.

Roma. 12. 1.
2. Cor. 4. 10.Elemosy.
12.Cant. 8. 13.
Gala. 2. 20.

; Reg. 19. 8.

bus corporalem suam præsentiam subtraxerit, peculiari tamen protectione sua non nunquam destituat, assiduam mihi sui ipsius memoriam iugiter ingerendo.

MEDITATIO XXXVI.

De Purgatorio.

SCOPVS huius Meditationis est excitare Scopus.
 Scos, qui in via purgatiua sunt, ad opera satisfactoria pro peccatis suis suscipienda, & viuat etiam, vt misertus animarum purgatorii, eas suffragijs nostris subleuare velimus

PUNCTVM I.

QUOD Deus constituerit, vt homo quicumq; mortalis peccati reus, etiam post deletam culpam, & æternam poenam condonata, debitor maneat subeundi aliquam satisfactionem temporariam: quam si in presenti vita non exsoluerit, persoluat post mortem, priusquam ad gloriam beatorum admittatur. Atque ad eam rem destinauit Deus locum in inferioribus terræ partibus, quò anima à proprio Angelo deducitur purganda. Circa hanc fidei veritatem suspiciam primum iustitiam Dei; qui, quamuis liberaliter remittit culpam poenamque æternam; tamen non relinquit prorsus peccatum impunitum. Vnde etiam in ipso Sacramento poenitentiae voluit satisfactionem aliquam iniungi à Sacerdote pro de-

Purgatoriū
ad quid.

iustitia
Dei.

licti modo. Verùm superexaltat misericordia iudicium; siquidem loco tantorum & sempiternorum suppliciorum, ad correctionem nostram, temporali contentus est animaduersione. Cooperabor igitur diuinæ iustitiæ; & libenter à me ipso poenas exigam, quas ille constituit; parum putans, quod in hac vita perpetior, pro debitis in altera peccato meo æternis cruciatibus:

2.
Puritas necessaria,

Deinde expendam, quòd si minùs nunc exsoluero debitum istud, erit mihi luendū post mortem, quando diuina id iustitiā postulat: & nemo, nisi planè omni debito solutus, atque purgatus in cœlum admittitur. Atque utinam modò ita uiuerem, ut nihil postea repurgandum superesset,

3.
Venialia tollenda,

1. Cor. 3. 15.

Præterea considerabo, quòd non solum reliquæ peccatorum mortalium exsoluendæ sint, verum etiam venialium; & quotidianarum culparum reatus, nisi poenis voluntariis in hac vita tollatur, erit in altera per ignem expiandus; sicut dicit Apostolus: *Et salui erunt, sic tamen quasi per ignem.* Ex qua re colligam, quantopere Deus omne peccatum detestetur, quandoneque iustos & amicos suos ob leues culpas ad conspectum suum admittit; sed in dirum carcerem priùs macerandos, expurgandosque detrudit.

PUNCTVM II.

poenæ damni causæ.

QUOD in Purgatorio est poena damni, dilatio nimirum Visionis beatificæ. Hæc animæ iustæ grauiter sentiunt, postquā à corpore

pore

pore solutæ purius iatelligunt, quantum sit illud bonum, quo adhuc carent. *Vnde spes, quæ differtur, affligit animam.* Deinde charitas in illis animabus est expeditior ab omni distractione, quò feruntur in Deum intensius; sicq; est eis acerbior separatio à Dei visione. Quare intimis sensibus dicunt: *Heu mihi, quia incolatus meus prolongatus est.* Tertio anguntur ab ignorantia temporis, in quod earum liberatio differenda sit, nam etsi diuinæ se committunt voluntatis dura tamen est eis incerta expectatio, præsertim dum considerant, olim se minus fuisse sollicitas de videndo quàm primum Deo; vt meritò nunc puniantur dilatione incerta, quandò maximè cuperent Deum videre. Postremò inde etiam cruciantur, quod à Christi humanitatis conspectu, eiusque Matris, & à commercio reliquorum Sanctorum iucundissimo arceantur.

Prov. 13. 12.

2.

Psal. 119 5.

3.

4.

PUNCTVM III.

QUOD in Purgatorio sit poena etiam sensus à vero igne, qualis est inferni, & adeò, quàm noster sit, acriori, agit autem cruciatque tanquam instrumentum diuinæ iustitiæ à Deo supra naturam motus, ad animas ipsas excruciantas; sicque *velut aurum & argentum percolandas*, expurgandasque, vt Malachias loquitur. Neq; ibi est quod à sensu doloris animam auertat, ac distrahat; sicut in hac vita complura sunt. Quare illa poena putatur grauior omni alia vitæ mortalis, etià quo-

Ignis Inferni & purgatorii.

Mala 3. 8.

**Affectus
timoris.**

Satisfactio.

**Venialium
fuga.**

2. Cor. 3. 12.

**I.
Patientia
animarum.**

rumuis Martyrum, Christi que ipsius. Ergo
viam, vt tali purgatione non sit opus.

Concipiam ex his tres affectus Primus esto
timoris diuinæ iustitiæ, quando sic animad-
uertit in amicos vel ob leues culpas quos alio-
qui amat, & à quibus amatur. Ita vt maiori
terrori sit ista animaduersio, quàm damnato-
rum in inferno: quod illi capitales inimi-
ci sint, & irreconciliabiles, isti autem dilecti,
& electi. Secundo eliciam propositum satisfa-
ciendi potiùs in hac vita, vbi mitiori poenâ li-
cet debitum soluere. & vbi satisfactio ipsa
simul valet ad meritum gratiæ & gloriæ,
quod in Purgatorio non habet locum. Proin-
de rogabo Deum, vt, quòd minùs sponte mea
præstitero, ipse tribulationibus immisis sup-
pleat, quòd futuras poenas præuertam.

Tertiò, exhorrescam etiam peccata venia-
lia, quæ similiter in vita altera expiatur. Pro-
inde super fundamentum, quod est Christus,
*superadificabo non lignum, & stipulas, sed au-
rum & argentum, & lapides pretiosos: nam
illa, vt ait Paulus, ignis exuret: saluus tamen
fiet homo ædificans, sed quasi per ignem.*

PUNCTVM IV.

EX parte animarum purgantium duo sunt
consideranda. 1. quòd poenas sustinent
patienter, conformantes se diuinæ voluntati
& iustitiæ, quam impleri in se gaudent. Ex
quodiscam aduersa patienter ferre, quæ mi-
hi purgatorij ignis loco sunt, cum alioqui mi-
nus

nus crucient, & conferant etiam ad meritū,
& à Deo ob eum finem immittantur, vt per ea
satisfaciam pro debitis peccatorum. Denique
cū omnia, quæ Dei sunt, amabilia iusto sint,
pariter eius iustitia. 2. Quod animæ purgan-
tes vehementer expetunt subsidia viatorum
per opera satisfactoria, aliq; suffragia. Quod
si crudelis haberetur, qui proximum igne for-
tuito circumuentum cerneret, & cū posset,
non eriperet, quomodo excusari poterit fide-
lis, qui, quoad potest, animabus defunctorum
in tali necessitate non succurrit? Cogi-
tabo, quid mihi tunc fieri vellem, illudq; si-
militer alijs præstabo. Et reddit Deus vicem,
quia *miseriordes misericordiam consequen-*
tur; excitaboq; alios, qui mihi subsidium
ferant, cū illuc pertigero. Quin animæ ip-
sæ, à nobis adiutæ, cū in conspectum Dei ve-
nerint, gratas se exhibebunt, pro nobis Deum
obsecrando. Denique licet opus satisfacto-
rium, quod animabus applico, mihi ipsi detra-
ham, quoad effectum satisfactionis, ea tamē
spiritualis eleemosyna meritum & charita-
tem auget, compensatq; iacturam. San-

Ita igitur & salubris est cogitatio pro
defunctis exorare, vt à pecca-
tis soluantur.

(c)

2.
Expetunt
suffragia.

Matt. 5.7.

Gratæ sunt
erga nos.

2. Matt. 12.
12. 54.

INTRODVCTIO

SECUNDÆ PARTIS.

DE EIVS SCOPO.

Cant. 5. 1.

QUONIAM meditationes viæ ILLVMINATIVÆ (vti vocant) tres partes continent, nempe INFANTIAM, PRAEDICATIONEM, & PASSIONEM seu mortem Saluatoris, per quas tenditur ad viam *vnitiuam*, quæ in duabus postremis partibus potissimum a nobis tractatur, in prioribus illis scopus meditati propositus esse debet perfecta Christi Domini *imitatio*. Nam sicut supremus ille Rex ac capitaneus noster *venit in hortum* Ecclesiæ militantis, hunc scilicet mundum, in quo *meteret Myrrham* molestiarum & calamitatum, quas ab *infantia* pertulit, *cū aromatibus* odoriferarum virtutum; proponeret item doctrinam suam tanto cum affectu ac gustu, quasi *sauum mellis* comederet, donec tandem vino amoris inebriatus, nudus in ara crucis expiraret, tãto desiderio amarissimum alioqui passionis calicem exhauriens, quasi *lacte* temperatum *ebiberet*; ita & nos tanquam amici carissimi eniti debemus, vt tria & his similia in vita nostra exprimamus: Vt 1. *metamus myrrham* mortificationis cum *aromatibus* virtutum, quò passionibus inordinatis edomitis, puritatem

eius

eius repræsentemus. 2. Mox excellentem ac planè celestem eius doctrinam ruminantes tanquam *fauum* dulcissimum *cum melle* virtutum eius heroicarum mistum comedamus. 3. Demum *vino* perfecti amoris inebriemur admisto consolationum lacte, vt affectibus terrenis exuti, vel in ipsa cruce (si Deo ita placuerit) mortem ipsam subire pro eius amore non reformidemus.

Cùm verò ordinatæ caritatis gradus tres reperiantur, videlicet *inchoata, proficientia ac perfecta*; eodem modo in hac meditationum viæ illuminatiuæ diuisione tres sunt partes, INFANTIAE, PRAEDICATIONIS ac PASSIONIS CHRISTI, totidemque fines, ad quos illæ diriguntur; ea tamen ratione, vt earum meditationes, quæ de *infantia* sunt, ad teneriorem quendam amorem, tanquam *Lac & Mel* diuinarum consolationum, animos (Tironum præcipuè) deducant, quò facilius deinde ad heroicarum eius virtutum imitationem excitentur. Neque in hoc triplici fine consistendum, sed conandum insuper, vt Christum verum DEVM ac hominem, certa atque integra cognitione intelligamus, infinitam *personæ* illius dignitatem, atque inestimabiles diuitias & gratiæ Thesaurus penetrantes. atque ex hac cognitione *ignis* ille amoris in *meditatione exardescit*, quò ad perfectam eius imitationem, velut inflammati rapiamur, donec in nobis fiat illud, quod S. Gregorius Nyssenus

*Serm. de
perf. form.
hom. Christi.*

vt

vt *Christianus* sit *alter Christus*, humilitate, patientia, reliquisque virtutibus, quibus illius in nobis formam imprimamus.

S. Ignat. in
exerc. hebdom.
2. 63.

Quod uti melius assequamur, perpendendū nobis erunt, in hisce meditationibus præcipuè circumstantiæ. 1. *Personarum*, quæ in eo mysterio sunt, excellentia, & interiores affectus. 2. Earundem *verba* & modus proferendi. 3. Earum *opera*, actiones virtutesque. 4. Earum *perpersiones* ac tormenta, ut ex singulis fructum aliquem spiritalem ad nos deriuemus. horum omnium imitationem, aliosque pios affectus (de quibus initio primæ partis dictum) in nobis excitemus.

Et hæc omnia in quouis meditationum puncto seruanda erunt, sed præcipuè circumstantia personæ (v. c. Christi D. & B. Virginis) consideranda erit, ut illius amorem ac heroicas virtutes & intellectu capiamus, & vita ipsa imitemur. Quod uti melius assequi possimus, nō parum conferet prima meditatio, quæ hic subiicietur de excellentia Regis nostri cœlestis, qui nobis ad imitandum propinquatur.

FVNDAMEN-
TVM SECVNDÆ PAR-
TIS MEDITATIO-
NYM.

*De Christo Rege inuitante ad sub-
imitationem.*

PVNCTVM I.

QVOD Christus datus sit nobis in
Regem, quod cōfiteretur ipse Psal-
mo 1. Ego autem constitutus sum
Rex ab eo super Sion.

I. Hoc Rege melior, aptiorq;
dari nequiuit. nam qui est homo, vnde com-
pati possit sui similibus; & DEVS, vnde opi-
tulari: & quod ait S. Leo, nisi Deus verus esset,
non adferret remedium; & nisi esset verus ho-
mo, non praberet exemplum.

II. Deinde considerentur in Christo om-
nes Regiæ virtutes: *Sapientia*, qua nouit in-
digentiam nostram; *Omnipotentia* ad suble-
uandum; *Misericordia* ad miserendum; *Bo-
nitas*, vt velit; *Providentia*, vt studeat nobis
consulere; *Liberalitas & magnificencia*, qua
opes omnes, ac semetipsum impertit; *Iustitia
& prudentia* in gubernando; denique *æterni-
tas*: Regnum enim eius Regnum æternum,
quod non corrumpitur.

III. Comparetur hic Rex cum terrenis
Regibus. Hi tributa imponunt, ille aufert;

imo

1.
Christus
Rex.
Psal. 2. 6.

Serm. 1. de
Nati.

2.
Regiæ vir-
tutes.

3.
Antithesi.
Isa. 10.

2. Cor. 8.

Matth. 15.

David. 2.

4.
Affectus.

imò exsoluit ex proprio ære suorum debita: Isti suos exhauriunt, vt ipsi abundant: ille egenus factus est, vt illius inopiâ nos diuites essemus; Isti in regendo à recto sæpè deflectunt, ignorantia, passione, aut malitia; ille nunquam, quippe infinitè sapiens, iustus & bonus; Isti graues leges imponunt, quas ipsi non seruant; ille suauis, præitque exemplo: Istorum Regna quamuis aurea, argentea, ærea, aut ferrea, tandem comminuuntur, quia basi nituntur fictili; illius non erit finis.

I V. Hinc varij affectus concipiendi; veluti gratiarum actionis ad Patrem pro tam nostrâ amante, & absolutissimo Rege; gaudij & gratulationis, quòd liceat tali Regi familiarem atque intimum effici: quod apud mortales Reges tanti sit; desiderij ac studij, omnia exantlandi tanti Regis gratiâ.

PUNCTVM II.

1.
Christi officium.

Ioan. 12. 26.

2.
Mortua Imitationis.

QUEM AD MODVM hic Rex suos subditos alloquatur, & inuitet. I. ait: Decretum sibi esse, iuxta æterni Patris præceptum, Dæmoni, Mundo, & Carni, vitijsque omnibus bellum indicere; vt, ijs debellatis, cælestem Patris Regiam triumphator obtineat. Porro, qui sequi se velint in hac expeditione, conformari ipsos debere suo Duci, vt cum illo similiter regnent, iuxta illud, *Si quis mihi ministrat, me sequatur; & vbi ego sum, illic & minister meus erit.* II. Ad sequendum alliciunt ista. 1. Vocantis dignitas, & mille nomina,

qui-

quibus obstrictus ei sum. 2. Iustitia causæ: vt hostes insensissimos profligemus, cuius rei utilitas est potissimum mea. 3. Exemplum Ducis: qui vt præiret, è cœlo venit; quique maiori iure, quàm Gedeon, aut Abimelech, illud requirere à nobis potest: *quod me facere videmus, facite.* 4. Promissio certissima victoria & coronæ: si per nos non steterit. 5. Denique securura inde gloria Dei Patris, & ipsius Christi. His tanquam funiculus, Adam, & vinculus charitatis trahit nos, ô Rex: ô si obsequamur!

Iud. 7. 17.

& 9. 48.

Ose. II. 3.

PUNCTVM III.

I. **Q**UOD D pauci sequantur Christum. Omnes quidem (vt ait D. Bernardus) Christiani volunt peruenire ad Christum; sed pauci ipsius vestigia sequi; quibus iuravit Dominus: *quod nemo virorum illorum, qui vocati sunt, gustabunt canam meam.* Et quia vocati & renuistis, ego quoque in interitu vestro ridebo. II. Aliqui sequuntur, sed eminus, quoad præcepta tantum; vt ille adolescens, qui tristis abiit, cum audiret à Domino: *Si vis perfectus esse, vende quæ habes, & da pauperibus, & habebis thesaurum in cælo; & veni sequere me.* III. Alij per omnia Ducem suum sequuntur, posthabitis etiam concessis voluptatibus, diuitijs, honoribus, in voluntaria paupertate, castitate, & obedientia, qualem ille vitam amplexus est; quibus nunc centuplum promittitur, & in posterum vita æterna; quamuis non tam ob eximiam remunerationem;

Diuersitas
sequentiũ.

1.

Bern. ser. 21

sup Cant.

Luc 14. 24.

Prov. 1. 24.

2.

Matt. 19. 22

3.

Matt. 19. 29

quàm

Ecc. 13.38.

Matt. 5.48.

Psal. 107.2.

Prov. 9.3.

quàm ob immensum debitum, quo obstringimur, amandi hunc Regem, eique modis omnibus inseruiendi, id præstari conveniat; & quia, ut ait Sapiens, *gloria magna est sequi Dominum*; eoque maior, quò propius sequimur, satagentes illud implere; *Perfecti estote, sicut Pater vester celestis perfectus est*; & adeò, sicut Rex noster, quem Pater nobis ad imitandum proposuit. Qui autem specialiter ad hoc vocati non sunt, promptum nihilominus animum, studiumque suum offerant; *versurpantes illud, paratum cor meum Deus, paratum cor meum*. IV. Sunt alij, quibus satis non est, ita Christum sequi, nisi alios quoque ad idem pelliciant, ac *conuocent*, ut est in Proverbijs, *Ad arcem Christianæ perfectionis*. quales sunt Religiosi illi, quorum est institutum Apostolorum instar non modò saluti & perfectioni propriæ, verùm etiam proximorum incumbere.

MEDITATIO I.

*De Decreto Diuino Incarnationis
VERBI, pro reparatione
Hominis.*

PUNCTVM I.

I.
Decretum.

QVOD Deus ab æternitate statuerit humanum genus in Adamo lapsum reparare, tum misericordiâ diuinâ tum, misericordiâ nostrâ id flagitante.

I. Con-

I. Condiderat ad imaginem suam tum Angelos, tum homines; sed cum ex illis pluri-
mi peccassent, voluit in eis iustitiæ suæ se-
ueritatem exercere; in his autem misericor-
diæ diuitias ostendere: Quod ex parte Dei
suadebat ipsa misericordia, quia cum in An-
gelis peccantibus exercuisset iustitiæ seueri-
tatem, decebat ipsum in homine saltem mi-
sericordiam exhibere: quæ maximè apparet
in condonatione peccatorum, ne iustus tan-
tum, & rigidus, nulloque modo misericors ha-
beretur.

II. Ex parte verò hominis misericordiam
Diuinam prouocabant duæ causæ. I. Quod
aliena vnius culpa reliquos infecerat, & reos
constituerat, absque propria singulorum vo-
luntate: Et quod non pauci, sed totum genus
humanum interibat; mundusque istæ causæ
hominis creatus frustrabatur penitus suo fi-
ne, dum nulli prorsus hominum ad salutem
consequendam vsui erat futurus. Non con-
ueniebat autem, vt Deus totum suum opus,
omne scilicet genus hominum, interire sine-
ret, prouidentiamque suam circa mundi con-
ditionem proposito fine vniuersè fraudari.
Quare ad misericordiam diuinam inflecten-
dam nos etiã illa duo efficaciter allegare
possumus; & quod culpa aliena in peccatis co-
cepti; & quod opus manuum Dei sumus. Nihil
enim odisti, Deus, eorum quæ fecisti, & operi
manuum tuarum porriges dexteram. 2. Cau-
sa, quod homo Diaboli fraude inductus est. Is

I.
Angelis
iustus.

Hominibus
misericors.

II.
Causæ:
1.
Aliena
culpa.

Psal. 50. 6.
Psal. 137. 8.
Sap. 11. 25.
2.
Serpentis
tentatio.

enim, cum in Deum nihil posset, à quo fuerat damnatus, iram suam in Dei imaginem conuertit. Quare hominis causam Deus vt suam suscepit, ne Malignus contra Deum gloria- retur, quasi in Deum egregiè vltus, dum ab eius obsequio hominem abalienasset; sicque statim Deus ipsi denuntiavit fore, vt qui mulierem deceperat, à muliere vinceretur: *ipsa conteret caput tuum.* Et quia eodem liuo- re nunc etiam impetitur à dæmone, licebit ad Deum similiter clamare: *Exurge Domine, iudica causam meam.*

Gen. 3. 15.

Psal. 37. 22.

PUNCTVM II.

QUOD DEVS Pater, ad remedium pec- cati, ipsum Filium suum voluerit incar- nari. I. Habuit alios modos: vel per me- diam condonationem; vel si per modum sa- tisfactionis, potuit creare hominem peccati expertem; vel per aliquem Angelorum salu- tem afferre: sed elegit, quod optimum: non enim alius reparator aptior, non medium effi- caciùs, non Redemptio copiosior reperiri po- tuit: vt *vbi abundauit delictum, superabunda- ret & gratia.*

Rom. 5. 20.

II.
Antithesis.

Gen. 3. 1.

Philip. 2. 6.

II. Confer culpam hominis cum reme- dio. Ille superbiuit, Diuinitatem, Scientiam- que Dei affectauit; *Eritis sicut Dii, scientes bo- num & malum*: quo meruit cum tota stirpe deleri in perpetuum. Contrà verò Deus, in remedium abiicit se: *Exinaniuit semetip- sum, formam serui accipiens, in similitudinem*

homi-

hominum factus : vt homo gloriâ & honore coronetur, imò fiat Deus, in Christo quidem per vnionem Personæ, in reliquis verò per gratiæ adoptionem. Prorumpam igitur in laudes tantæ bonitatis, Moyſis verba vſurpans: O Dominator Domine Deus misericors Exod. 34.6. & clemens, patiens & multæ miſerationis, ac verax; qui custodis miſericordiam in millia; qui auſers iniquitatem & ſcelera, atque peccata, nullusq; apud te per ſe innocens eſt. Venerabor tanti myſterij Maiestatem, facie pedibusque more Seraphin obuelatis, cumque iſſdem clamans: Sanctus, Sanctus, Sanctus, plena eſt omnis terræ gloria eius.

III. Gratiarum pro tam ſtupenda adin- III. Gratiarum uentione, qua, vilitatē aſſumens meam, ſuam impertijt celiſtudinem. Diſcam meipſum ab- actio. ijcere propter eum, qui ſe ita abiect propter me; & æmulabor charitatem, quæ ſummum, quod potuit, fecit mea cauſa; & viciffim quicquid ſum, & valeo, ipſi reddam, nec ſic quidem ſatis meo debito factururus. Et poſtquam Leo Sermon. 1o de Natiuitate. Deus me tanti fecit, cauebo ne degenerem.

PUNCTVM III.

QVOD Deus iſto facto omnes diuinas perfectiones inſigniter expreſſerit. 1. Bonitatem infinitam, dum ſumme ſe homini communicauit vnione hypſtatica; qua totum genus humanum fit Deo agnatum. 2. Charitatem, quia non potuit nobis maius bonum velle, neque magis illud velle: ſiquidem, vt illud

Virtutes.

1.

2.

- assequeremur, Filium suum vnigenitum dedit, quo vicissim facto voluit, nos vnum secum facere charitate. 3. Misericordiam; qua vt subueniret nobis, miseriarum nostrarum capax fieri voluit, & particeps: vnde etiam *disceret compati infirmitatibus nostris, tentatus per omnia absq; peccato.* 4. Iustitiam, quam cum negligi non oporteret, transtulit in se debita nostrorum peccatorum: in eo summè misericors, quòd per rigidam iustitiæ exhibitionem voluit nobis esse misericors, sibi rigidus. 5. Sapientiam in concilianda iustitia, & misericordia; in copulandis rebus tam dissitis, Deo & homine; æterno & temporali; passibili & impassibili. 6. Omnipotentiam, quia hoc est diuinorum operum maxitum: VERBUM CARO FACTUM. 7. Sanctitatem omnem atque virtutes, quarum viuum exemplar constituit in Christo, vt nos ad imitandum prouocaret.

MEDITATIO II.

*De infinita Dei charitate, quæ elucet
in mysterio Incarnationis; &
de fine illius.*

Ioan. 3. 16.

MATERIA huius Meditationis sumitur ex verbis Christi: sic DEVS dilexit mundum, vt filium suum vnigenitum daret: vt omnis qui credit in eum, non pereat, sed habeat vitam æternam.

PUNCTVM I.

QVIS dilexit, & quē? I. Deus dilexit, qui nullius indigēs extra se, nec amare opus habuit aliquid extra se, seipso infinitē beatus. amauit igitur me ex mera gratia. II. Dilexit autem mundum, hoc est, peccatores, contemptores ipsius Maiestatis. In hoc commendat charitatem suam; quod cū inimici essemus, ita dilexerit. III. Conferam, quam sint diuersa Dei & hominum studia: illius, in diligendo; hominum, in posthabendo illius praecepta, & tam eximiam charitatem. Applicabo haec omnia ad me sigillatim. quod ego sum ille, ita à Deo dilectus; & ille vicissim, ita in Deum ingratus.

PUNCTVM II.

QVANTVM dilexit. *Primo* ex dono intellige: vt Filium suum vnigenitum daret. Amor Dei erga creaturas non verbis constat, sed factis; & quod plus quemquam diligit, maiora ei praestat. Quando igitur summum quod habet, mundo donat; infinitē illum amat. Exaggeratur iste amor, si consideretur, in qualem tam eximium donum conferatur, in mundum ingratissimum; qui pro dono reddit Deo omne genus flagitij & offensae. O, reddam ego meliorem vicem Deo meo, quidquid sum & valeo; idque non verbo aut lingua, sed opere & veritate.

I.

Deus dilexit.

II.

Mundum.

III.

Antithesis.

Quanta dilectio.

Mundus ingratus.

Ioan. 3. 18.

PUNCTVM III.

Causæ di-
lectionis.

Ioan. 3. 16.

1.

2.

3.

Ioan. 3. 16.

Tres fines
Incarna-
tionis.

1.

2.

3.

Pro Festo

Concep.

8. Decem.

Cur Deus
ex Matre.

QUARE ita dilexit, vt incarnaretur Fi-
lius Dei? nempe, vt *omni qui credit in
eum. non pereat: sed habeat vitam æternam.*

I. Vt liberemur ab interitu, hoc est, à pecca-
to, quod est mors animæ, & à seruitute Dia-
boli, & à gehenna æterna. II. Vt vitam gratiæ
& gloriæ adipiscamur. III. Nemo à partici-
patione tanti fructus excluditur. ait enim:
*Omni qui credit, utique fide viua, quæ per di-
lectionem operatur.* Hinc collige triplicem qua-
si finem Mysterij Incarnationis. I. Vt patefa-
ceret nobis Deus thesauros suæ bonitatis, po-
tentia, aliarumque perfectionum, vt in prima
meditatione huius Partis est ostensum. 2. Vt
liberaremur ipsi à tantis malis. 3. Vt cū Deo
æternum regnaremus. Hoc quasi triplici fun-
iculo deuincit nos sibi Deus, vt ipsum toto
corde redamemus, tum, quia ob infinitas suas
perfectiones dignissimus est; tum, quia est sa-
lus, redemptio, beatitudo & corona nostra.

MEDITATIO III.

*De electione Matris, ac eius Con-
ceptione.*

PUNCTVM I.

VOLUIT habere Matrem, cū potuif-
set corpus iam perfectum sibi assume-
re, vt dedit Adæ. causæ potuerunt esse istæ.

I. Vt

1. Ut vtrumq; sexum insigni honore afficeret: virum, ex sumptione naturæ; feminam, ex carne accipiens. videlicet propter omnes venit, & ita voluit etiam feminam huic mysterio cooperari. 2. Ut; quia nobis (vt ait D. Bernardus) vnus vir, & mulier vna, vehementer nocuere, per vnum nihilominus virum, & mulierem vnam, omnia restaurentur. 3. Ut nobis loco Matris esset, & apud Filium aduocata. nam is etiam Deus est, & Iudex, & eatenus timendus. 4. Ut infans factus, & subditus Matri, subiectionis nobis præberet exemplum.

PUNCTVM II.

QUOD hanc inter mille elegerit, non ob eius propria merita; sed potius, quia in Matrem elegit, ideo in eam contulit tot illa, tantaque ornamenta, quibus digna Dei Mater efficeretur.

Gratulabor ipsi, ac beatam dicam: quia fecit ei magna, qui potens est.

PUNCTVM III.

ELECTIO DEI Matris est planè singularis: vnde etiam dicitur Electa, vt Sol; quasi vnica inter creaturas, vti vnicus est in mundo Sol. quòd igitur vniuersè de electis dicitur, elegit nos, vt esse nos sancti & immaculati in conspectu eius in charitate: id singulariter in Dei Matrem conuenit. 1. Electa est, vt esset Sancta, vt, quæ educta erat Sanctum Sanctorum, esset quoq; ipsa Sancta Sanctorum. II. B-

Singularis.

Ephes. 1. 4.

Electa.

I. Sancta.

II.
Immacu-
lata.

III.
In conspe-
ctu Dei,

IV.
In Chari-
tate.

Priuelegia
conceptio-
nis B. M. V.

I.
Immacu-
lata.

lecta est, vt immaculata esset, & supra omnes pura; vt quemadmodum Christus, quā Deus, Patrem habet ipsum puritatis fontem; ita & quā homo, purissimā haberet Matrem, III. Electa est, vt talis esset in conspectu Dei, nō foris tantum, & ad oculum: sed intenta semper, vt Deo placeret. Nec id solum; sed etiam in conspectu incarnati VERBI, cui erat materna obsequia exhibitura, IV. & postremo, Electa est in charitate, qua nimirum à sanctissima Trinitate supra omnes creaturas dilecta fuit. A Patre quidem, quod Mater esset futura v-nigeniti Filij sui; à Filio, quod sua ipsius Mater; à Spiritu sancto, quod ipse obumbraturus esset Matri Virgini, Dei Filium cōcipienti.

PUNCTVM IV.

CONCEPTIO B. MARIAE. Quando venit plenitudo temporis, concepta est B. MARIA, qualem esse Matrem Dei decebat, & qualem potuit Sapientia Diuina sibi Matrem pręparare, quatuor imprimis insignitā pręrogatiuis, I. Concepta est absq; labe originali, quia id Filio Dei, ex ea nascituro, debebatur. Nec ideo nō est B. Virgo per Christum redempta: nam, cū duo sint redemptionis bona, vel à peccato mundari, vel, ne illud incurras, pręseruari: istud est pręcipuum, perfectissimaq; redemptio. Pręseruata autē est à peccato, dum felix illius anima pręuenta est infusione Diuinę gratiæ, & charitatis, ne ipsa corpori infusa, ex carne ab Adamo profeminata,

culpam

culpam originale[m] contraheret. II. Omnis mali fomitis & concupiscentiæ expers fuit; quales primi parentes conditi sunt, quod posterior Eua non debuerit esse inferior priore, cum creata est; vt nec secundus Adam inferior extitit primo, sed tantò superior. Et præseruatio ab Originali culpa hoc postulabat, vt rebellionem carnis, pugnaque cum Spiritu careret; quantò hæc pugna præcipuus est effectus culpæ Originalis, à qua Dei Mater fuit exempta. III. Confirmata fuit in gratia, vt ab ea excidere nunquam posset per lethale peccatum; nec verò per veniale de charitatis furore remittere. Quin ita in Deum ordinata fuit illius charitas, vt in actionibus suis omnibus id semper ageret, quod optimum, Deo quæ maximè gratum esse intelligeret: quæ est perfectio beatæ vitæ. IV. in ipso conceptu tanta eicopia gratiæ habitualis, cælestiumque charismatum donata est, quanta nulli alij, etiam Angelorum, contigit; imò quam vel accessione insignium meritorum nemo potuerit æquare. quod si talis concepta est, quantum erit illud gratiæ, quod excellentissimis suis promeritis per omnem vitam accumulauit? quantum porrò gloriæ, tum gratiæ primùm infusæ, tum reliquis vitæ meritis respondens? utique immensum gloriæ pondus sortita est. Nec vanum est, quod tantā illam gratiā præuentā dicimus, præ omnibus etiā cælestibus, quātò præ omnibus tantò differentius nomen hereditauit, vt Mater Dei nominetur, & sit.

II.
Sine fomi-
te.

III.
Confirma-
ta.

IV.
Gloria ple-
nissima.

MEDITATIO IV.

De Natiuitate & Vita B Virginis usque ad Annuntiationem.

PUNCTVM I.

Pro festo
Natiuit. 8.
S. pt.

Natiuitas
B. V. gau-
diofa.

NATIVITAS eius gaudium attulit vniuerso Mundo. ipsa Trinitas sanctissima gauisa est, quando illa nata erat, per quam exhibere Mundo gloriam suam, salutemq; nostram operari decreuerat. Ipsi Angeli in caelo, Patresque in lymbo, & in terra iusti credi possunt inusitato lætitiæ sensu fuisse à Deo perfusi, quamuis eius causa non esset omnibus perspecta. Nimirum vt aurora solet prænuntiata solis exhilarare animos, ita MARIAE ortus Mundum lætificauit. quod si multi in Natiuitate Præcursoris gauisi sunt, quāto maior in Natiuitate Genitricis Dei fuit causa gaudendi! Porro est quædam eius Natiuitas spiritualis, cum peculiaris quædam deuotio erga Dei Matrem in corde nostro oritur, signum haud dubium appropinquantis ad nos Iustitiæ solis: adeo, vt B. Anselmus non dubitet affirmare, eam deuotionem, signum esse æternæ prædestinationis, ipsa Dei Matre impetrante nobis certa salutis media. O Virgo potentissima, in electis tuis mitte radices.

Ecclesiæ 24. 13.

PUNCTVM II.

NOMEN ei impositum MARIAE: Credibile est, diuino instinctu; nam & variae eius nominis notiones aptè significant huius puellæ excellentias I. exponitur stella maris, & est MARIA faustum sidus mare huius seculi nauigantibus. II. Mare amarum, est MARTA pelagus gratiarum, in quam omnes, tanquam in mare flumina, confluxerunt, quia & a maritudinibus redundauit, *cuius animam pertransiuit gladius*. III. DOMINA & EXALTATA, utiq; domina suarum appetitionum. Item Angelorum, quia super omnes exaltata, imò. si ita loqui fas est, etiam Dei ipsius, quādo Christus ei *subditus erat*. IV. ILLUSTRATA, siue ILLUSTRANS: nam & sibi & alijs lumen accepit, quæ Apostolorum Magistra meruit appellari. *ô Maria, oleum effusum nomen tuum*, illuminans, sanans & exhilarans.

PUNCTVM III.

TRIENNIS præsentatur in templo I. voluit Deus, eam ab infantia sibi dicari, & quasi in domo Regia educari, quam filio suo destinauerat sponsam; quam velut inuitans, ait: *Audi Filia & vide: obliuiscere populum tuum & domum Patris tui: & concupiscet Rex decorem tuum*: Obaudiuit Virgo ac libentissimè obsecuta est; tum parentum voluntati, quia, Deo inspirante, illam præsentare Diui-

Denomine
B. V. M.

I.

II.

Luc. 2. 35.
III.

Luc. 2. 31.

IV.

Cant. 1. 2.

Præsentatio
B. V. 21.
Nouemb.
I.

Psal. 44. 11.

no ser-

II.

I. Reg. I. 28.

III.

Psal. 121. 1

Psal. 83. 6.

Gen. 8. 21.

Vita B. V.
in templo.

I.

Crecuit.

no seruitio voluerunt; tum diuino instinctui, interius eam mouenti. nam & rationis vsum iam tunc habuisse (si non antea ex vtero Matris, sicut Ioannes) credendum est. Felices, quos Deus tempestiuè accipit à speculo malo

I. Consideranda pietas parentum Ioachimi & Annæ, qui, obsequentes diuinæ inspirationi, Filiam vnicam obtulerunt, vt Anna altera Samuelem; postquam ablactatus fuisset. offeram & ego me, libertatē & amorem omnem.

II. Puellæ promptitudo & feruor. *Latata,* inquit, *sum in his, quæ dicta sunt mihi: in domū Domini ibimus.* Ingressa templum, alacriter gradus conscendit. per hoc innuens, quanto feruore ad culmen perfectionis ferebatur: vt ei optimè conueniat illud: *Beatus vir, cuius est auxilium abs te: ascensiones in corde suo disposuit, ibunt de virtute in virtutem, videbitur Deus Deorum in Sion.* Superatis gradibus, humi prosternitur, & ipsa semet penitus Deo offert, & consecrat; non ad tempus, vt aliæ Virgines solebant: sed in perpetuum. Ascendit oblatio in conspectu Dei, in odorem suauitatis, *odoratusque est Dominus odorem suauitatis: & ait: Veni sponsa mea, ponam in te thronum meum, in te habitabo.*

PUNCTVM IV.

VITAE ratio in templo. I. Proficiebat ætate & spiritu, quasi lux splendens, & crescens vsque ad perfectam diem. i. per singulas actiones augebatur charitate & gratia.

2. singulas faciebat omni contentione & studio possibili 3. discretè & constanter operabatur. 4. pios ubiq; affectus miscebat, & quasi condiebat quasunque actiones Quare admirari Angeli dixisse videntur, *quæ est ista, quæ progreditur quasi aurora consurgens? quæ non retrocedit, sed crescit semper; pulchra, ut una? plena gratiæ; Electa, ut sol? non habens parem; Terribilis, ut castrorum acies ordinata?* omnibus instructa virtutibus, sub regimine nuietæ charitatis? II. Consideranda sunt exercitia illius mentalia, quæ comparari possunt Scalæ Iacob gradus autè fuerunt: *Lectio, Meditatio, Oratio, & Contemplatio.* Lectioni Sacre Scripturæ insistebat; lecta, meditatio rumina- bat tū orationes feruentissimas, ad Deū fundebat: & denique per contemplationem Deo inhærebat, liquidissimas hauriens voluptates. Sic ascendebat Beata illa anima; sed & descendebat ad opera manuum in vsus templi: inter ipsa autem opera à Deo nunquam recedens. Porro Angeli etiam ipsi ascendebant & descendebant: quia solent sic occupatos sua visitatione consolari, ferreque in cœlum preces.

PUNCTVM V.

VIRGINITATEM vouet, videlicet cupiens quàm maximè placere Deo, & tota ipsius esse; planè non cogitare, quæ Mundi sunt. *Hortus conclusus, soror mea sponsa, hortus conclusus, fons signatus.* conclusus & commu-

nicus

2.

3.

4.

Cant. 6. 9.

II.

Exercitia
mentalialia
B. V.Vouet Vir-
ginitatē.

Cant. 4. 12.

Luc. 1. 34.

nitus per votum, vt nulli pateat accessus, præterquam sponso: vnde illud: *quomodo fiet istud?*

PUNCTVM VI.

Desponsatur.

1.

2.

3.

NIHILO MINVS desponsatur Viro, præscia diuinitus, voto suo id nihil obfcurum: voluit ita Deus. I. vt mysterium celaretur diabolo; dum putaret; Mariam more aliarum concepisse. 2. ne haberetur adultera, cum peperisset. 3. vt haberet vitæ solatium, & auxilium in educatione filij.

PUNCTVM VII.

I.
Desideria
incarnationis.

II.

Cant. 8. 1.

III. 1.

Zelus.

Psal. 79. 3.

Et 84. 8.

Isaia. 45. 8.

DESIDERIA incensa aduentûs Saluatoris. Solet Deus eximium aliquid collaturus, desiderium eius excitare, quo præparetur animus. II. Deinde charitas Virginis, qua ferebatur in Deum, accendebat desiderium videndi illum in terris conuersantem, vt in Canticis: *quâ mihi dei se fratrem meum, sequentem vbera Matris meae, (factum hominem) vt inueniam te foris, & deosculer.* III. præterea vrgebat illam Zelus diuinæ gloriæ, à cuius noticia & obedientia totus mundus aberrabat, nec non cura salutis humanæ: vt proinde voces illas Patrum assiduè vsurparet: *Excita potentiam tuam & veni, vt saluos facias nos, &c. Et salutare tuum da nobis. Aperiatur terra, & germinet Saluatorem.*

MEDITATIO V.

De tempore exhibitæ Redemptionis.

PUNCTVM I.

CVM homo peccasset, & mortis sententi- Promissa
redemptio
am Deus in illum ferret, misericordiz
recordatus, statim ei remedium promisit, per
semen mulieris, quod est Christus. Magni in-
terest, vt, qui lapsus est, continuò resipiscat:
dum autem futurum Mediatorem Deus pro-
mittebat, ad poenitentiam ex reconciliatio-
nem iam tunc inuitabat, nam in fide venturì
iustificari statim potuerunt.

PUNCTVM II.

QUAM opportunitatem Deus captat sui Opportu-
confilij exequendi. Attollam oculos in no tempo-
perionas Diuinas decernentes, sicut olim: *fa- re.*
ciamus hominem: ita iam, subueniamus lapso.
Dein, conuertam me ad homines in terra de-
gentes, omni flagitiorum genere coopertos,
cum summa veri Dei ignoratione: imò etiam
sibi diuinitatem arrogantes, & ipsum quoque
Dei populum, planè moribus corruptum, ita-
que affectum, vt non esset venientem Salua-
torem recepturus; sed ei potiùs necem illatu-
rus. Atque hoc mundi statu, vt veniat, decer-
nitur; quasi captata occasione, vt per impro-
bitatem sui populi neci datus, hanc ipsam
verteret in remedium. quod & factum Vide

charita

charitatem, non auersantis peccatores: vide misericordiam, tali modo subuenientis.

PUNCTVM III.

Causæ dil-
lationis.

1.

2.

CVR non venerit ab initio. Dux sunt cau-
sæ. i. vt. morbo inualecente, magis ap-
pareret necessitas remedij, ac medici virtus.
2. vt magis desideratus veniret, plurisque fie-
ret beneficium. Gratulabor mihi, quod me
viuere contigerit, postquam exhibitus est, vt
participare valeam copiosius de plenitudine
illius.

MEDITATIO VI.

*De missione Gabrielis. & Salutati-
one Virginis.*

PUNCTVM I.

S. Trinitat's
legatio.

I.

Psal. 85.

II

Luc. 1. 37.

III.

IV.

EXPEDITVR legatio ad Virginem. I. Deus
mittit summa dignatio. *quid est homo,
quod memores eius, aut filius hominis, quoniam
visitas eum.* II. Mittitur Angelus Gabriel, cu-
ius notio nominis est, *Fortitudo Dei*, quasi,
quod nunciaret, quamuis difficile, Dei virtu-
te perficiendum foret: apud quem *non est im-
possibile omne verbum.* III. Mittitur ad Virgi-
nem, non celebrem mundo, sed fabro despon-
saram, in ciuitate ignobili. IV. summa legati-
onis, vt velit esse *Mater Dei*. Etsi Deus potest,
quiduis iure suo à creatura requirere, vult ta-

men

men obsequium nostrum esse voluntarium, quò sit suauius: sic neque per gratiam ad hominè venit, nisi volentem. V. Legationes Dei ad singulos hominum sunt inspirationes sanctæ, quæ pro talibus reuerenter excipiendæ sunt, & obsequenter.

PUNCTVM II.

SALVTATIO Virginis. Gabriel in assumptio aëreo, corpore decorus & grauis, sanctimoniam referens, ingressus conclaue, reuerenter Virginem salutat. Sic nuncij Euangelici toto habitu corporis præseferant modestiam atque interiorè animi compositionem. I. AVE, pax tecum; securam esse vult. ò Aue, quæ Eux nomen commutasti, illiusque maledictionem in benedictionem. II. *gratia plena*: non compellat ex nomine, MARIA, sed nouum ei nomè imponit, *Gratia plena*: quo in primis gaudere debeat. *plena* vocatur per excellentiã: nam etsi alij quoque pleni dicti sunt gratia, at hæc præ omnibus, quippe capacitas vasis amplior, quantò Matris Dei dignitas antecelluit omnes alias. debuit enim accipere gratiæ tantum, vt digna fieret mater Dei. III. *Dominus tecum*; omni modo, quo est in iustis; sed in te excellentius. tecum per gratiam & peculiarè providentiã; & mox etiã habitaturus corporaliter in utero tuo. Abstinit à verbo, *est, fuit, aut erit*: quia sine variatione semper tecum. *in æternum non commoueberis* IV. *Benedicta tu in mulieribus*, expers maledictionis illius: in dolore paries: siquidem absque illecebra concipi-

V.

salutatio
Angeli.

I.

Aue.

II.

Gratia plena.

III.

Dominus
tecum.

Psal. 146.

IV.

Benedicta
tu in mulieribus.

pies. item illius, quæ opprobrio erat in populo Iudaico, *steriluat*. nam virgo concipies. sed inde potissimum benedicta, quia in Filio tuo benedicentur omnes gentes, atque ita omnium benedictionum Mater existes. *ô benedicam te in vita mea; & tu me benedictionum filij tui participem facito.*

PUNCTVM III.

D.V. virtuti.
c.

1.
2.
3.
4.
Cant. I. 10.

QUOMODO Maria excipit salutationem.
1. *castè*. sola. sine teste, ad viri assatum turbatur. 2. *humiliter*, dum audit sua præconia, hæret. 3. *prudenter* examinans; *qualis est ista salutio*. 4. *silenter*, verecunda tantum vultus mutatione loquens. *Pulchra sunt geneta tua sicuti turturis*, auis castæ & verecundæ. *ô si Eva sic excepiisset verba serpentis!*

PUNCTVM IV.

Usque ad an-
geli.

I.

II.

ANGELVS instat. I. remouet timorem: *Ne timeas*: est proprium boni Angeli sedare turbatos animi motus, quod est necessarium ad diuina excipienda: quamuis ea Mariæ turbatio caruerit vitio. imò fuit laudabilis. II. Fiduciæ causam indicat; *inuenisti enim gratiam apud Deum* *ô securum mentis solatium!* ab hoc fonte manant reliqua, quod *gratia plena*; quod *Dominus tecum*; quod *benedicta sis*. *ô, inueniam gratiam apud filium tuum, Virgo Mater benedicta!*

MEDITATIO VII.

Expositio nuntij ad Virginem.

PUNCTVM I.

NVNCIAT, quodd sit editura filium; & qualem eum, ac quantum. I. *vocabis nomen eius Iesum*, quod Deus vocari iubet, id in re est; erit igitur Saluator. II. *hic erit magnus*, & Naturâ, quia Deus; & officio, quia Mediator Dei, & hominum; & donis, quia *vnxit eum Deus præ participibus suis*; itaque absolute Magnus & excellenter. III. *Filius Altissimi*, nõ vt alij iusti per adoptionem, sed naturalis. IV. *Dabit illi Dominus sedem David*, thronum & Imperium in illo Dauidico significatum, non quale illud fuit, sed excellentius. V. *& regnabit in domo Iacob in æternum*, non in carnali domo Iacob, sed in spiritali, in Ecclesia credentium, idque *in æternum*. Qui igitur tantus est, ecce eum concipies, & paries: consue se dimittet, vt concludatur in utero tuo, & fiat infans. *Parvulus quippe natus est nobis, & Filius datus est nobis, & factus est principatus super humerum eius*. Hic lapillus excisus è monte sine manibus, implebit terram.

PUNCTVM II.

REPLICA Virginis: *quomodo fiet istud? quoniam virum non cognosco*. I. elucet eximius castitatis amor, quodd tanto promisso ca-

I.
Qualem
concupiet?
Luc. 1. 35.

II.

III.

IV.

V.

Isai. 9. 6.

Replica
Virginis.
I.
Castitas.

II
Prudentia.

Eccles. 32. 10

pitur; quin consultum vult suo pudori, & voto, atque nuntium examinat ex debito suo. Sic cautos pro castitate esse oportet; nec per speciem boni in pericula irruere. Didicerat ex Isaia, quod Messiam Virgo conciperet: cum ergo promitteretur ei Messias in filium, an modo id fiat à Propheta indicato, prudenter exquirat. II. Prudentia responsi. 1. non præceps, bis prius interpellata, tandem loquitur. 2. parcum & necessarium, vt non potuerit esse magis. 3. Modestum ac humile; seruauit consilium Sapientis: *Adolescens, loquere in tua causa vix: si bis fueris interrogatus, habeat caput responsum tuum.*

PUNCTVM III.

1.
Opus Spiritus Sancti.

2.

3.

SATISFACTIO Angeli: quod diuinitus parandum sit. 1. *Spiritus Sanctus superueniet in te*; ita vt quæ antea plena es, superimplea te magis ac magis gratiâ suâ, ad dignè concipiendum talem filium. 2. *Virtus Altissimi obumbrabit tibi*; vt absque concupiscentiæ æstu concipias, ipso operante, sine viro. 3. Id autem fiet, quia, *quod nascetur ex te sanctum vocabitur Filius Dei*. Sanctum nascetur, quia ex modo conceptus sui, non erit culpæ obnoxius, vt cæteri filij hominum. Debeatur Filio Dei, vt quando nasci homo dignabatur, ita conciperetur, vt ratione sui conceptus nō cōtraheret culpā: contraxisset autē, aut certè reus fuisset cōtrahendi, si ex viro conciperetur. Amolitur ergo Angelus huius rei suspicionem; aitq; san-

ctum

ctum nasciturum; non vt mater eius, quæ per præuentionem gratiæ præseruata est à culpa originali; sed planè *sanctum*, ac proinde absq; viri ope concipiendum. ô superueniat in me Spiritus sanctus, & etiam, atque etiam suâ gratiâ impleat: obumbret autem aduersus ardorem peruersarum cupiditatum, *in actu vmbra culum*.

PUNCTVM IV.

ANGELVS fidem facit exemplo Elisabethæ. 1. inducit hoc exemplum, vt intelceret Virginis: vnde non parum lætitiæ erat perceptura. 2. quia solet Deus fidem sibi habentibus signum aliquod exhibere ad fidei solatium; sicut in incredulos. animaduertere: vt cùm Zachariam cæcitate percussit. 3. sed illud potissimum diuinis dictis assentiendi fundamentum esse monet: *Quia non erit impossibile apud Deum omne verbum*. facere potest, quicquid dixerit. Discâ ego, quòd sterilis parit Ioannem, id est, gratiam, contingere spiritualiter: quando peccator concipit, & parturit spiritum salutis, bonorumque operum. Virgo etiam parere potest, si filios Christo generet spirituales.

Exempla
Angeli.

1.

2.

3.

MEDITATIO VIII.

De assensu Virginis.

PUNCTVM I.

RESIGNATIO Virginis, in qua elucet. 1. *Assentitur.* fides singularis, quòd Virgo esset cõceptura & paritura. 2. *humilitas* eximia, dū se an-

cillam dicit, quæ Mater Dei salutabat. r. 3. Obedientia, ad omnem Dei voluntatem.

PUNCTVM II.

Ecce

Ancilla Do-
mini vnde.

1.

2.

3.

Luc. 17. 18.

4.

Cant. 7. 13.

5.

1. Reg. 25.

41.

Isai. 44. 1.

EXPENDENDA sunt singula verba. *Ecce* vsurpari solet ad indicandū aliquid singulare. sic Gabriel dixerat: *Ecce concipies*; vicissim Virgo: *Ecce ancilla*, quasi dicat: immerita, & longè à tanta dignitate. Solent sancti, dum exaltantur, suum imperfectum ante oculos ponere; indeque humiliari. *Ancilla*, nomen est inter homines vile apud Deum autem honorificum. *Ancilla* fuit 1. quia Domini se totam esse cognoscebat, tum iure creationis, tum, quia se illi mācipauerat, à cuius seruitio nunquam discessit. 2. quia voluntatem Dei semper spectabat, non suam, quod est serui. 3. quia non ob mercedem seruebat, vt mercenarius. sed cogitabat, se teneri ad omnia, illud implens: *cū facietis omnia quæ precepta sunt vobis, dicite: quia serui inutiles sumus, quod debuimus facere fecimus*. 4. Nō sibi laborabat, sed Domino, gloriam illius tantū quærens, vt cū sponsa dicit: *omnia poma, noua & vetera, dilecte mi, seruaui tibi*. 5. Non Domino solum, sed cæteris etiam domesticis seruebat, more *Ancillæ* infra omnes abiiciens sese; vt ei conueniat istud Abigail ad Dauid: *Ecce famula tua sit in ancillam, vt lauet pedes seruorum Domini mei* sic affecta erat B. Maria Mater Dei; quæ inde etiam *Ancillæ* sorte gloriabatur, quod sciret filium suum à Prophetis

seruum

seruum nuncupatum. Exultabo & ego tali nomine cum Dauide dicens: O Domine, *goser. Psal. 115. 16.*
uus tuus & si ius ancilla tua. Fiat mihi. Humi-
 lis Obedientia & resignatio, ac si dicat: quam-
 uis indignam me sentiam tanto munere, sub-
 iicio tamen me diuinæ voluntati. Et si quidem
 Deus consensum à me requirit pro sua boni-
 tate, qui iure suo potest pro libitu disponere:
 permitto me ipsi. Et tandem opus hoc omni-
 potentie Dei est, qui dicendo *fiat*, creauit cæ-
 lum & terram: dicat ille, & factum erit. Fortè
 etiam prouidens passionem filij & suas causa
 Filij, hoc verbo acceptauit omnes, seque ob-
 tulit paratam. *Secundum verbum tuum*; potest
 sic exponi, quasi Angelum alloquatur: secun-
 dum verbum, quòd dixisti. Potest & ad Deum
 referri, ad quem eleuata mente dicat: *secun-*
dum vrbum tuum prout disposuisti; quin se-
 cundum verbum tuum, qui est filius tuus, &
 vult fieri etiam seruus. Fiat igitur in me, quod
 ille vult. Sic ego me in manus Dei resignare
 discam. PUNCTVM III.

RECCESSVS Angeli. I. Exultauit Ange-
 lus, tum de tam sublimi legatione à se o-
 bita, tū de optato illius exitu. II. Mox se priori-
 uit, & in cælum remeauit. ita nos obiectis in
 mysterijs debemus ad Deum, & ad interiora
 nos referre. III. Reddita Deo ratione legatio-
 nis, iterum se exhibet promptum ad alia ob-
 sequia, ita & nos, vno expleto ministerio,
 non dicemus: satis est; sed alacres erimus
 ad plura. Est id Sanctorum Angelorum,

Secundum
verbum
tuum.

I.
Angelus
reus.

II.
R. dir.

III.
P. ompti-
ado.

*Iob 8.35.
IV.
Laudes.*

184 PARS II. MEDIT. IX.

ut significatur apud Iob: *Nunquid mites fuerunt, & ibunt; & reuertentia dicent: adsumus.* IV. Credibile est; quod Angelus Gabriel apud Caelites deprædicauerit prudentiam, humilitatem, cæteramque sanctitatem Virginis MARIAE. Tu imitare.

MEDITATIO IX.

Executio Incarnationis, & corporis assumpti qualitates.

PVNCTVM I.

*I.
Lætatur
SS. Trinitas.*

Iſai. 2. 1.

QVOMODO ipsa Verbi Incarnatio perfecta sit. In momento, quo B. Virgo consensit, sanctissima Trinitas operata est totum mysterium, formando corpus perfectum ex purissimo sanguine B. MARIAE, creandoque animam rationalem; vtrumque autem Personæ Verbi Diuini vniendo ita, ut eadem fieret persona DEI & hominis; atque ita vnus & idem esset DEVS & Homo. I. In hoc opere complacuit sibi Beatissima Trinitas, tanquam se in primis digno; singulaque Personæ Diuinæ peculiarem habuere exultandi rationem. *Pater*, ob adimpletam promissionem suam; & quia in hunc hominem DEVM summo, præ omnibus simul creatis, amore ducebatur. *Filius*, ob arctissimum complexum assumptæ naturæ, in qua totum genus humanum cognatum sibi fecerat: quare incepit hominem amare, tanquam se. *SPIRITVS SANCTVS*, quod opus id esset eximij amoris, & ita ipsi peculiariter attributū; quodq; *super*

Chri-

*Christū ipse Spiritus S. absq; mensura requie-
uisset. II. Exultauit ipsa Humanitas assumpta,
circumspiciens, quò esset euecta. III. Tum Ma-
ter, in cuius Thalamo fuere nuptiæ istæ admi-
rabiles, Dei & hominis celebratæ. Nam &
hoc credibile est, quòd hoc arcanum tunc ipsi
fuerit reuelatum, vt penitus in illud intro-
spiceret. ac si ad Elisabethæ gratulationem
ita exultauit spiritus eius in Deo Salutari suo;
quantò maiori sensu perfusa est, cum intra vi-
scera eius tota Trinitas illud perficeret?*

*Est cur etiam exultemus nos ipsi, propter
quos id totum peractum est; quiq; in Chri-
sto euecti sumus ad quandam cum Deo co-
gnationem; tantum ne degeneres simus.*

PUNCTVM II.

CVR mortale & patibile corpus accepe-
rit? Etenim quòd esset DEVS. & quò
homo, ab originali culpa immunis, debeba-
tur ipsi immortalitas, & impatibilitas: cum
contraria sint pœna peccati. Item, quia secun-
dum animam Beatus, & clara DEI visione
fruens, debuit corpus habere gloriosum.
voluit tamen ea assumere ad commendatio-
nem charitatis, & ad exemplum humilitatis;
dum quasi culpæ reus, quæ non rapuit, exol-
uit. Contrà ego reus pœnas debitas refugio.

Christi cor-
pus quale.

PUNCTVM III.

CVR corpus infantile accepit, & in utero
formari voluit, cum potuisset aliunde

Cur infans.

1. accipere corpus perfectum? 1. Ut per omnia
tribus assimilaretur, & tenerius ad aman-
dum pelliceret nos infans DEVS. 2. Ut tan-
ta demissio nos permoueret. Cæli te non ca-
piunt, & clauderis in vtero Virginis? 3. Ut
ingrediens mundum, patientiæ & mortifica-
tionis daret documenta. Ut enim claudere-
tur vtero & inde aleretur, caputque sensibus
in abdito illo per nouem menses delitesceret;
& is quidem, qui iudicio integro rationis, in-
ternisque sensibus pollebat, mirum quantæ
vexationis fuerit?

MEDITATIO X.

*De perfectionibus animæ Christi, &
de affectibus illius in ipso
Conceptu.*

PUNCTVM I.

*Ioan. 1. 14.
Ioan. 3. 34.
Gratiæ
Christo
data.*

QUAE dona Christi animæ infusa in ipso
conceptu. Quanta debebantur Filio
Dei. Vnde à Ioanne dictum est: *vidimus glo-
riam eius, gloriam quasi Vnigeniti à Patre, ple-
num gratiæ & veritatis.* Et à Ioanne Bapti-
sta: *Non ad mensuram dat ei Deus Spiritum.*
Pater enim diligit Filium, & omnia dedit in
manibus.

1. Puritas sine macula: quippe erat Agnus
Dei, qui tollit peccata mundi: ideoque ipse
impeccabilis
2. Sanctitas in summo gradu
supra Angelos scilicet, non solum fuit à cul-

pa re-

pa remotissimus; sed interna etiam Sanctitate simillimus Deo. 3. Visio clara Dei, quæ est gratia consummata; & qui illam sequitur; amor, & fruitio gaudij ineffabilis: de quo intelligi potest illud: *Propterea vixit te Deo oleo latitiae præ consortibus tuis.* 4. Omnes thesauri sapientiæ & scientiæ Dei: vnde novit omnia, non præsentia modo, sed præterita, ac futura. Quippe iudex omnium actionum constitutus. 5. Potestas miraculorum pro nutu voluntatis. 6. Potestas Excellentiæ in ipsa interiora cordium dimittendi peccata, flectendi corda, largiendi gratias spirituales, & Sacramenta constituendi. 7. Gratia capitis Ecclesiæ Militantis, & Triumphantis: atque huius tam Angelorum, quam hominum: à quo proinde influxus in totum corpus manat; & est ipse prædestinatorum primus, *primogenitus in multis fratribus*, ad cuius exemplar cæteri prædestinantur, *conformes fieri imagini Filij Dei.* Hi sunt *septem oculi in lapide vno* apud Zachariam, & *Stella septem circa filium hominis* à Ioanne visa.

3.

4.

5.

6.

7.

Rom. 8. 29.

Zach. 3. 9.

Apoc. 1. 16.

PUNCTVM II.

QUOS in Deum affectus elicuerit Christus in momento conceptionis, quando visa Dei facie, clarè aspexit, quantis bonis præventus fuisset? Quatuor velut flumina ex Paradiso ab illa anima beata magno impetu eruperunt; Amoris in tantâ bonitatem; gratitudinis ac studij referendæ vicis; Humili-

4. Affectus Christi erga Deum.

tatis

tatis, recognoscendo, ex se, quā homo, non ea habere; sed gratuita esse dona Dei. Tandem obedientiæ promptæ & liberalis oblationis fui ad omnia pro Patris gloria. Afficiar ego similiter pro omnibus, quæ retribuit mihi.

PUNCTVM III.

Erga proximum.
maum.

I.
Dolor de
peccatis.

II.
Oblatio sui.

*Psal. 39. 7.
Hebr. 10. 5.*

QUOS affectus erga proximum conceperit? 1. Tot tantisque sceleribus animaduertis, per quæ offendeatur in primis Deus, tūm peribant homines, de quæ illis diabolus triumphabat, inæstimabilem concepit dolorem; non obstante, quod aliunde, ex visione clara Dei, immenso perfundeatur gaudio. quid ego pro meis, non ut Christus pro alienis, concipiam? ut autem ille ab initio sui conceptus; ita & ego statim ac lapsus sum, dolorem assumam & lamentum. 2. Intellecta tunc voluntate Patris, ut per ipsum tanto malo remedium afferretur; immensum amorem, quo prosequeretur Patrem, in ipsum etiam hominem conuertit; quem sic amari à Patre suo cernebat, & ex amore ardens concepit desiderium eundem redimendi, pro quæ zelo diuinæ gloriæ gauisus est, datam sibi occasionem & facultatem vindicandi illam ab iniurijs peccatorum. Quare obtulit se, dicens: *Sacrificium & oblationem voluisti, corpus autem adoptasti mihi, ecce venio, ut faciam voluntatem tuam,*

DEVS.

PVN-

PUNCTVM IV.

QUOD Christo à primo momento fuerint Pro omni-
 à Patre æterno proposita, & sigillatim bus in spe-
 representata, quæcunque per omnem vitam cie mor-
 patium & agere oportebat pro salute nostra, tuus.
 atque ea tunc tanquam Patris sui præceptum
 obsequentiſſimè acceptauit, vt & in decursu
 vitæ assidue postea fecit, seipsum quotidie
 immolans. Nec generatim tantum, sed nomi-
 natim singulos, pro quibus illa acceptauit, an-
 te oculos habuit, eisque speciatim applicuit
 laborum suorum fructum. quare Paulus ita
 loquitur, & ego quoque loquar; *qui dilexit* Galas. 2.
me, & tradidit semetipsum pro me. Fui ego, fui
 in illius mente, in primo illo instanti suæ con-
 ceptionis, & me me respexit, & pro me obtu-
 lit sese iam tunc.

MEDITATIO XI.

*De profectione Beata MARIAE
 ad Elisabetham.*

PUNCTVM I.

QUOD Christus mox à conceptu prope- In festo Vi-
 rauit Præcurſorem suum Ioannem san- sitationis
 ctificare, sicque impulit Matrem, vt Elisabe- 2. Iulij.
 tham inuideret. Iam tunc auspicatus est offi- Christus
 cium Saluatoris; & iam est de bono suorum festinat.
 sollicitus; & per hoc significat, quantum ma-
 lum sit, diutiùs in peccato hære.

PUNCTVM II.

Præfens
sanctificat
Ioannem.

B. Virginis
obedientia
perfecta.

POTUIT absens sanctificare Ioannem Baptistam; sed maluit præfens, charitatis & humilitatis præbens exemplum, dum Maior adsit Minorem. Deinde, ut MARIA esset cooperatrix, & instrumentum primæ huius sanctificationis; futura aliquando Mediatrix peccatorum apud Filium. Demum quia Christus, quam animam ingreditur, urget eam ad opera pietatis, atque a contemplatione ad actionem instigat, pro gloria Dei.

PUNCTVM III.

QUEMADMODVM Beata Virgo obediuit inspirationi diuinæ? non mandatum expectauit: sed nutum secuta est; non texuit moras, sed abiit cum festinatione; non mora intentione minus recta, vel curiositatis, vel explorandi causa, an ita res haberet, quod Elisabetha concepisset: sed ut Deum in illa glorificaret. Denique non est territa difficultate viæ, & insolito labore; nec dedignata est ipsa Mater iam Dei visere Matrem serui. Considera etiam modestiam in publico, non circumspiciens, sed afflans intuentibus sanctimoniam. Dignum *Salomonis ferculum*, quo Rex pacificus circumfertur.

Cant. 3. 9.

MEDITATIO XII.

De ipsa Visitatione Elisabetha.

PUNCTVM I.

MARIA praeueit salutando Elisabetham; ac ea mediante salutatione, Verbum Diuinum, in eius vtero inclusum, replet bonis Ioannem. Nam expiat illum à labe originali, donat gratiâ & sanctitate, vsum rationis tribuit; Prophetam facit, & mysterium edocet Incarnationis, gaudii exultare facit, & hæc in momento omnia. Nempe facile est Deo *subitò honestare pauperem*; & illud quadrat: *Rex, qui sedet in solio iudicij, dissipat omne malum intuitu suo.* Christus in MARIÆ gremio. Hinc confidam median- te eadem Matre Virgine, me quæuis obten- curum.

Ingressus
B. V. ad Eli-
sabethâ fe-
lix Ioanni.

Eccl. 15. 23.
Prov. 20. 8.

PUNCTVM II.

EFFECTVS eiusdem salutationis in B. E-
lisabetha. 1. Quòd excitata est ad DE-
Matrem prædicandam magna voce: *Benedi-
cta tu in mulieribus*, (sicut Gabriel te compellauit) & *Benedictus fructus ventris tui.* Hoc plus dico, quàm Gabriel. nam à fructu tu benedicta, non illè ex te. Aduerte quòd Spiritus sanctus impellit ad Christi, & Mariæ glorificationem. 2. Inspirata est ei humilitas, agnitioque beneficij: *Vnde hoc mihi, vt veniat Mater Domini mei ad me?* ita solet Spiritus sanctus inter dona ipsa sensum humilita-

Elisabetha.
1.
Laus. B. V.

2.
H. humilitas.

tis da-

3.
Prophetia.

tis dare, gratamque acceptorum recognitionem. nam sequitur: *Ecce enim vi facta est vox saluationis tua, exultauit infans ora gaudio in utero meo.* Taliter affici debemus, quando nos Deus visitat; & maximè in sacra communione. 3. Donum accepit Prophetiæ: nam confirmat animum Virginis per spiritum Propheticum, laudans illam, quòd crediderit; & prænuncians, perficienda omnia in ea, quæ ei dicta fuerant ab Angelo. Sic lumen, gratiasque à Deo acceptas oportet referre ad aliorum utilitatem. 4. *Nomen nouum MARIAE* datum promulgar, compellans eam *MATREM DEI.*

PUNCTVM III.

Canticum
B. Virg.

Eccle. 43. 33.

Quomodo
gaudendū.

MEDITATIO circa canticum B. MARIAE. ubi considera, quòd laudata B. Virgo ab Elisabetha, non reddidit ei vicem more mundano; sed tota in Deum transfert. Ita auertendæ laudationes. Deinde, quàm parca alioqui verborū, circa Deum liberalis, implens illud, *Benedicentes Deum exultate illum, quantum potestis, maior est enim omni laude.* nimirum ex abundantia cordis loquebatur. porro decem constat versiculis, quasi totidem cordis psalterium. *Magnificat anima mea Dominum.* Magnificè de Deo sentiens, & summa eius omnia ducens, & toto corde exaltans. Non in præterito aut futuro loquitur. sed in præsentis, Magnificat: quasi hoc sit ipsius perpetuum studium. Et *exultauit spiritus meus in Deo saluatori meo:* docet nos, quali-

ter gaudendum. 1. non in corporalibus, sed in
 spiritualibus gaudere oportet. 2. Non tam in
 donis, quàm in largitore ipso. 3. Et si in Deo, tã-
 quam naturæ auctore, magis tanquam in
 salutari & Redemptore. 4. Spiritus imprimis
 gaudeat, superior animæ pars, et si solet in cor-
 pus etiam redundare. *Cor meum & caro mea*
exultauerunt in Deum viuum. 5. in Deo & non
 in me ipso, illi tribuendo omnia, non mihi.
anima mea exultabit in Domino, & delectabi-
tur super salutari suo. Quia respexit humili-
tem ancilla sua. Recensere incipit causas, ob
 quas Deum sic magnificat, tres sunt propriae;
 septē, cum alijs communes. Hæc igitur prima:
Quia respexit, id est, benignè facere, *Humili-*
tatem Ancilla sua: paruitatem atque vilitatē,
 quo dicto non prædicat suam virtutem Hu-
 militatis, sed eam exercet agnoscendo suum
 nihilum, & indignitatem, quantum ex se. ergo
 ait: quia benefecit immerenti: sic sancti sunt
 affecti, & ita impetrant à Deo gratiam, qui
humilia respicit in cælo & in terra. & : quo-
niam respexisti humilitatem meam, saluasti de
necessitate animam meam. Ecce enim ex hoc
beatam me dicent omnes generationes. Hæc se-
 cunda causa glorificandi Deum; quanquam
 nō tam, quòd ipsa prædicanda sit beata, quàm
 quòd tantis eam Deus præuenit benedictio-
 nibus, vnde id secururū sit: Magnificat Deum:
 tum etiam, quoniam ea prædicatio cessura sit
 in emolumentum ipsorum, qui beatam eam
 dicent: in quibus vt ego sim, Beatam te dico.

1.
 Quomodo
 gaudendū.

2.
 3.
 4.
 Psalm. 33. 3.
 5.

Psalm. 34. 9.
 Causæ ma-
 gnificandi,
 1.

Psalm. 112. 6.
 Psalm. 30. 8.

2.
 Causa.

3.
Causa.

Apoc. 4. 8.

4.
Causa.

Beata es, ut Elisabetha dixit: quia credidisti; Beata, ut pia illa Mater exclamavit: quia portasti utero tuo Christum, & multò etiam magis: quia audisti, & custodisti mente Verbum Dei. In te omnes illæ octo benedictiones conveniunt excellenter, quas Filius tuus pronuntiavit: Beati pauperes spiritu, mites, &c. *Quia fecit mihi magna, qui potens est, & sanctum nomen eius* Tertia causa magnificandi, magna fuerunt, quòd Virgo esset, & Mater; & quòd Mater Dei, tum cætera, quæ propterea ipsi diuinitus collata sunt, quæ simul omnia ante oculos habens, Magnificat Deum, quia fecit ei verè magna. Nec obstat humilitati, quòd se magnam à donis agnoscit, dum ea refert soli Deo accepta, quod & faciunt in cælo Beati, gloriam dantes Deo. Porro omnipotentiam & sanctitatem Dei laudat, ut etiam illi dicentes, *Sanctus, Sanctus, Sanctus, Dominus Deus omnipotens*: ab omnipotentia quippe Dei veniunt talia opera, referuntur autem eò, ut Dei nomen sanctificetur, quod est omnino sanctum, dignumque ab omnibus sanctificari. *Et misericordia eius à progenie in progenies timentibus eum.* Quarta causa iam communis cum alijs, à misericordia Dei in omnes diffusa, & in omnem posteritatem. Videlicet cogitabat, Verbum illud, hominem factum, quod utero gestabat, per magnam Dei misericordiam esse datum ad salutem omnium gentium, pro quo beneficio, non quæ suum tantum, sed quæ omnium magnificat autorem. Ita enim iusti pro

alienis

alienis etiam gratias Deo agunt, non tantum
 ut propria sunt. Illud etiam magnificat, quod
 Dei Misericordia ita est profusa, ut quantum-
 vis benefaciat, ulterius semper disponat be-
 nefacere, à progenie in progenies, quippe in-
 exhausta. *Fecit potentiam in brachio suo.* Quinta
 causa ab operibus omnipotentiae diuinæ,
 qualia Deus plurima patrauit ab initio Mun-
 di, in creatione, conseruatione, & gubernatio-
 ne illius, ac praesertim in prouidentia circa
 hominem, cuius causa operatus est tot magna-
 lia in populo Hebræorum, & tandem iam mi-
 rabiliū maximum, Incarnationem Verbi
 pro salute hominum. Quæ simul animo com-
 plectens Virgo prudentissima, Magnificat
 Dominum. *Dispersit superbos mente cordis sui.*
 Sexta causa laudis ab operibus Iustitiæ, quod
 superbum Luciferum exaltantem solium su-
 um, quod molitores Turris Babel, quod Pha-
 raonem, Nabuchodonosor, & alios passim e-
 latos humiliare consuevit, amator ipse humi-
 litatis, ad eod, ut etiam exinaniuerit se ipsum &
 hac sua potissimum humilitate superbos de-
 presserit. *Deposuit potentes de sede, & exalta-
 uit humiles, esurientes impleuit bonis, & diui-
 tes dimisit inanes.* Causa septima & octaua à
 Iustitia simul & misericordia, ex compara-
 tione diuersorum inter se, potentium & hu-
 milium, diuitum & esurientium: nam poten-
 tes deponit, exaltat humiles, esurientes re-
 plet, abundantes egere facit. Est & hoc iudi-
 cium Dei, magnificatione dignissimum, de

5.
Causa.

6.
Causa.

7.
Causa, &
8.

Iob 40. 3.

Iob 5. 11.

9. & 10.
Causa.

quo tanquam suo opere gloriatur. *Disperge superbos, & confunde eos, &c. & ego confitebor, quod saluare te possit dextera tua.* & alibi: *qui ponit humiles in sublimi, qui dissipat cogitationes malignorum.* Quia verò id maxime conuenit tempore Euangelij, inde Prophetissa nostra Magnificat Deum: *Suscepit Israel puerum suum recordatus misericordiae suae. Sicut locutus est ad Patres nostros, Abraham & semini eius in saecula.* Nona & decima causa. Prima à providentia erga suos: nam etsi videtur aliquando eorum obliuisci, in tempore tamen semper adest. Secunda à fide promissorum, quam certò seruat. Vtrumque eluxit in Christi aduentu, qui etsi dilatus, cum opportunum fuit, executus est, impletæ quoque sunt promissiones Abraham, cæterisque Patribus factæ.

PUNCTVM IV.

A Edificatio
Mariæ

Benedictio.

QUOD B. Virgo manserit apud Elisabetham, quasi mēsisbus tribus. Vbi cogita, qualis inter ipsas conuersatio fuerit! quàm inflammata colloquia, & diuini sermones ab eis habiti fuerint! & quantum Elisabeth profecerit ex tam diuturno MARIAE consortio, quæ prima salutatione sic fuerat affecta! & quæ denique sanctitatis exempla, ac odorem Virgo Mater afflauerit toti domui, quantasq; benedictiones à Deo conciliauerit! nam si ob commorationem Arcae Deus benedixit Obededon, vt David eius æmulatione constitue-

rit: *Ibo, & reducam Arcam cum benedictione in domum meam*: quanto MARIA melior est illa Arca? Zachariae tamen non est reddita loquela, quia impleri debuit Angeli praedictio, & oportunius erat ad gloriam Dei, ut in ipsa Natiuitate Ioannis id fieret. Discam non praefigere tempora, aut modum Deo, eique me committere.

MEDITATIO XIII.

De Natiuitate Praecursoris.

PUNCTVM I.

ILLIVS Conceptio. 1. Ex sterilibus Parentibus, & iustis, qui filium à Deo impetrarunt: nam, quæ etiam Deus facere destinauit, exequitur per orationes. 2. Idem Gabriel Zachariae de Ioanne nuntiavit, qui postea MARIAE de Christo, par in Angelis promptitudo obsequendi: siue magna, siue minora imparentur. 3. Iubet Gabriel vocari: Ioannem, id est, gratiam, quod gratia in ipso singulariter eluceret: qui siue meritis ad tantum officium esset electus, & esset etiam diuinæ in se habitantis gratiæ insignia documenta daturus, & præcipuè, quod gratiæ Euangelij Praecursor veniret; nam *Lex vsque ad Ioannem*. 4. prædicat, magnum fore coram Domino, sanctitatem, & officio. 5. speciatim victus asperitatem commendat: *vinum & siceram non bibit*: tan-

In festo
Natiuitatis
Ioannis.
24. Iulij.
Concepti-
onis Cir-
cumstan-
iæ.

1.

2.

3.

Matth. 23. 13.

4.

5.

Luc. 1. 15.

6. quam verus Nazaræus, Deo consecratus. 6. & Spiritu sancto replebitur, adhuc ex utero Matris sue, pro dignitate officij, & ex utero vsque ad finem talis erit. 7. Præcedet in spiritu, & virtute Elia. zelus commendatur, & conuertet multos filiorum Israel, parabitq; Domino plebem perfectam, ad recipiendum Euangelium. Itaque erga Deum pius, erga se austerus, erga proximum zelosus.

PUNCTVM II.

Prærogatiua.

1.
2.

3.

PRAEROGATIVAE Ioannis in utero. 1. quodd primitiæ fuerit sanctificationis à Christo impertitæ, post Incarnationem, & ad eò copiosissime. 2. quodd acceptum semel vsum rationis tunc etiam conseruauerit. Vnde adhuc ex utero per feruentes actus merita colligebat. 3. quodd eius intuitu repleuit Deus eius Matrem spiritu Prophetico, ac donis.

PUNCTVM III.

In Natiuitate quæ accidère.
Luc. 1. r.

Isai. 49. r.

NATIVITAS Ioannis. 1. Mater diuinitus edocta, vult vocari Ioannem. 2. Pater recipit loquelam & prophetat; Benedictus, &c. 3. Exultatio, vt prædictum fuerat: multi in Natiuitate eius gaudebunt, & admiratio; qui putas Puer iste erit. 4. quodd iam tunc Manus Domini erat cum illo. Dominus ab utero vocauit me, in vmbra manus sue protexit me, &c.

MEDITATIO XIV.

*De eo, quod Ioseph voluit dimittere**MARIAM Coniugem**suam.*Pro Vigilia
Natiuitatis.

PVNCTVM I.

SANCTITAS Iosephi; nempe pro mune-
re, ad quod fuit electus. Superavit Patri-
archas: Fide Abrahamum; tolerantia Iacob;
castitate alterum Iosephum; consuetudine cum
Deo Moysen; charitate populi Samuelem;
humilitate & mansuetudine Dauidem. Ut
diuinis vacaret, voto se Castitatis obstrinxit,
quâ ita eximè consecutus est, ut ex consuetu-
dine familiari Virginis nihil animus eius co-
traheret, imò ad amorem eius virtutis magis
accenderet.

Sanctos
Veteris
Test. su-
perat.Votum Ca-
stitatis.

PVNCTVM II.

QVOD DEVS non reuelauerat Iosepho
mysterium sicut Elisabethæ, & Zacha-
riæ, ad exercitationem virtutis tum M A-
RIÆ, tum Iosephi; dū hic angitur de spon-
sæ lapsu, illa de infamia apud iustum. sic suos
probat Deus. *Proba me Domine & tenta me.*
Et debet cum gaudio suscipi, quando absque
culpa nostra; & præsertim, quando potius
propter virtutē tribulatio contingit, ut M A-
RIÆ.

Executio
Ioseph &
Mariæ.

psal. 25. 2.

PUNCTVM III.

Hinc quæ
virtutes.

QUAE inde cluxerint virtutes Iosephi. Patientia, in dissimulando factū, non exprobrando, nō deferendo; Prudentia, dū cogitat dimittere, cū quæ, vt adultera, nō conueniebat habitare; nec id præcipitat, sed voluit animo. In MARIA elucet. 1. Humilitas, nihilominus mysterium reticendo, nec apud Maritum vllam sui defensionem afferendo: non sic ego, qui effutio, si quid ad honorem facit; & mille texto excusationes in peccatis. 2. Confidentia in Diuina prouidentia, cui se per orationes commendabat.

PUNCTVM IV.

Reuelat
Deus.

REVELATIO per Angelum: Nimirum humanis medijs deficientibus præstō sunt diuina. Expende gaudium & gratulationem vtriusque; nec non reuelationis ipsa verba. Exemit scrupulum: Ne timeas: sponfam purgat, ex Spiritu sancto est, Nutritium, & quasi Patrem Christi constituit, vocabis nomen eius IESVM.

PUNCTVM V.

ET accepit coniugem suam, introduxit in domum, nec tamen cognouit vsque ad partum, nec post, qualis deinceps inter eos conuictus?

(§)

MEDI-

MEDITATIO XV.

De expectatione Partus.

PUNCTVM I.

QUOMODO ipse Christus infans expetierit ardenti desiderio perficiendi salutem nostram, vt iam tunc diceret: *Baptismo habeo baptizari; & quomodo coarctor, donec perficiatur?* nihilominus continuuit sese per nouem menses, neque ad diem secum dispensauit, quòd ea inclusio pœna quædam esset, ad satisfaciendum pro nobis; quales occasiones non omittebat. Deinde, erat quasi quidam secessus, in quo opus suum Patri commendabat, antequam illud aggrederetur; sicut in deserto comparauit sese ad prædicandum, per dies quadraginta.

Luc. 12. 10.
Nascendi
desiderium
Christi.

PUNCTVM II.

DESIDERIA B. MARIAE videndi, & fruendi aspectu filij, quem sciret Deum, & ex ipsa hominem. Item fouendi, seruiendi ipsi, maternaque obsequia exhibendi, pro eo, quod dignatus esset ipsam habere matrem. Quare dicebat: *Quis mihi det te filium meum, vt inueniam te foris & deosculer?* & tandem optabat eum prodire cõmunis salutis causa.

B. Virginis.

Cant. 2. 1.

Ego similiter in me desideria excitabo, vt Christus in me & alijs nascatur per gratiam, vtque illum omnes ament, ei que seruiant. Item conceptos animo salutares affectus, vt

Prou. 21. 25.

1. Theff. 5. 19

pariam, & in rem deducam, adnitar. quod nō fiat, velut foetus, vltra tempus vtero inclusus, excruciat Matrem, ita cohibita inspirationes Diuinæ exulcerant mentem. *Desideria*, inquit Sapiens, *occidunt pigrum*. Vult quippe, & non vult. Vnde monet Apostolus: *Spiritus nolite extinguere*. Huc referri possunt Antiphonæ Ecclesiæ: O Sapientia, & cætera.

PUNCTVM III.

B. V. Certa de Virginitate.

Isa. 7. 14.

Matt. 1. 23.

Luc. 1. 47.

in signu

Ioan. 1. 23.

EXPECTABAT Diua partum, certa de integritate sua, siquidem integra conceperat, & habebat firmum Propheticum sermonem: *Ecce Virgo concipiet & pariet Filium, & vocabitur nomen eius Emanuel, quod est, nobiscum Deus*. Et se illam esse considerans, de qua prædictum erat: *Exultabat spiritus eius in Deo salutari tuo*; dicebatque: ô tu, verè mihi Emanuel: nam & Gabriel ad me: *Dominus tecum*. Cæterum non angebatur de futura partûs difficultate, doloribusque, vt cætera Matres, quando ipsa sine carnali voluptate conceperat: tantum erat intenta præparandæ animæ affectibus pietatis ad vicinum partum, qualiter nos conuenit disponi ad Christum excipiendum, iuxta Præcursoris monitum: *Parate viam Domino*, intentionem dirigite, superbiam depri-
mite, asperitatem morum
deponite.

MEDITATIO XVI.

*Profectio Beata Virginis in Bethle-
hem ex Nazareth*

PUNCTVM I.

QUOD Christus destinato consilio suum in mundum ingressum ita disposuit, vt esset illius modus nobis quidem ad exemplum quàm utilissimus; ipsi verò ad ferendum permolestus & grauis. Vnde extra Nazareth nasci voluit, vt qualicunque domestica commoditate nascens priuaretur. I nunc, qui tam studiosè tuas commoditates consecraris.

Extra pa-
triam na-
scitur.

PUNCTVM II.

OC-C-A-S-I-O profectionis extitit tributum à Cæsare indictum, & is quidem ambitione, ad ostentandum Imperium, & cupiditate auri ducebatur, in Edicto promulgando: Christus autem humilitatis & subiectionis exercendæ inde occasionem sumpsit, ad exemplum. Quid ni ego *subijciam me omni humana creatura propter Deum?*

Occasio.

1. Pet. 2. 13.

PUNCTVM III.

RA-T-I-O itineris, singulari totius oris modestiâ procedebat Virgo, mente in illū, quem gestabat, defixā; tacitaque cum illo loquens, aut de illo cum Iosepho. non grauabat sacra sarcina gestantem, sed sublenabat; ac

Ratio iti-
neris.

propin-

propinqua fruendi illo spes vires reficiebat, cum alioqui sat prolixa & difficilis via, asperitasque hyemis teneram Virginem fatigaret.

PUNCTVM IV.

Ioan. 1. 11.

Luce 9. 38

Isai. 1. 3.

QUOD hospitio excluditur, *in propria venit, & sui eum non receperunt.* Iam tunc illud implebatur: *vulpes foueas habent, & volucres cali nidos: filius autem hominis non habet vbi caput suum reclinet.* quin vulpes, astuti, & cupidi homines à suis foueis Christum excludunt: Volucres autem superbi & nobiles à suis nidis, vt stabulum subire debeat, vbi *bos & asinus cognoscant possessorem suum*, mites ac humiles Repellitur, quia non agnoscitur. ò si cognouisses, & tu. quam sæpè Domine repelleris à me? quoties pulsanti non aperio?

MEDITATIO XVII.

In Natiuitatis festo.

Natiuitas Christi.

PUNCTVM I.

Exultans prodit.

Psal. 18. 6.

Dona pro hospitio.

QUOMODO, imminente nascendi tempore (quod nec præuenire, nec prorogare Christus voluit) *exultauit vt gigas ad currendam viam*; & illam quidem asperam, ac difficilem, ab ipso primo ortu ad exitum vsque à summo vsque ad summum, ab vtero ad crucem. Deinde, hospitium suum, vterū Ma-

tris,

tris, Rex tantus haud reliquit indonatum in egressu suo, quare tunc ineffabili luce ac læticia Matris suæ animam perfudit. Cauit etiam illi ab omni incommodo, quod alioqui in partu reliquæ mulieres perpetiuntur, nam & sine dolore enixa est, & claustro virginali nequaquam violato.

PUNCTVM II.

VIRGO præsentens partum, secedit parumper, totaque in Deum absorpta, præstolatur Saluatorem Dei que salutare, quod repente edito, atque conspecto, quid illa senserit, nec cogitando assequi licet. Agnoscebat filium suum: sed & eundem Filium Dei, verum Deum. illinc amor ipsam exstimulabat; hinc reuerentia retrahebat; utroque autem temperato, mixtoq; amore cum reuerentia; gaudio cum lachrymis infantem in vlnas accipit, suauatur ac liquescit anima eius in complexu Nati. Deinde, pannis eum inuoluit, quos prouida parauerat; locatumque reuerenter in præsepio, prima adorat; Gratias agit, quod venisset propter salutem hominum; quodque se dignatus fuisset honore Matris. vicissim ei offert, dicatque sua Matris obsequia affectu inenarrabili, simili eum sensu Sanctus Ioseph & adorat, & gratias agit pro nutritij sibi munere commisso, fidelemque suam operam promittit. Faciam &

ego.

1.
In Con-
templatio-
ne parit.

2.
Pannis
inuoluit.

PUNCTVM III.

Infantis
persona.

Verba.

Matt. 11. 29
c. 13. 3. & 4

Actiones.

Passiones.

Psal. 27. 10.

MIRA in hoc infante expendam; ac præcipuè, quòd qui Deus est, & sedet super Cherubim, in humili præsepio iacet. Deinde, quomodo gratias agit Patri, cuius voluntate illic reclinatus est, offertque seipsum ad perficiendum opus Redemptionis. clamat etiam ad nos tacitus: *Discite à me, quia mitis sum & humilis corde, & nisi efficiamini sicut paruuli, & quicumque humiliauerit se sicut paruulus iste, hic maior est in regno calorum.* Præterea quid agit infans: plorat & alia agit quæ talis nam etsi perfecta utebatur ratione, quæ tamen erant illius ætatis, naturam agere sinebat: quidquid autem ageret, Deo offerebat pro reconciliatione Mundi, infantiles lachrymas, vagitus, & omne tale. Postremò, quæ iam tunc patiebatur, æstimabo. Aspero annu tempore, intempesta nocte, loco incommodissimo, in rerum omnium paupertate, & reiectus ab omnibus: nec ea patitur inuitus, aut necessitate; sed volens, certoque consilio. Pauper sum ego, & in laboribus à Iuuentute mea.

MEDITATIO XVIII.

Annuntiatio ad Pastores.

PUNCTVM I.

Angeli adorant.

QUOD Angeli, viso, Domino in præsepio, obstupuerunt, supplicesque eum de coelo adorant.

dorauerunt, iubente etiam Deo Patre. & adorauerunt eum omnes Angeli eius. Et cum absconditum mortalibus, obscurumque cerne-
rent, gestiuerunt omnes venire in terras, atque illius annuntiare Natiuitatem. sic ego accendar studio manifestandi Dei nomen hominibus, ut cognoscant in terra viam eius, in omnibus gentibus salutare eius.

Heb. 1. 6.

PUNCTVM II.

QUOD Pastoribus Christus annuntiatur
1. Non sapientibus circa Bethleem, quia superbi; non diuitibus, quia cupidi; non Nobilibus, quia delictis dediti: sed humilibus, pauperibus, laboriosis, superque gregem vigilantibus: *Confiteor tibi Pater, quia reuelasti ea paruulis.* 2. Annuntiatur gaudium, cuius materia est: *quia natus est nobis Saluator.* non sibi nascitur, non Angelis; sed nobis, qui salute indigebamus. *Nobis natus, nobis datus, ex intacta Virgine* 3. Signa mirabilia indicantur, per quæ reperiatur, *Inuenietis infantem, pannu inuolutum positum in praesepe,* ergo signa sunt infantia, paupertas, & humilitas. ex his intelligam, an in me natus sit, si ea vigeant in corde meo.

Pastoribus
euchatur.

Matt. 21. 12.

2.

Luc. 2. 10.

3.

PUNCTVM III.

ANGELORVM gratulatio & glorificatio. mittit Deus Angelos, ut sic humiliatum eius filium clarificent, quod Deus facere consuevit inter despectiones. Deinde, ut discamus, quid nos face-

Quare mit-
tantur An-
geli.

re

Isai. 6.3.

Psalm. 75.7.

reconueniat; quomodo glorificare, & gratias agere, quando propter nos ille Humiliatus est. *Gloria in excelsis Deo*: quippè non aliud Dei opus magis ad illius gloriam facit, quàm Incarnatio Verbi. Quòd si in cœlo propter illud glorificatur, vtique & in terra. Deus propter hoc debet glorificari. *qua* ideo dicitur *plena gloriâ* Dei. ò impendâ me totû in illâ. *Et inter rapax*: Multiplex pax, hominis cû Deo, per remissionem peccatorû: Hominis secum, per subiectionem carnis ad Spiritum; Hominum inter se: per concordiam voluntatum. *Orietur in diebus illius iustitia, & abundantia pacis. Hominibus bona voluntatû.* Iis nimirum, erga quos benigna est Dei voluntas, quæ est radix nostri omnis boni. sed & ijs, qui ipsi sunt bonæ voluntatis ordinatæ in Deum, subiectæque illius legi. Talibus promittitur pax; non autem ijs, qui boni sunt intellectus, aut alijs pol-
lent talentis.

PUNCTVM IV.

RECEDVNT Angeli, & in transitu inui-
sunt præsepe, ibi canticum repetentes,
quanta Maris exultatione!

MEDITATIO XIX.

*Adoratio Pastorum.*Pastorum
feruor.

PUNCTVM I.

PROFICISCVNTVR Pastores. Nô postha-
bent

bent acceptum nuntium, vt quidam diuinas inspirationes; sed hortantur se mutuo ad inquirendum ostensum sibi bonum. Est quod apud Ezechielem *Cherubim percutiebant inter se alas*, quasi gestientes, ad obsequium Deo præstandum. Deinde, etsi non fuerit eis mandatum, nutum tamen pro mandato habuerunt. Perfecta obedientia. Denique festinantes feruore magno ac desiderio.

Ezec. i. 63.

PUNCTVM II.

REPERIVNT annuntiatum, & adorant. Credibile est, ad primum conspectum ex infantis ore promicuisse splendorem, simulque intus illuminatos fuisse pastores, vt illum Messiam & Deum esse cognoscerent. Deinde ad hanc illustrationem reuerentia tacti, simulque amore succensi, prosternunt corpora, adorant, gratias agunt, offerunt de sua paupertate, implentes illud: *non apparebis vacuus ante Dominum*. Tum ad matrem conuersi, quæ sanctitatem spirabat, eam reuerenter alloquuntur, gratulantur de tali prole, narrant quæ viderant, & audiuerant de puero hoc.

Illustrati
Pastores.

Deut. 16. 17.

PUNCTVM III.

RECEDVNT ad propria, glorificantes & laudantes Deum in omnibus, quæ audierant, & viderant, vel circa præsepe: nam viderant infantem admirabilem, & audiuerant ibi aliqua mirabilia de illo à Matre: vel quæ

Recedunt.

Medit. Compend

O

audi

Quatuor
genera ho-
minum ad
præsepe.

audierant ab Angelo, & conferendo ea cum
visis ad præsepe, laudabant Deum. Deinde
hæc audita & visa narrabant alijs; & omnes,
qui audierunt mirati sunt, tum apud præse-
pe narrabant, quò alij aliqui confluxerant, ex-
citi aduentu Pastorum, tum obuijs, vt sit in re-
bus insolitis. Porro cæteri mirabantur, MA-
RIA autem conseruabat omnia verba hæc,
conferens in corde suo. Quatuor genera ho-
minū. 1. quidā, etiā auditis, nihil mouebantur,
alijs intenti. 2. Aliqui illac transeuntes, & in-
trospectientes, nihil notantes singulare, præ-
teribant. 3. alij fide viuā accedentes, agnoscunt
& adorant, fructumque referunt; sed recedunt
ad sua. 4. alij inhaerent, vt Maria & Ioseph, vol-
uuntque assidue, & inter se conferunt my-
sterium.

Pro festo
circumcisi-
onis. i. Ian.

MEDITATIO XX.

Circumcisio Christi.

PVNCTVM I.

Obedientia

AESTIMANDA in Matre & sponso o-
bedientia legis, ob quam subiecerunt
Circūcisioni Filiū, imò ipsimet circūciderunt,
vel Maria, vel Ioseph. Itē affectus Matris in i-
pso actu: quā cōpatiebatur! quā blandē foue-
bat, quā deuota sanguinē excipiebat, quā dili-
gentiā plagam curabat: quā curā primitias
Sanguinis & præputium asseruabat. eaque
Patri æterno offerebat: vel sola ad redempti-
onem nostram abundē suffectura?

PUNCTVM II.

QVALIS in Circumciso infante affectus
 1. Obedientiæ erga legem durissimam, Christi o-
 in qua poterat secum dispensare, vt Deus; bedientia.
 aut quâ etiam non tenebatur, quippè ab o-
 riginali culpa immunis, cuius erat testificatio
 ipsa Circumcisio quam suscipiendo, vniuersæ
 legis faciendæ debitor fiebat. 2. Humilitatis,
 dum notam peccatoris accipit: nos autem, qui
 verè sumus peccatores, renuimus videri, aut
 dici. 3. Patientiæ in ferendo vulnere, ob tene-
 ram complexionem, valde acris; & quia polle-
 bat vsu rationis, non tantùm ictum sensit sed
 expectatio abscissionis, & aspectus cultri ti-
 morem & tristitiam naturaliter afferebat:
 quod in alijs non euenit infantibus. Porro ita
 doluit, & plorauit, vt simul gauderet ob im-
 pletam in eo Patris voluntatem. 4. Charitatis
 tum erga Patrem, tum erga nos, quâ etiam o-
 mnem Sanguinem dare, innumerasque plagas
 accipere paratus fuit.

1.
Obedientia.2.
Humilitas.3.
Patientia.4.
Charitas.

PUNCTVM III.

QVOD est quædâ spiritualis circumcisio, Circumci-
 quam Christus nos docet sua corporali: cio spirita-
 nèpè superflua abijcere in vitæ cōmodis, & in-
 ordinatos affectus refecare. Hanc nostrâ cir-
 cumcisionē qui iuuant, eique cooperantur, a-
 mandī sunt; nèpè qui vel incōmodo, vel iniu-
 ria aliqua nos afficiūt: vnde nimius nostri, &
 honoris proprij amor castigatur. Deinde con-
 sidera, quòd Christus tripliciter Sanguinē su-
 1.
Sanguinem
 fudit ter.

1.
2.
3.

dit. 1. In circumcissione à suis, debito & sancto ministerio. 2. à se ipso in horto per vehemētum cum imminente morte conflictationem animi spontē susceptam. 3. à Sathanæ ministris in passione ipsa. Ita etiam circūcisio nostra partim ab ijs, qui præsunt, perfici debet, amputando occasiones & mortificando subditorum affectus. detrahendoque non necessaria: partim à nobis ipsis per voluntarias mortificationes, partim ab aduersarijs & calumniatoribus. Offeram me ad omnem modum.

MEDITATIO XXI.

De impositione Nominis Iesu.

PUNCTVM I.

Iesu nomē

Christo antonomasticon.

Isai. 63. 1.

Habac. 3. 18

B. V. nomen indit.

NOMEN Christo imponitur à Deo, qui solus potuit nominare ipsum, uti solus nouerat finem & officium illius. nominauit autem Iesum. hoc est, Saluatorem. quod nomen si quidam alij acceperunt, ut in figura tantum, & secundum quid: Christus autem simpliciter & excellenter multis modis. 1. quia ab omni simpliciter malo nos liberat. 2. quia sic liberat, ut simul introducat in omne genus boni in hac vita & altera. 3. quia modo singulari liberat, quod sit Deus & homo; unde fit, ut, persoluto pretio, ad aequalitatem redimat, non ex potentia tantum, qui dicit: *Ego qui loquor iustitiam, & propugnator sum ad saluandum.* Igitur, *in Domino gaudebo, & exultabo in Deo Iesu meo.* Porro B. Virgo Maria prima fuit, quę infan-

infanti iam nato hoc nomen imponendum edixit, & prima illud pronuntiavit: Iesus est nomen eius; in pronuntiando autem tum ipsa præcipue, tum Ioseph, & astantes mira perfuni sunt suauitate, tanquam ex effuso foras vnguento, quippe *oleum effusum nomen tuum*, ô Iesu: *ideo adolescentula dilexerunt te*. in primis Mater, *cuius spiritus exultauit in Deo salutari suo*. In Deo Iesu suo: Impositum sibi nomen acceptauit infans, gratiaque agit Patri æterno pro nomine, & officio, ad exequendum illud paratissimus.

Cant. I. 3.

PUNCTVM II.

CVR nomen in Circumcisione imponitur. 1. ad clarificandum ipsum, vt quia tanquam esset peccator, circumcidebatur; ex nomine innotesceret, eum esse Saluatorem, qui tollit peccata mundi. 2. ad significandum, quod Saluator venire per Sanguinem, cuius modò quasi primitias offerret, daturus postea totum.

PUNCTVM III.

EXCELLENTIAE huius nominis: quod si nec nominari potest, nisi in Spiritu sancto, vt ait Apostolus, quis eius excellētias assequatur? 1. cōplectitur perfectiones diuinas, qui si Iesus est, vtq; in facto bonus, Sanctus, sapiens, omnipotēs, misericors, sunt enim hæc necessaria ad saluandum: siquidem *factus est nobis sapientia à Deo, & iustitia, & sanctificatio & redemptio*. 2. cōplectitur omnia dona gratiæ & virtutum, quia *de plenitudine eius participare*

I. Cor. 12. 3
Excellentiæ
huius no-
minis.
1.

I. Cor. I. 20.
2.

3. debent, qui saluantur 3. officia omnia illius, quod sit Magister, Medicus, Pater, Iudex, Advocatus, Pastor, Protector. Iesus meus & omnia. 4. est compendium aliorum nominū apud Isaia: *Vocabitur nomen eius admirabilis consiliarius Deus, fortis, Pater futuri seculi, Princeps pacis.* 5. est mihi fons & origo bonorū omnium. in hoc datur remissio peccatorum; orationes a Deo exaudiuntur, & gritudines spirituales curantur, tentationes vincuntur; demones profligantur, pericula auertuntur: est Lux & Dux, atque ad omnes virtutes stimulus.

Pro E
phraia D. o
Ian.

MEDITATIO XXII.

Magorum profectio Hierosolymam.

PUNCTVM I.

Num 24.

17.

Soli tres Re-
ges sequun-
tur.

Prov. 2. 13.

c 26. 13.

Amos 5. 19.

APPARITIO stellæ: Voluit Deus, sicut in Iudæa pastoribus, ita etiam Gentibus manifestare ortum Saluatoris, atq; ad adorandum vocare, siquidem omniū erat Saluator, tum Iudæorum, tum gentiliū. illis autem per Angelum, his per nouam Stellam significauit, iuxta vaticinium Balaam. Multi etiā alijs eandem stellam viderunt, & quem indicaret, coniecerunt, sed hi tantū magi ad inquirendum permoti sunt. Sic plerique commodis temporalibus intenti, posthabent lucem diuinā inspirationis, aiuntque illud: *Leo est in via. occidēdus sum, prætexētes excusationes,*

sed qui timet pruina, irruet super eum nix : & isti pro temporali incommodo incurrunt æternum. Singulare beneficium magis collatū, vt præ tot alijs efficacius mouerentur, vt omnibus postpositis: quærerent Christum : quale Abrahæ: *egredere de terra tua*. Optem ita vocari: & si vocatus sum, Mundumque reliqui, vt Christum inuenirem, gratias agam. Nam alioqui, *Multi sunt vocati, pauci vero electi*, ita vt obtemperent.

Iob 6, 16.

Gen. 12, 2.

Mat. 20, 16.

PUNCTVM II.

PROPECTIO Magorum. Dant se viæ : & ecce, vident stellam præire ducem, vt olim Hebræos antecedeat columna nubis per diem, ignis per noctem. nempe aggredientibus magno animo seruitium Dei adest gratia singularis ad prosequendum cœpta. Sequuntur stellæ ductum, in neutram partem declinando; & cum illa vel quiescendo, vel mouendo. ita ego ductum rectæ rationis, supernaturale item lumen, & illustrationes à Deo immissas, & denique superiorum, & spiritualis Patris directionem sequar, quasi totidem stellas, vel vnā potius ex pluribus coagmentatam. Appropinquantibus illis Hierosolymam subducitur aspectibus eorū stella, ad fidei constantiæque probationem; ac licet tristati fuerint, non tamen à cœpto destiterunt. Ita nos, cum subtrahitur consolatio, non resiliemus. Conuerterunt autem se ad media ordinaria, quærendo ex alijs; sicuti

1.
Stella duci.2.
Sequuntur.3.
Se abdit.

Cant. 3. 3.

Sponsa: Num, quem diligit anima mea, vidisti? Adcundi Prælati, & qui nos iuuare queunt.

PUNCTVM III.

1.
Fides.2.
Magnanimitas.

Turbatio.

INTERROGANT audacter de Rege nato. 1. Elucet fides eximia, non quærunt: an sit natus, sed de loco tantum, quasi de re nihil dubitent. 2. Magnitudo animi. non verentur, in regia ciuitate, & aula ipsa alium Regem Iudæorum quærere, quàm qui præsedebat. Qua tanta illorum confidentia turbatur Herodes, ipsi verò minimè. Cum Herode turbatur Ciuitas, quæ potius gaudere debebat, cum ex Messia expectatione, verique sui Regis tota penderet: sed fit, vt potentioribus consentiatur, etiam in malo.

PUNCTVM IV.

Herodes le
cum desig-
nat.

Mala. I. 7.

Ioan. 5. 30.

HERODES inquit ex Sacerdotibus. Elucet mira prouidentia Dei. 1. Quòd iniquum faciat cooperari suo consilio. Dilegentiâ enim Herodis patet locus Natiuitatis. 2. Quia per malos ministros & sacerdotes aperit sensum scripturarum pijs. *Labia enim Sacerdotum custodiunt scientiam.* 3. Quòd scriptura sit lumen ad inueniendû Christum, quæ cû habetur, non est opus alia stella. *Scrutamini scripturas, illæ sunt, quæ testimonium perhibent de me.* 4. Iudicium Dei, quòd gentiles è longinquo cum labore veniunt adora-

tum;

tum; Iudæi autem, quibus promissus, & inter quos erat, non se loco mouent, scilicet *nemo potest venire ad me, nisi Pater meus traxerit eum.*

Ioan. 6. 44.

MEDITATIO XXIII.

Inuentio & adoratio Regis Nati.

PUNCTVM I.

PROSEQUVNTVR Magi iter, & iterum vident stellam. Cùm primùm de loco Natiuitatis indicium acceperunt, relicto aulae strepitu, pergunt. nō nisi ex necessitate, inter tales morari oportet viros Religiosos. Quin ipse Rex Dauid à tumultu cupiebat liberari. *Quis dabit mihi pennas sicut columba, & volabo & requiescam?* Nota etiam bonitatem Dei, qui Magos iam ex indicio pergentes, voluit solari, reddita stella, vnde illi mirificè recreati sunt. *Secundum multitudinem dolorum meorum, consolationes tuæ latificauerunt animā meam.* Ita Deus agit cum homine.

Desere aulas.

Psal. 54. 7.

Psal. 93. 19.

PUNCTVM II.

APPVLSVS in Bethlehem, & ingressus in domum. 1. Stupent, cùm vident stellam super casam stare. sed continuò illustrati sunt, quòd Regnum eius non est, vt Mundi. 2. Inueniunt Puerum cum Mariā Matre eius, sic etiam pastores. Non facile disunguntur IESVS & MARIA, & debent in affectu

1.
Stupor Regum.2.
Iesus & Maria.

3.
Illustran-
tur Reges.

Apoē. 2. 28.
c. 22. 16.
Psal. 16. 15.

nostro coniungi. 3. Ad conspectum Infantis emicuit ex eius vultu radius, qui etiam mentes Magorum illuminauit, vt agnoscerent, illum esse verum DEVM, Regemque & Saluatorem. Vnde gaudio magno valde perfusi sunt, magis quam ex reuisa stella. Et vti que erat Christus *stella matutina*. Quare impletum tunc in Magis illud: *Satiabor cum ap- paruerit gloria tua.*

PUNCTVM III.

1.
Reueren-
cia.

Psal. 71. 9.

2.
Latria.

Psal. 71. 11.

Isai. 45. 23.

3.
Oblatio.

MAGI adorant, & offerunt. 1. Proci-
dunt ad terram totis corporibus, si-
mulque animis demississimè prosteruntur,
impleriq; coepit: *Coram illo procident Aethio-
pes, & inimici eius terram lingent.* 2. Fuit
adoratio Latriæ, tanquam vero Deo exhibi-
ta, pro salute hominum facta homini: pro
quo in genus humanum beneficio, proque
singulari erga se Magi gratias ex intimo cor-
de infanti egerunt, impleueruntque illud pro
sua parte, & *adorabunt eum omnes Reges ter-
ra, & omnes gentes seruient ei.* O seruiant il-
li omnes, ac imprimis ego, & tandem fiat ei,
quod apud Isaïam: *Mibi curuabitur omne ge-
nu.* 3. Promunt Aurum Regi, Thus Deo,
Myrrham homini mortali: nec non interna;
Aurum charitatis, Thus deuotionis, & Myr-
rham mortificationis. quæ & ego offeram
ac, si Religiosus sum, trina vota. In Myrrha
Castitatem, quâ caro à corruptione præser-
uatur: in Auro Paupertatem, quæ omnibus se-

abdi-

abdicat Christi causa: in Thure Obedientiam, quæ est oblatio totius hominis in odorem suauissimum Deo. Nec bonus IESVS dimisit indonatos, aut se vinci liberalitate passus est. Reddidit vicissim Magis Aurum Sapientiæ, qua mysterium Incarnati VERBI perceperunt, Thus insignis deuotionis, internæque consolationis; Myrrham incorruptionis à peccatis, ne posthac laberentur lethaliter, quæ est confirmatio in gratia. ita piè credi potest.

PUNCTVM IV.

COLLOQVIA Magorum cum MARIA: narrabant de stella, de gestis Hierosolymis, circumspiciebant casam, præsepia, pannos, ipsam Matrem admirabantur. illa vicissim conseruabat omnia, conferens in corde suo; laudabat eorum fidem, confirmabat. Non adfuerat initio Ioseph, vt indicaretur, Infantem hunc non habere Patrem in terris, quæ homo erat. superueniens autem Ioseph, quæ sensit? quæ dixit? Cùm pernoctassent ibi, admonentur in somnis, ne redirent ad Herodem, (quod ille perierat) ne ipsi & infans in periculum adducerentur. parent, & alia via reuertuntur, gratulantes sibi pro suscepto labore. Ita ijs contingit, qui constanter Christum quærunt.

MEDITATIO XXIV.

Purificatio Matris, & presentatio Filij.

PUNCTUM I.

B. Virginis
virtutes.

Leuit. 12. 2.3

3.

6.

Cant. 2.2.

VIRGO implet legem Purificationis, quæ iubebat: Mulierem, quæ peperisset Masculum, oblato sacrificio purificari in templo post 40. dies. 1. Libenter se continuit per illos dies in illa casâ, intenta alendo filio, & defixa in contemplatione tantæ rei. 2. Enituit puritas, quod, cum purissima esset, adhuc voluit purificari. 3. Obedientia erga legem, à qua tamen erat exempta, quod concepisset, non excepto semine. 4. Humilitas, profitendo, se indigere purificatione, dum ritum seruabat offerendi columbum, aut turturem pro peccato: sicut filius se peccatorem exhibuit, admissa circumcissione. 5. Amor paupertatis, quia non agnum obtulit in holocaustum; sed pullum columbæ, aut turturem, quod permittebatur pauperibus, & potuisset procurare Agnum ex oblatione Magorum; sed maluit ex pauperibus esse. 6. Deuotio & reuerentia, qua munus suum obtulit Sacerdoti, petens pro se orari. Hæ sex Virtutes sunt instar sex foliorum lilij candidissimi, sicut lilium inter spinas, sic amica mea inter filias.

PUNCTUM II.

LEX altera iubebat offerri Deo omne primogenitum, in memoriam liberationis

ex Aegypto, ab internectione primogenitorum
omnium, tam hominum, quam pecudum. 1.
Deuotè offert Patri aeterno filium ipsius, &
propriam oblationem significatam praeteritis
saeculis per tot illas primogenitorum oblati-
ones, & optatissimam ipsi Patri aeterno, mul-
toque acceptiorem, quam Abelis, Noë, Abra-
hae, omnibusque Mosaicis sacrificijs: per quam
perebat pia Mater toti Mundo salutem, & re-
conciliationem. 2. Infans quoque ipse offert
sacrificium Patri: quandoquidem priores ob-
lationes non auferbant peccata: at speciatim
cogitabo, quod pro me se obtulerit: o offeram
ego me ipsum.

1.
Oblatio B.
Virginis.

2.
Ipsius
Christi.

PUNCTVM III.

PRIMOGENITVS debebat redimi quin-
que siccis. 1. Redimitur à Deo Patre, cui
fuerat oblatus. Non sibi retinet, testificans,
quod vult, prorsus eum esse nostrum. 2. Redi-
mit Virgo Mater, vt nutriat, non vt seruet sibi,
sed Mundo 3. pretium, quinque siccis. non plu-
ris hic, quam alij primogeniti, redimitur. O-
stendit Deus promptitudinem dandi eum no-
bis, vt noster sit: siquidem tam paruo redimi
eum finit. Quinque siccis possunt intelligi,
mortificatio quinque sensuum, vel quinque
virtutes, quae ad Christum disponunt, recupe-
rando cum Deo gratiam. Vna fides, Timor
Dei, dolor de peccatis, fiducia de Misericor-
dia Dei, ac stabile propositum emendationis

Redimitur
5. siccis.

Sicli quids

4. Redimitur in eum finem, vt sub potestate hominum sit, & morti etiam pro ijs tradatur.

MEDITATIO XXV.

De Simeone & Anna in presentatione Christi.

PUNCTVM I.

Simeon
qualis?

1.

2.

Eccles. 7. 19

3.

Psa. 144. 19.

Exod. 33. 20.

VIRTUTES Simeonis & oraculū. 1. Erat vir iustus & timoratus; cauens diligentissime, ne quid offendant. Qui timet Deū nihil negligit. 2. Expectans consolationem Israel, per ardentia desideria, per preces cum fiducia magna. 3. Et Spiritus sanctus erat in eo, non tantum sicut est in quouis iusto, sed peculiariter, à quo proinde incitabatur ad flagitandam ardentem & expectandam consolationem Israel, ipse enim spiritus postulat pro nobis, dum postulare facit. Qua fiducia & vitæ sanctimonia meruit responsum accipere, non visurum se mortem, donec videret Christum Domini. DEVS Voluntatem facit timentium se, & deprecationem eorum exaudit. 4. Datur etiam nunc aliis quibus in hac vita videre Christum Domini per contemplationem; sed quia scriptum est: Non me videbit homo & viuet; moriar per mortificationem, vt videam per contemplationem: aut planè moriar hic, vt illic videam facie ad faciem.

PUNCTVM II.

IMPLETVR votum Simeonis. *Venit in spiritu in templum, & accepit Christum in vlnas suas. Verè potens est Dominus facere superabundanter, quàm petimus aut intelligimus.* Petierat Simeon videre, & datur ei amplecti ipsum, contrectare, exosculari: Multi tunc aderant, solusque agnouit Simeon, quòd Infans nihil prae se ferret foris singulare. Ita contingit, ut solùm, qui dispositi dignè sunt, Christum in Eucharistia agnoscant, & fruantur. Præterea æstimetur gaudium boni Senis, prae quo ducebat omnes labores pro nihilo, & nihil superesse amplius in hac vita sibi optandum. Ita & tu, *propter eminentem scientiam Iesu Christi, omnia arbitrare ut stercora, ut Christum lucrifacias* Duo collige ab Exemplo Simeonis, quæ faciunt ad felicem mortem. 1. Fiduciã, quam sancti concipiunt futuræ retributionis, cum experiuntur in hac vita, quomodo Deus consoletur suos, ac centuplum eis nunc reddat, iuxta promissum suum. 2. Fastidium rerum humanarum: unde cupiunt dissolui, & esse cum Christo. Tandem quid sensit Mater, similiter & Ioseph, cum agnoscerent puerum à sancto sene viderent, & ita prædicari. *Mirantes erant super his, quæ dicebantur de illo.*

Eph. 3. 20.

Solutus Simeon illi stratur.

Philip. 3. 8.

Corollarium.

1.

2.

Luc. 2. 33.

PVNCTVM III.

Prædictio
Simconis.

SIMEONIS sermo ad MARIAM. Prædicit, si ipsam doloris gladio transfigendam. sic Deus miscet tristitia lætis, summo consilio. Et voluit, ut B. Virgo & Mater iam tunc inciperet amaritudinem filij passionum persentire. Deinde de puero, quod futurus sit in ruinam & resurrectionem multorum in Israel. Ex parte quidem Christi, nulli in ruinam, sed in resurrectionem tantum, ad profectionem ad gratiam & gloriam. ex parte verò ipsorum hominum, qui abufuri erant beneficio, & scandalizandi in ipsius humilitate, etiam ad ruinam. Item quod in signum contradictionis, in quem tanquam in scopum iacularentur, calumniando doctrinam, miracula, mores, & vitæ etiam insidiando. Gaudebo ad imitationem Christi, quando propter ipsum contradicetur mihi.

PVNCTVM IV.

Annæ vir-
tutes.

ANNÆ confessio. cui etiam reuelatus fuit Christus: eius quoque insignes extiterunt virtutes, quibus id promerita est. *Castitas Vidualis, Oratio, & ieiunium, Legis observatio, & assiduitas* in templo cum annorum 84 *perseuerantia* in hisce bonis operibus,

MEDITATIO XXVI.

est de applicatione sensuum.

MEDITATIO XXVII.

Fuga in Aegyptum.

PUNCTVM I.

Dominica
infra Cir-
cumcisio-
nem.Christi
Persecutio.

2. Tim. 3. 12.

Ioan. 15. 20.
Quare iu-
gerit.

1.

2.

Isai. 19. 1.

PERSECVTIO Regis Nati. instigante Di-
abolo, qui suo Regno à tam admirabili
Infante metuebat: Herode Rege successorem
non ferente, & populo assentiente Regi impio.
Christus quæritur ad necem. Cœpit iam tunc
impleri Simeonis vaticinium de contradicti-
one. Et voluit Pater æternus ab Infantia Fili-
um suum laboribus exerceri, & proprium est
Mundi persequi aduersantes sibi. Id euenit
primitiæ Ecclesiæ. & passim iustis. Omnes
enim, qui volunt piè viuere in Christo Iesu. per-
secutionem patiuntur. & præmonuit nos Chri-
stus, non est seruus maior suo Domino: si me per-
secuti sunt, & vos persequentur. Potuit aliter
quàm fugiendo declinare periculum; sed ita
maluit. 1. Vt plus pateretur in exilio apud ex-
traneos. nec fugit ad Magos, vbi in prædio es-
set; sed ad ignotos, vbi lateret, quod imitari
debemus, vt velimus in occulto esse, dum ali-
ter de nobis disponit per superiores. 2. Voluit
etiam genti Idolis deditæ prodesse, & imple-
re Isaïæ prædictionem: Ecce Dominus a-
scendet super nubem leuem, & ingreditur

Medit. Compend.

P

AEgy-

AEgyptum, & commouebuntur simulachra AEgypti à facie eius Hæc nubes fuit sacra illius humanitas, vel etiam Matris vlnæ, in quibus portabatur Simulachra aut cōmōta sunt, quia fundamentū ab eo positū est illius perfectionis, quæ postea in AEgypto maxime viguit in sanctis Anachoretis & Cœnobitis, per quam Idola, quibus Mundus seruebat, diuitiæ, honores, & voluptates, prostrata sunt & conculcata. ò cū Christus in nube panis ingreditur ad me, simulachra prauarum affectionum turbentur ! Quod Christo euenit fugienti in AEgyptum à facie Herodis, euenit eius corpori primitiuæ Ecclesiæ, sanctisque Apostolis, qui pulsi à Iudæis, se ad gentes conuerterunt. Ne me deferat, obsecro, meus Iesus, ne ego tibi, bone Iesu, secedendi præbeam occasionem, & ne alius accipiat coronam meam.

PUNCTVM II.

Apparitio
Angel.

REVELATIO de fuga capescenda. Deus mittit Angelum, prouidentiam gerens de Filio, donec veniret hora eius; gerit etiam de Iustis adoptionis filijs Per Angelum intimat, quia vult sibi obediri, etiam in ministris. Non matri intimat, sed Iosepho, cui, vt capiti domus, voluit Matrem subiacere. Nec illa agretulit, sed perinde paruit, ac si fuisset sibi reuelatum, dum modo voluntas Dei fiat, non interest, per quem innotescat.

Discam ita obedire, &
subordinatis.

PVNCTVM III.

CIRCVMSTANTIAE Mandati. 1. dormienti noctu imperatur, vult Deus poni quietem, & commoda propter obedientiam. 2. iubetur puerum & Matrem adducere, ceteris relictis, quod tutius abiret. Sic ego, dum voluntas Dei vrget ad aliquid, non prospiciam de commoditatibus: sufficit Iesum & Mariam secum habere. 3. Locum exilij designat Aegyptum, hostilem terram. Qui sub obedientia Religiosa degunt, non sibi deligant locum: ubique tuti sub Dei manu erunt. 4. Terminum exilij non assignat, *donec dicam tibi*. Deo relinquamus, quamdiu in hoc aut illo munere & loco versemur, quia ipsi est cura de nobis. 5. Rationem fugæ reddit, ob periculum ab Herode. Etsi ad obediendum non requiritur, ut ratio reddatur, Deus tamen subinde facit, ut qui alioqui sine ratione paratus est obedire, si ea ex abundanti reddatur, suauius faciat. Ut in rebus fidei, quando ad promptitudinem credendi accedit miraculum, solatium est credenti. Quando autem rationem præcepti non assequimur, perinde obsequemur: imitantes quod dicit Paulus, *confidens in obedientia tua scripsi tibi: sciens, quoniam & super id, quod dico, facies.*

1.
Noctis.2.
Puer &
Mater.3.
Indifferen-
cia loci.4.
Temporis.

5.

Fugæ ratio

Ad Philem.
ver. 21.

PUNCTVM IV.

OBEDIENTIA Iosephi. 1. nihil replica-
uit, aut difficultates mouit. 2. celeriter
obediuit, 3. non est moratus difficultatem iti-
neris, & rerum necessariarum inopiam.

PUNCTVM V.

COMMORATIO in AEgypto: in magna
Crerum paupertate, labore manuum vi-
ctitantes inter barbaros & impios, ferebant
pacatissime, Deo curam relinquentes, crucia-
bantur ob gentis impietatem & peccata. Cre-
dibile est, aliquos, ad Dei notitiam cultum-
que permotos fuisse admiratione huius san-
ctæ familiæ; quam etiam iuuerint aliquibus
subsidijs.

MEDITATIO XXVIII.

*Cades Innocentium. & creditus ex
AEgypto.*

PUNCTVM I.

In festo SS.
Innocenti.

Ambitio.

COGITA. 1. quàm sit ambitio pernitiola
ut talia patret, & Christo ipsi insidietur
& quàm suspicax, ubi non est timendum. 2.
quàm Christus compassus fuerit innocentibus,
3. quàm illis benè cesserit
mors pro Christo
obita.

PUNCTVM II.

MORTVO Herode reuocantur ex Aegypto. 1. Herodes frustratus voto occidendi Christum, regnum etiam amisit infelici morte, pro quo retinendo fuerat Christum persecutus. sic nihil proficit tandem iniquitas. 2. Ioseph admonetur per Angelum, fiduciamq; in Deo maiorem concipit, quando videt, ita sui curam geri, sibi que commissorum. Ideo me proiciam in Deum, *in cuius manu sortes meae sunt.* 3. Angelus apud Iosephum non nominat ex nomine MARIAM, aut sponsam suam, nec modò, nec in priori apparitione. sed Matrem vocat, *accipe puerum & Matrem eius,* quia hoc nomen ipsi gloriosissimum, & ita ferè Euangelistae appellant.

1.
Decipitur
Herodes.

2.
Ioseph mo-
netur.

Psal. 30. 15.
3.

Mariā no-
minat.

PUNCTVM III.

REDITVS ex Aegypto. 1. sensere illi, qui affluerant sanctis hisce hospitibus, & fortè ad Dei cognitionem adducti fuerant, illorum abscessum. 2. Ioseph solitus in dubijs ad Deum recurrere, edocetur, nè transeat in Iudæam. 3. Christus nomen contraxit à ciuitate, vbi enutritus; vt Nazareus vocaretur, id est, sanctus, Deoque sacer. quis vt ille? vel floridus: quomodo non alius, omni genere virtutum *flos campi, & lilium conuallium.*

1.

2.

3.

Cant. 2. 1.

Dominica
prima post
Epiphaniam.

MEDITATIO XXIX.

*Christus ascendit in templum,
& manet.*

PUNCTUM I.

Consuetu-
do visitan-
di templi.

QUOD consuetudo fuerit MARIAE & Ioseph ascendendi in templum temporibus à lege præscriptis, ter in Anno, tum spiritu parendi legi, tum peculiari deuotionis erga Dei domum. Christus autem simul ascendebat, quod ita parentes vellent; & ut ibi Patrem glorificaret, gratiasque solennes ageret cum reliquo populo pro communibus & priuatis beneficijs, quæ fuerat legis ratio præcipientis ascensum. Nec quia consuetudo erat, ideo ex consuetudine faciebant: sed ex deuotionis spiritu, quod est in talibus atque alijs virtutum actionibus seruandum nobis.

PUNCTUM II.

Remansit
Puer.

Inscijs pa-
rentibus.

REMANSIT puer Iesus in templo: quia magis etiam, quam Samuel versari in Dei obsequio appetebat, & ut exemplum daret pietatis circa res sacras, & cultum diuinum, præsertim in ea ætate, quando alij incipiunt ratione uti, ut doceret iam tunc assuescere oportere pietati, exercitationique virtutum. Remansit autem inscijs parentibus, ne, si illi repugnarent, videretur inobediens, cum alioqui remanere eum oporteret: vel si per-

mitte-

mitterent, eorum praelentia sibi foret impedimento. Discam affectum carnis & sanguinis deponere, & si coniuncti prohibentur sunt, celare ipsos consilium, quamuis dolituros. *Qui amat Patrem aut Matrem plus quā me, non est me dignus.* Et, qui dixit Patri suo & Matri suae, nescio vos, &c. hi custodierunt eloquium tuum.

Matt. 10. 37

Deut. 33. 9.

PUNCTVM III.

VOLVIT IESVS manifestare se, idque in templo, & apud legis Doctores, in quo actu insignes exhibuit virtutes. 1. Modestiam, vultu, verbis, & moribus singularem; vt ea permoti, ad confessum eum admitterint. 2. Humilitatem, interrogando, & audiendo, quasi discens, non autem docens. 3. Sapientiam in quaestis, & responsis, vt stupe- rent. 4. Zelum, quia non ad ostentationem, sed pro gloria Dei faciebat, vnde elati confunderentur, humiles illustrarentur interius. Quam mihi ex virtutes necessariae! qui immorigerè, & arroganter scientiam iacto, quae nulla est; indeque meam, non Dei laudem quaero.

Christi
modestia.Humilitas.
Discretio.

Zelus.

PUNCTVM IV.

QUID egerit illo triduo. Credibile, mansisse in templo semper, & humi cubasse, ac sine cibo vixisse, vel tenui emendicato.

MEDITATIO XXX.

Quæritur IESVS, & inuenitur.

PUNCTVM I.

Parentum
virtutes in
querendo
IESVM.

1.

2.

3.

4.

QUOD DEVS Parentes, amissione talis Filij, absque eorum culpa, & dum pium obsequium præstant, voluerit exercere ad exemplum virtutum. 1. Patientiæ; nam ita dolebant, vt interiùs non turbarentur, neq pacem cordis amitterent, neque conquererentur; sed Deo se committerent. 2. Humilitatis, dum culpæ suæ tribuerent, quæ aberat omnis; vel quòd indignos se putarent tali vitæ solatio. 3. Studij, & curæ, vbi primum aduerterunt, quærendi illum, dolore & amore exstimulante, quodq; id paterni officij esse intelligerent. Non inuenerunt autem inter cognatos, quia propter eos non deseruisset parentes. 4. Orationis, quæ per noctem petebant à Deo sibi reddi. Contingit spiritualiter amitti Christum per diem prosperitatis, & animaduerti in nocte tribulationis, vel per diem vitæ, dum per teporem hæret quis in aliquo peccato mortali, nec se agnoscit: aliquando tamen ad vitæ noctem recognoscit. Gratiæ quoque deuotionis Deus subtrahit ob varias causas, vel culpabiles, vel ex prouidentia.

PUNCTVM II.

Tempus
tridui.

QUOMODO inuenitur. 1. Post triduum: in typum alterius tridui à morte ad Resur.

fur.

QVAERIT. IESVS ET INVENIT. 233

surrectionem eiusdem Christi. Sed illa amissio & mora fuit multò acerbior, hæc tantum quædam illius prægustatio. 2. Locus, in templo inuenitur, Orationis loco. Inuenietur in corde nostro, si illud fecerimus Orationis locum, non negotiationis: sic sponsa non inuenit in plateis & turbis distractionum, nec verò in lectulo commoditatum: quia, ut apud Iob, non inuenitur in terra suauiter viuentium. 3. Inter quos inuenitur? in medio Doctorum, audiens & interrogans. Inde intelligi potuit, cur remansisset. Inuenitur apud eos, qui habent clauē scientiæ Cogitent isti, inter ipsos Christum esse, obseruareq; quomodo alios dirigant. 4. Gaudium MARIAE, maius quam Matris Tobiz: instar illius, quod postea percepit, cum rediuiuū à mortuis recepit filium. Inuento IESV in tali actu & plausu, non ingessit se mater, ut fit, prædicando, suum esse filium, at modestè & tacitè rem considerabat, & exitum præstolabatur.

PVNCTVM III.

QVOMODO Mater alloquatur inuentum filium. 1. Fili quid fecisti nobis sic? non est curiosa inquisitio causæ, sed amorosa expositio doloris, ut cum Iob: *quare me posuisti contrarium tibi?* & Christus: *Ut quid dereliquisti me?* & Dauid: *Quare faciem tuam auertu?* simul indicatur, ab ipsius Dei prouidentia afflictionem venire, & posse, cum velit, mederi. Solet in his verbum addi fiduciæ;

Locus
templum.

Cant. 5.1.

Iob 28. 13.

Societas
Doctorum.

Gaudium
B. Virginis
Mariæ.

I.
Alloquitur
filium a-
manter.
Iob 7. 20
Mat. 27. 46
Psal. 43. 24.

2.
Humiliter.

3.
Cum dolore.

4.
Breuiter.
Ierem. 29. 13

Cur asperiusculè?

Seruare
Deo.

vt, *Deus Deus meus*, vt quid? &c. & Maria: Fili, quid? nam ex amore & fiducia proficisci debent tales quasi querelæ. 2. *Pater tuus & ego*. Honorat sponsum, dum primo loco nominat, & gloriosum Patris titulum tribuit, se humiliat, quasi eius filius habeat alium Parentem præter se, quod inde colligebatur. 3. *Dolentes quarebamus te*. Debet quæri cum dolore, qui ex amore procedat, & cum simplicitate cordis purâ ipsius gratiâ: non ob gustû, aut commodum aliud. Et quærendus est diligenter, & perseueranter. *Quæretis me, & inuenietis me, cum quæseritis me in toto corde vestro*. 4. *Sic*, emphasim habet. quàm pauca & cordata verba! vt aliàs solita Diua Virgo.

PUNCTVM IV.

QVID responderit Christus. 1. *Quid est quod me quærebatis?* subasperior in speciem responsio. Sic subinde expedit, ad exercitium patientiæ, & humilitatis, quando etiâ abest omnis culpa, vt hîc. Voluit etiam indicare, se plus esse, quàm hominem. 2. *Nesciebatis quia in his, quæ Patris mei sunt, oportet me esse?* commendatur nobis studium diuini obsequij præ rebus omnibus.

PUNCTVM V.

CHRISTVS descendit cū eâ, & erat subditus illis. In itinere quærebat Mater ex eo, quid egisset illo triduo, & conseruabat verba eius in corde suo. Quàm deinceps fuerit Virgo attenta, ne Christum amitteret. Vtinâ & ego!

MEDI-

MEDITATIO XXXI.

Vita Christi vsque ad annum trigessimum.

PUNCTVM I.

IESVS proficiebat sapientia & aetate apud Deum & homines. Habuit à suo conceptu omnem sapientiam, & gratiam: proficiebat autem, quotidie magis exercens, forisq; ostendens. quemadmodum Sol in se idem, crescere dicitur vsque ad perfectum diem, secundum operationis efficacitatem. Spiritualiter crescere aut decrescere varijs modis contingit. 1. Aliqui, ubi coeperunt, mox retrocedunt. De his Christus: *Mittens manum suam ad aratrum, & respiciens retrò, non est aptus Regno Dei.* & sunt vt vxor Loth, *qua versa est in statuam salis*, quòd retrospexerit. 2. Alij in progressu remittunt de feruore, & medijs, per quæ profecissent, qui in periculo sunt deficiendi. Ad tales Christus: *Habeo aduersum te pauca, quòd Charitatem primam reliquisti.* 3. Alij incipiunt, & pergunt, sed lentè: qui etsi exterius non appareant deficere, solent tamen interius. 4. Alij, ubi inceperunt, pergunt alacriter: *ascensiones in corde suo facientes, & euntes de Virtute in virtutem.*

Prov. 4. 18.

1.

Mali retrocedunt à modis.

Luc. 9. 62.

Gen. 19. 26.

2.

Apoc. 2. 4.

3.

4.

Psal. 83. 6.

PUNCTVM II.

CRESCEBAT coram DEO & hominibus. Vitanda extrema. Aliqui, non ha-

1.

Modus crescendi.

bita

2.
Sapientia.

Isai. 42. 4.

Christus o
bediens.

bita ratione ædificationis apud homines, quæuis faciunt seruire proficiendis; alij tantum coram hominibus proficere student, non in corde coram Deo. oportet autem provide-
re bona & coram Deo, & coram hominibus. Crescebat autem *sapientia & gratia*, ad sapientiam spectant meditatio cælestium, prudentia agibilium, discretio sermonis: ad gratiam autem ex omnes actiones virtutum, quibus placemus Deo, & hominibus reddimur amabiles. Sicut de Christo dicitur: *non erit tristis neque turbulentus*. Proficiebat & Maria ab exemplo filij proficiam & ego.

PUNCTUM III.

DE Christo ab hoc tempore ad trigessimū annum ætatis non habetur aliud, nisi quod erat *subditus illis*. I. cogita, quis obediebat. 2. in quibus, quæ in domo fabri, & paupere occurrunt faciendo; & faciebat omni affectu. Laus obedientiæ non est à dignitate actionum quæ fiunt; sed ab intentione & affectu facientis, qualescunque imponantur, licet suo genere paræ.

PUNCTUM IV.

Cur faber.
Marci 6. 3.

Genes. 3. 19.

EXERCIVIT Christus fabrilem etiam post mortem Ioseph: unde dicebant, *Nonne hic est faber filius Mariæ*: 1. ad exemplum vitandi otij. 2. ut se subijceret maledicto Adæ: *in sudore vultus tui vesceris pane tuo*. 3. Causa humilitatis. considera, quo affectu interno o-

pera

pera faciebat, & offerebat Patri æterno labores illos. tu fac similiter in omnibus.

PUNCTVM V.

QUOD Christus tanto tempore latuerit usque ad trigesimum annum. Vnde postea mirabantur, *quomodo literas sciret, cum non didicisset.* Imò dicebant: in furorem versus est: quia tam insolita dicebat, & faciebat, qualia ab eo expectari non poterant, ex comparatione vitæ prioris. Amalater, ne te ipsum ostenta: Erit tempus, cum Deus disposuerit.



PARS

PARS TERTIA

MEDITATIONVM.

DE VITA ET DOCTRINA
Christi à Baptismo ad Passionem.

INTRODVCTIO AD ME-
ditationes III. Partis.

DE DVPLICI VITA, ACTIVA
& Contemplatiua.



PIRITVALIS vita constat
partim externis actionibus, &
dicitur Actiua; partim internis,
& vocatur Contemplatiua. cum
vtræque iunguntur, efficitur vi-
ta Mixta; quam Christus tenuit & exhibuit
Ambæ sunt in Maria & Martha sororibus ad-
umbratæ: de quarum officijs & proprietati-
bus aliquid præmittendum est in vsum Medi-
tationum sequentium.

CAPVT I.

De Actionibus vite Actiue.

Obsequia
vitæ acti-
uæ.

Luc. 10. 38.
I.

Præpara-
tio.

INSINVANTVR in Martha de qua S. Lu-
cas: Ingressus est Iesus in quoddam castellum,
& mulier quædam Martha nomine excepit il-
lum in domum suam. Quibus verbis significan-
tur tria obsequia vitæ actiue. Primum est, vt
præparetur Christo domus, quod fit tribus
modis.

modis. I. vt mundetur tota, videlicet à peccatis. Quoniam *in maleuolam animam non introibit sapientia, nec habitabit in corpore subdito peccatis.* Huc pertinent opera pœnitentie. 2. vt reddatur tranquilla & absque tumultu: quò possit hospes quietem capere. Id perficitur compressis, & mortificatis passionibus appetitus. 3. vt ornetur, vtique virtutum moralium feruenti studio, & exercitatione.

Secundum obsequium est, excipere Christum hospitio in pauperibus: sicut Martha excipiebat illum in seipso cum discipulis suis; exercendo in pauperes opera septem misericordiæ corporalis, de quibus Christus: *Quamdiu fecisti uni ex his fratribus meis minimis, mihi fecisti.*

Tertium est, præparare Christo hospitium in aliorum etiam animis: quod fit per opera misericordiæ spiritualis, perque ministeria docendi, concionandi, confessiones audiendi, & Sacramenta administrandi. Hoc erat munus discipulorum, quos præmittebat Christus *in omnem locum, quò erat ipse ventu-*

r 165.

Sap. 1. 4.

II.
Elemosyna.

Mat. 25. 40.

III.
Zelus animarum.

Luc. 10. 1.

CAPVT II.

De Actionibus vite Contemplatiue.

EXPRIMVNTVR in Magdalena sorore Marthæ. Et huic erat soror nomine Maria, quæ etiam sedens secus pedes Domini, audiebat

Luc. 10. 39

verbum

I. *verbum illius.* Hoc est præcipuum Contem-
 platiuæ. sorores sunt, quia ab eodem Patre
 Deo genitæ: sed prior Martha, quæ Deo hos-
 pitium parat; tum Magdalena, quæ iam
 domi excepto fruitur. Huic conveniunt ista
 I. Magdalena propinquior est Christo, quip-
 pe inhærens pedibus eius; Martha autem cau-
 sa ministerij per domum discurrit. *Accedite
 ad Deum & illuminamini. 2. sedet:* nempe qui-
 escit, absque distractione, vni rei intenta, se-
 positis curis omnibus, atque internis poten-
 tijs sensibusque omnibus collectis, pacatisque
 affectibus. *Vacate & videte, quoniam ego sum
 Deus. Audiam quid loquatur in me Dominus. 3.*
 III. *ad pedes manet,* inde affectus hauriens saluta-
 res, qui per pedes significantur. Primò, *humi-*
litatis, dum recumbit in nouissimo loco; de-
 inde *reuerentia* erga Christi Maiestatem;
 quam recognoscens demittit sese. Tertiò *sub-*
iectionis, paratam se ad obsequium illo situ
 prohtens. Quarto *imitationis,* vestigijs Chri-
 sti insistere cupiens. Talibus contingit illud:
 IV *Qui appropinquant pedibus eius, accipient d-*
doctrina illius. 4. audit verbum. & huic rei
 præcipuè contemplatiua intendit. audit au-
 tem, vel sacros & pios libros legendo, vel spi-
 rituales magistros & cohortationes auidè ex-
 cipiendo; vel meditando, & cum Deo collo-
 quendo, vel denique per intuitum contemplati-
 onis veluti spectando diuinam veritatem. In
 quem actum maximè conuenit auditio: nam
 hæc fit absq; nostris ratiocinationibus, per il-
 lapsum

lapium doctrinae in interiorē auditum. Sic Paulus audiuit arcana verba. & Christus ipse:

Quaecunque audini à patre meo, not a feci vobis.

Ita anima per contemplationem excipit diuinas illustrationes & sensus, nullo labore,

magno gustu suauitatis; & suscipit, quod optat S. Iacobus, in mansuetudine insitum verbum, quod saluat animas suscipientium.

7. Cor. 12. 4i

Ioan. 15. 15i

Iac. 1. 21i

CAPVT III.

Vita Actiua opus habet contemplatione.

ID apparet in Martha: quæ satagens circa frequens ministerium, stetit & ait: Domine, non est tibi cura, quod soror mea reliquit me solam ministrare? dic illi, vt me adiuuet.

Sanè Contemplatio debet adiuuare Actionem, vt hæc cum deuotione & suauitate perficiatur. Quare Martha stetit, aliquantulum intermittens actionem. Queritur autem amanter de subsidij defectu à sorore; per hoc

volens impetrare à Domino auxilium contemplationis. Iube, inquit, & confestim fiet.

Mitte de calis, & à sede magnitudinis tue spiritum sapientia, vt mecum sit, & mecum laboret: & sciam, quid acceptum sit apud te,

hoc est, vt tibi placere possim in actione mea. Sunt quidam ex occupatis in actione, qui queruntur quodammodo de ipso Deo,

qui queruntur quodammodo de ipso Deo,

qui queruntur quodammodo de ipso Deo,

qui queruntur quodammodo de ipso Deo,

Lue. 10. 40.

I.

Contemplatio adiuuet actionem.

Sap. 9. 10.

II.

Contemplationis defectum queruntur.

Medit. Compend.

Q

quasi

quasi ab ipso deferantur, nulla quiete ad respirandum concessa; quasi culpa actionis fiat, quod destituantur fructu contemplationis. Qui quidem, si humilitatem colerent, in magno beneficio ponerent, quod in Dei gratiam sese totos impendere liceat sanctis actionibus, atque eâ ratione donum contemplationis obtinerent, quod modò auertunt à se per superbam querimoniam, & fortè simulatam, qua tegere volunt & excusare tepiditatem suam in studio contemplationis.

III.
De conie-
latiuis
nale iudi-
cant.

I.

2.

Alij autem queruntur de contemplatiuis, quasi otiosis, & Ecclesiæ Dei nihil conferentibus, sed planè inutilibus: quo in iudicio multum peccant. Primò, quod velint, omnes eandem inire viam secum, quasi vna tantum sit ad perfectionem contendendi. Deinde errant, quod otiosos existimant, qui Deo toti vacant; & inutiles, quorum orationibus plurimum iuuatur Ecclesia, & illi ipsi, qui proximis dant operam. Quare Dominus Magdalenam defendit, quæ otiositatis arguebatur à sorore. Agat igitur gratias Deo vnusquisque pro sua vocatione; in eaque se perficiat: deque aliorum bono gaudens, faciat illud sibi proprium.

CAPVT IV.

De moderanda Actione.

NIMIAM sollicitudinem coarguit Dominus, quando Marthæ dixit : *Martha Martha sollicita es, & turbaris erga plurima.* Huius verò inquietudinis causa est triplex. Prima est naturæ conditio, ex qua quidam sūt ita animo inquieti, vt se colligere nō valeant, ideoque amant distractiones. Alij autem sunt pacati, facilesque ad collectionem sui: sicut autem hos charitas, cū opus est, ad actionem prouocat: ita illos frenare debet, & ab effusione cohibere timor spiritualium damnorum inde prouenientium; & spes de virtute gratiæ Dei eos ad connitendum confirmare.

Secunda causa est zelus indiscretus, atque defectus experientia: vnde fit, vt omnia complecti velint, & vbiq; adesse. Sic Dominus redarguit sollicitudinem Marthæ *circa plurima.* Corrigendus est error iste, & suum cuique rei tempus dandum, iuxta illud: *Sapientia scriba in tempore vacuitatis; & qui minoratur actu, sapientiam percipiet.* Hoc est, vir sapiens captat otium suo tempore, & vacare à curis; & per diminutionem, siue cessationem ab actione intendit sapientiæ acquirendæ.

Tertia est causa, ab amore sui ipsius, quo fit primū, vt in res proprias nimio amore feramur, atque ita effundamur foras supra modum: deinde impulsu vanæ gloriæ sæpè urge-mur ad multa aggredienda, & prosequenda.

I.
Inquietu-
do naturæ.

II.
Defectus
iudicij.

Ecl. 26. 25.

III.
Amor sui
nimius.

Impetuo-
sus.

Indiscretus Denique, per indiscretionem, non astimantes,
 i. Cor. 6. 12. Pauli documentum: *Omnia mihi licent, sed non omnia expediunt.* Quidquid ergo speciem aliquam boni habet, sine delectu suscipitur: quod est inconueniens.

CAPVT V.

De vno necessario, quod est proprium vite Contemplatiue.

HOC Vnum commendauit Christus in Magdalena, Porro VNVM est necessarium. Huc spectat vita Contemplatiua, vbique re- nuens pluralitatem; amans unitatem. Primo in vsu rerum temporalium: ex quibus studet quam paucissimis uti. *Habentes alimenta, & quibus tegamur, his contenti simus.* Multum id confert ad quietem cordis, & singulariter id sectati sunt viri contemplatiui; & quod parci- us istis utimur, liberalius à Deo donamur spi- ritualibus bonis. Secundo requiritur *vnitas intentionis*, quæ debet esse gloria Dei; & quæ ad illam per se diriguntur, uti est præcipue sa- lus nostra. quidquid non huc refertur; extra vnum est; si vel totum mundum lucrifaciam. Huc spectat etiam *Vnitas*, quâ sumus *vnus corpus, & vnus spiritus cum Christo, & vna est omnium fides, vnum baptisma, vna spes vocati-*
 onis,

onis, vnus Dominus, vnus Mediator, vnus Deus, & Pater omnium. Quare detestabor, quæcunque me ab hac vnitare corporis Christi, quod est Ecclesia, quocunque modo abducunt aut diuellunt. Tertia est, *vnitas* facultatum animæ, & actionum; quæ in vnum colliguntur, quando sic in potestate sunt, vt nihil obstrepant, aut auertant animam contemplantis ab vnione cum Deo per contemplationem & amorem, sed potius cooperentur sub modo, atque subseruiant.

III.
Vnitas facultatum animæ.

CAPVT VI.

De præstantia vitæ Contemplatiuæ.

COMMENDAVIT illam Christus illis verbis: *Maria optimam partem elegit, quæ non auferetur ab ea* Vbi est notandum, quòd ait, Mariam *elegisse*: nam, etsi Deus inspirator esse debet suscipiendi vitæ genus, præsertim tam eximium; homo tamen ipse obsequitur vocanti, & cooperatur.

Gratia & liberas principia status.

Vocat autem *optimam partem*, quo præfert eam vitæ actiuæ, nam coniungit magis hominem summo bono; similioremque Deo facit, & Angelis, perficiendo ipsū secundū nobilissimas potentias rationales, intellectū & voluntatē, atq; istas per actus optimos excellentissimos; nempe contemplationem primæ veritatis, &

Amor pro
ximi.

1.

In statu
conferuat.

2.

Non impe-
dit.

Cant. 2. 7.

Eccl. 3. 5.

3.

Nunquam
aufert.

*De Ciuit.
in fine.*

amorem summi boni, à quibus actibus deinde
prouenit amor proximi, & feruor, atque
deuotionis sensus in operibus bonis perfici-
endis.

Addit porrò Dominus: *quæ non auferetur ab
ea.* Nam quos Deus semel ad eã vitã vocauit,
vult in ea permanere, nec ullis obtrectioni-
bus (qualis erat illa Marthæ) ab instituto re-
uocari. Deinde vult, vt à consuetis eius vitæ
exercitationibus, per tempora distributis,
nullo modo patiantur se impediri, aut distra-
hi, quouis alio prætextu meliorum. Nam in
ipso dicitur à sponso: *Ne suscitetis, nec euigi-
lare faciatis dilectam, donec ipsa velit.* Voleat
autem, quando id esse voluntatis diuinæ, ex
obedientia intelliget. Deniq; Deus nunquam
aufert hanc partem ab eo, cui semel contulit;
sed eandem perficiet in eternitate, vbi cessan-
te actione toti Deo vacabimus, amabimus, &
laudabimus, vt dicit Augustinus.

CAP V T VII.

De vita mixta excellentia.

MIXTA est, quæ contemplationi addit
actionem: cuius vitæ Mixtæ respectu
contemplatiuam solam Dominus vocauit
partem: quia non est totum bonum. Hanc
Christus expressit; deinde Ioannes Baptista,
Apostoli, Doctores Ecclesiæ, alijque viri san-

ctissimi

Etissimi secuti sunt. Significata verò est in *scala* *Gen. 28. 12.*
la Iacob, per quam *Angeli ascendebant & de-*
scendebant. vti que homines Angelis similes,

modò ad coelum per contemplationem se at-
 tollentes, modò se ad terram demittentes,
 causa proximos iuuandi per oportuna mini-
 steria. Et quamuis ista perfectio videatur esse
 paucorum, vt ait Cassianus, tamen ipsa con-
 templatior, amorque diuinus, dum proximi
 charitatem accendit, ad actionem instigat.

Collat. 19. c.
 9.

Intelligit enim opus esse Deo gratissimum,
 cooperari Christo in lucro animarum faci-
 endo, proque ipsis vitam ipsam fundere, pa-
 ratum esse. Ceterum sicut Martha indiget Ma-
 gdaLENæ subsidio, ita vicissim pulchra Rachel
 (quæ etiam contemplatiuam designat) inui-
 det Liæ lippienti, sed foecundæ (quæ est acti-
 ua) clamatque: *Da mihi liberos, alioquin mor-*
iar.

Contem-
 platio ad
 amorem
 proximi
 pellat.

Genes. 30. 1.

Quamobrem Dominum obsecro, vt *Oratio.*
 Marthæ obsequium pariter & Mariæ otium
 tenere valeam, neque me sollicitudo Marthæ
 nimia à quiete MagdaLENæ distrahat,
 vel huius studium auocet à
 subsidio proximis fe-
 rendo.

CAPVT VIII.

*Quomodo Christus utramque vitam
excellenter coniunxerit.*

Luc. 6. 12.

I.
Christi o-
ratio,

r.
Cum præ-
paratione,
2.
Longa.

Eccli. 7. 9.

5.
Perfecta.

Thren. 3. 28.

11.
Oratio Deum
respicit tri-
pliciter,

x.

NOCTEM contemplationi, diem actioni tribuebat; quod significat Lucas: *Exijt in montem orare, & erat pernoctans in oratione Dei.* Circa quæ verba considerare possumus Christi contemplationis modum, ad imitandum.

1. Accedebat paratus, sepositis distrahentibus: nam eligebat locum à strepitu semorum, montem; tempus quietissimum, noctis, & solus secedebat. 2. Diu orationem producebat, ut qui in illa pernoctabat. Ac ille momento in Deum assurgebat, nos autem non nisi multa colluctatione obtinere possumus benedictionem, sicut Patriarcha Iacob. Et propterea dicitur: *Melior est finis orationis, quam principium:* quia tandem post multam instantiam & conatum efficimur compotes alicuius celestis lucis, & consolationis. quare debemus orationem producere. 3. Oratio ipsa Christi erat perfecta, nam ait: *pernoctabat in oratione Dei.* Phrasi autem Scripturæ res quæpiam dicitur Dei, quod sit in eo genere excellentissima, qualis oratio à Ieremia describitur: *Sedebit solitarius, & tacebit: quia leuauit se super se.*

Præterea vniuersa oratio dici potest, Dei, quod ex omni parte Deum respiciat. 1. debet à

Spiritu

Spiritu sancto inspirari, qui idcirco dicitur pro nobis postulare. 2. in Deum solum debet esse intenta, alijs curis seclusis. *Introibo in potentias Domini; Domine, memorabor iustitiae tuae solius.* 3. Summa petitionum debet esse honor Dei, & eius impletio voluntatis. 4. effectus est vnitio cum Deo, & transformatio in illius similitudinem. Oratio itaque perfecta verè appellatur Dei, qualis in primis oratio fuit Christi Domini.

Ab huiusmodi contemplatione Christus prodibat ad actionem: sed & inter actionem miscebat contemplationem, velut cum in patrandis miraculis orabat Patrem: quod etiam fecisse tacitus, quando non memoratur aperte orasse, credendus est, & fecit, vt doceremur similiter, contemplationem eodem tempore cum actione iungere, non solum eam praemittere. Sicut hortatur Ieremias: *Leuemus corda nostra cum manibus ad Dominum in caelos.* Cum manibus, inquit, & inter operandum.

Porro Christi actio per tempus praedicationis eius maxime enituit, in concionibus, exemplis, & miraculis, quae omnia fuerunt eximia, circa quae versatur
 tertia pars Meditationum.

2.

Psal. 70. 16.

3.

4.

I II.

Post orationē Actio.

Thren. 3. 41.

I V.

Christi Actiones.

MEDITATIO I.

Vita Præcurſoris.

PUNCTVM I.

I.
Pœnitentia corporalis

Matth. 12. 8.
II.
Oratio.

Oſea 2. 14.

AB Infãtia degit in deserto, vbi quatuor imprimis præluxit virtutib⁹, quæ sunt columnæ perfectionis. 1. Asperitas vitæ, habebat vestimentum de pilis camelorū, & zonam pellicæā circa lumbos suos: esca aut̃ eius erat locusta, & mel syluestre: & haud dubiè, nō dissimile cubile & lectus, antrum, & nuda humus: ferebatq; omnes celi molestias, æstū, imbres, frigusq; patienter. Nec hæc ob delicta præterita, cū fuerit ab vtero sanctificatus; sed ad vitandas etiam leues culpas, carnemq; spiritui subigendam, vtque idoneus fieret diuinis percipiendis, quæ ordinariè nō nisi talibus sui victoribus communicantur. Ita studebo imitari quoad licebit, & offerre me hostiam viuam, sanctam, Deo placentem, præsertim quia ad satisfactionem pro multis peccatis mihi est mortificatio carnis necessaria, non tantū ad disponendam animam diuinis influxibus. Et tandem, quia *qui molliter vestiuntur, in domibus Regum sunt.* 2. Negotiū per id tempus illius fuit assidua oratio, & cōtemplatio, implente illud Domino circa Iohannem: *Ducam eam in solitudinem, & ibi loquar ad cor eius.* Vnde diuinis illustrationibus supra omnes Patriarchas & Prophetas donatus

tus est, atque ineffabilibus suauitatibus delibutus. Et meritò, vt qui ita se omni abdicaue-
rat prorsus consolatione terrena. Nempe ad
montem Myrrha, & mortificationis conten-
dere oportet, vt ad *Iherosolymam* peruenias, 3.
excelluit fortitudo & constantia in tam diu-
turna militia. Nec enim dubium, quin à Sa-
thana frequenter & grauitè fuerit appetitus,
quando ipsum Christum post quadraginta di-
erum solitudinem sic est ille aggressus; *dele-*
ctatur enim cibus electis, & fiduciam habet, quod
Iordanis ipse fluat in os eius, tantum praesumit,
4. Cordis puritas, vel à minimis labeculis, &
studium proficiendi semper; de quo dicitur:
puer autem crescebat & confortabatur spiritu.
quare in eum maximè illud conueniebat: *Bea-*
tus vir, cuius est auxilium abs te, ascensiones in
corde suo disponit, ibit de virtute in virtutem,
donec videatur Deus Deorum in Sion. Insistam
hisce vestigijs, vt *crescam sicut matutina lux*
vsque ad perfectam diem.

PUNCTVM II.

ATATE iam prouecta praedicare, aggre-
ditur. 1. id agit Spiritus sancti impulsu,
cuius ductu antea latitauerat. nam solet Spi-
ritus, quos ad perfectionem prouexit, ad alios
quoque perficiendos inducere, ad parandam
Domino plebem perfectam. Sed & qui in
cellam vinariam introductus fuerat, ex-
stimulante charitate, alios quoque ad
dilecti sui amorem inflammare gestie-

Cant. 4. 6.

Gregor. 1.

dialog. c. 1.

II.

Fortitudo
contra ten-
tationes.

Hab. 1. 16.

Iob 40. 18.

IV.

Luc. 1. 80.

Psal. 83. 6.

Prou. 4. 18.

Conciones
ex Spiritu
S. impulsu.

bat.

2.
Accommo-
data audi-
toribus.

Matt. 3. 7.

3.
De Poeni-
tentia.

4.
Fructus.

bat. 2. Attemperabat prædicationem suam auditoribus. In proteruos Phariseos & Sadduceos hæreticos terribilis ut Elias: *gemma* vocans *viperarum*, & extrema intentans: at in plebem, publicanos, & milites benignus, apta singulis præbens documenta. 3. Prædicationis argumentum præcipuum fuit poenitentia, ad quam inducebat, tum Spe, quod regnum coelorum appropinquaret, tum metu severi iudicii, securi iam ad radicem arboris admota, & ventilabrum iam Deo versante, ad purgandam aream, & triticum à paleis segregandum. 4. Fructus prædicationis sequebatur magnus, magni ad eum concursus fiebat hominum, qui confitentes peccata sua, ad baptismum poenitentiae se offerebant. Atque id totum nullo patrato miraculo. tantum valet sanctimoniae exemplum. O, det Ecclesiae suae Deus multos eius efficacitatis!

PUNCTUM III.

1.
Humilitas.

2.
Christum
exaltat.
Luc. 3. 16.

HABITVS est pro Christo à populo; quod ubi coniecit Ioannes, refragatus est, in quo eluxit insignis humilitas. 1. Quod nec ob severissimam vitae rationem, nec ob tam eximias virtutes, nec demum ob tantum populi plausum, conceptamque de ipso opinionem, sibi ipsi placuerit. 2. Quod non dissimulavit rem, sed Christo gloriam dedit, se verò abiiecit. Ego baptizo vos aqua: venit autem fortior me, cuius non sum dignus solvere corrigiam calceamentorum eius, ipse vos bapti-

zabit

abit Spiritu sancto & igne: vbi etiam baptismum suum extenuat, Christi autem magnificat, cum nos extenuemus bona aliena, effe-
ramus propria.

MEDITATIO II.

Testificatio Ioannis Baptiste de Christo.

NON populus tantum, sed primores etiam dubitare coeperunt, nū esset Christus? quare miserunt Sacerdotes & Leuitas, vt interrogarent: tu quis es? in Respōso quatuor heroicis demissionis actus exercuit.

PUNCTVM I.

CONFESSVS est: quia non sum ego Christus. Hic est primus actus praeicis & prompte amoliriā se, quod non erat, & deferre ei, cuius erat. Affectatio diuini honoris deiecit Luciferum, & primos parentes exturbauit, quosdam etiam potentes mortaliū hāc infania inuasit. Contrā seruauit Angelos, eam respuisse, & Christi Apostoli vehementer auersati sunt omnem speciem delati sibi eiusmodi honoris. Calliditas fuit Sathanæ, vt Ioannem, quem alijs machinis labefactare nequiuerat, excellentiā supra humanam delatione caperet. Sic aliās agit, vt iustis maiora quādam supra meritum atque virtutem deferantur, vt euectos praecepit, quod, qui in humilitate fundati sunt, cauent,

Pro Domi-
nica 4. Ad-
uentus.

Actus Hu-
mil tatis.
I.
Dei gloriā
querit.

Calliditas
Sathanæ.

sequen-

Eccles. 3.

sequentes illud: *quantò maior es, humiliatus in omnibus.*

PUNCTVM II.

II.
Debitum
honorem
fugit.

SECUNDÒ interrogatur: *Elias es tu?* Respondet: *non sum.* *Propheta es tu?* *non sum* respondet. Poterat Eliam Prophetam se fateri, sicut vocatus est à Christo: at humilis nò tantum indebita respuit, sed debita etiam, quando salua veritate potest, à se amolitur, industriùs in hoc: sicut superbi contrà in deriuandis ad se titulis & honoribus sunt ingeniosi. Hic est alter humilitatis actus; & respondet siccissimè: *Non*, ne inuolutum responsum relinqueret suspicionem.

PUNCTVM III.

III.
In Deum
omnia de-
riuat.

TERTIA quæstio? *Quis ergò es?* Ego vox *clamantis in deserto, dirigite viam Domini, sicut dixit Isaias.* Non iactat genus, parentes, sacerdotium, vt quidam solent de suis gloriari. *Vocem* autem se dicit, quo significat munus quoddam sibi demandatum Præcursoris, sed ita humiliter, vt quicquid est, alterius se esse insinuet, nimirum Dei, per ipsum tanquam vocem loquentis. Hic est tertius humilitatis actus, vt quando bona nostra cogimur aperire, quàm demississimè id fiat, ac in Deum deriuentur. Porro Ioannes erat vox, & verbo & exemplo, ad Christum omnes vocans. Talis sim.

PUNCTVM IV.

QUARTA quæstio: *Quid ergò baptizas, si tu non es Christus, neque Elias, neque Propheta?* Perstringitur Ioannes, quod usurparet sibi munus baptizandi. ipse autem se non tuetur, in Deum autorem referens suum baptismum, (qui est quartus humilitatis gradus.) sed pergit abicere se, dicens: *Ego baptizo in aqua: medius autem vestrum stetit, quem vos nescitis, ipse est qui post me venturus est, qui ante me factus est (mihi prælatus) cuius ego non sum dignus, ut soluam eius corrigiam calceamenti.* Idem testificatur, quod antea apud plebem, Christo dans honorem; nunc maximè, quando solenniter ex parte Magistratum interrogatur, ut illis innotescat Christus, ipse autem pro indigno illius seruo habeatur. Rectè Christus Ioannem dixit non esse arundinem vento agitatum, quippe eandem semper confessionem de Christo confessus est, nunquam vanitatis vento transuersum impulsus. Talis est humilis, qui tanquam terræ moles super nihilum suum firmiter fundatus est.

IV.
Publicè se
deprimit.

Humilis
stat immo-
bilis.

MEDITATIO III.

Christus baptizatur.

PUNCTVM I.

CHRISTVS aggressurus opus suum va-
ledicit Matri moerenti de abitu, sed gra-
tulanti, ob appropinquantem Redemptionem

Valedicit
Matri
Christus.

Isra-

Cur bapti-
zetur Chri-
stus.

1.

Isa. 37. 34.

2.

3.

Israëlis; protectusque ad Iordanem, inter publicanos & peccatores baptizandum se offert Ioanni. Facti huius causæ fuerunt. 1. Ad humilitatis exemplum, quæ est optima præparatio, ad aggrediendum Magna, iuxta illud: *Et mites quod saluatum fuerit de Iudæ radicem deorsum, ut faciat fructum sursum.* 2. Ut baptismum Ioannis factio suo probaret, sicut & circumcisionem, dum ei se subiecit. Sic Christi legem consiliaque ostendimus nos maxime probare, si ea impleamus. 3. Ut sanctificaret aquas in lauacrum regenerationis.

PUNCTUM II.

Ioannis
gaudium.

Humilitat.
& obedi-
entia con-
iunctio.

IOANNES, qui Christum de facie non no-
uerat, reuelante tunc Spiritu sancto, ipsum
agnouit. Quis gaudij sensus in pectore Bapti-
stæ! illo etiam maior, quo *exultauit in utero
ad præsentiam Domini sui.* Quis affectus reue-
rentiæ, & submissionis! Vnde ait: *Ego à te
debeo baptizari, & tu uenisti ad me?* Profundè
scilicet penetrabat, quis Christus, quis ipse. Ita
tu, cum uenit ad te in Eucharistia. **I E S U S**
autem respondit: *sine modò, sic enim decet
nos implere omnem iustitiam.* Nos, inquit, &
me & te decet, me quidem per humilitatis o-
pus; te uerò per obedienciæ, baptizando me,
quod à te requiro. Omnem inquit iustitiam,
quippe humilitate & obedientia continetur
omnis perfectio sanctitatis. Paruit Ioannes,
non excusans, ut Petrus lauari, at qua reue-
rentia & sensu baptizauit Puritatem

PVNCTVM III.

CHRISTVS in actu tantæ humiliationis exaltatur & clarificatur à Patre æterno triplici indicio. 1. Nam baptizatus confestim ascendit de aqua: & ecce, *aperta sunt ei cæli*; ei inquam, in gratiam ipsius, vt sic ostenderetur, eum de cælo venisse. Deinde per ipsum aperiendos quoque nobis, & verum esse, quod Baptista, inducens ad poenitentiam, prædicabat: *Appropinquare Regnum cælorum*. Marcus ait, quod vidit cælos apertos, quippe Christo patebant arcana omnia cœlestia, & per ipsum nobis aperienda erant. *Qui enim est in sinu Patris, ipse narravit*, vt ait Ioannes. Vnde & Stephanus vidit cælos apertos, in terra existens, idemque illis contingit, quorum conuersatio in cœlis est. 2. *Descendit Spiritus sanctus corporali specie, sicut columba in ipsum*. Per hoc significata primum est septriformis gratia Spiritûs sancti, quæ super *florem IESU* ab ipsius conceptu requieuit, & venit in columbæ specie, ad innocentiam Christitesti-
ficandam: tamen vt peccator baptizari voluisset. Deinde in signum (vti *columba missa à Noe, & cum oliua rediens*) quod per Christum mundus ab eluione peccatorum eximendus foret. Et tandem quod more columbæ fecunda foret Christi gratia, innumeris hominibus ex aqua & Spiritu sancto regeneratis, qui ipsi vna forent columba, vna sponsa Christo Domino. 3. *Et ecce vox de cælo di-*

Christus
xaltatur
tripliciter

1.
Cœli aper-
tione.

Marc. 1. 15.

Ioan. 1. 18.

Act. 7. 6.

2.
Spiritus S.
descensu.

Isa. 11. 2.

Gen. 8. 11.

3.
Vocis e-
missione.

Medit. Compend.

R

cens: missione.

Psal. 109.3.
Symbolo.

SS. Trin-
itas.

Sacramētū
Baptismi.
P. 3. q. 66.
A. 2.

cens: Hic est Filius meus dilectus, in quo mihi complacui. singula verba perpendenda sunt: Hic, qui mortalis, qui in speciem peccator, quem columba ostendit, est Filius meus, non adoptione, sed natura, non regeneratus ex aqua, *sed ex utero meo ante Luciferum genitus, in splendoribus Sanctorum. lumen de lumine, Deus de Deo.* Dilectus, proinde non ut alij iusti, sed vnicè ac singulariter, imò infinitè, quà Deus. sed & dilectus vnicè, quà homo: quia facit quæ mihi placita sunt semper. In quo ita complacui, ut nullus mihi alius placere possit, nisi per ipsum, & propter ipsum, si illius imaginì conformatus sit.

In isto actu manifestari cœpit sublime mysterium Trinitatis diuinarum personarum, pro qua manifestatione gratias agam, tantquam pro singulari beneficio.

PUNCTUM IV.

QUOD Christus suum tunc baptismū instituerit, ut putat S. Thomas, certè indicauerit, qui in nomine apparentium ibi diuinarum personarum conficitur; & effectus illos tres habet, ut cœlum aperiatur; Spiritum sanctum eiusq; dona conferat; & filios adoptionis efficiat, cœlesti Patri gratos & dilectos. Gratias pro tam singulari, & insigni beneficio agam, ex corde deprecans, ne à tantis bonis semel acceptis excidam. Nō abs re credi potest, quòd Christus tuo vicissim baptismo Baptistam Ioannem abluerit, votum eius

im-

implendo, quando dixerat *Ego à te debeo baptizari.* & exultauit proculdubio, nouâ auctus gratiâ, donisque.

PUNCTVM V.

QUOD Lucas ait: *Christo baptizato, & orante, apertum est cœlum; & descendit Spiritus sanctus.* Quo docemur efficaciam orationis, quæ cœlos aperiat (vti etiam orante Petro contigit) & Spiritum sanctû promereatur, vt cum discipuli *in oratione perseverantes repleti sunt Spiritu sancto.* Et vox Patris cœlestis in oratione auditur per inspirationes sanctas, & testimonium internû, quodd simus Filij Dei. Atq; id præsertim operatur Oratio, si cum exercitio humilitatis coniuncta sit, vt tunc fuit illa oratio Christi. *Quoniam oratio humiliantis se nubes penetrat.* Docemur etiâ deuotè Sacramenta obire, orantes, ne illorum effectus impediatur in nobis, vtq; nouâ vitam, ad quâ si per illa regeneramur, vel augemur, perpetuò tueri possimus. Orauit etiam Christus pro suscepturis suum baptismum, ne eius effectus fraudarentur; gratiasq; egit Patri pro hoc ipso beneficio Regenerationis in homines collato, proq; alijs sibi proprijs. Nam & hæc pars orationis est actio gratiarum.

MEDITATIO IV.

Christus in desertû secedit, & ieiunat.

PUNCTVM I.

STATIM à baptismo se subducit in desertum. i. Quoniam tam mira circa ipsum in

Matt. 3. 14.

Orationis
efficacia.

Act. 10. 11.

Act. 1. 14.

Ecol. 35. 2.
Oratio Sa-
cramentis
iungatur.In Domi-
nica primâ
Quadrag.

Luc. II. 31.

baptismo acciderant: docet, vitandū esse plau-
sum hominū. 2. Docet, interiora potiora esse
externis caeremonijs, qualiserat Iohannis Bap-
tismus in aqua tantum, nec vt Pharisei facie-
bant: *Mandantes quod de foris est calicu, intus
autem pleni immunditia.* 3. Qui Spiritu ple-
nus gustauit coelestia, auct se recipere ad illa
amplius secum ipse pertrahenda.

PUNCTVM II.

Spiritus
sanctus se-
quendus.

Rom. 8. 14.

Sap. 8. 1.

Cur in de-
serto Chri-
stus.

1.

2.

Cant. 3. 6.

DUCTVS est in desertum a Spiritu, vt
Matthæus; at Marcus: & statim Spi-
ritus expulit eum in desertū: haud dubiè Spi-
ritus sanctus, nō a spiritu vanitatis, aut sinistro
alio ducebatur, vt nos, nempe, *qui Spiritu
Dei aguntur, hi sunt filij Dei.* Ductus dicitur,
quia spontē obsequens; expulsus, quia sine
mora, & cum feruore. *Nescit tarda molimina
Spiritus sancti gratia, & foriter, simul graui-
terq; disponit omnia.* Non in Ierusalem, sed in
desertum expulit, vt inter bestias ageret, vti
fuerat inter animalia natus. vtrumque agit
ad exemplum humilitatis, & quærens homi-
nem iumentis similem peccando factum. De-
inde, quia is locus poenitentiz, & orationi
erat aptus. Vnde ascendebat oratio illius si-
cut *virgula fumi, ex aromatibus Myrrha &
Thuris.* Penetrat videlicet illa oratio cœlos,
quæ mortificatione, & incenso deuotionis
affectu procedit. Sic preparanda anima
est, quando aliquod præcipuum
est aggressura.

PUNCTVM III.

IEIVNAVIT *quadraginta diebus & noctibus.* 1. Suscepit hoc ieiunium pro intemperantia primorum parentum, in cibo verito gustando; deinde, vt doceret, ab initio spiritualis vitæ domandam esse gulam. 2. Ieiunium hoc fuit rigidissimum, sine vlllo cibo continuatum. Docemur, quàm strictissimè ieiunare, quantum natura, & vires ferunt, absque miraculo. 3. Fuit prolixum ad quadraginta dies; ad commendandam constantiam in operibus poenitentiae: cuius exemplo obiter exactè quadragesimale ieiunium, quadripartita intentione, iuxta quatuor illius partes, nempe ad satisfactionem, pro peccatis meis, in gratiarum actionem, pro beneficijs acceptis, ad impetrandas virtutes mihi maximè necessarias, in præparationem beatæ resurrectionis; in præmium vitæ æternæ. 4. Ieiunium hoc fuit suave, sufficiente vires Diuinitate, ipsa quæ contemplatione molestiam omnem auferente: sicut & *Elia & Moyses* contigit: illi, dum ad montem Dei Oreb pergeret, pane subcinericeo refectus, isti autem, dum colloquio Dei in monte Sinai frueretur. Ambo enim totidem dies absque cibo alio, potuue perdurarunt. Nempe pro eo, quod ieiunium iuuat, ac promouet orationis feruorem: ab huius vicissim suauitate lenitur ieiunandi labor & molestia.

1.
Gulam re-
primat.

2.
Ieiunium
exactum.

3.
Prolixum.

4.
Suave per
orationem.
Exod. 34. 28

3. Reg. 19. 8.

MEDITATIO V.

Christus tentatur à Diabolo.

PUNCTVM I.

1. Cor. 10. 13.
Solitudo
vtilis.

Eccles. 10. 11.

Eccles. 4. 10.
Christus
cur tenta-
tus.

1.
Eccles. 2. 1.

2.
Hebr. 4. 15.

3.
In tentati-
one.

DVCTVS est in desertum, vt tentaretur à Diabolo. Exponit aliquando Deus viros perfectos tentationibus, vt in ipsis triumphet: quia fidelis est, & non patitur nos tentari supra id quod possumus, sed facit cum tentatione prouentum. Solitudo est apta dæmonum insidijs. Sic etiam Euam aggressus est, cùm sola ageret sine marito. Ideo olim non nisi probatis permittebatur vita solitaria. Perinde verò est, quamuis in consortio multorum viuam, si tentationes celem apud me. ait enim Sapiens: *si mordet serpens in abcondito, & absque sibilo, nullum habet lucrum incantans: hoc est, nulli est vtilitati, quia ignorat morbum.* Ita, si spiritali Patri non manifestentur tentationes occultæ, quas tanquam morsus figit absque sibilo, & clam, serpens antiquus. *Va soli, quia cùm ceciderit, non habet subleuantem se.* Solus etiam est, qui suum casum non communicat ei, à quo subleuari potest. Porro Christus tentari voluit. 1. quasi tyro aliquis, cui dicitur: *accedens ad seruitutem Dei, prepara animam tuam ad tentationem.* 2. Vt per omnia nobis similis fieret, absque peccato, & experientiâ disceret compati infirmitatibus nostris. tentatus ipse. 3. vt animum nobis faceret & vincendi

præberet

præberet exemplum. Collige hinc tria documenta. 1. ne deiiciaris tentatione, quasi mīdōs Deo charus, siquidem filius Dei tentatus est, quin animare, & gaude spiritu. 2. fiduciam concipe auxiliij opportuni ab eo, qui propter te tentari voluit, vt compateretur. 3. Disce præuenire tentationes, vt fecit Christus in *ieiunio & oratione*. Est enim genus Dæmoniorum, quod non aliter eiicitur, vt Christus ipse affirmat.

PUNCTVM II.

TENTATIONES quales fuerint. Primæ materia fuit gula. Secundæ vana gloria. Tertiæ auaritia & ambitio: sed in omnibus Pater superbiæ ad superbiam spectauit. I. tentatio. *Si Filius Dei es, dic, vt lapides istis panes fiant.* captat occasionem à ieiunio, & esurie. Variè de gula tentat homines: aliter voluptuosos, proponens ipsis cupedias; aliter egentes, inducens ad procurandum cibum modis illicitis; aliter pios, prætextu honesto, sicut Prophetam illum induxit, ad ieiunium à Deo sibi præceptum transgrediendum, obtensa reuelatione, & Christum Dominum, siquidem esset filius Dei, vt panes sibi faceret ex lapidibus. Repulsus est. *non in solo pane viuit homo, sed in omni verbo, quod procedit ab ore Dei.* Nititur hoc responsum humilitate, qua non vult Deo præscribere modum alendi ipsum, cū plures ipsi suppetant; & fiducia de illius prouidentia. *Qui dat iumentis, ipsorum est cū & pul-*

1.
Lætare.
2.
Spera.
3.
Ora.
Mat. 17. 21.

I.
Gula,
3. Reg. 13. 18

Psal. 14. 6.

II.

Vana glo.
113.

Matt. 4. 5.

Prou. 11. 2.

III.

Auaritia.

Mat. 16. 26.

Sap. 5. 8.

Auaritiæ
recreatio.

lis coruorum inuocantibus eum. 2. tentatio a vana gloria: tunc assumpsit eum Diabolus in sanctam ciuitatem & statuit eum supra pinnaculam templi. & dixit ei si filius Dei es, mitte te deorsum. Diabolus primam tentationem adhibet, vt exploret propensionem, vnde faciat gradum ad alias, pro cuiusque ingenio. Spiritus bonus duxit Christum in desertum, vt declinaret plausum & accursum: malus autem portat in pinnaculum templi, vt qui noluerat in occulto facere miraculum paruum, in aperto faceret aliud, à gloria stimulatus. Permittit se portari Christus, vsque adeo sese humilians. Repellitur tentator, scriptum est: non tentabis Dominum Deum tuum. Non sunt frustra petenda miracula. Humilis facilè discernit spiritum vanitatis, sicut dicit Sapiens: vbi est humilitas, ibi & sapientia. 3. tentatio. Assumpsit eum Diabolus in montem excelsum. En, vt pro vno peccato totum offert mundum: Hæc omnia tibi dabo. Contrà tu disce, nec pro omnibus mundi Regnis, vel vnum esse admittendum. Quid enim prodest homini, si vniuersum mundum lucretur, anima verò sua detrimentum patiatur? quod ipsi fatentur peccatores, quid nobis profuit superbia. aut diuitiarum iactantia? Deinde obserua mendacij patrem, ea promittentem, quæ in sua potestate non sunt: sic sæpè multos vana deludit spe, vt somnia sibi fingant, vel persuaderi per alios sibi sinant, quò inducat in aliquod peccatum. Præterea attende, quantum

fit malum auaritia, & ambitio, quæ faciunt adorare Diabolum. Certè *auaritia idolorum seruitus* vocatur, quòd illius causa nihil non fiat. proinde Christus impossibile dixit seruire Deo & Mammona. Et, quod est miserandum, non pro toto mundo, sed pro vno palmo terræ à multis diabolus adoratur. Pellitur tentato: *Vade Sathana, scriptum est enim, Dominum Deum tuum adorabu, & illi soli eruius*. Tali zelo repellendus est, maximè cum Dei honor directè tangitur, vt hic.

Col. 3. 5.

Mat. 9. 24.

PUNCTVM III.

TUNC reliquit eum Diabolus, & ecce Angeli venerunt, & ministrabant ei. Missi à Patre æterno non vnus sed plures, ad honorandum filium, ex certamine victorem, & ad ministrandum esurienti, & ministrabāt summa cum reuerentia. Sic Deus consulit suis. Feram patienter defectum rerum Deo fidens & in tentationibus ille sit præ oculis, sed nunquam me securum putabo à tentatione impotiterum, dicitur enim Sathan *ad tempus à Christo recessiss*.

Luc. 4. 13.

MEDITATIO VI.

De Vocatione Apostolorum.

PUNCTVM I.

CVR abiectos elegerit? I. quia ipsemet Christus venit pauper & humilis, voluit tales habere affectas, & in hoc ipso exercere humilitatem, cum simplicibus sermocinatio

In Comuni Apostolorum festo.

Elegit pauperes pauper.

2.
Vt essent
humiles.

3.
Vt virtus
Dei clares-
ceret.

eius. 2. quia oportebat prædicatores Euange-
lij fundatos esse in humilitate, ne sibi gloriā
Euangelij arrogarent. iuvat autem ad humili-
tatem, meminisse, vnde assumptus sis. 3. vt il-
lustrior fieret propagatio Euangelij; & agnos-
ceretur esse opus Dei; quando per tales sub-
deretur Christo mundus. Ex istis collige hu-
militatis studium, & quòd Deus zeotos sit
gloriæ suæ, vt ea nō vsurpetur ab hominibus

PUNCTVM II.

1.
Vocat per-
fectos An-
drea, &c.

2.
Rudes pis-
catores
Petrum,
&c.

3.
Peccatores
Matthæum
&c.

QVALES secundum mores vocauerit. I. In
quibusdam præcessit propinquior quæ-
dam dispositio, vt in Andrea, qui in scholis 10
annis inceperat institui, cuius discipulus e-
rat. Et inerat ei desiderium maioris perfecti-
onis. Nam, cū audisset Præceptorem suum
Ioannem Baptistam de Christo dicentem: Ecce
Agnus Dei, continuo adhæsit Christo. inerat
etiam Zelus pro alijs, vnde statim adiunxit
Petrum ad Iesum, dicens ei, inuenimus Mesi-
am. 2. In quibusdam remotior præcessit dis-
positio, sed apta, vt in duobus paribus fratrū,
Petro & Andrea, Ioanne & Iacobo: erant e-
nim piscatores, duro ac humili labori assue-
ti. Deinde inter se magna charitate coniuncti:
qui mores apti sunt Euangelio, quod requirit
homines laboriosos, non desides, & colendæ
charitati, ac societati idoneos. 3. In quibusdam
contrā suberat impedimentum, quòd pecca-
tores essent, & mundo impliciti: vt Matthæus,
& Saulus Christi persecutor. In quibus & ma-
gis

gis potentia vocantis commendatur, & misericordia, vt nemo desperet. Ex primo & secundo puncto collige, quales dispositiones debeas æmulari, vt fias aptum diuinæ gloriæ instrumentum. Et aduerte, quòd illæ ipsæ sint dona Dei. Ex tertio ama bonitatem, quæ etiam imparatos, & immerentes vocat, vt te.

PUNCTVM III.

VARIJ *vocationis modi*. 1. quosdam vocauit sensim, vt Petrum & Andream, quos primum familiariter admisit ad colloquium priuatum. Deinde paulatim auditores habuit & adhærentes pro tempore. Denique ad perpetuam sequelam vocati sunt. Hinc commendatur profectus in bono, & quòd Deus benedictus minoribus donis promouet ad maiora. 2. In vocando Christus imperio vsus est, & quamuis irretitos vitijs, praua consuetudine & præsentibus illecebris, verbo ab omnibus expediuit laqueis, & attraxit, vt Matthæum, dicens, Sequere me. 3. In ipso vocandi per imperium modo adhibuit discrimen, nam Matthæum absolutè sequi iussit, filios autem Zebedæi quadam inuitatione ad melius, *Venite post me, faciam vos fieri piscatores hominum*. Vbi etiam exprimitur Apostolicum officium, vt & ipsi Christum imitatione sequantur, & alios inducant. Circa primum potes recolere, quomodo te Deus sensim vocauit, & permouit, donec te illi deuoueris, ac in ipsa

1.
Vocat sensim.

2.
Cum imperio.

3.
Cum promissione.
Matt. 4.6.

Societa-

Societate aduerti potest similis progressus vbi probatio nouitiatus præcedit, tum post vota probatio altera, vsque ad gradum, qui quidē affectandus non est, sed ad eum nos aptare ex vocatione tenemur. Circa secundum & tertium recale, quā potenter, simulque quā suauiter vocauit te Deus, auferens à te amorem sæculi, ac cœlestium inspirans.

PUNCTVM IV.

Obedientia

1.

Intellectus.

2.

Voluntatis

3.

Executio-
nis.Dei est vo-
care.

1. Cor. 2. 13.

OBEDIENTIA *Apostolorum erga vocantem* 1. Captiuatio iudicij, non æstimando, quæ obstabant, vt in Petro cura filiarum, vxoris, & familiarum; in Zebedæis senioris Patris auxilium & solatium, in Matthæo perplexitas ratiocinij, & dispositio rei familiaris & plura talia in quolibet. 2. Conformitas & subiectio voluntatis, quæ sic repente omnem exiit affectum erga caros & res possessas, ac penitus in vocantem transtulit. 3. Promptitudo exequendi vocationem, nulla prorsus mora interiecta, absque repugnantia, & cum alacritate magna. Circa hæc collige, vocationem frustrari si ista desint, præsertim subiectio intellectus, ex qua pendent reliqua. nam, qui nimium volunt esse sapientes, facile inueniunt nodum in scirpo, vt eludant. Vocatio enim ad perfectionem, diuinā magis quàm humanā nititur ratione, idemque cauere debet in alijs inspirationibus diuinis, de rebus præsertim sensui repugnantibus. nam *carnalis homo non percipit quæ sunt spiritus Dei.* Age gratias, quod

quòd tibi datum fuerit simpliciter obedire sed caue dolos. nam sunt, qui post plures annos in Religione, obtédere incipiunt, quòd rem olim non intellexerint. Vtique sicut primi parentes post prauaricationem, ita isti, postquā intepuerunt spiritu, facti sunt scientes bonum & malum. Recole etiam, quòd in omni obedientia prastanda superiori requiruntur illa tria. 1. vt absque discussione probes tantquam melius. 2. vt posthabito priuato affectu, afficiaris erga iussa. 3. vt promptè & alacriter exequaris.

PUNCTVM V.

REMVNERATIO *sequela*. 1. quòd eis Christus dignitatem Apostolatus contulit, ac legatos suos constituit. 2. quòd eos adsciuit in familiaritatem intimam, & conuictum suum, faciens secretorum diuinorum còscios, & participes, tanquam amicos. 3. quòd eos prae omnibus Veteris, Nouique Testamenti sanctis, & spiritu sanctificante impleuerit, & gratijs gratis datis ornauerit, sapientia, virtute miraculorum, &c. 4. quòd promisit fore, vt secum iudices federent in secundo aduentu. Recognosce hæc quatuor in statu Religioso, & speciatim in tuo, ad quem te clementissimus Iesus tali anno vocare dignatus est. 1. quidem: nam, quod ait S. Paulus: *Legationi fungimur pro Christo. Reconciliamini Deo* d. agit societas nostra ex instituto. 2. quia familiaritas cum Deo, & quasi conuictus, illustra

Tres gradus obedientiae.

- 1.
- 2.
- 3.

1. Apostolatus.

2. Familiaritatis.

3. Primitiae Sanctorum.

4. Centuplū.

1.
2. Cor. 5. 20.
eadem prae-
mia Reli-
giosorum.

tiones

2.

tionesque internæ non alijs magis debentur, quàm ijs, qui, vt Deo adhærent, Mundum reliquerunt. Et huius rei præcipua cura habetur in societate. quod si tu minùs es assecutus, tibi imputa. 3. quia constat summos quosque sanctitate & sapientia, insignesque viros ex Religiosis fuisse, & habet societas nostra etiam suos. Nimirum status Religiosus fouetur singulariter à Deo, & habet auxilia ad sanctitatem acquirendam particularia. 4. Denique ad Religiosos etiam pertinet, vt qui Mundum, sicut Apostoli, pro Christo reliquerunt, mundum iudicent.

MEDITATIO VII.

De generali vocatione hominum.

QUIA Christus venit, vt dissoluat opera Diaboli, præmittitur vocatio, qua ad se Diabolus homines inuitat, tum verò Christi.

PUNCTVM I.

Lucifer
confusus:

Laquei.

Præda.

PONATUR ob oculos Lucifer princeps huius mundi in throno, quasi Rex, ignito & fumoso, teterrimus ipse, & truci vultu, stipatus innumeris Dæmonum legionibus, in pernitiem mortalium, & Regni Christi euerfionem, coniuratis. Triplicem aggrediuntur via, per concupiscentiam carnis, quæ est gula & luxuria, per concupiscentiam oculorū, quæ est cupiditas habendi, & per superbiam vitæ,

quæ

quæ est appetitus excellentiæ. Agunt rem instantissimè, quasiq̃ leones rugientes circumeunt, quærentes quem deuorent: sed & subdolè se insinuant, vti serpens; plurimos autem perdunt, & à Christi vexillo in suum pertrahunt. Dessebo super multitudine perentium, qui ita cæci sunt, vt cùm alioqui norint stipendium suum fore æternum supplicium, nihilominus diabolo militant. Et heu, quodd ego ipse aliquando ex illis fui.

Hoc punctum fusiùs explicatur post Punctum tertium.

PUNCTVM II.

CONTRA consideretur Christus in humili subsellio, totus amabilis & suauis circumfusam circa se multitudinem hominū inuitans. *Si quis vult venire post me, abneget semetipsum, & tollat crucem suam & sequatur me.* Quibus verbis contraria prorsus suadet ijs, quæ Diabolus suggerit. Nam primò abnegatio sui est renuntiatio voluptatum carnis. abdicatio diuitiarum, ac contemptus excellentiæ. Deinde sublatio crucis est præparatio ad ferenda contraria, nempe ad corporis afflictiones, ad egestatis ærumnas, ad humilitatem & subiectionem, quæ opponuntur triplici concupiscentiæ à Diabolo suggestæ, non solum priuatim, quia sunt carentia illius, sed etiam contrariè, quia inferunt contrariā passionem, pro voluptate dolorem, pro affluentia

penu-

2.
Christus
gloriosus.

Mat. 56. 24

Luc. 9. 23.

Suadet
mortifica-
tionem.

2.
Crucem.

3.
Sui imita-
tionem.
Luc. 14. 27

penuriam, pro exaltatione depreſſionem. Poſtremo, vult in abnegatione & crucis ſuſceptione, vt ipſum imitemur; & ſequatur me. planè proteſtans: quia, *qui non habuit crucem ſuam, & venit poſt me, non poteſt me ſequi diſcipulus* nempe intuitu aſimilandi nos Chriſto, impelli debemus. Porro conuenientiſſimum eſt, vt ita agam. nam, cum ex carne impellar ad peccatum, debet mortificari, cum diuitiæ, & honores ſint laqueus animæ, & fomes peccati, fugienda ſunt. Cum præſens vita ſine cruce non fit, præſtat vtilem ſubire. Et cum Chriſtus mei cauſa è cœlo veniens, ſeipſum abnegauerit per omnia, crucemque ſuſtulit ſuam, concedet, me ipſi conformari.

PUNCTVM III.

Rationes
Chriſti.

I.
Luc. 9. 24.

II.
Matt. 10. 26.

Luc. 9. 23.
Sap. 5. 8.

QUIBUS rationibus Chriſtus vtitur ad perſuadendum. I. *qui voluerit animam ſuam ſaluam facere, perdet eam, & qui perdidit illam propter me, inueniet eam* Iam ſi, qui vitam pro Chriſto exponit, tunc maximè eam lucratur, quia pro temporali recipit æternam, pariter, qui cætera, voluptates, opes, honores, Mundi quæ gloriam propter me ſpernit, recipiet eadè æterna. 2. *quid prodeſt homini, ſi vniuerſum Mundum lucretur, animæ verò ſuæ detrimentum patiatur? aut quam dabit homo commutationem pro anima ſua?* interrogetur damnati, ipſi tibi dicent: *quid nobis proſuit ſuperbia? aut diuitiarum iactantia quid cõculit nobis?* Tranſierunt omnia illa tanquam vmbra, & tan-

quam

quam nuntius præteriens: tormenta autem in æternum manent. 3. *Filius hominū venturus est in gloria Patris sui cum Angelis suis, & tunc reddet unicuique secundum opera sua.* Qui crucem cum eo portauerit, cum ipso regnabit: qui vexillum Sathanæ secutus fuerit, cum eo plectetur.

Hæc cum ita sint; nec militare Christo simul & Sathanæ liceat, quia impossibile est duobus dominis seruire, præsertim tam dissitis; vtri seruia? vtri seruuisse iuuabit, & quisque volet in tempore rationis reddenda? quāquam nec opus est ad illud tempus respicere, quando etiam nunc militia Sathanæ durissima est, Christi autem suavis. de illa queruntur ipsimet lequaces: *Lassati sumus in via iniquitatis & perditionis, & ambulauimus vias difficiles.* Ad hanc autem Christus inuitans ait: *Venite ad me omnes, qui laboratis & onerati estis, & ego reficiam vos. Tollite iugum meum super vos, & discite à me, quia mitis sum & humilis corde, & inuenietis requiem animabus vestris: iugum enim meum suauis est, & onus meum leue.* Res mira! Crux Christi profugium & leuamen est præ mundi seruitute, qua indulgetur voluptatibus, inhiatur opibus, & honoribus, ut qui sapiunt, huic tandem, tanquam ad asyllum recipiant se, & rāquam ad portum, à iactatione tutum. id autem faciunt mites & humiles cordes; quia superbi non capiunt hanc sapientiam.

III.

Semitus

Diaboli.

Sap. 5. 7.

Mat. 11. 28.

Iugum

Christi.

311

Explicatur fufius Punctū primum huius meditationis quod agit de vexillo Diaboli.

NOTA I.

Quid thronus Luciferi.

Quid sedes.

Ezech. 1. 27.

Eius figura.

Odium.

Ambitio.

Inuidia.

Locus.

CIRCA primum punctum: in throno Luciferi designatur principatus eius super omnes Dæmones, qui partim est ei naturalis, ob naturæ & potentie præstantiam præ reliquis, partim ex spontanea subiectione aliorum, qui, quem semel apostasie ducē sequuti sunt, dum in peccato perseverant, etiam in illius obsequio. Quod ignea & fumosa sedes describitur, designat poenas, quas secū circūfert, ignis fumosus est, non splendens, sed obscurus, ac vrenstantum. Nam alioqui thronus Dei apud Ezechiele instar ignis, sed splendidissimi apparuit. Horribilis est figura, caret forma, & figura ille corporea, sed cum aliquā assumit, ferre tetram ac foedā, qualis ipse intus est, a prava & inordinata voluntate. Horribilis aspectu, spirans minarum, & cedis in totum genus humanum. Adimpellitur primum odio Dei, quem experitur vindicem, volens sic priuare eum obsequio suæ creature, despectumq; ipsi facere. Deinde ambitione, ut sibi potius mortales seruiant. Deniq; Inuidia, ne fruatur homo felicitate, a qua ipse excidit. In campo Babylonico representatur, loco infami a superbia, ex quo homines dispersi sunt in mundi plagas, quos igitur illic ambitione & superbia

demen-

dementavit, etiam dispersos nunquam desinit ad malum incitare.

NOTA II.

QUOD per Dæmones impugnemur, testatur Paulus: *Non est nobis colluctatio aduersus carnem & sanguinem, sed aduersus principatus & potestates, aduersus mundi Rectores tenebrarum harum, contra spiritalia nequitia in cælestibus.* & Petrus, *Tanquam leo rugiens circuit querens, quem deuoret.* Quibus modis impugnent suggestionem ad animum, concitatione affectus mediante corpore, obiectis occasionibus. Deinde impugnant, quā apertè, quā rectè. Non sinuntur tentare, quantum volunt, & possunt, prohibente Deo: *qui non patitur nos tentari supra id quod ferre possumus.*

Cur Deus tentari à Diabolo permittit, cum alioqui ab intrinseco plus satis habeamus temptationis in omni genere? quia Deus finit agere res creatas, & maximè liberas, & in ijs Dæmones: hi autem inimicitias immortales gerunt cum homine. 2. Quia à quo quis superatur, eius & feruus est: homo autem victus est in Paradiso, vt iure subiaceat infestationi victoris. 3. Quia est materia meriti, & ostenditur virtus gratiæ, & homo redditur humilior, & cautior, & etiam fortior ex victoria, & ad Deum docetur confugere. Quanquam sine hac impugnatione habeant etiam ista locum, ob hominis fragilitatem, & corruptionem. Omnis status obnoxius est infestationi. Iusti ed

Ephes. 6. 12.

1. Petr. 5. 8.

Modi impugnandi.

1. Cor. 10. 13.

Extrinsecæ
tentationes
necessariæ

Vtiles.

minùs, quòd sunt extra potestatem Diaboli.
Item Religiosi ratione statùs: quia sunt consecrati Deo. Tamen ob alios fines extraordinariè sinuntur tentari, vt Paulus, Iob, Tobias, ne extollantur: vt discant compati, in exemplum virtutis.

NOTA III.

CIRCA triplicem tentationem, non ponitur concupiscentia carnis: quia exercitia secundæ hebdomadæ ijs dantur, qui ex cæno emerferunt; & de statu cogitant eligendo. Insunt autem pericula statui, à diuitijs, & honoribus, quæ æstimanda proponuntur. Concupiscentia autem carnis non est à statu sed ab intrinseco, eaque fouetur in statu diuitiarum, & potentia, vnde proinde dicuntur reliqua peccata prouenire. Licet ergo certum sit, à Diabolo etiam concupiscentiam excitulari, sicque plurimos sibi subijcere; an ei tamen resistendum sit, in deliberationem non venit: cum id omnibus necessarium sit, sed an status diuitiarum, & honorum tenendus, ex quo, inter alia, concupiscentia licentiaque carnis arefcit.

MEDITATIO VIII.

De Resignatione ad sequendam vocationem.

Luc. 14. 33.

HANC resignationem Christus præcipit illis verbis: *omnis ex vobis, qui non renuntiat omnibus quæ possidet, non potest meus esse discipulus.* quod intelligitur primum in

præ-

præparatione animi, quando opus sit profalute animæ iacturam omnium facere. Deinde, cum Deus peculiariter aliquem vocat ad eam perfectionem. Sed sunt tres classes.

PUNCTVM I.

QUOD quidam vellent sequi vocationem, & renuntiare omnibus, sed media non admouent. *Vult, & non vult piger*: sic in quavis virtute amplectenda contingit: placet humilitas, patientia & reliquæ; sed humiliatio non placet, pati renuunt.

I.
Nolunt
media.
Prov. 13. 14.

PUNCTVM II.

QUOD alij media arripiunt, sed pro suo iudicio & affectu, vt agri, qui pharmaca non quæuis admittunt. Resignant se in manus Dei, qui si inspiret, vt re abijciant omnia, non tantum affectu renuunt, tristantur, vt ille adolescens, qui *tristis abiit*, quod iuberetur *omnia vendere, si perfectus esse vellet*. Faciunt vt *Namaan Syrus*, qui cum iuberetur *lauare in Iordane*, vt à lepra mundaretur, recusauit, quod putasset, tactu manus se mundari ab Eliseo debuisse, scilicet præscribunt media Deo, non recipiunt oblata. Ita peccatur, cum in via spiritali dirigi volumus arbitrato nostro, non Patris consilio, præsertim, quando acrius adhibetur remedium.

II.
Volunt
placencia.
Mat. 19. 21.
4. Reg. 5. 10.

PUNCTVM III.

III.
Indifferen-
tes ad om-
nia.

Is. 48. 17. 18.

Act. 9. 7.

Phil. 1. 29.

Gal. 6. 14.

DENIQUE alij se totos voluntati ac pro-
videntiæ relinquunt, nihil excipientes,
memores illius: Ego Dominus DEVS tuus
docens te vtilia, gubernans te in via, quam am-
bulas. His contingit, quod ibidem dicitur: Fa-
cta sicut flumen pax tua, & iustitia tua sicut
gurgites maris. Et hi ad portum feliciter per-
ueniunt, quando ex præscripto Dei se duci si-
nunt, vt Saulus: Domine, quid me vis facere.
Sed in hoc gradu subest aliquid excellentius,
quando, etsi paratus est, & indifferens ad om-
nem Dei voluntatem, quo ad se tamen, ob cõ-
formitatem cum Christo, mallet pauper &
contemptus Deo seruire, vt qui dicebat: Ab-
sit mihi gloriari nisi in cruce Domini nostri Je-
su Christi, propter quem mihi mundus crucifi-
xus est, & ego mundo.

Circa hanc Meditationem 8.

NOTA.

HAEC Meditatio in exercitijs dirigitur
ad Electionem rectè faciendam de sta-
tu vitæ, & constituit hominem in illa indiffe-
rentia circa res creatas, quæ in fundamento
exercitiorum, vti necessaria, ex ipsa vltimi fi-
nis recta intentione colligitur.

Porrò hæc meditatio est præcedentis me-
ditationis de duobus Vexillis quædam expli-
catio, siue applicatio. In illa enim Christus
hortatus est ad contemptum mundi, quam ad

horta-

hortationem non aequè omnes ad animum admittunt suum, sed alij alijs vel efficacius, vel remissiùs, vnde tres constituuntur clàsses. Verùm, quia Religiosus ratione Status iam se determinauit ad id, quòd perfectum est, omnes illas clàsses censetur supergressus. Potest tamen in capeffenda perfectione diuerso modo se habere, iuxta easdem clàsses. Nam quibusdam placet perfectio, sed remissè adhibent media. Alij adhibent, sed excipiunt aliquid, quo non sibi putant contendendum, contenti mediocribus. Alij denique nihil excipiunt, nullaquè remedia recusant opportuna.

Considera, vt te habeas, & applica prædicta ad particulares virtutes, puta humilitatem, patientiam, resignationem, & alias, in singulis examinans, quo in gradu consistas, an in velleitate tantùm, an, si feriovis, cum exceptione velis, an absolutè contendas, & inquire de causis te retardantibus, modisque excitandi. Possunt autem propriae de singulis virtutibus meditationes institui, saltem de præcipuis, magisque necessarijs.

MEDITATIO IX.

De Nuptijs in Cana. Ioan. 2.

PVNCTVM I.

BENIGNVS Dominus non abnuìt inter-
esse conuiuio nuptiali, vt capret occasiòne

Diuersitas
tenden-
tium ad
perfectio-
nem.

Examen.

In Domi-
nica 2. post
Epihan.

I.
Christi
charitas.

Psal. 67. 4.

II

B Virginis
miserico-
dia.Serm. 4. de
Natiuit.

Ioan. 2. 3.

benefaciendi, & discipulos suos confirmandi. Discamus etiam ex illo modestiam, & grauitatem inter gaudia, iuxta illud: *Iusti epulentur & exultent in conspectu Dei, ut qui Deum presentem considerant.*

Deinde Mater pientissima, nequaquam rogata, vltro est sollicita pro reddenda gratia inuitantibus, quanto magis pro sibi deuotis? de qua Augustinus: quod ceteris Sanctis est melior, eo est de nostris commodis, eisdem sollicitior. Fidenter orat pro illis: *Fili vinum non habent.* Satis putat insinuare necessitatem ei, qui pius est, & potest. O pro me sic ora, verum enim est, quod vinum non habeam, videlicet charitatis & deuotionis. Ac si ita te tangit corporalis necessitas, tangat potius mea spiritualis inopia. Discam ita orare, & Christo meas spirituales necessitates indicare.

PUNCTVM II.

I.
Deo nihil
prescri-
bendum.
Iudith 7. 21.

CHRISTI Responsum ad speciem ducius: *Quid mihi & tibi est Mulier? nondum venit hora mea.* 1. Sic voluit significare, se plusquam hominem esse, & sicut opus petatum Dei erat, ita & tempus patrandi designare, ne carni & sanguini quidpiam essendum. Vnde discamus, non esse prescribendum Deo tempus subueniendi. Quare *Iudith* reprehendit eos, qui definiebant tempus tradendae ciuitatis, nisi interim Deus opitularetur. O Domine, fac secundum consilium

tuum.

tuum: 2. Vt doceret nos affectum carnis de-
ponere. vnde nunquam affectuoso matris no-
mine compellauit B. Virginem, sed mulieris,
etiam in cruce: *Mulier, ecce filius tuus.* Quin,
cū nuntiaretur ei, quæri se à matre, respon-
dit: *quæ est mater mea & fratres mei?* quasi
nec ipsa nomina carnalis cognationis, & af-
fectus vsurpanda sint. Vnde illud: *Qui dix-
erit Patri suo & Matri suæ: nescio vos, & fra-
tribus suis, ignoro illos, & nescierunt filios suos,
hi custodiunt eloquium tuum & pactum tuum
seruauerunt.* 3. Vt occasio daretur B. Virgi-
ni exercendi eximias virtutes patientiæ, &
humilitatis, nihil enim est turbata, aut que-
sta, cū confundi videretur. quin nec fidu-
ciam deposuit, sed quasi impetrasset, mox lo-
cuta est ministris. Sic non deijciar, cū non
exaudior, ac differor. *In silentio & in spe erit
fortitudo vestra.*

2.
Affectus
carnis exue

Ioan. 19. 26

Matt. 12. 49

Deut. 33. 9.

3.
Deus pro-
bat suos.

Isa. 30. 15.

PUNCTVM III.

DICIT Mater eius ministris: quodcun-
que dixerit vobis, facite. Multa hîc exi-
mia. 1. Fiducia, non plus dicere potuisset,
si filius respondisset, se facturum. 2. Lumen
cœleste, quo intellexit, non absque coope-
ratione illorum præstandum esse à Filio be-
neficium, qui alioqui poterat id facere sine
ministorum opera. 3. Docet nos fiduciam
obtinendi desiderata, in obedientia diuino-
rum præceptorum fundari oportere. Nam
DEVS voluntatem timentum se faciet. Et,

B. Virginis
1.

Fiducia.

2.
Lumen.

3.
Obedien-
tia.

Psal. 144. 9

1. Ioan. 3. 21.

Ioan. 15. 7.

4.

L. quendi
modus.

si cor nostrum non reprehenderet nos, fiduciam habemus ad DEVM. Et, si verba mea in vobis manserint, quodcumque volueritis, petetis, & fiet vobis. 4. Quàm pauca & matura verba MARIAE, siue ad filium, siue ad ministros. Et condam in corde meo ista: *Quodcumque dixerit vobis; facite:* siue per se, siue per superiores.

PUNCTVM IV.

1.
Ministrorum
obedientia.

2.
Potentia
Christi.

S. Augustin.

3.
Liberalitas.

4. Hydriae
f. icitales.

EXECVTIO miraculi. 1. Laudanda ministrorum obedientia, implendo hydrias aquâ, quod non ad rem videbatur facere. Nempe tutum est, DEI Vicarijs obtemperare, non inquirendo causas, quia sic Eua decepta est. Et solet DEVS aliquid in speciem repugnans iniungere, ad iudicii proprii submissionem, & eo humiliter praestito, hominem consolatione, donisque afficere. 2. Potentia Christi, qui sola voluntate absque conatu aquam mutauit in vinum. O, gaudeam de tam potenti Salvatore! ô, ille mutet cor meum in melius, ex frigido in feruens. En me offero, quia & opus est cooperari. *Qui fecit te sine te, non saluabit te sine te.* 3. Effusa liberalitas Saluatoris. tantum vini optimi pro haustulo accepto reddit. sed nec haustus frigidae carebit mercede, & relinquentibus sua propter ipsum, reddit centuplum. In spiritualibus nuptijs introducens animam in cellam vinariam, totidem hydrias propinat praecipuarum virtutum.

tum.

tum. 1. Charitatis in Deum, 2. misericordiae in proximos, 3. zeli, pro Dei gloria & proximorum salute; 4. deuotionis & promptitudinis ad ea, quæ sunt Dei; 5. gratitudinis pro acceptis cum laude & gratijs; 6. denique obedientiæ ad omnia, iuxta Dei beneplacitum.

PUNCTVM V.

AFFECTVS varij, qui interuenerunt in hoc factō. I. In Virgine gaudium, quod ipse sua non excidisset, & in fiducia est valde confirmata, gratiasque egit toto corde. Obserua vim orationis **MARIAE**: quæ impetrauit, vt cū hora nondum venisset, ea tamen acceleraretur initiumque Christus daret miraculis. Item illud, quod Christus, post carnis assumptionem, tum primum miraculum, tum primam sanctificationem perfecit, interueniente **MARIA**. Vnde & ad illius vocem Ioannes in vtero sanctificatus est, & exultauit. Videlicet significabatur, per illam nobis à Christo tū spiritualia, tū corporalia bona deriuanda esse. O Domina, monstra te esse Matrem, & accelera mihi remedium cūctarum miserriarum. II. In Apostolis fides confirmata. *Et crediderunt in eum discipuli eius*, magis nimirum roborati, & gaudentes de Magistri sui potentia, sub quo nihil eis defuturum esset. Et consultō Christus in tali potentiam ostendit, vt inde sensim ad

I.

B. Virginis
gaudium.

II.

Apostolorum fides
firmata.

III.

Architricli-
ni gaudiū.

Psal. 9. 10.

altiora disponderet expetenda, & speranda. III. Admiratio Architriclini, qui etiam redarguit sponsum, *quod bonum vinum seruasset in finem*, quasi prius illud præ hoc non valuisset quidpiam: Nec Deus, uti homines prius bonum vinum ponit. 1. quia vult, ut experiamur ipsi indigentiam nostram. *Adiutor in opportunitatibus.* 2. quia consolatio spiritualis non datur, nisi carnali spreta, & deficiente. Ut non pluit Manna, nisi farina Aegyptiaca iam consumpta. Non commiscuntur vina hæc, ut ait Bernardus, cæleste solatium & terrenum. Amen.

(In Domini
ca palmarū
& prima
Aduentus.

MEDITATIO X.

De eiectis è templo negotiatoribus.

PUNCTVM I.

Christi Ze-
lus.

Psal. 68. 10.

ZELVS Christi pro Patris gloria, & templi honore. est autem Zelus, studium ardens amoliendi, quidquid officit bono rei amatae. Christus autem, ut amabat summè Patrem, & Ecclesiam Sponsam, ita zelum habet pro ijs ardentissimum. de quo in Psalmo: *Zelus domus tua comedit me.* nam pro zelo suo tradidit se morti consumendum. Et quidquid cogitabat vel agebat, zelus erat, & in zelum totus erat conuersus, uti ignis conuertit in se, quæ arripit. Hinc tam fortis, & intrepidus

us factus ad eiiciendos prophanatores templi, vt non fuerit veritus illorum vim, quia *fortis est vt mors dilectio dura, sicut infernus a mulatio*. Flagellum facit quasi in filios, nam *quem diligit Deus, corripit*. quo autem Zelo flagellum arripuit, eodem se pro nobis flagellandum dedit. ô zelo induar in carnem meam ad castigandam, & pro alienis quoque culpis impediendis. Optem, ne auferatur eius zelus à me, sed castiget in misericordia me peccantem.

PUNCTVM II.

IVDÆI petunt à Christo signum, ad comprobandam potestatem istud audendi. Pro signo ait: *Soluite templum hoc, & in tribus diebus exedifico illud*. Duplex signum dat. 1. quod permittet solui templum corporis sui, in quo habitat plenitudo diuinitatis corporaliter, per dirissimos cruciatus. 2. quod propria virtute illud excitabit gloriosus. tale etiam dedit in Iona, qui in mare deiectus, in ventre ceti delituit triduum, qui est typus mortis; tū redditus est incolumis, qui est resurrectionis. Clare ostendit, suo permissu futurum, vt occidatur, idque verè prodigij loco est, vt cuius anima erat gloriosa, corpus morti subijceretur. Magnum hoc extitit signum, & charitatis in nos, vt ædificaremur ipsi in templum sanctum Dei, & potentie, quod moriendo nos viuificauit. Per hæc signa factum, vt omnia ad se traheret exaltatus in crucem, nec

Cant. 8. 6.

Pron. 3. 12.

Hebr. 12. 6.

Ioan. 2. 19.

1.

Passio.

Coloss. 2. 9.

2.

Resurre-
ctio.

Charitas.

Ioan. 12.

iam funiculis, ad flagellum faciendum, uteretur, sed ad vinculum nectendum charitatis, quo nos traheret *in funiculum Adæ.*

Osee II. 4.

Oratio.

Domine anima mea templum est, illud ego destruo peccando, tu re ædificia tribus diebus. in primo gratia tua viuificando, in secundo perseverantiam usque in finem largiendo, in tertio ad vitam resuscitando.

PUNCTVM III.

Secunda
eiectio.

Matt. 21. 12

QUOD iterum ante passionem eiecit negotiatores: sed hac vice non adhibuit flagellum, ut in prima, in qua est significata lex vetus, quæ est timoris; in secunda autem lex gratiæ, quæ est amoris. In prima dixit: *nolite facere domum Patris mei, domum negotiationis;* in secunda autem, *vos fecistis illam speluncam latronum:* est domus negotiandi, sed cum Deo, fit spelunca latronum, quod in negotiando plerumque fraudes hant. In prima *eiecit negotiantes, & pecora, & subuertit mensas;* in secunda non sinebat, ut vel quisquam transferret *vas per templum.* Anima mea debet ipsa orationis esse domus, quæ ingrediens, *orabo Patrem in abscondito, & qui videt in abscondito, reddet mihi.* Hoc oratorium nobiscum ferimus *Volo viros orare in omni loco, leuantes puras manus, sine ira, & disceptatione.*

Luca 19. 45.

Marci 11. 16

Anima est
Oratorium
Mat. 6. 6.

1. Tim. 2. 8.

Sit munda.

Abfit ab hac domo negotiatio prophana, & tumultus passionum; nec non cupiditas & auaritia. Vniuersè sit munda à culpis, quæ

perturba-

perturbationibus, ornata virtutum exercitationibus. Quis oret in Ecclesia, quæ sordet, & tumultus est plena? Domine sume Zelum, & ejice ex me, quidquid officit Domui tuæ, templo tuo.

MEDITATIO XI.

*De sermone Domini in monte habito.
De octo Beatitudinibus pars prior.*

PUNCTVM I.

TRIPLEX Christi munus in hoc sermone. munus est DOCTORIS, in quo sunt omnes thesauri sapientia & scientia Dei, qui non docet curiosa, & inutilia, sed scientiam salutis. LEGISLATORIS, qui legem veterem declarat aduersus deprauationes Pharisæicas, & adijcit, quod minus erat in illa expressum. CONSILIARIUM, qui suadet optima, & perfecta, super debitum legis. 2. Hoc triplex munus exercet excellenter, quia non exterius tantum docet, sed intus etiam illuminat, non præcipit tantum, sed mouet ad implendum, quod melius est. 3. Non olim tantum, sed etiam nunc eadem præstat, non quoad exterius ministerium, sed quoad internam illuminationem, motionem, & inspirationem. Domine, esto mihi doctor, declaratio sermonum tuorum illuminat & intellectum dat paruulis: esto legislator, da quod iubes, & iube, quod vis. Effic

In festo
omniū SS.

1.
Christus,
Colos. 2. 3.

2.
Docet, illu-
minat, mo-
uet.

3.
Psal. 118. 130.

confi

consiliarius, *Trahe me post te, curremus in odorem vnguentorum tuorum.*

PUNCTVM II.

De ipsis Beatitudinibus generatim.

Octo Be-
titudines,
1.
Acerbæ.

Cant. 5. 13.

2.
Mundo cō-
trariæ.

3.
Octo gra-
dus in cæ-
lum.

i. QVOD hæ virtutes sunt veteres & nouæ: veteres quidem, quia semper ita res habuit, vt tales essent beati, alij contra miseri; nouæ autem, quia latebant, & parum erant exercitæ, donec eas Christus verbo & exemplo commendauit. Deinde sunt carni amaræ, Spiritui autem saluta- res, instar myrrhæ, quæ cum sit amara, ser- uat à corruptione, vt hic cōueniat illud Chri- sto, *Labia tua distillantia myrrham primam.* 2. Quod Christus ab his rebus vocarit homines beatos, contra Mundi sensum, qui felicitatem in contrarijs ponit, in his verò miseriam. 3. Quod sint quasi totidem gradus conscenden- di ad perfectionem; & in ipsum cælum. Cir- ca singulas autem considerari debent ista. *Primò*, ipsi actus virtutis, *Secundò*, Exemplum Christi, *Tertiò*, præmium promissum, *Quartò*, poena ex contrario.

PUNCTVM III.

Paupertatis
actus quin-
que.

1.

Beati pauperes spiritu, quoniam &c.

A CTVS huius paupertatis numeran- tur quinque. I. Pauper spiritu est, qui affectu paratus est omnia potius perdere, quam

quàm Deum offendere. 2. qui spiritu diuino impulsus, reliquit omnia. vt Christum sequatur vocantem. 3. Qui spiritu non est inflatus, non alta sapit; de se suisque talentis præsumens, nec æstimationis apud homines, laudis, gratiæ, honorisque est appetens, sed contemptor. 4. Qui non his tantum externis seipsum exuit, sed internis quodammodo naturæ facultatibus, iudicio & voluntate. suum iudicium facile submittens, ac facile alijs cedens, nullis etiam affectibus ac desiderijs distentus, vt verè dicat: *Quid mihi est in cælo, aut à te quid volui super terram.* 5. Qui intimè agnoscit, quidquid tandem habeat naturæ, aut gratiæ, dona esse Dei, nec ex seipso habere aliud, quàm nihilum naturæ, id est, non esse, & nihilum gratiæ, quod est peccatum. II. Exemplum Christi, quo ad *Primum Actum*, quàm Christus absuit ab affectu, qui sic studuit, cupiditatem euellere è cordibus nostris. quo ad 2. facto amplexus est paupertatem; vt ex tota eius vita apparet. quo ad 3. Non tumuit spiritu, qui non suam, sed Patris gloriam quærebat, & qui dicebat: *Si ego quero gloriam meam, gloria mea nihil est; & discite à me, quia humilis sum.* quo ad 4. propria se voluntate exuerat, qui dicebat: *non veni facere voluntatem meam, sed Patris: & non mea voluntas, sed tua fiat.* Et, *hic est cibus meus, vt faciam voluntatem Patris.* quo ad 5. profitebatur, nihil se posse facere à semetipso; nisi quod vidisset Patrem facientem: & mea doctrina, non est mea; & cur

21

31

41

Psal. 72. 25.

51

II.

Christus

exeruit

hos actus.

i. u

21

31

41

III.
Pauperum
beatitudo.

Psal. 122. 8.
Spes certa
coeli.

Rom. 14. 17.

IV.
Pec. 12.
Luc. 6. 24.

me dici bonum? nemo bonus nisi solus Deus, ille solus ex proprio bonus, ceteri ex alieno, ex se autem nihil. III. Præmium, *quoniam ipsorum est Regnum cælorum*. Beatitudo cœlestis est summum, & omne bonum: ideo per varia bona, quæ apud mortales præcipua habentur, declaratur: inter quæ est ipsum regnare. Et quadrat peculiariter pauperibus Christi, ut intelligatur, quanto cum fœnore Deus refundat, quod propter ipsum relictum est, *elevans de terra ignopem, ut collocet eum cum principibus populi sui*. Deinde etiam in hac vita pauper spiritu fruitur hoc Regno per spem, & prægustationem illius boni, quæ semet solatur, & confortat. Præterea, quia teste Paulo: *Regnum Dei est iustitia & pax, & gaudium in Spiritu sancto*, quæ pauper spiritu etiam nunc percipit. IV. Poena ex contrario: *Vae vobis divitibus, qui nunc habetis consolationem vestram*, quia non extenditur ultra momentum vitæ præsentis. Deinde his memoria mortis amara est, quippe cor habentibus in terra, ubi est thesaurus illorum, non in cœlo, quo vix adspirant. Denique consolatio illorum multis acerbitatibus mixta est, quippe non in spiritu sancto.

*Beati mites, quoniam ipsi possidebunt
terram.*

PUNCTVM IV.

I. ACTVS sunt tres. Primus frænat

Airam, & appetitum vindictæ; & cum zelus sumendus est; facit absque perturbatione interna & externa. *Secundus* alioquo & moribus se exhibet suauem, nec vllare, aut verbo grauem & molestant. *Tertius* adeo non quærit vindictam de accepto malo, vt nec pro iusta sui defensione ad repellendum nocere velit, quando etiam liceat, & valeat, paratus potius alteram maxillam præbere. II. *Exemplum Christi.* Nam de illo *Isaias: non erit tristis, neque turbulentus, non clamabit, neque audietur vox eius foris; calumini quassatum non conteret, & linum fumigans non exstinguet* & S Petrus: cum malediceretur, non maledicebat, cum pateretur, non comminabatur, tradebat autem iudicanti se iniuste. Et ipse de se: *Discite à me, quia mitis sum & humilis corde.* III. *Premium, quoniam ipsi possidebunt terram, terram cordis sui, quippe affectibus suis dominantes. Item corda aliorum: nam, qui opera sua in mansuetudine perficiunt, super hominum gloriam diliguntur. Denique terram viuentium hareditabunt.* Ita describitur Beatitudo tanquam bonum stabile. Terra enim in æternum stat, *Isai. 36. 9. Eccles. 1. 4.* quasi dicat: Licet mansueti per iniuriam spo-

I.
Actus mā-
lueitudinis
tres.

1.
2.
3.

II.
Christus
mansuetus.
Isai. cap. 42.

Mat. 11. 29.

III.
Possident
animas
sias.

Eccles. 3. 19.

Isai. 36. 9.

Eccles. 1. 4.

IV.
Immitium
damna.

lientur præteritis bonis, manet illos in amissibilis possessio in cœlis, cuius intuitu nihil morantur præsentia damna, vel iniurias, sed immoti & æquabiles, tanquam cœlo fixi perseverant. I V. è contrariò immites sunt impiis impotente sui, ac suarum passionum servi. Deinde, ingrati & exosi alijs. Demum, quia ad terram illam non applicuerunt cor suum, fluctibusurbationum iactantur, cum nunquam desint aduersantia.

Beati qui lugent, quoniam ipsi consolabuntur.

PUNCTVM V.

I.
Actus beati
fletus quatuor.

1.
Rom 7. 24.
- 2.
- 3.
4.
Eccles. 2. 2.

II.
Cœtui fletus.

III.
Præmium solacium.

EST triplex luctus I. Compunctionis ob offensum à me Numen, & propensionem ad peccandum *Infelix ego homo quis me liberabit de corpore mortis huius?* 2. Compulsionis super multitudine peccatorum, & pereuntium 3. Devotionis, ob absentiam Dei, eiusque desiderium Porro luctus consistit non in moerore solùm animi, sed in recusatione delectabilium iuxta illud: *Risum reputavi errorem & gaudio dixi, quid frustra deciperis?* hoc præstant ex instituto Religiosi, abdicantes se mundi solatijs nisi ea, obliti vocationis suæ, aliquando resumant. II Exemplum Christi, nunquam risit, fleuit sæpius, & vique ad sanguinis sudorem luit, & nihil minus, quàm oblectamenta quæsiuit. III. Præmium, *quoniam ipsi consolabuntur.* Beatitudo est

quod

quoddam solarium, quod funditus omnem
 luctus causam tollit. Ibi extra omnem
 peccati aleam erimus, ibi desideratum, ac
 summum bonum plenè, & inamissibiliter
 possidebitur, & post vniuersale iudicium
 peccati Regnum penitus delebitur, illius
 membris aeterno igni addictis, super quo Bea-
 ti Deum laudabunt, & gaudebunt de iusta
 vindicta, non amplius compatientes. I V. Pœna Ri-
 Pœna gaudentium nunc: *re vobis, qui ride-
 tis nunc, qui lugebitis & fl. bitis. Rîsus do-
 lore mîcebitur, & extrema gaudij luctus occu-
 pabit. ibi erit fletus & stridor dentium. Quan-
 tum glorificauit se & in delicijs fuit, tantum
 in corde suo, sedeo Regina, & luctum non vi-
 debo.*

IV.

Pœna Ri-

tus.

Luc. 6. 25.

Prou. 14. 13.

Matt. 8. 12.

Apoc. 18. 7.

*Beati qui esuriunt & sitiunt iustitiam,
 quoniam ipsi saturabun-
 tur.*

PUNCTVM VI.

I. IUSTITIAE nomine intelligitur, tum
 habitualis, qua sanctificamur, tum actua-
 lis, quæ constat operibus omnium virtutum,
 & denique ipsa salus animæ nostræ, & incho-
 ata nunc, & in cœlo perficienda. Actus sunt,
 1. magno affectu cupere omne debitum imple-
 re virtutis. 2. amplius adspirare ad id, quod
 perfectum est in omni iustitia & sanctitate.
 3. Esurire & sitire Christum ipsum, qui est

I.

Actus iu-
 stitiæ fa-
 mis.

1.

2.

3.

4.

II.

Fames &
sitis Chri-
sti.

Luc. 12. 50.

III.

Præmium.

IV.

Pœna.

Luc. 6. 26.

Luc. 1. 53.

nostra iustitia, & optando ei vniri, tùm corporaliter in Sacramento, tùm spiritualiter, per fidem viuam, & intimum gustum diuinorum consolationum. 4. Anhelare ad perfectam iustitiam patriæ, vbi, viso Deo, anima plenè transformatur in similitudinem illius. II. Exemplum Christi, cui cibus erat facere voluntatem Patris, & mori pro illius gloria, & salute nostra: *Baptismo habeo baptizari, & quomodo coarctor?* & in Cruce: *Sitio.* III. Præmium, quoniam ipsi saturabuntur, tum in hac vita meritis & iustitia aucti, diuinisq; consolationibus assiduè affecti, tum in altera, vbi plene satiabuntur, cùm apparuerit gloria Dei. IV. oppositum *Ve vobis, qui saturati estis, quia esurietis.* Saturati à cibo & potu, & oblectamentis vitæ præsentis; & qui nunc expletis cupiditates vestras, quia esurietis, vt ille, qui petebat guttam aquæ, & negabatur ei. Iusto nimirum iudicio, *& diuites dimisit inanes.*

Beati misericordes, quoniam ipsi misericordiam consequentur.

PUNCTVM VI.

I.
Misericor-
diæ opera.
Circum-
stantiæ.

1.

2.

3.

I. **A**CTVS, sunt ipsa misericordiæ opera, tùm corporalia, tùm spiritualia, circa quæ seruandum. 1. vt nemo excludatur, neque inimicus. 2. vt in omni occasione exhibeatur, pro facultate; & cùm quis per se nequit, per alios: & à Deo saltem petat misero auxilium. 3. vt ex affectu interno commiserationis succurrat.

II. Exem

I. Exemplum Christi, qui pertransiit benefaciendo & sanando omnes oppressos à diabolo. Et dicebat: *Discite: quid est, misericordiam volo & non sacrificium.* Et hortabatur: *Estote misericordes, sicut & Pater vester misericors est. Habemus Pontificem, qui possit compati infirmitatibus nostris, tentatum per omnia.*

III. Præmium, quoniam ipsi misericordiam consequentur, tum in hac vita, tam in corpore, quam anima; tum in altera perfectè, quo ad vtrumque. Et quidem, *qua mensura mensi fueritis, remetietur vobis.* Beatitudo cœlestis est summa, & omnis misericordia.

IV. Oppositum: nonne oportuit miseri conserui tui? sicut ego misertus sum tui? *mittite eum in tenebras exteriores. Iudicium sine misericordia illi, qui non fecit misericordiam.* Ex operibus misericordiæ iudicabitur mundus, siue omisissis, siue exhibitis.

Beati mundo corde, quoniam ipsi Deum videbunt.

PUNCTVM VIII.

I. **M**VNDITIËS hæc est charitas perfecta, cui insint illa tria ex Paulo. *De corde puro,* (experte peccati mortalis & venialis, saltem quoad affectum & habitationem; Et *Conscientia bona.* Sanctis cogitationibus & affectibus plena, absteris contrarijs.) Et *Fide non ficta:* vt qui seruit Deo non simulatè, aut videri volens, & eadem sinceritate erga homines vritur. II. Exemplum

I.

Christus.
Act. 10. 38.
Matt. 9. 13.
Luc. 6. 36.
Heb. 4. 15.

III.

Præmium.
Luc. 6. 38.

IV.

Pœna.
Matt. 18. 33.
Eccl. 2. 13.
Iac. 7. 13.

I.

Puritas
cordis.
I. Tim. 2. 5.

II.

Christus.

Matt. 23. 25

Sap. 7. 26.

111.

Psal. 23. 3.

IV.

Apoc. 22. 15.

Christi, qui nec peccare potuit, nec ab inimicis argui de peccato. In quem Sathan nec per suggestionem aliquid potuit, qui fictos maxime odiuit. *Vae vobis, quia mundatis, quod defors est.* Denique est candor lucis aeternae, speculum siue macula, & imago bonitatis. I. I. Praemium: quoniam ipsi Deum videbunt. Haec est essentialis Beatitudo. In praecedentibus ex aliquo effectu iudicabatur; hic ex ipsa essentiali ratione. *Qui ascendit in montem Domini: innocens manibus & mundo corde.* IV. Oppositum: foris canes & venefici, & impudici, & homicida, & Idolis seruientes, & omnis qui amat & facit mendacium; nihil enim coinquatum illuc introibit.

Beati Pacifici: quoniam filij Dei vocabuntur.

PUNCTVM IX.

I.
Actus pacificorum.

1.

2.

Rom. 12. 13.

3.

4.

Phil. 4. 7.

II.

Coloss. 1. 20.

I. **P**ACIFICVS est fouens pacem. 1. In seipso, vt caro spiritui, passionibus rationi, haec Deo cōsentiāt & subiaceat. 2. Erga alios, iuxta Apostolum: *Quod ex vobis est, cum omnibus pacem habentes.* 3. Inter alios, vt inter se pacem seruent. 4. vt cum Deo reconcilientur operando. *Haec est pax, quae exsuperat omnem sensum.* II. Exemplum Christi, qui è cœlo venit, vt hanc pacem nobis daret, ideoque vocatur Rex pacificus. Hanc solitus precari suis, hanc iussit, vt precarentur, quocunque irent. Denique per sanguinem suum pacificauit omnia; *siue quae in terris, siue quae in cœlis sunt.*

lis sunt. III. Præmium: *quoniam filij Dei vocabuntur.* Specialiter tunc habebuntur filij, & peculiariter pro talibus tractabuntur, & tandem copiosam hæreditatem, vt singulariter dilecti filij, consequentur.

Beati qui persecutionem patiuntur propter Iustitiam: quoniam ipsorum est Regnum cælorum.

PUNCTVM X.

I. **C**ONSIDERA quatuor. 1. Quæ sit persecutio, omne genus incommodi. 2. A quo inferatur: à Diabolo, odio virtutis, & ab hominibus eius ministris, nec ab alienis tantum, sed à domesticis, & fratribus. 3. Non ob culpam, sed propter virtutem. *Nemo vestrum patiat, vt homicida, aut fur, aut maledicus, si autem vt Christianus, non erubescat, sed glorificet Deum in isto nomine.* 4. Modus ferendi patienter, & gaudenter, quia dignus habitus es, pro nomine Dei contumeliam pati. II. Exemplum Christi eximium secundum illa quatuor. III. Præmium, *quoniam ipsorum est Regnum cælorum: & gaudete & exultate, quoniam merces vestra copiosa est in cælo.* Indicatur præ alijs copiosius munerandos. & spe tantæ remunerationis meritò gaudendum in malis, quia tantum afferunt bonum. IV. Oppositum; *Vt, cum benedixerint vobis homines.*

III.

I.
Persecutiones.

1. Pet. 4. 15.

Act. 5. 41.

II.
III.

IV.
Luc. 6. 26.

MEDITATIO XII.

De triplici munere Apostolico, purgandi, illuminandi, & perficiendi.

Secunda pars sermonis.

PUNCTVM I.

SAL.

I.

Matt. 5. 13.
Cibos con-
dit.

II.
Christus
Sal.

III.
Poena.

DE munere purgandi. I. *Vos estis sal terra.* Sal valet contra corruptionem, & cibos salubres, sapidosq; facit. Sal ergo est terræ, qui homines à peccatis vindicat, & purgat, eisq; studium poenitentiae, ac virtutis reddit suauē, ac per hoc ipsosmet homines palatui Dei sapidos, gratosq; facit. Istud præstare nequit, nisi sapientia & gratia à Deo acceptis, per quæ ipse fiat sal. Debet autem, priusquam alios purget, & condat, talem seipsum reddere, quales vult alios facere. II. Exemplum Christi, qui, vt purgationem peccatorum faceret, oblatus est, & per tempus prædicationis tam instantē incubuit, vt à peccatis homines abduceret. III. Poena neglecti muneris. *Quod si sale auerit, in quo satiatur, ad nihilum valet ultra, nisi vt mittatur foras & conculcetur ab hominibus.* Potest dupliciter intelligi, vel, si ipse in se auerit, vt non sit talis, quales vult alios facere, vel, si omiserit se exhibere sal alijs, licet aliqui se non neglexerit: necessitas enim incumbit salendi viro Apostolico.

PVNCTVM II.

DE munere illuminandi. I. Vos estis lux mundi est officium planè diuinum: nā, qui docti fuerint, fulgebunt quasi splendor firmamenti; & qui ad iustitiam erudiunt multos, quasi stellæ in perpetuas æternitates. Fructus huius illuminationis est, quem describit Paulus: *Vt filij lucis ambulate (fructus enim lucis est in omni bonitate, & iustitia, & veritate) probantes, quod sit beneplacitum Deo, & nolite communicare operibus infructuosis tenebrarum, magis autem redarguite.* Christus per excellentiam fuit lux mundi: *quæ in diu sum in mundo, lux sum mundi.* Ab hoc tanquam sole accipiunt reliqui tanquam stellæ lumen suum. Petam, vt sim vna ex illis, de quibus Daniel: *Stellæ dederunt lumen in custodijs suis, & latata sunt, vocata sunt, & dixerunt, ecce adsumus: & luxerunt ei cum iucunditate, qui fecit illas.* II. Redarguuntur, qui iuxta talentum acceptum, non se impendunt in illuminandis proximis, sed lucernam sub modio abscondunt. III. Commendantur, qui doctrinam lucere faciunt exemplis bonorum omnium operum: *vt videntes glorificent Deum, cum alioqui blasphemetur ob mala exempla Doctorum.*

(S)

Lv.x.

I.

Apostoli.

Dan. 12. 3.

Ephes. 5. 8.

Ioan. 9. 5.

Dan. 12.

II.

III.

PVNCTVM III.

Ciuitas.

I.

Apostoli.

II.

Supra mō-
tem quid?

Isai. 49. 9.

III.

Vix perfe-
ctus in
monte.

Proph. 9. 3.

DE munere perficiendi. I. *non potest ciui-
tas abscondi super montem posita.* Ciui-
tati suos Apostolos comparat, quia non
vult eos esse solitarios, & priuatam vitam a-
gere, sed communem, ad se quàm plurimos
attrahendo, & conuiuendo. II. *supra montem*
posita, hoc est, supra magnam, celsamque vir-
tutem, quia eminere eisdem oportet sancti-
tate, esseque perfectos iuxta illud: supra mon-
tem excelsum ascende tu, qui Euangelizas Sion
Exalta in fortitudine vocem tuam qui Euange-
lizas Ierusalem. Tunc enim Prædicatoris au-
ditur vox, si ex edito proclamari: & ad ci-
uitatem accursus fieri poterit, quæ non latue-
rit. III. Deinde supra montem est ciuitas, quia
vir perfectus debet ad celsitudinem perfecti-
onis homines iuuare, atque promouere, non
ad communem tantum virtutem. *Sapientia*
enim misit ancillas suas, vt vocarent ad arcem
& ad mœnia ciuitatis.

MEDITATIO XIII.

De excellentia legis Euangelicæ.

Tertia pars Sermonis.

I.

Christus le-
gem perfe-
ctè seruauit

PVNCTVM I.

I. **P**RAEMITTIT Dominus, se non venisse
vt veterem soluat, sed impleat: impleuit
autem

autem tripliciter, & seruando illam, & præstando, quæ promiserat illa, & perficiendo.

II. Necessitatem seruandi legem demonstrat.

Nam, *qui soluerit vnum de mandatis istis minimis, & docuerit sic homines, minimus vocabitur in Regno calorum*: Contemptus erit apud

Deum, si vel vnum: qui enim offendit in vno,

factus est omnium reus: perinde excluditur

à Regno Dei, si vel minimum, etiam alioqui

non lethale, ex contemptu soluerit: si & docu

erit, duplici nomine excludetur. contrà, qui

fecerit, & docuerit, coniungit, quia, qui docu

erit tantum non erit magnus coram Deo; qui

autè fecerit, magnus erit, quia exemplo simul

docet & verbo, pro occasione, & statu suo.

III. Exemplar operationis proponit, non sanctos ho-

mines, non Angelos, non seipsum, sed patrem

cælestem, *estote perfecti, sicut Pater vester*

perfectus est: in quo nulla culpa esse potest,

omnes sunt virtutes, & ex gradu excellentis-

simo. IV. In tradenda, explicandaque lege, hæc

ipsa tria persequitur. 1. vt omnis absit culpa,

etiam interior, & occasio omnis amputetur. 2.

Nulla desit virtus, vel in subiiciendo appeti-

tu proprio. vel in actione erga proximum, vel

denique erga Deum. 3. v. sint quàm perfectis-

simæ, qualis est beneficentia erga ini-

micos, ad instar diui-

næ.

II.

Matt. 5. 20.

Lex neces-

sario ser-

uanda.

III.

Exemplar

operatio-

nis.

Pater

Matt. 5. 48.

IV.

MEDITATIO XIV.

De oratione Dominica.

Matt. 6. 9.

Luca 11. 2

DOMINICA dicitur, quia Christus eam docuit. & quidem bis: nam primo, cum haberet sermonem in monte ad turbas, ut refert Matthæus: deinde priuatim, cum vnus discipulorū ab eo peteret, *Domine doce nos orare, sicut docuit Ioannes discipulos suos*, ut est apud Lucā, dirigitur autem ad Patrē, etsi possit ad omnes dirigi diuinas personas. Credibile autem est, Christum sic orasse, cum suos doceret: orat autem quotidie in nobis, sicut caput nostrum, faciens nos orare, & orat pro nobis, ut sacerdos est.

Pater.

I.
Pater creator.

II.
Patris munia imple.

Matt. 23. 9.
Psal. 26. 10.

III.
S Pater,
ergo ego
filius.

I. Est titulo creationis, qua nos ad imaginem suam facit; item adoptionis, per gratiam atque sic millies Pater, quoties paratus est peccantes recipere in eandem gratiam, quæ Paternitas magno stetit Filio Dei, qui cruce eam promeruit nobis. II. Patris prouidentiam exhibet, sustentando corpus, & animæ salutem consulendo amanter, ut solus verè Pater sit, qui proinde ait: *Nolite vocare vobis Patrem super terram, vnus est enim Pater vester, qui in cælis est.* & meritò, nam, *Pater meus & mater mea dereliquerunt me* (quod sæpe fit) *Dominus autem assumpsit me*: nunquam deserit, nisi derelictus. III. Præterea si ille Pater, ego Fili-

us, quan-

us: quanta hæc dignitas? præstabo filij partes amore, obseruantia, obedientia. Qui istuc ex mæcipio vili prouectus es, vide ne degeneres.

IV. Voluit precationem ab hac compellatione nos exordiri, ad excitandam fiduciam obtinendi petita: & quia gloriatur in hoc nomine quod Pater sit, gaudet se ita compellari, & ad commonendum nos, quod velit filiali affectu nos ad ipsum accedere, & in omnibus ipsi seruire, taliaque petere, quæ deceant talem Patrem.

Noster.

I. Voluit, vt dicerem, *noster*; non autem, *meus*, qui cum vnicum habeat filium naturalem, voluit quam plurimos habere adoptiuos, tum Angelos, tum homines, idque ita, vt bono filiationis vnusquisq; gaudeat, ac si nullum haberet consortem. Nam Dona Dei non minuuntur communicatione in plures. 2. vt moneret esse nos inter nos fratres, nulla exceptione gradus, aut ætatis, atque vt fratres inuicem diligendos, proque omnibus communiter orandum, nullo spreto, sicut per Malachiam: *Nunquid non Pater vnus omnium nostrum? nunquid non vnus Deus creauit nos? quare ergo despicit vnusquisque fratrem suum?* 3. quod Pater mi, conueniret magis vnigenito, & appellatio esset indulgentior, quam pro reuerentia illius Maiestatis; cuius oportuit haberi rationem. Et si nihil verat, priuatim, pro affectu aliquando, sic Deum alloqui, quod ita pleno

IV.

Cur a Patre
orditur.

I.

Liberalitatem
ostendit.

2.

Vt inuicem
memus.

3.

Reuerentiam
excitat.

Malac. 2. 10.

pleno iure filius sim adoptiuus, ac si forem vnicus.

In Coelis.
Vt coelestia
petamus.

Qui es in Coelis.

Cū in omni loco sit, voluit cælum exprimis, vt reuerentiam in nobis excitaret illius Maie-
statis in coelo dominantis, & vt mentes no-
stras ad coelestia erigeret, quæ est filiorum
Dei hæreditas. Et vt intelligam, me hic esse
peregrinum; debere autem cælo dignam co-
lere puritatem. Denique docet, illuc oculos
leuare, vnde veniet auxilium mihi. Per cælos
etiam intelligi possunt animæ iustæ, in quibus
habitat Deus: qualis esse studeat, qui orat, vt
in abscondito cordis sui ab in habitante Do-
mino exaudiatur. Hactenus præambulum, se-
quuntur petitiones.

Petitio 1.
1.

Sanctificetur nomen tuum.

Isai. 6. 3.
Apoc. 4. 8.
2.

1. Non ait, glorificetur, quia nihil Deus ita
æstimat, atque quodd sanctus sit; ac proinde, vt
pro tali habeatur & prædicetur, quod est Bea-
torum carmen: *Sanctus, Sanctus, Sanctus.* 2.
Non ait, potentia, aut maiestas; sed *nomen tu-
um*, vt simul includat, quicquid Dei apud nos
nominatur, totum videlicet sanctum esse, &
pro eo celebrandum. nominatur autem omni-
potens, sapiens, creator, & infinita alia. 3. *Tu-
um*, inquit, quia solum *tuum* est sanctum per-
seipsum, vnde iusti stillam participant. Ergo,
tuum non nostrum; *Non nobis Domine, non no-
bis, sed nomini tuo da gloriam Regi seculorum*

Psal. 113. 6.
1. Tim. 1. 7.

immortali

immortali & inuisibili, soli Deo honor & gloria in secula seculorum, nobis autem confusio faciei. & ego sic studiosus sum nomen meum commendandi, qui nesciri & contemni præoptare deberem. 4. Non restringit: per nos *sanctificetur*: quia optandum, ut ab omni creatura cælestium, terrestrium, & infernorum. 5. Porro sanctificatur Dei nomen, si homines credant, quod reuelat; sperent, quod promittit; faciant, quæ iubet. colant, ut ipse præcepit; ament eum ex toto corde, attestantibus operibus. unde qui vident, glorificent Patrem, qui in cœlis est.

Baruc. 1. 15.

Adueniat regnum tuum.

Petitio 2:

I. **R**EGNUM, quo in iustis regnat, qui per omnia ipsi subiiciuntur. 2. quo regnat in Beatis: istud autem adueniet nobis, si in primo permanserimus. Quare ait. *Adueniat*: quasi spontè secuturum. Et quidem istud omnes optant, at primùm, non ita, quia cum labore coniunctum est. Iustitia enim paratur, & conseruatur mortificatione appetitionum. 3. Regnum illud consummatum atque perfectum, cum Deus erit omnia in omnibus, in Resurrectione mortuorum, quod expectant animæ beatæ. 4. *Tuum* inquam, non mundi Regnum, quod caducis bonis constat; multoque minùs peccati Regnum, quod cupio funditus euersum.

1.
Regnum
Gratiæ.
2.
Gloriæ.

3.
Consummatum.

4.
Dei, non
mundi regnum.

Medit. Compend.

V

Fiat

Petitio. 3.

*Fiat Voluntas tua, sicut in caelo, & in terra.*1.
Voluntas
Dei.*Psal. 29.*2.
Dei solius.3.
Perfectæ.*Psal. 142.*

Petitio 4.

1.
Panis
Eucharisticæ
2.
Gratiæ.

1. Voluntas Dei continetur illius præceptis, & consilijs, ac inspirationibus, nec non iussis eorum, qui Dei nomine præsunt. Ad hæc exequenda sufficit quod voluntas Dei est, & quod *vita mea in voluntate eius est*: vt si eam faciam, viuam; alioqui periturus 2. *Tua*, non mea, quæ peruersa est, nec carnis, quæ contraria spiritui, nec mundi quæ vana, nec Diaboli, quæ iniqua. Sed *Tua*, quæ est regula rectitudinis, & quam vt faceret Christus, venit. 3. Modus faciendi; *sicut in caelo* ab angelis, ita integrè, promptè, velociter, fortiter, amanter, exultanter. Vnde oportune præmisit: *Adueniat regnum tuum*, vt, quando illuc adspiramus, ita nunc agamus, vt agunt, qui in caelo sunt. 4. Potest sic etiam intelligi, vt terreni & carnales homines sic voluntatem Dei faciant, vt i caelestes, & spirituales faciunt. *Doce me, Domine, facere voluntatem tuam, qui Deus meus es tu.*

Panem nostrum quotidianum da nobis hodie.

1. Quis est panis iste? 1. panis supersubstantialis Eucharistiæ, qui spiritum nutrit & roborat, vt digni reddamur illo assidue frui. 2. Alia gratiæ auxilia, sine quibus vita spiritualis non producit, in quibus est, vt faciamus Dei voluntatem, quâ Christus dicebat suum esse

esse cibum. 3. panis corporalis, vitæque sustentatio, pro qua non vult nimis esse anxios; sed à Deo etiam expectare. Per hæc instrumur, quod tanquam infantes habeamus curam Dei, & tanquam Filij ad eum confugere debeamus. 2. *Nostrum*: etsi enim est supersubstantialis, & à Deo, *nostrum* tamen, quia nostræ indigentiae necessarius, & nobis à Christo comparatus, & promissus. Quia vero Deus etiam Angelis & Beatis panis est, petimus eum pro modo, & statu nostro, sicut & corporalem 3. *Quotidianum*. Si de spiritali, non ille, qui est paucorum singulariter dilectorum, quia indignum me reputo. sed communem quasi portionem, & necessariam, sine qua non vivitur; ita etiam si de corporali accipitur, non abundans & ad genus, sed ad necessitatem. 4. *Da nobis*, pro omnibus tanquam fratribus petendum, etiam si aliqui odientibus, *Orate pro persequentibus & calumniantibus vos*, & *si videris inimicum esurientem ciba illum*. 5. *Hodie*, quia vult nos quotidie petere, semperque ab eius pendere providentia. advocat etiam à superflua cura de crastino, ad exemplum dati olim *Manne in singulos Dies*. Hodie etiam pro vita præsentia accipitur, quamdiu hodie nominatur, ut ait Paulus, quod est præsens tempus.

Dimitte nobis debita nostra: sicut & nos dimittimus debitoribus nostris.

1. Debita sunt peccata, tum mortalia, tum venialia, & quæ eis debentur poenæ, quæ pe-

3.
Corporis,

II.

III.

IV.

Matt. 5. 44.

Prou. 25. 21.

5.
Quotidie
peto.

Exodi 16. 4.

Heb. 5.

Petitio 3.
debita.

1.
Peccata.

2. timus dimitti per media a Deo instituta, & nostram cooperationem. 2. quòd quamvis aliquis sit filius, & Regnum Dei in se habeat, faciatque illius voluntatem, adhuc eget dimissione ob venialia peccata quotidiana. 3. Vicissim proximis debemus dimittere debita offensionum & iniuriarum & quòd id perfectius fiet, benefaciendo etiam inimicis, eò liberalius nobis à Deo dimittentur debita nostra. Et vult statim dimitti, *Sol non occidat super iracundiam vestram.* Et hanc ponit quasi necessariam conditionem, vt nobis dimittatur, quare contra se profert sententiam, qui non dimittit debitoribus suis.

Petitio 6.
Ne vincaris pecc.

Et ne nos inducas in tentationem.

Non petitur, vt non tentemur, quia id sæpè expedit; & à Deo sapienter permittitur; sed, ne tentationi succumbamus, aut etiam tentari sinamur, quando præuidet, nos succubitu-
turos.

Petitio 7.

Sed libera nos à malo.

à Dæmon:

AB omni malo omnino. Sicut subiungit Ecclesia in Missa: *Libera nos quasumus Domine ab omnibus malis præteritis, presentibus, & futuris:* nempe æternis, & temporali-
bus, animæ & corporis, & huius, pro vt expedit nobis. præterita autem mala sunt peccata: quorum adhuc rei sumus, vel ratione poenæ, vel etiam culpæ. Deinde à malo, hoc est, à maligno Dæmone, ne supra nos potestatem habe-

at, au

at, aut eius efficiamur serui peccando. Licebit hic more Ecclesiæ in litanij recensere varia genera malorum, à quibus liberari flagitemus.

Amen.

Fiat fiat. magno desiderio pronuntiabitur, nam *Desiderium pauperum exaudiuit Dominus.* Magna etiam fiducia, ut quicquid petamus, quæ petenda præscripsit, sicut ait Ioannes: *Hæc est fiducia, quam habemus ad Deum, quia quodcumque petierimus secundum voluntatem eius, audiet nos, & scimus, quoniam habemus petitiones, quas postulamus ab eo.* De prouidentia Dei ad subueniendum nobis agitur in sexta parte meditationum.

Psalm. 9. 39.

Fiducia.

1. Ioan. 5. 14.

NOTA.

Quod quatuor petitiones faciunt ad obtinendum bonum, tres autem ad auerrendum malum. Ex primis concernit Diuinam gloriam tres: *Sanctificetur nomen tuum. Adueniat Regnum tuum. Fiat voluntas tua:* quarta autem concernit nostram utilitatem, seu per eam petimus nobis bonum necessarium, tam spirituale quam corporale. Erunt tria etiam priora nobis profutura, quia nostrum est bonum, facere eius voluntatem, & sanctificare eius nomen, & regnum aduenire, sed in ijs, ex obiecto, & per se quæritur glorificatio Dei. Tres posteriores ad auerrendum malum pertinent *Dimitte nobis debita nostra* ad remissionem

1.
Quatuor
bona peti-
mus orati-
one Domi-
nica.

2.
Tria mala
deprecamur.

peccatorum iam admissorum. *Nenos inducas:* ad futura peccata præcauenda, & pericula eorum declinanda. *Libera nos à malo*, ab omni genere malorum, quod obuenire potest, quatenus tamen expediat nobis: nam tribulari sæpè expedit, & persecutiones pati, & ægritudines.

MEDITATIO XV.

Missio discipulorum ad prædicandum per Iudæam.

PVNCTVM I.

In commemoratione
& Pauli.

Et communis SS. Apostoli
Poli. 30.
Iunii.

Matt. 9. 37.

Luc. 10. 2.

Operarij
otiosi.

NECCESSITAS mittendi: ait enim: *Mensis quidem multa, operarij autem pauci; rogate erga Dominum menses, ut mittat operarios in messem suam.* Mensis multa electorum expectantium prædicationem Euangelij, operarij pauci, nam plerique refugiant laborem, aut in eo non lucrum animarum, sed proprium querunt, pauci se disponunt, ut idonei fiant, sed resistunt mittere volenti. Dominus mensis est Christus: hic rogandus, quia nemo sponte sua potest mittere manum in alienam messem. Vult rogari, quia ad executionem prouidentiae, & decretorum Dei medium est aptissimum oratio; & ut insinuet, non sua interesse, cum inde nihil referat, sed hominum ipsorum rem agi. Nihilominus, necdum rogatus, statim misit, pro charitate, desiderioque hominum salutis.

PUNCTVM II.

BINOS mittit: ad commendandam mutuam charitatem, & quia frater, qui adiuvatur à fratre, quasi ciuitas firma. & si unus ceciderit, ab altero subleuatur. Vnde soli, quia, cum ceciderit, non habet subleuantem se. & ubi duo vel tres sunt congregati in nomine meo, ibi sum in medio eorum. Nec solum causa auxilij, sed, ut mutuo sibi testes sint impenitē operæ. Deinde impertit potestatem miraculorum: Infirmos curate, morti uos suscite, leprosos mundate, Demones eijcite. Nempe ut prædicationi ipsorum conciliaret auctoritatem, cum essent alioqui Idiotæ & simplices Subijcit; gratis accepistis, gratis date. In primo commendat humilitatem, ne sibi adscribant. Quare redeuntes cum gaudio, quod sibi demonia subijciantur, repressit exemplo Luciferi dicens: Videbam Sathanam sicut fulgur de caelo cadentem. In secundo commendat liberalitatem benefaciendi, nulla expectata compensatione, quod maiorem à Deo referant. Nam reprehenduntur, qui aliter agunt: Quis est in nobis, qui claudat ostia & incendat altare meum gratuito?

PUNCTVM III.

INSTITUIT Dominus discipulos ad missionem: Ecce ego mitto vos sicut oues in medio luporum; estote ergo prudentes sicut serpentes, & simplices sicut columbæ. Vbi sex virtutes

1.
Cur binos.
Prou. 18. 19.
Eccl. 4. 10.

Mat. 18. 20.

2.
Potentiā
dar suam.
Matt. 10. 8.

Mandat
humilitatē.

Luc. 10. 17.

Malac. 1. 10.

Mat. 1. 16.

6. Virtutes

commen-
dantur,
Manluetu-
do.

Patentia,
Charitas,
Fiducia.

Isa. 11, 6.

Prudentia.

Simplici-
tatis.

Luc. 3, 22.

I.
Superflua
reijci.

Matt. 10-9.

tes eis commendat: *Manfuetudinem* ouium; vt nec laesi noceant; *Patentiam* in ferendis incommodis illatis; *Charitatem*, impendendo se totos vtilitati aliorum, sicut oues lac lanam & carnem suam praebeant. *Fiduciam* in pastore suo, tanquam oues, quae se tueri nequeunt. quare ait: *Ecce ego mitto vos vt pastores*, confidite, quamuis inter lupos. Hoc enim est tempus, de quo praedictum: *Habitabit lupo cum agno, & pardus cum haedo accubabunt*, &c. Item *prudentiam* serpentum, vt caput a vulnere abscondant, quando nequeunt corpus, caetera perdant, dum animam seruent, & obturent aures ad voces incantantium, maleq; suadentium. Atque vt serpens obseruauit tempus locumq; aptum ad seducendam Euam, ita ipsi ad Euangelium insinuandum. Postremo *simplicitatem columbinam*, ne prudentia sit vulpina & fraudulenta, sed absq; felle, sincera. Oculi tui columbarum, quales Christi, in quem descendit Spiritus sanctus sicut columba. Det ille mihi, vt norim prudentiam cum simplicitate coniungere.

PUNCTUM IV.

VITAE rationem modumque praescribit. 1. Vetat superflua, vt sunt pretiosa. *Nolite possidere aurum, neque argentum, neque pecuniam in zona vestris.* Et in communibus vetat non necessaria: *non peram in via; neque duas tunicas, (si sufficit altera) neque calceamenta mutatoria, neque virgam*, quamuis mi-

nima,

nima, quibus carere valeas, iubet abijcere, quin in planè necessarijs vult eos Deo fidere. *Dignus est enim operarius cibo suo.* Suppeditabit eis, qui mittit. Vnde in cæna vltima dicebat, *quando misi vos sine sacco & calceamentis, nunquid aliquid defuit vobis?* nihil. Planè omni sollicitudine tēporali liberos esse vult, qui euangelizant, sique bene officio fungantur, in eo satis subsidij eos habere ad vitæ necessaria, quæ iure suo expectare à mittente Deo possunt, ac debent, qui excitabit homines, ut ipsis subueniant, etiam abundanter. Voluit Christus exercere suos in quadam perfecta fiducia diuinæ erga se prouidentiae, non ut id foret in posterum præcepti, secundum eum vigorem, sed ut tantum ad eam formam, quoad fieri posset, Apostolici viri adniterentur. Amplius prohibet, *neminem in via salutaueritis*: videlicet, ne à suscepto negotio se retardari sinant, per officiosas salutationes, & non necessaria officia. alioqui vult salutari hospites suos, & pacem eis impertiri. *In quamcunque domum intraueritis, dicite: pax huic domui.* Quod si ibi fuerit filius pacis, re-
quiescet super illum pax vestra, sin autem, ad nos reuertetur; significat prædicationem fore efficacem in filijs pacis, qui præordinati sunt ad vitam æternam. quod si tales non fuerint, nihilominus ipsos operæ suæ fructum relatu-
turos.

Luc. 22. 35.
Sine sollicitudine tēporali.

Luc. 10. 4.
Ne salutent.

Luc. 10. 5.

PUNCTVM V.

Scopus.
Luc. 10. 7.
Regnum
cælorum.

Matt. 11. 2.

QUID annuntiare debeat: *dicite illis, Appropinquauit in vos Regnum Dei. Duo efficacia motiua, & promissio Regni Dei, & spes propinqua, præsentem iam Saluatorem. Et exeuntes prædicabant, ut pœnitentiam agerent, quâ ad Regnum peruenirent. Nam Regnum cælorum vim patitur, & violenti rapiunt illud.*

MEDITATIO XVI.

Martyrium Ioannis Baptiste.

PUNCTVM I.

In Decol-
lar. S. Io
annis Bapt.
29. August.

Marc. 6. 20.

Non time
Herodem.

Matt. 14. 4.

IOANNIS fortitudo, & constantia animi; qui cum magni fieret ab Herode, qui metuebat Ioannem, sciens eum virum iustum & sanctum, & audito eo, multa faciebat. cumq; Herodiadis impotentiam animi & crudelitatem non ignoraret, neq; ob gratiam, neque ob metum destitit à reprehensione dicens Herodi: *Non licet tibi habere uxorem fratris tui.*

PUNCTVM II.

Restabat
persecutio
Ioanni.

HERODES tenuit Ioannem, & vinxit & inclusit in carcerem. Hactenus in honore fuerat Ioannes, debuit persecutionibus tantam aurum probari. Nec abnuitt, aut captauit latebras, aut fugam, sed promptum se obtulit, carceremq; in domum orationis vertit, nec destitit à prædicatione. Inde enim misit

disci-

discipulos ad Christum. cupiebat autem dissolui, & Patribus etiam Lymbi Christum annuntiare, ex officio præcursoris.

PUNCTUM III.

VITIA conspirabant in Sanctum. Inglu-
uies conuiuij, luxuria Herodis, leuitas
puellæ saltantis, iactantia promissi, ficta Re-
ligio iuramenti, illum neci destinant. Et huc
præcipitatus est Herodes, quod audire Ioan-
nem desijt, qui interpretatur gratia. sic, cum
occludimus aures diuinis inspirationibus,
quotidiè in peius ruimus.

Exercitus
Dæmonis.

PUNCTUM IV.

OBTRVNCA TVR Ioannes: excepit
gaudio sententiam mortis, præbuit iu-
gulum, orans pro persecutoribus suis. Dedu-
citur eius anima in sinum Abrahamæ ab Ange-
lis, & qui Natiuitate sua multos lætificauit,
migrans è corpore replet lætitia Sanctos,
qui Saluatorem expectabant. Cuius Sancti
gloria æstimari potest ex vita sanctissima,
quodque tribus laureolis, *Virginis, Doctoris,*
Martyris insigniter decoratus sit.

Mors &
gaudium S.
Ioannis.
Gloria
eius.

3. Corolla.

MEDITATIO XVII.

Miraculum quinq. panum. Matt. 14.

PUNCTUM I.

MVLTA turba sequebatur Christum,
partim admiratione doctrinæ, par-
tim,

Domin. 4.
Quadrag. &
ultima post
Trinitatis.

1.
Turba
pietas.

Ioan. 6. 2.

Osee 14.

2.

Misericor-
dia Apo-
stolorum
parua.

3.

Christi

magna.

Mar. 8. .

Mat. 5. 2.

4.

Sollicitus
Christus.

Ioan. 6. 5.

Paupertas
Christi &
Discipulo-
rum.

tim, quia vid bat signa, quæ faciebat super his qui infirmabantur, vt ait Ioânes. Hi sunt funi- culi Adæ, funiculi charitatis, de quib⁹ Osee, be- neficia tû corporalia, tûm spiritualia. 2. Apo- stoli misericordia moti petierûnt à Christo, vt turbas dimitteret, quò sibi esse emergent in proximis castellis. At Dominus monet, vt ipsi potius eis subueniant, ita docens: Prælatorum misericordiam debere dilatarî, & quando de- est facultas, recurrendum ad Deum. 3. Alibi Christi hæc misericordia magis exprimitur: Misereor inquit, super turbam, quia ecce iam triduo sustinent me, nec habent quod mandu- cent: & si dimisero eos ieiunos, discurrunt in via, quid enim ex eis de longe veniunt. quàm exactè expendit necessitatem nostram, & ra- tiones subueniendi examinat, ac pericula peruidet, vt quasi debeat subuenire? At quid magni Domine, si triduo te sustineam, qui tu- am vitam omnem in mea vtilitate ponis? & quidni de longe veniam ad te, quando tu de cœlis, propter me? age, ne me ieiunum dimit- tas, ne deficiam in via, donec perueniam pla- nè ad te. 4. præ se fert Christus sollicitudinem suam, quando rogat Philippum: vnde eme- mus panes, vt manducent hi? negat ille, suffice- re vel ducentos denarios, vt modicum quæ acci- pias. At pecunia tibi opus non est, Domine.

PUNCTVM II.

CHRISTVS petit à Discipulis id, quod habebant, & obtulerunt ei quinque panes

hor-

hordeaceos, & duos pisces. Hæc erat tota pro-
 uisio, panes omnino viles & insipidi, & quin-
 que tantum cum duobus piscibus, cum essent
 ipsi piscatores. Tam aberat ab ea sancta fami-
 lia superfluitas, ex quo ipse confundar, ama-
 tor commoditatum. Promptè exhibent Apo-
 stoli, non causati indigentiam propria n. sic
 agam, quia repender copiosè Dominus. Pote-
 rat aliter Christus providere, sed voluit pro-
 bare charitatem discipulorum, & facere par-
 ticipes boni operis, simulque docere, quando
 non valemus ex toto subuenire, conferendum
 à nobis, quod possumus, tam in corporalibus
 necessitatibus, quàm spiritualibus, sicut monuit
 Tobias; *quomodo poteris, ita esto misericors.*

Prompta
 Eleemosy-
 na.

Tob 4.8.

PUNCTVM III.

SERIES miraculi. 1. Iussit discumbere cen-
 stenos, & quinquagenos supra viride foc-
 num, ad vitandam confusionem; & ut nume-
 rus scilicet constaret, qui fuit quinque mil-
 lium, præter mulieres & pueros; & ut omni-
 bus manifestius fieret miraculum. 2. *aspexit in*
cælum. sic profitens, à Deo esse omne donum,
 & illam ipsam patrandi miraculi potestatem.
 3. gratias agit pro illis ipsis quinque panibus
 propositis, & pro multiplicandis ex eis. Nihil
 tam exiguum, quod non magnificandum, &
 pro quo non debeantur grates, quia venit à
 Domino ad immeritos. 4. *benedixit* certis ver-
 bis, & benedicendo vim impertijt multipli-
 candi. Tum frangens panem, *dedit discipulis,*

1.
 iubet dis-
 cumbere.

2.
 Cælum a-
 spicit.

3.
 Gratias
 agit.

4.
 Benedixit.

hi au-

Modus e-
dendi.

1.

2.

Psal. 67. 4.

3.

4.

1. Tim. 4. 4.

hi autem turbis. Docemur modum sumendi cibum. 1. ordinate dispositis conuiuiis, inter quos mihi eligam nouissimum locum. 2. vt leuentur oculi mentis in coelum; coram Deo inspectore edentes sine excessu, sicut ait: *Iusti epulentur, & exultent in conspectu Dei.* 3. gratias agant, recognoscentes cibum appositum pro eleemosyna Dei, tam pauperes, quam diuites, ac cum talis sit, non obmurmurando de quouis defectu. 4. vt præcedat benedictio per aliquam precationem, quæ & sumptionem comitetur, quod cibis fiat sapidior. nam *sanc- tificatur cibus per verbum Dei & orationem,* teste Apostolo. Exprimitur etiam ratio sumendi Eucharistiam, de qua parte 4. Medita-
tione 14.

PUNCTVM IV.

Deut. 32. 9.

1.

Omnipo-
tentia.

Psal. 77. 20.

Deut. 8. 15.

Sap. 16. 26.

2.

Prouiden-
tia.

Mat. 6. 31.

EXPENDITVR miraculum. Multiplican-
tur panes in manibus Christi, Apostolo-
rum, & comedentium, atque ex insipidis fiunt
sapidi, vti ex manu Dei venientes, cuius *perfe-
cta sunt opera.* 1. Considera omnipotentiam.
& quis non velit tam potenti Domino serui-
re? qui potest *parare mensam in deserto, & edu-
cere aquam de petra, oleumq; de saxo durissimo?*
*qui transfert Austrum de cælo, & pluit sicut a-
renam maris volatilia pennata?* vt sciant filij
tui, quos dilexisti. Domine, quoniam non Na-
tuitatis fructus pascunt homines, sed sermo
tuus. 2. Considera prouidentiam, quando ita
opus est, vt meritò dixerit: *nolite esse solliciti,*

quid

quia manducabimus, aut quid bibemus? scit enim Pater vester, quia his omnibus indigeris. Querite ergo primum Regnum Dei & iustitiam eius, & hæc omnia adiicientur vobis. Unde dicebat Dauid: non vidi iustum derelictum, nec semen eius quærens panem. 3. Modum providentiæ; vt, cum diuersæ ætatis, & complexionis essent, quod dabatur singulis, sufficiebat pro cuiusque necessitate: sicut de manna, siue plus, siue minus quis colligeret. Et si hîc multum superfuit de panibus, ad Dei magnificentiam declarandam. 4. Id in Eucharistia est illustrius, quæ nunquam cõsumitur, & quamuis hostia in mille partes diuisa, non plus habet, quàm singulæ, & satiatur quiuis ex ea parte, quam sumit.

PUNCTVM V.

SUPERFVERÈ duodecim cophini fragmen-
torum: quot erant Apostoli, qui colligebant. En quantum eis reddidit, & quanto melius, pro quinque insulsis panibus: ita viduæ illi de farina & oleo factum à Deo, quod pauisset Elizabeth. Ita eleemosynas in pauperes remunerat. *Fœneratur Domino, qui miseretur pauperis.* & qui in hac vita sic compensat, quomodo in futura? *mensuram bonam & confertam & coarctatam dabit in sinum vestrum.* Sed quæ admiratio turbæ, quæ læticia? Regem destinabāt ubi: ideo fugit in montem solus, ad exemplū contemptus. Et quia Regnum eius non est de hoc mundo.

Psal. 36. 25.

3.

Omnes satiat.

4.

Miracula
S. Eucharistia.Gratitudo
Christi erga Apostolos.

Prou. 19. 17.

Luc. 6. 38.

Turbæ.

Ioan. 18. 36.

ME-

MEDITATIO XVIII.

Sedata Tempestas. Marc. 4.

PUNCTVM I.

Marc. 4. 36.

1.
Sit somnus
sed modicus.

2.
Fingit
Christus
somnum.

3.

POST cencionem prolixam, cum sero esset factum, ascendit in nauiculam cum discipulis suis, & erat ipse in puppi supra ceruicem dormiens. 1. Captat somnum, quo ostendit, se humanis subiectum, sed modicum, & cor eius vigilabat, videbatque omnia, quæ fiebant. imitabor, & bonis phantasmatibus per somnum præbebo occasionem. 2. Dormit, dum nauicula operitur fluctibus. sinit nos tentari, & dissimulat, non ideo deserit. 3. sic proficitur in humilitate, purgantur vitia, fiducia excitatur, & orationi insistitur, occasione tribulationum.

PUNCTVM II.

Matt. 8. 25.

Marc. 4. 38.

Orant discipuli.

Psal. 118. 94.

Psal. 43. 23.

DISCIPULI suscitauerunt eum dicens: Domine salua nos perimus. & Magister, non ad te pertinet, quia perimus? Singulare remedium ad Deum recurrere per orationem, vtraque formula & breuis, & efficax, & posterior cum quadam filiali querimonia, ac si dicant: Tuus sum ego. saluum me fac. Et exurge, quare obdormis Domine? obliuisceris inopia nostra, & tribulationis nostræ? Corripuit tunc illos Dominus: quid timidi estis, modice fidei?

et si

etſi enim eſt, quòd timeatis ex vobis, at oportebat in me confidere.

PUNCTVM III.

IMPERAVIT ventis & mari. Et commi-
natus eſt vento, & dixit mari, tace, obmut-
teſce. & ceſſavit ventus, & facta eſt tranquil-
litas magna. Inſenſibilia agnoſcunt imperium
creatoris, & parent!, & ego reſiſto? non ſo-
lùm tacere iubet, quaſi ad tempus, ſed planè
ſedari, ſemota cauſa. O, ſic animæ meæ tu-
multus còpelcat. Eſt enim quaſi mare ſeruens,
quod quieſcere non poteſt, & redundant fluctus
eius. Et mirati homines dixerunt: qualis eſt
hic, quia venti & mare obediunt ei?

Omnipo-
tètia Chri-
ſti.

Iſa. 1. 7.

MEDITATIO XIX.

Chriſtus ambulat ſuper mare.

PUNCTVM I.

COMPVLIT diſcipulos aſcendere in na-
uiculam, & dimiſſa turba, aſcendit in
montem ſolus, orare.

Oſtaua SS.
Petri &
Pauli 7. Iul.

Mat. 14. 22.

1. NOTA, quàm ſtudioſus orationis, cap-
tato loco, & tempore apto, & producta uſque
ad quartam vigiliam noctis. 2. Quòd ægrè
à Chriſto ſeiungebantur Apoſtoli, vt opor-
tuerit eos cogere, ſicut ait Marcus. Obadie-
runt tamen. 3. Aliàs, Chriſto dormiente, nunc,
eo abſente, oritur tempeſtas, ad probatio-
nem fidei, ſubtrac̃ta ſenſibi-
li gratia.

1.
Orationis
ſtudium.
2.
Marc. 6. 43.
Marc. 4. 38.
3.

PUNCTVM II.

1.
Discipuli
non despe-
rant.

2.
Christi
charitas.

1. Ioan. 2.1.

3.
Omnipo-
tentia,
Ps. 68. 3. 32.

4.
Inanis ti-
mor.

NAVICVLA iactabatur fluctibus, & vidit
eos laborantes in remigando. 1. Non o-
portet seipsum deserere, sed conari, insisten-
do orationi, & poenitentiae, contra tentatio-
nes. 2. Vidit id Deus, quod solatio esse de-
bet tribulatis: nam *Aduocatum habemus apud
Patrem.* 3. *Circa quartam Vigiliam noctis
venit ad eos, ambulans supra mare.* Ut sic o-
stenderet, se potestatem habere supra aquas,
superque tempestates mundi huius. quod si
aliquando *insigatur ipse in limo profundi*, id
per dispensationem fieri pro nostra salute,
vnde victor euadens, *placuit Deo super virtu-
lum nouellum, cornua producentem & ungulas.*
Deinde significauit virtutes orationis, a qua
homo possit vndas calcare tentationum, nam
veniebat ab oratione. 4. *Viso illo, putau-
runt, phantasma esse, & conturbati clamaue-
runt.* Sic, qui periculo tempestatis non fue-
runt territi, vana specie consternantur. Et
fit, vt ad maiores difficultates intrepidi vin-
cantur fucatis.

PUNCTVM III.

Propria iu-
dicio de-
cipiuntur
nuli.

1. Cor. 11. 14

DELVSIO varia. 1. Sic quidam som-
nia sua putant reuelationes, & passio-
nes suas esse virtutes, puta impetum irae esse
zelum, carnalemque amorem esse spiritua-
lem. Tales ferè sunt superbi, proprio fidentes
iudicio, quibus se *transfigurat Diabolus in*

Ange-

Angelum luctu, vt internos motus à malo spiritu profectos pro diuinis habeant. Alij à propria imaginatione cum debilitate capitis seducti, persuadent sibi, vidisse se Christum, aut audisse ab illo. Denique ipsi etiam spirituales viri assueti diuinis, solent interdum cogitationes proprias pro diuinis habere. Vt cum Nathan Propheta, ex proprio spiritu approbavit, vt Dauid templum Domino edificaret, quod Deo ratum non fuit. Etsi Nathan non vt vates probauit. 2. Alij contrà, pro phantasmate habent, quod verè est Christus, solidam virtutem pro passione, veram inspirationem pro instinctu proprio. Et contingit id etiam proeclioribus in spiritu, sicut nunc Apostolis. Et est grauis tentatio, quando Christus pro phantasmate est. Sic aliqui inexperti eludunt reuelationes quaslibet, quasi Deus non se modò etiam communicaret. Vtrumque extremum est vitandum, tenendumque medium, iuxta Ioannis consilium: *Nolite omni spiritui credere, sed probate spiritus, si ex Deo sunt.* quò facit donum discretionis spirituum, quod Deus præsertim communicat præsulis, ad quos proinde recurrendum est.

PUNCTVM IV.

CHRISTVS se manifestat. *Ego sum: nolite timere.* non distulit consolari discipulos, se manifestando. proprium est Dei, vano timore discussò, ad solidam fiduciam erigere.

2.
Aliquibus
Christus
pro phan-
tasmate.

1. Ioan. 4. 1.

Pellit ti-
morem
Christi.

Ego sum,
terret &
mulcet.
Ioan. 18. 6.

gere, faciens intelligere, quod ipse est. Sicut enim cuius hominum solet voce sua agnosci, quia vnusquisque habet aliquid proprium, ita agnoscunt Dei vocem illius familiares. Et sicut eadem vox diuerso modo prolata varios affectus indicat, & effectus gignit in audiente: ita hæc Christi: *Ego sum*, Apostolos demulcet, *comprehensores prosternit*. O, agnoscam ex voce loquentem mihi Deum, & loquatur ille mihi in bonum.

PUNCTVM V.

Actus cha-
ritatis.

1.
Agnitio
Christi.

2. 3.
Desiderium
seruendi &
manendi.

Luc. 5. 8.

4.
Oblatio
sui.

Cant. 8. 7.

5.
Prudens
caritas.

C. 2. 4.

PETRI seruor: *Domine, si tu es, iube me venire ad te.* Quinque insinuat proprietates seruientis charitatis. 1. Illustratio mentis, quandoquidem *tu es*: videlicet, agnouerat verè vocem: *Ego sum*. 2. Cupit sibi aliquid iniungi ab eo: *Iube*. 3. Non sustinet à Deo abesse diutiùs: *Iube, me venire ad te.* Aliquando visa captara piscium, dixit: *Domine, exi à me, quia homo peccator sum.* nunc contrà, aduolare ad Christum vult, illud humilitatis fuit, hoc amoris; illa hunc facit tutiorem, & hic vicissim illam perficit. 4. Offert se ad maiora viribus, de virtute dilecti confidens, super aquas ambulare confidit, vt Magister, quia *aqua multa non extinguunt charitatem*. 5. Charitas est cauta & ordinata, non præsumit iniussa. O Deus, *ordina in me charitatem!*

PUNCTVM VI.

ANNVIT Christus, dicens: *Veni.* 1. I-
deo annuit, quia vidit, charitate impelli, & non sibi fidere, & resignatum esse. contra, reprehensus est in vltima cœna, quando se ad mortem offerebat, quia suberat præsumptio, & quidam contemptus aliorum: *etiam si omnes scandalizati fuerint.* 2. Annuit, vt probaret verum, quod eis dixerat: *Confidite, ego sum, nolite timere.* siquidē virtute illi⁹ verbi, *veni*, ambulare effaceret super aquas, quin & super basiliscum & draconem, & super mundi fluctus persecutionum. O, dic animæ meæ: *veni*, & erunt omnia peruia. 3. Vbi Christus annuit, continuo Petrus se in mare dedit. ad illius verbum non est herendum, quia *omnia possum in eo, qui me confortat.*

Matt. 26. 33.

Phil. 4. 13.

PUNCTVM VII.

PETRVS derelicitur. 1. Timuit ad Ventum validū, permittente Deo: ne extolleretur: & vt argueretur imperfecta fides, quæ à Christi intuitu descebat oculos, propter ventum, quæ vacillante, etiam gressus incedentis subsidebat. 2. Discitur, quod qui, Deo probante, adit pericula, Deus ei adest periclitanti, vt iam Petro, nam extendens manum, apprehendit eum. At, si temerè, & vanitatis causa deseritur. 3. Ingresso nauculam Christo, cessauit ventus, & statim navis fuit

x.

Petrus timet.

2.

Iuuatur.

3.

4.

ad terram. Disjicit subitò tentationes præsentia Christi, & terræ viuentium facit feliciter appellere. 4. Quòd Deus initia rerum magnarum reddit facilia, tum difficultates oriri finit, ad prouentum ex tentatione. Tandem consolatur, dum cernitur, quàm multum per eius gratiam possumus.

MEDITATIO XX.

Petrus Diuinitatem Christi confitetur. Matth. 16.

Marci 8.

PUNCTVM I.

Matt. 16. 13.

1.

Luc. 9. 18.

Jacob 1. 5.

2.

Ioan. 17. 3.

INTERROGATIO Christi: *Quem dicunt homines esse filium hominis?* 1. Lucas ait, quòd, cùm solus esset orans, interrogauit illos: vt intelligatur, Christi oratione impetratum esse lumen Petro, & similiter nobis obtinendum esse per orationem: *Si quis indiget sapientiâ, postulet à Deo.* Intelligitur etiam, interrogationem factam diuino Spiritu, ob vtilitatem nostram. 2. Interrogando captauit Christus occasionem manifestandi seipsum magis discipulis, quippe quòd fundamentum esset salutis: & ipse dixit: *Hæc est vita æterna, vt cognoscant te verum DEVM, & quem misisti IESVM Christum.* Deinde discatur, non esse abs re, opiniones hominum de nobis aliquândo cognoscere, vt defectus corrigamus, bona

autem

autem existimata acquirere, aut acquisita perficere studeamus, non ad vanitatem. 3. Christus *Filium hominis* se nominat vulgari, & vili appellatione (ne affectem à dignioribus titulis appellari.) Vnde mox exaltatur, dum *Filius Dei* pronuntiatur à Spiritu sancto.

PUNCTVM II.

Opiniones de Christo. 1. Apostoli non referunt, quòd Samaritanus, vorax. & potator, & peccatorum amicus diceretur, quia inuidiosa sunt tacenda, ne exasperentur animi, & Christus, quid *turbæ* dicerent, requirebat, vt Lucas habet, non quid scribæ, & Pharisei. 2. quòd homines circa Dei notitiam facile errent quòd Diabolus procurat, vt captiuos teneat in peccatis. Propterea *captiuus ductus est populus meus, quia non habuit scientiam. Et qui ignorat, ignorabitur. O, repleatur scientia Dei terra.* 3. Qui errant, ferè detrahunt Deo aliquid, dum suo iudicio metiuntur infinitum: vt cùm *Ioannem*, aut *Eliam* eum dicunt, qui erat Deus, peius qui Samaritanum, aut Dæmonium habentem; illi sanctitatem, isti potestatem Christo adimenes. 4. Mali etiam Christiani practicè ostendunt, se malè de Deo sentire, vt cùm ex præsumptione misericordiæ illius peccant; aut ex metu iustitiæ animum despondent. 5. Simile quid etiam euenit spiritualibus hominibus, quando suum spiritum volunt esse omnium, quasi non essent varij spiritus

3.

1. Tacent Calumnias.

2.

Isai. 5. 13. 1. Cor. 14. 38
Isai. 11. 9.

3. Errantes detrahunt.

4. Mali errant.

5. Errant boni Christum arctantes.

Sap. 7. 22.

ritus, modique seruiendi Deo ab ipso inspirati, cum scriptum sit: *Spiritus intelligentia. sanctus, vnicus, multiplex.* Et hi igitur, quasi Deo aliquid subtrahunt, & limitant eius sapientiam.

PUNCTVM III.

1.

2.
Petrus primo respondet.

3.

Tu es Christus.

Aggai 2. 8.

Psal. 109. 4.

Filius Dei.

CONFESSIO Apostolorum. *Vos autem quem me esse dicitis* 1. Quærit iam ex ijs, tanquam melius institutis, & quærit, ut magis eos confirmet. Quærit ego ex anima mea, quid de Christo, eiusque virtutibus, & quam sublimiter sentiat. 2. cum omnes interrogarentur, præuenit Petrus respondere, tum ob feruorem & Zelum, pro Magistri honore; tum quia Christus specialiter illum mouit, dando extraordinarium lumen illius feruori. Tanti est cum feruore agere, sed humilitate seruata, ne te præferas. 3. Confessio Petri. *Tu, qui ab alijs Elias, vel Baptista, vel Propheta haberi, es Christus ille Messias, Iudæis promissus, ille desideratus gentibus, ille sacerdos æternus secundum ordinem Melchisedech, ille propheta, quem audire omnes debent, ille sanctus sanctorum, ille vnctus oleo iustitiæ præ participibus suis.* Adhæc *Tu es filius Dei viui.* Non Christus, ut alij etiam vocarunt, sed *Christus Filius Dei, & viui,* quippe vitalem habentis generandi virtutem, & generandi sibi consubstantiali Filium, & ideo *es Filius* non adoptiuus, sed naturalis.

PVNCTVM IV.

COMPROBATIO confessionis. 1. ait, *Beatus es*, nam fundamentum Beatæ vitæ est, nosse Christum. 2. *Simon*, quod significat obedientem. *Bariôna*, quod est filius columbæ, seu filius Ioannis, quod est gratiæ, omnia quadrant in rem præsentem, in qua Petrus se talem exhibuit. 3. *quia caro & sanguis non reuelabit tibi*. Non est humani captus. 4. *Sed Pater meus, qui est in cælis*, quo profitetur, se verè talem esse *Filium Dei viui*, siquidem agnoscit à Patre coelesti venire hanc confessionem.

1.
Beatus
2.
Simon.
3.
Non naturaliter.
4.
Sed à Deo.

PVNCTVM V.

REMVNERATIO confessionis continet plures prærogatiuas. 1. impositio nominis *Petrus*, seu *Petra*. quam significat *Cephas*, & prædixerat Christus, ita aliquando vocandû. Nec nomen inane tribuit sine re absque soliditate veræ petræ, qualis esse debet fundamentum. 2. *Et super hanc petram edificabo Ecclesiam meam*. proculdubio super hanc. quam nominauerat *Petram*, nominauerat autem sic ipsum Simonem. Constituit igitur illum Ecclesiæ militantis fundamentum, & caput visibile, post ipsum Christum. 3. *& portæ inferi non præualebunt aduersus eam*, quippe fundatam à sapiente Architecto, non super arenam, sed super petram. Certi reddimur de soliditate huius petræ, vt nec flumina, nec venti, nec imbres possint eam subuertere, Christo ipso

- Merces S. Petri.
1.
Petrus.
Ioan. 1.
2.
Caput Ecclesiæ.
3.
Perseuerantia Ecclesiæ

4.
Potestas &
scientia cla-
uium.

fortitudinem impertiente petrae fundamen-
tali. 4. *Et tibi dabo claves. Regni caelorum.*
Clauem scientiae, ad veritates fidei proponen-
das & declarandas sine errore: Et clauem
potestatis, ad remittenda peccata, & omne
impedimentum auferendum, quo arcemur à
caeli ingressu. Atque hæc Petro data sunt prop-
ter Ecclesiam ipsam, & ita propter me.

Festo trans-
figuratio-
nis, 6. Aug.

Causa trans-
figuratio-
nis.

Matt. 16, 28

Deus citò
dat.

Marc. 8. 39.

In solitudi-
ne Deus.

MEDITATIO XXI.

Transfiguratio Christi. Matt. 17.

PUNCTVM I.

CVR voluerit transfigurari? vt latentis
gloriae in carne patibili daret specimen,
vt animaret discipulos, spe participandae si-
milis gloriae ad ferendam crucem, & quia in
hac vita Deus facit suos praelibare æternam.
De quo dixerat: *sunt de his stantibus, qui non*
gustabunt mortem, donec videant Filium ho-
mini in regno suo

PUNCTVM II.

TEMPVS, & locus. Tempus fuit in medio
cursu predicationis suae. Deinde, sex di-
ebus interiectis, ex quo hortatus est ad crucem,
promiserat, *aliquos visuros regnum Dei ante*
mortem. Non diu differt promissa Deus, &
quicquid est, hora est. Sex dies significant tem-
pus praesens, post quod sequitur sabbatum
requiei. Locus fuit mons segregatus, quippe

Deus

Deus se communicat segregatis à curis mundi, & celsitudinem perfectionis conscendenti-
bus. *Quis ergo mihi pennas dabit, & volabo?* Psal. 54. 7.
ecce elongaui fugiens, & mansi in solitudine: i-
bi ad cor loquitur Deus.

PUNCTVM III.

Qui spectatores tres fuerunt feruentio-
res: vt constet, non omnibus iustis im-
pertiri extraordinarios hosce feruores; &
quia, si omnes, etiam Iudas debuisset partici-
pare, nam solus prætermitti, absque nota, ne-
quibat. Sed neque semper feruentioribus ista
dantur, sed pro dispositione diuini consilij, ne
quis despondeat animū, si posthabeatur. Certè
Andreas, ex præcipuis, non adfuit. In tribus
discipulis designantur tres virtutes, quæ emi-
nere debent in oratione, vt anima transfigu-
retur. In Petro *viua fides*, in Iacobo *spes firma*,
in Ioanne *charitas ardens*. *Emitte Domine lu-*
cem tuam & veritatem tuam, ipsa me deducunt
& adducunt in montem sanctum tuum. & in
tabernacula tua. Inter orandum Christus
transfiguratus est: ibi participantur tales gra-
tiæ, splendet facies ab illustrationibus diui-
nis. radiosque mittit suauissimorum affectu-
um, candescit vestis ab operibus sincerissimæ
intentionis. Denique transformatur anima,
vt dicit Apostolus, *reuelata facie gloriam Do-*
mini speculantes in eandem imaginem
transformamur à claritate in
claritatem

Socios ele-
git feruen-
tissimos.

3. Discipuli
3. Virtutes
Theologi-
cæ.

Psal. 42. 3.

Orationis
virtus.

2. Cor. 3. 18.

PUNCTVM IV.

Gloria Iesu

Splendor:

Thren. 4. 7.

Can. 5. 10.

c. 6.

MODVS transfigurationis. Gloriam corpori suo debitam hætenus continuerat Diuinitas, quam nunc effundit in corpus. *Facies resplenduit vt sol, vestis vt nix.* non habuit quid maius, cui conferret, sed excessit gloria vtrumq;. Gratulabor Christo, & sacro eius corpori, cui ad modicum tempus impertita est gloria: quæ, post resurrectionem, fiet æterna. Hic est verè Nazaræus, *candidior niue, nitidior lacte, rubicundior eboe antiquo, & saphiro pulchrior.* Candidus & rubicundus, electus ex millibus, pulcher vt luna, electus vt sol. O Domine, & hac gloria, propter me, fraudasti carnem tuam per omne tempus vitæ mortalis! quantum ideo tibi debeo, ô Domine? quidni ego carnem meam priuem omnibus iacunditatibus nunc, vt vicem aliquam rependam?

MEDITATIO XXII.

Consecuta transfigurationem.

PUNCTVM I.

Moyſes &
Elias.

MOYSES & Elias circũstant Christum. idè isti potissimum, quòd notiores, & à sanctitate celebriores, quòd maximè zelantes pro lege, & populo Dei, quòd quadragenario ieiunio, & accessu ad montem (vbi diuinorum mysteriorũ, & Incarnationis Dominiæ participes facti sunt) in primis excelluerunt.

runt. Visi autem ipsi sunt in magna gloria, ad ipsius Christi maiorem honorem, cui famulabantur, & ut intelligeretur, iustos fore similes suo capiti. Quæ illorum lætitia, viso Redemptore! quas egerunt gratias! quàm reuerenter adorarunt! *Loquebantur autem cum Christo de excessu, quem completurus erat in Ierusalem.* de passione & morte, verè fuit excessus dolorum, sed & meritorum ac satisfactorum, supra totum debitum generis humani, excessus deniq; amoris, quo indigni eramus. Alioqui excessus è vita intelligitur. Sed quorsum in gloria mentio passionis? sic illam amabat propter nos, & docemur, consolationes esse ferendas, ad patiendum fortiter pro Christo, quod quantumcunque erit, excessus non erit, sed multo infra debitum nostrarum culparum, infraque vicem debitam illius amoris.

Luc. 9. 31.

De passione agunt in gloria.

PUNCTUM II.

QUOMODO se habuerint Apostoli. *Gratiati erant somno.* Cœperunt cum Christo orare, sed victi sunt. Ita contingit tepidis, qui proinde in oratione sua non transfigurantur, sicuti feruidi, quibus conuenit illud: *Melior est finis orationis, quàm principium:* quia in fine immutantur, tepidi remittunt, & sic fraudantur consolatione, & fructu.

Luc. 9. 32.
Apostoli dormiunt interim.

Eccles. 7. 9.

Cùm euigilantes vidissent Maiestatem Christi, & duos viros cum illo, atque hi pararent abire: Petrus obstupescens ait ad Iesum, faciamus

Luc. 9. 32.

Dulcedo
cœlestis
gaudij.

Psal. 30. 20.

1 Cor. 2. 9.

Philip. 3. 8.

ciamus hic tria tabernacula. Prò, quanta erit
cœli iucunditas, quando sic Petrus captus est,
vix tenuissimo illius indicio, vt sedem ibi æ-
ternam figere vellet, oblitus rerum omnium!
*quàm erit magna multitudo dulcedinis tuæ,
quàm abscondisti! quàm oculus non vidit, nec
auris audiuit, nec in cor hominis ascendit!* præ-
qua rectè S. Paulus *omnia detrimentum duxit,*
habetque pro *stercoribus.* Sed nesciebat Petrus,
quid diceret, ebrius à suauitate spectaculi,
& fortè, quia volebat impeditam passionem,
de qua loquebantur, sicut postea fecit, quando
& à Christo obiurgatus est. Verè nescit, quid
dicat, qui hanc vitam putat consolationis ef-
se, cùm sit crucis: & qui à Christo vult discre-
pare, moritur, cuius sequelam amplexus est.

PVNCTVM III.

Iesum ho-
norã: Spi-
ritus S. &
Pater,

Matt. 17. 5.

Ioann. 7. 16.

TESTIMONIUM de cœlo. *Nubes lucida
obumbravit eos.* in nube, Spiritus sanctus
intelligi potest, à quo abundantia donorum.
Et *lucida* erat, non vt olim, in qua apparebat
Deus, nebulosa, quia vmbre cessabant, veri-
tate exhibita, è nube vox Patris: *Hic est filius
meus dilectus, in quo mihi benè complacui* Idem
in Baptismo addit nunc, *ipsum audite,* ad com-
mendandam ipsius doctrinam, qui alioqui di-
cebat, *mea doctrina non est mea, sed eius, qui mi-
sit me.* Is in doctorem nobis datur. Lo-
quere igitur Domine, quia au-
dit seruus tuus.

PUNCTVM IV.

PROSTERNVNTVR Discipuli ad vocem. Bonus spiritus solet initio turbationem incutere, mox pacem. Vnde ait: *surgite & nolite timere* quòd si placida vox Dei sic commouet. quid illa terrificà iudicantis! *Leuantes autem oculos, neminem viderunt, nisi solum Iesum.* sufficit mihi, abscedant licet omnes, tu me nunquam desere. Prohibuit manifestari visionem, donec resurgeret, ad exemplum humilitatis, vnde & factum, vt paucis suam gloriam exhibuerit, qui confundi & mori coram omnibus non erubuit.

Humilis
Iesus.

MEDITATIO XXIII.

*Filij Zebedei petunt primas sedes,
Marci 10 Matth. 20.*

PUNCTVM I.

QVOMODO se insinuant, Magister volumus, vt, quodcunque petierimus, facias nobis. 1. Prædixerat Christus de sua Passione, & Resurrectione, sed ad illam non attendentes, ad gloriam tantum Resurrectionis sunt intenti sic ambitiosi agunt, 2. Modus etiam orandi est ambitiosus, volumus, inquit, quasi eorum voluntas debeat esse ratio dandi, nec habent resignationem, quia non addunt, si tu vis, aut expedit. Denique cum præsumptione, quodcunque petierimus, quasi nihil eis negari deberet, nempe abusi sunt Christi promisso, quacunque orantes petitis credite, quia accipietis. At petitio nasci debet ex amore Dei

In fessio I-
cobi Apo-
st. li 25.
Iulij.

Marc. 10. 35.

1.

Ambitiosi.

2.

Voluntas
propria.

Mar. 11. 24.

non

3.
Conspirant
ambitiosi.
S. Bern. ser.
6. in Ps. 96.
Psal. 90. 6.

non suimet, & quæri debet eius gloria, non propria. 3. Conspirant ambo fratres in vitium ambitus, & matris vtuntur officio; *quæ accessit cum filiis adorans*, pro reuerentia, ad captandam gratiam. solet ambitio velle se occultare, quare dicitur in Psalmo, *Negotium ambulans in tenebris.*

PUNCTVM II.

Contra Petrum
conspirant.

Excellentiam in
spiritualibus
& temporalibus
quærent.

EXPRIMITVR petitio. Christus ait, *quid vultu, vt faciam vobis?* sciebat ipse, sed volebat, vt ipsi vlcus aperiant suum Nec promissit se facturum, quicquid illud sit, quia non expedit, sicut Herodes fecit saltatrici. Petunt, *vt vnus à dextris, alter à sinistris sedeat in Regno Christi.* Tantum erant solliciti de Petro, ne sibi præferretur: ideo ambo loca petunt, illo autem excluso, inter ipsos certamen fuisset de dextra, sic ambitio est inquieta: quam melius, sequi Christi consilium, eligendo nouissimum locum, vnde pax animi, & humilitatis fructus reportatur. Nota, quod ambitio circa corporalia, & spiritualia quoque versatur. Isti fratres si putabant, Christi Regnum fore corporale coram Iudæis, talem etiam primatum affectabant; si spirituale, etiam illo præminere volebant, non tam sanctitate, quam honore.

PUNCTVM III.

Vita orationis.

CHRISTVS redarguit petitionem. *Nescitis quid petatis.* Errores in orando.

1. si

1. si quid terrenum peratur, sine resignatione.
 2. si aliquid excellens, licet spiritali petatur,
 sine resignatione, & non pura intentione. 3. si
 quid valde extraordinarium, ex ignorantia,
 aut humilitatis defectu, vt reuelationes, &
 singulares feruores. 4. si talia, non se aptos
 præbendo; sed precibus tantum contendendo,
 petantur. 5. si quæ certaminis sunt præmia,
 citra illud petantur. Ex aliquo horum defectu
 redarguta est petitio duorum discipulorum,
 iuxta varias interpretationes. Cauebo, gratiâ
 petam orandi, sicut oportet.

PUNCTVM IV.

CHRISTVS ostendit defectum petitio-
 nis: *Potestis bibere calicem, quem ego bibo?*
aut baptismo, quo ego baptizor, baptizari? Be-
 neficium est, non tantum petita dare, sed ne-
 gare etiam, docendo, quid, aut quomodo o-
 porteât petere. Vt cum iisdem petentibus, vt
 ignis descenderet in Samaritas, respondit:
Nescitis cuius spiritus sitis. Filius enim hominis
non venit animas perdere, sed saluare. 2. suauiter
 eis ostendit viam ab exemplo sui, qua per-
 ueniant ad loca quæ sita, & efficacem ratio-
 nem insinuat. nam, si ipse calicem debuit bibe-
 re, quomodo non ferui? 3. Calicem & baptis-
 mum vocat passionem suam, à more quo so-
 lebant olim malefactores vel venenato po-
 culo, vel aquis suffocari. Per quæ etiam signi-
 ficatur duplex passionum genus, internarum
 animæ & externarum corporis: ait autem:

1.

2.

3.

4.

5.

1.

Christus
negat pe-
tita.

Luc. 9. 55.

2.

Passio me-
dium ad
loriam.

3.

4.
Calix tri-
plex.

quem ego bibo. quia in desiderio semper ei erat,
& re proximè erat bibiturus. 4. Est triplex
calix, passionis, gloriæ, poenæ: ad primum
hortatur nos, vt secundum participemus: age,
anima, bibe, cogitabo, quæri ex me: Potes ne?
excusiam meipsum.

PUNCTVM V.

1.
Offerre se
superbè.

2.
Inconfide-
rati.

3.
Spiritu Dei.
Philip: 4 13.

Sola meri-
ta extollit.

CONSENTIUNT, & dicunt: *possumus.* 1.
Talis promptitudo oritur aliquando ex
ambitionis spiritu, quo ita ferimur in optata,
vt difficilia etiam media non recusemus. 2.
Ex feruore in experti, vt dulce bellum inex-
pertis, atque generatim solum ad patiendum,
quod sic non tantopere perterret. 3. ex spiritu
diuino, quo *omnia possumus in eo, qui nos cõfor-
tat.* Porro beneficium Dei est, cum calicè suum
alicui bibendum propinat, vti his fratribus,
quorum alter martyrium obiit, moriendo, al-
ter patiando tantum; vt & ordo Martyrum, &
alter Confessorum comprobaretur. Ad eorum
promptitudinem bibendi respondet Domi-
nus: *bibituros quidem*, sed dare primas sedes,
non esse suum, sed debere ijs, quibus paratæ
sunt à Patre. Vbi sapienter non reijcit illos à
petito gradu; sed docet, non respectu propin-
quitate, aut gratificandi gratiâ potentibus
illum concedi, sed iuxta diuinam dispositio-
nem, quæ destinauit eum magis merenti-
bus, è quibus si fuerint, etiam
adire poterunt.

PUNCTVM VI.

INDIGNANTVR reliqui Discipuli: mirum, cū audissent obiurgatam suam ambitionem, ipsi in idem vitium incurrunt, indignantes, quod illi præferri ipsis voluerint. Sed mansuetissimus Dominus adscitos omnes admonet exemplo duplici proposito, altero terrenæ potestatis, quæ in eo ponit excellentiam, vt dominetur. idque est fugiendum. Altero sui, quod imitari debeant. Nam cū Dominus esset & Magister, pro ministro se gerebat, neque principari alijs quærebat, sed saluos facere suo sanguine. Ita, qui præstat dignitate, non amet exercere imperium, sed seruire vtilitati suorum.

Ambitio
pestis ser-
pit.

Christum
sequere.

MEDITATIO XXIV.

De Lazaro Mendico & Epulone.

Luce 16.

PUNCTVM I.

Dominica
prima post
Trinitat.

LAZARI vita fuit exercitium patientiæ, Lazari pa-
tencia ap-
tius. 1. toto corpore vlcerosus, vt se mouere nō
parat ex
valens, ad ianuam diuitis iaceret: & ferebat,
quatuor.
conformans se diuinæ voluntati. 2. extreme
1.
pauper. 3. ita desertus, vt, cū saturari vel de
2.
micis vellet diuitis, nemo ei daret. 4. tam mi-
3.
ser, vt canes lingerent plagas, nec abigere pos-
4.
set. Vel, si id innata canibus pietate faciebant,

poterat inde eò magis cruciari, quòd homines essent ijs crudeliore. Typus fuit Christi. singula illorum pati, est tolerabile. quando aliunde suppetit solatium, at omnia simul, id est, omni penitus leuamine carere.

PUNCTVM II.

Psal. 115. 15.

Corpore
vili.

Anima

pretiosus.

Num. 13. 10.

2. Cor. 4. 17

MORS Lazari: vilis coram hominibus, *pretiosa autem in conspectu Dei.* quando & *Angeli*, non vnus, sed plures, *portauerunt animam illius in Abrahe sinum*, incredibiliter exultantem, cui gratulabantur ipsi Angeli. Dæmones autem cõfundebantur. *Moriatur anima mea morte iustorũ, & fiant nouissima mea horum similia.* At nũc quanta gloria fruitur in celo? *momentaneum & leue tribulationis, supra modum in sublimitate æternum gloria pondus in ipso operatur.* Vlcera, paupertas, desolatio, miseria, tranſſere omnia, successeſſere his cõtraria & quidem supra modum, & æſtimationem mortalium.

PUNCTVM III.

1.
In hac vita
honoratur
Lazarus.

2.
Canoniza-
tur.

Psal. 118. 17

HONOR Lazaro habitus à Christo. *1. vt nomen illius proderet, ad memoriam sempiternam, cum diuitis suppresserit. Vt intelligant iusti, quamuis contempri, curæ se esse Deo, & in tempore ab illo honorandos. Vbi nunc forent FRANCISCI, & similium nomina, nisi sanctitas Deo illos probasset? 2. quòd Christus canonizauit Lazarum, vt pro sancto haberetur & coleretur. Nimis honorati sunt a-*

mi tui Deus. idque facit potissimum ob meritum patientiæ, quæ præcipuum est sanctitatis argumentum. Nam, qui se subiicit ita Deo, vr omnia eius causa ferat patienter, quomodo non in alijs omnibus eidem obediat? Itaque in sanctis tria hæc spectanda sunt: *Vita, mors, honor à Deo habitus.*

PUNCTVM IV.

OPPROPOSITA vita Epulonis, ad fastum inducebatur purpura, & splendida exhibebat conuiuia, ob molliciem induebatur bysso, & indulgebat genio: Auarus & crudelis in pauperes, & similes habens famulos, qui nec de micis darent, peiores ipsis canibus. Hinc proinde Christus detestatus, nec nominare quidem voluit, quia *nomen impiorum delebitur.*

Vita Epulonis & vitia.

Ecd. 41. 14.

PUNCTVM V.

MORS epulonis misera *Ducunt in bonos dies suos, & in puncto ad inferna descendunt.* Mortuus, inquit, est diues & sepultus est in inferno. Hic finis diuitiarum, deliciarum, superbiæ. *Quid nobis profuit superbia, & diuitiarum iactantia quid contulit nobis?* Quanta incurrit tormenta, exposuit Christus. 1. pro purpura & bysso operiebatur flammis. 2. pro gula, siti cruciabatur intolerabili. 3. pro immiseriacordi pectore non impetrauit vel guttam aquæ ad refrigerium. 4. super hæc videbat Lazarum in sinu Abrahæ gaudentem. Di-

Mors infelix.

Iob 21. 13.

Sap. 5. 8.

Cruciatus eius.

1.

2.

3.

4.

scimus, supplicia respondere qualitati culparum.

PUNCTUM VI.

Pro voluptate huius vitæ gehēnam capit.

Contrà Lazarus.
Omnia malis cooperantur in poenam.

IVS TVM Dei iudicium erga vtrumque. **I**nam respondit Abraham diuiti: *Fili recorde, quia recepisti bona in vitâ tua, & Lazarus similiter mala, nunc autem hic consolatur, tu verò cruciaris.* Quasi utrobique nequeat esse eadem fors, sed vices mutet. *Tu recepisti bona,* quibus abusus es fruendo, iste mala, qui patienter ferendo consolationem promeruit. O malim pati in hac vita, siquidem ita sit, sed quod grauissimum est, iudicium hoc est immutabile. *Magnum chaos inter nos & vos firmatum est,* vt non detur commutatio in æternum & vltra. Petit saltem moneri fratres suos, vt caueant sibi à simili casu. non ex charitate fratrum petit; sed, quia sibi futuri essent ad poenam, quos malo exemplo corrupisset sic omnia in malum malis cooperantur, bonis autem in bonum. Negatur ei hoc ipsum, quia plus valere debet Prophetarum auctoritas, quàm apparentium ex mortuis testificatio. Et si Scripturæ sacræ non credunt, facilius eludunt apparitiones. Infigam cordi meo diuinæ Scripturæ serias comminationes, vt non peccem Deo.

DE MIRACVLIS A CHRI-
sto factis circa homines, vel ani-
mis, vel corporibus consulendo,
vel vtrisque.

MEDITATIO XXV.

De Conuerfione Magdalene. Luc. 7.

PUNCTVM I.

STATVS Magdalene. *Erat in ciuitate*
Peccatrix: palam talis. & de luxuria in-
telligi solet, licet non nominetur, nam nec
nominari vult Paulus, nedum esse. etiam di-
citur: *ieiecisse ex ea septem demonia*, quasi vni-
uersaliter criminu, & speciatim illa septē
lethalia, quorum est diabolus instigator. Hæc
tamen inuenit remedium. ne diffidam, dum
imitor poenitentem.

Credendum, eam audisse Dominum con-
cionantem, & illius mansuetudine cognita,
ausam esse, sed præsertim intus illustratam,
vt intelligeret, quàm præstaret, illum amo-
rem à creaturis in Creatorem conuertere. At-
que istud est *trahi in vinculum charitatis*: & o-
bediuit festinanter, non expectato tempore,
vel loco opportuno, *irruit conuiuium*.

*Non tardes conuerti ad Dominum, nec dif-
feras de die in diem, subitò enim
veniet ira illius.*

Festo Mar.
Magdal.
22. Iulij.

Peccatrix.

Ephes. 4. 3.

Marc. 16. 9.

Ocasio
conuersio-
nis Con-
cio.

Osea 11. 4.

Eccles. 5. 8.

PUNCTVM II.

Magdalene

1.

Fides.

2.

Humilitas.

3.

Amoris
vis.

4.

Pœnitentia.

Rom. 6. 19.

Bar. 4. 28.

1.

Duo iudicia
Pharisæi
de Christo.

Isa. 65. 5.

FERVOR pœnitentiæ. 1. Elucet rara fides de Christo, quòd Deus esset, qui posset peccata remittere, quòd cordis arcana nosset: vnde illa nihil protulit verbo. Sola hæc legitur accessisse ad Christum pro animæ remedio. 2. Humilitas, quâ posthabuit confundi ab hominibus, & *stetit retrò secus pedes*, indignam se ducens conspectu Christi. 3. Vis Amoris cum dolore & deuotione, vt ex signis apparebat. *Lachrymis pedes Christi rigabat*, deplorans maiores suos gressus, & lauare gratiâ Christi cupiens: *tergebat capillum*, vt abstergerentur culpæ. *osculabatur*, vt pacis & reconciliationis osculû impetraret. *ungebat*, vt vngeretur ipsa meliori vnguento virtutum, absterfo foetore vitiorum. 4. Fecit instrumenta pœnitentiæ, quæ fuerant vanitatis, capillos, vnguenta, oculos, implens illud: *Sicut exhibuistis membra vestra seruire iniustitiæ & iniquitati ad iniquitatem, ita nunc exhibete seruire iustitiæ in sanctificationem*. Et illud: *Sicut fuit sensus vester, vt erraretis à Deo, decies tantum, iterum conuertentes, requireretis eum*.

PUNCTVM III.

1.

IUDICIUM temerarium Pharisæi duplex: 1. De Christo, quòd non esset Propheta, si quidem ignoraret, qualis esset mulier, vel si nosset, quòd tangi ab ea se permetteret. scilicet erat ex illis, de quibus Isaïas: *Qui dicunt, recede à me, non appropinques mihi, quia im-*

mundus

mundus es. de quibus subdit: *Isti fumus erunt in furore meo. ignis ardens tota die.* sciebat igitur Dominus, qualis esset, sed tangi sinebat se, vt illa inde sanctificaretur. 2. Iudicium temerariū de muliere, quod perseveraret esse peccatrix, cū ex signis colligere deberet contrarium. Et sunt tales, qui, quem semel apprehenderunt, esse malum, de eo nunquam bene sentiant, quibuscunq; in contrarium indicijs datis. quod maximē Superiores vitare debent, nam præbent subditis desperandi occasionem. Et alienum est à Bonitate Dei, qui poenitentem restituit primo fauori.

PUNCTVM IV.

CHRISTVS vtitur parabolā ad redarguendum Phariseum pro Magdalena. qui tamen intra se tantū cogitauerat, quod non esset Propheta: ostendit autem Christus, se esse, vt etiam cogitationes Pharisei peruideret, & ipsos Magdalene affectus, vnde pro hac contra illum pronuntiat. Vtitur prudentia singulari, quasi veniā petitā. *Simon habeo tibi aliquid dicere.* nec statim redarguit, sed insinuat se per parabolā. ita & *Nathan ad Dauidē.* Nempe magnates, & qui sunt auctoritatis alicuius, debent modeste admoneri.

PARABOLA est de duobus debitoribus. 1. Creditor est Deus, apud quem peccatores sunt rei poenæ, & non potest decipi aut declinari. 2. Debitores sunt homines pro varietate criminum, inter quos me ponam. Et la-

2.
De Magda-
lena suspi-
catur malè.

1.
Sapientia
Christi
corripien-
tis.

2. Reg. 12.

1. & 2.
Deus cre-
ditor.

Homines
debitores.

Psal. 18. 14.

3.

Reddere
nil vales.

tent nos debita, quæ minimè creditorem. pro quibus orabat: *Ab occulta meis munda me Domine.* 3. Non habemus unde reddamus, nisi per merita passionis Christi, propter quem nobis omnia condonat, ut inde prouocet ad redamandum, & pendet hoc ex intima cognitione, & æstimatione culparum, quas superbi minùs ponderant, minusque se debitores agnoscunt, atque adeo minùs amant. Magni autem peccatores, à Deo illuminati, pro merito æstimant remissionis beneficium, unde plus amant.

PUNCTVM V.

1.
Confundit
Phariseum.
Matt. 21. 31.

Isa. 4. 4.
2.

CHRISTVS applicat Parabolam. 1. Ait: *Vides hanc mulierem?* ab exemplo peccatricis confundit superbum, qui se iustū existimat sicuti alibi ait: *Publicani & meretrices præcedent vos in Regno Dei.* Et fit, ut peccator per feruentem cōuersionē assurgat ad altiorē gradum charitatis, quàm iustus tepidus per multos act⁹ similes. & hoc est, *abluere sordes in spiritu iudicij, & spiritu ardoris.* 2. Sic applicat: *Hæc mulier multū se debere agnoscit, ideoque multum amat, ut ei remittatur debitū. Igitur, remittuntur ei peccata multa, quoniam dilexit multum.* quòd autem multum amet, indicio sunt, quæ agit: qualia tu mihi nō exhibuisti.

PUNCTVM VI.

Absolutio
Sacerdotis.

CHRISTVS alloquitur mulierem: *Remittuntur tibi peccata.* haud dubiè plenissi-

nitissime, etiam quò ad omnem poenam. quò gaudio excepit! & nobis in Sacramento idem fit, si dispositione simili accedamus, cùm eadem verba proferuntur. cùm audientes mirarentur, modestè Christus beneficium remissionis refert ad fidem mulieris. Cumque illa nec ita auelleretur à Christo, iussa est abire: *Vade in pace*: Et non addit: *Noli amplius peccare*, quia sic culpas remiserat, ut victoriam etiam de prauis passionibus ei largiretur in posterum.

MEDITATIO XXVI.

Conuersio Samaritanae. Ioan. 4.

PUNCTVM I.

1. **F**ATIGATVS ex itinere, sedebat sic super fontem, hora erat quasi sexta. Pedes iter faciebat, & cum labore querebat ouem perditam: gratias agam. compatiatur fatigato propter me. non defugiam similes labores, propter animas. 2. Sedebat super fontem, non tam captans suam quietem, quam occasionem benefaciendi. *Præoccupat, qui se concupiscunt, ut illis prior ostendat.* & ut apud Isaïam: *qui non quasiuerunt me, dixi: ecce ego, ecce ego.* 3. Licet mirari arcanum Diuinæ providentiæ in disponendis occasionibus ad homines lucrandos, ut in hac muliere peccatrice, nil tale cogitante, nisi, ut aquam domum ferret.

Feria 6.
post Do-
minicam
Quadrag.
certiam.

Ioan. 4. 6.
1.

IESVS it
pedes.

2.
Sed et ut
venetur.
Sap. 6. 24.

Isa. 65. 1.

3.
Providen-
tia Dei.

PUNCTVM II.

1.
Sitis ani-
mas.

2.
Homo par-
tus Deo.

3.
Prouocat
Christus a-
uarum.

Cant. 2. 16.

CHRISTVS petit aquam. 1. à Samaritana: *da mihi bibere*. Sitiebat quidem ille, quia fatigatus, & in meridie, at magis animam sitiebat, ò si exhibere illi multas queam! exhibebo meam. bibe, ò Domine, quantum libet. 2. Recusat mulier, imò accusat. *quomodo tu Iudæus cum sis, peti à me bibere?* sic plerique gerunt se erga Deum, ab eis aliquid flagitantem, siue per inspirationem, siue per legem suam, siue per superiores, siue per pauperes egentes, & prætexunt excusationes fuitiles. nimirum, non expendunt, quis est, qui ab eis petit. 3. non exacerbatur Dominus responso, sed prouocat etiam ad petendum vicissim à se meliora: *si scires donum Dei*, quale, ac quantum possim tibi dare, & quis sum ego, qui peto à te, utique non præbuissem tantum mihi aquam, sed aliam à me meliorem flagitasses, aquam viuam, quam & dedissem tibi pro ingenta liberalitate. Vbi obserua, quòd ait, *forfitan petisses*, quia nihilominus fuisset tibi liberum, at dedissem petenti, sine debito, ò sciam, & intelligam doni huius magnitudinem, & offerentis dignitatem, & petam instanter. *Erubescat*, ait D. Augustinus, *humana pigritia, quia plus paratus est Deus dare, quàm nos accipere*. Sed vicissim, quod ille à me petit, dabo, cor meum, me ipsum, & sic erit *dilectus meus mihi, & ego illi*. Ille mihi donum, ego ipsi.

PUNCTVM III.

QVALEM aquā Christus promittat. Mulier vt animalis putabat de aqua communi Christum loqui, ait enim: *Neq³ in quo haureas habes. & puteus altus est, vnde ergo habes aquam viuat?* At Dominus à corporalibus ad spiritualia resurgere nos docet; & proprietates corporearum rerū in spiritualibus excellentius quærere, absque imperfectionibus corporalibus. Igitur hæc aqua præstat. 1. quia non ad tempus mitigat sitim, sed perpetuò, *non sitiet in æternum.* 2. quia ita explet sitim, vt aliam aquam non appetat, puta terrenam bonam, quæ non sic satiant. imò fastidium etiam pariunt, non hæc aqua. 3. fit scaturigo in ipsa anima, vt semper fluat, habet enim Spiritum sanctum in se, qui est fons donorum, quem qui accipit, *flumina de eius ventre fluent, aqua viua.* tanta videlicet copiâ augebitur semper donis. Habet hoc gratia, vt impellat ad proficiendum. Et hoc est: *qui bibunt me, adhuc sitient.* 4. *Salit in vitam æternam.* illuc desideria attollit, & est illius pignus, & manet etiam in illa vita: non item fides, & spes, & quæ dicuntur gratis datæ. *Charitas nunquam excidit siue prophetiæ euacuabuntur siue linguae cessabunt, siue scientia destruetur.* atque de hac aqua prædictum est: *Haurietis aquas de fontibus Saluatoris.* quæ sunt Sacramenta. Samaritana accenditur desiderio huius aquæ, sed adhuc carnaliter intelligit: *Domine da mihi*

Ascendit
Christus ab
aqua natu-
rali ad
cœlestem.
Eius pro-
prietates.

1.

2.

3.

Ioan. 7. 38.

4.

Eccl. 14. 29.

1^a Cor. 13. 8.

Isai. 12. 3.

hanc

hanc aquam, vt non sitiam, neque veniam huc haurire. Ego verò spiritu alteram desiderabo & petam.

PUNCTVM IV.

Praxis redu-
cendi Sa-
maritanam

Confessio
Samarita-
næ.

Eccles. 20. 4.

Fides.

Adoratio
qualis.

1. Tim. 2. 8.

Matt. 6. 6.

DISPONIT Samaritanam ad percipien-
dam aquam gratiæ, nam aperit vlcus
peccati, vt se agnoscat: *Vade voca virum tuum:*
Præfert hæc mulier eas animas, quæ sensibus
feruiunt totæ, in quinque viris significatis. Il-
lam admonitionem æquo animo accepit, imò
ex eo habet Christum pro Propheta bonum
initium conuersionis, agnitio culpe. *Quam bo-
num est, correptum manifestare poenitentiam?*
sic enim effugiet voluntarium peccatum. De-
inde vult instrui in fide: *Patres nostri in mō-
te hoc adorauerunt: & vos dicitis, quia Ierosoly-
mis oportet. & hoc poenitentia signum.* Re-
spondet autem Dominus, finiendas mox pri-
cas caremonias, & adorandi ritum, vt de ijs
non oporteat esse sollicitos. Aduentare tem-
pus, cum non amplius in illis corporalibus
vmbis & figuris adoretur Christus Deus, sed
in spiritu & veritate, hoc est, secundum rem in
illis præsignatam. Talis adoratio est sacrifici-
um incruentum. Locus Adorationis est om-
nis, quia vbique Deus. *Volo*, inquit Paulus,
viros orare in omni loco leuantes puras manus.
Deinde interiora cordis, *intra in cubiculum*
tuum, & ora Patrem tuum in abscondito. In
spiritu fit, quando, spiritu sancto nos docente,
& mouente, & *in veritate*, quæ est Christus,

quando

quando excitamur ad eius imitationem. Item *in spiritu*, non externo tantum habitu, aut voce, sed affectibus internis fidei, spei, amoris, obedientiae, humilitatis, quod etiam est, *in veritate adorare*, nam externa sine his ficta, non vera est adoratio.

PUNCTVM V.

MIRA conuersio Samaritanæ. Non satis apprehenderat Christi verba, vnde ait; *Scio quia venit Messias: cum ergo venerit, annuntiabit nobis omnia.* Vel ex his etiam colligitur, quod intellexerit verba Christi de alia adoratione pertinere ad tempus Messiae, & est, ac si diceret, tunc de his cognoscemus: interea est nobis quaestio de loco adorationis pro hoc tempore. Quare Christus ei aperuit, iam venisse tempus Messiae: *Ego sum qui loquor tecum:* peccatrici Mulieri tam disertè aperit mysterium, quod superbis Phariseis tectè. In quo insunt plura. 1. quod mulieris mentem ita illustrauerit & mouerit, vt sine dubitatione crederet id statim. 2. quod aquam gratiae prae-buit. 3. quod tanto feruore accendit, vt oblita aquae & hydriae, accurreret nuntiatum alijs. 4. sic humilem reddit, vt non dubitaret prodere sua peccata, vt probaret, Christum esse Prophetam, qui sibi secreta manifestasset propria. 5. quod prudenter, non affirmat, sed querit: *Numquid ipse est Christus?* & ita facilius ad inquirendum inducat, etsi ipsa non dubita-

Reuelat se
Christus.

Samarita-
æ.

1.
Contritio.

2.
Gratia.

3.
Feruor.

4.
Humilitas.

5.
Paulentia.

bat. 6. tantam eius verbis gratiam dedit, ut multos pertraheret.

PUNCTVM VI.

Cibus Christi
voluntas
Dei.

Samaritani
conuertun-
tur.

Sabbatho
post Domi-
nicam 3.
Quad.

Pharisæi
tentant
Christum.

DISCIPLINI, qui iuerant emptum panes, redeunt *mirabantur*, quod cum muliere loqueretur, scilicet erat insolitum. Esto nobis ad exemplum Et, cum sit ab alijs, ne malè interpretemur, sicut nec Apostoli. Renuit manducare, quod alium cibum expecteret *facere voluntatem Patris* in hominibus illis lucrandis: sit & meus cibus, non mea voluntas, sed Dei, *quem cibus vos, inquit, nescitis*, nesciunt, qui similiter non faciunt tandem venientes Samaritanos excipit benignè, & docuit, ut multi crederent, mansitque ibi biduo: *Dicebant autem mulieri, non per tuam loquebam credimus, ipsi enim auduimus & scimus, quia hic est verè Saluator mundi.* Tanta vis Christi sermonis, cum nullum fecisse miraculum dicatur.

MEDITATIO XXVII.

De Adultera. Ioann 8.

PUNCTVM I.

PHARISÆI captant occasionem ex mansuetudine Christi tentandi ipsum, & si adulteram faceret indemnem, ut præuaricator legis haberetur. Gratulabor, quod tam mi-

tem

tem habeam Saluatorem. Hæc est Diaboli & Ministrorum eius calliditas : vt qua virtute quis excellit in ea laqueos tendan. Si Zelofus, ad ultionem: si misericors, ad nimiam indulgentiam pertrahant. Imitandus Christus: de quo dicitur: *propter veritatem, & mansuetudinem, & iustitiam deducet te mirabiliter dextera tua.* Et, *miserecordia & veritas obuiauerunt sibi: & iustitia & pax osculatae sunt.*

*Psal. 44. 56.
Psal. 84. 11.*

PUNCTVM II.

CHRISTVS ad hæc, inclinans se, digito scribebat in terra. 1. id fecit, quasi declinans iudicium : vt cum aliàs dixit : *Qui me constituit Iudicem, aut diuiorem super vos?* Et quod Paulus: *Militans Deo non se implicat negotijs secularibus.* 2. Insinuat: in talibus non præcipitandum. Sic Deus: *Descendam & videbo an opere compleuerint:* de Sodomitis. 3. Indicat, se esse, qui *digito suo scripsit legem in tabulis;* cuius violatores, in terra scribentur, vt Ieremias ait ex quibus ipsi essent accusatores, dum peruersa intentione id faciunt. 4. Credibile: scripsisse aliquid ad rem præsentem; vt quod de hypocrita dixit: *trabem in oculo tuo non vides?* vel peccata accusantium, qui in accusationem intenti, non animaduvertebant ad scripturam.

Christus negligit illos.

1.

Luca. 12. 14.

2. *Tim. 2. 4.*

2.

Gen. 18. 21.

Exodi 31. 18.

Iere. 13. 13.

3.

4.

Scribit in terram.

PUNCTVM III.

CVM perseuerarent interrogantes, erexit se & dixit eis. *Qui sine peccato est vestrum,*

1.
Prudentia
in eluden-
do.

2.

3.
Conscien-
tia tormē-
tum.

Ne fuge sed
accede Chri-
stum.

mus in illam lapidem mittat. 1. Sapiencia Mira
vt neque contra legem statuatur neque miseram
condemnet. Sic aliās, exhibito numismate:
dixit: *reddite quae sunt Caesaris Caesari: quae Dei
Deo*, Petam solertiam aduersus Diaboli astu-
tias. 2. fecit, vt sua illis peccata representaren-
tur, vrgente conscientia, ad confusionem, vt
desisterent ab accusatione. 3. se rursus incli-
nauit, ad scribendum, quasi iam satis audisset
quod reuoluerent, & eos ad propriam remit-
tens conscientiam. At *illi audientes vnus post
vnum exhibant, incipientes à Senioribus*. Nempe
à propria conscientia redarguti, nec tamen re-
sispicientes. Contrā agendum, vt agnito pecca-
to, accurramus ad Christum pro venia, non
subducamus nos, in eo persistentes. Venerant
coniunctim accusantes, nunc vnus post vnum
abit, quisque de propriis confusus criminibus
primi seniores, vti peiores. Quanta in extre-
mo Iudicio futura est confusio? & à socijs pec-
cati, quod solamen?

PUNCTVM IV.

Secundo se
erigit & ad
alt. ram re-
spicit.

ILLIS profectis, erigit se iterum, prius, vt
malitiosos iuste confunderet, iam, vt poe-
nitentem misericorditer liberet, ab illis se
rursus auertit, hanc in pace dimittit, vtrum-
que erectus facit, quia secundum rectitudi-
nem iudicij, stabat Mulier compuncta de pec-
cato, &, accusatoribus digressis, expectat
Christi sententiam, quae talis fuit. Vt si qui-

dem.

dem nemo illorum contra eam pronuntiauerat: nec ipse condemnaturus esset; qui venerat, non iudicare, sed saluare. est dicendo. *Vade in pace*: quia verbum Dei efficax est, ab omni poena liberam fecit, etiam æterna. *Christus iustificat, qui est qui condemnet*: insuper monuit, *Noli amplius peccare*, & verisimile est gratiam ei datam, ne recideret in talia, vt & quod accusatores nihil deinceps in eam tan-
 Rom. 8. 33.

MEDITATIO XXVIII.

De Zachæo Principe publicanorum.

Luce. 19.

PVNCTVM I.

In dedica-
 tione Ec-
 clesie.

Desideriū
 Zachæi mi-
 rum con-
 uersionis.

I. Cor. 1. 23

INITIVM conuersionis fuit Zachæi, quod desideraret videre Iesum Deo id inspira-
 te. Cupiam videre viua fide, contemplando,
 quæ Filius Dei in hoc mundo, tanquam Ie-
 richo mutabili, pro me gessit. Nam, si visus
 serpens æneus sanabat, multo magis. Chri-
 stus exaltatus in cruce ritè consideratus. Por-
 rō desiderium Zachæi fuit tam incensum, vt
 homo eius auctoritatis *conscenderet arborem*
 non moratus irrisores; & arborem *Sycomo-*
rum, stultam si cum amplectens. quod *peruen-*
tibus stultitia est, electis autem *est vir-*
tus Dei. Imitabor ip-
 sum.

PUNCTVM II.

Inuitatio
Zachæi à
Christo.

1.

2.

Isai. 8. 3.

3.

Psal. 94. 8.

4.

5.

Ioan. 14. 23.

Obedit
Christo.

Apo. 3. 20.

Cant. 5. 5.

CHARITAS & Misericordia Christi. 1. Compellabat proprio nomine *Zachæ*, quia, licet de facie ignotum, nouerat de nomine: quod scriptum erat in libro vitæ, & *Zachæus* significat *purum*. sicque insinuat, velle se facere, vt re etiam esset talis, non tantum nomine. Et coepit ex hoc purus fieri. 2. *festinare* iubet, & *descendere*: quia auebat Christus illum iustificare, & cum ardet desiderium, est vtendum, ne frigescat. Inde Christo nomen datum. *Accelera, festina, prædare*. 3. Inuitat se, & *hodie*, inquit, dum tempus est: nam cras forte me non poteris recipere, vel ego me alio conferam, non omittenda occasio. *Hodie si vocem eius audieritis, nolite obdurare corda vestra*. 4. Oportet, inquit, quasi illius interesset; non verò nostra tantum, sic amat, vt nostrum bonum pro suo ducat. 5. *Me manere*: non per transitum, sed ex proposito. festinat adesse, non recedere, nisi expellatur. *ô veni; & mane, sicut promissisti: & mansionem apud eum faciemus.*

PUNCTVM III.

PROMPTA obedientia, Zachæi, qui *festinans descendit, & excepit illum gaudens*, non enim fuisset ausus, vel optare tantam gratiam, qui vel videre Christum pro magno habuerat: ideo *gaudens*. sic ego *pulsanti aperiā, mecumque canare volenti*, nec moras traham, Sponsa, à qua idcirco *declinauit*. Malitia

mur.

murmurantium, quod ad hominem peccatorem diuertisset, & murmurabant omnes: nam facile ab vno in omnes imperfectos manat murmuratio. Non intelligebant officium Christi: qui venerat, salu. m. facere, quod periat. & sicut alias dixit: *non esse opus valentibus medico, sed male habentibus.* Ex quibus ego sum: ergo visita me.

PVNCTVM IV.

CONVERSIO Zachæi I. sermonibus Christi totus in alterū est mutatus. Et si credi possit, quod solo ingressu in domum, & præsentia suā, Christus ita illū sibi demeruerit. 2. firma resolutio; Ecce Domine, dimidium bonorū meorum, do. factū puta. Dixi nunc cæpi. Talia debent esse nostra proposita, quæ simul executio comitetur. 3. Vicit se in re difficillima vt diues se expoliaret opibus, & quidem, etiā non debitis. nam mediam partem decreuit egenis, ex altera, si quid iniuste acquisiuerat, decreuerat quadruplum reddere. sic, quod impossibile est apud homines, possibile est apud Deū per gratiam ipsius. 4. Non iactantiæ causa, id protulit sed demisse, proponens Christo consilium animi sui, vt ab illo probaretur, quod imitari debent poenitentes; vt à Patre spirituali dirigantur.

PVNCTVM V.

APPROBAT Christus. Quia hodie salus huic domui facta est. non Zachæo tantū sed toti domui, cui profuit exemplum poeni-

Mali murmurant.

Luc. 19. 10.

Matt. 2. 12.

1.
Conuertitur,

2.
Promittit certo
Psal. 76. 11.

3.
Difficilia promittit.

Matt. 19. 26

4.
Humiliter.

tentiæ in capite. Itaq; omnes sanctificati sunt.

Ed quod & ipsa filius Abrahæ, verus filius, non carne solum, sed imitatione fidei, Obedientiæ, liberalitatis, Vel etiam, quia filius Abrahæ, licet Peccator, Abrahæ enim prosteritati promissa erat salus, & Christus ed venerat: vt saluum faceret quod ex eis perierat, subiūxit hoc

Luc. 19. 10.

Præparatio
ad S Com-
munionem

1.
Fames &
sitis.

Christus ad redarguendos murmurâtes: *quod ad peccatorem diuertisset.* quasi dicat, cum & is filius Abrahæ sit, non debuit à me negligi, qui veni, aberrantes reducere, Applicari potest hæc historia ad sacram communionem. 1. ardens præcedat desiderium, quo magis prouocatur Deus. vt veniat, quâ si peteretur. Præsertim cum non peto, quia indignum me puto. Deinde, conscendam arborem crucis per opera mortificationis, ex qua videam Christum contemplando bona, quæ secum affert, quocunq; venit. 2. Audiâ ab illo: *festinans descende, quia*

2.
Præparatio

hodie in domo tua oportet me manere. Accurram, parabo domum per confessionem purâ, & ornabo sanctis affectibus, & maxime dulcescat verbum illud: *quia in domo tuo oportet me manere,* volo vti hospitio tuo, & mensa. pascitur autem sanctis cordis nostri affectibus; & pascit ipse nos se ipso. conuiua, & conuiuium. 3. in gratiam hospitis magnâ facere, proponam firmo animo, & mox exequar, vti Zachaus, vt audire merear: *quia domui hodie huic salus facta est,* toti domui, omnibus animæ facultatibus, vt ex omnibus amem, & seruiam Deo. Amen.

3.
Proposita
varie,

MEDITATIO XXIX.

De Chananea. *Matth 15.*

PUNCTVM I.

QVAM bene orauerit. 1. Insigni fide, confitens Christum: *Filium Dauid*, & potentem per se dare; *Miserere mei Domine*. 2. Magna charitate, *mei*, inquit *miserere*. malum filiae, suum ducens, vel etiam ex humilitate, suis illud tribuens peccatis. Hoc duplici effectu orandum pro alijs, quasi pro re nostra, & culpando nos ipsos, ita sancti cōsueuerunt. 3. Magna reuerentia: nam *procidit ad pedes eius*. 4. affectu magno, vnde clamabat. 5. Constantia, cum toties repulsa, insisterit orationi. Ita orandum.

PUNCTVM II.

CHRISTVS probat mulieris virtutem. Non respondit ei verbum: imò, quasi canem reijcit à se. *Non est bonum panem filiorum dare canibus*. valet ad disponendam animam probatio talis, sed nec adhibetur, nisi solidis in virtute. Probatio est. 1. Patientia: nam dūriter excepta, non est turbata, aut conquesta, aut destitit orare. 2. Humilitas: nam pro cane habita, censensit: *etiam Domine*, & contenta est catellorum nomine, & sorte: *nam & catelli edunt de micis*. 3. Prudentia: nam, vnde abijciebatur, sumit occasionem vrgendi petitio-

Dominica
secunda
Quadrage-
simae.

Chananea

1.

Fides.

2.

Charitas.

3.
Humilitas.

4.

Reuerentia
& affectus.

Probat eam
Christus.

1.

2.

3.

nem suam, siquidem canis sum, peto, quod canibus non denegatur.

PUNCTVM III.

Laudat &
exaudit.

CHRISTVS si laudat. *O mulier: magna est fides tua.* ostendit, mirifice se affectum ex fide mulieris, alias suos discipulos arguit, modicæ fidei. 2. donat. *Fiat tibi sicut vis.* & propter hunc sermonem, vade: exijt Dæmonium à filia tua Tribuit illius sermoni expulsiōnem Dæmonis, sermoni humilitatis tam infinis, quam Diabolus exhorret.

MEDITATIO XXX.

De seruo Centurionis. Luc. 7.

PUNCTVM I.

Dominica
ertia post
Epiphan.

1.
2.
Pietas &
humilitas
Centurionis

3.
Fides.

Matth. 8.3.

VIRTUS Cēturionis. 1. Pietas; qua etiam pro seruo suo tam sollicitus est. 2. Humilitas; qua indignum se putauit, accessu ad Christum: & idē submisit pro se deprecatores alios; qui tamen, eum dignum beneficio depredicarunt apud Christum, ob bona multa opera pietatis. nam ædificabat Iudæis synagogas, cū esset gentilis, & alia faciebat. 3. fides: qua credidit, posse Christum, absentem conferre sanitatem. Vnde, etsi corpore non accessit; attamen fide, accessit: sicut Matthæus ait: ipsum accessisse ad Iesum.

PUNCTVM II.

CENTVRIO deprecatur; ne Christus ipse veniat. Cū iret, & non longe esset; misit ad eum amicos, dicens: Domine noli vexari, non enim sum dignus, vt intres sub tectum meum. propter quod & me ipsum non sum dignum arbitratus, vt venirem ad te: sed tantūm dic verbo: & sanabitur puer meus. 1. Eximia humilitas quæ Deum trahit ad se. nam iam ibat Christus, & appropinquabat. Contra, ad Regulum qui præsens rogabat, vt descenderet pro filio sanando; durius respondit: & coarquit ipsum. 2. progressus in humilitate, non offertur tali fauore, quod Christus ad se veniat, sed profundius humiliat se, id ipsum deprecans. 3. fides rara. Tantum dic verbo. Aptè huius verba usurpat Ecclesia, ad sacram Cōmunionem: ad quam cum viua fide, & profunda humilitate accedere oportet. 4. Mira confessio Omnipotentiae Christi; ex comparatione sui: nam & ego homo sum habens sum me milites, & dico huic, vade, & vadit, & alij, veni, & venit. Tu qui supra omnia es, quanto magis solonutu efficies, quod voles? optabo, & petam, sic habere in potestate affectus, & facultates omnes.

PUNCTVM III.

CHRISTVS admiratur tantā virtutem: præsertim in homine sæculari, & milite, Fidem Centurionis & sequentibus se ait: Amen dico vobis, non inueni tantam fidem in Israel ex quo inter eos, præfere Iudæis.

1.
A Christo
honoratur.

2.
Non ideo
superbit.

3.
Sed humi-
lior.

4.
Christum
extollit.

dico Euangelium. Ad illorum confusionem, & meam, quando pro statu meo deberē præminere alijs. Ex occasione autē hui⁹ hominis gentilis, prædicit gentium accursum ad fidem, reprobatis ipsis Iudæis: nam Deus ingratis substituit alios. Ne mihi similiter fiat. Et tandem impertit vota dicens: *Vade, & sicut credidisti fiat tibi, & sanatus est puer in illa hora, & momento.*

MEDITATIO XXXI.

De sanata à fluxu sanguinis. Marc. 5.

Matth. 9.

PUNCTVM I.

MORBVS erat iam planè desperatus, repræsentat peccatorē in peccata penitus effusum. Eximia extitit fides mulieris, quoddā quāuis desperatū morbum, posset Christus sanare, & quidem non solū rogatus, sed vel furtim tacto eius vestimento. Accessit par fiducia, id assequendi: *si tetigero simbriam, salua ero.* Item reuerentia & humilitas: *accedens retro tetigit, & confestim stetim fluxus sanguinis.* O potentia! omnis turba quærebat eum tangere, quia virtus de illo exibat, & sanabat omnes. O tali spiritu tangerem!

Ad sacram Communionem applicabo, expendens tria illa. Fluxū cupiditatum mearū, & passionum, infinitam Christi virtutem, quæ tango, & quomodo tangi debeat, nempe fide viuā, fiducia magna de bonitate ipsius, humi-

litate

Dominica
secunda
post Trini-
tat.

Virtutes
mulieris.

Matth. 9. 20.
Luc. 6. 19.

Aptā ad
Communionem.

litate ob indignitatem meam, & reuerentia maiestatis illius.

PUNCTVM II.

CHRISTVS publicat miraculum occultum, alioqui manifesta solitus occultare, ad exemplum nobis, nunc autem quærit: *quis me tetigit?* nam ego noui, virtutem ex me exisse. id fecit. vt doceret, quanti intersit, quomodo tangatur. nam turba illum tunc comprimebant, vt mirantes responderent Apostoli: & dicit, *quis me tetigit?* Multi communicant, sed non omnes hauriant inde virtutem, aut certè non, quàm possent. 2. Voluit corrigere mulieris errorem, existimantis, Christo non sentiente, posse ex eo percipere sanitatè haud ita scit, qui dignè aut indignè accedant, aut indeuotè, reuelabitque tempore suo. 3. improbare voluit alteram eiusdem imperfectionè, quæ sic occultat voluit morbum, alioqui horridum. Vt doceremur nos deponere vanum timorem confusionis: in detegendis occultis morbis, aut Confessario, aut vbi opus est; est enim confusio adducens gloriam.

PUNCTVM III.

CHRISTVS Mulierem confirmat. Videns enim illa, quia non latuit, tremens venit & procedit ante pedes eius, & ob quam causam tetigerit eum, indicauit coram omni populo, & quæ madmodum confestim sanata sit. Igitur metuentem, ne offendisset, ac ne exueretur dono sanitatis accepto, confirmat benignus Dominus, amanter compellans, Filia. Solent huius-

Publicat
miraculū.

1.

Marc. 5. 31.
Quomodo
tangendus
Christus.

2.

3.
Non pu-
deat confi-
teri.

Eccles. 4.

Luc. 8. 48.

Præstat cū
amore ac-

modi

cedere, quā
timore re-
cedere à
Christo.

modi timores oriri iustis: ne fortè parum di-
gnè sumant sacram communionem, & iuuat
ad humilitatem, & ad curam promouendam.
Placet autem magis Deo, sic accedamus hu-
mili confidentia, quàm, si abstineamus ex ti-
more. nouit enim imperfectum nostrum. qua-
re laudauit fidem mulieris, licèt fortè imper-
fectam, & ratam habuit sanitatem. *Fides tua
te saluum fecit. Vade in pace.*

Feria 6.
post Domi-
nicam 1.
Quadrag.

MEDITATIO XXXII.

*De Sanato ad Probaticam pisci-
nam. Ioan. 5.*

PVNCTVM I.

Vis limi-
rata pisci-
næ.

- 1.
- 2.
- 3.

Sacramen-
torum vis
similis.

- 1.
- 2.
- 3.

EA piscina, in qua oues sacrificandæ laua-
bantur: figura fuit Sacramentorum Bap-
tismi & Poenitentiae: quæ vim habent à Chri-
sti Sacrificio. Tres prærogatiuæ fuerunt il-
lius piscinæ. 1. Quòd omnes morbos sana-
ret. 2. Quòd Angelus coelo veniebat, vt mo-
ueret aquam, eique virtutem impertiret. 3.
Quòd primus, in eam ingressus sanabatur
Eadem excellentius in nostris Sacramentis
insunt. Nam 1. sanant ab omni peccato. 2. Id
perficitur virtute Angeli Testamenti, Christi
Domini, in cuius etiam persona administran-
tur. 3. Non vnum tantum, sed omnes sanant,
ritè accedentes, sed primos maxime, qui ma-
iori feruore accedunt. sed & imperfectè di-
spósitos, per solam attritionem. quantum
fit beneficium! expende.

PUNCTVM II.

LANGVIDVS à Christo interrogatur. Vidit illius præ cæteris necessitatē à diu-
turnitate. 38. Annorum, & quòd ope destitue-
retur: ac ita illius misertus est. 1. Interro-
gat: *Vis sanus fieri?* haud dubiè volebat. cum
ideò ibi esset. sed monemur; duas voluntates
requiri, ad obtinendam sanitatem, & Dei, &
nostram. Diuina in promptu est: quia inui-
cat nos, nostra autem debet esse efficax, non
velleitas tantum. ideò interrogat: *vis?* non
ait, *velles?* & debet omnem affectum pec-
cati deponere. Atque hæc est prima disposi-
tio: voluntas, desideriumque salutis. 2. Ex
responso languidi colligitur altera: *Homi-*
nem non habeo. quo simul significat, se velle &
non posse. Agnitio imbecillitatis propriæ si-
ne Christo & eius gratia. 3. Præ se tulit et-
iam patientiam, cum non sit quæstus, quòd nō
iuiuetur. Valet ad exemplum, cum Deus dif-
fert opitulari, & à tentationibus liberare
nam ferendum patienter, & perseverandum
in petendo. nam, *cum te consumptum putau-
eris: orieris vt Lucifer.*

1.
Iesus vtrò
miseretur
miseri.

2
Agnoscit
miseriam
propriam.

3.
Pœnitē-
tia.

Job 11. 17.

PUNCTVM III.

CVRATUR Paralyticus solo verbo: *Sur-*
ge, ex potestatis plenitudine, neq; fidem
postulauit, nec tetigit, nec piscina admouit.
Iubetur tollere grabatum suum, in signum
perfectæ sanitatis. ita spiritualiter. quando

Verbo sa-
natur.

anima

Obedien-
tia.

anima potens redditur supra corpus, domi-
nando illius cupiditatibus. perfectè sanata
est. Obediuit homo, & sustulit grabatum, nò
obstante Sabbathi Religione: quia Christus
iubebat. exemplum cæcæ obedientiæ. quare
reprehensus, respondit: *qui me sanum fecit,
ille mihi dixit*; ille tantus est, sufficit.

PUNCTVM IV.

1.
Declinat
Christus
turbam.

CHRISTVS instruit sanatum. 1. *Declinavit à turba*. Docens nos, vitare plau-
sum. deinde venit in templum, quò sciebat,
hominem diuertisse; vt eum instrueret, & Pa-
tri gratias ageret pro miraculo. sed & ille ve-
nerat eò, vt gratias ageret pro beneficio ac-
cepto. *Dixit autem illi Dominus: Ecce sanus
factus es, iam noli peccare, ne deterius tibi ali-
quid contingat*. In quo tria sunt documenta.

Documēte.

I.

I. Quòd peccata sint causa morborum. id
de meis sentiam; cùm alioqui veniant etiam
ad exercitium virtutis, & Dei gloriam.

II.

II. Quòd monet: *Noli amplius peccare*.
Propositum firmum exigit. Nam alioqui,
nunquam peccare, etiam leuiter, non est vitæ
præsentis.

III.

III. Quòd peiora minatur, si peccet. vti-
que ob ingratitudinem erga Deum, sanitatis
largitorem; & quia ostenderet, non
magni æstimare bene-
ficiū.

PUNCTVM V.

SANATVS nūtiat Iudæis, IESVM esse à quo sanatus sit. nempe gratus pro beneficio. Sic Christus ipse aliquando iussit: *Vade ad tuos, & annuntia illis: quanta tibi Dominus fecerit. Docebo iniquos vias tuas, & impii ad te conuertentur.* Agit autem prudenter, quia non ait, qui grabatum tolli iussit, fuisse IESVM; quod id erat Iudæis inuidiosum, sed, qui me sanum fecit.

Pœnitentes
Deum lau-
dant.

Marc. 5. 19.

Psal. 50. 15.

MEDITATIO XXXIII.

*De Leproso sanato, & mandato, & ad
Sacerdotes misso. Matt. 8.*

PUNCTVM I.

LEPROSI Virtutes in orando. 1. Reuerentia, genu flexo, & procidens in faciem orabat. 2. Fides: *si vis, potes me mundare*, sola voluntate potes: nec dubitat de bonitate; sed, ne forte ipse non sit dignus beneficio. 3. Resignatio suæ voluntatis, dum expressè non petit; sed tantum aperit necessitatem suam. Ergo me ipsum tanquam leprosum coram Deo sistam; & simili affectu orabo.

Domin. 3.
post Epi-
phan.

Leprosi.

1.

Reuerentia.

Math. 8. 2.

2.

Fides.

3.

Resignatio.

PUNCTVM II.

MVNDATUR à Christo, in quo ostenduntur virtutes. 1. Misericordia. Misertus eius extendit manum suam. si corpora-

Christi

1

Misericor-

dia.

lis le-

lis lepræ misertus; quanto magis spiritualis? ac lepra horrorem parit: & spiritualis, etiam ipsi Deo. sed cum hæc nobis ipsis sit abominabilis, prouocat misericordiam Dei. 2. Bonitas, & potentia. nam fidei dicentis: *si vis*, respondit: *uolo*, profitenti potentiam: *potes*, verbo præstat sanitatem: *mundare*, esto mundus. *Dic anima mea: salus tua ego sum*. nam, si dixeris, fiet. 3. Benignitas & humanitas. nam *extendit manum suam, & tetigit eum*: cum alioqui arcerentur ab accessu leprosi, nedum à tactu. viuificatiua est caro Christi, cum extenderit manus suas in cruce: *implebit omne animal benedictione*.

PUNCTVM III.

1.
Zelus legis.

2.
Confessio
necessaria.

MVNDATVS iam; mittitur ad Sacerdotem, vt offerat pro mundatione, quæ præcepit Moyses. 1. Apparet, quoniam Christus fuerit Legis studiosus: quanto magis nouæ, vt accuratè seruetur! offerebat autem leprosus sacrificium pro actione gratiarum, & testimonium referebat à Sacerdote, quod esset mundatus. 2. Voluit Christus per hoc insinuare Sacramentum poenitentiae: ad quod tenetur accedere, quicumque exitit Leprosus, licet fuerit mundatus per contritionem, & ibi offerre sacrificium cordis contriti, & humiliati: vt & sententiam absolutionis & mundationis recipiat. Iubebatur autem Leprosus iam mundatus, radere pilos corporis, & lauare corpus, & vestimenta, & sic offerre agnū

imma-

maculatum in Sacrificium. Hi sunt fructus poenitentiae, lachrymarum, & mortificationis carnis, quibus ad lacram Eucharistiam disponi conuenit.

Comminatus est Dominus Leproso, ne vulgaret, at ille coepit praedicare, & diffamare sermonem, pro gratitudine erga auctorem beneficii. Vnde & illud bonum secutum est, ut multa turba ad audiendum Christum concurreter. Nec fuit inobediens, quia instinctu boni Spiritus fecit, & talis prohibitio est declinatio laudis, non praecipio obligans.

Humilitas
Iesu.

MEDITATIO XXXIV.

De decem Leprosis. Luc. 17.

PUNCTVM I.

Dom. 14.
post Tri-
nitatis.

ORATIO Leprosorum. i. *Steterunt à longè. humilitatis & reuerentiae affectus. sed & seruauerunt, quod iubebantur, segregari ab alijs. 1. Leuaerunt vocem dicentes. IESV praeceptor miserere nostri. Ex fide, & cum resignatione, non speciatim petentes: sana nos, sed, miserere. Et orant vnanimiter, quod valet ad impetrandum, quia omnes pro singulis. Orate pro inuicem, multum enim valet deprecatio iusti assidua. Apud homines solent mendici vitare, ne simul petant plures, quia offendunt, & non suppetit omnibus. DEO autem placet coniunctio precum, nec deficit ideo thesaurus gratiae. Le-*

Luc. 17. 12.

Virtutes
leproso-
rum.

1.

2.

Iacob. 5. 16.

M. d. Comp. d.

A a

profi

Bar. 4. 28.

decem signant peccatores, ob transgressionem decem præceptorum. *Domine, sicut hactenus fuit sensus meus, ut errarem à te decies tamen iterum conuertar, ut requiram te.*

PUNCTVM II.

Obedien-
tia
Intelle-
ctus.

Luc. 17. 14.

G. n. 2.

Aptatio
Sacra Con-
fessionem

Ingrati
plures.

CHRIſTVS remittit Leprosos ad Sacerdotes. Quos vt vidit Iesus dixit: *Ite offendi-
te vos sacerdotibus.* Initium salutis, quod Deus
misericorditer respiciat: & vidit etiam eorum
fidem. voluit autem obedientiam probare, ab-
legando ad Sacerdotes, quod alioqui non erat
faciendum, nisi postquam mundati essent. Illi
etiã dum simpliciter obediunt, ac eunt, *mundati
sunt* tanti facit simplicem obedientiam, qualis etiã
fuit Abraham, ad immolandum filium parari.
Hæc missio Leprosorum antequam munda-
rentur, significauit confessionem sacramenta-
lem, in qua aperienda est Sacerdoti omnis im-
mundicia, quamuis occulta. Contingit autem
mundari interdum, quia voluntas apud Deum
pro facto reputatur, & votum Sacramenti cum
contritione delet peccata, etsi nihilominus fa-
cienda est confessio. Nec debet homo auersari
labes conscientie aperire homini, quando Deo
notæ sunt.

PUNCTVM III.

VNVS tamen ex nouem recognoscit bene-
ficio. Ita fit, vt cum in necessitate ple-
rique ad Deum recurrant, & deuoti sint, mox
eã perfuncti, non recordentur beneficii. Non-
ne decem mundati sunt, & nouem vbi sunt?

& sæpè maiores peccatores magis sunt grati, æstimantes suam indignitatem, vt modò, cùm solus alienigena Samaritanus rediit ad gratias, in confusione reliquorum nouem, qui Iudæi, quod notauit Iesus: *Non est inuentus qui rediret, & daret gloriam Deo, nisi hic alienigena.* Discam, à confessione me colligere, ad gratias pro beneficio reconciliationis. Porro iste regressus est cum magna voce magnificans Deum, & cecidit in faciem ante pedes eius, gratias agens. Mirus affectus grati animi. Prudenter autem, Christo dicente: *& nouem vbi sunt?* tacuit, nolens accusare alios, quòd nos vulgò libenter facimus, simili occasione. Denique modestiam Christi mirare in redarguendo; *Et non est inuentus, qui daret gloriam Deo;* non ait, *mihi.* Benignè autem Samaritanum complexus, ait illi: *surge, vade, quia fides tua te saluum fecit.* & est credibile à lepra etiam spiritali curasse illum

Gratiarũ actio post Confessionem.

Christi modestia.

MEDITATIO XXXV.

De Cæco apud Iericho. Luc. 18.

Matt. 26. Marc. 10.

PUNCTVM I.

PRECATIO Cæci. 1. Plena fide & fiducia Iesu filii Dauid *miserere mei.* Confitecur Melsiam, & potentem saluare. 2. Feruens, ingeminando, *Fili Dauid miserere mei.* 3. Con-

Dominica Quinquag

Cæci
Fides.
Luc. 18. 39.
Feruor.
Cōstantia.

Impedi-
menta o-
randi.

1.

2.

3.

4.

Psal. 108.

22.

stans aduersus increpantes, *vt taceret*. Cogita-
bo, me cæcum esse, utroque oculo; cognitionis
& amoris; cæcitate ignorantia, & passionis:
vt apud Bernardum, & sedere me otiosum,
mendicando à creaturis solatia. Clamabo igitur
ad Christum vt iste: nec morabor obstre-
pentes, qui solent esse maximè quatuor. 1. Tu-
multus variarum cogitationum, quæ impedi-
unt attentionem. 2. Remorsus ex conscientia
peccatorum, qui gignit diffidentiam; 3. Neces-
sitas, ac miseria corporis. 4. Occupationes &
curæ rerum externarum. Quin ipsi, qui Chri-
stum comitantur, auocant ab oratione, etiam
per speciem boni. At ego pergam clamare, &
ex importunitate obstantium acuiam feruorem
orandi, tantò magis clamando: *IESV, miserere
mei, & libera me, quia egenus & pauper sum
ego, & cor meum conturbatum est intra me.*

PUNCTVM II.

1.

Dissimu-
lat
Christus.

2.

Exultat
cæcus;

Mat. 10. 50

3.

Visum re-
cipit.

EXAUDITIO precantis. 1. *IESVS*
fleret, & iussit, illum adduci ad se. Initio
dissimulauerat, vt probaret constantiam. Sinit
cursum Sol iustitiæ causâ hominis. 2. *Cæcus*
proiecto vestimento, exiliens venit ad Iesum;
exultauit, spe recipiendi visum. Sic, interius
vocati, relinquunt omnia, vt Christum sequan-
tur. 3. Rogat Dominus: *quid vis?* quia gratiam
suam dat volentibus & dispositis. *Respondet*
cæcus: Domine, vt videam. Idem oprem, ego
vt videam, nam *hæc est vita æterna, vt cogno-*

sciam

scam te Deum verum, & quem misisti IESVM Christum: vt videam voluntatem tuam, ad im- *Ioan. 17. 3.*
plendum, & me ipsum ad humiliandum; & res-
creatas, ad te laudandum, vt videam aliquan-
do te sicuti es. Dicitur mihi vt caeco illi: respi-
ce, & factum erit.

PUNCTVM III.

FIDEI Dominus tribuit sanitatem: *Fides* *Luc. 18. 4.*
tua te saluum fecit: & confestim vidit. Quod *O. fidem*
erat potentiae, & misericordiae suae opus, fidei *sanatur,*
attribuit, tanquam disponenti & impetranti.
Sic petiit alias a caecis: Creditis quia hoc pos-
sum facere vobis? & illis affirmantibus, statim *Matt. 9. 28*
aperti sunt oculi eorum; sed quendam alium no-
statim de integro illuminauit, ob imperfectam
fidem, tamen saluam suam adhibuit, & oculos
tetigit. initio enim videbat homines sicut arbo- *Mar. 18. 23.*
res. Sic sunt duo modi illustrationum; quidam
extraordinarius, vt D. Pauli; quidam per gra- *Duplex il-*
du, proficiendo. Caecus hic sequebatur eu' ma- *luminatio*
gnificans Deum; effectus illustrationis, insistere
veitigijs Christi, & Dei gloriam praedicare.

MEDITATIO XXXVI.

De Caeconato. *Ioan. 9.*

PUNCTVM I.

PRAETERIENS IESVS vidit homi- *Ioan. 9. 1.*
nem caecum a natiuitate. Hic intuitus mise-

2.
Morbus
non sem-
per poena.

cordiæ; quo nisi Deus præueniat nos, non illuminamur & respicit quidem omnes; sed maxime electos. optabo sic ab eo aspici. Quærebant Apostoli de causa cæcitatis; Respondit: *neque hic peccauit, neque parentes eius, sed vt manifestentur opera Dei in illo.* Discamus, quia non semper peccata sunt causa morborum, & calamitatum, sed aliquando immitti pro gloria Dei: quæ inde elicitur, dum iusti exultantes illas ferunt, & Deo gratias agunt pro illis; vel dum mirabiliter eos eripit ex eis. Vnde subdit: *me oportet operari opera Dei, donec dies est.* Dei opera vocat ex quibus ille glorificetur, quale est, quod facit iustos exultare in tribulationibus pro Christo, quodque illos liberat extraordinariis modis, vt hunc cæcum, vnde glorificatur Deus; *Donec dies est vitæ Christi mortalis.* O Domine, operare in me talia, donec dies est meus, *antequam vadam ad terram tenebrosam.*
Job 10. 21. Eccl. 9. 10. Sed & me oportet operari opera Dei, donec dies est. *Quodcunque potest manus tua, instanter operare.*

PUNCTVM II.

1.
Sanat luto

Gen. 41. 14

2.
E luto ag-
noscitur
vilitas
pecc

MODVS curandi cæcum. *Expuit in terram & fecit lutum ex spuito, & iniuit oculos.* 1. Contrario remedio vitur, ad ostentandam suam potentiam, sic humilando aliquem exaltat, vt *Ioseph ex carcere ad principatum.* 2. Docet, conferre ad illuminationem, si lutum ex quo existimus, & coenum culparum super

oculos

oculos ponamus per attentam considerationē.
 Fit autem lutum hoc ex salina Christi, quæ est
 illius Sapientia, quia nisi hac inspirante, non a-
 gnoscimus nostram vilitatem. Vel vtrumque
 miscetur, salina Christi, & terra, vt illumine-
 mur, ad Deum & nobis ipsos cognoscendum, quæ
 inter se notitiæ se iuuant, & iunctæ sunt. 3. *Ius-*
sit ire ad natatoria Siloe, quod interpretatur,
missus, & ibi lauare. Typus Baptismi & Poeni-
 tentiæ, quæ virtutem habent à Christo, qui est
 missus Patris in hoc ipsum. Imitanda fides &
 obedientia cæci, qui luto se obliniri permisit,
 & iuit haud sicut *Naman Syrus*, cum iuberetur
leuare in Iordane, qui detrectauit. *Abijt ergo &*
lauit, & venit videns.

PVNCTVM III.

CAECI iam illuminati præclara professio.
 1. gratitudo, prædicando auctorem, &
 modum sanandi, obuiis enarrando. 2. fortitudo
 qua non timuit rem edicere coram Phariseis.
 & in Christum referre, parentibus eius præ-
 metu tergiuersantibus. 3. Zelus cum pruden-
 tia, nam Phariseis amoliri à Christo laudem
 conantibus, quod homo peccator esset, & igno-
 tus, reuicit illos. 4. Patientia in contumeliis. *In*
peccatis natus es totus, & tu doces nos? ò Dei
 virtus, quæ cæci, & mendici operâ confudit
 sapientes superbos.

PVNCTVM IV.

CHRISTVS consolatur, con firmatque

3.
 Sacramēta
 ablauit.

4. Reg. 15.

Cæci
 1.
 Gratiitudo
 2.
 Fortitudo.
 3.
 Prudentia
 4.
 Patientia.

Christus

1.
Consola-
tio affli-
ctorum.

2.
Fidē auget

3.
Tranquil-
lat mentē.

cæcum. i. vt audiuit, è synagoga eiectum. accessit ad eum Christus, vt eum recrearet. Sic non obliuiscitur confitentium se. 2. studuit perficere eiusdem fidem, interiùs etiã illuminando; nam, Christo proficente, se esse Filium Dei, ille ait, *Credo Domine, & procidēs adorauit eum.* ò quanto admirabilior hæc illuminatio! 3. ne turbaretur ob Phariseorum contradiccionē, qui sapere videbantur, dixit ei Iesus: *in Iudiciũ ego in hunc mūdum veni, vt, qui non vident, videant, & qui vident, cæci fiant.* Hoc est, vt Idiotæ & simplices cognoscant veritatem; Sapientes autem superbi ad illius splendorem cæci fiant. *Abcondisti hæc à sapientibus, & reuelasti ea paruulũ.*

Dominica
12. post
Trinitatē.

MEDITATIO XXXVII.

De Surdo & muto Marc. 7.

PUNCTVM I.

1.
Surditas
spiritalis.

2.
Surdus fit
mutus.

Luc 4. 11. 14

Psal. 37. 14

AD DVCUNT ad Iesum surdum & mutum. 1. Surditas spiritalis est circa fidei veritates percipiendas, & credendas; tum circa præcepta & inspirationes recipiendas. Mutus autem, qui impeditus ad officia orandi, Deum laudandi, gratiasque agendi, nec non confitendi sua peccata. 2. His duobus sensibus spiritaliter impeditis, obstruitur via salutis; nã hæc obrinetur per fidem & obedientiam, & flagitanda est per orationem. Satagit Dæmon, vt impediantur. vnde Lucas, ipsum *Dæmonium* vocat *Mutum*. Aliter in bonum, Dauid ait: *tan-*

quam surdus non audiebam, & sicut mutus non aperui os meum, videlicet ad vanitates & ineptias. 3. Quod multi sunt ita obliiti suæ salutis, ut nunquam accederent, nisi ab alijs adducti, quod officium præstare studebo. Et deprecabantur eum ut imponat illi manum. præter ministerium adducendi, adhibenda pro ijs oratio, nam, *Paralyticum Christus sanauit, intuens fidem offerentium.*

PUNCTVM II.

MODVS curationis. Plures cæremoni-
as adhibuit, ut significaret, difficilem
esse talem curationem. 1. *Apprehendens, ab-*
duxit à turba, à curis videlicet externis &
tumultu negotiorum. 2. *ingemuit*. quantum
oportet id esse malum? & ego pro me non ge-
mo. 3. *suscepit in celum*. instanti oratione opus
habet. 4. *Misit digitos suos in auriculas eius*. di-
gitus Dei dicitur Spiritus Sanctus, cuius do-
nis aperiuntur aures & linguæ, quia dociles
faciunt ad fidei mysteria; & obediens diui-
nis inspirationibus. digitus procedit ex manu
& brachio, quod est Filius, per quem omnia. 5.
expuens tetigit linguam eius. Saliua ex capite
fluens: significat Christum, Sapientiam patris
incarnatam: est autem maxime opus sapientiæ
ad loquendum rectè. Quare dicitur, *Os iusti*
meditabitur sapientiam, & lingua eius loque-
tur iudicium. 6. dixit: *adaperire*: ad surdum lo-
quitur, quia diuina vox etiam ad horum au-
res penetrat, easque aperit. *Dominus aperuit*

3.
Peccatores
muti.

Matt. 9. 6.

Difficiliter
sanatur.

1.

2.

3.

4.

5.

Psal. 36. 30.

6.

Isa. 50. 5.

mibi

Eccl. 32. 6.

Psal. 57. 6.

Potentia.
Iesu.

Psal. 40. 3.

Gen. 1. 31.

mihi aurem, & ego non contradico, promptus ad credendum & agendum, quæ iubet, efficior, quando ille verbo suo aperit: sermo enim eius viuis, & efficax & penetrabilior omni gladio ancipiti. Væ, qui obtrurat aures suas aduersus incantantem sapienter.

PUNCTVM III.

EFFECTVS consecutus: Et loquebatur re-
uere O, mihi contingat! pone, Domine, custodiam ori meo, & tu claudere, & aperire tum aures, tum maxime os meum. Turba, licet prohibita vulgare miraculum, tanto magis celebrat dicens: Bene omnia fecit, utique bene, nam vidit omnia quæ fecit, & erant valde bona. quod si naturæ, quanto magis gratiæ opera? & surdos fecit audire, & mutos loqui. Vnicum curauerat, sed illi profitentur, sicut illum, ita & plures posse, & paratum esse curare. Certè id de spiritali surdo & muto inprimis verissimum est.

MEDITATIO XXXVII.

De Demoniaci Lunatico Matt. 17.

Mar. 1. Luc. 9.

PUNCTVM I.

I.

Dæmon.
vexat corpus.

2.

Magis animam.

DAEMONIS feritas in obsessum, Deo permittente. 1. in corpus, qualis describitur ite. 2. In animâ, in quam exercet similia, cum eam subijcit sibi Mutum & surdum facit, ut in præcedenti; Lunaticum, per inconstantiam in bono. Allidit terre ut per affectum inhaereat;

spumat,

spumat, & stridet per foeditatē, & impotentia
verborum, *rescit* quasi insensibilis ad diuina;
nunc in ignem cupiditarum mittit, nunc in a-
quas mundanorū desideriorū mergit, & dissi-
pat eum, ab vno in aliud peccatum distrahēs.
Neg, discipuli possunt eum eicere: nulla cōcio-
natorū, & Confessariorū operā iuuari potest. 3.
Ex his intelligitur, qualiter in inferno Diabo-
lus tractet illos, qui in potestatem eius veniūt.

Marc. 9. 17.

3.
maximè in
inferno

PUNCTVM II.

CHRISTVS inuehitur in incredulitatē il-
lius gentis, quasi propter ea Dæmon resi-
stat, *o generatio incredula & peruersa, quousq;*
ero vobiscum; quamdiu vos patiar? quasi tædeat
ipsum inter illos viuere, nec ferendi sint dio-
tius, sed etsi ingratiitudinem detestatur, homi-
num tamen miseretur. Me miserum, in quem
ita fulminare meritò potest: Iabet afferri ad
se hominem, & cum vidisset eum, statim spiri-
tus conturbauit illum, & elisus in terram volu-
tatur spumans, quantum audet malignus in
ipsius Christi præsentia? quid non aliàs? Tunc
parens orat pro filio, *si quid potes, adiuua nos,*
misertus nostri. oportuit tam exilem fidem pri-
us excitare, & ita respondit, *si potes credere,*
omnia possibilia sunt credenti. omnia sine exce-
ptione, mira omnipotentia fidei. fac, Domine,
vt credam, sicut oportet. Ille ergo videns, ex
sua fide pendere filij sanitatem, ait, *Credo Do-*
mine, adiuua incredulitatem meam. Laudabi-
lis oratio, quando præstat, quod potest, rogat
pro eo, quod minùs potest.

Incredali-
tas Deo e-
xola.

Mat. 17. 18.

Marc. 9. 19.

Ver. 21.

Ver. 23.

PVNCTVM III.

i.
Christus
minatur
Dæmoni.
per. 14.

Luc. 11. 24.

2.
Ægre re-
cedit a-
nima.

3.
Mat. 9. 29.

Nanum
porrigit
Iesus.
Vers. 26.

4.
Luc. 9. 44.

i.
Mat. 17. 19:

2.
Fides sit
humilis.

Oratio &
ieiunium

PELLITVR Malignus Spiritus. 1. Iesus
comminatus est illi, dicens: *surde & mute
spiritus, ego precipio tibi, exi ab eo*, pro imperio
agit, & *amplius ne introcas in eum*. Nam solet,
*assumptis alijs pluribus, redire in domum, vnde
exiuerat*. 2. Exclamans, & *multum discerpens
eum exiit ab eo, & factus est sicut mortuus*. Ita,
animam relinquere cogitur: nam id non fit
absque doloribus, quasi parturientis, cum dia-
bolo, & carni homo reuerti debet. 3. *Iesus
tenens manum eius, eleuauit eum, & reddidit
Patri eius*. Ipse solus erigere ac viuificare potest
peccatorem. At ego nolim reddi Patri, sed tibi
adherere, qui es Pater meus. 4: *stupebant au-
tem omnes in magnitudine Dei*.

PVNCTVM IV.

ARGVIT discipulos incredulitatis. 1.
Prudentia Christi, priuatim eos argu-
entis: (cum generatim populum publice ar-
guisset. *O generatio incredula & perversa*) pro-
pter incredulitatem vestram non potuistis eij-
cere. 2. *si habueritis fidem sicut granum sinapis,*
*dicetis monti, transi, & transibit, & nihil im-
possibile erit vobis*. Sinapi granum molle, par-
uum, sed acrimonia, & virtute valens, fides
cum humilitate. Montes transfert, qui moles
terrenorum impedimentorum in Dei seruicio
submouet. 3. Præterea hoc genus Dæmoniorum

non eicitur, nisi in oratione, & ieiunio. quæ ex fide proueniant, nam granum sinapis & fides, cum cognitione sui, spiritum orationis & mortificationis euaporat. Hæc est virgula fumi ex aromatibus myrrhæ & thuris, & est ille fumus à Tobia adhibitus, qui extricat omne genus Daemoniorum.

Cant. 3. 6.

Tob. 9. 8.

MEDITATIONES DE mortuis à Christo resuscitatis, ac de spirituali Resurre- ctione.

TRES mortui referuntur suscitari à Christo. Puella, in qua significantur, qui ex infirmitate, & ignorantia peccant, Adolescens, in quo illi, qui ab æstu passionum abrepti; & Lazarus iam in sepulchrum illatus; quales qui ex malitia peccant.

MEDITATIO XXIX.

De filia Archisynagogi suscitata.

Matth. 9. Luc. 8.

PVNCTVM I.

CONDITIO Puellæ. 1. erat duodenni-
Cnica proles parentum, diuitum, & nobi-
lium. Nulla ætas tuta, & nullæ opes liberant,
nec datur redire, quamuis isti datum, vt sit ir-
remediabile, si semel malè 2. in tali ætate

Luc. 8. 42

1.

2.

præ-

Mors iu-
uenum ob
peccata.

3.

præripiuntur aliquando ob peccata paren-
tum, filijs nimium indulgentium, vel ob pro-
pria, in quæ ruunt, ne penitus præcipirentur,
vel bene quidem incedentes, sed ne malitia
mutet cor eorum, quod est fauoris singularis,
vel denique ob alias diuinæ providentiæ ra-
tiones. Petam mihi contingere, uti maximè ex-
pediet. 3. non potuit hæc defuncta per se quæ-
rere vitam à Christo, præstitit pro ea parens.
Ita pro mortuis in peccato debemus fieri in-
tercessores.

PUNCTVM II.

1.

Christus obsequitur Archisynagogo, &
pergit in domum eius. Non id merebatur
eius fides imperfecta: nam rogauit, ut intraret
domum, quasi non posset absens; indulgit ta-
men, quia humiliter ille petiuerat, *proci dens ad*

2.

Humilitas
occultat
miraculū,

pedes Iesu. 2. Voluit miraculum occultari,
quia maximum hactenus patratorum, liqui-
dem prima mortui suscitatio; quare secluse o-
mnes, præter tres discipulos, & parentes puel-
læ, & præcepit vehementer, ut nemo id sciret:
adhibuit tres illos, quos in Transfiguratione,
& postea in horto, ut illi tanquam seruidiores
conscij essent trium maximarum rerum, &
quæ ad gloriam Christi eiusque ignominiam,
& ad salutem hominum spectarent.

PUNCTVM III.

Luc. 8. 54.

Rom. 4. 18.

Verbo su-

scitat.

TENENS manum Puellæ, ait illi: Tibi dico:
surge. Vocat ea quæ non sunt, tanquam e-

quæ

quæ sunt. O si vocet me, & peccatores ad vitam gratiæ, pro potestate, & efficaciter. *Confestim surrexit Puella, & ambulabat, & insit illi dare manducare.* Manu tenuit: nam eos, qui ex imbecillitate ceciderunt, roborat ad surgendum. *Ambulare cœpit:* quia surgentes à peccato debent se exercere in operibus bonis. Cibo efici iubet, qui roborat vires cœlesti pane.

MEDITATIO XL.

De filio Viduæ suscitato. *Luc. 7.*

PUNCTVM I.

DEFUNCTVS erat Adolescens, in quo significantur illi, qui æstu cupiditatum iacent mortui Deo, quæ ferè sunt, Luxuria ambitio, cupiditas, ira, & isti sunt innumera- biles, quos deslere libet cum Ieremia: *Qui dabit capiti meo aquam, & oculis meis fontem lachrymarum, & plorabo die ac nocte interfectos filie populi mei!* Non fortuito occurrit funeri, sed ex providentia, & facit non rogatus modò, quòd aliàs non nisi rogatus. Verùm & cùm rogatur, ipsius est inspiratio, ac ita totum ab illo est, & præparatio, & iustificatio peccatoris.

PUNCTVM II.

MISERICORDIA motus super Viduam. *Luc. 7. 13.* dixit illi: nolis flere. Non iam occultè, sed palàm patrat miraculum suscitationis, ad fidem prædicationi faciendam. Et dum mo-

Dominica
decima se-
xta post
Trinitat.

Quatuor
portitores,
Ierem. 9. 1.
Motu pro-
prio susci-
tat.

Luc. 7. 13.
Palam su-
cit.

Inspira-
tionum ta-
ctus.

Verbo im-
perat.

Sensim
passiones
fugiunt.

uetur misericordia, ostendit, non ostentatio-
nis causâ id facere; & docet erga afflictos cō-
miserationem, maximè erga viduas & pupil-
los. Por rō lachrymæ pro precibus sunt apud
Deum, & præcipuè Ecclesiæ pro peccatoribus
fusz. O dic Domine: *noli flere*, siste lachrymas,
causam earum auferendo. *Accessit & tetigit
loculum: & qui portabant, steterunt.* Tangit
Deus peccatorem, antequam suscitât, modò
timorem, modò spem, alios quæ affectus exci-
tando. stant portitores, quatuor illa genera
passionum, per quæ ad inferos peccator de-
portatur: nam cohibetur illarum vis, vt detur
locus resipiscentiæ.

PUNCTVM III.

SVSCITAT defunctum dicens *Adolescens,*
tibi, dico, surge. hæc est VERBI Omnipoten-
tia, non vt Elias, & Eliseus opus habuit su-
persterni defuncto *Et resedit qui erat mor-
tuus, & cepit loqui.* Non statim ambulauit,
quoniam qui passionibus seruiunt suis, senti-
unt adhuc difficultatem; incipiunt tamen lo-
qui, confitendo peccata sua, veniam petèdo, &
Deum laudando pro vita sibi reddita. quare
non indignabor super tales, si non statim de-
ponant prorsus prauas quasdam consuetudi-
nes. *Dedit illum matri suæ.* solatium senectutis:
sic iustificatos dat Ecclesiæ ad gaudium, &
exultationem, etiam ipsius Triumphantis.
Reuertitur Adolescens suis pedibus, recupe-
rato vigore spiritus gradiens illuc, ad con-

grega-

gregationem videlicet iustorum, vnde elatus erat mortuus per inordinatas cupiditates. Et acclamatum est Domino: *Quia Propheta Magnus surrexit in nobis: & quia Deus visitauit plebem suam.*

MEDITATIO XLI.

De Lazaro suscitato. Ioann II.

PUNCTVM I.

SORORES Lazari huntiant Christo: *Ecce quem amas infirmatur*, forma orandi brevis, efficax, & perfectorum; per insinuationem tantum procedit ex amoris Dei erga se multa fiducia, cum resignatione integra in illius voluntatem. Vt licet pro iaculatoria, & possunt variari verba, quem creasti, qui est tua imago, quem redemisti, &c. & pro *infirmatur*, alia quæuis necessitas supponi spiritualis, vel corporalis. Similis fuit illa: *Fili, vinum non habet: & sponsæ: si inueneritis delectum, dicite: quia amore langueo.*

Feria sexta
post Do. 4.
Quadrag.

Ioan. II. 3.
Modus orandi.

Ioan. 2. 3.
Can. 5. 8.

PUNCTVM II.

CHRISTVS renuntiat fororibus: *infirmas hæc non est ad mortem, sed pro gloria Dei, ut glorificetur Filius Dei per eam. & tunc mansit in eodem loco duobus diebus. intra quod tempus Lazarus mortuus est. i. Magnum solatium impertit Deus iustis, quando mala eis obuenientia significat esse pro gloria sua. id verò sequitur, vel quia mirabiliter, non co-*

i.
Solutum
iustorum.

1.
Probatio
magna.

Rom. 4. 18.
Iob 13. 5.

gitantes liberat; vel, quia eminere facit iustorum virtutem in ferendo, & prouentum donorum cum tentatione eis reddit. 2. Cum spes facta esset vitæ, valde contristatæ fuerunt sorores de Lazari morte, & probata est fides, cum aliter euenisset, quàm Christus dixisse videbatur. Ita, cum Abraham iussus est immolare filium, in quo promissa erat benedictio gentium. sed laudatur: *quia in spem contra spem credidit.* Quare cum Iob: *etiamsi occiderit me, in ipso sperabo, veruntamen vias meas in conspectu eius arguam, & ipse erit Saluator meus.*

PUNCTVM III.

Ioan. 11. 8.

Iob 14. 5.

Psal. 54. 24.

CHRISTVS denuntiat Apostolis reditū in Iudæam, at illi tergiuersantur: Rabbi, nunc quærebant te Iudæi lapidare, & iterum vadis illuc? sed confirmat illos duplici ratione. 1. quia sunt *duodecim horæ diei*, ita & *vita terminus* cuique à Deo constitutus, *qui præteriri non poterit.* Ut proinde, metu mortis intempestiux. non sit omittendum opus diuinæ gloriæ. Vel, cum tot sint horæ diei, fieri potest, ut, quod primà cogitatum est, in alia mutetur sicque Iudæorum animi remiserint de odio. 2. *Si quis ambulauerit in luce, non offendit.* hoc est, benè agens non incurret mortem, quamdiu Deus illum seruare constituit, qui autè in tenebris peccati, is aliquando pro poena peccati tollitur è medio, ut est in Psalmo: *Viri sanguinum & dolosi non dimidiabunt dies suos, nō*

per-

peruenient ad medietatem, & occidet eū sol in meridie, in media luce vitæ. *Amos 8, 9.*

Post hæc rectè insinuat causam profectio-
nis: *Lazarus amicus noster dormit, sed vado, vt à somno excitem eum.* somnum vocat, quia tam facili sibi foret, atque à somno excitare illum. sed præcipuè significat, mortem amico-
rum Dei instar somni esse, ex quo homō redit ad consuetas vitæ functiones. Ita iusti inter-
quiescunt, dum ad vitam meliorem reuocantur: non ita peccatores, qui ad æternam mor-
tem suscitandi sunt.

Sensum
mortem
pandit.

Apostoli, præoccupati timore, non intelli-
gunt verba Christi, alioqui non obscura, cū
absurdum foret, causa somni iter suscipere.
Ita imperfecti volunt intelligere, & semper
aliquid commentantur circa mandata maio-
rum. Quare Christus apertè dicit: *Lazarum mortuum esse: & gaudio, inquit, propter vos, vt ei datus.* Credebant illi quidem, sed cōfirman-
di erant in fide per miraculum. Et, quasi de
nouo credere dici possunt, quando ita affici-
untur, vt, si prius non credidissent, vel iam fo-
rent credituri. Ita, cū vota renouo, ita affe-
ctus, vt, si non antea, iam illa vouerem, rectè
dicor nunc vouere. *Thomas ait: Eamus & nos, & moriamur cum illo.* feruor charitatis in
Deum, pro quo morti se offert; & in pro-
ximos, quos ad idem exhorta-
tur. Offeram me pa-
riter.

Imperfecti
nolunt in-
telligere,
quæ agen-
da.

Feruor D.
Thomæ.

PUNCTVM IV.

Psal. 118. 8.

Infirma fi-
des MartheMariæ obe-
dientia.
Reuerenti-

MARTHA occurrit Christo, quem ita compellat: *Domine, si fuisses hic, frater meus non fuisset mortuus. Utique fit, ut, subducente se Christo, in mortem peccati labamur. obsecro, non me derelinquas vsquequaq;* vsque ad lapsum subiicit Martha: *sed & nunc scio, quia quacunque poposceris à Deo dabit tibi.* Infirma fides, quasi non ipse posset conferre vitam, nisi precibus obtinendo, cum tamen esset Deus: quod Dominus volens corrigere ait: *Ego sum resurrectio & vita, (dator videlicet istorum) qui credit in me, etiamsi mortuus fuerit, uiuet, (resurget ad vitam) & omnis, qui uiuit, & credit in me, non morietur in æternum.* quasi dicat: & vita, ad quam credentes resurgent, erit vita nunquam defectura. Totum est verum, tam de corporali, quam de spiritali resurrectione, & vita. nam ille etiam, qui mortuus est peccato, per fidem recipit vitam gratiæ, & hæc vita credentium propagatur in æternum, quantum ex ipsa est. Porro Christus de corporali resurrectione maximè loquitur. Ad hæc Martha, *credidi Domine, quia tu es Christus Filius Dei uiui, qui in hunc mundum venisti,* ac proinde, quod possis pro arbitrio suscitare mortuos. En, quam docilis, & quomodo corrigit seipsam! **CHRISTVS** adesse Mariam etiam vult miraculo, pro merito amoris eius erga ipsum Christum, utque ita illam magis accenderet. *Surrexit citò, & venit, & cecidit ad pedes eius.*

vbi

vbi imitanda prompta obedientia, posthabitis, qui eam consolabantur. sic agendum, cum Deus vocat. Deinde reuerentia, accedendo ad pedes, (quod non legitur de Martha) & nobilioribus Iudæis spectantibus, qui Christum oderant. Denique fides, & resignatio: nam cum dixisset: *frater meus non fuisset mortuus*, non subiecit, quod posset adhuc orando resuscitare illum, vt dixerat Martha, sed credens, quod pro potestate id posset, nec tamen petijt, Christo re relinquens, qui modus habet vim imperandi: vnde Ecclesia precibus Magdalenæ in collecta tribuit fratris suscitationem. In Martha & Maria designantur actio & oratio, siue contemplatio, vtraque concurrere debet, ad conuertendos peccatores.

PUNCTVM V.

IESVS turbatur spiritu & lachrymatur. I. quidem, vt vidit Mariam plorantem, & Iudæos, infremuit spiritu, & conturbauit seipsum & lachrymatus est. Deinde, rursus feruens in seipso, venit ad monumentum. Priore vice ex officio Charitatis, vt fletet cum flentibus, & propter Phariseos tunc flentes, sed ex miraculo capturos occasionem Christum ipsum interficiendi: posteriore autem, ex commiseratione defuncti & peccati recordatione, per quod mors introiuit, pro qua abolenda foret etiam ipse subiturus similem conditionem, vt inuolutus conderetur sepulchro.

Lachrymas Christi acceperunt alij pro signo amoris singulari in Lazarum, alij autem

Fides.

Christus
flet cum
flentibus.Iudicia
mundi va-
na.

calumniabantur, cur non prohibuerit mori, siquidem potuerat cæcum à natiuitate curare? Iubet Christus, tolli lapidem, vt cadauer fieret conspicuum, noluit verbo ipse amoliri, quia non vtitur miraculo in ijs, quæ per alios fieri valent. Obstitit Martha, quod *sciret iam quatrduanus*. sic amici obijciunt impedimenta, quando expedire quis se vult à malo statu. *Elevatus sursum oculis gratias agit*. Docemur è cælo petendum peccatori remedium. *gratias agit*, tanquam pro accepto, quia certum erat.

PUNCTUM VI.

SVCITAT, voce magna clamans, *Lazare, veni foras*. extulit vocem, quasi ad longè positum, & erat anima in Lymbo: item dedit specimen horribilis illius *tuba*, surgite mortui, venite ad iudicium. Obediuit imperio, & adhuc vinctus prodijt, nō modò viuus, sed perfectè sanus, qui scetebat priùs. Iubet solui à discipulis, vt ipsi propiùs cernāt miraculum. Est forma peccatoris, qui subtrahente se gratia moritur, ac sepelitur, obrutus terrenis cupiditatibus, & clauditur lapide obdurationis & scetet à scādalis præbitis. Pro hoc orant iusti, & Christ⁹ efficacitate suæ inspirationis, & motionis ad vitam reuocat, vt de nullius salute sit desperandum. Prodit *ligatus instructus*, vitæ prioris habitibus, quos deponit directione Patris spiritualis. Vel excitatum per diuinam inspirationem soluit à peccatis sacerdos. Nam etiam, qui per contritionem reuixerunt, debent absolui in Sacramento pœnitentiæ.

Lazarus
forma pec-
catoris.

1. Cor. 15. 52.

MEDITATIO XLII.

*De Concilio contra Christum occasione
suscitati Lazari. Ioan. 11.*

Pridie Pal-
marum.

PUNCTVM I.

QUEMADMODVM odio & inuidia per-
citi Iudæi, ex bono Christi opere pa-
rant sibi venenum ad interitum: nam, qui in-
terfuerant suscitationi Lazari, ad Phariseos
referunt. Vnde coacto concilio, Pontifices &
Pharisei dicunt: *Quid facimus? quia hic ho-*
mo signa multa facit? Et tam sunt cæci, vt id,
vnde omnes credituros in Iesum ominantur,
tanquam in Messiam, ipsi nolint intelligere.
atque ita fit, iusto Dei iudicio, vt malum tem-
porale, quod metuunt, prædicant: *Venient Ro-*
mani, & tollent locum nostrum, & gentem.

Inuidia
cæca.

Ioan. 11. 47.

PUNCTVM II.

SENTENTIA Caiphæ Pontificis: *Vos ne-*
scitis quidquam, neque cogitatis. ab arro-
gantia orditur, quasi solus sapiat, & tam infi-
piens fuit, vt, quod ad auertendam cladem à
populo necessarium esse dixit, causa extite-
rit excidij. sed quod ille proprio spiritu malè
cogitauerat, spiritus sanctus vertit in Prophe-
tiam, vt per illa ipsa verba prædiceret neces-
sitatem Christi passionis, ad totius generis
humani salutem: *quia expedit vobis, vt vnus*
homo moriatur pro populo, & non tota gens
pereat.

vers. 49.
Superbia
alios ar-
guit.

PUNCTVM III.

CONSPIRATIO in Christi necem:

Ab illa ergo die cogitauerunt, vt interficerent eum. Nec latuit Christum omnia scientem, & tulit, vt apud Ieremiam ipse loquitur: Tu autem Domine demonstraſti mihi, & cognoui. Tu oſtendiſti mihi ſtudia eorum. Et ego quaſi agnus manſuetus, qui portatur ad victimam; & non cognoui, quia cogitauerunt ſuper me conſilia, dicentes: mittamus lignum in panem eius, & eradamus eum de terra viuentium. quomodo cognouit, & non cognouit? quia ſciuit; ſed non vt vitaret, aut vliſceretur. Ergo abiit in regionem iuxta deſertum in ciuitatem, qua dicitur Ephrem, & ibi morabatur cum diſcipulis ſuis, qui permanebant cum eo in tentationibus ipſius. Ibi comparauit ſe ad appropinquantem iam horam ſuam.

Ieſus manſuetus cecidit.

Ierem. II. 18.

Ioan. II. 54.

Qua his ſunt conſequentia, habentur in quarta parte.

DE PARABOLIS
CHRISTI.

MEDITATIO XLIII.

De Sapiente & Stulto. Matt. 7.

Luc. 6.

HAEC Parabola dicta eſt à Domino poſt ſermonem in monte, propter variam diſpoſitionem audientium.

PVNCTVM I.

SAPIENTEM Christus nominat eum, qui **S**audita non tantum credit, sed facit; stultum vero, qui, cum credat, contrarium facit. nam quæ maior est stultitia, quam cum crevas æternos ignes deberi peccanti, & Deum ubique præsentem omnia conspiciari, nihilominus ita agere, ac si Deus non videret, vel infernus non esset? & talium stultorum infinitus est numerus in Ecclesia Dei: quare comparatur etiam stultis virginibus, non solum prudentibus. Porro flumina, venti, & pluvia, quæ quatunt domos tam sapientum, quam stultorum, significant tria genera tentationum. *Flumina* è terra sunt, nempe caro nostra & homines terreni, à quibus exercemur. *Venti* significant aëreas potestates. Denique *pluvia* è cælo veniens, illas tentationes, quæ ex speciali providentia Dei veniunt, etiam per homines alioqui zelosos, sed non secundum scientiam.

Rursum, *flumina* sunt tentationes sensuualitatis & avaritiæ, quæ dicitur *concupiscentia carnis*. *Venti* curiositatis & vanitatis, quæ est *concupiscentia oculorum*. *Pluvia* superbiæ & ambitionis, aliàs *superbia vita*. Præterea *flumina* domus fundamenta subruunt, & sunt tentationes *incipientium*. *Venti* latera quatunt, surgentesq; parietes, qui sunt *proficientes*. *Pluvia* in tecta decedit, in eos, qui culmen *perfectiõis* tenent. Nullus quippe gradus à tentatione immunis.

Stultus aliter agit quàm credat.

Flumina, venti, pluvia signant 3. tentationes.

PUNCTVM II.

Arena quid
est?

Dan. 2. 34.
45.

ADIFICARE *supra arenam*, est contentum esse, quòd credas absque stabili proposito viuendi iuxta fidem. *Arena* est cor varijs affectionibus terrenis dissipatum ac dissolutum. Denique vires propriae, & inconstantia nostræ voluntatis, ac proprii iudicii regula, sunt arena, nihil habens soliditatis ad sustinendum ædificium spirituale. Statua Nabuchodonosor, tametsi alioqui magnifica, quòd digitos haberet fusiles, percussa paruo lapide, corruit. Ita omnia talenta, & gratiæ ipsæ gratis datæ, & quicquid est speciosum, si carent soliditate fundamenti.

PUNCTVM III.

Petra est
Charitas.
Ephes. 3. 17.

Mortifica-
tio gratia.

Phil. 4. 13.
Rom. 8. 35.
Matt. 16. 18.

IN petra ædificat, qui in fide viuus, quæ per dilectionem operatur, sicut optat Paulus, *vt Christus habitet per fidem in cordibus vestris, & sitis in charitate radicati & fundati.* Petra est etiam intima sui cognitio perueniens vsque ad centrum proprii nihili, in quo tanquam terra stabilis, immotaque perseverat. Petra est etiam Christi gratia, cui fidendum, non sibimet. *Omnia possum in eo, qui me confortat.* Vt dicere possim: *Quis me separabit à charitate Dei? nec porta Inferi preualebunt aduersus eum.*

MEDITATIO XLIV.

De Semine. Luc. 8.

PUNCTVM I.

SEMEN *est verbum Dei*, vt ipse Dominus
 Sexposuit, idque tum externum instructio-
 nis, tum internum inspirationis diuinæ. &
 hoc maximè, quod est quasi vis seminalis in
 grano, quia sine interno frustra iacitur exter-
 num. Qui seminat est præcipuè Deus, auctor
 bonæ inspirationis. Externū autē verbū etiā
 hominis, & pij libri, tanquam semen iaciunt.
 Terra est anima, secundū suas potentias.
 In *memoria* excipit pias cogitationes, sancta-
 rumque rerum imagines. In *intellectu* illu-
 strationes cælestes ad diuina penetranda, nec
 non consilia bona agendorum, & dictamina
 conscientiæ, vel arguentis, quæ agit, vel pro-
 bantis. In *voluntate* motiones varias ad bo-
 num. Finis est, vt terra ipsa perficiatur. gra-
 tias agam, petam, vt terram animæ meæ subi-
 gere, seminareque copiosè velit.

Dominic.
Sexages.Semen ver-
bum Dei.Terra ani-
ma.Finis fru-
ctus operū.

PUNCTVM II.

QUOD non omnis terra fructificat. 1. Il-
 la, quæ est *secus viam*. quo fit, vt partim
 semen conculcetur à prætereuntibus, partim
 à volucribus comedatur. *Hi sunt qui audiunt,*
deinde venit diabolus, & tollit verbum de corde
eorum, ne credentes salui fiant. Nimirum ho-

1.
Via cor-
durum.

2.
Deuotio in
constans.

2. Cor. 6.
Spinæ di-
uitiæ, curæ,
voluptates.

mines cor habentes peruium quibusuē cogitationibus & desiderijs, qui non condunt intra se verbum, & exteriùs in superficie tantum excipiunt, vt solum non subactum, quales sunt viæ publicæ. 2. est *terra petrosa*, quæ non habet humorem. *Hi sunt qui eum gaudio suscipiunt, & in tempore tentationis recedunt.* Nempe homines bene propensi, sed instabiles, in quibus semen radices non agit; sicque, orto sole tentationis, arescunt. quos S. Marcus *Temporales* vocat, & sunt quasi nubes matutina, & quasi ros mane pertransiens. Porro sol lucet, & adurit, quod est duplex tentationis genus, vnum à prosperitate, alteri ab aduersitate rerum: oportet autem se exhibere Dei seruum in vtraque fortuna, atque vt ait Paulus, *per infamiã & bonam famã*, &c. 3. est *terra spinosa*, in qua *simul exorta spina semen suffocant.* & hi sunt, qui à sollicitudinibus & diuitijs, & voluptatibus vitæ eunt suffocantur, & non referunt fructum. Tria ista, quæ blanda hominibus videntur, Christus vocat *spinās*; nempe animum pungunt, & cruciant & Deus, malim pungi spinis tuæ coronæ, & licet carnem lacerant, spiritum sanant.

NOTA, quod prima terra nec germinare quidem incipit: secunda incipit, sed non promouet defectu succi; tertia succum habet, sed ob vepres non as-
furgit.

PUNCTVM III.

TERRAE bonæ & fructiferæ sunt tres similiter gradus: alia reddit *tricesimum*, alia *sexagesimum*, alia *centesimum*, iuxta tres gradus incipientium, proficientium, & perfectorum, vel, vt Patres exponunt, secundum status coniugij, Cælibatus, Martyrum.

Tres gradus fructuum bonorum,

MEDITATIO XLV.

De Zizanijs. Matt. 13.

EXPOSUIT hanc Parabolam ipse Dominus: *Qui seminat bonum semen, est Filius hominis. Ager autem est mundus bonum verò semini sunt Filij Regni. Zizania autem sunt Filij nequam. Inimicus autem qui seminavit ea, est Diabolus.*

Dominica
5. post Epiphaniam.

Matt. 13. 37

PUNCTVM I.

IVSTI sunt Christi semen, hoc est, filij ab eo geniti in gratia, & ideo semen dicuntur, quia per eos alij gignuntur Christo. Filij autem Regni dicuntur, quia, *si filij, & heredes regni paterni*. Zizania similia sunt tritico in herba, cum autem creuerint, nigrescunt, & nocent tritico, quin obsunt edenti, visum lædunt, & prouocant vomitum; sic mali homines conueniunt cum bonis in natura, quin & in fide, & ritibus externis, at tetri intus sunt &

lulli semen

Rom. 8. 17.

Zizania
mali omnes.

pecca

Dæmon ve-
nit dormi-
entibus ho-
minibus.

peccatis, obsuntque vrentibus eorum con-
suetudine, Deoque nauseam prouocant. Prius
seminatur triticum, postea Zizania, quia bo-
ni prius fuerunt, quam mali, tum Angeli, tū
homines. Et nunc quos Christus regenerauit,
inter eos mali à Diabolo superducuntur. imò
ex tritico conantur facere Zizania, ex filijs
Dei filios Diaboli. & facit id *dormientibus ho-*
minibus, incurijs, & negligentibus suam salu-
tem. Vbi *superseminauit, abiit*, vt qui, iacto in
alium lapide abiit, & subducit se, nolens vide-
ri auctor: idque est tantò perniciosius. quin se
transfigurat in Angelum lucis, vt ex Deo vide-
atur semen. Nam ab initio non apparet tritico
abfimile, sic mali homines, semen Diaboli,
bonis se initio accommodant, eademq; simu-
laat studia, videlicet induunt vestimenta ou-
um. Abit etiam Diabolus, quia desistit à ten-
tando, vt post interuallum inuadat incautos
periculosius.

PUNCTVM II.

Admiratio
de Zizanijs

SERVI dicunt Patrifamilias, *nonne bonum*
Semen seminasti in agro tuo? vnde ergo habet
Zizania? post sementem Euangelij à Christo
factam, ac post abundantiam gratiæ in omnes
effusam, qui zelum habent Dei, mirantes di-
cunt, vnde tantum scandalum in agro Domi-
nico? & inter eos ipsos, qui sal & lux esse de-
buerunt? & inter illos, qui perfectionem pro-
fitentur? dicam etiam ego & intra me, vnde
tot imperfectiones, & peccata, quæ suffocant

spiri-

spiritum? Respondet Dominus: *inimicus homo* *Mat. 13. 28.*
hoc fecit. Deus intentator malorum est. Diabo- *Iacob. 1. 13.*
 lus autem Tentator per excellentiam dici-
 tur, & Sathan, siue aduersarius, cuius semen
 & filij sunt, qui eius *desideria perficiunt*; nam, *Ioan. 8. 44.*
qui facit peccatum, ex diabolo est. Sed & homo *1. Ioan. 3. 8.*
 imple peccator intelligi potest nomine inimici,
 qui animam suam perdit propria voluntate.
 Ergo & homo, sibi ipsi inimicus hoc facit. In
 altero etiam sensu accipi potest Superior in-
 terrogatio, Cum tuus, Domine. sit ager & ip-
 se seminaueris, quare finis superseminari Zi-
 zania? ad huc sensum non respondet Christus
 Dominus, quia non oportet scrutari arcana
 diuinæ prouidentiae: illud est certum, & suffi-
 cit absque magna & iusta ratione id non per-
 mittere, indeque multa bona elicere in salu-
 tem electorum.

PUNCTVM III.

SERVIAutem dixerunt ei, *visimus & colli-* *Zelus nimis*
gimus ea? hic est iustorum zelus, qui potest *us patet.*
 esse intempestiuus, ex quatuor causis 1. si om-
 nia simul velint eradicare, siue ex Ecclesia, si-
 ue ex congregatione Religiosa, siue ex se ipsis,
 quod non potest ordinari a lege. 2. si ante tem-
 pus, quia malus sustentatus, fortè fiet triticum
 & nimium conando, fortè perdes sanitatem.
 3. si cum periculo eradicandi triticum: si e-
 mendes malos, seu punias cum damno bono-
 rum. quod accidit in bellis suscipiendis. 4. si
 spiritu vindictæ, ut cum Apostoli petebant ig-

Luca 9. 54. nem mitti in Samaritanos, quòd non reciperet
 Christum Respondit Dominus: *Non, ne forte*
Matt. 13. 29 colligentes Zizania, eradicetis simul & triti-
Dei chari- cum Considera charitatem erga hominem. nã
tas. Angelos peccantes, quasi Zizania statim extir-
 pauit, igniq; tradidit: homines autẽ sustinuit,
 dum in triticum, si vellent, verterentur.
Parcit. Parcit etiam Zizanijs propter bonos, sicut
 cum paratus fuit Sodomitis parcere, *si vel de-*
Gen. 18. 32. cem reperirentur in eis iusti: quòd magno solati-
 o est bonis, & spem facit, quòd eis non oberit
 inter malos conuersari, & versari. Nihilomi-
 nus, quando absq; damno tritici possunt Ziza-
 nia extirpari, Dominus id nequaquam ve-
 tat.

PUNCTVM IV.

Mali cum
bonis mix-
ti.

Reg. 19. 18.
Vtutque
crescant.

Apoc. 21. 11.

Iudicium
generale.
Matt. 13. 41.

SIGNIFICAT Dominus tempus collectio-
 nis. *Sinite*, inquit, *utraque crescere vsque ad*
messẽ, quo monemur, semper in hac vita fu-
 turos malos bonis permixtos, & quantumuis
 semper seminet Diabolus Zizania, nunquam
 defuturum triticum. Putabat Elias, se relictũ
 solum cultorem Dei, cum audiit a Domino, *re-*
liqui mihi septem millia virorum. Deinde simul
 vtrumque crescit, & lolium & triticum, iuxta
 illud, *qui sordidus est, sordescat adhuc, & qui*
iustus est, iustificetur adhuc. Sed triticum ex
 Dei voluntate, & per eius gratiam, Zizania
 autem ex permissione illius tantũ. Messis
 tempus erit duplex, & particulare, in morte
 cuiusque, & vniuersale, post resurrectionem,

quando

quando angeli colligent de regno eius omnia scandala, & eos, qui faciunt iniquitatem, mittent in caminum ignis. Colligent, autem ea in fasciculos ad comburendum, ut eiusdem culpæ socios similiter cruciandos tradant, & quemadmodum fasciculi semutuo accendunt: ita infelices illi sibi mutuo fiant ad tormentum. Eritque ibi fletus & stridor dentium, præ rabie inuicem excandescentes, & in eos, qui sibi damnationis occasio extiterunt. At, *triticum* inquit, *congrega- te in horreum meum, tunc fulgebunt iusti sicut sol in regno Patris sui.*

Mat. 13. 43

MEDITATIO XLVI

De grano Sinapis. Matt. 13.

PUNCTVM I.

GRANVM Sinapis refert Christum: nam est minimum, nec specie, nec odore æstimabile, intus tamen efficax & calefactiuum, præsertim siteratur. Ita Christus de se: *Ego sum vermis & non homo*: at intus secundum animam, in eo erant omnes thesauri sapientiæ & scientiæ Dei, quin habitabat in eo diuinitas corporaliter, ut inflammaret omnes, & traheret omnia ad se. In Eucharistia est etiam minimus quando in grani minima particula totus est, & manducatus accendit, & condit quamuis insulsa & ingrata. 2. Deinde refert iustos foris despectos, intus à charitate feruentes,

Granum
sinapis.

1.

Christus.

Psal. 21. 7.

Colos. 3. 6

2.

Iusti.

Cant. 1. 5.

3.

Virtutes.

1. Cor. 1. 23.

1. Cor. 1. 27.

qui persecutionibus vexati virtutem suam produnt, exemplo Christi. Hinc Ecclesia dicitur *nigra, sed formosa*. 3. Refert etiam eas virtutes, quibus Regnum ccelorum acquiritur: quarum prima est *fides* in Christum, mundo despecta: nam credere in Christum crucifixum, *Iudais quidem scandalum, gentibus autem stultitia* habetur, *ipsis autem vocatis Iudais & Græcis est Dei virtus & sapientia*. Pariter octo illæ beatitudines à Christo pronuntiatæ iudicio mundi minimè sunt tales, sed potiùs miseræ maximæ: at intus degustatæ deprehenduntur omnino tales. Denique *stulta mundi elegit Deus, ut confundat Sapientes, & infirma, ut confundat fortia, & contemptibilia, & quæ non sunt, ut ea quæ sunt destruat, ut non gloriatur omnis caro in conspectu Dei*.

PUNCTVM II.

Simile
Christus.

Phil. 2. 9.

Isai. 42. 2.

Apostoli.

QUOMODO granum hoc terræ mandatū germinet in arborem præ omnibus oleribus, ut ex vno plurima grana existant. Ita Christus in terra mortificatus, evasit in caput hominum & Angelorum, sortitusque est nomen super omne nomen: & impletum est illud, *in die illa erit germen Domini in magnificentia & gloria, & fructus terra sublimis*. Eodem modo Apostoli evaserunt in magnas arbores per multas tribulationes, sicut prædixerat eis Christus; factique sunt tot fidelium Patres. Similiter Martyres, & Confessores, atque ego ipse potero. Idem

accommodari potest ad ipsas virtutes: nam *fi-*
des crescit vsque ad contemplationem Dei, *spes* Virtutes.
 vsque ad prægustationem cælestium, *charitas*
 vsque ad vnionem cum Deo perfectam, *obe-*
dientia, vt Dei exequatur voluntatem, tan-
 quam in coelo sit; *fiducia*, vt montes transferat.

PUNCTVM III.

QUOD *veniunt aues, & habitant in ramis e-* RamiChr-
ius. Christi quasi rami sunt, eius prædica- sti qui?
 tio, consilia Euangelica, Sacramenta, exempla
 actionum, miracula, & vitæ eius mysteria, in his
 ramis habitant non magnæ & rapaces aues, ry-
 pus feruorum; sed parvæ hoc est humiles ani-
 mæ, per contemplationem illuc euolantes. qua-
 lis erat quæ dicebat *sub vmbra illius, quem de-* Cant. 2. 3.
fideraueram, sedi, & fructus eius dulcis gutturi Psal. 54. 7.
meo: quis dabit mihi alas & volabo, & ibi requi-
escam? Deinde & sancti viri tanquam arbores
 expanderunt ramos suos, prædicando, scriben-
 do, viuendo; quos intuendo, & imitando, profi-
 cere debemus.

MEDITATIO XLVII.

De Negotiatore Margaritarum.

Matt. 13.

PUNCTVM I.

QUOD studia negotiaonum sint varia
 pro diuersitate rerum, quas quærunt: alij
 enim bona temporalia, alij sciências; alij politi-
 cas virtutes, tanquã margaritas, veniuntur. Chri-

In Com-
 muni SS.
 Virginum

Psal. 23.6. Iustianus autem querere debet Christum, & quæ nos cum illo iungunt virtutes. *Hæc est generatio querentium Dominum, querentium faciem Dei Iacob.*

PUNCTVM II.

Matt. 7.7. **Q**UOMODO querere oportet? incessanter petendo à Deo: *Petite & dabitur vobis.* Deinde studiosè meditando circa illa, vbi inuenitur Christus. Denique insistendo illis medijs, quæ inspirantur à Deo & alioqui sunt idonea.

PUNCTVM III.

Colos. 3. 14. **B**ONVS Negotiator, inuenta vna preciosa Vna & preciosa gemma, vendit omnia, quæ habet, & emit eam. Vna & preciosa dicitur: hæc est Christus Deus homo non plures, sed vnus: vel etiam *Act. 4. 31.* Charitas, quæ est vinculum perfectionis, in quo omnes vinciuntur virtutes: & quæ nos vnum facit cum Deo, & proximo, vt sit *cor vnum & anima vna.* Dicitur inter concilia margaritarum esse vnum, quasi dux, quo capto facile reliquæ: hæc est Charitas. Inuenitur, cum planè penetratur illius excellentia, & cognita rapit ad se cor, vt parum iudicet, pro illa dare omnia, iuxta *Cant. 8. 7.* illud, *si dederit homo omnem substantiam domus sue pro dilectione, quasi nihil despiciet eam.* Inspice, quam margaritam quæras, an hanc preciosam, vel potiùs terrenam aliquam. Deinde, quàm seriò quæras. Denique quid pro habenda dare velis? quanti eam æstimes?

P V N C T V M IV.

QUOD hæc Margarita preciosa sit etiam perfectio Religiosa, ad Christi imitationem, quæ una est, eminenter continens dilectionem duplicem: Iesu, & proximi, quasi lumen duplex oculorum, de quibus ad sponsam dicit Dominus: *vulnerasti cor meum, in vno oculorum tuorum. Vnum* dicit, cum sint duo: quia ut vnus agunt, & quo vnus vergit, etiam alter. tales sunt actiones Religiosorum ex Dei & proximi charitate. Magni sunt duæ Margaritæ similes, & pro inauribus appendi solent ad ornatum. Ita Religiosam vitam ornant Dilectio Dei, & proximi. Si intelligerent homines precium eius, omnes vellent sua diuendere, pro ea comparanda. *ô intelligam ego! ô studeam copulare in vnum, & duobus, quasi vno oculo, videre Deum & proximum!*

Religiosa
perfectio
Margarita

Cant. 4. 6.

MEDITATIO XLVIII.

De Oue perditâ. Luc. 25.

P V N C T V M I.

HOMO, qui habet oves, est Christus, qui propter illas descendit de coelo, & mirabiliter eas gubernat. Nouit singulas nominatim, suo caractere signat, ante eas vadit, præcedens exemplo, curat à scabie peccati, defendit à lupis infernalibus, pascua præbet

Dominica
3. post Tri-
nitat.

Pastor
Christus.

pinguia, doctrinæ, & Sacramentorum, imò se-
ipsum illis in cibum dat: ò sic me gubernas, &
Psal. 22. 11. pascite! Dominus regit me, & nihil mihi deerit.
Oues fide- Centum oves sunt generatim fideles, sed pecu-
les. liariter electi, quos in numero habet Deus &
Ioan. 10. 3. scit, qui sunt eius. Hi vocem eius audiunt, obedi-
tes eius præceptis, nouerunt ipsum per fidem &
contemplationem, sequuntur imitatione, gau-
dent illius pascuis, reddunt ei suam lanam, ex-
terna bona, lac etiam interiorum affectuum, &
delicias a se abdicant propter ipsum, foetus i-
tem bonorum operum & carnem denique
propriam, si opus sit mori illius causa, ut
vicem reddant. *Dilectus meus mihi & ego*
illi.

Ouis per- Ouis periens peccator, ex coetu iustorum, &
dica pec- obedientia pastoris proprio suo arbitrio disce-
cator. dens: Nempè non intelligit, nec æstimat bona
quæ sub illo habet. graue illi est audire vocem
eius, dura reputans mandata illius; difficile,
sequi euntem per vias asperas crucis, & morti-
ficationis, fastidit pascua spiritualia, præfert
carnalia. Retinet sibi lanam, lac, & foetus, om-
nia in suum referens commodum, ò quot sic er-
Isai. 53. 6. rant usque ad præcipitium inferni? Omnes
quasi oves errauimus, vnus quisque in viam suam
declinauit

Charitas Pastor bonus errantem quærit ouem, to-
Christi tum genus humanum. Ideo in carne venit tri-
quærentis. ennium prædicauit, & tandem mortem subiit. Et
cū propter omnes ea perfecit, studio tamen
peculiari per se ipsum quæsiuit eas, quæ tunc

aberrabant, & nunc etiam quærit omnes per suos ministros, & oblata remedia, ac internas inspirationes. Et cum nihil sua intersit, si pereat, quia nec lana earum vestiri, nec nutririlacte, nec fortu discere opus habet, referre tamensua ait, & *illas oportet me adducere.*

Ioan. 10. 16

PUNCTVM II.

QUID agit, cum inuenerit? Matthæus ait: *si contigerit, ut inueniat eam:* quo significatur, ipsas oves subducere sese, & occultare, ne inueniantur. O Domine, *erravi sicut ovis, quære seruum tuum,* ne desistas, quantumuis ego fugiam, & me abscondam, sicut Adam, & tergiversari velim, sicut Cain. Inuentam ouem non percutit baculo, non raptat, non tundit calce, sed lætus in humeros suos attollit. Docet, benignè excipiendos peccatores, in humeros imponit, quia *peccata nostra ipse tulit in corpore suo,* & quia suâ gratiâ facit eis suauiter salutis. Quid ni ego vicissim tollam iugum eius, quod *suauis est, & onus leue?* Quin instituit publicam gratulationem, conuocat *ans amicos & vicinos,* Angelos, dicens illis: *Congratulamini mihi, quia inueni ouem meam, quæ perierat.*

Christus
perditam
reducit.

I. Pet. 2. 24

Mat. 11. 29.

PUNCTVM III.

EPIPHONEMA. Dico vobis, quodd ita gaudium erit in celo super vno peccatore pœnitentiam agente, quàm supra nonaginta nauiem iustis, qui non indigent pœnitentia. Quem-

Gaudium
conuersi-
nis.

admodum si Pater aliquis habeat plures filios sibi charissimos, ac ex eis vnus ad mortem infirmetur, & præter spem conualescat, extraordinarium gaudium concipit ipse, & familia tota, quale non ex reliquis sanis: ita in hoc discam gaudere & gratulari de salute peccatorum, & non vt Phariseus murmurare. Ac si aliquando aberrem, vel idèd redire studeam, vt Deum & Angelos laudificem, contra auerfer peccatum, ne contristem.

Sabbatho
post Do-
minicam
secundam,
Quadrag.

Boni &
mali filij.

Eccli. 15. 14
Libertas
hominis.

MEDITATIO XLIX.

De filio prodigo. Luc. 5.

PUNCTVM I.

DVO genera filiorum. Bonus est maior natu, quia virtus antiquior vitio est, & confert senilem maturitatem, & prudentiam; malus autem est iunior, ab imprudentia & leuitate animi, quam ostendit petendo à Patre portionem suam, quasi Deus quippam alicui debeat, & præsumens, quòd possit per se eam gubernare. Aduerte, quomodo Deus talenta distribuatur naturalia, nec non etiam supernaturalia dona, vt vrantur pro libertate. Deus enim *ab initio constituit hominem, & reliquit illum in manu consilij sui*: ita tamen, vt bonum vsum suggerat, & auxilium præbeat. Disce, benè agi cum eo, qui in domo Patris cœlestis amat manere sub eius gubernatione, nec præsumit se ipsum regere, vt iste Prodigus, qui in regionem

longinquam abiit, elongatus à Deo per peccatum, & obliuionem sui Creatoris, iacturamq; faciens omnium acceptorum, inhærendo creaturis: fit vt superbus degeneret in Luxuriæ lordes. Cogitabo, me, eiusmodi fuisse, qui me subtraxerim à Patre, & mille peccates inuoluerim per hoc.

PUNCTVM II.

MISERIAE recedentis à Patre. 1. Fames, non panis sed cibi spiritualis, in regione illa longinqua, non vltus Sacramento- rum, non exhortatio aut lectio pia, non exempla virtutum, non internæ à Deo consolationes. 2. Adhæret vni ciuium, diabolo, qui ad indigna seruitia seruientem abiicit. 3. pascit porcos, in id tantum intentus vt sensuales cupiditates expleat, vel ipsos etiam dæmones pascit, qui turpitudinibus hominis, quasi cibis oblectantur. 4. Neque miser satiatur, quia est cibus bestiarum, non hominis. Misericordiæ diuinæ est affligere peccantes, vt resipiscant, sicut iste doctus malis: *Sepiam*, inquit, *viam ipsorum spinis*. Cōtrā est periculosa prosperitas peccatori *Misereamur impio*, ait Dominus, & non discet iustitiam. Et quiescet indignatio mea in te, & auferetur zelus meus à te, & quiescam, nec irascar amplius.

PUNCTVM III.

RESIPISCIT prodigus. Initium conversionis, reflectere super statum suum, in se autem reuersus, præuentus grati quæ etiam peccatores non deserit. Redite peccatores ad

1.
Fames.

2
Seruitus,
3.
Pascere
demonem.

4.
Insatiabilis voluptas.
Osee 2. 9.
Isai. 26. 10.
Exec. 16.

42.

Cratia
præueniēs,
Isa. 46. 8.

12

Adiuuans.

Ose. 2. 7.

Mala. 3. 18.

Propositū
efficax.

cor. Et audite duri corde qui longè estis à iustitia; prope feci iustitiam meam, non elongabitur, & salus mea non morabitur. Tantū velitis. Deinde promouet conuersionem, si suum cum statu iustorum conferat, etiam minū perfectorum: Quanti mercenarij in domo Patris mei abundant panibus; ego hic fame pereor? atque id tantō efficacius fit, si ipse ex illis aliquando fuit. *Vadam & reuertar ad virum meum priorem, quia bene erat tunc magis, quā nunc. Et conuertimini & videbitis, quid sit inter iustum & impium, & inter seruientem Deo, & non seruientem ei.* Præterea ex his sequitur propositum firmum & efficax nixum agnitioni sui, & fiduciæ in Deum. *Surgam & ibo ad Patrem meum, & dicam, iam non sum dignus vocari filius tuus, fac me sicut vnum de mercenarijs tuis.* Tandem festinato opus est ad exequendum propositum, vt ille; & surgens venit ad Patrem suum.

PUNCTVM VI.

Reddit
gratiam.

EXCIPIATUR à Patre. cū adhuc longè esset, vidit illum Pater ipse, & misericordia motus est. Cū adhuc in peccato esset, & resipiscere cogitaret, imò ante hoc: quomodo enim cogitaret, nisi Deo præueniente per gratiam? Iubet reddi primam stolam iustitiæ, annulum in manus, ad exercitium bonorum operum, calceamenta pedibus ad mortificationem prauorum affectuum, & conuiuio adhibet sui gratissimi corporis. Atque hæc omnia agit significat.

gnificatione maxima latitiæ. Quid tunc filius, quando non inter mercenarios se receptum, sed in priorem statum videt?

PUNCTVM V

QUOD senior filius ægrè fert. sic innocen-
tiores quidam solent indignari ob in-
dulta dona peccatoribus, defectu videlicet
humilitatis, & charitatis, cum potius dicere
deberent, quod Moyses: *Qui tribuat, vt omnis
populus propheta, & det ei Dominus spiritum
suum;* Deinde per hoc responsum senioris vo-
luit Christus declarare, tantam esse miseri-
cordiam Dei erga peccatores, vt possit inui-
diam prouocare in ipsis iustis, tametsi illi, di-
uina consilia venerantes, acquiescunt.

Et tandem mirificè obedientem filium so-
latur: *fili tu semper mecum es, & omnia mea tua
sunt;* quid ergo est, quod de stola, & vitulo que-
raris? Tale est hoc, ac quod de oue perdita: *Ma-
ius est gaudium,* &c. nec idèd præiudicatur iu-
stis, qui non indigent pœnitentia.

Inuidia &
liquorum.

Num. 11.

29

MEDITATIO L.

De Saucio à Latronibus. Luc. 10.

PUNCTVM I.

HOMO hic est quiuis Adæ filius, qui, cum
esset in gratia, & ciuis Ierusalem coele-
stis, descendit in Iericho (quod Lunam signi-
ficat)

Dominica
decima-
tertia post
Trinitat.

Homo la-
pus.

LUC. 10. 3.
Qui La-
trones.

Quibus
spolient

Psal. 136. 7.

ficat) per affectum rerum caducarum. Hic *incidit in latrones*, hoc est, dæmones, insidiatores, & apertos etiam inuasores, qui mundi, & carnis nostræ ministerio vtuntur, ad nos per-
dendos, nempe opera mundanorum hominum, & nostris appetitionibus. Expoliant bonis, charitate, & alijs donis eam comitantibus Spiritus sancti, & nominatim alium alia virtute aut Castitate, aut Patientia, &c. vel etiam ipsa fide, ac spe, cum obesse quàm plurimum intendunt, dicentes: *Exinanite, exinanite vsque ad fundamentum in ea*. Plagæ sunt, quæ ex peccato manent in potentijs, obstructio intellectus, debilitas voluntatis ad resistendum vitijs, inordinatio passionum. *Seminiuum relinquitur*, cum sola fide, & lumine naturali. Hunc me fuisse cogitabo.

PUNCTVM II.

Samarita-
nus Iesus.

QVI sunt illi transeuntes? *Sacerdos & Leuita* sunt, qui, licet in dignitate positi, non valent subuenire, (tale vetus Sacerdotium) vel, qui proprijs commodis intenti, non tanguntur aliorum misericordia, vel, qui saputant, si ipsi periculum vitent suum. Denique nulla pura creatura potuit remedium afferre. *Samaritanus* autem (quod significat custodem desertorum) est Filius Dei, qui ex caelesti Ierusalem veniens in hunc mundum instabilem, & vt homo ingrediens per vias communes absque peccato, proque Samaritano in contemptum habitus, nostri misertus est.

PUNCTVM III.

QUID egit Samaritanus? Appropiauit
 ipse vulnerato, cui non erant vires sur-
 gendi, vel accedendi ad medicum. Talis est
 peccator ex se, nec iuuare se potest, nisi præ-
 uentus gratiâ. 2. *Alligauit vulnera*, exerso
 cruore, cohibens vltiorem fluxum, quod est
 ab affectu peccati cessare, non solum ab actu.
 3. *Infudit oleum & vinum* ex vasis Sacramen-
 torum, quæ cœlo attulit, oleum misericordiæ
 leniens, & vinum charitatis confortans. Tale
 etiam est Verbum Dei, partim blandè alli-
 ciens, partim perstringens, vt parturiamus
 Spiritum salutis. 4. *Imponit in iumentum*
suum, transferendo in se peccata nostra &
 opportunis auxiliis debiles adhuc ex plagis
 subleuando. *Abducit ex via*, & peccandi oc-
 casionibus subtrahit, *inducitque in diuersorium*
 Ecclesiæ, vel etiam in tutum hospitium Reli-
 gionis, & *curam illius agit*, tanquam Pater a-
 mantissimus. Non deserit, quos iustificat.
 Altera die quando tempus fuit redeundi ad
 cœlum, vnde venerat, *protulit duos denarios*,
deditq. stabulario, vt curam illius ageret. Sub-
 stituit sibi Vicarios, & suppeditauit sumptum
 ad curationem. *Duo denarij sunt scientia &*
potestas. Hortatur autem, vt non solum curâ
 adhibeant necessariam, & quam ex officio re-
 nentur, sed, vt exquisitam, supraque debitum,
 id enim ipsis ad præmium fore. Tanta est
 Christi sollicitudo de incolumitate nostra,

1.
Appropin-
quat pec-
catori.

2.
Ligat vul-
nera.

3.
Infundit
vinum.

4.
Tollit pec-
cata.

5.
Et occasio-
nes pecca-
ti.

6.
Superiori-
bus com-
mittit.

Psa. 115. 12.

*Quid retribuam Domino pro omnibus quæ retri-
buit mihi?*

PUNCTVM IV.

Christi i-
mitatio.

Luc. 6. 88.

Conclusio. *Quis horum trium videtur tibi
proximus fuisse illi, qui incidit in latrones?
qui fecit misericordiam in illum. Vade & tu fac
similiter. Vult ut inuicem id officium præste-
mus in necessitatibus, tam corporis, quàm ani-
mæ, pro nostra facultate, & in exemplum infi-
nuat, redditurum enim suram bonam & super e-
fluentem.*

Nota. Hæc Parabola potest considerari, vel de
genere humano percusso, & spoliato in Adamo
per peccatum originale, vel de quouis peccato-
re, ratione peccati actualis proprii.

MEDITATIO LI.

Dom. 22.

post Trini.

*De Seruo debitore decem millium Ta-
lentorum. Matt. 18.*

PUNCTVM I.

peccator.
debitor
1.

TEMPVS rationis reddendæ est pun-
ctum mortis: solet tamen citius præmo-
nere nos Dominus, inspirando, vel morbo, vel
aliter visitando, & tunc melior spes est com-
ponendæ rationis, & interest, ut in vita fiat,
quod est misericordiæ tempus. Debitum de-
cem millium talentorum dicitur, quando quis
oneratus est peccatis. 1. Quia sunt contra
decem præcepta, & quando etiam contra v-

num

num factus est omnium reus. qui enim dixit, *Iacob. 2. 10.*
non noc. haberi, dixit, non occides: ac proinde
 in singulis offenditur legislator, vnde habet
 rationem peccati mortalis. 2. Quia sunt in-
 numerabilia, & eò magis, si venialia adnume-
 res. 3. A grauitate, instar talenti, quia con-
 tra infinitam Dei bonitatem, & eximia bene-
 ficia, & in conculcationem sanguinis Christi,
 & interitum animarum ab eo redemptarum,
 & destructiua donorum gratiæ. 4. Quòd nec
 pro vno potest homo satisfacere, cum per pec-
 catum constitutur inimicus Dei, & debitum
 sit infinitum ab offensi dignitate. 5. A poena,
 qua dignus est, vt ipse, *vxor filij, & bona di-*
uendantur. Quis non exhorrescat peccatum

PUNCTVM II.

PATIENTIAM habe in me, & omnia red- Media im-
 dam tibi. Aptè seruus iste egit ad obti- petrandi
 nendam remissionem. 1. Agnoscit sincerè veniam
 debitum. 2. Humiliat se, *procidit ad pedes* 1
 3. Orat instanter, vt sibi detur tempus satis fa- 2
 ciendi. 4. Proponit, ac promittit se omne red- 3
 diturū. id fit interuenientibus meritis Chri- 4
 sti, & gratia. Faciam similiter. Vide Domini
 bonitatem: *Misertus serui illius dimisit eum, &* Omnia
debitum dimisit ei. Plus facit, quàm peteba- Deus re-
 tur, reuocata sententia de ipso, & cæteris ven- mittit.
 dendis, nec modò moram, concedendo solu-
 tionem, sed planè condonando. Vtique quo ad
 culpam, & poenam æternam, pro quibus sa-
 tis facere nequimus. remittit etiam tempora-

lem, pro contritionis fervore. Tam bonus & misericors Dominus est, nobis que tam miserris, valde opus erat.

PUNCTVM III.

1.
Plus Deo
debes quā
tibi proxi-
mus.

2.
Crudeli-
tas serui.

3.
Obliuio
Dei.

IDEM seruus tanto beneficio affectus, *conseruum suffocat pro centum denarijs*. 1. Solet vnus homo alteri esse debitor, quia facile cōtingunt offensiones verbo aut facto, pro humana fragilitate. Et habent inde iusti materiam virtutis, ex corde orando, *dimitte nobis sicut & nos*. sed ista debita prae nostris erga Deum instar sunt paucorum denariorum, respectu millenorum talentorum, & adeo etiam minora, quod iniuria ab excellentia offensi aestimetur, & quæ sit Deo, infinita. 2. Magna extitit serui crudelitas, quod tam violentè inuasit, quod supplicem, & ijsdem verbis deprecantem repulit, quod trussit in carcerem, quod non habuit rationem Domini communis, & qui ipsi indulserat, cui sine dubio ingrata erat futura illa vis. 3. Dicitur, quod *egressus à Domino* ista perpetravit, extra illius positus conspectum: sic nos, cū obliuioni Deum tradimus, quod sit inspector, ludez, benefactor tam eximius.

PUNCTVM VI.

NARRATVR factum Domino, qui animaduertit. *Conserui contristati sunt*: sic iusti ob delicta proximi, quando alios lædunt; & quia lædunt facientes, & Deum offendunt.

Con.

Conserui narrauerunt Domino: & ille ipse dolor, quem concipiunt iusti de talibus, clamor est apud Deum. *Tunc irritatus Dominus vocauit illum.* Fit, vt ob quædam peccata Deus acceleret tempus reddendæ rationis. Et absque hoc versari semper deberet ante oculos illud vltimum tempus, alioqui incertum. *Traditur tortoribus, quoadusque reddat vniuersum debitum.* Ita prouocat iram Dei, & exacerbatur ingratitudo acceptæ remissionis; quando propter Deum non exhibemus similem benignitatem proximis.

PUNCTVM V.

CONCLUSIO. *Sic & Pater meus faciet vobis, si non remiseritis vnusquisque fratri suo de cordibus vestris.* Tanta est charitas Dei erga hominem, vt velit omnes similiter inuicem se amare. & indicantur quatuor causæ hoc faciendi. 1. Quia Pater cælestis ita iubet. 2. Quia sumus fratres inter nos. 3. Quia vnusquisque habet, quod ab alio sibi remittatur. 4. Quia ipse Pater remittit nobis tantò maiora. Accedit seueritas diuinæ vltionis, nō fiat.

Iniuriæ
condonandæ
cui.

- 1.
- 2.
- 3.
- 4.

MEDITATIO LII.

De Villico. Luc. 16.

PUNCTVM I.

HOMO diues est Deus ipse; cuius sunt omnia, quæ ad corporis vitam & oble-

Domin. 9.
post Trinit.

Deus diues
dat.

Medit. Compend.

Dd

sta-

Homo villicus.

etationem faciunt, tum bona gratiæ & gloriæ, quæ ad animam præcipuè spectant. *Villicus* est quilibet homo, cui ita Deus bona corporis & gratiæ tribuit, ut rationem reddere debeat de usu illorum, qui debet esse iuxta Dei voluntatem. quare dissipator est, qui secus illis utitur. *Dissimatur* autem de dissipatione, non ex rumore hominum, sed ex facto ipso, quod Deum non possit latere.

PUNCTUM II.

Luc. 16. 3.
Accelerat
iustitiæ dic
quandoq.
Eccl. 7. 17.

Psal. 101. 24

Reddes ra-
tionem.
Ioan. 9. 4.

2. Cor 5. 10.

EXIGITUR ratio à Villico, & exiit ut officio. *Redde rationem: iam non poteris villicare.* Fit aliquando, ut Deus prouocatus peccatis præuertat tempus rationis. Vnde ait: *Ne impiè agas multum; & noli esse stultus, ne moriaris in tempore non tuo.* Contingit autem duobus modis, vel absque præmonitione, non dato tempore præparationis, vel dato, quod petebat Dauid: *paucitatem dierum meorum nuntia mihi.* Atque tunc ait: *quid hoc audio de te?* quo dicto repræsentabat nobis vniuersa peccata, & vitæ remissionem. Idipsum dicit in abscessu animæ, quando non est amplius poenitentiae locus. Sed quàm terribile illud: *Redde rationem villicationis tue?* in quo plurima continentur. *Venit nox, quando nemo potest operari.* &, manifestari oportet ante tribunal Dei, ut referat quisque propria, prout gessit, siue bonum, siue malum.

PUNCTVM III.

VILLICI commentum. Non commendat Christus fraudem, sed industriam & studium consulendi sibi mer, quod incitari oportet, estq; nobis ad confusionem, qui tam studiosi non sumus pro animæ salute. Quod ait: *sodere non valeo*, ad asperum vitæ genus referri potest. Et, *mendicare erubesco*, ad vitam contemplatiuam, quæ est assidua oratio, & quasi mendicatio à Deo. Monet Christus, vt qui hæc sublimiora nequit, saltem bene alijs faciat, quomodo potest, vel in corporalibus, vel in spiritualibus, iuxta Pauli consiliũ: *Exerce te ipsum ad pietatem, quæ ad omnia utilis est, promissionem habens vitæ, quæ nunc est, & futura.* Diuitias autem vocat Christus *māmona iniquitatis*, quauis licitè acquisita, quia iniqui tantũ in eis felicitatem ponunt, (*Beati* ^{na.} *dixerunt populum cui hæc sunt*) vel, quia fortè sunt instrumenta peccandi. *Qui volunt diuites fieri, incurrunt in tentationes, & laqueum diaboli, & desideria multa inutilia & nocua.* Possunt tamen seruire salutis. Vnde ait Dominus: *Facite vobis amicos de Māmona iniquitatis*, vt Tobias: *Fiducia magna erit corā summo Deo omni facienti Eleemosynam.* Et, posita in corde pauperis pro nobis exorat ab omni malo. Quare Paulus Timotheo: *Diuitibus huius sæculi præcipe, non sperare in incerto diuitiarum sed in Deo viuo, diuites fieri in bonis operibus, facile tribuere.*

Confundit
nos villi-
cus.

1. Tim. 4. 7.

Diuitiæ
Māmona
na.
Psal. 143. 15.

1. Tim. 6. 9.

Tob. 4. 11.

Eccl. 29. 15.

1. Tim. 6. 17.

MEDITATIO LIII.

De Publicano & Phariseo. Luc. 18.

PUNCTVM I.

Domin. 11.
post Epi.
phan.Actus su-
perbiæ.

- 1.
- 2.
- 3.
- 4.

Matt. 25. 27

- 5.

Apoc. 3. 17.

Matt. 7. 3.

AFFECTVS superbiæ in Phariseo. 1. Quod se putat perfectum. Vnde nihil petit, nec veniam peccatorum, nec gratiæ augmentum, aut conseruationem. 2. Quod prætextu gratiarum commendat seipsum ab operibus bonis. 3. Quod se præfert alijs. 4. Quod exilia sua opera bona cum sæcularibus aliorum confert; & opera tantum externa, quæ iactantiæ causa faciebat, vti *sepulchrum dealbatum*, intus autem plenum omni spurcitia. 5. Quod contemnit alios, etiam eum, qui secum orabat, quem temerè iudicat. Tam est cæca superbia, vt illius, qui dicebat: *Diues sum & nullius egeo, & nescis, quia miser es, pauper, & cæcus, & nudus*. Hi vident festucam in oculo fratris sui, & in suo trabem non considerant.

PUNCTVM II.

Actus hu-
militatis.

- 1.
- 2.
- 3.
- 4.
- 5.

HVMILITAS Publicani. 1. *A longè stat*, indignum se reputans, propinquare Deo, vel etiam Phariseo. 2. *Non audet leuare oculos* præ pudore ob sua peccata. 3. *Actus percutit* ex animo contrito, & cupido satisfaciendi. 4. Veniam sibi ipsi petit; se solum considerans peccatorem. 5. *laucis orat*, confidens de misericordia Dei, qui non exau-

dit

dit in multiloquio: *Deus propitius esto mihi peccatori.*

PUNCTVM III.

SENTENTIA Christi de utroque: *Descendit hic iustificatus in domum suam ab illo.* 1. Decernit Dominus, non ex verbis, sed ex affectu cordis utriusque. 2. Effectus superbiae inanes reddere virtutes, humilitatis autem destruere peccata, interueniente poenitentia. 3. Vniuersè: *qui se exaltat humiliabitur, & qui se humiliat exaltabitur.* Id verum in omni statu & conditione hominum. Contingit autem tum in hac vita frequenter, tum maximè in altera semper, vt, qui in hac se humiliat, in illa exaltetur.

1.

2.

3.

MEDITATIO LIV.

De Operarijs conductis. Matt. 20.

Dominic.
Septuages.

PUNCTVM I.

PATER familias est Deus, qui licèt amplum regnum possideat in cœlo & in terra, tamen eò dicitur Paterfamilias, quòd singulis ita prouidet, ac de minutis ita disponit, atque si parua præisset familiae. Deinde, quia Parabola sumitur à re domestica. Familia est fidelium congregatio, & præcipuè iustorum, operarij autem, qui eam excolunt, Prælati & alij. Vbi nota, quòd familia & vinea in idem

Deus omnibus prouidet.

Prælati.

recitant: ac proinde fideles sunt vires, & filij familias, seu Ecclesiæ. vnde Dauid dicebat: *O Domine, quia ego seruus tuus, & filius ancillæ tuæ.* quin operarij dici possunt singuli fideles. Conducit operarios ipse Deus, *quia nemo venit ad Christum, nisi Pater attraxerit eum.* vtitur autem medijs. *Exit primo mane:* quia ex quo incipit lumen rationis lucere in hominibus, eos vocat; licet plerique detrectent, nec tamen omittit iterum atque iterum vocare per omnes ætates. & allicit alios, vt mercenarios, spe præmij, alios intus corripiendo, & simul mercedem suam offerendo, alios denique, veluti iubendo, vt virtuosè occupentur. Amabo hanc sollicitudinem Patris pro salute hominum, dolebo, quod multi non obsequantur, & ego aliquando restiterim. *Exiit etiam primo mane* mundi vocare operarios, & in verâque lege, naturæ & scripta: & tandem factus homo. Regabo, vt mittat operarios idoneos in amplas gentilium regiones, ad gloriam suam.

Affectus
laudis.

PUNCTVM II.

REDITIO mercedis. I. Committit Procuratori suo: hic est Christus, cui Pater potestatem dedit iudicium facere, quia filius hominis est, & fit in cuiusque vitæ fine. nam vita est tanquã dies, quæ præterijt, comparata æternitati. vnde Dauid dicebat: *mil- le anni ante oculos tuos tanquam dies hesternæ quæ præterijt:* & quia ita viuendum, ac si quo- tidie

I.
Christus
iudex.

Ioan. 5. 7.

Psal. 89. 4.

tidie vocandi ad mercedem percipiendam. 2. Nec vnus horæ labor fraudatur mercede, quæ tamen æqualis non erit, quia *reddet vnicuique secundum opera sua*. 3. Magis feruor operis, quàm diuturnitas æstimatur: quo fit, vt nouissimi accipiant eundem denarium, nam hi solent cum maiori humilitate & feruore operari, se indignos mercede putantes; alij autem solent plus præsumere de suo merito, hinc illi vocantur priores ad mercedem, in eo quasi accidentaliter honore cæteris prælati. Collige, si vna hora tantum profecerunt, quid si ab initio venissent: quàm beati id vellent, & primo mane paruisse vocanti, & tota vita feruenter operati fuisse: tu iam facito.

2.
Merces.
Rom. 2. 6.

3.
Nouissimi
primi.

PUNCTVM III.

MVRMVRATIO priorum. Non murmurabunt sancti: sed per hoc Christus declarare vult, quanti sit meriti, & gloriæ apud Deum, feruenter egisse, vt cæteris sanctis ad inuidiâ foret; si ratio status pateretur. Deinde indicantur proprietates remissorum. 1. præsumunt de suis operibus ob diuturnitatem, vnde dicunt: *Hi nouissimi vna hora fecerunt*: feruentes non ita: *portant pondus diei & æstus*: quia remisse operantibus onerosa sunt, licet non grauiora opera; contra feruentibus leuia, quæ alioqui grauiora. 2. Deinde exaggerant suos labores. 3. illi sunt mercenarij, & queruli, tacitequæ obmurmurant Deo & hominibus, quasi non pro merito

Murmura
remissorum.

4.

fuo honorentur, & promoucantur in hac vita. At feruidi solo Dei amore operantes nihil tale, sed quouis fauore, diuino & humano, reputant se indignos. 4. Illi sunt inuidi, & obtreccant feruentibus, quasi nouitijs; isti tacent, & optant, omnes abundare diuinis & humanis fauoribus.

PUNCTVM IV.

Multi peccatores,
pauci iusti.

CONCLUSIO. *sic erunt nouissimi primi, & primi nouissimi* Nam sunt, qui iudicio hominum habentur primi, & alij contrā nouissimi, cū iudicio Dei secūs sit. *Multi enim sunt vocati, pauci verd electi.* Multi vocantur ad fidem, & gratiam, sed pauci obediunt: ita etiam inter multos ad perfectionem vocatos plerique sunt remissi, pauci perfecti.

Feria 6. post
2. Quadra-
gesimæ.

MEDITATIO LV.

De Vineâ. Matt. 21.

PUNCTVM I.

Seps Ange-
li.

Psal. 124. 2.

2.

Sacramen-
ta torcular.

PROVIDENTIA Dei circa vineam Ecclesiæ lux. 1. *sepem circumdedit ei*, custodiam Angelorum, qui arcēt feras, demones à vinea. *quin Dominus in circuitu populi sui* vallauit etiam præceptis, & maximis tū præmijs propositis, tum poenis. 2. *fodit in ea torcular.* Hæc sunt Sacramenta, Sanguinē Christi continentia, qui expressus est in torculari crucis, vnde Sacramenta vim habent suā, ac inprimis Eu-

chari-

charistiae mysterium. Lex etiam diuina dici potest torcular, quia *eius finis est Charitas*, optimum videlicet vinum, quod ipsius etiam Dei cor latificat. quodque exprimitur studio mortificationis, & humiliationis quasi praelo. 3. & *adificauit turrim*. Hæc est diuini oculi omnia contuentis prouidentia. Item *domus Dei*, seu sacra ædes, in qua *inuocatur illius nomen*, quod est *turris fortissima*. Item sacra Scriptura, per quam eleuantur corda nostra à terrenis, & quæ vt *turris David*, *adificata est cum propugnaculis: mille clypei pendent ex ea. omnis armatura fortium*. Habet omnia præsidia contra aduersarios, tum visibiles, tum inuisibiles. 4. & *locauit eam agricolis*. i. sumus nos, quisque pro sua parte, pro anima propria, & pro sibi commissis. *Locauit*, non vendidit, quia dominum sibi retinet: vult autem, vt eam excolamus ita, vt fructum afferat; fructus autem sibi reſeruat. 5. *Et peregrè profectus est*, vt liberè pro arbitrio agamus, ac si ille abesset, nec inspiceret: sic probat fidelitatem nostram.

PUNCTVM II.

EXACTIO fructus. Tempus fructus est tota hæc vita: *Dum tempus habemus operemur bonum ad omnes*, & pro nobis & pro alijs. *Misit seruos suos ad agricolas, vt acciperet fructus*. Semper misit Deus hortatores, olim Patriarchas & Prophetas, & tandem filium suum, quem similiter malè exceperunt: vt meritò queratur, *quid est quod debui ultra facere*

1. Tim. 2.5.

3.
Turris prouidentia Dei.
Prou. 18. 10.

Cant. 4. 4.

4.
Locat nobis.

5.

Gal. 6. 18.
Deus mittit seruos varios.

Isai. 5. 4.

vineam meam nec defistit adhuc urgere nos per seruos suos, internasq; motiones, quas repellimus. Et, dum peccamus, iterum Filium Dei crucifigimus. Quin filium in medio nostrum reliquit, in Venerabili Sacramento, vt saltem eius respectu moueremur ad beneagendum: sed nihil satis duro cordi.

PUNCTVM III.

Dei iusta
sententia.

SENTENTIA in malos Agricolas. Ipsimet pronuntiant, *malos male perdet, & vineam suam locabit alijs agricolis, qui reddant ei fructum temporibus suis.* Tam sunt iudicia Dei iusta, vt idem contra se proferant rei quanta etiam hominis malitia; qui, cum ita sentiat, non tamen sibi applicat ad emendationem. Tum Dominus approbans, ad ipsos applicat. *Ideo dico vobis, quia auferetur à vobis Regnum Dei, & dabitur genti facienti fructus eius.* Terribilis & iusta sententia, quam executus est Dominus in populo suo. Exequitur etiam quotidie, dum alijs abnegantibus fidem alios substituit, & regna ipsa propter peccata transfert ad alios. ac si ego non respondero vocationi meæ, pro vno ingrato plures sibi obsequentes suscitabit.

MEDITATIO LVI.

De Inuitatis ad Nuptias & ad Cœnam

Matt. 22. Luc. 14.

Dominica
20. post
Trinit.

Consentiunt ambæ Parabolæ, &
eodem spectant.

PUNCTVM I.

SIMILE est Regnum calorum Regi, qui fecit
nuptias filio suo. Rex hic est Pater cælestis,
qui naturam humanam filio suo in vnitate
personæ mirabiliter copulauit, utiq; vilem &
deformem, sed copulatam insigniuit omni la-
pide pretioso. Cur non potius Angelicam?
quia humana magis indigebat. Et in hoc cõ-
mendatur bonitas & charitas Dei. Neque id
modò, sed filium suum iam hominẽ factũ des-
ponsauit Ecclesiæ, animabus fidelibus, in fide
& charitate, ornans illam, vt decebat sponsam
filij Dei. Agnosce, ò anima, dignitatem tuam!
Neque id beneficium voluit esse paucorũ, aut
tantũ nobilium, sed planè omnium, absque
exceptione gradus & conditionis.

Rex Deus,
Filius
Christus.

PUNCTVM II.

INSTITVIT Nuptialem coenam, & misit
vocare inuitatos. In hac coena tria pro-
ponuntur fercula. 1. Doctrinæ cælestis,
qua intellectus illustratur & pascitur.

3. Fercula
parat.
1.

2. Præ-

2. 2. Præceptorum & consiliorum, quibus perficiendis voluntas impinguatur, & mirificam capit delectationem. 3. Sacramentorum, vitam præbentium, & nutrientium, quod maxime præstat Eucharistia, in qua ipse sponsus sumitur, *omne delectamentum in se habens*. Ad hanc coenam vocamur per prædicatores, & inspiratores, & alia media. Accurram auidè, vt tantis fruar. delitijs.

Sap. 16. 20.

PUNCTVM III.

In: pedi-
menta tria.

1.
Superbia.

2.
Auaritia.

3.
Voluptas.

Luc. 14. 20.

Detrahen-
tes prædi-
catoribus.

INVITATI prætendunt excusationes, quod minus veniant. 1. *Villam emi, & necesse habeo exire & videre illam*. Hæc est superbia vitæ, vanitatis, & curiositatis studium. 2. *Iuga bouem emi quinque. & eo probare illa*. Hæc est sollicitudo nimia temporalium. 3. *Vxorem duxi, & ideo non possum venire*. Si concessa carnis cura auocat, quid faciet inconcessa? 4. *Reliqui tenuerunt seruos eius, & contumelijs affectos occiderunt*. hoc iam crimen inexpressibile. faciunt hoc, qui benè consulentium & monentium honorem, & famam gladio linguæ concidunt, eosque vellent perditos: In tales excandescit Rex, & *occidi iubet*, euerfa ciuitate ipsorum, rebusque omnibus incensis.

PUNCTVM IV.

SUBSTITVNTVR alij conuiuæ. Non frangitur diuina bonitas in gratitudine spernentium ipsius coenam, quamuis ex ijs sint, qui minimè debuerant, quippe cultiores:

sed

sed pergit inuitare abiectiones, qui, quòd in mundo parum habent, liberiore sunt ab impedimenti veniendi. Iubet autem *vocari pauperes, ac debiles, & cacos & claudos, & obuios* quosque & *compelli ad intrandum*. Non vult haberi rationem vel defectuum naturæ; vel etiam virtutis, quia illi non obstant: ab his autem accedentes sanantur per gratiam iustificationis. *Compellendos* dicit, ad vim gratiæ diuinæ significandam, quæ etiam rebelles ad se compellit voluntates, non cogens, sed fortiter, suauiterque trahens, vt quis amore trahitur. Denique vult, domum mensamque suam repleti discumbentibus. Quare ne cadamus animo, ob multorum pereuntium ruinas, potens enim & illas reparare, suorumque numerum implere.

PUNCTVM V.

REX discumbentes lustrat, & *videt hominem non vestitum veste nuptiali*. Hæc est charitas & iustitia, sine qua non est accumbendum huic mensæ, præsertim corporis Domini. Imò, quicumque intra Ecclesiam est, & bonis illius participat, si ad finem mundi, aut vitæ suæ fuerit repertus absque charitate, quando Dominus visitatum venerit, expelletur foras, & *proicietur in tenebras exteriores*. Sed quomodo inter tot. vnus tantum inuentus absque tali veste? significatur, quòd nemo effugiet diuinis oculos, etiam si vel vnus sit inter innumerabiles. Et tantum id esse

Vocat sine respectu conditionis nouos.

Sola fides non sufficit.

Deum nemo effugiet.

malum,

Confundet
malos.

malum, vt si vel vnicus ex omnibus proijci-
endus foret, sufficeret, vt omnes contremisce-
rent: quid autem, quando contrā accidet, vt
paucissimi saluentur præ numero pereuntium?
Denique quis ferat illam obiurgationem? *A-*
mice quomodo huc intraſti, non habens veſtem
nuptialem? vnde tantum ausus? ô quanta con-
fusio futura est tali in præsentia Angelorum
& Sanctorum! & ad hæc *obmutescet.* quomodo
enim excuset? Obmutescam ego nunc à pro-
pria conscientia redargutus, ac emendatio-
nem vitæ meditabor.

PUNCTVM VI.

Pœna.

1.

Carceris.

2.

Obſtina-
tionis.

3.

Tenebra-
rum.

4.

Fletus.

SENTENTIA in reum: *Ligatis manibus, &*
pedibus mitte eum in tenebras exteriores.
Pœna quadruplex. 1. perpetui carceris, in quo
vincietur. 2. Obſtinationis, *ligatis pedibus,* vt
nullos affectus bonos concipiat, & *manibus,*
ne bona operetur. Siquidem in hac vita talis
fuit inordinatis paſſionibus obnoxius, & ad
bona opera præpeditus. 3. Horribilium *tene-*
brarum, quod viſionis Dei clara luce priuabitur,
& iudicij lumen in illo tenebrefcet, ſed &
corporeæ tenebræ offundentur, quando ignis
ille Infernalis vret, ſed minimè lucebit. 4. *Ibi*
erit fletus & ſtridor dentium. flebit, quia
tanti boni iacturam fecit, & cru-
cians malum lachrymas
exprimet irreme-
diabiles.

MEDITATIO LVII.

De decem Virginibus. Matth. 25.

PUNCTVM I.

IN ECCLESIA sunt boni & mali, prudentes & insipientes, & vtrique Aduentum Christi sponsi expectant, ad nuptias cum Ecclesia triumphante celebrandas. Fatuis similes sunt, qui lampades habent, sed non oleum, ad fouendum lumen. Veritates fidei tenent, sed non charitatem, lucent exteriùs per opera quædam, sed interna virtute carent: sunt integri corpore, sed non spiritu, profitentur perfectionem, à qua longè absunt. Quid nî stultus sit, qui iudicem omnia perudentem, & præsertim interna requirentem non aliter paratus expectat? contraria omnia faciunt Prudentes.

In Comuni SS.
Virginum.

Fatui qui?

PUNCTVM II.

MORAM faciente sponso, dormit auerunt omnes & dormierunt. Mora fit, quia boni & mali ferè sibi persuadent longiorem vitam, & vt David loquitur, *annos æternos in mente habent.* vnde boni remissiùs viuunt, & mali peccant liberiùs quod est dormire. *Surge Ephes. 5. 14. qui dormis, & illuminabit te Christus.*

Item dormio vocari potest ægritudo, aut senectus, aut alia causa disponens ad mortem, cuius imago quædam est ipse somnus. Priuat enim vsu delectabilium, vt mors, & quamuis

Dormire
quid?

repel-

repellatur, tandem obruit vigilantem. Cum me ad somnum compono, mortis memoriam reuocabo.

Iudicium
repenitū.

Media autem nocte clamor fit: Ecce sponsus venit, exite obuiam ei. Cum minimè cogitatur, ex improviso. proinde hanc vocem insonare auribus meis assidue curabo. Venit autem ut sponsus prudentibus, at stultis ut iudex. Eandem vocem audire mihi videar, cum ad sacram communionem accedo.

PUNCTVM III.

Stultitia
peccatorū.

ADVENTVS sponsi. *Tunc surrexerunt omnes Virgines illæ* in aduentum sponsi: & quasi ex somno graui experrectæ circumspicient se ipsas, & lampades suas, quas stultæ deprehendent inconcinnas, ad occurrendum sponso, & serò de oleo cogitabunt, cumque irrisione mittentur ad vendentes, qui nulli ibi erunt, quando omnis sublata erit auxilij occasio. Ergo nunc mihi prospiciam.

Iustorum
exultatio.

Ad prudentes paratæ occurrent. ô quàm sibi gratulabuntur! quanta gestient lætitia à visione clara sponsi à complexu & osculo beatificæ charitatis! à delicijs mensæ illius! tunc lampas cuiusque lucebit centupliciter, à lumine charitatis, vultus sponsi, & flammæ emittet sincerissimæ charitatis, redundante oleo diuinæ consolationis, sine metu, & absque periculo extinctionis in æternum.

PUNCTVM IV.

CLAUSA est ianua, tūm prudentibus, quæ nunquam ab illa felicitate excidere poterunt, tūm fatuis, quibus nunquam patebit ingressus, obiecto illo quasi pessulo inuiolabili: *Nescio vos.* Conclusio Parabolæ est: *Vigilate itaque, quia nescit diem neque horam*

Vigilate.

Mar. 13, 37.

MEDITATIO LVIII.

De Talentis. *Matth. 25, Luca 19.*

PUNCTVM I.

QVAE sunt ista talenta? 1. bona naturæ, tam corporis quàm animæ. 2. bona externa, & acquisita, vt scientiæ officia, honores. 3. propria fidelium; sed communia cum malis, vt fides, spes, ius Sacramentorum. 4. propria iustorum, Charitas, & dona, quibus negotiantur, & merentur sibi incrementum gloriæ. 5. gratis data, pro ædificatione Ecclesiæ, & animarum salutē promouenda.

Dator omnium est Deus, à quo recognoscenda sunt: dantur autem non æqualiter, sed iuxta triplicem mensuram in Parabola expressam: *quinque, duo, vnum*: de quo nemo queri potest, quia nulli Deus debet, & distribuit pro sapientia sua. Dat autem secundum propriam cuiusque virtutem, prout videt cuique conuenire, respectu finis, propter quē dantur. Finis autem est salus & perfectio tūm

In Comm.
Confessorum.Talanta
quinque;

1.

2.

3.

4.

5.

Deus dator

Medit. Compend.

Ee

nostra

Dat, vt ne-
gotieris.

I. Cor. 2. 12.

nostra, tùm proximorum, pro cuiusque viri-
bus. Dantur enim, vt negotiemur. *Negotiamini, dum venio.* quo prohibentur duo extrema,
& cessatio, & profusio. nam vtendum est ta-
lentis, nec temerè impendenda cum periculo
amittendi. O Domine, da mihi non spiritum
huius mundi, sed *spiritum, qui ex Deo est*, vt
sciam, *quæ à Deo data sunt mihi*, vt illis bene
vtar, nec prætereat me dies sine lucro: gratias
autem agam pro acceptis, non inde superbi-
ens, aut alijs me præponens; sed nec plura ap-
petens, quàm tuæ visum est prouidentiae.

PUNCTVM II.

Feruo-
re lu-
cramur.

Luc. 19. 16.

I. Cor. 15. 10.

Minus ha-
bentes de-
sperant.

Luc. 12. 48.

S. Gregor.

Homil. 9.

VSus Talentorum; qui duo, & quinque
acceperant, totidem lucrati sunt: par in-
dustria in talentis inæqualibus. Vt nemo pu-
tet, minùs sibi contendendum, quòd pauciora
acceperit. Imò Lucas ait: quòd *vna mina* lu-
crata sit in alio *quinque minas*, in alio *decem*.
Tantum valet conatus, sed non sine gratia,
sicut dicit Paulus: *Abundantius illi omnibus la-
boravi: non ego autem, sed gratia Dei mecum.*

Piger autem talentum fodit in terram: nec
excusat, quòd cæteris minùs acceperat. quia
& vna mina potuit decem facere, sed contin-
git, vt, qui minùs se habere vident, desponde-
ant animum, vt pigritiae se dedant: ac si circa
terrena se aliquid posse aduertant, illuc om-
ne applicent studium, posthabitis meliori-
bus. Cæterum *qui plus accepit, plus exigitur*

ab

ab illo, nam cum augentur dona, rationes etiam crescunt donorum.

PUNCTUM III.

EXACTIO rationum. 1. post multum temporis. Ut nemo excusari possit defectu temporis ad negotiandum, & quia iudicium generale erat differendum. 2. fiducia bonæ negotiationis in fine vitæ, cum dicere poterit *Domine, ecce alia quinque super lucratus sum* 3. remuneratio: *Euge serue bone & fidelis*. O magnum à Deo testimonium! bonus à vita fidelis ex usu donorum. *Quia super pauca fuisti fidelis*: pauca, & parua sunt præ cœlestibus, quæ rependam tibi. *Intra in gaudium*, absorbere prorsus gaudio, atque circumflue. *Inebriare ab ubertate domus meæ, & torrente voluptatis satiare*. 4. Eadem verba dicuntur ei, qui duobus duo lucratus est, quia etsi talenta inæqualia, non item labor, & industria, siquidem accepta duplicauit: æstimatur autem meritum ex comparatione ad gratiam, quæ fuit in utroque par. Et potuit etiam esse maior cooperatio in eo, qui minus habuit: vnde plus accepisset præmij, ut qui vna mina lucratus est decem, accepit decem ciuitates; qui autem quinque tantum, totidem accepit. Vide anima, quanti fit, feruenter cooperari gratiæ Dei.

PUNCTUM IV.

EXCVSATIO pigri: *sic quia homo austerus es, metis ubi non seminasti*. hæ sunt ex-

1.
Tempus
dat Deus.

2.

3.
Remunc-
atio.

Psal. 53. 9.

4.
Diligentie
ratio habe-
bitur.

Serui pigri
nalitia.

Poenæ.

1.

Reprehen-
sio.

2.

Priuatio.

3.

Tenebræ.

cusationes in peccatis, timores fingere. & pericula. Nequaquam austerus est, sed blandus, nec meritis, ubi non seminauit, imò seminans multum, colligit ferè parum. Obiurgatio pigri sanè terribilis coram Angelis & Sanctis. 1. compellat: *serue male & piger*, atque ex ipsiusmet verbis eum redarguit: Cogitabas, me esse talem, & tamen neglexisti operari? 2. iubet ab eo *auferri talentum*, quod etiam in hac vita cōtingit ob desidiam, in altera autem irremissibiliter in perpetuum. Iubet autem *dari habenti decem*, quòd ablatio talenti cedat in gloriam accidentalem bonorum applaudentium. iusto Dei iudicio. 3. *eijcitur in tenebras exteriores*. quòd si is, qui tantum non est vsus, quid ei futurum, qui fuerit abusus ad iniuriam Dei?



PARS QVARTA

MEDITATIONVM.

DE PASSIONE DOMI-
ni nostri Iesu Christi.

INTRODVCTIO AD MEDITATIONES HVIVS Quartæ Parris, de Passione Domini.



EDITATIO de Passione Do-
mini, tametsi peculiariter con-
ueniat vitæ illuminatiuæ, con-
fert tamen omnibus. Inde enim
iunantur peccatores ad respi-
scendum; Incipientes ad passiones edoman-
das. Proficientes ad progressum in virtutibus;
Perfecti ad vñionem cum Deo. Per eam inno-
uantur prodigia mortis Christi in animis.
Terra tremit, hoc est, terrena corda concuti-
untur salubri metu à tam seuera animaduër-
sione diuinæ iustitiæ in Filium ob peccata
aliena. *Petra scinduntur* emolliente dolore
de peccatis, pro quibus talia Christus per-
pessus sit. *Sepulchra aperiuntur*, per humi-
lem confessionem in resurrectionem nouæ
vitæ. *Velum templi rumpitur à summo vsque*
deorsum, vt reuelata facie gloriám Domini
speculari liceat, tum summa diuinarum per-

Vtilitas.

Mat. 28. 91.

Timor.

Contritio.

Confessio.

Contem-
platio.

fectionum, tum ima carnis assumptæ. Hæc petra est refugium Herinaceis, hoc est, peccatoribus horrentibus à spinis. Huc puriores, vt columbæ. aduolant. & in foraminibus petræ huius nidificant. Et alij quasi cerui soliti montes excelsos petere (quorum conuersatio in cœlis est,) inueniunt locum requiétionis suæ. Hinc *sugunt omnes mel de petra, oleumq. de saxo durissimo*: fuit enim Christus in passione sua quasi petra durissima, ad sustinendum cruciatus & iniurias, & ex ea percussa manauit oleum ad curanda vûlnera nostra: & mel cœlestium consolationum.

Finis.

Ex hoc principio colligi potest, qualis debeat esse finis cuiusque in meditando: nempe vel purgandi animam à peccatis, vel promouendi in virtutibus, vel vniendi cum Deo per affectus charitatis ardentes. Porro passionem meditari licet per modum tûm gaudij, tûm mœroris. Gaudio est, quòd, vt ait Iustinianus, *diuina miserationis referatur abyssus; cœlorum aperitur ianua, charitatis latitudo ostenditur, & quâtus sit homo demonstratur. Vile enim esse nō potest, quod Filij Dei sanguine comparatur.*

Gen. 22. 13.

Hinc Abraham in Ariete, loco filij sui Isaac substituto, videns hunc diem Dominicæ passionis gauisus est. Et ipse Christus coronationis, desponsationis, & lætitiæ cordis sui diem hunc vocat in Cantico. Modus iste conuenit perfectis. Alter modus est mœroris & compassionis, quòd Christus tanta sit passus, & ego causam præbuerim: cumque ille sic ex-

horruer-

horruerit, & tristatus fuerit, decet me compati, ne cadat in me illa eius querela: *Sustinui, qui simul contristaretur, & non fuit, & qui consolaretur, & non inueni.* Porro Christus bibit calicem passionis, tum ferendo cruciatus in corpore, tum eos prius animo reputando. De priori modo dixit filijs Zebedæi: *Potestis bibere calicem, quem ego bibiturus sum?* De posteriori autem apud Marcum additur: *Potestis bibere calicem, quem ego bibo, aut baptismo, quo ego baptizor, baptizari?* quasi assidue biberet, etiam tunc præfensione impendentis supplicij: sed in horto Gethsemani plane exhaustit. Quare debemus contendere, ut utroque modo etiam nos calicem bibamus, tum conformitate patiendi, tum affectu compassionis.

Psal. 68. 21.

Christus
passus cor-
pore & a-
nima.

Matt. 20. 22.

Marc. 10. 38.

Imitatio

Christi.

Luc. 2. 35.

Zach. 12. 10.

Phil. 1. 29.

2. Cor. 4. 10.

In affectu hoc imitabimur Christi matrem, cuius animam pertransiit gladius: Et est peculiare donum Dei de quo Isaias: *Aspicient ad me, quem confixerunt, & plangent quasi super unigenitum:* quod etiam exponi solet de Iudæis, serò lugentibus peccatum suum; tamen conuenit in eos etiam, qui serio cogitant se dedisse causam Christi morti, & ex intimis sensibus dolent. Sed hoc satis non est, nisi accedat conformatio in passionibus, partim assumptis voluntarijs poenis corporis, partim vltro obuenientibus incommodis grateranter suscipiendis. Nam Paulus in donis Dei ponit, non solum, ut in eum credatis, sed ut etiam pro illo patiamini. Et alibi de se scribit: *Semper mor-*

Gal. 6. 17.

I. Pet. 4. 1.
Præparatio.

Eccl. 18. 23.

Thren. 3. 20

In stimul.
c. 4.

Prov. 18. 17.

I.
Humiliter.

tificationem Iesu in corpore nostro circumferentes, vt vita Iesu manifestetur in corporibus nostris. Et de hoc gloriatur: Ego stigmata Domini Iesu in corpore meo porto. Præter hæc, & ex his cōsequenter studium imitandi heroicas virtutes, quarū viuum exemplar in sua passione Dominus expressit; qui finis est præcipuus, & cōmendatur à D. Petro, cū ait: *Christo igitur passo in carne, & vos eadē cogitatione armamini.*

Iam, vt finem propositum in Meditatione Dominicæ passionis assequamur, opus est præparatione, non solū ob communem rationē, quā iubemur ante orationem præparare animam, ne simus, *quasi homo qui tentat Deum*, sed etiam ob specialē, quia ipsemet Dominus, ad obeundam passionem, semet in agno studio comparauit. Quare cogitabo, ipsum Christū mihi dicere illud: *Recordare paupertatis meæ, absinthij & fellis.* Respondebo autē, quod subiicitur: *Memoria memor ero, & tabescet in me anima mea: Hæc recolens in corde meo, ideo sperabo.* Nam deuota commemoratio passionis Christi, fiduciam excitat. Præparatio igitur esse debet, quam præscribit Bonauentura. Debet homo aggredi hoc tam nobile opus humiliter, confidenter, instanter, & cū quanta potest cordis sui munditia.

I. *Humiliter*, non solū ex communi causa, quia *iustus initio orationis accusator est sui*; sed speciatim ex consideratione, quod ego Dominū meum in eas ærumnas coniecerim, vnde magnopere confundar. Amplius, reputabo

me

me indignum, qui Christo patienti assistam, nam priuilegij fuit, quòd tribus discipulis in horto cõmunicaui sui animi angore, quodq; Ioannem & Magdalenam sibi morienti interesse voluit cum Matre sua. Superbi autem arcantur ab isto spectaculo. Sicut in Iob dicitur: *Timebunt, & non audebunt contemplari omnes, qui sibi videntur esse sapientes.*

II. *Confidenter*, quòd fiam particeps fructus, ob quem passus est Dominus, si passionis ipsius meditationi intendam. Et excitabo fiduciam ex triplici capite, ex *merito* eiusdem passionis, ex *affectu* illo Christi, quo misertus nostri factus est noster aduocatus per passionem suam; denique ab *exemplo* latronis, qui in cruce locum gratiæ inuenit.

III. *Instante*, vt orauit Christus ante passionem, non somnolenter, vt discipuli.

IV. Cum *munditia*, quales docet pro tam pretioso liquore excipiendo nos exhibere.

Restat dicere de modo meditandi, qui, ad vitandum tædium, potest esse multiplex. Duo sunt modi suprà indicati, vel, vt consideretur vnuer sè ipsa passio, tanquam insigne beneficium nobis collatũ, grates Deo agendo; vel vt summè afflictiua Christi, ei compatiendo. Sed specialius ad singulas passionis partes descendere debemus, idq; duobus item modis. Vel persequendo ordine historiam, & in singulis partibus immorando, pro ratione fructus, qui percipitur, vel aliquam ex virtutibus Christi, in passione præcipuè relucen-

Iob 37. 24.

II.
Confidenter.

III.
Instante.

IV.
Mundè.
Modus meditandi
Specialiorum.

bus, ob oculos proponendo, & actus omnes, ubi enituit, studiosè percurrendo, vel loco virtutis certū genus doloris aut contumeliæ, quod sustinuit, per plures occasiones, similiter expendendo, vel denique quæcunque in vno aliquo corporis membro pertulit, simul colligendo.

MEDITATIO PRIMA,
ET QUASI FVNDAMENTVM
RELIQVAVM, DE CIRCVM-
STANTIIS DOMINICÆ
PASSIONIS.

PVNCTVM I.

1. Pet. 2. 1.
Persona
patientis.

1.

Matt. 27. 34.
Luc. 23. 47.

2.

Act. 10. 38.

Psal. 34. 12.

3.

QVIS patitur? 1. Agnus sine macula, qui peccatum non fecit, nec inuentus est dolus in ore eius. Sanctus Sanctorum, cui Spiritus datus est absque mensura. Quem ipsi crucifixoress filium Dei, & iustum agnouerunt, quando compuncti dicebant: *verè filius Dei*, & homo iustus erat iste. 2. Patitur is, qui se totum impenderat in beneficium aliorum benefaciendo & sanando omnes oppressos à diabolo. Itaque non solum talia supplicia meritus non fuerat, sed omne potius obsequium. vnde conqueritur: *Retribuiebant mihi mala pro bonis*. 3. Patitur magnus ille amator hominum, qui nobis omnia factus est, ipse Pater

noster

noſter, Magiſter, Medicus, Redemptor, Paſtor, Creator. Beatificator, Sponſus animarum. Si Filius, Patris, ſi ſponſa debet ſponſi poenas, necemque perſentire, qualiter ego Chriſti, qui etiam ante paſſionem in Sacramento mirabili ſe intimè in præcordia noſtra inſinuauit, vt illius viciffim paſſiones quaſi noſtras ſentiremus.

PUNCTVM II.

QUANTVM patitur Ad duo capita reuocatur, ad externas paſſiones, quas vocauit ipſe Dominus baptiſmum; *baptiſmo habes baptizari*. & ad internas, quas *calicu* nomine ſignificauit,

I. Quoad primum caput, ſuſtinuit omne genus paſſionum. In rebus externis, quia ipſis exſpoliatus *veſtibus*, nudus palam crucifixus eſt, partientibus illas inter ſe crucifixoribus. 2. In *honore*, omne genus contumeliæ in ipſum iactatum fuit. 3. In *fama*, variè traductus fuit in genere virtutis, habitus eſt pro *Samaritano*, & poſſeſſio à Dæmone. ſeducatore, vorace, vini potatore, blaſphemo, & reprobo. 4. In genere *ſapientiæ*, ſine literis, furioſus, & ſtultus. 5. Quoad *miracula*, impoſtor, & magus, & quòd in Beelzebub operaretur. 6. In *corpore*, cruciatus, tum per ſe maximos, tum ex complexione delicata ſuſtinuit. 7. In *amicis*, vel quia ab ijs deſertus fuit, vel quòd illorum vicem, præcipuè Matris valdè doleret.

Atrocitas
paſſionis.

Luc. 12. 50.

I.

In externis.

Ioan 8. 48.

Ioan 7. 15.

II.
In sensibus
corporis.

II. Deinde, licet discurrere per quinque sensus. *Oculi* cruciabantur visis subfannantium actibus, & gestibus; contra verò lachrymis ipsum amantium, sed & sputis deturpati, & sanguine ex capite defluente oppleti, nec non proprijs lachrymis exesi. *Aures* autem exulceratae audiendis blasphemijs, falsis testimonijs, atque indignissimis accusationibus aduersum se. *Odoratus* ab Caluariae graueolentia. *Gustatus* à siti ardenti, & oblato in solatium aceto. *Tactus* per omnia membra à flagellis, spinis, & clauis.

III.
In membris
externis.
Isaia 1.6.

III. Præterea, licet partes corporis præcipuas percurrere. & in singulis propria considerare tormenta, vt verum de Christo sit, *plantæ pedis vsque ad verticem non est in eo sanitas.*

IV.
Interior aff-

IV. Dolores interni maximi fuerunt, vt ex agonia apparet, cum sudore sanguineo.

PUNCTVM III.

Circumstæ-
tiæ perse-
cutorum
Christi.

1.

2.

3.

Ioan. 13. 2.

A Quibus patitur? 1. fuerunt ex omni genere hominum, summo, medio, & infimo, nec non sacro, & prophano, vt patet ex historia; & in quos contulerat plurima beneficia toto prædicationis suæ tempore. 2. ferebant in Christum varijs concitati motibus. Alij non ferebant, vitia sua ab eo coargui, alij metuebant sibi à Cæsare, alij cæco Zelo Religionis ducebantur. 3. inctores fuerunt potestates tenebrarum, dæmones: nam *Diabolus*

misit

misit in cor, vt traderet eum Iudas Et Christus ipse in comprehensione dixit: *Hæc est hora vestra, & potestas tenebrarum.* Nec sicut Iob permissus est Sathanæ, vt *tamen illius animam seruaret*, ita & Christus, sed hic absque exceptione. 4 augebant Christi dolores, quod intueretur corda torquentium, cerneretque, quanta in ipsum rabie agerentur, vt parua essent, quæ inferebant, præ odij magnitudine.

Luc. 22. 53.

Iob 2. 6.

4.

PUNCTVM IV.

PRO quibus patitur? I. pro omnibus omnino hominibus, vt redderet Deo honorem ab eis ablatum, vt iratum hominibus placaret; vt gratiam & media ad æternam salutem necessaria illis procuraret. vt cœlum eis aperiret, gloriamque beatitudinis acquireret. Ad quæ opus fuit infinito pretio, non solum, quia demerita fuerunt innumera, sed quia infinite malitiæ, ob Dei offensi infinitam maiestatem. Et quamuis suffecisset vna gutta sanguinis, ob patientis personæ infinitam dignitatem, voluit tamen totum fundere, vt copiosa esset Redemptio, & superabundans, ac, vt ex consideratione remedij (sicut ait Bernardus) periculi mei æstimem magnitudinem. Porro quia totus homo saucius erat, voluit per omnia pati, vt vitij singulis propriam adhiberet medicinam, cupiditati nostræ nuditatem suam, superbix nostræ opprobria sua, &c.

I.
Passus pro
omnibus
hominibus

Sermo 3. de
Natiuit.

Toto corpore pati
voluit.

II. Pro inimicis patitur, proque ipsis cru-

II.
Pro inimi-

cifixo-
eis.

cifixoribus, vt huius ipsius peccati veniam à Deo ipsis impetret, vnde & pro illis orauit in Cruce Patrem, etiam excusans, quòd *nescirent quid facerent.*

III.
Pro singu-
lis.
Galat. 2. 20

III. Ita pro omnibus patitur, vt pro singulis Patri æ terno offerret cruciatus suos. Et ita illos mihi applicabo cùm S. Paulo dicens: *Qui dilexit me, & tradidit semetipsum pro me.*

PUNCTVM V.

Ex amore
passus.
Ephes. 3. 19.

Amoris
signa.

1.

2. 1. 12.

2.

3.

I.

Virtutes
cur exercu-
it in passi-
one.

QVo affectu Christus patitur? Ardentissi-
mæ charitatis, de qua S. Paulus, *vt pos-
sit comprehendere, quæ sit latitudo, & longi-
tudo, & sublimitas & profundum, scire etiam
supereminentem scientiæ charitatem Christi.*
Signa sunt huius affectus. 1. quòd desiderau-
erit ardens pro nobis pati, *Baptismo, inquit,
habeo baptizari, & quomodo coarctor, vsque dū
perficiatur.* 2. quòd aduentantes passionis vl-
trò amolexus est, contrà quàm multi sunt,
qui contrarium faciunt, qui profitentes illa-
rum desiderium, defugiunt experimentum.
3. quòd paratus fuit multò plura pati,
quàm hostes infensissimi excogitare potue-
runt.

PUNCTVM VI.

VIRTUTES Christi in passione relucen-
tes. 1. voluit tunc præcipuè omnes exer-
cere, quia venerat vt Magister, verumque illa-
rum exemplar, & ita voluit in fine tanquam

compen-

compendio omnium specimen præbere. Deinde, vt, quia per passionem promerebatur nobis ipsas virtutes, earundem actibus ipsas nobis mereretur. Præterea, vt quæ iacebant in obscuro, sic magis proferret, & illustraret. Tandem, vt illas quasi vltimam suam voluntatem nobis relinqueret, quod de charitate dixerat, *hoc est præceptum meum.*

II. Exercuit heroicis illos actus, à quibus beatos pronuntiauerat, qui tales essent: *Pau- peratatem spiritus*, etiam à vestimentis, dum pendet nudus, & affinem huic *humilitatem*: factus opprobrium hominum, & abiectio plebis. *Mansuetudinem*, qui, cum malediceretur, non maledicebat, cum pateretur, non comminabatur: iradebat autem iudicanti se iniuste, & tanquam Agnus mansuetus ad occisionem ductus est, & coram tondente se obmutuit. Luxit, quando clamore valido & lachrymis preces & supplicationes obtulit in cruce. quin & guttas sanguinis toto corpore effudit, præluſtus magnitudine. Sitiuit iustitiam insatiabiliter, cuius omnes partes implere voluit, & tandem, vt eam nobis pararet, mori sitio. Misericors fuit ita, vt sua & se pro subleuandis miserijs nostris mille modis impenderit, nulla sui habita ratione. *Mundus corde*, vnde & placuit illius sacrificium Patri. *Talia enim decebat vt esset nobis Pontifex Sanctus, impollutus, segregatus à peccatoribus, Pacificus* fuit, quia per mortem suam pacificauit nos Deo, & fecit vtraque vnum. Passus denique est propter iustitiam

II.

Exercuit
octo Beati-
tudines.

Psal. 21. 6.

1. Pet. 2. 23.

Isai. 53. 7.

Hebr. 5. 7.

Heb. 7. 26.

Ephes. 2. 14.

Matt. 5. 11.

tiam, & passus omnia illa summo gradu: Cum maledixerint vobis homines, & persecuti vos fuerint, & eiecerint nomen vestrum tanquam malum, &c.

III

Eius obedientia.

Philip. 2. 8.

Ioan. 19. 28.

III. sigillatim obedientia eius consideranda est, ex verbis Apostoli, Humiliauit semetipsum, factus obediens vsque ad mortem. i. in opere difficillimo. 2. integerrima, sciens quia iam omnia consummata sunt, vt consummaretur Scriptura, dixit: Sitio, vt & hæc poena impleretur, quod potatus est aceto. 3. promptissima: Ego autem non contradico. 4. humillima: subiecit se vel peissimis. Dominus aperuit mihi aurem, vt obedirem. Ego autem non contradico, retrorsum non abij, corpus meum dedi percutientibus & genas meas vellentibus, faciem meam non auerti ab increpantibus & conspuentibus me. 5. constans, vsque ad mortem. Atque ex amore obediuit, vt cognoscat mundus, quia diligo Patrem, & sicut mandatum dedit mihi Pater, sic facio.

Isai. 50. 5.

Ioan. 14. 31.

PUNCTVM VII.

Septem
Christi sta-
tiones.

SEPTEM itinera, aut stationes, quas Christus in sua Passione obiuit. 1. à canaculo ad hortum, vbi tristatus est, orauit, & sudauit sanguinem. 2. ab horto, vbi comprehensus est, ad Annam. 3. Ab Anna ad Caipham. 4. inde ad Prætorium. Pilati. 5. ad Herodis regiam. 6. regressio ad Pilatum. 7. ad Caluariam. Circa singulas possunt varia considerari: persona

Christi

Christi patientis, eiusque internus sensus, & gressus &c. deinde loci, & loca, ad quæ circumducitur.

PUNCTVM VIII.

DOLORES B. Virginis ob Christi passionem. Tanti fuerunt, quantus amor, qui fuit summus. 1. quia erat filius eius naturalis, & totus eius, quia sine Patre eum conceperat, ac proinde Patris, & Matris simul amore illum prosequabatur. accedebat ille stimulus, quod Spiritu sancto obumbrante conceperat, qui est ipse amor. 2. quia primogenitus, & vnigenitus fuit ex quo solet exaggerari dolor, ut apud Zachariam, *plangebant eum planctu quasi super vnigenitum, & dolebant super eum, ut doleri solet in morte primogeniti.* 3. ob similitudinem singularem, unde solent Matres amare magis aliquem inter filios. Fuit autem Christus Matri simillimus toto corporis habitu, & illa vicissim ipsi Christo morum atque virtutum præstantiâ. 4. ob Christi mirram sanctitatem, atque sapientiam. Caritas enim ordinata magis amat sanctiores quippe Deo coniunctiores; quod si accedat naturæ coniunctio, quæ est maxima filij cum Matre, conspirantibus gratiâ, & natura, crescit amor mirificè, ac proinde dolor. Quod si mulieres illæ adeò lamentabantur, considerantes Christi innocentiam; quid senserit Mater, quæ tantò maiorem illum esse nouerat? 5. ob bona à Christo accepta; nam *fecit ei magna qui po-*

Dolores B. Virginis ex amor.

1. Quia filius naturalis.

2. Primogenitus.

Zach. 11. 10

3. Sibi simillimus.

4. Sanctissimus.

5. Benefactor infinitus.

6.
Filius Dei.

7.
Quia eius-
dem spiri-
tus.

tenet: & illud præsertim, quod Matrem iu-
am fecit, & dignam Matrem: est autem amor
gratus: cupitque rependere. quomodo ergo
non afficiatur ob mala sui benefactoris, & tã
eximij? 6. quod is suus filius, esset quoque fili-
us Dei: quam excellentiam cum penetraret
intimè, & amaret ardentissimè in filio, debu-
it indignitas passionis eius cor Mariæ planè
transuerberare. 7. Quia B. Maria erat planè
vnus spiritus cum Deo, & ita cum filio: vnde
necesse erat, vt passionis filij pro suis habe-
ret, ac sentiret. Et quia hic ipse dolor Matris
affligebat cor filij, inde ipsa nouo angebatur
dolore.

Præter hæc maximè faciebat ad dolorem,
quod B. Virgo vehementissimè comprehen-
sas haberet illas circumstantias Dominicæ
passionis, de quibus suprà dictum est, ex qui-
bus acerbitas & magnitudo passionis æsti-
matur. quam rei æstimationem cum acueret
imensus amor erga filium, quid eam sensisse
cogitandum est? Verè *animam eius pertransi-
uit gladius.*

Luca 2. 35.

Virtutes
heroicæ B.
Virginis.

1.

2.

3.

PVNCTVM IX.

VIRTUTES Dei Matris in passione filij
expressæ. 1. resignatio suæ voluntatis,
qualis & filij: *Non quod ego volo.* 2. humilitas,
dum inter tot filij opprobria se profitebatur
Matrem illius, atque in se omnia deriuabat. 3.
fortitudo, & magnanimitas, qua stetit ante
crucem, non victa, quamuis acerbissimis do-

loribus

loribus ex filij conspectu. 4. charitas in homines, qua fiebat, vt non indignaretur percussoribus filij sui; sed compateretur potius illorum cæcitati. & quia passio ipsa ad omnium salutem spectabat, pia Mater illam pro ipsis etiam crucifixoribus, exemplo filij, Deo Patri offerebat.

MEDITATIO II.

Prædicit discipulis de passione sua.

PUNCTVM I.

CVM Christus quæreretur ad necem, recepit se cum discipulis suis *in ciuitatem Ephrem iuxta desertum*: inde mox ascendit Ierosolymam; & *præcedebat illos, & stupebant, & sequentes timebant.* Præcedebat, properans ad mortem incitante gradum amore. Contra, ego ad patiendum tardus. Item præcedebat, exemplum præbens, vt nos similiter faciamus. Denique inusitata festinatione, quam proinde stupebant discipuli. excitabantur & ipsi, vt contenderent singuli proximè sequi. Sic imitabor Christum hæc & illa patientem, & inhærere vestigijs eius adlaborabo.

In Domini-
nica Quin-
quagesimæ.

Ioan. II. 54

Marci 10. 32

Passio

Christi no-

bis exam-

plum,

PUNCTVM II.

PRAEDICIT discipulis passionem suam. id aliàs fecerat bis: sed nunc distinctius.

Cur toties
neminis
passionis.

- Mat. 20. 17.* **Condemnabunt eum morte, & tradent eum gentibus ad illudendum, & flagellandum, & crucifigendum.** Toties meminit Passionis, quia eam semper gerebat in mente, & illius delectabatur memoria, quamvis rei acerbissima ita ut etiam in gloriosa transfiguratione sua cum Moyse, & Elia, de hoc excessu sermonem misceret. Utinam etiam mihi sit, sicut sponsæ, *fasciculus myrrha dilectus meus mihi inter vbera mea commorabitur.* Item ideo inculcat, quod minus ignominiosa hæc de Christo credere & assequi posse viderentur, quam gloriosa: & ut discipuli se ad illa compararent, seruantes illud, *in die bonorum ne sis immemor malorum.*
- Eccles. 11. 27*

PUNCTVM III.

- Luc. 18. 34.* **ET ipsi nihil horum intellexerunt, & timebant eum interrogare de hoc verbo & contristati sunt vehementer.** Nec modò omnes intelligunt, qui audiunt arcanum passionis Dominicæ mysterium. Ideo autem Apostoli non intelligebant, quia intenti erant in honores potius, & commoda, quæ à Christo expectabant: indeque tristabantur, quòd flagellorum, & crucis mentio ingereretur. Idem mihi eueniet, ut meditatione Passionis nihil afficiar; quia affectus sum erga sensualia, & amore proprio plenus. Quin Petrus, post solennem illam Confessionem, cum Christus de passione sua prædiceret, non iam reuelante

Patre cælesti, sed proprio iuggerente sensu, etiam auertere Christum à morte visus est, dicens: *Abstine à te Domine, non erit tibi hoc?* quem Dominus grauiter increpuit, *Vade post me Satana, scandalum es mihi, quia non sapis ea quæ Dei sunt, sed ea quæ hominum.* Hæc videlicet est causa & radix non intelligendi verbum hoc; quod terrena sapiamus, & cupiamus.

Matt. 16. 22

MEDITATIO III.

Solemnis ingressus in Ierusalem ante passionem. Matt. 21. Mar. 11.

Luca 19.

PVNCTVM I.

CAUSAE ob quas voluit ita Christus ingredi. Solebat aliqui toridè diebus ante immolationem Agni Paschalis ipse Agnus parari, nimirum quinque. 1. causa, vt ostenderet, quâ alacritate mortem adiret, quâ inuitati sunt Martyres. 2. vt intelligeremus, cum postea tristitiam & agoniam ex consideratione passionis sensit, nihilominus in ijs ipsis secundum spiritum exultasse, quod nos facere oportet cum Paulo: *libenter gloriabor in infirmitatibus meis.* 3. vt declararet beneuolum suum animum erga ingratam ciuitatem, nō obstantibus tot ibi contra se excitatis persecutionibus, quodque etiam post toleratam ibidem mortem paratus esset illam in gratiam reci-

Dominica
Palmarū.

Causæ ingressus tam
celebris.

1.

2.

3.

2. Cor. 12. 9.

4.
Pati pro
Christo

gloriosum.

5.

Psal. 87. 16.

Isai. 25. 13.

pere, modò resipisceret, quod quotidie fit, quando per peccatum mortale Christo cruci affixo, conculcatoque eius sanguine, tamen is paratus est ad eandem animã redire, suaque gratiã illam visitare. 4. vt doceret gloriosum esse pro Deo quæuis pati, præsertim in oculis Dei, Angelorum, & hominũ iustorũ, vt triumphare nos deceat inter eiusmodi opprobria. 5. vt tantò redderetur maior ignominia passionis, quãtò celebrior extitisset exceptio aduentantis; iuxta illud: *Exaltatus autem humiliatus sum, & conturbatus*: & apud *Isaiã* de Christo, *Sicut obstupuerunt super te multi, sic inglorius erit inter viros aspectus eius, & forma eius inter filios hominum.*

PUNCTVM II.

Matt. 21. 2.

Mar. 11. 2.

Luc. 19. 35.

Matt. 21. 5.

Zach. 9. 9.

PRAEPARATIO ad ingressum. I. *Afinam* iubet adduci, aliàs semper pedes peragratuit loca, vbi prædicauit; nunc verò non quadriga, aut phalerato equo vitur, sed *asello*, præferens insignia sui regni, paupertatem, & humilitatem, & mansuetudinem. *Dicite filia Sion, Ecce rex tuus veniet tibi iustus & saluator. ipse pauper & ascendens super asinam.* 2. mittit duos, qui *soluant asinam*. Sociatos esse vult Apostolos charitate. est Apostolorum officium soluere peccatores: si qui prohibeant, (nam sunt qui obsistant bono animarum) responderi iubet, quia *Dominus his opus habet*, non in suum, sed illorum bonum, & pro gloria Patris. Adducuntur,

SOLEMN.INGRES.IN IERVSAL. 4^{te}

ut ijs infideat, frænet, ac dirigat, quò opus est.
O in fræna me Domine, & reduc me in via
mandatorum tuorum.

PVNCTVM III.

PLAUSVS populi. Pater æternus, sicut Honor
filium suum ingredientem in mundum Christo ex-
in paupertate & humilitate clarificauit, mis- hibitus est
so ad Pastores Angelorum exercitu, qui illius à Patre
Aduentum celebrarent, canentes gloriam in
altissimis Deo, & pacem hominibus bonæ vo-
luntatis, ita nunc ad passionem solenniter Ie-
rosolymam venientem excipi facit à simplici
populo, non dissimili plausu, dum canunt,
Hosanna Filio David, Pax in cælo, & gloria in Luc. 19. 38.
excelsis In cælo pax, dum cœlites hominibus
conciliantur: vnde gloria in excelsis ipsi Deo
auctori redditur. Vestimenta substernunt. ita
ego mea & me ad pedes illius abijciam, feli-
citati ducens, quòd cedant in ipsius obse-
quium.

PVNCTVM IV.

INVIDIA Phariseorum. vnde Christum Inuidiæ
interpellant: *Magister increpa discipulos malum.*
tuos. Tales non sunt capaces, quibus commu- Luc. 19. 39.
nicetur intelligentia mysterij Christi, sed po-
pulus simplex. Respondit autem: *Dico vobis,*
quia si hi tacuerint, lapides clamabunt: vel, *illis*
tacentibus, dicit Dominus, *lapides de me testi-*
monium perhibebunt, quos ante vos in terra
iacere cernitis. Et verò lapides testificati sunt

Matt. 27. 51.

in morte Christi, quando *petra scissa sum*
& cum, in poenam, non mansit lapis super la-
pidem, excisa funditus ciuitate Ierusa-
lem.

Dominica
decima
post Trin.

Christus
quater fle-
uit.

1

2.

3.

MEDITATIO IV.

Flet super Ierusalem Luc. 19.

PUNCTVM I.

CVR flet? fleuit aliquoties, sed mirum
quod nunc, quando excipitur tam glo-
riosè. 1. vt ostendat, se nihil tangi aut affici
illo honore, & plausu. 2. ex charitate, quia in-
timè dolebat cecitatem Iudæorum, quod-
que passio sua, ad quam appropinquabat, fu-
tura eis esset in ruinam. 3. in illa ciuitate Ie-
rusalem (supra quā fleuit) representauit sibi
totum mundum, tot peccatis inquinatum,
cuius deperditum statum deplorauit, & mea
nominatim peccata, vt & ceterorum.

PUNCTVM II.

Luc. 19. 42.

Ignorantia
malum.

VERBA flentis quia si cognouisses, & tu,
quæ ad pacem tibi, nunc autem abscondi-
ta sunt ab oculis tuis si cognouisses. ignorantia
tuum malorum impendentium, tum oblato-
rum bonorum causa existit, cur Christus re-
pellatur. Poena verò voluntariæ ignorantia,
post alias, erit extrema vrbis calamitas: *Non
relinquent in te lapidem super lapidem, eò quod
non cognoueris tempus visitationis tue.* Fiet

idem

idem mihi, si visitationes diuinas, & inspirationes non recipiam, quas assidue offert. *Mil-* Jerem. 8.7.
uus cognoscit tempus suum, turtur, & hirundo,
& ciconia custodierunt tempus aduentus sui, &
 ego meum non obseruabo? Quod si Iesus ita
 defleuit ruinam temporalem illius ciuitatis,
 quanto magis aeternam, & illius, & nostram?

PUNCTVM III.

GESTA à Christo in templo post ingres- Christi bo-
 sum: *Cacos & claudos sanat, & cum tan-* nitas.
 ta faceret, peruersi non flectuntur. Pueri ac-
 clamant exemplo turbarum: *Hosanna*, atque
 id Pharisei in odium trahunt: *Audis quid isti* Psal. 8.7.
dicunt? quibus Christus: *vtique non audistis,*
quia ex ore infantum perfecisti laudem. O ab-
 sit à corde meo illorum durities, adsit autem
 horum simplicitas infantium.

Moratus vsque ad vesperam, mira loquens,
 & faciens, *circumspectis* (vt ait Euangelista)
omnibus, abiit in Bethaniam cum discipulis.
 Circumspexit, num ab aliquo hospitium of-
 ferretur, sed inter tot plaudentes nemo obtu-
 lit. sic vani sunt humani plausus.

Postridiè rediens, arefecit maledicendo fi-
 cum infructuosam. Sic in secundo Aduentu
 faciet aeternam maledictionem imprecatus
 ijs, qui non benefecerunt proximis suis.

Ite maledicti in ignem
aeternum.

Mat. 23.41.

MEDITATIO V.

Cœna in Bethania.

Feria secū-
da post Do-
minicam
Palmarum.

Exhibita Christo est pridie Palmarum, sed hîc ponitur, quia inde Iudas cœpit occasionem tradendi Christum.

PUNCTVM I.

Ioan. 12. 3.

Matt. 26. 7.

Maria Ma-
gdalena bis
vnxit.

MARIA vngit Christi pedes, & caput recumbentis. Bis vnxit, semel in conuersione sua, nunc in gratiarum actionem pro resuscitato fratre Lazaro. *Terfit capillis pedes à puluere & sudore, tum vnxit, ac fidentior facta, fracto vasculo, reliquum effudit super caput.* Et nos duplici debito tenemur, & reconciliatæ gratiæ, & beneficiorum acceptorum.

Alabastrū
quid notet?

1. Tim. 1. 5.

Alabastrum vnguenti est cor nostrum, id frangitur contritione salutari, & mortificatione passionum, & appetitionum. *Vnguentum fuit ex spica nardi, humili herba, pisticum, fidele, ac purum, denique preciosum.* Hæc est *charitas de corde puro, conscientia bona, & fide non ficta.* Vngendus Dominus in pedibus prius, exercendo nos in operibus mortificationis, Christi quæ passiones imitando, tum ad caput licebit assurgere, & illius diuinæ contemplari.

Repleta est domus ab odore vnguenti. In totam Ecclesiam facti huius bonum exemplum

dima-

dimanauit. Sim & ego bonus odor Christi inter meos, & cum quibus versor.

PUNCTVM II.

IVDÆ obrectatio, & aliorum discipulorum admurmuratio: nunquam deerunt, qui obrectent benefactis, vel malo affectu, vt Iudas, vel zelo imprudenti, vt cæteri: nam prodigalitas videbatur in re parum necessaria, nec multum Christo grata, & indiscretio, cum melius in pauperes distribui pretiũ vnguenti potuisset. *Sed nolite iudicare, & non iudicabimini*, non intelligebant vel affectum Magdalene, vel intentionem Christi, id permittentis. Palliatur obrectatio specie virtutis eleemosynæ, & constat, quod Iudas intendebat de pretio fraudare. ita passim fit. Credibile est, murmur à Iuda cœpisse, indeque alios discipulos corripuisse. Sic vnus improbi exemplo plures boni corrumpuntur: & vt ab odore vnguenti tota domus repleta fuerat, ita pestilens vnus afflatus alios discipulos infecit, eò tamen excusabiliore, quod non prauo affectu, vt Iudas, ducebantur.

Iudicium
temera-
rium.

Luc. 6 37.

Malum ex-
emplum
nocet.

PUNCTVM III.

DEFENDITVR à Christo Magdalena factum. In quo apparet in primis Christi pro suis cura, dum ab obrectatoribus eos defendit, quod maximè facit, cum ipsi patienter ferendo rem totam Deo committunt, vt Magdalena egit, quam melius utique ipse defendit, quam si multis se ipsa fuisset tutata.

Christus
corrigit
suos.

II. Elucet

Benignè.

II. Elucet benignitas in corripiendis Discipulis, redditâ ratione, quod pauperibus semper foret occasio benefaciendi, non item ipsi Christo in sua persona. Et quod Magdalena præuenisset, viuum ipsum ungere, quem postea mortuum non posset. id quod accidit, nam cum venit, vt ungeret, ad sepulchrum, iam Iesus resurrexerat.

Mala vertit
in bonum.

III. Elucet prouidentia, qua Deus obtentionem illam conuertit in gloriam Magdalene: nam factum eius per occasionem detractionis defensum à Christo, celebratur in vniuerso mundo, quod aliqui latuisset, aut non tantam haberet commendationem. *Diligentibus Deum omnia cooperantur in bonum.*

Rom. 8. 28.

MEDITATIO VI.

Christus à Iuda venditur 30. argenteis. Luc. 22. Matt. 26.

PUNCTVM I.

Isa. 52. 3.

QUIS venditur? Filius Dei, & Dominus omnium, qui naturâ suâ inestimabilis, & qui seipsum dedit pretium pro nostra redemptione, vt impleretur illud Isaïæ: *Gratis venundati estis, & sine argento redimemini*, sed non sine sanguine. Igitur vendi voluit, vt ego redimerer, & voluit propter nos, sicut formam serui accipere, ita & pretio æstimari; quod est extremæ vilitatis, vt tantæ humilitatis exemplo meam deprimeret superbiam.

PUNCTVM II.

QVIS vendit? Discipulus: non ex vulgaribus, sed ex duodecim, quibus Dominus potestatem dederat pellendi dæmones, & sanandi infirmos, & tanquam amicis secreta sua manifestauerat. Vendidit autem ex cupiditate, *nam fur erat: & loculos habebat.* unde agrè tulit vnguenti effusionem, ex quo lucrum expectasset. Nempe modica vsurpare solitus, eò venit cupiditatis, vt etiam venderet Magistrum suum, & talem. de quo ipse Christus: *nenne ego vos duodecim elegi, & ex vobis vnus diabolus est?* sic nihil vspiam tutum in hac vita. è cælo Lucifer, è paradiso Adam excidit: quid ni nos? Elige tu ò anima mea tutiora: & *qui stat, videat ne cadat.* *ſ*

Iudam avaritia impulsit ad venditionem.

Ioan. 12. 6.

Ioan. 6. 71.

1. Cor. 10. 2

PUNCTVM III.

VENDIDIT impulsore diabolo. Iuda quidem, cupiditate sua vrgente, exacerbatus fuerat; sed diabolus ea turbatione vultus: *misit in cor eius, vt traderet Iesum.* Tanti est passio immortificata. Videtur autē eam prætexisse apud se excusationem, quòd Christus suam necem prædiceret, & alioqui Iudæ in eam essent animati, vt quodammodo vtrisque satisfaceret, & Iesum proderet, & interim ipse fraudatum vnguenti pretium reciperet. Discam, non admittere cogitationes, quæ animo affecto ac perturbato adueniunt, nā tunc se diabolus insinuat.

Diabolus quasit hoc malum.

PUNCTVM IV.

Inimicis
venditur.

QUIBVS venditur? Inimicis: si Matri, si discipulis, benè ei fuisset. Nec venditur sicuti Ioseph, vt qui liberaretur à morte, sed vt eam incurreret. nam venditus est scientibus eius sanguinem. Credibile est, Iudam apud Concilium prætexisse causam venditionis honestam, quòd Christus legē transgrederetur, quòd admitteret profusionem rei pretiosæ ad delicias, & alia, nescio quæ, ne sine causa deficere à suo Magistro videretur: & excipiebantur eius omnia cum plausu. Id solatio sit præsulibus, cum à subditis calumnias patiuntur.

Fuit Christo
ignominiosa.

Sed & alio modo hæc proditio fuit Christo ignominiosa, dum homines animaduertes auaritiā discipuli tam enormem, vt Magistrum venderet, inde faciebant iudicium de Magistro, & schola, vnde talis prodibat discipulus.

PUNCTVM V.

Venditur
pretio serui.

PRETIVM venditionis. *triginta argentei.* Totidem soluebat pro vita serui, qui illū occidisset. Itaque venditur Dominus Iesus pretio seruorum, & venditur ad necem. Videtur autem Iudas (quod ad maiorem contemptum facit) pro quouis pretio paratum fuisse vendere Iesum, cum ait, *quid vultis mihi dare? ego vobis eum tradam.* illi autem continuo pretium seruile obtulerunt. At Christus quantò pluris facit te, ô Iuda? pretio sui

Iuris feci
Iudam,

sanguini-

anguiniste, ingrate, vult redimere. Et ego quoties viliori adhuc aestimaui Dominum meum, quando pro vilissima voluptate, aut commodo posthabui ipsius gratiam. 6

PUNCTVM VI.

POST venditionem quid Iudas, quid Iudæi faciunt? Iudas captat occasionem tradendi Christum, ideoque ad conuictum illius reuertitur: quem Iesus gestorum gnarus nihilominus benignè accepit, & de absentia rogat; ille autem simulatè omnia. Iudæi autem læti de pacto, præstolantur cupidi exitum. & quamuis in consilio suo decreuissent, *ne in die festo fieret*, propter periculum *multius* à plebe, nunc & isto posthabito respectu, quandocunque parati sunt occasionem amplecti, ita videlicet disponente diuina prouidentia, quæ festum, & Paschalem diem veri Agni sacrificio destinauerat.

Matt. 26. 50.

Matt. 26. 5.

Christus passus in festo die.

Cur sustinuit Iudam tam diu.

1.

2.

Collige duo documenta. 1. Quòd in quauis congregatione necesse est reperiri aliquos degeneres, quantumuis sub iudustrio, & sancto Moderatore. 2. Valere id ad exercitiū magnarum virtutum, patientiæ, mansuetudinis, & charitatis, quæ præcipuè inter filios rebelles enitent. Cuius rei exemplum præbere moderatoribus voluit Christus Dominus, sustinendo Iudam, & adnitendo ipsum iuuare.

(S)

MEDITATIO VII.

*Esus Agni Paschalis. Matth. 26.**Marc. 14. Luc. 22.*

PVNCTVM I.

1.
Zelus legis
in Christo.

PRAEPARATIO Agni. 1. Elucet in Christo studium obseruandi legem, quando idcirco Ierosolymam venit, vbi sciebat sibi parari necem, & præmisit, qui necessaria curarent, ne quis defectus committeretur in legali obseruatione. Sic ego studiosus sum diuinorum præceptorum. 2. Duos præmisit ad hoc, Petrum, & Ioannem, (in quibus fides, & dilectio significantur) charissimos sibi discipulos. Disponunt eadem virtutes ritè animam ad esum veri Agni in sacra Eucharistia. 3. Nuntiari iussit Domino domus: *Magister dicit, tempus meum propè est, apud te facio Pascha cum discipulis meis.* Verba hæc ita fuerunt efficacia, vt confestim locum amplum, & reliqua præbuerit. O, audiam ego ex te, quòd apud me velis Pascha facere! Ecce totum cor & animam tibi offero, vbi coenes.

PVNCTVM II.

Valedicit
Matri.

CREDIBILE est, Christum, antequam Bethania postremò excederet ad hanc coenam, valedixisse Matri, imminentem passionem ac mortem sigillatim enarrasse, tum commendasse ei discipulos per hanc breuem absentiam, vt ipsos confirmaret. Ad quæ vir-

go icta

go iēta est acerbissimo dolore; sed viriliter se in manus Dei resignauit, petijtq; à Filio, vt liceret sibi luctuosæ actioni interesse. 7

PUNCTVM III.

PROGREDITVR Ierosolymam, & discūbit cum Discipulis. 1. In eundo variè afficiebantur. Christus exultabat, venisse tempus complendi opus sibi à Patre impositum: Iudas gaudebat de occasione tradendi Magistrum; ceteri subtristes incedebant, voluentes verba Christi: *Post biduum Pascha fiet, & Filius hominū tradetur, vt crucifigatur.* Leuabat ipsos Christus suis sermonibus. 2. Cum accubissent, Dominus ait: *Desiderio desiderauī hoc Pascha manducare vobiscum, antequā patiar.* Sæpius manducauerat cum illis Agnū, sed hanc supremam manducationem summè semper expetiuerat, tum, quòd in ea exhibiturus erat edendum verum Agnum, in priore figuratum, tum, quia mox ab hac coena baptizandus ipse erat baptismo illo Passionis à se tam exoptato.

Matt. 26. 2.

Luc. 22. 15.

In Christo
desiderium
patiendi
ingens,

PUNCTVM IV.

EDITVR Agnus. Interea Christus eos eritus, qui in typo illo seruabantur, ad se applicabat. Intuebatur Agnum supra mensam expositum, excoriatum, & assum: & cogitabat, sic se super crucem expansum iri, & flagellis ipsa cute exuendum, igniq; tormentorum extorrendum. Secabatur Agnus in par-

Esus Agni
typus Chri-
sti patien-
tis.

tes, sed integris ossibus: sic se toto corpore luxandum, non tamen vt latronū crura confringenda, Festinantes comedebant: ita in se rabie maxima aduersarios ruituros: Baculum manu tenebant comedentes, in typum ligni crucis. Assumpto figurali Agno, obtulit se Patri, ad complendum, quicquid in illo præfiguratum fuerat.

MEDITATIO VIII.

Lotio pedum. Ioan. 13. v. 1.

PUNCTVM I.

Amoris
Christi
proprie-
tates.

1.

2.

3.

4.

PRO exordio Passionis Dominicæ enarranda ponit D. Ioannes ista verba: *cū dilexisset suos, qui erant in mundo, in finem dilexit eos.* 1. Dilexit eos sicut se, imò plusquam se, cū pro illis tradiderit animam suam dilectam. 2. Dilexit constanter, vsque in finem, dum ipse vixit, dum illi vixerunt, & vsque in æternum. 3. Dilexit summè, quod maximum potuit, pro illis agens, & patiens, & maiora cupiens facere. 4. Dilexit in finem, vt assequerentur in hac vita, & altera id, ad quod erant destinati, & conditi. *S.*

PUNCTVM II.

Humilitas
Christi
lauantis
pedes.

EXCELLENTIA personæ se dimittentis, quod est humiliatio maior. Est enim Deus, quem adorat multitudo Angelorum, & hic humi prostratus lauat pedes vilium piscatorum. Quā Deus *decorem indutus est, & forti-*

tudine

*rudine se pracinxit, dum omnia verbo creauit, & hic vestimenta deponit, & linteos se prae-
cingit, ad abluendas sordes pedum. Sed & Euangelista Maiestatem personae inde aesti-
mat, quod omnia sciat, omnia possit. Sciens, inquit, quia omnia dedit ei Pater in manus, & quia à Deo exiuit, & ad Deum vadit. Sciebat cuncta, quae sibi euentura erant, poterat autem quicquid Pater, à quo per aeternam generationem exiuit, & in mundum venit homo factus, rediturus mox ad Patrem, ut sedeat ad dextram Maiestatis eius in excelsis, secundum assumptam naturam. Hic tantus surgit à cena, & ponit vestimenta sua, & cum accepisset linteum, pracinxit se. Considera, qua charitate, & humilitate, ac studio ipse per se omnia facit, absque alterius adiutorio: ama tu etiam obsequia humilia, nam faciendo clamat: Discite à me.*

Illam ipsam obsequia spiritualiter exhibuit. Deposuit vestimenta gloriae formam serui accipiens, sanguinem omnem fudit, ut laueret nos, & pretiosa sua humanitate, tanquam linteos, quo erat praeinctus, terfit sordes nostras, unde ipsa humanitas sic deturpata fuit, ut non esset ei species neque decor.

Lotio pedum quid notet?

Isa. 53. 2.

PUNCTVM III.

REPUGNANTIA Petri: Domine, tu mihi lauas pedes? hæc ait stupefactus, quod tanta Maiestas tam vili seruo tam abiectum exhiberet obsequium. Admonetur,

Petrus hu-
milis, sed
pertinaci-
ter.

Iob 14. 4.

alto consilio id fieri: *quod ego facio, tu nescis modò, scies autem postea.* Non acquiescit tamen: *Non lauabis mihi pedes in æternum,* bono quidem humilitatis zelo repugnat: at Deo displicet, etiam per speciem virtutis, quævis inobedientia. quare Dominus minatur: *si non lauero te, non habebis partem mecum.* Ita est Domine. *Quis enim potest mundum facere de immundo conceptum semine, nisi tu, qui solus es.*

PUNCTVM IV.

Timor Pe-
tri filialis.

RESIGNATIO Petri: *Domine non solùm pedes, sed & manus, & caput.* sic auersatur separari à Christo. Timor salutaris, non seruilis, sed fidelis. Respondit Dominus: *qui lotus est, non indiget, nisi vt pedes lauet.* Testimonium reddidit Petro, quòd sit in statu gratiæ, vt & reliqui, præter vnum Iudam, nam ait: *& vos mundi estis, sed non omnes.* sciebat enim, quisnam esset, qui iraderet eum. Cæterum etiam qui mundi sunt, lotionè pedum indigent, qui facile à terra puluèrem contrahunt. hæc sunt peccata venialia, quæ ipsa sine Christi sanguine non lauantur, & impediunt partem cum Christo: quia cum illis nemo ingreditur cælum: quare debent in hac vita vel in purgatorio purgari.

PVNCTVM V.

IVDÆ etiam lauat pedes, & haud dubie cum singulari benevolentia significatione, vt illius pectus emolliret. sed frustra. Discam diligere inimicos, & perficia quoque illos demereri. Sed & cauebo à durtia cordis. *Im- Prou. 18. 3.*
p:us enim, cùm in profundum venerit, contem- Eccl. 7. 14.
nit. Et: Considera opera Dei, quòd nemo pos- Eze. 36. 26.
sit corrigere, quem ille despexerit. O, aufer à
me cor lapideum.

PVNCTVM VI.

CHRISTVS exponit facti sui rationem: *Scitis, quid fecerim vobis?* nempe non omnis assequitur diuinorum factorum arcanum, qui facta ipsa videt vel audit, sed opus est gratia Spiritus sancti. Porro dicit, causam illius obsequij fuisse, vt *exemplum* inde *caperent* mutua inter se charitatis, & humilitatis præstanda: siquidem ipse *Magister & Dominus* se vsque eò demississet.

Christi facta imitanda.

Nihil verò profuturum, si tantum sciant, quid intenderit illo facto Dominus, nisi etiam expresserint imitando, *nam seruus* *Luc. 12. 47.*
sciens, & non faciens voluntatem
Domini sui, plagis vapu-
labit multis.

MEDITATIO IX.

De præmissis à Christo ante institutionem SS. Eucharistia.

PUNCTVM I.

Cur lotio
Eucharistice
institutionem præ-
cedit.

INSTITVTIONI Eucharistiæ præmissa est lotio pedum, ad designandam cordis munditiem, quâ sumenda est Eucharistia, lotis videlicet etiam pedibus à leuioribus peccatis per Sacramentum Confessionis, & aquam lachrymarum, alioqui non recepturis nobis eum fructum, quem planè mundati.

Deinde, mos fuit, conuiuiis pedes lauare, vnde Christus Phariseo ait: *Intraui in domum tuam, & aquam pedibus meis non dedisti.* significatur ergò exercitium humilitatis, & charitatis, optimam esse præparationem accubituris huic sacræ mensæ. 10

PUNCTVM II.

x.
Agnus Paschalis figura Eucharistiæ.

PRAEMISSA item coena Agni Paschalis. I. Quia vt ille sacrificabatur in memoriam liberationis ex seruitute Aegyptiaca: ita in Eucharistia immolatur Christus in gratiarum actionem pro liberatione ex priore seruitute peccati & diaboli. In priore tingebantur Agni sanguine postes domorum, vt Angelus percutiens transiret, non percussis Iudæis, qui intus se continebant. Carnes autem Agni edebantur ad confortationem viæ.

Ita

Ita in posteriore liberatione per sanguinem Christi Agni immunes reddimur à damnatione aeterna, & carnibus eius confortamur ad peregrinationem per huius vitæ desertum. 2
 Quia ritus edendi Agnum erudiebant nos, quæadmodum Christus in Eucharistia sumendus fit. *Renes accincti*, per castitatem mentis & corporis; *Calceati pedes*, custoditis affectibus, ne sordescant ex rebus terrenis tanquam puluere; *baculos tenentes*, nixi merito S. Crucis, & in eius virtute fidentes; *Edentes cum festinatione*, summa cum aviditate & gustu; Adhibitis *panibus azymis* sinceritatis & puritatis, nec nō *lactucis agrestibus*, quæ sunt mortificationes sensualitatis; *Non crudum ex eo quidquam edendum*; sed præmissa consideratione tanti mysterij; *Nec aqua coctum*, quasi languida meditatione affectuque, sed *assum igni*, exardescendo in DEI Amorem. Quam ego absūm ab hac præparatione!

2.
 Ritus esus.
 Exodi 12. 11

PUNCTVM III.

PRAEFATUR Christus: *Desiderio desideravi hoc Pascha manducare vobiscum antequam patiar. Dico enim vobis, quia ex hoc non manducabo illud, donec impleatur in Regno Dei.* Sic ego debeo summo desiderio accedere ad hoc Sacramentum, ut qui maximè indigeo hac refectione. Et quia non alia cogitari potest excellentior. Deinde sic comedam,

Luc. 22. 15.

Communeandum cum desiderio.

quasi ultimum comederem, unde & viaticum vocatur : comedam tanquam nunc moriturus.

MEDITATIO X.

De loco, tempore, & conuiuiis in Institutione sacrosanctæ Eucharistia.

PUNCTVM I.

1.
Ob amoris
magnitu-
dinem.

2.
Desideriū
manendi
nobiscum.

3.
Vt esset
memoriale
mortis Do-
mini.

TEMPVS institutionis fuit, *pridie quàm pateretur.* 1. vt sic magnitudinem suæ charitatis magis declararet, quando, cū maximè contra ipsum mortales conspirabāt, tam eximium eius donum conferebat. Vt vicissim nos nihil ab illius amore separare vllō vnquam tempore valeat, quò minùs inter omnia aduersa illi adhæreamus. 2. vt desiderium suum manendi nobiscum semper ita ostenderet, voluit in procinctu sui à nobis discessus per passionem relinquere semet in hoc diuino Sacramento. 3. Quia hoc Sacramentum erat passionis suæ memoriale, & quia in passione sua cessabat legalis Agnus, & vetera sacrificia, debuit tūc nouum substituere sacrificium, quò vmbra veritas, nocti lux succederet. Et tandem, vt memoriale relictum in ipso mortis articulo teneriùs afficeret animas diligentium, quod solet *euenire.*

PUNCTUM II.

LOCVS fuit *cœnaculum grande stratum.*

In eodem, post Resurrectionem, Christus Discipulis apparuit, & Spiritus sanctus in Pentecoste datus est. Fuit Ecclesiæ typus, in qua sola edendus est hic cœlestis Agnus. sed & animam significat, in quam Christus per Sacramentum Eucharistiæ venit, quam charitate amplam esse oportet, ac stratam, ornatamque omni genere virtutum, tanquam cælum stellis. Non nominatur Dominus cœnaculi, quia apud Deum nihil interest, quisquis ille sit, quoad alios titulos, magnus an parvus, dum præbeat Christo idoneum hospitium.

Denique id cœnaculum euasit in domum orationis, indeque prodire primò ad annuntiandum Euangelium. Sic anima per Eucharistiam fit Dei templum, indeque ad communicandum etiam alijs, quæ à Deo acceperit, foras prodit.

PUNCTUM III.

CONVIVAE fuerunt Apostoli, & inter eos Iudas, qui suo facinori intentus, quæ dicebantur à Christo, non attendebat; nec si attendisset, credidisset, & ita ut panem communem accepit; contrà alij, deuotè, & reuerenter. Sed & iam, qui *manducat, & bibit indignè*, instar Iudæ, *reuerit corporis, & sanguinis Domini*, quasi illum prodidisset.

Iudas etiā communicauit, sed indigne.

1. Cor. II. 17

MEDITATIO XI.

De Conuersione panis in Corpus Christi.

PUNCTVM I.

In transub-
stantiatio-
ne elucet.

1.
Dei sapien-
tia.

2.
Potentia

3.
Bonitas.
Ioan. 3. 16.

QUOMODO in eo facto eluceat infinita Dei Maiestas? 1. *Sapientia*, vt quemadmodum inuenit modum coniungendi res dissitissimas, Deum, & hominem in vnitatem personæ diuinæ per incarnationem, ad salutem nostram optima ratione perficiendam, ita etiam inuenit modum, seipsum exhibendi iam hominem factum, in speciem alimenti ad nostram spirituales nutritionem & confortationem, & quandam nobiscum admirabilem coniunctionem. 2. Infinita *potentia*: nam momento substantia Panis in Corpus Christi conuertitur, vt sola maneant panis accidentia velantia Christi Corpus, atque sub ijs ita totus, vt sub quauis etiam particula nihilominus totum Corpus delitescat per ineffabilem vnionem cum ipsis panis speciebus. Quod fieri posse vt credamus, sufficit eius omnipotentia: vt etiam factum esse, sufficit eius affirmatio, cum ait: *hoc est corpus meum*. Et hæc tanta operatur, vt me seruum, atque vermieu- lum alat in vitam æternam. 3. *Bonitas, & Charitas*. Nam, sicut *Pater* æternus commendat charitatem suam, qua sic dilexit Mun-
dum,

dum, ut *filium suum unigenitum daret*: ita unigenitus eius commendat suam, quā seipsum nobis intimè fruendum donat in hoc Sacramento. porro, donando corpus suum, utique omnia simul, sanguinem, animam, divinitatem, quæ cum corpore & in corpore eius sunt, merita etiam, & satisfactiones, quæ hic nobis copiosè communicantur, donat. 4. Zelus salutis nostræ ardentissimus, quando non habuit satis, quod nobis salutem promeruisset, verum ipsemet per se ipsum fieri voluit medium & instrumentum, quo fructus suæ passionis nobis applicaretur. ò, si vicem reddam, & zelo gloriæ Divinæ me totum impendam, & superimpendam! / 2

PUNCTVM II.

CONSIDERANDA verba, quibus perfectit conversionem. I. *hoc est corpus meum*. Christus non signum exhibet tantum, & memoriale sui: sed corpus ipsum. Ut bona Mater, quæ filios non dat alijs nutriendos, sed proprio nutrit lacte. Totum corpus dat; ut sicut Elisæus ad suscitandum puerum membra membris applicuit, ita ego ex membrorum Christi contactu totus incalescam. Et ab ore eius meum, ab oculis oculis; sicque cætera membra, & sensus mei ab illius membris sanctificentur, recteque ordinentur, ut in nulla re exorbitent. sed agant, quod Christus, illeque in ipsis operetur. 2.

4.
Zelus ar-
dentissimus.

I.
Christus
non sui sig-
num, sed
ipsum cor-
pus suum
dedit.

4. Reg 4. 34

Quod

2.

1.
Luc. 22. 19.
1. Cor. 11. 24

2. *Quod pro vobis datur, vel tradetur.* His verbis magis magisque confirmat, dare se suum verum corpus, nempe illud, quod morte afficiendum erat. Et insinuat, quæ charitate se in mortem tradit pro nobis, eadem tradere se in cibum, & pignus salutis promissæ.

Hoc igitur est corpus, in quo illa sacratissima vulnera Redemptionis nostræ inflicta sunt, quæ etiam nunc retinet, sed splendentia & gloriosa, in quæ introduci petam, & abscondi.

PUNCTVM III.

Apostolorum fides.

Dulcedo spiritualis.

QUOMODO Apostoli communicauerint. Credendum est, ubi Christus corpus suum consecrauit, simul interno lumine mentes discipulorum illustrasse, ut crederent, & singulari modo apprehenderent eius mysterij veritatem. Unde maxima cum reuerentia, & submissione illud de Christi manibus acceperint. Deinde (qui est fructus huius diuini Sacramenti) magna interiori spirituali lætitia, & dulcedine fuisse perfusos. solus Iudas, ut indignus, ita expers boni sensus, & consolationis fuit.

PUNCTVM IV.

Ipsæ Christus communicat.

QUOD Christus se etiam ipsum communicauerit, particulam Eucharistiæ sumens; ita plures sancti existimant. Solus illi tali hospite, id est, se ipso dignum hospitium fuit.

fuit. Gaudius est, & gratulatus sibi mer de tãto mysterio à se instituto, in sponsæ suæ Ecclesiæ tutissimum præsidium, & solatium singulare.

MEDITATIO XII.

De conuersione vini in sanguinem.

PUNCTVM I.

HIC est calix sanguinis mei. non pars sanguinis, sed totus exhibetur, sicut in passione totus effusus est, cum suffecisset vel gutta ad satisfactionem ex iustitia, & sanguinem exhibet in vase suo pretioso, in membris, & corpore suo contentum, in quo est anima & diuinitas. Et mei, inquit, terreni Reges exugunt sanguinem subditorum, vnde postea sunt liberales: Christus suum præbet, indeque nos dat.

Christus
totum por-
rigit san-
guinem.

PUNCTVM II.

SANGVIS Noui Testamenti. Præstat Nouum Testamentum Veteri, quod Vetus sanguine pecudum confirmatum est; Nouum autem sanguine Christi, quia nimirum in veteri promittebantur solum bona temporalia, in nouo autem spiritualia, & æterna, ac in primis ipsa remissio peccatorum, & dona gratiæ & virtutum, & tandem hæreditas æternæ beatitudinis. Nec fuit satis Christo, quod ut ista nobis promereretur bona, sanguinem suum

Cur Noui
Testamēti.

in

Pignus fu-
turæ glo-
riæ datur.

in passione fudit; sed etiam voluit ipsum sanguinem nobis relinquere, tanquam pignus, seu tabulas authenticas, quibus testatam reliquit suam ultimam voluntatem de remissione peccatorum, & adoptione per gratiam, vitæque æterna nobis tribuenda. Vnde hic sanguis dicitur *Christi testamentum*, seu sanguis *Novi Testamenti*.

PUNCTVM III.

Pro multis,
quia non
omnibus
efficax.

QVI *pro vobis & pro multis effundetur in remissionem peccatorum.* Pro vobis, speciatim pro ipsis dicit effusum, ut ad compatiendum magis moueat. Et ita, si vnus tantum adfuisse, dixisset, pro te, quæ applicatio vim habet emolliendi cor, & consolationem adfert singularem. Ergo mihi dictum cogitabo, *effundetur pro te*, & pro multis, & pro omnibus omnino, quantum est ex parte Christi. Et omnes verè dicuntur *multi*, quòd si *multi* intelligantur, quasi non omnes, sed quàm plurimi, tamen id est verum, quantum ad fructus consecutionem, cuius non omnes se faciunt participes.

Nullum
Christus
excludit.

Alioqui nemo omninò ab huius sanguinis participatione excluditur, quamuis vilis, & contemptus, imò quod ad Diuinum attinet iudicium, tituli omnes mundi, donaque naturæ & fortunæ pro nihilo planè habentur, respectu participandæ gratiæ diuinæ, seu fructus passionis Dominicæ hominibus applicandi. *In remissionem peccatorum*, sine limita-

tione

tione (non tam multa & graua esse possunt, quin sufficiat hic sanguis ad expiandum:) *effundetur*, copiam significat, non guttatim sed quasi riui fluent. 14

MEDITATIO XIII.

De Sacramentalibus speciebus Panis & Vini.

PUNCTVM I.

CVR instituerit sub duplici specie? 1. ratio, vt quia conuiuium erat, in quo solet cibis potioque exhiberi, id etiam in hoc reperiretur. Etsi alioqui in singulis speciebus totum est, quod cibatur, & sitim animæ sedat. 2. præcipuè, vt repræsentaret nobis, quod per passionem fuerit totus sanguis à corpore se iunctus: atque hoc cogitare debemus, quando consecratus calix adorandus attollitur. Et quia quinque fuerunt effusiones sanguinis præcipuè in agonia, in flagellatione, in coronatione, in cruci affixione, in lateris perfossione, licet eas sub Missa commemorare, & offerre Patri æterno cum gratiarum actione.

1.
Quia conuiuium erat.

2.
Vt repræsentant sanguinis effusionē.

PUNCTVM II.

CVR voluerit sub speciebus ita latere, vt nullum tantæ rei indicium foris appareret? 1. ad humilitatis & patientiæ exemplum: sicut per Incarnationem sub humana specie

Christus atens hanc humilitatē & patientiam docet.

2.
Ad Fidem
allicit.

3.
Fiduciam
præbet ac-
cedendi.

1.
Intimè
vult nobis
coniungi.

2.
Quòd cor-
pori cibus,
hoc animæ
Eucharistia

specie latuit, vt pro quouis de vulgo habere-
tur, maleque etiam acciperetur: id quod etiam
hic contingit, vt pro communi pane habea-
tur, ac etiam conculcetur aliquando. Ita ve-
lim ego latere, & contemni. 2. ad exercitium
fidei, quando sensus omnes contradicunt, &
ratio non assequitur. Vnde per excellentiam
dicitur *mysterium fidei* in ipsa consecratione,
nec sine magno miraculo mentes Apostolorum
sic illustratæ in illa cœna fuerunt, vt tantæ
rei sine dubitatione fidem adhiberēt. Discur-
ram per singulos sensus, expendens, quomodo
singuli tanquam de communi pane iudicant.
Et ego nihilominus diuinis potius verbis,
quàm meis sensibus firmissimè credam, non
amplius esse panem triticeum, sed ipsum Chri-
stum Dominum, panem cœlestem, qui de cœ-
lo descendit & dat vitam mundo. 3. vt occul-
tatus fiduciam daret accedendi ad se, qui cō-
spicius, quasi auerteret nos à se, & verecun-
daretur amor, minusque liberè in illius rueret
amplexus.

PUNCTVM III.

CVR in speciebus cibi & potus? 1. quia vo-
luit quàm intimè nobis vniri, & intra
nos esse, non tantum foris in re aliqua præ-
sens. Itane, Iesu, non refugis hoc pectus, & vi-
scera ingredi? 2. vt significaret, se effectus om-
nes per hoc Sacramentum in anima nostra ef-
ficere, quos cibus & potus in vita corporali,
nutrire, conseruare, augere, roborare, latifi-
care,

care, & innatum concupiscentiæ calorem compescere, ne viscera depascat. *Qui manducat me, viuet propter me.* & quomodo non appetam cibum istum? 3. ad commendandam charitatem mutuam, siquidem panis ex multis granis, nec non vinum ex vuis coalescit: sic per hoc Sacramentum efficiamur vnus spiritus cum Christo, & inter nos. Vnde & appellatur Communio: & quia panis non fit nisi granis commixtis, & vinum nisi pressis vuis & calcatis; ita oportet mortificare in se inordinatos affectus, vt illam spiritus vnitatem, & Sacramenti huius virtutem, & fructum participemus, & gustare possimus, *quàm suauis est Dominus.* 15

Ioan. 6. 58.

3.

Hinc dicitur communio.

Psal. 33. 9.

MEDITATIO XIV.

Ritus à Christo usurpatus in consecratione, & exhibitione Corporis, & Sanguinis sui.

PVNCTVM I.

PANEM in manus accepit. poterat positum in mensa transmutare, sed in manus accepit, vt significaret, opus id esse diuinæ potentiae, & diuinæ manus; deinde opus esse maximæ liberalitatis. *Aperis tu manum tuam, & imple omne animal benedictione.* Denique quod suo labore, & meritis nobis illum panem acquisiuisset, ita vt nos labores manuum eius manducemus.

Cur in manus accipit?

Psal. 144. 16.

PUNCTVM II.

LEVAVIT *oculos in cælum*: ostendens hūc esse panem de coelo verum, & corda illuc, pura cum fiducia & desiderio huius cibi, erigenda esse, sicut in Missa admonemur: *Surgam corda.*

Gratias egit Patri pro tanto dono, per ipsum hominibus collato, easque tantō ardentiores, quā pro panibus egerat multiplicandis, quāto istud præstabat beneficium. Quas me agere cōuenit, cū de illo pane participo?

Benedictio
Christi ef-
ficax,

Et *Benedixit*. Benedicere Dei, est benefacere. Benedicendo igitur panem, eum transmutavit in corpus suum. O benedicte Domine: Benedic etiam mihi, & muta in virum alterum.

Verba benedictionis fuerunt, cū dixit: *Hoc est corpus meum. Hic est sanguis meus* nam dicendo, fecit, ut essent, quod dicebantur.

Fractionis
myteria.

1.

2.

Et *fregit*: integrum in manus accepit & benedictum fregit: 1. ad commendandam charitatem inter nos, qui de vno pane edimus. 2. causā mysterij, ut intelligatur, quod diuiso Sacramento, tantū manet sub fragmento, quantum toto regitur. 3. docemur, hunc panem antequam edatur, accurata consideratione frangendum esse, meditando magno affectu singula, quæ in hoc Sacramento continentur. Corpus, sanguinem, animam, Diuinitatem Christi, nec non & meritorum eius, & satisfactionum infinitos thesauros.

PVN-

PUNCTVM III.

DISTRIBVTIO Sacramenti. Deditq; di- *Ecce, dedit,*
scipulis suis, (ò beatum donum, & maxi-
 mum!) dicens: *Accipite & comedite.* Non ex-
 hibetur nobis adorandum tantum, sed eden-
 dum, atque in viscera recondendum. Non fu-
 issent alioqui ausi tam diuinum panem edere.
Domine non sum dignus, vt intres sub tectum *Matth. 8. 8.*
meum: sed, quia iubes, edam, & sanabitur ani-
ma mea. 16

MEDITATIO XV.

De potestate conficiendi Eucharistiam
data tunc Apostolis.

PUNCTVM I.

DATA est potestas Apostolis conficien- *Sacerdota-*
 di corpus & sanguinem Christi per ea *lis potestas*
 verba, *hoc facite in meam commemorationem.* *quanta.*
 In quo elucet. 1. *Charitas* eximia erga homi-
 nem, cui soli, non Angelis dedit potestatem
 supra corpus suum, vt homo non iam diminu-
 tus sit *paulò minus ab Angelis;* sed supra illos
 exaltatus. 2. *liberalitas* qua sine vlla restrictio-
 ne contulit hanc potestatem, non limitatam
 ad certum numerum personarum, neque ad
 qualitatem; puta ad sanctos tantum, neque
 ad locum, aut tempus, sed vbique & semper
 confici possit. 3. *Dignatio*, ac velut obedientia,
 & humilitas incredibilis, vt ad sacerdotis rite *3.*
Sacerdoti
Christus
obedit.

Iosue 10. 12.

ordinati vocem præsens infallibiliter adsit; is quamvis sit impius, & Sacramento abuti velit, & indignissima quæque exercenda essent in ipsum Sacramentum, & aded in Christum ipsum. quantò istud maius, quàm quòd voci Iosue obediuit Dominus, solem sistens, vt Iosue victoriam prosequeretur?

P V N C T U M II.

Sacrificiū.

QUOD per eadem verba instituti sint Sacerdotes, ad offerendum Deo Patri sacrificium corporis & sanguinis Christi. Aliud enim est, sacrum conficere, aliud autem sacrificare; vtrumque autem coniungitur in hoc mysterio, ita vt dum conficit Sacerdos Sacramentum, simul offerat Deo contenta in Sacramento ipso, tanquam hostiam sanctam, Deo placentem.

I.
Quid sit?

I. Expende, quòd sacrificiū est oblatio Deo facta rei ipsi gratæ: nulla porro est vel pretiosior, vel gravior Deo, quàm ipsius Unigenitus, homo factus quare est sacrificium: omnium possibilem excellentissimum.

II.
Sacrificij
effectus.

II. Quòd vnicum hoc habet omnes sacrificiorum differentias multò eminentius. nam est *Eucharisticum*, (quod nomen tanquam proprium obtinuit) quia nulla gratiæ Deo acceptiores esse possunt, quàm quòd in recognitionem beneficiorum offeratur ipsi Christus, per quem nobis omnia donauit. Est *propitiatorium* ad remissionem peccatorum, & quorumvis suppliciorum condonationem:

quia

quia fructus Dominicæ Passionis per hoc sacrificium efficaciter nobis applicatur, quando ipsemet Dominus Patri offertur, immolatus in memoriam eiusdem Passionis. Denique est *Impetratorium* quorumvis beneficiorum, quia per hoc sacrificium modo singulari & excellenti in nomine Christi petitur. promissit autem ipse, *daturum nobis Patrem, quicquid in nomine filij eius peteretur.*

Ioan. 16. 23.

PUNCTVM III.

Christi
duplex sa-
crificium.

QUOD Christus iussit hoc sacrificium *in sui memoriam* peragi, nimirum in memoriam suæ passionis, in qua se obtulit cruentè pro Redemptione nostra. Duplex enim oblatio facta est à Christo sui ipsius; una cruenta, per effusionem sanguinis, & realem mortem; altera incruenta in Eucharistia, ubi mors Christi representatur per Sacramentales species, dum in altera corpus, in altera sanguis consecratur, tamen utrumque sub qualibet specie contineatur, ideoque incruenta dicitur sacrificatio, quia verè sanguis nō est extra corpus, neque hoc sine sanguine. sed ex ipsis speciebus una primò significat corpus, altera primò sanguinem, atque vi consecrationis in una corpus tantum, in altera sanguis separatur, cætera autem omnia concomitanter sub utraque specie continentur.

Porrò non potuit aptius memoriale passionis Dominicæ, neque monumentum gratiarum pro tanto beneficio efficacius inueniri,

quàm ipsiusmet passi Domini viuæ exhibitio,
& præsens oblatio. Nec modò in memoriam
Passionis suæ, verùm etiam reliquorum ipsius
gestorum, & excellentissimarum virtutum
(quarum se præbuit viuum exemplar) exstare
voluit istud sacrificium: vnde ad eas imitan-
das prouocemur, alioqui parum grati futuri
erga nostrum Redemptorem & Magistrum.

MEDITATIO XVI.

*De insinuatione proditoris super
cœnam.*

PUNCTVM I.

Iudas Chri-
stum tur-
bat.

Ioan. 13. 21.

Cur insi-
nuat prodi-
torem.

1.

2.

QVOD Iesus turbatus est spiritu. Tanta erat
indignitas rei, quòd à discipulo, & ami-
co traderetur, & sic dolebat illius vicem, &
dixit: *Amen, amen dico vobis, quia vnus ex vo-
bis, qui manducat mecum, & intingit mecum
manum in paropside, tradet me.* Voluit autem
indicare proditorem ob plures causas. 1. vt in-
telligerent, patère sibi occulta cordium: vnde
non parum Christo aggerebatur doloris. 2. vt
sic Iudam ad sanitatem reuocaret; quod effi-
cere studuit, dum se conscium cogitationum,
ac proinde Deum, & vindicem malefactorum
significauit. Deinde, quia Iudas non videba-
tur magni facere, quòd Christum traderet,
quando ipse professus fuerat, se neci dandum.
monet autem Christus, inde ipsum non excu-
sari,

fari, cum ait: *Filius quidem hominis vadi & verum tamen va homini illi, per quem tradetur.* Et tandem minando supplicium: *Bonum erat ei, si natus non fuisset homo ille.* Nec tot hisce modis potuit flectere proditorem.

PUNCTVM II.

QUOMODO affecti fuerint Discipuli ex hac insinuatione proditoris! *Contristati sunt valde & ceperunt singuli dicere: Nunquid ego sum Domine?* Bonæ mentis est timere, quando etiam sibi conscia non est.

2. Noluit Christus palam facere nominatim proditorem, quamuis mox ipso facto patefaciendus esset, ne Apostolorum in eum animi exacerbarentur, & ut parceret famæ, quod nobis imitandum, ne per nos fiat, quod etiam alioqui futurum est.

3. Patefecit tamen tum ipsi Iudæ, cui interroganti: *Nunquid ego sum Rabbi?* Respondit: *Tu dixisti:* tum Ioanni recumbenti supra pectus, cui indicium dedit: *cui ego intinctum panem porrexero.* porrexit autem Iudæ, cum amoris significatione, ut eum emolliret: adeo non sunt etiam inimicis neganda benevolentia signa, ut sic pruna congerantur super caput eorum.

PUNCTVM III.

OBSTINATIO Iudæ, & poena eum secuta. Non flectitur tot diebus charitatis, sed institit cupiditati suæ pretium recipiendi pro vendito Magistro. Poena fuit duplex. 1. Quod ubi buccellam panis ex manu Christi ac-

3.
Minatur.

1.
Mat. 26, 22.

2.
Peccata
proximi
occultat.

3.
Patefecit
duobus.

Prov. 25, 22.

1.
Bis diabolus in Iu-

dam in-
gressus.

2.
Deserit Iu-
dam Chri-
stus.

Ierem. 51.9.

Exitus Iu-
dæ passio-
nis initiū.

2. Cor. 12.10.

Phil. 2. 10.

cepisset, ingressus est in eum diabolus, instigans ad executionē designati facinoris, sicut prius fuerat ingressus, quando immisit in cor eius, vt traderet Iesum, & cum sacerdotibus pacisceretur. Ita qui coelestē panem mala conscientia sumit, dat locum diabolo in corde suo, qui, possessione illius accepta, præcipitat hominē in peiora semper. 2. Poena, quod desertus est à Christo, quando ait: *quod facis, fac citò*. Habui te hactenus in meo comitatu, totq; modis seruare studui, nunc vade à me. *Curauimus Babylonem, & non est sanata, derelinquamus eam.* Nec ideo te retrahere volui à facinore, quod fugiam mortē, imò properari eam mihi cupio *fac citò, quod facis.* Plus ego appeto mori pro te, & mūdo, quā tu me tradere inimicis.

PUNCTVM IV.

QVOD, egresso Iuda, Christus ait: *Nunc clarificatus est Filius hominis*, eò nimirū, quod ex cœtu suorum excessit impius. Absit à me, vt Deus sic clarificetur à me. sed præcipuē id dicit, quia, abeunte Iuda, inchoabatur Passio, quam Christus gloriam suam ducebat, quod per eam glorificandus esset Pater. O, sint mihi passionēs propter Deum gloriæ loco. Sic gloriabatur Paulus in *tribulationibus, & angustiis*: sed & clarificatus est Christus in passione, dum in eius morte tot sunt edita prodigia, & quia per passionem est gloriam resurrectionis consecutus, & vt in nomine eius *omne genu flectatur.*

MEDITATIO XVII.

Contentio Apostolorum, & praedictio scandal.

PUNCTVM I.

FACTA est contentio inter eos, *quorum videretur esse maior.* Obliti prioris tristitiæ, cum ex ipsis aliquem proditurum esse Magistrum diceretur, primatū iam contentiose ambiunt. Sic est impotens ambitio, & omnia postponit, Sanat Dominus humilitate ambitionem, aliter apud se agi oportere, quā in mundo, aliasq; sui Regni leges esse, quā terreni. *Qui maior est in vobis, fieri debet sicut minor; & qui praecessor est, sicut ministrator.* Idq; suo exemplo sancit. Nam & ego in medio vestrum sum, sicut qui ministrat. Ita praesum, vt seruiam. Videlicet in humilitate praesse oportet, & lucra amare subditorum, non ipsum praelationis honorem.

Luc. 22. 24.
Ambitionē
sanat hu-
milis.

Ne tamen despondeant, laudat ipsos: *Vos estis, qui permansistis mecum in temptationibus meis.* Vel in testes adducit ipsos tribulationum, quas passus sit, quodque nihil minus, quā commoditates suas, aut gloriam quaesierit in omni vita. quod cum ita sit, nec ipsos debere talia spectare. Nam ego, inquit, *dispono vobis regnum, sicut disposuit mihi Pater.* Pater autem, vt videtis, per multas tribulationes voluit me ad regnū peruenire. ita & vobis continget. Quare est simile cum illo, quod Zebe-

Mat. 20. 22. dæis respondit, affectantibus prima loca: *Potestis bibere calicem, quem ego bibiturus sum?* quasi dicat, de calice cogitate in hac vita, non de honore.

PUNCTVM II.

Cur lapsū
suorum
prædicat.

Mat. 26. 31.
Zach. 13. 7.

CHRISTVS denuntiat scandalum, quod Apostoli passuri erant in ipsius comprehensione: nempe, vt eum desererent, & forte dubitarent, nū esset Christus, qui sic haberetur; scriptum est enim: *percutiam pastorem, & dispergentur oves gregis.* Hac prædictione auertere ipsos voluit ab illis ambiciosi cogitationibus, sed præcipuè præmunire, vt saltem nō planè conciderent animis, & resipiscerent, animaduerso euentu prædictionis. Promittit quippe solatium suæ præsentia. *Postquam autem resurrexero, præcedam vos in Galileam.* salubris timor, ne deseram aliquando Christum. quod si contingat, confidam tamen, quia lapso opem pollicetur.

Petri tri-
plex error.

1.

2.

3.

Petrus responderet: *Et si omnes scandalizati fuerint in te, ego nunquam.* feruor quidem, sed absque debita humilitate; vnde errores tres. 1. Quod non visus sit habere fidem Christo asserenti de omnibus, quod scandalizandi essent. 2. Quod alijs se prætulerit. 3. Quod de suis viribus nimium præsumpserit. Petri exemplo *ceteri*, ne inferiores viderentur, *similiter dixerunt.* Etiam si nos oportuerit mori tecum, non te negabimus. Oportebat potius cū humilitate deprecari Christum, vt auerteret à se tantum malum, quàm præsidere de se. /

PUNCTVM III.

PRIORI reprehensioni addit solatium: ex quo tria eliciuntur. 1. Quòd tentatio non veniat absque permisso Dei: *Simon, sathana expetiuit vos, vt cribraret sicut triticum*, vt agigaret, & perderet: ita & Iob. quin nec in porcos licuit diabolo ingredi, nisi Christo finente. 2. Quòd tentatio nō vincatur, nisi Deo adiuuante, & auxiliante. *Ego autē rogavi pro te, Petre, vt non deficiat fides tua*. Licet vacillet, non deficiat tamen, quin saltem mox resipiscas, ex lapsu humilior, & cautior. 3. Quòd conuersus à peccato debet alios, suo malo doctus, instruere. *Et tu aliquando conuersus confirma fratres tuos: vt & illi resipiscant, & redantur in fide constantiores*. Hæ sunt grates, quas Dominus requirit à iustificato, vt & alijs ipse fiat causa salutis.

1.
Dæmon
line Deo
nihil ten-
tar.

2.
Deo iu-
uante su-
peramus
tentatio-
nes.
Luc. 22. 32.

3.
Conuersus
alios con-
uertere.

MEDITATIO XVIII.

*Sermo Christi ad Discipulos post Cæ-
nam. Ioan. 14. 15. & 16.*

Domin. 3.
4. 5. post
Pascha.

TRIA Dominus munia sua in hoc sermone præstantissimè obit. *Magistri*, alta de virtutibus præcipiens; *Consolatoris*, magna promittens; *Aduocati*, interpellans ardentissimè pro eis Patrem.

PUNCTVM I.

AMOR in Christum commendatur. 1. Hortatur, vt diligant ipsum adhibita efficaci ratione: *Sicut dilexit me Pater, & ego dile-*

Amor Dei.

Ioan. 15. 9.

2.

Amorem
probat obe-
dientia.

3.

Christus
exemplum
amoris.

Ioan. 15. 10.

Prou. 8. 17.

Festo Simo-
nis & Iudæ

1.

Quare mā-
datum no-
uum?

dilexi vos: manete in dilectione mea. Nihil ma-
gis amorem prouocat, quàm amor; & eò ma-
gis, si fuerit singularis. Atqui meus est talis:
nam *dilexi vos, sicut Pater me,* quo amore non
alius maior. Ergò manete in dilectione mea,
me diligite constanter, vt meo in vos amori
respondeatis. 2. probatio amoris: *Si diligitis
me, mandata mea seruare: qui habet mandata
mea & seruat ea, ille est, qui diligit me.* fructus
huius dilectionis triplex 1. *qui diligit me dili-
getur à Patre meo, & ego diligam eum.* 2. *ad e-
um veniemus, & mansionem apud eum faciemus.*
3. *& manifestabo ei meipsum;* nunc per fidem,
& contemplationem, postea à facie ad faciem.
3. proponit seipsum exemplar amandi: *si præ-
cepta mea seruaueritis, manebitis in dilectione
mea, sicut & ego Patris mei præcepta seruauimus, &
maneo in eius dilectione.* Manere in dilectione
Christi, aut Patris, potest dupliciter exponi,
vel quòd nos ipsum tunc verè diligimus, si
præcepta eius seruauerimus, vel, quòd ipse di-
liget nos. Vtrumque est verum, & se mutuo in-
cludunt: nam *qui diligit, diligitur;* & qui à
Deo diligitur, vicissim diligit, *ego enim dili-
gentes me diligo,* ait Dominus.

PUNCTVM II.

AMOR proximi commendatur. 1. præce-
ptum dilectionis proximi vocat nouum,
quia penè collapsum restituit. Et quia est fun-
damentum nouæ legis, quæ est Amoris; &
quia per illud renouamur Spiritu in adopti-

onem

onem filiorum Dei: singulariter autem, quia noua amandi regula traditur. *Mandatum nouum do vobis, vt diligatis inuicem, sicut dilexi vos.* cū antiqua norma foret, *diliges proximum tuum, sicut te ipsum.* denique quia est nota discipulorum Christi. *In hoc cognoscent, quia discipuli mei estis, si dilectionem habueritis ad inuicem.* 2. vocat suum: *Hoc est praeceptum meū, vt diligatis inuicem, sicut dilexi vos:* penē ob causas illis similes, propter quas vocauit uouum, praesertim, quod seipsum proponit exemplar amandi, *sicut dilexi vos:* & quoniam ipse impleuit maximē illam perfectionem amoris, de qua ait: *Maiores hac dilectionē nemo habet, quā vt animam suam ponat quis pro amicis suis.* 3. Inculcat iam tertio hoc praeceptum. *Hec mando vobis, vt diligatis inuicem.* innuit hoc sufficere, & in illo reliqua contineri, *plenitudo enim legis est dilectio.*

Cū commendabat, vt se diligerent, non est vsus praecepti nomine, quod vltro videbantur id facturi, tot prouocati beneficijs: vt autem inter se amarent, futurum erat difficilius. Voluit etiam exprimere, quā sibi id esset cordi, quando tam grauib. verbis illud commendaret. 20

PUNCTVM III.

COMMENDATVR vis orationis. i. quia valet ad impetranda omnia, etiam miracula, modō in fide oretur, & in nomine Christi petatur,

Matt. 19. 19

2.
Quare su-
um dicit.

3.

Ad orati-
onem quæ
necessaria.

1.

Ioan. 14. 12.

2.

Psal 144. 19

3.

Circum-
stantiæ o.
rationis 6.

1.

2.

Prov. 28. 9

3.

Luca 11. 13.

petatur, & pro gloria Patris: Amen dico vobis, qui credit in me, opera, quæ ego facio, & ipse faciet, & maiora horum faciet, quia ego ad Patrem vado, & quodcunque petieritis Patrem in nomine meo, hoc faciam: ut glorificetur Pater in Filio. 2. orationis efficacia pendet ex vni-one cum Christo per charitatem, si manseritis in me, & verba mea in vobis manserint, quodcunque volueritis, petetis, & fiet vobis. Qui scilicet vnitus est cum Deo, nihil petit, nisi quod ex Dei voluntate sit, atque ita semper impetrat, quod petit. Voluntatem timentium se faciet, & deprecationem eorum exaudiet. 3. inculcat eandem promissionem de impetrandis, quæ petuntur: & hortatur ad petendum, fore enim, ut cõpotes facti gaudeant. Amen dico vobis, si quid petieritis Patrem in nomine meo, dabit vobis: vsque modò non petistis quidquam, petite & accipietis, ut gaudium vestrum sit plenum. Circa hanc toties, & tam asseneratam promissionem considerande sunt aliquot circumstantiæ. 1. Quis promittit? qui vocatur fidelis, & verax, qui nolit decipere, & possit præstare. 2. Quibus promittit? Discipulis, iam dimisso Iuda, non pertinet promissio ad rebelles, & peccatores, nisi cum volunt resipiscere. Qui declinat aures suas, ne audiat legem, oratio eius erit execrabilis. Et suprà dixit, Si manseritis in me, quodcunque petetis fiet. 3. Quem oportet petere? Patrem, qui verè & simpliciter Pater est: nam, si vos cum sitis in illis, sitis bona data dare filiis vestris, quantò magis

Pater

Pater vester de cælo dabit spiritum bonum petentibus ? Sed & Filius & Spiritus sanctus promptissimi sunt ad largiendum. 4. per quæ petendum ? in nomine Christi, per illius merita, & vt ipse glorificetur. 5. quæ petenda ? quæ decet Patrem cælestem largiri, & in Christi nomine peti, & petenti expediunt. 6. quomodo petendum ? cum fide & fiducia de liberalitate Dei promittentis, & de Christi meritis, per quem petitur, nec non perseueranter.

PUNCTVM IV.

CONSOLATUR Apostolos, & animat ad patiendum, id quæ facit pluribus rationibus. 1. ab exemplo sui: *Mementote sermoni mei: non est seruus maior Domino suo; si me persecuti sunt, & vos persequentur. absque synagoga facient vos: sed venit hora, vt omnis, qui interfecit vos, arbitretur se obsequium prestare Deo: Et hæc omnia facient vobis propter nomen meum.* Hinc innuitur alia ratio libenter ferendi, quia propter Christi nomen. 2. quia est signum Diuinæ electionis: *Si de mundo fuissetis, mundus, quod suum erat, diligeret: quia verò de mundo non estis, sed ego elegi vos de mundo, propterea odit vos mundus.* 3. quia vertetur in gaudium: *Mundus gaudebit, vos verò contristabimini, sed tristitia vestra vertetur in gaudium.* declarat exemplo mulieris parturientis. 4. Ab spe æternæ mansionis, & societatis gloriæ cū

Christo:

Dominica
infra As-
censionem

I.

Ab exem-
plo Christi

2.

Est signum
electionis.

3.

Successio
gaudij.

4.

Præmium
æ æternum.

5.
Christi
auxilium.

6.
Amor pa-
tris.

7.
Victoriæ
spes.

Sabbatho
ante Do-
minicam
Palmarum.

Christo: in domo Patris mei mansiones multe sunt, & ego vado parare vobis locum, & iterum venio, & accipiam vos ad me ipsum: ut ubi sum ego, & vos sitis. 5. à præsentis ipsius Christi ope: Non relinquam vos orphanos. Non turbetur cor vestrum, neque formidet. Audistis, quia ego dixi. Vado & venio ad vos. Modicum & non videbitis me, & iterum, modicum & videbitis me, & ego videbo vos, & gaudebit cor vestrum, & gaudium vestrum nemo tollet à vobis. Possunt hæc exponi de visitatione diuina inter tribulationes; etsi fortè magis pertinent ad finem vitæ præsentis, cum veniet, ut suos hinc abducat ad æternum gaudium. 6. A testimonio diuini Amoris erga ipsos. Ipse Pater amat vos, quia vos me amastis, & credidistis, quia à Deo exiui. 7. A spe vincendi, In mundo pressuram habebitis, sed confidite, quia ego vici mundum.

MEDITATIO XIX.

Oratio Christi ad Patrem in fine sermonis. Ioan. 17. 1.

ORA T pro se, pro Apostolis, pro omnibus fidelibus & electis. est exemplar perfectæ preceationis, in qua attendendum, pro quibus petat, quid petat, quo titulo, & ordo petitionis.

PUNCTVM I.

ORAT pro se. 1. Attendi debet interna & externa reuerentia orantis, verborumq; affectus, *subleuatis oculis in cœlū dixit: Pater.* 2. quid petat: *Venit hora: clarifica filium tuum, vt Filius tuus clarificet te.* Petit clarificari in nocte passionis; & fecit Pater, tot editis prodigijs in morte eius. item per glōriofam Resurrectionem, & ascensionem suam in cœlū. Denique per exaltationem nominis ipsius toto mundo, dum creditur Deus, & Saluator. Petit autem hæc, non suam quærens gloriā, sed Patris. *vt filius tuus clarificet te.* nam clarificatio illius in tuam cedit gloriā, qui illum mundo dedisti. Licet mīni vsurpare eandem orationem sine temeritate, vt petam clarificari donis gratiæ, vt inde ipsum Deum clarificare valeam. 3. quo titulo petat: *Ego te clarificaui super terram, opus consummaui, quod dedisti mihi, vt facerem, & nunc clarifica tu me Pater claritate, quam habui, priusquam mundus esset apud te.* Licet obtendere apud Deum fidelia obsequia, cum debita submissiōe. Vtinam ego haberem, quæ representarem! at contrā, non nisi demerita habeo. Discitur etiam, quod quæ Deus ab æterno destinauit, nihilominus petenda nobis sunt, quia per tale medium dare constituit. Claritatem ergo quam antē mundi constitutionem decreuit Deus electis, instanter ipsi ab illo petent. Si, cut Christus hoc loco petit claritate n, quæ ab

Orat pro se

1.
Reueren-
ter.2.
Vt clarifi-
cetur,3.
Petit titulo
obedientiæ
(uæ.

æterno ipsi fuerat decreta. Et si, quoad Christum, potest aliter accipi claritas: nempe quod sit verus Filius Dei, quam habuit ab æterno: petit autem eadem clarificari, hoc est, innotescere pro tali, & glorificari, sicut factum scribit Ioannes; *Vidimus gloriam eius, gloriam quasi vnigeniti à Patre, plenum gratia, & veritatis.* 21

PUNCTVM II.

ORAT pro Apostolis. *Non pro mundo rogo, sed pro his, quos dedisti mihi, quia tui sunt.* Vbi simul continetur titulus, sub quo eos commendat Patri: *Quia tui sunt*, qui est efficax *Tuus sum ego: saluum me fac.*

Pro Apostolis petit
tria.

2.

3.

Non orat pro mundo, & filiis tenebrarum, quia indignos se faciunt, resistendo diuinæ legi, & inspirationibus. Deinde petit pro illis tria. 1. *Pater sancte, serua eos in nomine tuo, quos dedisti mihi, vt sint vnum, sicut & nos.* Petit, vt sint sub peculiari cura DEI, ac proinde inter se vniti, imò vnum sint, sicut Pater, & Filius vnum sunt, videlicet Naturâ, & consequenter, vnius sensus, & voluntatis, quod optat Apostolis. 2. *Non rogo, vt tollas eos de mundo, sed, vt serues eos à malo.* Nimirum inter malos esse, & ab eis pati, sæpè expedit: illud modò detur, vt sub protectione Dei coeli commoremur, & ipse inter tentationes mundi liberet nos à malo. 3. *Sanctifica eos in veritate.* Ego pro eis sanctifico me

ipsum

ipsum, ut sint & ipsi sanctificati in veritate.
 Precatur discipulis veram sanctitatem, atque
 perfectam, non tantum declinationem à ma-
 lo. Alio autem sensu de se dicit: *Ego sanctifico*
me ipsum, id est, deuoueo & immolo, *ut ipsi*
sancti sint: nam ex Christi morte nobis proue-
 nit sanctitas.

Tres titulos ad impetrandum Apostolis Quo titulo
 adhibuit. 1. *quia tui sunt.* 2. *serua eos* Petiti:
 in nomine tuo; pro gloria tui nominis.
 3. *quia ego pro eis sanctifico me ipsum*, morti
 offero.

PUNCTVM III.

ORAT pro reliquis fidelibus *Non pro eis*
tantum rogo, sed & pro eis, qui credituri
sunt per verbum eorum in me. Itaque pro me
 tunc orauit, habuit enim tunc omnes cogni-
 tos, & in oculis singulos. Quid pro eis petit?
ut omnes vnati sint, sicut tu Pater in me, &
ego in te, ut & ipsi in nobis vnum sint. Vnum
 inter te, & cum Deo. ô beata vnitas! Ex quo
 sequitur, *ut credat mundus, quia tu me misisti.*
 Tanti est vera vniô charitatis, ut plurimum
 momenti adferat ad fidei propagationem,
 quia ibi verè digitus Dei est, vbi charitas.
 Præterea petit: *Pater, quos dedisti mihi, volo*
ut vbi ego sum, & illi sint mecum, ut vide-
ant claritatem meam, quam dedisti mihi.
 Hæc summa petitionum omnium, ac deli-
 deriorum finis. *Volo, inquit, & quis re-*

Pro omni-
 bus fide-
 libus petit;

1.
 Charita-
 tem:

2.
 Vitam æ-
 ternam.

tinet voluntati tuæ? Dic obsecro pro me, *volo*,
& fiet.

Tituli sunt.

Tituli seu motiua petitionis sunt illa,
qui credituri sunt in me. Et, *Pater, quos dedi-*
sti mihi. Vterque enim respectus debet apud
Patrem valere plurimum, vt largiatur illis
primò vnitatem illam in hac vita, cum
DEO, & inter se per charitatem; deinde
verò, vt assumat illos ad se, vbi videant cla-
ritatem, quam Filius à Patre accepit gene-
ratione æterna, *faciem Domini speculantes*.
Fiat, fiat.

2. Cor. 3. 18.

MEDITATIO XX.

Christus pergit ad hortum, &
tristatur. Matt. 26. 30.

Ioan. 18. 1.

PUNCTVM I.

1.
Consuetu-
do bona
seruanda.

CVR à coenaculo ad hortum perrexe-
rit? i. causa, vt morem seruaret suum
à concionibus, & consuetudine hominum
recipiendi se ad orationem. Sic ego consue-
ta exercitia non omittam facillè, quamuis
impedimenta obijciantur: præsertim in-
stante necessitate, vt hic. 2. Ne crearetur ali-
quod incommodum Domino coenaculi, ac
ne fugere videretur periculum, eò se con-
tulit, quò Iudas sciebat, solitum se recipe-
re Dominum. Vnde abiturus ait, *vt cognos-*

Ioan. 14. 31.

cat mundus, quia diligo Patrem; & sicut
mandatum dedit mihi Pater, sic facio. *surgi-
te eamus.* 3. ut quia in horto mala libertas
peccandi cœperat, in horto etiam compre-
henderetur veræ vindex libertatis, & initi-
um salutis daretur. Erat hortus ad montem
Olinarum, id est, misericordiarum, & per
torrentem Cedron ad eum transiit CHRIS-
TUS. Quia misericordia nobis à Chri-
sto exhibita multis ei constitit doloribus.
De torrente in via bibit: propterea exaltabit
caput. 22

3.
In horto
Adam pec-
cauit, Chri-
stus pati
cœpit.

Psal. 109. 7.

PUNCTVM II.

QVOD Christus voluit omne sensitivum
solatium sibi adimere, quo leniri solent
valde cruciatus, quod plus pateretur. & ita
propositis malis omnibus sibi inferendis,
quàm efficacissimè, & cohibito omni sola-
tio, quod à superiore parte animæ dimanare
insensus solebat, ita ut pati gestiret, laxavit
habenâs naturali appetitui, ut, quantum va-
leret auersatus mala impendentia, immensâ
tristitiâ absorberetur.

Omne
lætitiâ si-
bi ademit,

Internus hic Christi affectus ab Euangeli-
stis variè nominatur, *timor, pavor, tedium,
tristitia, agonia.* TIMOR est mali impenden-
tis, qui sæpè magis cruciat, quàm ipsa mors.
Et proponebat sibi Dominus singula diserte.
vnde ait: *Cor meum conturbatum est in me,
& formido mortis cecidit super me: timor &*

Assumit
Timorem.

Psal. 54. 5.

Tedium.

Tristitia.

tremor venerunt supra me, & contexerunt me tenebra. TAEDIVM est quoddam rerum omnium fastidium, vt omnes accidunt ingratis & molestis. Sic luebat Christus tedium, quo ego soleo laborare rerum spiritualium, bonarumque actionum. TRISTITIA est afflictio interna, tanquam de presentibus iam malis, quod ea apprehenderet ex diuina dispositione, tanquam ineuitabilia, & aded vt presentia.

Porro sicut charitatis eximie fuit, quod Christus *desiderio desiderauerit* mori pro nobis, indeque gauderet, ita iam par est charitatis, quod timet, tædet, tristatur, quod ita plus patiatur pro nobis.

PUNCTVM III.

1.
Peccata
Christum
contristau-
runt.

2.
Ignauia
nostra.

3.
Passiones
elementorum
sensit.

PRÆTER passiones ipsas fuerunt quoque alia causa, Christi animam affligentes. 1. multitudo innumerabilis peccatorum, grauitas maxima, ob offensam Dei infiniti, & damna æterna. Itaque Dominus hic tristabatur, vt suppleret defectum in nobis, qui vix villo tangimur doloris sensu ob nostra peccata, & vt illa eius poena auerteret à nobis æternas. 2. quod videret plerosque hominum non percepturos fructum ex tot ipsius laboribus & medijs, quæ offerebat: alios autem tepide vsuros. 3. repræsentabat sibi passiones & afflictiones, quas plurimi passuri erant ipsius CHRISTI causa;

causa; & eas ipsas, vt proprias sentiebat. 4. speciatim perditio populi sui, ex quo erat secundum carnem, & variorum regnorum, quæ erant abiectura Christi fidem, & nominatim Iudæ, vt cum membrum ex corpore abscinditur. 5. scandalum discipulorum, & Matris moestissimæ afflictio.

PUNCTVM IV.

APERIT suam tristitiam Petro, Iacobo, & Ioanni. *Tristis est anima mea vsque ad mortem, sustinete hic, & vigilate mecum.* 1. vsque ad mortem, qualis est in ipsa morte: vel, quæ afferre posset mortem, nisi ad plura patiendum seruarem meipsum. 2. Manifestauit ideo, vt constaret nobis interna eius afflictio, quam propter nos subibat, ac, vt se probaret hominem, talium capacem, & quoddam solatium, ex communicatione doloris, more humano perciperet. 3. illis tribus Apostolis communicauit, quia iisdem gloriam glorificati corporis ostenderat. Vnde intelligerent, quanti hominem amaret, cuius causa illam gloriam cum hac humilitate commutaret. Item mōnerentur, cum Deus singulari beneficio suos afficit, præparari sic eos ad plura ferenda, & denique fauorem esse singularem, non tantum assumi ad speculandam gloriam in monte Thabor, sed etiam adhiberi ad communicationem passionum in monte Oliuæ. 23

Mat. 26. 38.

2.
Tristitiam
suā aperit.

3.
Tribus A-
postolis
solum.

MEDITATIO XXI.

Oratio in horto. Matth. 26. 41.

PUNCTVM I.

*Luc. 22. 41.**Tristitia
tempore o-
randum.**Iacob. 5. 13.**Psal 76. 3.**Mat. 26. 38.**Tristitia*

IN EA tanta tristitia ad orandum se Domi-
nus conuertit, relictis tribus illis Aposto-
lis. *Et ipse auulsus est ab eis, quantum iactus est
lapidis.* 1. docemur hinc in desolationibus re-
currendum ad Deum per orationem, non per
inania colloquia dissipandum animum. *Tri-
statur aliquis in vobis, oret.* Et, *in die tribulatio-
nis Deum exquisiui, renuit consolari anima
mea, memor fui Dei & delectatus sum.* 2. Hor-
tatur etiam Apostolos, vt idem faciant: *Vigi-
late mecum.* Diuulsus ab illis orat, quia se-
cretum amat oratio, & remouenda sunt im-
pedimenta, & solatia postponenda.

PUNCTVM II.

*Luc. 22. 41.**Mat. 26. 39.**Oratio**qualis?**Oratio**qualis?**Oratio**qualis?**Oratio**qualis?**Oratio**qualis?**Oratio**qualis?**Oratio**qualis?**Oratio**qualis?**Oratio**qualis?**Oratio**qualis?*

ORAT Patrem. 1. summâ reuerentiâ, &
humilitate. *Positis genibus, procidit in
faciem suam super terram.* 2. fiduciali Amore:
Pater mi. 3. Resignatione plena, non obstante
immensâ tristitiâ: *Non sicut ego volo, sed sicut
tu.* 4. Prolixè, ad horam continuauit, vt colligi
potest ex illo: *Non potuisti vnâ horâ vigilare
mecum?* Summa orationis fuit breuis, & varijs
affectibus producta. 5. Orauit: *si possibile est,
transcat à me calix iste, auertatur à me:* potest

& ita

& ita, vt citò expediatur, sit passionis tempus breue; sed non ad literam.

PUNCTVM III.

VISITAT discipulos, reperitque dormientes, ita sollicitus erat de illis, vt interrumperet orationem suam. Corripit dormientes, sed in spiritu lenitatis. *Sic non potuisti vna hora vigilare mecum?* præcauet deinceps, monens: *Vigilate & orate, vt non intretis in tentationem;* quæ videlicet imminabat excomprehensione Magistri. *Spiritus quidem promptus est, caro autem infirma,* quæ proinde per orationem iuuari debeat. vel est excusantis discipulos, quod voluntatem promptam habeant, sed fragilitate carnis vincantur.

Corripit
discipulos.

Hanc socordiam in tanto periculo dormientium imitor ego incurius salutis, & profectus mei. Vrgente tristitiâ, imperfecti contrahunt tædium, & soporem; perfecti autem inde vrgentur ad instantius orandum, vt Christus facit. 24

PUNCTVM IV.

SECVNDORAT: *Pater mi omnia tibi possibilia sunt, transfer calicem hunc à me, sed non quod ego volo, sed quod tu.* Transferri seu transire calicem à se in homines cupit, hoc est, fructum passionis. quod si illum participare aliter nequeant, nisi Christus ipse bibat illum, & passionem subeat, fiat

Mar. 14. 39.
Ostendit
magnum
amoris af-
fectum.

voluntas Dei. quasi petat salutem conferri hominibus absque passione sua: si autem fieri fecus non valet, paratum se offert ad exhauriendum.

PUNCTUM V.

Mar. 14. 40.

Christi desolatio.

Cur Pater differt responsum.

SECUNDò visitat discipulos, & inuenit, ut prius, dormientes: nam oculi eorum erant grauati pre tristitia, & ignorabant quid responderent ei. Sciebat illos dormire, visitat tamen, curam exhibens circa illos. Vndique bonus Iesus solatio destituitur, intempesta nocte, in loco solitario, consopitis discipulis, nec à Patre exauditus est post longam repetitam orationem, nec idèò frangitur aut queritur, sed vrgetur ad impensius prolixiusque iam tertio orandum. Et ego velim statim exaudiri: nequaquam, nisi perseuerauero pulsans.

Sed cur tam diu differt Pater responsum? ut necessitas passionis eius magis commendaretur, & Dei erga nos charitas, quandoquidem tam instanti diuturnaque obsecratione Filij non est flexus Pater æternus, ut ipsi condonaret calicem, aut remitteret. nisi enim summa esset passionis, mortisque Christi necessitas, non se permetteret tam diu rogari; & nisi hominem infinitè amaret, non abnueret, etiam cum dispendio hominis, quàm primum Filio gratificari.

MEDITATIO XXII.

Confortatio, & sudor sanguineus.

PVNCTVM I.

TERTIA vice oranti apparuit Angelus de *Luc. 22. 43.*
cælo confortans eum. haud dubiè missus à
 Deo Patre; & fuisse Gabrielem credibile est,
 qui ad obsequium humanitatis Christi pecu-
 liariter fuit destinatus. Sic Deus perseveranti
 in oratione impertit in tempore solatium, &
 auxilium.

Confortauit Christum, proponendo neces-
 sitatem passionis eius, & gloriam inde Patris
 secuturam, & ipsius Christi, similesque ratio-
 nes. Quas licet ipse Dominus perspectas ha-
 beret, submissè tamen ex Angelo accepit, inde
 seipsum animans, & confortans pro conditio-
 ne humana. Discam, non dedignari, ab infe-
 riori dirigi, & solatium admittere, quando
 etiam nihil noui, aut ignoti profertur; sit e-
 nim, vt illuminemur magis à Deo, propter
 humilitatis obsequium. 25

PVNCTVM II.

OB dicta Angeli, *factus in agonia pro-*
lixius orabat. Agonia fuit conflictus in-
 ternus, dum ex vna parte timorem & tristiti-
 am vehementem afficerent obuersantes cogi-
 tationi cruciatus; ex altera autem respectus
 Dei, & salutis nostræ, ad amplectendam mor-
 tem incitaret.

Inter

Pugna tristitiæ cum zelo gloriæ Dei.

Inter hæc factus est sudor eius sicut gutta sanguinis decurrentis in terram: adeo fuit vehemens utrinque conflictatio. Erat in potestate Christi timorem, & tristitiam cohibere, sed specimen exhibere voluit pugnae mox ineunda cum ipsis tortoribus & tormentis: deinde exemplum dare repugnandi nostris passionibus usque ad sanguinem. Denique docet, difficultates omnes, quæ in Dei seruitio occurrere possunt, præmeditari, atque aduersus illas obfirmare animum, ut præsentibus minùs feriant, quippe iam antea denictæ.

Christi liberalitas in fusione sanguinis.

Hæc spontanea sanguinis effusio, est instar myrrhæ primæ ac probatissimæ, quæ spontè fluit ex arbusta, priusquam vel pungatur, vel cortex detrahatur. ita nunc Christus fudit sanguinem toto corpore, effusus postea totum, flagris concisus, clavis, ferroque perfusus, & spinis punctus. Quare cogitandum est in hac agonia per vehementissimam singulorum cruciatuum apprehensionem passum fuisse Dominum omnes simul dolores, quos postea tortores intulerunt excruciatione corporis. Vide charitatem.

Dolor de peccatis nostris.

Voluit etiam repræsentare nobis immensum dolorem, quem concipiebat, ob peccata nostra, & Dei offensas, ut satis ei non esset, lachrymis eas deflare, sed ad eluendas sanguine opus fore.

Sensit passionem electorum.

Repræsentauit etiam in se ipso passionem, quas corpus eius mysticum subire debebat, & ita quodammodo cum singulis martyribus,

& con-

& confessoribus patiebatur. quantò decet magis, vt ego ipsius Christi tormenta pro me obita intimè sentiam, & meo sanguine demerear?

Tandem considera, quàm ex isto sudore & agonia manserit debilitatus, nullo interim adhibito leuamento, vel abstersione sudoris.

PUNCTVM III.

TERTIO surgit ab oratione, & inuenit discipulos etiam dormientes præ tristitia. Alacer surgit, ad confligendum cum morte. hæc fortitudo est fructus orationis. Non coarguit discipulos, sed indulget, dormite iam, & requiescite; vel indicat rem iam peractam, propter quam eos vigilare iusserat. Monet nihilominus euigilare ob præsens periculum, quando, vt orarent cum ipso, non fecerunt. Sufficit, surgite, eamus, ecce appropinquat qui me tradet. Non ille dormit sicut vos. pudeam de osecantia mea in Dei seruitio præ inimicis Christi ad eum offendendum.

MEDITATIO XXIII.

Applicatio sensuum internorum circa effusionem sanguinis Christi.

MEDITATIO XXIV.

Osculum Iudæ & præcedentia comprehensionem Christi.

PUNCTVM I.

IUDAS vnus ex duodecim, Dux comprehen-

Iudæ pro-
ditoris ne-
quitia,

Mat. 14. 44.

Psal. 12. 5.

Christi
charitas er-
ga Iudam.

1.

2.

Ioan. 15. 14.

Iudam cor-
ripit.

hendentium Christum factus est: venit ad lo-
cum, quem sciebat Iesum orationis causa fre-
quentare; pro tessera dat comprehensoribus
osculum, alioqui pacis signum, atque auda-
cter accedens, *osculatus est Iesum dicens: Ave
Rabbi.* atque hoc fecit totum, ut vile pretium
venditionis reportet. In quale profundum
præcipitat hominem cupiditas! & quale Dei
iudicium, permittentis in suo discipulo talem
lapsum! salutari ego timore concutiar, & de-
precabor à Deo similem cæcitatem: *Nequan-
do dicat inimicus, prævalui aduersus eum.*

Deinde consideretur, quemadmodum Chri-
stus excipiat Iudam summa charitate, &
mansuetudine. Non abnuitt osculum, quidni
confidam quamuis peccator, ad eum accede-
re indulgentiæ causâ, quando non reiicit
proditorem?

Imò compellat Amicum: *Amice ad quid
venisti?* quærit, dissimulans prauam illius in-
tentionem. Appellatione autem *amici* reuo-
cat ipsi in mentem, quod pro tali habitus fue-
rit à se. *Iam non dicam vos seruos, sed amicos,*
quodque habere etiam in posterum paratus
sit, modò perfidus ipse velit. O mansue-
tudo!

Obiectat nihilominus proditori crimen,
sed beneuolentissimè: *Iuda, osculo Filium ho-
mini tradis?* tradis, & osculo tradis? venenū
melle admiscens? O Iuda, blanda appellatio!
Filium hominis cōtemptum se nominat, quod
si tantum crimen, prodere Filium hominis,

quan-

quantum erit, quod Filium Dei tradis? neque sic emollitur. 20

PUNCTVM II.

CHRIſTUS verbo proſternit comprehenſores. Voluit documentum dare ſue potentiae, & quod nihil contra eum poſſent, niſi quantum ille ipsis permitteret. Ego, inquit, ſum. Aliter hæc vox ſonat in auribus pij, & iuſti hominis, aliter impiorum. Illi eſt plena ſolatiij, ac ſi dicat, ſalus tua ego ſum; Dilectus tuus & omnia. peccatoribus autem eſt terribilis. quod ſi nunc, quanto terribilior in magno die iudicij?

Oſtendit potentiam ſuam.

Ioan. 18. 5.

Et abierunt retrorſum, & ceciderunt in terram. Retrorſum, qui lapſus eſt periculoſiſſimus, & in quo non videt cadens, quod ruat: ita peccatores non aduertunt, in qua mala peccando reuoluantur. Non ſic cadam ego, ſed in faciem meam per humilitatem & agnitionem propriæ culpæ, veramque poenitentiam, vt emendatus reſurgam.

Retrorſum qui cadunt.

PUNCTVM III.

CVM è terra ſurrexiſſent, qui fuerant proſtrati, Chriſto permittente, ſecundò interrogauit, quem queritis? illi etiam dixerunt: Ieſum Nazarenum. Vide cæcitatem, tanto miraculo conſpecto, inſiſtunt adhuc malè coeptis. Ieſum Nazarenum quærunt, profitentur illum (quamuis neſcientes, & nolentes) quod verè eſt, Saluatorem & ſanctum. Inter eſt, quomodo quærat Ieſus. quæra ego,

Obſtinatio Iudæ & militum.

non

*Sinite ver-
bū efficac.*

non vt necem inferam, sed vt vitam referam ex illo. *Respondit Iesus: Dixi vobis: quia ego sum, si ergo me queritis, sinite hos abire; sic bone Iesu tuis consulis, tibi non consulis? & fuit verbum potens, ne attingerentur discipuli eius, sed in ipsum solum rabies ministro- rum Sathanæ versaretur.*

PUNCTVM IV.

Luc. 22. 49.

Matt. 26. 52

Reprimitur

Petri fer-

uor tribus

modis.

1.

2.

3.

PETRVS amputat auriculam Malchi. Pe- tit prius venia: *Domine, si percutimus in gladio? sed non expectato responso, quod tale fuit: sinite vsque huc, abstinete: factum au- tem redarguit pluribus modis. 1. Conuer- te gladium tuum in locum suum, omnes enim, qui acceperint gladium, gladio peribunt.* Hæc erat tunc lex talionis. quomodo mansuetus Agnus pateretur, se defendi per effusionem sangui- nis alieni, qui suum dare venerat? 2. *Calicem quem dedit mihi Pater, non vis vt bibam illum? non ego mortem aspicio, vt intenta- tam ab inimicis, sed vt imperatam à Patre meo, ac ita vt optatissimam. agrè fert, impe- dimentum obijci implendæ voluntati Patris. Sic ego oblatos labores amplectar, & pro Dei munere ducam. 3. An putas, quia non possum regare Patrem, & exhibebit mihi modò plus- quam duodecim legiones Angelorum? quomo- do ergo implebuntur scriptura, quia sic oportet fieri? Possem quidem petere, & impetra- re, sed nolo, quia volo, vt Patris voluntas fiat. ita hoc dicit, sicut in horto orans dixerat:*

Om-

Omnia tibi possibilia sunt. poterat absolute id fieri, vt transferretur calix, & legiones Angelorum in auxilium venirent, sed, ex suppositione Dinini decreti, non poterat, quod ita Christus servatum volebat, vt etiamsi posset illud effringere, nequaquam veller.

Commendatur hinc efficacia orationis, ad impetrandum auxilium à Deo, etiam multorum Angelorum. Vnde Eliseus dicebat: *plures nobiscum sunt, quam cum illis.* deinde conformatio cum Diuina voluntate: quæ debet esse in orante. 2 Y

4. Reg. 6. 16.

PUNCTVM V.

SANAT auriculam Malchi, volens reddere bonum pro malo, & non ferens propter se alicui damnum illatum, & ne exacerbari ministri læderent discipulos. Credibile Malcho redditum simul fuisse auditum fidei, & obedientiæ, quia Christus solitus erat cum corporali sanitate conferre spiritualem, & miraculum in se patratum potuit ipsum permutare, tametsi alios nihil mouerit. O, sanetur in me auditus ad excipiendas inspirationes diuinas! *audiam quid loquatur in me Dominus.*

Malchus
conuersus
hoc mira-
culo.

MEDITATIO XXV.

Comprehensio Christi.

PUNCTVM I.

CHRISTVS facit potestatem suis ad-
Medit. Compend. Kk uerita-

1. uersarijs. 1. Improperat, quod tanquam ad latronem capiendum venirent armati. Habet ille nomen prædatoris apud Isaiam: *velociter spolia detrahe, citò prædare*: sed prædas agit animarum, ex potestate diaboli in libertatem vindicando. Velim, ut sic deprædetur cor meum, & sibi illud afferat. 2. Exprobrat, quod, cum quotidie cum ipsis fuerit, docens in templo, non eum tenuerint: quasi pro doctrinæ labore rependant hanc mercedem: vel notat imbecillitatem, quod, cum in manibus eum habuerint, & pridem capere exoptauerint, non tamen sint ausi; nempe, non fuisse eis à Deo concessum. 3. Nunc autem, *hac est hora vestra & potestas tenebrarum*. Permitto me vobis, & ipsis dæmonibus, qui vos instigant ad me perdendum. virtute huius concessionis potuerunt in Christum, quicquid ipsi fecerunt. Et sine exceptione se eis tradit, non sicut Iob traditus est, exceptâ vitâ. Magna charitas & dignatio, quod etiam Dæmoni super suum corpus tradit potestatem, ut ego eripiar. O Domine, posside ita corpus meum & animam, totumque me, nec sit alteri potestas super me.
2. Ingratitudo Iudæorum.
3. Dat sui potestatem.

PUNCTVM II.

IRRVVNT in Dominum, trudent, prosternunt, calcant, ligant, collo, manibusque iniecto fune; & exultant; sicut victores captâ prædâ. 1. Perpende, *humilitatem*. qui sedet super Cherubim, substernitur pedibus

Isa. 9. 3.
Christi virtutes.

1.

impro-

impiorum, quanto id maius, quàm, quòd
in coena ad pedes discipulorum accidens, eos
lauit. huc pertinet illud Psalms: *Miserere mei Deus, quoniam conculcauit me homo, conculcauerunt me inimici mei.* Faciunt hoc ipsum peccatores omnes, qui *Filium Dei conculcant, & sanguinem illius polluunt,* teste Paulo: Iusti autem glorificant & portant Deum in corporibus suis. 2. *Patientiam* admirabilem, nullo edito signo indignationis, aut querimoniae, & tamen *circumdederunt te vituli multi, tauri pingues obsederunt te, aperuerunt super te os suum, sicut Leo rapiens & rugiens.* Et poteras nutu omnes perdere. O, discam ex te patienter iniurias sustinere. 3. *Charitatem,* qua manus offert ligandas, cum meliùs quàm Samson vti fila disrumpere funes, catenasque potuisset. At non funes, sed charitas ipsius erga nos vincebat manus, manus operatrices mirabilium: & impletum est illud: *Funes peccatorum circumplexi sunt me, ego autem legem tuam non sum oblitus:* legem scilicet charitatis, qua iussisti, vt ponerem dilectam animam meam pro peccatoribus. 28

Psalm. 55. 2.

Heb. 10. 29.

2.

Psalm. 12. 13.

3.

Psalm. 118. 61.

PUNCTVM III.

TVNC discipuli omnes, relicto eo, fugerunt. 1. Ex parte discipulorum aestimanda est eorum infirmitas, quos tot visa miracula, & credita de Christo mysteria, sermo ille postremus, & iactata ab ipsis promissa.

1. Inconstancia discipulorum.

2.
Dolor
Christi.
Psal. 87. 9.

ritudo moriendi, & Eucharistici Sacramen-
ti in hoc sumpti firmamentum; hæc totque
alia nequiverunt à turpi desertione dilecti
Magistri cohibere. sic pedes illi paulò ante lo-
ti tam eximio charitatis atque humilitatis
exemplo turpi fuga foedati sunt. Nec dese-
runt tantum, sed fide quoque nutarunt.
Vtinam non ego etiam sim amicus mensæ &
prosperitatis; in arduis autem & tentatio-
nibus desertor Christi! 2. Ex parte Christi
consideretur intimus sensus, quo tulit hanc
sui gregis dispersionem, usurpans illud: *Lon-
gè fecisti notos meos à me, posuerunt me abo-
minationem sibi.* quasi abominabilem me de-
uiderunt.

MEDITATIO XXVI.

Ducitur Christus ad Annam.

PVNCTVM I.

Ioan. 18. 13.

Christi su-
dor & defa-
tigatio.

ADDUXERVNT eum ad Annam pri-
mum, erat enim socer Caiphe, qui erat
Pontifex anni illius. Quàm crudeliter trahi-
tur, & impellitur! &, quia properabant, &
confertim Christum cingebant, opus fuit ali-
quando impingere Dominum, & cadere. Et
erāt alioquin à sudore sanguineo debilitatus,
& laxatis inde poris, debuit in hac agitatio-
ne iterum sudare, licet non cruentè. in tran-
situ etiam torrentis Cedron impingebat in
saxa, lædebatque sacros pedes, pro meorum

cul-

culpīs, qui veloces sunt ad malum. O, *dirige gressus meos in semitis tuis!* In ipso etiam ingressu Ciuitatis insolentiū egisse ministros, militesque, credibile est, ipso tumultu clamoribusque veluti triumphantes de praeda. Quā iste ingressus ab illo diuersus ante paucos dies! confer illius obsequia, & acclamationes cum vi & petulantia istius. Et inter hæc, quā humilitate & patientiā bonus Iesus sustinebat omnia, & quā offerebat Deo charitate!

Psal. 16. 5.

PVNCTVM II.

PONTIFEX Annas interrogat Iesum de discipulis suis, & doctrina. Aderant legis doctores, scientiā suā inflati, qui irrisoriē Christum exceperunt, vt solent tales, subsannantes, quod iam in potestate eum haberent. Absit à me scientia inflans.

Interrogant Iesum, quid docuerit, & quales habeat discipulos, studio calumniandi. Audit patienter, & mansuetè, is qui vnus est Magister, & Sapientia ipsa, stans constrictis manibus coram arrogantibus legis doctoribus. Aliter hīc, quā cū annorum duodecim *stabat in medio Doctorum, audiens illos & interrogans, stupentibus omnibus super illius responsis: nunc autem cauillantibus.*

Christi
examen.

Luc. 2. 46.

(S)

29

PUNCTVM III.

Ioan. 18. 20.

Responsio
libera &
prudens.

RESPONDIT IESVS de doctrina sua: Ego palàm locatus sum mundo, ego semper docui in Synagoga, & in templo, quò omnes Iudæi conueniunt, & in occulto locutus sum nihil. Ac si dicat, non clanculum docui, occultare volens; sed ita palàm, vt omnibus constare queat. Pergit: quid me interrogas? interroga eos qui audierunt. Impavidum & liberum responsum pro veritate doctrinæ suæ: quod imitari oportet in proficenda veritate. Nascitur ea fiducia ex conscientia bona, & indubitata notitia veritatis.

Non respondet in particulari quidquam, sed ipsos generatim ad suosmet hostes ablegat. sanè prudenter: quo factum, vt omnes conticescerent, à conscientia propria redarguti.

De discipulis tacuit; quòd parùm sibi honori essent, cum fugissent, nec pro sua modestia arguere illos vellet. Et aderat Iudas, qui etiam dedecori sibi erat. Quare sentit omnino animi dolorem, contuens se ipsum planè sine discipulis vllis.

* * *

MEDITATIO XXVII.

*Alapam accipit, & amandatur ad Cai-
pham Pontificem.*

PUNCTVM I.

VNVS assistens ministrorum dedit alapam Iesu, dicens, sic respondes Pontifici? Fuit crudelis alapæ, quippe a furente, & assentante domino suo. 2. Valde ignominiosa in tali confessu, & ei homini, qui hactenus fuerat venerationi omnibus, quam & infita vultui maiestas conciliabat. 3. Calumniosa, pro iustissimo, ac prudentissimo responso. 4. inde etiam acerba, quod aliorum plausu excepta; causamque præbuit, ut alij in Christum talia auderent. ô facies decora, in quam desiderant Angeli prospicere! en ut rubescis tum à plaga, tum ab innato pudore ob maximam confusionem!

Alapæ cru-
deli as.

1.

2.

3.

4.

PUNCTVM II.

RESPONDIT Iesus: si malè locutus sum, testimonium perhibe de malo: si autem bene, quid me cadis? satisfacere voluit, ne videretur iniuriâ affecisse Pontificem. Respondit autem mansuetè & modestè, absque vlllo signo turbationis; sic autem efficaciter, ut nihil replicarent; nec tamen eius defensio locum inuenit. Ut ego non turber; quando mihi simile continget, ut rationes, vel excusationes non recipiantur. 30

Ioan. 18. 23.

PUNCTVM III.

MISIT *Annas Iesum ligatum ad Cai-
pham*; ad quem, vt Pontificem, res
propriè pertinebat. Ligatum misit, vt antea,
vel etiam magis, pro maiori cautela: sed quò
stringebatur arctius, eò charitas illius dilata-
batur amplius, ad plura ferenda propter
nos.

Ductus est, vt prius tumultuosè prodeun-
tibus etiam ex domibus spectatoribus, seque
turbæ adiungentibus & colludentibus. Inter-
ea Iesus solita pace, & patientia ferebat om-
nia, & offerebat pro salute ipsorummet.

MEDITATIO XXIX.

Triples Negatio Petri.

PUNCTVM I.

Matt. 26. 58.

PETRVS sequebatur Iesum à longè, & in-
gressus cum alio discipulo atrium Pontificis
accedens ad alios ministros, calefaciebat se,
quia frigus erat.

Lapsus Pe-
tri causæ.

1.

2.

3.

Lapsus Petri hic quasi progressus fuit. 1. se-
quebatur à longè: refrigerat in anima eius a-
mor, vnde notauit Euangelista, *quia frigus e-
rat*. 2. ingressus se in occasionem, præsidens sibi
3. obliuioni tradidit prædictionem Christi.
cauebo diligenter ista. Ille alius discipulus
(qui putatur Ioannes) non negauit, præcipuè
Deo protegente, sed &, quòd non ita præsu-
meret

meret de se, nec in occasionem se inferret, immiscens se ministris.

PUNCTVM II.

PRIMA negatio occasione ancillæ: nam ancilla ostiaria, cum vidisset Petrum sedentem ad lumen, & eum fuisset intuita, dixit ad circumstantes, & hic cum illo erat; & ad Petrum: Numquid & tu ex discipulis es hominis istius? Imò tu cum Iesu Nazareno eras. At ille negauit dicens: Non sum; non noui illum, nescio quid dicas.

NOTA I. quòd per mulierem primò Diabolus Petrum aggreditur, vt in Paradiso Adamum, est enim mulier audacior, & mollior. 2. attende fragilitatem humanam. Ille filius columbæ, ille à Christo beatus pronuntiatus, tam leui flatu dei jcitur! quid ego? 3. Timor ipse, vel mortis, vel damni prostrauit athletam. ò, quoties me respectus à recto auertit, aut sensualitatis illecebra, quasi ancillæ vox. 4. prò, quanta Christo iniuria irrogatur! Non sum, non noui, & quid sensit Magister bonus, dum sic à charo discipulo posthabetur? 31

1.
A muliere
quanta
mala.

2.

3.

4.

PUNCTVM III.

SECVNDÀ & tertia negatio Petri semel prostratus. foras egreditur, & Gallus primò cantauit, sed præ turbatione non aduertit. post pusillum reuersus ad ignem, secundò interpellatur: Numquid & tu ex discipulis eius

Petrus ter
negat Chri-
stum.

es? certè & tu ex illis eras. Iterum negat cum iuramento, quia non noui hominem. Tertiò adhuc, intervallo facto quasi horæ vnius, qui astabant dicebant Petro, *Verè tu ex illis es*; & probabant, nam & Galileus es, & nonne ego te vidi in horto? tunc cepit detestari & anathematizare, & iurare, quia nescio hominem istum, quem dicitis. I. aduerte, vt alias super alias machinas Diabolus adhibuit, ad deturbandum Petrum. Ita facit, quòd fortiorem oppugnat, vt, nisi in magna solidatus humilitate non subsistat. ò Domine, *ne veniat mihi pes superbia, & manus peccatoris non moueat me.* 2. Vide quàm perniciosum sit, animaduerso periculo, non declinare illud. Non vitauit Petrus post primam negationem, quòd fuerat ei occasio, sed ad consortium malorum reuersus est. Vide etiam vti ex malo in peius dilabitur, à simplici negatione ad iusiurandum, & periurium, ab hoc ad execrationem. Diabolus extrema intendit, illud vrgens, *exinanite exinanite vsque ad fundamentum.* 3. Vt Petrus post coenam præsumens ter contestatus fuerat, se non negaturum, potiusque moriturum, ita in poenam ter labi permittitur, vt suæ sit conscius imbecillitatis. à primo lapsu si se statim humiliasset, occurrisset secundo.

(?)

PUNCTVM IV.

POENITENTIA Petri. vbi tertio negauit, statim gallus secundò cantauit, & recor-
datus est Petrus verbi Iesu, quia priusquam gal-
lus canter bis, ter me negabu. Et conuersus Do-
minus respexit Petrum; & egressus foras fleuit
amarè.

I. Vide, vt Iesus, inter suas vexationes, non
obliuiscitur Discipuli, quantumuis ingrati,
sed absentem respexit misericordiæ oculis.
Respice me & omnes peccatores, vt ad te con-
uertantur 2. lachrymæ Petri non iam ex timo-
re, sed ex amore fundebantur, dolens toto
corde, quòd tam bonum Magistrum, & Bene-
factorem sic ingratus offendisset. Et intelli-
gebat probè illud: *Quia malum & amarum
est, reliquiss. Deum tuum.* vnde & amarè flebat;
quæ ipsi lachrymæ iuges fuerunt tota vita. 3.
obserua progressum conuersionis. 1. *Recorda-
tus est verbi Iesu.* vnde timorem, fiduciam,
& amorem concepit. 2. egressus est foras,
impedimenta relinquens, & occasiones. 3.
fleuit ex vera poenitentia. Adde his, quòd
prima omnium causa extitit, quòd

conuersus Iesus respexit

Petrum.

(?)

Mar. 14. 72.
Petri con-
uersio.

I.
Christi
Charitas.

2.
Petri la-
chrymæ.

Ierem. 2. 19.

3.
Progressus.

1.

2.

3.

MEDITATIO XXIX.

Accusatur apud Caiphā, & condemnatur.

PUNCTVM I.

1.
Iudicij per-
uersitas.

Mat. 26. 59.

Ioan. 14. 30.

2.
Silentium
Christi.

Psal. 37. 13.

Vincet qui
tacet,

CONSIDERA 1. quā fuerit peruerſa
forma iudiciij. Iudices erant inuidia &
ambitione deprauati, & ipſimet *querebant
falſum teſtimonium contra Ieſum.* Accuſato-
res & teſtes falſi, & corrupti. Inter hos reus
agebatur Filius Dei, ipſa innocentia: contra
quem cū diligenter exquiſuiſſent falſum
teſtimoniū, & multi falſi teſtes acceſſiſſent, nō
tamen inuenerūt quod arguerent; iuxta illud;
quod ipſe dixerat: *Venit princeps mundi huius,*
& *in me non habet quicquam.* 2. Diluit Domi-
nus accuſationes ſilentio, vt ægrè ferret Cai-
phas, ſurgensq; diceret: *Nihil reſpondeſ ad ea,*
quæ iſti aduerſum te teſtificantur? Ieſus autem
tacebat: ſicut prædictum: *qui inquirebant ma-*
la mihi, locuti ſunt vanitates, ego autem tan-
quam ſurdus non audiebam, & *ſicut mutus non*
aperiens os ſuum. Valet ad exemplum, vt Deo
remittamus deſenſionem, præſertim in mani-
feſta veritate: & vincitur ita glorioſius, quan-
do nihil reſpondendo diluitur calumnia.
nam ſolet in talibus captari ex reſponſo
occaſio calumniandi aliquid,

vt hīc ſtatim fa-

ctum. 52

PUNCTVM II.

ADIVRATIO Caiphæ. Cum accusatio-
nes non procederent, instituit Caiphas
quæstionem, *Adiuro te per Deum viuum, vt di-
cas nobis, si tu es Christus, Filius Dei benedicti.* 1.
obserua reuerentiam, quam Dei nomini Chri-
stus derulit, vt contra propositum suum, per
illud adiuratus, responderit. 2. respondit au-
tem, fatendo se esse: *Tu dixisti.* ac ne moueat
vos mea hîc præsens conditio, quam à Filio
Dei alienam ducitis, & ideò nihil minùs vo-
bis persuadetis, quàm me esse talem; *dico vo-
bis: amodò videbitis Filium hominis sedentem à
dextris virtutis Dei, & venientem in nubibus
cæli.* 3. *amodò*, inquit, id est, postmodum. nam
apud Deum *mille anni, sicut dies besterna, quæ
præterijt.* Ita solabimur nos ipsos in aduersis,
quia postmodum erit finis, & custodiemus nos
in prosperis metu imminentis iudicij.

PUNCTVM III.

SENTENTIA in Christum à concilio: *Tunc
Princeps Sacerdotum si idit vestimenta sua*
(ritus erat detestantis blasphemiam in Deum,) *dicens: blasphemauit.* pronuntiat eum blas-
phemum: probat autem ex facti euidentia:
*quid adhuc egemus testibus? ecce nunc audistis
blasphemiam.* Rogat ergò sententias: *quid vobis
videtur?* at illi respondentes dixerunt: *Reus
est mortis.* Sic bone Iesu, pro blasphemo habe-
ris, & condemnaris? & quæ maior blasphemia

esse

1.
Reuerentia
nominis
Dei.

2.
Christi
de se con-
fessio.

3.
Psal. 99. 4.

Caiphas
hypocritis.

Christi hu-
miliatio.

esse potest, quàm hæc istorum in te? Quid ibi sensit Christus? detestabatur iniustissimam sententiam, & sacrilegorum hominum impietatem. nam se esse Christum per omne prædicationis suæ tempus sufficienter comproba- uerat; suscepit tamen libenter, & pro salute omnium acceptauit istam contumeliam.

MEDITATIO XXX.

*Illuditur, & exagitur apud
Caipham.*

PUNCTVM I.

Mat. 26. 66.

I.
Cōtumelia
expuitio in
faciem.

Psal. 74. 4.

VBI blasphemus & reus mortis procla-
matus est à concilio, tunc expuerunt in
faciem eius, & culaphis eum ceciderunt: alij
autem palmas in faciem eius, dederunt, dicen-
tes: prophetiza nobis Christe, quis est,
quite percussit. quinque insignes contume-
liæ Christo factæ. i. quod consputus est ab illis
is, qui spūto suo dederat lumen cæcis, mutis
vocem, surdis auditum: ea facies, quam Angeli
venerantur, iusti desiderant: ostende faciem
tuam & salu erimus. Et consputus est à vilis-
simis & improbissimis hominibus, per sum-
mam contentionem, ita vt oppleretur totus.
Porro Agnus mansuetus faciem suam non a-
uertebat ab increpantibus, & conspuentibus;
sed singulari modestia, & vultus serenitate
excipiebat omnia. Fuit vsitata Iudæis contu-
melia,

melia: quin ex lege *spuebatur in faciem illius* qui non vellet suscitare nomen & familiam fratris defuncti absque liberis. Et de sorore Moyses, quod murmurasset, scribitur: *spuisti in faciem eius, & illa apparuit candens lepra*. quasi nix. Poteras, Domine, in illos spuere, vt efficerentur leprosi; at maluisti ipse fieri, vt nos à peccati lepra mundares, sicut leprosus & percussus à Deo. Nec ius fuit spuendi in te, quasi nolles suscitare semen fratris, venisti enim reparaturus genus Adæ. Sed, an non spuunt in faciem tuam passim peccatores? an non peccata sunt tibi detestabiliora?

II. Quod faciem eius velarunt, aliter quàm Moyses suam: is enim, vt audire illum possent Filij Israël loquentem; isti autem, vt illudant Christo proteruius, & quantò quàm Moyses facies CHRISTI lucentior? *qui est splendor Patris æterni, & figura substantiæ illius*. & quali putas operimento velarunt? vili haud dubiè, & foedo Velant Dei faciem, qui, vt liberiùs peccent, sibi persuadent illud: *nubes latibulum eius, nec nostra considerat*. Sed hoc non est velare oculos Dei, qui vbique contemplatur bonos & malos; sed est seipso cæcos facere, dum ita æstimant. Velabo ego faciem Dei sicut Seraphim, submissè profitens, *habere eum lucem inaccessibilem*.

III. Quod colaphis & alapis eum ceciderunt, & palmas in faciem eius dederunt. pugnis contuderunt caput os, ceruices, dorsum: vt liuore, & tumore deformaretur; palmis autem,

Dent. 25. 9.

Num. 12. 10.

II.

Velatio faciei Christi.

Heb. 1. 3.

Job 22. 14.

Prov. 15. 3.

1. Tim. 6. 16.

III.

Percussio Christi & alape.

hoc

Luc. 6. 29.

Ioan. 18. 23.

Thren. 3. 30.

hoc est, plana manu, sacras genas percusserunt, quod est etiam dedecorosius. Ipse autem implens consilium suum, *percutienti dexteram præbebat & sinistram*. Nec iam dicebat: *cur me cædis?* sed cæde sanè, cupiens saturari opprobrijs. Porro cædebatur à multis, & certatim, impetuque maximo, quod, quasi ex zelo, contra blasphemum agerent; atque, ut gratificarentur suis dominis, quisque volebat eminere.

IV.

Capillorū
euulsio.

Isai. 50. 6.

Iud. 16. 4. 16

V.

Irrisio
Christi.Conuicti
innumera
in Christi-
stium.

Pugno cædunt Christum, qui contracta manu per auaritiam de suo non iuuant Christi pauperes, aut etiam affligunt: palmā autem, qui effundunt omnia, ut ambitioni, voluptati, & vitijs seruiant.

IV. Quod barbam & capillos euulserint: quod, etsi Euangelistæ non exprimunt, significat tamē Isaias: *dedi genas meas vellētibus*. Barba Aaron vugueto defluente ex capite delibuta est; & tua, sacerdos magne, discerpitur? Samson Nazaræus, Deoque consecratus, amore Dalilæ capillos perdidit; tu meliore amore impulsus finis te ignominiosè decaluaris?

V. Quod verbis insultauerint, & prosciderint Christum. *Prophetiza nobis Christe, quis est, qui te percussit?* irriforiè, Christum appellant, & signum petunt, quo se probeat Christum, prodendo percussorem. At prodidit antea sæpe internas etiam cogitationes nostras.

Et alia multa blasphemantes dicebant in eum: tot, & qualia furor infernalis ministra-

bat.

bat. Ibi vetera in eum conuitia renouata sunt, cum Samaritanum, Dæmoniacum, voracem, potatorem, amicum peccatorum, violatorem Sabbathi, seductorem, blasphemum vocitabant. Vt verum esset, quod in persona Christi Iob dixit: *aperuerunt super me ora sua, & exprobrantes percusserunt maxillam meam: satiati sunt pœnâ meâ.* Et hæc omnia enarrant Euangelistæ tanquam ad ipsius Christi gloriam spectantia: nam verè in gloriam verterunt. Ita & nobis continget, si in hac vita socij fuerimus Christi passionum. 3

Iob 16. 11.

PUNCTVM II.

QUID nocte reliqua passus sit. Nam recedentibus ad quietem primoribus, mansit Christus arctissimè vinctus, & custoditus à ministris Pontificis, & militibus, qui vices mutantes, absque cessatione vlla Christum exagitarunt vsque manè. Ille interea pernoctans erat in oratione Dei, palantes suos discipulos Patri commendans, & nostram omnium causam.

Tota nocte vinctus illudicitur.

PUNCTVM III.

QUOD Ioannes (vt credi potest) nuntiauerit B. Mariæ, quomodo ageretur cum Filio, & doloris gladius pertransiuerit animam eius. *Magna est sicut mare contritio tua, & quis me debitor tui?* illa tamen ad orationem confugiens, orabat, vt Filius: *si possibile est, verumtamen fiat voluntas tua.* & creden-

B. Virginis compassio.

Thren. 2. 13.

Thren. 1. 2.

dum, fuisse illam diuinitus confortatam, confirmasseque socias Magdalenam, & alias. Dein legendis Prophetijs, quę de Christo erāt, dedisse se: quarum consideratione *plorans plorauit in nocte, & lachrymę eius in maxillis eius, nec erat qui consolaretur eam ex omnibus charis eius.*

MEDITATIO XXXI.

Trahitur ad Pilatum, Iudas desperat.

PUNCTVM I.

Fraudulenter interrogant Christum.

ITERVM manē sistitur in Concilio Caiphę. Expetiuerat Christus illud manē, illam diem, qua compleret opus Redemptionis nostrę; Iudęi autem, vt explerent cupiditatem, suamque crudelitatem exsaturarent. Iterum quęrunt: *si tu es Christus, dic nobis* fraudulenter: vt, si negaret, sibi esset cōtrarius. si confirmaret, damnaretur. alioqui ea interrogatio, veritatis indagandę studio, non fuisset improbanda.

Detexit Christus malignitatem respondendo sic: *si dixero, non credetis mihi; si interrogauero, non respondebitis mihi, neque dimittetis:* Hoc tamen vobis affirmo: *ex hoc erit Filius hominis sedens à dextris virtutis Dei.*

Sed voluerunt expressam confessionem elicere: vnde ajunt: *Tu ergo es Filius Dei qui ait:*

Vos dicitis, quia ego sum. At ego alia mente
quæram ex illo: Tu ergo es Filius Dei? qui
sic tractaris? qui ab impijs iudicaris?

Itaque concluderunt: *quid adhuc desidera-
mus testimonium? ipsi enim audiimus.* 3.

PUNCTVM II.

DEDUCITVR ad Præsidentem Pilatum. vi-
delicet, tradunt eum iudicio seculari,
vt atrocius puniatur. disposuit autem id De-
us: vt, qui pro Iudæis & gentibus morieba-
tur, ab vtrisque pateretur.

Trahitur
ad Pilatū.

Ducebatur, vt aliàs, cum tumultu, & pro-
peranter: sed iam tantò ignominiosius, quòd
clara luce, & maximo concursu hominum,
qui tunc ob Pascha aderant plurimi, comi-
tantibus ipsis Sacerdotibus & senioribus,
quorum autoritate vulgus mouebatur, vt
insultarent liberiùs CHRISTO, tan-
quam insigni malefactori, qui in tanto fe-
sto, Sacerdotibus agentibus, ad tribunal ra-
peretur.

PUNCTVM III.

DESPERATIO Iudæ. i. tunc videns Iu-
das, quòd Iesus damnatus esset in con-
cilio Iudæorum, poenitentia ductus, retulit
triginta argenteos Principibus Sacerdotum
& Seniorum dicens: *Peccaui tradens sangui-
nem iustum.* Ita fit, exæcat Diabolus homi-

Exæcatio
Iudæ.

Ezec. 18. 23.

2.

Imperfecta
pœnitentia

2. Reg. 12. 13

3.

Dura re-
sponsio,
quid ad
nos?

Matt. 27. 5.

Act. 1. 18.

nem, vt peccet: vbi fecit, ponit ob oculos, vt desperet. Ita & Cain dicens: *maior est iniquitas mea, quàm vt veniam merear.* Sed ego non sic, mi Deus, sciens: *quia voluntatis tue non est mors impij, sed vt conuertatur à vjs suis.* 2. pœnitentia Iudæ constitit suis partibus. Doluit, confessus est peccatum, restituit sacrilegum pretium; sed defuit spes diuinæ misericordiæ. Nec videtur ritè confessus, vt Dauid, cum dixit: *peccavi Domino.* vnde statim audiit: *Dominus transulit peccatum tuum.* 3. Responsio sacerdotum: *quid ad nos? tu videris.* Sic obstinati erant, & profligatâ conscientia. Dura responsio Iudam in desperationem impulit. vnde, *proiectis argenteis in templo, abiens laqueo se suspendit; & crepuit medius & diffusa sunt viscera eius;* quippe expertia misericordiæ erga Magistrum. Excipiendus infirmus in spiritu lenitatis: quomodo excepisset Christus, si ad ipsum confugisset, vti filium prodigum. Quò te, Iudas, tua cupiditas præcipitauit? illa ipsa pecunia, pro qua prodideras Magistrum, possessa excruciat animam tuam, vt potius abijcienda tibi fuisset. sic expleta cupiditas, est ipsa tortor peccantis.

PUNCTVM IV.

QUID de pretio factum? *Sacerdotes dixerunt, non licet eos mittere in corbonam (arcam templi;) quia pretium sanguinis est.* Valdè videlicet Religiosi! sed Deus ita significauit

ficauit, pretium sui sanguinis non fore vñi
sacerdotibus illius templi, & sequacibus eo-
rum impietatis. *emerunt autem ex illo agrum* Heb. 13. 14.
in sepulturam peregrinorum: in signum, quòd
æterna requies pretio Christi paratur pere-
grinis, qui *non habent hñc ciuitatem perma-
nentem, sed futuram inquirunt.*

Notari etiam potest Christi amor peculia-
ris erga pauperes, in quorum voluit utilita-
tem cedere pretium sui sanguinis.

MEDITATIO XXXII.

Accusatur apud Pilatum.

PVNCTVM I.

PRAESENTATUR Christus Pilato, *Matth. 27.*
& acerbè ab illo excipitur, quòd valde
scelestum esse oporteret, qui tali die, & tanto
primorum, plebisque concursu sisteretur tri-
bunali. ait ergo: *Quam accusationem assertis*
aduersus hominem hunc? sicut tu traduceris, bo-
ne Iesu. sic contemptui haberis.

Respondent superbe: *si non esset hic malefa-*
ctor, non tibi tradidissimus eum. sufficere vo-
lunt, quòd vt reum tradant, absque alia cri-
minis discussione. Malefactor diceris, Christe,
qui benè omnibus facis, & fers humili-
ter: feram & ego, cùm red-
detur malum pro
bono.

Superbia
accusatorũ.

PUNCTVM II.

Accusatio-
nes calum-
niolæ.

1.

Matt. 23. 2.

2.

Matt. 22. 21.

Luc. 20. 25.

3.

Ioan. 6. 15.

Responsio
Christi.

1.

2.

PILATVS remittit eis iudicium, sed recu-
sant: proferunt autem tres calumnias ac-
cusatores. Reculant dicentes, *nobis non licet
occidere quengquam*. lapidare poterant, sed vo-
lebant atrocius mutilari. Accusationes fue-
runt. 1. *hanc inuenimus subuertentem gentem
nostram*: si subuertere, est ad poenitentiam at-
que ad omnem virtutem inducere. quin de
Scribis, & Phariseis dicebat suis: *quacunque
dixerint vobis seruare & facite*. adeo non sub-
uertebat. 2. *& prohibentem tributum dari Cæsa-
ri*: qui contra iusserat: *Reddite quæ sunt Cæsa-
ris Cæsari*: & ipse tributum soluit cum Petro. 3.
& dicentem: se Christum regem esse. imò, cum
vellent Regem facere, fugit. Erat autem Rex,
quia Christus: sed non terrenus. Potuit inno-
cens Dominus faciliè diluere: sed tacuit. Pila-
tus de postrema accusatione ipsum interro-
gauit: *Tu es Rex Iudeorum?*

1 Respondet: *Regnum meum non est de hoc
mundo*, quale habet Cæsar, ac proinde, non est,
quodd sibi à me timeat. Confirmat autem, quia
si esset ex hoc mundo, haberet utiq; ministros,
qui ipsum tuerentur: atque constat, ipsum a-
gere vitam humilem, & pauperem sine mini-
sterio & satellitio. 2. Colligit Pilatus: *Erga Rex
es tu*: quomodocunque tandem, cui Christus;
Tu dicis, quia Rex sum ego. nec abnuo, sed non
tal. Mi Iesu debebatur tibi, vt Rex esses su-

per

per omnes Reges, etiam temporaliter: at tu prætulisti humilitatem; quam ego imitarer.

3. Christus ad amouendam omnem suspicionem exponit institutum suum: *Ego in hoc natum sum, & ad hoc veni in mundum, vt testimonium perhibeam veritati.* Id egit docendo, & miraculis astruendo, nec non exemplis demonstrando. Veritas eius fuit absque admixtione vllius falsitatis: testificatus est vsque ad mortem; nec in eo suam gloriam, sed Patris quæsiuit. 4. Concludit Dominus: *omnis qui*

est ex veritate, audit vocem meam: id est, recipit veritatem, credendo & agendo quod doceo. Ex veritate esse, idem est, ac ex Deo esse,

seu Filium Dei, & veritatis. *Deus enim veritas est.* talis audit vocem veritatis, & exequitur. 5. Querit Pilatus: *quid sit veritas:* sed responsum non expectat. Quæram ego

exte, Domine: Ego, inquit, *sum via, veritas* 1. Ioan. 5. 6.

& vita. & quonam modo? quia *hæc est vita æterna,* Ioan. 14. 6.

vt cognoscant te solum Deum, & quem misisti Iesum Christum. c. 17. 3. Hæc est via, & non alia ad salutem: hæc veritas prima, & fundamentum aliarum omnium. Hæc vita æterna. Nam quod modò per fidem, postea reuelata facie contemplabimur. Huius summæ veritatis capax non extitit Pilatus.

PUNCTVM III.

PILATVS pronunciat Christum innocentem: *Nihil inuenio cause in hoc homine:* nam, amota tam prudenter suspitione affectati Regni, reliqua diluebantur.

Silentium
Christi.

Psal. 38. 2.

Psal. 140. 3.
Eccl. 22.

Iacob. 3. 2.

Nihilominus instabant Sacerdotes, accusantes eum in multis: quæ Iesus silentio diluebat, ita vt miraretur *Præses vehementer*, quod in summo periculo pro se non loqueretur, quando id etiam iudex expetebat, volens ipsum liberare. *Posui ori meo custodiam, cum confisteret peccator aduersum me.* Quanta mansuetudo & patientia! quis contemptus mortis! *Pone Domine custodiam ori meo: discam silere, quæ est summa sapientia. Aurum tuum & argentum tuum conflu, & verbis tuis facito stateram, & frenos ori tuo rectos, & attende, ne fortè labaris lingua.* Aurum & argentum sunt virtutes, tum affectus, tum intellectus; hæ omnes sunt necessariae ad rectè loquendum. *qui non offendit verbo, is perfectus est vir, omni virtute ornatus.* 36

MEDITATIO XXXIII.

*Mittitur ad Herodem, à quo illusus
remittitur ad Pilatum.*

PUNCTVM I.

Luc. 23. 25.

VRGENTIBVS Phariseis, quod commouisset vniuersam Iudeam, incipiens à Galilæa: indeque intelligens Pilatus, quod Galilæus esset, & de Herodis potestate, remisit Christum ad Herodem, qui & ipse tunc erat Ierosolymis. En, quomodo labores, & peregrinationes Christi, qui benefaciendo & sa-

Act. 10. 37.

nando

nando omnes oppressos à Diabolo pertransierat Galileam & Iudæam, pro seditiosissimo mortalium habetur. Et ecce, iam tertio per plateas Ierusalem rapitur ad tribunalia, & nunc quidem ad Regis incestuosi, qui fratris viuentis uxorem duxerat, & Beatum Ioannem Baptistam decollauerat. Marc. 6. 17. 27.

PUNCTVM II.

EXCIPITVR Christus ab Herode humaniter, spe videndi aliquod miraculum ab eo fieri: sed Christus detestatus est illius scelera: nec curiositati seruire voluit, & optatam sibi mortem noluit impedire. Imò tacuit nihil respondens, quamuis starent Sacerdotes, & Scribae constanter accusantes eum.

PUNCTVM III.

SPERNIT Christum Herodes cum exercitu suo, & illi induit vestem albam, & remisit ad Pilatum; & facti sunt amici. Luc. 23. II. I. 1. Quid non responderet quidquam, habitus est pro stolido, quodque ex stultitia faceret se Regem, quare illi induit vestem albam, qua Cæsares utebantur. Exagitatus etiam est dictarijs & pulsatus. Et erat is æternæ Sapientia. sic medebatur meæ superbix. Contingat mihi pro Christo ornari iisdem insignibus. 2. 2. Qua irratione per vias fit reductus. Iob 12. 5. *Deridetur iniusti simplicitas. Lampas contempta apud cogitationes diuitum, parata ad tempus statutum.* 3. Auita & renouata confusio apud Pilatum, 3.

cum in ea veste comparuit; ministris quoque illius fabulam promouentibus Ego autem
1. Cor. 3. 18. affecto videri sapiens: *Si quis inter vos videtur sapiens esse in hoc seculo, stultus fiat, ut sit sapiens: sapientia enim huius mundi stultitia est apud Deum.* 4. Alba vestis innocentiam Christi designat, cui à mundo illuditur. Optem illam consequi, licet foris humiliter & vixer, sicut sponsa, quæ ait: *Nigra sum, sed formosa*: gloria eius ab intus, foris autem obscura & afflicta. 5. *Facti sunt amici* per hanc Christi vexationem: scilicet eius passio vnire debebat vtrumque populum in vnâ Ecclesiam, Iudæos, & gentiles. Nota etiam, quomodo valet ad conciliandos animos deferre alteri. nam eò quòd remisit quasi subditum ad Herodem, conciliati sunt, sed & in illis verificatur: *Assiterunt Reges terra & Principes conuenerunt in vnum aduersus Dominum, & aduersus Christum eius.* sed qui habitat in cælis, iridebit eos. 37

MEDITATIO XXXIV.

Christus Barraba postponitur.

PUNCTVM I.

Componitur cum
Barraba.

CVM propter solennitatem Paschatis so-
 leret populo donari vnus ex vinc-tis, ob
 aliquod malefici-um, excogitauit Pilatus, hac
 ratione se posse liberare Christum. quem in-
 nocentem iudicabat. quod vt certius obtine-

ret,

ret, elegit perditissimum latronem, homicidij, & seditionis reum, quem cum Christo proponeret; fore euidens, vt potius Christum, quàm tam sceleratum hominem populus liberari peteret. Sed in primis hæc ipsa comparatio Christi, & latronis, ad insignem Christi ignominiam cedebat. Deinde, cum populus procliuius esset ad id, quod erat rationabilius, principes Sacerdotum & seniores persuaferunt populis, vt peterent *Barrabam*, *Iesum verò perderent*. videlicet calumniosè contendendo, quòd peior, & perniciosior esset ipso latrone. quod intuens Christus dolebat, sic decipi populum simplicem. Tandem detestabilissimum est, quòd cum latro tot haberet patronos, Christus neminem. Qui proinde dicere Patri æterno potuit, *Tibi derelictus est pauper, orphano tu eris adiutor.*

Barrabæ
postponi-
tur à Sacer-
dotibus.

Psal. 9. 14.

PUNCTVM II.

ACCLAMATIO populi pro latrone: *Tolle hunc & dimitte nobis Barrabam.* Si proponi simul maximus fuit contemptus, quantus erit, fuisse ei prælatum facinorosum? verè Iesu bone dixeris: *Ego sum vermis & non homo, opprobrium hominum & abiectio plebis.*

Populus
petit Bar-
rabam.

Psal. 21. 7.

En, qualia sunt hominum iudicia, & quis velit ab eis pendere, siue laudent, siue vituperent? bene est quod ab eis non pendet bonum nostrum, & salus. quare spernam illa, in-
tramuis partem sint, illud vnum curans, qualis sim apud Deum.

Iudicij per-
ueritas.

Peccator
Deo præ-
fert Barra-
bam.

Huic peruerso iudicio simile est, quod peccator facit, cum præfert creaturam Deo in quouis lethali peccato, nam in tentatione ei proponitur, utrū malit? ac ratio quidem suggerit pro Deo, sed mali instigatores, Diabolus & caro euincunt, ut præligat breuem gustum infinito bono, cum ipse est alioqui infinitis obstrictus debitis.

PUNCTVM III.

Pilatus pu-
sillanimis.

Peccata cla-
mant Cru-
cifige.
Rom. 6. 6.
Heb. 6. 6.

PILATI replica, *quid igitur faciam de Iesu?* obstupuit Pilatus, quod optassent latronem, posthabito homine innocente. Malè autem interrogat ipsos, sed debuit pro officio Christum innocentem absolvere, quod non est ausus homo pusillanimis. quid autem Iudæi respondent? *dicunt omnes: crucifige, crucifige*, rabie acti ingeminant, & poscunt mortis genus crudelissimum. Peccata nostra clamant, ipsa te crucifigunt, sed bene est, quod ipsamet crucifigantur tecum, sicut dicit Apostolus tuus, *quia vetus homo noster simul crucifixus est, ut destruat corpus peccati*. O destruat in me, ne ultra seruiam peccato rur-

sum crucifigens mihimet ipsi
Filiam Dei. 38

(?)

MEDITATIO XXXV.

Christus flagellatur.

PUNCTVM I.

PILATVS addixit Christum flagellatio-
ni, quamuis innocentem agnosceret: vt sic
satisfaceret furori Iudæorum, cumq; à mor-
te liberaret: nam ait: *Nullam causam mortis*
inuenio in eo, corripiam ergò illum, & emen-
datum dimittam. Quòd si id non succederet,
flagellatio illa esset pro ea, quæ ex more Ro-
manorum infligebatur crucifigendis. quam-
uis sunt, qui colligant, secundo fuisse flagel-
latum, cum damnatus iam esset mortis.

Iniqua hæc fuit sententia, cum sciret esse
innocentem; Ignominiosa, quòd supplicium
seruorum; Crudelis, eò magis, quòd credibile
est, Pilatum iussisse ita Christum tractari,
vt miseratione illius immania corda Iudæo-
rum flecterentur. Acceptauit Iesus patienter,
nihil pro se allegans, aitq; *Ego autem in*
flagella paratus sum, & quæ non rapui, ex-
oluam.

Flagellatio
Christi.Luc. 23. 16.
22.Psal. 37. 18.
Psal. 68. 5.

PUNCTVM II.

CHRISTVS nudatur ad flagella, & vt a-
liqui putant, brachijs in altum porre-
ctis ligatur ad columnam. quanta illa confu-
sio? vt mihi stolam gloriæ promereatur, qua
ipfa ego me spontè exspoliaui sæpè, & abieci,
sine pudore.

Vestibus
nudatur.

PUNCTVM III.

1.
Instrumenta triplicia.

2.

3.

4.

Deut. 25. 3.

Isai. 1. 6.

C. 53. 2.

Patientia
Christi
Summa.

1. Petr. 2. 23.

FLAGELLATUR crudeliter. id æstimandum. 1. ab instrumentis, quæ feruntur fuisse triplicia, virgæ spinosæ, nerui durati, & catenæ ferreæ. 2. à complexione corporis delicata; & ex priore sudore sanguineo, totiusque noctis exagitatione, valdè afflictis viribus. 3. ab immanitate tortorum, urgente etiam iussione præsidis, & diaboli suggestione. quò ad impatientiam induceretur, & succedentibus sibi percussoribus. 4. à multitudine plagarum quæ fuerunt innumeræ, haud seruata lege Moysis, quæ infra quadraginta esse iubebat.

Itaque à planta pedis vsque ad verticem non erat in eo sanitas, non species, neque decor. vidimus eum, & non erat aspectus, & nos putabamus eum quasi leprosum & percussum à Deo, & humiliatum. Excipiebat autem ictus summâ patientia, & absque vlloturbati animi signo, adèò vt quidam Ethnicus scriptor de eo sic locutus fuerit, ô virum infractum animo, qui nec precem, nec lachrymam fudit: & S Petrus qui cùm pateretur, non comminabatur. & ego corpori meo indulgebo? 39

MEDITATIO XXXVI.

Christus coronatur spinis.

PUNCTVM I.

Coronatio
Christi,

QUOD milites nouum excogitauerint inuentum probrosè & crudeliter excrucian-

andi Christum. Non erat amoris eius satis, communia pati, & studium, quo mortales excogitant semper alios modos indulgendi cupiditatibus suis, debuit extraordinarijs Christi supplicijs coargui, & reprimi. Ad hæc milites illi, qui Christum flagellauerant, ad spectaculum conuocant reliquam cohortem, vt ludibrium fiat insignius.

PUNCTVM II.

EXVNT proprijs vestibus, & induunt *clamydem coccineam*. Iterum igitur nudatus exhibetur in tanta militum corona, & quia plagis adhæserat tunica interior, reuulsa est cum ingenti dolore, præsertim cum violentè detraheretur. Inijciunt Christo vestem purpuream, vt regiam, vt qupd honori summo alijs esse solet, id ipsum Christo esset despectui. En, vt sponsus tuus, ô anima, candidus est, & rubicundus? ab Herodè prius alba. nunc à Pilato rubicunda veste circumdatus. Peccata nostra sunt hæc purpura Christi humeris imposita.

Nudatur
denovo.

Purpura in-
ducitur.

PUNCTVM III.

PLECTENTES coronam de spinis, imposerunt super caput eius. coronari solebant Reges, triumphantes Dij. Illuditur ergo Christo vt vano Regi, qui paulò antè more triumphantis intrauerat Ierosolymam, & qui se filium Dei faceret. Egredere anima, & vide Regem Salomonem in diademate, quo

Impressio
Coronæ.

Cant. 3. II.

coronâ-

Psal. 81. 6.

coronauit eum mater sua synagoga, ex qua est secundum carnem. siccine tamen ille gloria & honore coronatus? Nec ad contumeliam tantum coronatur sic, sed etiam ad immanem cruciatum, spinis fodicantibus sacrum caput & cruoris riuos elicientibus, qui largiter fluentes, venerandum vultum, os, oculos oppleuerunt. Apage superbia, apage voluptas, dum ita Rex meus luditur. & configitur spinis. 39 40

PUNCTVM IV.

Arundinis
gestamen.

Illusoria a-
dorationio.

ARUNDINEM in manus dederunt pro scepro; notantes eius regnum esse inane & ludicrum. Accipit, tenetque fortiter irrisoris insigne. Terreni Reges ex auro solido conficiunt scepra, cum contra illorum regnum sit inane & fluxum, & tanquam baculus arundineus, qui frangitur, si innitaris, & manum perforat. Addunt ad insignia regia ludicram adorationem, nam genu flexo ante eum, illudebant ei dicentes, *Aue Rex Iudeorum*. Per lusum vos adoratis, at Angeli serio, salutatis irrisorie, quem laudant Angeli, atque Archangeli. Salutaui & Iudas Christum, sed corde ficto, cum mortem ei moliretur, quem salutabat: isti autem palam irrident salutando. Sic inter peccatores sunt alij simulati, alij aperti. Adorant vno genu, ut plerique mortalium, ex parte tantum Deo seruientes, non toto corde, mente, & viribus.

PVNCTVM V.

QUEM vt Regem irriferant, tanquam vile mancipium atrociter tractant: nam accipiunt arundinem, & percutiunt caput eius, & alapas dant, & expuunt in eum. Similia in domo Cayphe perpeffus fuerat, omnia iniuriosissima. fed quòd arūdine tūdebatur caput, etiam fuit acerbiffimum, ſentibus coronæ ſic altiùs infixis; & ſœda flegmatum colluuijs horrorem, & naufeam creabat. Ferebat autem omnia humiliter, & patienter, nemine ex tot circumſtantibus compatiēte, ſed omnibus ex ſpectaculo miſerabili voluptatem capientibus, riſumque captantibus.

Percuſſio
alapa.

MEDITATIO XXXVII.

Producitur ad populum coronatus Rex.

PVNCTVM I.

PRODVCTVR ad populum. ſic fuerat deformatus, vt putaret Pilatus, mitigari illius aſpectu poſſe rabiem Iudæorum: quare ex editiore loco eum oſtentat. Exiuit ergo Ieſus portans ſpīneam coronam, & purpureum veſtimentum. Qualis confuſio, ſic inimicis oſtendari! quā id demiffione tulit mitis Ieſus! o quā, alius in monte Tabor apparuiſſi!

Ioan. 19. 5.

Ait ergo illis: Ecce homo qui ſic eſt defor-

Ecce homo
varia con

Medit. Compend.

Mm

matus.

sideratio
huius dicti.

matus, ut figuram hominis non habeat, & est tamen homo, & homo ille, quem vos ambitus accusastis. ô speciose præ filiis hominum, ubi species, ubi decor? ô velim sic exterius deformari, ut reformer interius?

Deinde cogitabo, quod Pater æternus per Pilatum sic nobis exhibeat Filium suum, dicatque: *Ecce homo*. Homo quidem, sed & Deus, & Angelorum Dominus, & Redemptor tuus, qui huc se abiecit propter te. Vicissim quæram: An iste est cui testimonium in monte dedisti, quod sit Filius tuus? ubi ergo nubes lucida? ubi testes Moyses, & Elias? ubi reliqua? *Protector noster aspice, Deus, & respice in faciem Christi tui.* *Y*

Psal. 8. 10.

PUNCTVM II.

Crudelitas
Iudeorum
maior in
Christum.

IUDÆI aded non moti sunt illa Christi specie, ut exarserint magis Pontifices, & ministri clamantes: *Crucifige, Crucifige eum*. Perge, comple quod coepisti. Quid ibi sensit Christus, visa pertinacia ingrati populi, in quem tot contulerat beneficia? & quod idcirco deferendi essent à Deo. Tu contra, acue studium, & feruorem placendi ipsi, in quandam pro ea iniuria compensationem. Pilatus ipse commotus tanta pertinacia, à se remouet iudicium dicens: *Accipite eum vos & crucifigite*. *Ego enim non inuenio in eo causam.*

Responderunt Iudæi; *nos legem habemus. & secundum legem nostram debet mori, quia Filium Dei se fecit*. Ex prætextu legis accusa-

tur blasphemix, & reus mortis agitur. *Qui Philip. 2. 6.*
non rapinam arbitratus est esse se aequalem Deo.
 sic filij sæculi, alioqui diuinæ legis contemp-
 tores, prætexere zelum legis solent, quando
 ad suas cupiditates abuti illa volunt.

PVNCTVM III.

EX accusatione Iudæorum, quod filium
 Dei se faceret, timere coepit Pilatus tan-
 to magis, nam mores Christi, & insita maie-
 stas suffragabantur tali existimationi. Quare
 sine arbitris eum interrogat, *vrde es tu?* Cui Pilati su-
 cum Iesus nihil responderet, fastu tumidus *perbia.*
 obiecit, *mibi non loqueris?* & potestatem su-
 am iactat, qua possit Christum vel crucifige-
 re, vel dimittere pro libitu. Tunc Iesus, non
 iam pro se dicturus, sed pro Patris æterni glo-
 ria respondit: *Non haberes potestatem aduer-*
sum me vllam, nisi tibi datum esset de super pro-
pterea qui me tradidit tibi, maior peccatum
habet. Cordi fuit CHRISTO, vt constaret,
 voluntarium esse sacrificium, ex ordinatione
 Diuina.

PVNCTVM IV.

QVAEREBAT adhuc Pilatus dimittere
 Iesum. Iudæi autem *clamabant, si hunc Ioan. 19. 12.*
dimitti, non es amicus Cesaris: omnis enim qui
se Regem facit, contradicit Cesari. quibus con-
 territus adduxit foras Iesum, & sedens pro tri-
 bunalis dixit Iudæis, *Ecce Rex vester.* en, qualis

Rex, a quo scilicet metueret Romani debeant: vel si instinctu diuino dictum accipiatur; En, ille Rex vobis expectatus, Redemptor Israël. inspiciam ego ipsum, illis repellentibus; nam clamabant denuò, tolle, tolle, crucifige eum.

PUNCTVM V. 42

Rabies Iu-
dæorum.

INSTAT adhuc Pilatus: *Regem vestrum crucifigam?* responderunt Pontifices, *non habemus Regem nisi Cæsarem.* Quid ita? an non Christum expectatis? & quomodo solum Cæsarem, qui vos seruitute premit, & quem peius angue odistis? sic, vt odium suum expleant in Christum, quiduis cæci agunt. Veniet in vos Cæsar, ac Deo ordinante, poenas à vobis exiget abnegati Christi Regis. ô, quoties ego posthabeo Christum mundo, varijsque respectibus à vero abducor! Et en, vt est cæca passio animi, cæca inuidia, & odium in aliquem semel conceptum.

MEDITATIO XXXVIII.

Damnatur ad Crucem.

PUNCTVM I.

Matt. 27. 19
Visio vxoris
Pilati à
quo causa-
ta?

VXOR Pilati nunciat marito sedenti pro tribunali, *Nihil tibi est iusto illi, multa enim passa sum per visum propter eum.* id potuit accidere à malo genio, qui, visa Christi virtute, & patientia inter tot acerbitates, ve-

ritus

ritus sit, ne regno suo malè cederet illius mors. Tantùm valet eximia virtus, etiam apud hostem & improbum. Vel etiam à bono Angelo suggerente, iudicium illud fore marito eius exitiale. Nempe voluit Deus sic etiam testatam reddere innocentiam in ipso damnationis articulo.

PUNCTVM II.

PILATVS videns, se nihil proficere suadendo, lauit manus, dicens: innocens ego sum à sanguine iusti huius, vos videritis. Præambulum sententiæ in Christum fuit, profiteri ipsum iustum. Frustrà autem in alios crimen rejicit.

Respondit vniuersus populus, *sanguis eius super nos, & super filios nostros.* ô dira in seipsum imprecatio quæ & apprehendit illos. Ego aliter mihi imprecabor illum sanguinem, vt lauet, & sanctificet me. Lauit Pilatus foris manus, non intus conscientiam, idque fit, cum prætextitur malè factis excusatio apud homines. Ego in primis cor habere mundum velim. 43

Sanguis
Christi aliter
super
malos quàm
bonos.

PUNCTVM III.

PILATVS adiudicauit fieri petitionem eorum. quanta iniustitia! reclamante conscientia. Et Iesum tradidit voluntati illorum, vt crucifigeretur. nam hoc petiuerant. quanta crudelitas! qui plausus furentium consecuti? Christus autem libens sententiam acceptauit,

Mortis
sententia iniustissima.

vti decretam in tribunali diuino pro hominū salute. Vbi Matri renunciata est, obriguit, sed & acquieuit Diuinæ dispositioni.

MEDITATIO XXXIX.

*Bambulatio Crucis, & iter ad
Caluariam.*

PUNCTVM I.

Exiit
chlamyde.

EXVITVR chlamyde, & proprijs induitur vestimentis, cruxque portanda ei porrigitur.

Cruz por-
tanda cum
Christo.

Delusus fuerat Rex, iam vt latro detrahitur purpura sed non corona, ne cruciatus leuaretur: & significatur eius regnum permansens. scepro autē arundine pro trabs ei traditur. Ad portandam crucem debeo exui inordinatis affectibus, & Christi moribus indui, quibus agnoscat discipulus eius. Cum porrigeretur Christo crux, haud dubiè intimo corde salutauit veriùs, quàm Andreas, tale quid dicens: Salue crux pretiosa, diu desiderata, sollicitè amata, & aliquando concupiscenti animo præparata. Amplexum, & osculum dat, sacrisque imponit humeris. ô, sic ego oblatam crucem amplectar?

Illuditur
vt latro.

Ad cumulum ignominie duo simul latrones educuntur, qui oblatas cruces auersati sunt, cum eas meriti fuissent. Christus autem innocens suam pro alienis peccatis lubens tulit.

PUNCTVM II.

PRODIT inter duos latrones, *baiulans sibi crucem* per plateas Ierusalem, præcone proclamante supplicij merita. Sustinetis hoc Angeli? & tu Pater æterne? videlicet, vt præfigurauit Abraham, ligna filio tuo Isaac imponis: tu fers ignem, & gladium, ignem charitatis: qua sic dilexisti mundum, vt *Filium tuum vnigenitum dares*: gladium autem iustitiæ qua poenas exigis nostrorum scelerum ab immaculato Agno. Adure, ò Domine, isto igne cor meum.

Baiulatio
Crucis.

Figura in
Isaac.

Ioan. 3. 16.

Succumbebāt graui ponderi delicata membra exhaustaque tormentis: celsipitabat Iesus, impingebat, cadebat; &, recrudescentibus plagis, rigabat cruore vias. O Angeli, cur non subleuatis? ò si potuissim ego! Et an non pretiosum sanguinem colligitis? imò, non peribat ex eo quidquam.

Succumbi
tucis &
peccatorū
ponderi.

Porrò grauabant Iesum multò magis peccata nostra: *Omnes enim quasi oues errauimus, vnusquisque in viam suam declinauit, & posuit Dominus in eo iniquitatem omnium nostrum, principatus eius super humerum eius.*

Isai. 53. 6.

PUNCTVM III.

CRUX transfertur in Simonem Cyrenensem. Crucem ferenti Christo petulanter insultabant, at quòd deficeret sub pondere, veriti Sacerdotes, ne vita destitueretur, aut nimis serò ad locum supplicij veniret pro

Cur crucē
alteri per-
mittit im-
poni?

Luc 9. 23.

Cogitur
Simeon.

Deut. 21. 23

Qui crucē
detrectant.

1.
2.
3.

Philip. 3. 18.

Nō coactē,
sed spontē
amplexan-
da crucē.

uenerio, quo tenebantur ipsum crucifigen-
di, substituerūt alium. Confidam ego de diui-
na bonitate, quod oportune me subleuabit in
cruce ferenda. Potuit Christus sibi met adde-
re vires ad ferendum, sed noluit vti miraculo:
vt ita etiam significaret, quod crux eius foret
etiam alijs communicanda: nam & inuitaue-
rat: *Qui vult venire post me, abneget semetip-
sum, & tollat crucem suam, & sequatur me.*
Suam, inquit: nam propria est, quod viribus
cuiusque accommodata; & Christi est, quia
ab illo, & ad illius imitationem, & ex ipsius
amore.

Cogi debuit Siméon ad portandum, nam
Iudæi pro maledicto habebant, vel tangere:
quia in lege vocatur *maledictus homo, qui pen-
det in ligno.* Milites gentiles probro ducebāt,
discipuli & amici non aderant, vel non aude-
bant se ingerere.

Sic crucem detrectant. 1. Infideles, qui eius
virtutem non agnoscunt. 2. mundani, & am-
bitiosi, qui dedecori habent. 3. sensuales, quod
carni aduersetur. Flebat Paulus *multos esse
inimicos crucis Christi, quorum Deus venter
est, & gloria in confusione eorum.*

Coactē omnes portant, quatenus natura
abhorret: quoad voluntatem autem, quidam
coactē, quia planē refugiunt, & impositam
impatenter ferunt; alij, quia non spontē
fufcipiunt; sed visa tamen necessitate, to-
lerant pacatē, vt Simeon iste; alij denique ob-
uijs manibus occurrunt illi, & gaudent.

Ex quibusnam tues? stude, vt sis ex postremis.

PVNCTVM IV.

CIRCA substitutum in ferenda cruce Christi considerandum, quòd vocatur *Simeon*, id est, obediens: quæ virtus vincit repugnantiam voluntatis, ad tollerandam crucem. Et eadem subleuat Christum, & qui eius loco sunt superiores, vt cum gaudio, & non gementes præfint. Christi obedientia vsque ad mortem crucis cõmendatur. 2. *Simeon* iste peregrinus erat, & ex villa veniens Ierusalem. Sic oportet esse peregrinos, & tendere in coelestem Ierusalem, quibus occurret Christus, vt ab eo crucem accipiant. 3. labor *Simeonis* fuit brevis, memoria hucusque gloriosa, eritque ita continget nobis.

Portans
crucem sit
Simeon.

1.
Obediens.

2.
Peregrinus.

3.

PVNCTVM V.

ALLOQVITVR mulieres: *sequibatur turba multa*; alij, vt affigerent cruci; alij, vt fruerentur spectaculo, vt sacerdotes; alij curiositatis causa; alij commiseratione quadam; nullus, vt iuaret, aut cum eo moreretur. Alloquitur mulieres flentes ipsum: *Nolite flere super me; sed super vos ipsas flete, & super filios vestros.* non prohibet lachrymas commiserationis, sed præfert compunctionis, quibus delentur peccata, tùm propria, tùm

Diuerfitas
sequentiu
Christum.

aliena, indicat etiam luctuosissimas poenas, quæ, ob crucifixum Dominum, consecuturæ erant gentem Iudæorum. Rationem autem reddit: *nam si in viridi ligno hæc sunt, in arido quid fiet: si tam speciosa & fructuosa arbor, ob alienam culpam sic excinditur, quid supplicij manet peccatores, quasi inutilia ligna, & solum igni apta?*

PUNCTVM VI.

B VIRGO admonita de condemnatione Filij, occurrit eunti, visaque à filio, se mutuo aspectu conuulnerunt. Igitur relicta ciuitate, ad Caluariæ montem peruenit. Vtique relicta, quæ ob infidelitatem abijcienda erat, fructuque mortis Christi priuanda.

MEDITATIO XL.

De loco & tempore crucifixionis, de oblatio felle, ac demudatione.

PUNCTVM I.

I.
Eligit locum
apertum.

DE loco, & tempore mortis Dominicæ. Locus fuit mons Caluariæ. In aperto voluit mori, vt pateret omnibus, qui pro omnibus moriebatur: & in infami supplicij loco, ad maiorem ignominiam. Et in caluariæ loco, ad horrorem, quod ibi reorum caluariæ congestæ essent, atque vt significaret, sua morte se viuificaturum defunctorum ossa.

Tem-

Tempus elegit meridianum, vt confusio esset maior, in clara luce; & vt intelligeretur summus ardor charitatis, qua se offerebat holocaustum; & in die Paschatis, quando conueniebat Ierosolymam innumerabilis multitudo. Natiuitati autem elegit noctem mediam, & locum ignobilem, vt gloriam suam occultaret.

PUNCTVM II.

POTATUR vino felle mixto, cū alijs ad solatium præberi potus soleret, & sic inuentus modus cruciandi ipsum, etiam intus Discam ferre ingrata palato; & quod, proleuamine, inferatur mihi molestia. *Dederunt in escam meam fel, & in siti mea potauerunt me aceto. Nos comedimus vnam acerbam; & dentes tui, o Domine, obstupuerunt.* Opera ex se bona, at mala intentione, alijsve circumstantijs infecta, verè sunt vinum felle mixtum. quàm rarò nostræ actiones puræ sunt absque imperfectionibus? contrà, nobis propinat Christus vinum meracissimum, corpus, & sanguinem suum, & liquidissimas consolationes.

PUNCTVM III.

DENVÒ exiit vestibibus, vsque ad nudum, in oculis tantæ multitudinis, & petulantium militum, atque irrisorum, fert patienter ignominiam hanc, peccatis nostris debitam; præbet exemplum nuditatis

2.
Tempus
meridianū

Felle potatur & cur.

Psal. 60. 22.

Iere. 31. 29.

Ezech. 18. 2.

Vleimò vestibibus nudatur & quare?

Euan-

Euangelicæ; docet ferre defectus rerum. Hac sua nuditate tegit nuditatem primi Adæ, cōparans illi stolam glorię. Tanquam alter Noë, meliore vino inebriatus, vino charitatis, à suo populo, quasi Filio, ludibrio habetur. Nudatio hæc fuit etiam acerbissima, quòd interior tunica carni adhæresceret concisa vulneribus, quæ refricari necesse fuit, & alicubi pellem etiam à carne detrahi. 70

MEDITATIO XLI.

Christus Cruci affigitur.

PVNCTVM I.

Christus
extendit se
obedienter
super cruce-
m.

EXTENDITVR super lignum Crucis, ad mandatum tortorum. obedienter se locat super crucē, extenditq; sacras manus, pro eo, quòd Adam extendit manus ad pomum arboris vetitæ. Extendo ego manus meas ad mandata tua, Domine, & configi cruci malim, quā ab eis recedere.

Gratias a-
git Patri.

Sic extensus, leuatifque in cœlum oculis gratias agit Patri, quòd tempus adduxerit perficiendi sacrificium. tum offert se pro salute mundi in odorem suauitatis. Ita Isaac colligatus super struem lignorum, expectabat ictum paternæ manus, vt modò Christus, impiorum carnificum. Ast ibi Abraham cohibitus est ab Angelo; hic æternus Pater non cohibet tortores: ibi satis fuit Deo promptitudo voluntatis, hic autem consummata obedientia postulatur.

PVN-

PUNCTVM II.

CLAVIS configitur. dolor acerrimus in corpore delicato, & partibus tenerissimis, & nervosis. Dein verò, quòd, manu vna confixa, nerui contracti sunt, oportuit vi maxima corpus distendere, quò ad foramen in cruce factam manus altera pertingeret. quo facto luxata sunt membra cum incredibili cruciatu. quò spectat: *foderunt manus meas & pedes meos, & dinumerauerunt omnia ossa mea.* nam in exhausto corpore per distensionem illam ossa singula discerni poterant. O verè virum dolorum, ò manus, in quibus abscondita est fortitudo Dei. ò IESV, quid sunt plaga ista in medio manuum tuarum! quis ausus tantum facinus? ego: peruersa mea opera foderunt manus tuas, & inordinati affectus tuos pedes perforant. Conuulsio ossium in mystico Christi corpore efficitur per animorum dissensionem. absit à nobis. O, si dinumerare mihi liceat omnia ossa tua Domine! si internas tuas virtutes illuminatis oculis aspicere, ad imitandum! quid retribuam Domino vicissim? *omnia ossa mea dicent: Domine, qui similis est tibi?* Vires impendam omnes, vt laudem te, & vni tibi seruiam, quia tu solus es. Noli, ò homo, obliuisci Matris, cuius cor, auditi malleorum crudeles ictus penitus transuerberarunt.

Transfixio
manuum &
pedum.

Psal. 21. 17.

Isa. 53. 3.

Habac. 3. 4.

Zach. 13. 6.

Psal. 34. 10.

PUNCTVM III.

Elevatio
Christi.1.
Dolorosa.2.
Ignomi-
niola.

ELEVATUR Crux in altum, & impetu in paratam fossam demittitur. res doloris plena; dum sic manus pedesque lacerantur, unde quatuor riui sanguinis, tanquam totidem ex paradiso flumina dimanant, ad irrigandam vniuersam faciem terræ, nec habet ubi caput suum reclinet. nam, si ad lignum, spinæ altiùs infigebantur.

In eleuatione Crucis factus est omnibus conspicuus, cum confusione maxima, & plausum dederunt inimici cum ingenti clamore & irrisione, gratulantes sibi. At pias mulieres, & si qui aderant ex amicis, ac inprimis Matrem, quantò aliter affecit miserabile spectaculum! Si amici Iobi, viso illo, ita obstupuerunt, quantò maior hic, & quantò habitus indigniùs! & hæc patitur tui causa. 47

MEDITATIO XLII.

Mysteria in Christo crucifixo.

PUNCTVM I.

Quis cruci-
fixus?1.
Deus.

Isa. 66. 1.

Psal. 17. 11.

Isa. 40. 12.

CHRISTVM pendentem considerabo, vt DEVM. quare sub Cruce positus, ab ea in cœlum oculos mentis attollam, & eundem illum, in cœlo Empyreo tanquam in throno sedentem, conspiciam: cuius cœlum sedes est, terra autem scabellum pedum eius. Et hic, qui ascendit super Cherubim, & ambulat super pennas ventorum, quiq; appendit tribus digitis mo-

lem

lem terra: hic tribus clavis trabi affixus ipse pendet, etsi non tam ferreis illis, quàm incorporeis alijs, amore in nos, obedientia erga Patrem, & zelo gloriæ illius, O, his configar ego etiam cruci! & Trifagion illud in actionem gratiarum pro tribus clavis canam, *sanctus, sanctus, sanctus*, velans interim alis meis, vt Seraphim, faciem, & pedes Christi, ac proficiens incomprehensibilem eius esse tum maiestatem gloriæ, tum humilitatem crucis.

PUNCTVM II.

CONSIDERABO in cruce Christum tanquam *Sacerdotem magnum, principem pastorum, & episcopum animarum nostrarum*: offerentem non sanguinem hircorum, aut vitulorum, sed proprium, eumque totum, in holocaustum suauissimum. Cuius tanta est virtus, vt rigore iustitiæ valeat ad satisfaciendum pro omnibus, quamuis infimorum hominum, vel grauissimis peccatis, & quòd offerens sit ipse Filius Dei, vnde illius passionis vim accipiunt infinitam, tam merendi, quàm satisfaciendi.

Habet Sacerdos iste insignia sua. pro tyarra coronam spineam; pro virga pastoralicrucem (quanquam hæc etiam altaris vices subit) pro annulis clauos; pro veste sacerdotali carnem variè concisam, & sanguine purpuratam. Offeram ego vicissim aliquid, *cor contritum & humiliatum Deus non despicies: Psal. 50. 19* offeram & sacrificium laudis.

II.

Sacerdos.

Hebr. 6. 20.

1. Petr. 5. 4.

c. 2. 25.

Sacrificij
virtus.

III.
Doctor.

Exod. 25. 40.

1. Cor. 2. 2.

Bellator
fortissi-
mus.

Gen. 3. 15.

Apo. 12. 3. 9.

Exod. 7. 12.

Jud. 7. 20.

PUNCTVM III.

CONSIDERABO, vt doctorem veritatis nobis à Deo datum, qui, cum per omnem vitam verbo & exemplo docuisset, sub finem, ex cruce quasi ex cathedra, veluti compendio, exposuit totius doctrinæ summam. Docuerat antea pluribus, qui sint beati verè habendi, earumque beatitudinum paradigma seipsum in cruce exhibuit. Vt maximè quadret illud: *Inspice, & fac secundum exemplar, quod tibi in monte monstratum est.* Et illud: *non iudicaui me scire aliquid inter vos, nisi Iesum Christum, & hunc crucifixum.*

PUNCTVM IV.

CONSIDERABO, vt ducem, ac bellatorem fortissimum, qui in monte Calvariae, tanquam destinato pugnae loco, tartareas potestates deuicit, easque in suo corpore triumphauit. Ipsius in primis *serpentis caput contriuit*: qui, primis hominibus in fraudem inductis, originale peccatum introduxit in mundum, & per peccatum, mortem: ex quo peccato septem alia tanquam capita pullularunt. quod monstrum est, sicut *Draco ille rufus* in Apocalypsi *habens capita septem*: atque hunc etiam per crucem prostrauit, in qua iustificamur à peccatis. *Virga crucis deuorauit virgas Pharaonis*, id est, omnes Diaboli conatus eludendo, vt homines tandem à seruitute illius vindicaret.

Confracta est testa in manibus Gedeonis, vt

inclu-

inclusa lux emicans perfringeret ac *sterneret* Madianitas. Ita passio Christo in carne, Diuinitatis in ea habitantis infinita vis foras exeruit sese, omnesque inuisibiles aduersarios, peccatum, mundumque debellauit.

MEDITATIO XLIII.

De Titulo Crucis.

PUNCTVM I.

VERBA tituli, in quo, vt ait Marcus, continebatur causa eius, id est, Christi, ob quam crucifixus fuit.

Marc. 15. 36.

IESVS. Hæc prima causa mortis, vt, iuxta nomen suum, saluaret nos in sanguine suo. Vnde & hoc *nomen* ipsi est *impositum*, cū effusione sanguinis in circumcisione. Nunc autem superponitur cruci, supra caput eius, tanquam iā consummatā saluatione per totius sanguinis effusionem, qui largiter fluebat ex perforatis membris. *Oleum effusum nomen tuum.* sanas enim vulnera nostra sanguine tuo effuso, tanquam oleo saluberrimo. Esto *mibi* IESVS, ô Domine, & salua me; esto oleū, & medicamentum.

Luc. 2. 21.

Cant. 1. 2.

NAZARENVS. Id est, floridus. Secunda causa, vt in arbore crucis positus produceret flores pulcherrimos, & suauissimos excellentium virtutum. Verè, IESV, dicere potes: Lectulus noster floridus. is est crux.

Significat etiam sanctum, quo significatur, hunc, qui crucifixus est, non ob sua pecca-

Isa. 53. 11.

ta pati, sed propter aliena: sicut ait Isaias: iustificabit ipse seruis meus iustus multos, & iniquitates eorum portabit.

Cant. 2. 3.

6. 7. 8.

Ergo: sub vmbra illius quem desideraueram, sedi: & fructus eius dulcis gutturi meo. Ascendā in palmam & apprehendā fructus eius, fructus salutis, ex floribus crucis prouenientes.

Psal. 95. 10.

REX. Hæc tertia causa ex parte Iudæorum, cur sit crucifixus, quod se Regem faceret, vt illi interpretabantur, temporalem at, verè Rex erat, sed cœlestis, cuius regnū in cruce fundatum est. Quia Dominus regnauit à ligno, si conregnare volo, crucifigi simul debeo.

Ioan. 1. 11.

Psal. 2. 6.

IVDAEORVM. quantumuis illi nolint: nam sui eum non receperunt. est autem constitutus à Patre Rex super sion montem sanctum eius, prædicans præceptum eius. Porro regnat si minis super Iudæos carnales. certè super spirituales, qui confitentur, & dant gloriam illi, quæ est notio vocabuli.

Phil. 2. 11.

Scriptus erat titulus literis Hebraicis, Græcis, & Latinis: quò significabatur amplitudo regni illius super omnes gentes, vt sicut ait Paulus: omnis lingua confiteatur, quia Dominus noster IESVS Christus in gloria est Dei Patris.

PUNCTVM II.

Ioan. 19. 20.

Diuerſitas
legentium.

IVDAEI contenderunt emendare titulum. petieruntque à Pilato, vt nō diceretur Rex: sed, quòd se regem fecisset.

Titulum hunc legerant triplices homines.

1. Inimici Iudæi; qui, non intelligentes, voluerunt corrigere. Tales sunt hæretici, sacras Scripturas prauis glossis corrumpentes. 2. Curiosi, & obiter legentes; qui nec satis capiebant, nec curabant de sensu. Tales sunt fideles, qui Scripturam legunt per transænam; unde non referunt fructum. 3. Amici, vt B. Virgo in primis, & discipuli, cum pio affectu & studio. Tales sunt participes latentium mysteriorum.

1.

2.

3.

PUNCTVM III.

PILATVS recusat mutare titulum, dicens: *quod scripsi scripsi.* inspiratum hoc responsum à Deo, quo sancitur, verum esse titulum, quem nulla delebit potestas; Regnumque Christi esse æternum. Imitabor hanc constantiam in bonis propositis; & similiter respondebo Mundo, Carni, & Diabolo, aliud suadentibus.

Tituli veritas & firmitas.

MEDITATIO XLIV.

Partitio vestium, & blaphemia in Cruci affixum.

PUNCTVM I.

PARTIUNTVR vestes in oculis ipsius Christi, & cum irrisione; & eas vestes, unde *virtus exibat & sanabat omnes, qui illas tangerent.* Abdicauit se Christus ipsis vestibus, & ius in miseros crucifixores transtulit, ad exemplum perfectæ paupertatis. Liberalitas

Luc. 8. 19.

Paupertatis
vix exen-
plum.

etiam fuit, quòd se totum, & sua dedit, vsque ad vestes, quæ in quatuor diuiduntur partes, quòd ex omni mundi plaga ad Christum venientes stolam gratiæ accipere valent.

PUNCTVM II.

Ioan. 19. 23.

DE tunica fortiuntur, ne diuidatur, erat enim *inconsutilis desuper contexta per totum*, & quidem à Christi Matre. quæ, vt tinctam sanguine Filij in manus talium cedere conspexit, indoluit vehementer. Hæc, inquit, tunica Filij mei est, *fera pessima comedit eum, bestia deuorauit Ioseph.*

Gen. 37. 33.

Tunica integritas
quid notat.

Ea vestis significauit sacram Christi humanitatem, in vtero virginis, operante Spiritu sancto, indissolubiliter contextam, nefas enim, Christum soluere, humanitatem à Deitate seiungere, cum sit verus Deus, & homo.

Significat etiam vnitatem Ecclesiæ indissolubilem, quæ est vestis Christi. & quia vestis fuit duplex, exterior, & interior: illa est rituum externorum communicatio, hæc autem charitatis, atque internorum donorum communio. Væ qui hanc vestem diuidit.

PUNCTVM III.

Mat. 27. 36.

SEDENTES *milites seruabant eum.* id pe- tierunt Iudæi, quoad vsque extinctum viderent, ne fortè ab aliquo deponeretur, aut solatio aliquo leuaretur. interea etiam substannabant illum, & contumelijs appetebant.

(S)

PUNCTVM IV.

VARIE blasphematur Christus in cruce. *Luc. 23. 37.*
Mat. 27. 41.
 Prætereuntes mouebant capita sua dicentes: *Uah qui destruis templum Dei, & in tri-*
duo reedificas illud, salua te metipsum: si Filius
Dei es, descende de cruce. Imò idcirco manebit, vt saluet multos. Diabolus, qui alias suggestit, mitte te deorsum: nunc per istos, descende de cruce. omnes videntes me deriserunt me, locuti sunt labijs & mouerunt caput, aperuerunt super me os suum. Et plausuerunt super me manibus omnes transeuntes per viam, sibilauerunt ore suo. *Psalm. 21. 8.*
Thren. 2. 15.

Item Principes sacerdotum illudentes cum scribis & senioribus dicebant: *alios saluos facit, seipsum non potest saluum facere. Si Rex Israel est, descendat nunc de cruce, & credimus ei. Cõfidit in Deo: liberet nunc, si vult, eum: dixit enim, quia Filius Dei sum.* 1. Exprobrabant impotentiam saluandi seipsum. 2. Præsumptam regis dignitatem. 3. Fiduciam vanam, quam in Deo ponebat. 4. Filiationem Dei inanem.

Præterea etiam milites illudebant ei: *Si tu es Rex Iudeorum, saluum te fac; nec non latrones improperabant & conuitiabantur.* & vniuersè Lucas ait: *stabat populus spectans, quod inter opprobrium ponit. Ipsi verò considerauerunt me & inspexerunt me.* Erat aspectus illusorius. O, si aspexissetis, vt oportebat: retulissetis vtique salutem inde melius, quàm olim ex aspectu serpentis. quàm aliter

II.
Sacerdotū
exprobra-
tiones.

1.

2.

3.

4.

III.

Militem
subfanna-
tiones.

Psalm. 21. 81.

aspiciebat Mater, & piæ mulieres! & illa quantum ex tot maledictis dolorem hausit!

MEDITATIO XLV.

Orat pro crucifixoribus.

PUNCTVM I.

Primum
Christi
verbum
est am-
ri.

*Matt. 5. 44.
Cant. 8. 7.*

Isa. 53. 12.

HOC primum verbum locutus est in cruce. Non petit ignem de cœlo, vt Elias; nec maledicit, vt Noë. & Elisæus irrisoribus suis: sed, inter conuitia & blasphemias, petit veniam inimicis, perfectè implens præceptū suum: *Diligite inimicos vestros & orate pro his, qui vos persequuntur. Aqua multa persecutionum non poterant extinguere charitatem.* & hoc singillatim prædixit Isaias: *Et pro transgressoribus rogauit.*

PUNCTVM II.

Patrem cui
rogat.

Matt. 5. 45.

SINGVLA verba expendantur. *Pater:* Christ^o ipse, vt homo, ignoscebat, sed vult, vt Deus ignoscat. Patrem appellat pro fiducia orationis, & ad demerendum: monet etiam, quòd ipse sit Pater omnium, *qui solem suum oriri facit super bonos, & malos. Dimittito illi.* non exponit certum peccatum, quia vult omne eis dimitti. Nec dicit, crucifixoribus meis, ne ex indignitate rei prouocet irā Patris; sed ait: *illi:* & quia volebat omnes peccatores complecti, eum omnes sint crucifixo- res Christi. *Quia nesciunt quid faciunt.* Etiam excusat, & extenuat. Ignorantia erat supina &

crassa,

crassa, & ita inexcusabilis: tamen adducit pro
 qualicunque excusatione, sicut Paulus, cum a-
 it, *sic cognouissent, nunquam Dominum gloria* 1. Cor. 2. 8.
crucifixissent. Si cognouissent, utique ita, ut æ-
 stimarent, quod erat excusat nos ad fidendum
 de ipsius misericordia, siquidem sic excusat.
 monemur etiam, ut proximorum facta excu-
 semus, quando planè defendere nequimus:
 tantum abest, ut illatæ iniuriæ sint exagge-
 randæ, aut vindicta optanda.

PUNCTUM III.

EXAUDITA est oratio, de qua S. Paulus,
in diebus carnis sue preces supplicationesq;
cum clamore valido & lachrymis offerens, ex-
auditus est pro sua reuerentia, id est, vel pro sub-
 missione sua, qua preces obtulit, vel pro me-
 rito suæ dignitatis, cum esset Filius Dei. Efficacitate huius orationis, multi ex præsen-
 ti bus postea conuersi sunt ut die Pentecostes ad
 tria millia. ô Iesu, fac sim particeps huius tuæ
 precis. Audist Maria orationem, & tanta cha-
 ritate est ipsa quoque emollita, ut similiter
 oraret.

Effectus o-
 rationis
 Christi.

MEDITATIO XLVI.

*Secundum verbum Christi in Cruce
 ad latronem.*

PUNCTUM I.

MEDIVS inter duos latrones crucifixus
 est iuxta vaticinium, *Et cum scele-*

Humilitas
 Iesu in me-
 dio latro-
 num.

Isai. 52. 12.

reputatus est: & fuere haud dubie ex infamioribus, qualis Barrabas. consentiunt extrema primis. Nascens in medio duorum animalium, locatus est moriens inter duos latrones sic studuit commendare nobis humilitatem. Et hic est, qui in monte Thabor inter Mo-

Matt. 17. 2.

Ephes. 2. 20.

yslem & Eliam gloriosus apparuit: est lapis angularis vtrumque populum connectens in v-

Act. 10. 42.

num: est index viuorum & mortuorum, residens inter bonos à dextris, malos autem à sinistris; quodque maximum est, is est Diuina Persona inter Patrem, à quo procedit, & Spiritum sanctum, qui ex ipso quoque procedit, media constituta. Et hic tantus, quasi insignior latro, medius inter latrones trahi affigitur.

PUNCTVM II.

Latro à sinistris blasphemat.

Luca. 23. 39.

ALTER latronum blasphemat Christum, *si tu es Christus, saluum fac te ipsum, & nos.* id autem Pharisei exprobrauerant. per summam contumeliam irridetur, quod se mentiatur Christum.

Latro à dextris tuc-
tur Christum.

At alter latro loquitur pro Christo, corripuens socium: *Nec tu times Deum, qui in eadem es damnatione?* quali dicat, minus mirum, quod alij in iuriosi sint; at, quod tu, qui animam agis, exprobres consorti poenarum, improbissimum est. Atque hæc defensio fuit actus eximie charitatis. Exercuit etiam humilitatem, agnoscens suum reatum, *& nos quidem iuste, nam digna factis recipimus.* Præterea confite-

tur

tur Christi innocentiam: *Hic verò nihil mali
gessit*, Dignus profectò, cui retribuatur illud:
Omnis qui confitebitur me coram hominibus, *Matt. 10. 32.*
confitebor & ego eum coram Patre meo.

Collige tres ordines patientium; alij dignè, Patientium
sed impatienter, vt malus latro; alij dignè, sed ordines.
patienter, vt bonus latro; alij immeritò, & pa-
tienter, vt Christus. Cupiam ex his vltimis
esse: sim ex secundis saltem, dicens: Iram Do- *Mich. 7. 9.*
mini portabo; quia peccaui ei & illud: *Iob 33. 27.*
*peccaui & verè deliqui, & vt eram dignus, non re-
cepi.*

PUNCTVM III.

ORATIO latronis, ex agnitione proprii
delicti, & charitate Christo exhibita, a-
nimatur ad petendum: *Domine memento mei,*
cùm veneris in regnum tuum. Inter tot oppro-
bria confitetur Dominum, & Regem; non hu-
ius mundi, sed alterius sæculi, quò ibat: non
petit à præsentì mortè liberari, nec euectio-
nem aliquam peculiarem, sed tantùm, vt me-
minerit sui. haud dubiè melius recordabitur,
quàm Pincerna Pharaonis recordatus fuit
Iosephi concaptiui sui.

Mouit latronem, præter singularem illu-
strationem diuinam, quòd voluerit Deus hoc
testimonium Christo dari tunc à tali, ad con-
fusionem Phariseorum, & Sacerdotum; qui,
visis tot mirabilibus, non crediderunt Chri-
sto: præter hoc inquam mouit latronem ad-

Oratio de-
uota.

mirabilis patientia Christi, & charitas illa, qua pro inimicis orauit. tam hæ virtutes sunt potentes, utique & apud Deum multò magis. Discam à latrone orare cum humili agnitione propria, & confessione strenua laudis diuinæ, & me ipsius bonitati committam.

II.

Verbum
liberalita-
tis.

Efficacitas
sanguinis
Christi.

Ioan. 12. 26.

Duo la-
trones
signant E-
lectos &
reprobos.

Matt. 24. 40

Luc. 17. 34.

PUNCTVM IV.

RESPONSIO Christi: *Amen dico tibi, hodie mecum eris in Paradiso.* Vocatio & conuersio huius latronis extitit fructus pre- cationis Christi in cruce, & fuit tanto mira- bilior, si ille ipse priùs blasphemauerat Chri- stum, ut aliqui colligunt, quia Matthæus dicit, *latrones improperebant ei.* Efficacia item san- guinis Christi enituit, dum peccata omnia, & poenas etiam temporales perfectè remittit, & aptum cœlo statim facit. reddit autem secu- rum sic asseuerando: *Amen dico tibi:* & sui cõ- sortium promittit, *mecum eris,* iuxta illud: *ubi sum ego, illic & minister meus erit.* Nec differt: *Hodie,* inquit. Te beatum, ô latro, qui vnde- cima venisti hora, atque ex nouissimo factus es primus.

PUNCTVM V.

AD exemplum horum latronum inter homines cuiusque stacis, sunt alij, qui assumuntur efficaciter ad gratiam; alij autem qui relinquuntur, sicut de extremo tempore locusus est Christus: *Tunc duo erunt in agro, duo in lecto, duo in molendino, & vnus assume-*

tur, *alter relinquetur*. Valet hoc, vt nemo, quamuis maximus peccator, desperet, quin aliquando possit conuerti; contrà verò, ne quis licentiosè viuens, præsumat. Gratulata est Virgo Mater, quòd Filius in eo articulo reperisset defensionem, quodque reserati cœli ianuas ea die tandem audiret.

MEDITATIO XLVII.

Tertium Christi verbum. commendat Matrem Ioanni.

PUNCTVM I.

STABAT iuxta crucem Iesu Mater eius cū mulieribus & Ioanne. Ita videlicet, quòd quis Christum magis amat, propior fit cruci, & illius particeps esse cupit. Accessit Virgo intrepida, non verita contumelias & vexationes, & illà duce, Ioannes, & aliæ mulieres sunt ausæ. Non magis corpore accessit, quàm spiritu, quo fuit Christo confixa tribus item clauis, vehementi apprehensione poenarum illius, & amore ardentissimo, & compassione tali, vt spinæ, flagella, clauis, & reliqui cruciatus Filij animum Matris perinde affligerent, ac si in corpore suo illos omnes excepisset. Vt verè Martyr Martyrum, sicut virgo Virginum dici debeat nam & optauit omnia pati, & passa est per vehementem compassionē. ò, imiter ego, affligendo carnem meam, & animam, per abnegationem appetitionum, & desiderium patiendi, castigando.

Ioan 19.25.

Quis propior cruci.

B. Virg. Compassio

PVNCTVM II.

III.
Verbum
est sollicitu-
dinis suo-
rum.

Ioannes B.
Virgini in
filium.

CVRAM gerit Matris inter dolores & opprobria: sic nunquam officium deserendum. ait autem: *Mulier, ecce filius tuus*. non vocat Matrem; vt nec aliàs solitus: tum, ne blando nomine magis eam percellat; tum, ne carni indulgere videretur, qui totus esset in Patris voluntate implenda. *Ecce filius tuus*: Ioannem ostendit. Is tibi pro filio erit loco mei; tuique curam geret: sed & tu pro filio eum habebis, vt & reliquos meos Apostolos, confirmando ipsos maternâ prouidentia. Quid Virgo Mater sensit, quando pro Iesu Ioannem suppleri audiit? prò, quàm dispar commutatio! sed & verba illa: *Ecce filius tuus*, aliter accepta, repræsentant Matri ipsum Iesum, vsque eò mutatum à suo decore. Ecce, is, quem à Spiritu sancto concepisti Virgo, ille Filius altissimi, ille regnaturus super solium Dauid, ille *speciosus forma*, & talia multa. Commendauit sub eodem verbo nos omnes Christi fratres per gratiam in tutelam Matri suæ.

PVNCTVM III.

B. Ioannes
accipit B.
Virginem
in Matrem.

IOANNI autem dixit: *Ecce Mater tua*. Hanc ama, obserua, iuuua, vt Matrem. Verba Christi sunt efficacia; perficiuntque, quod dicunt. ac ita Ioannes spiritum filij erga B. Mariam corde concepit & exhibuit. O mihi dari petam, vt benè mihi sit. Potissimum Ioanni commendauit Matrem, vt Virginem Virgini,

& quia

& quia Ioannes ad crucem vsque adhæsit Christo. ita castimonia & imitatio patientis Christi idoneos faciunt tali filiationi. *Et ex illa hora accepit eam discipulus in sua;* lætustali munere; tùm quia à Magistro veniebat; tùm quia seruire tali Matri gloriosissimum ducebat.

MEDITATIO XLVIII.

De tenebris, & quarto Verbo.

PUNCTVM I.

A SEXTA hora tenebra facta sunt super vniuersam terram, vsque ad horam nonam. Factum id est à Deo, ad detestationem sceleris, quo iustitiæ soli vitam impij adimebant, atque ad significandum quantanā sint interiores cordis tenebræ improbæ gentis; & exteriores, quibus erat addicenda, ob tantum nefas.

Deinde, vt tantò prodigio clarificaretur Christus, cuius mortem sol lugeret, luctuque terram operiret, vtique exterriti maluoli, cessarent interea à sublannando, vexandoque Domino. Tandem voluit ipse Christus, per silentium tenebrarum, recipere sese ad orandum, vt aliās per noctem solitus erat, causamque nostram, & extremum illum actum Patri instantius commendare, ad exemplum nobis. Quale quid etiam tunc fecisse Dei Ma-

Causæ tenebrarum.

I.

2.

3.

trem

trem, & Ioannem, neutiquam dormientes, vt in horto discipuli, fas est credere.

PUNCTVM II.

IV.
Verbum
doloris.

Triplex de
sertio.

1.

2.

3.

Psal. 70. 6.

CIRCA horam nonam clamauit voce magna: *Eloi, Eloi, lamma sabebani.* quod est: *Deus meus, Deus meus, vt quid dereliquisti me?* clamor, & magna vox, sunt magni affectus signa! desertus erat in poenis, quæ diu protrahabantur, cum dolore immenso, siquidem reclinare caput nequibat, quin compungeretur magis à spinis & corpus, è clauis pendens, laceraretur. Item desertus erat omni solatio in parte inferiore animæ, quod à diuinitate haurire alioqui poterat, sicut in horto ipso destitutus fuit, vt ab Angelo fuerit confortandus tandem videbat se à discipulis desertum, & à gente sua, & deferendum à plerisque mortaliū, quibus incassum forent tot illæ, ac tantæ poenæ. sic deferri voluit, vt non deserat ego à misericordia diuina; ac, vt in desolatione discam esse constans, exemplo Magistri: *Cum defecerit virtus mea, ne derelinquas me.*

PUNCTVM III.

PRÆTER verba illa, quæ magna voce dixit, credibile est, sequentia ex eodem Psalm. 21. vbi passio Christi ad viuum exprimitur, & quæ tunc agebantur, fuisse à Christo submissè recitata. Beatam verò Matrem, in Psalmis exercitatum, simul recoluisse, & contulisse vaticinium cum re, eundem Psalmum

recitan-

recitando. Potero etiam ego Psalmum illum cum attentione & mora recitare. Sed in ijs ipsis verbis irrisus est Christus à ridiculè interpretantibus illud: *Eli, Eli, Deus meus, Deus meus*: quasi Eliam in auxilium vocaret, quòd se ipsum saluare nequiret: sic vndique capatur occasio exagitandi te, Deus meus!

MEDITATIO XLIX.

De quinto Christi verbo, Sitio.

PUNCTVM I.

V.

Verbum desiderij.

QUOD Christus verè magnam pertulerit sitim: nam à præcedente vespera non biberat; & interea tot circum loca pertractus fuerat cum impetu, & sanguine penè toto exhausto, *aruerat tanquam testa virtus eius, & lingua eius faucibus adhaeserat.* In figuram huius Samson, interfectis inimicis ad mortem, sitiuit: sed prouidit ei Deus de mandibula asini, qua prostrauerat Philistæos, Christo meo non item. *Moyse percussit petram virga,* & hæc aquas largissimas dedit: *Petra autem erat Christus*: qui in ligno crucis percussus, non aquam reddit. qua refrigeretur ipse; sed sanguinem, quo nos lauemur, & potemur in vitam æternam. Discam tolerare sitim, & gulæ incommoda.

Psal. 21. 16.

Iud. 15. 15. 15.

Exod. 17. 6.

PUNCTVM II.

SCIENS Iesus, quia omnia consummata sunt, vt consummaretur Scriptura, dicit: Si-

Sic.

1.
Obedien-
tiae,

2.
Passionis.

3.
Salutis ani-
marum.

110. triplex sitis Christi. 1. obediendi Patri. & ita, vt sciret hoc deesse ad implenda, quæ Pater voluerat eum pati, vt aceto potaretur, vltro monet: *Sitio*. 2. patiendi plura adhuc, nec enim ad refrigerium quærendum aperuit sitim suam; sed vt hanc etiam acerbiter sentiret, paratus vltro plura pati, si Patri placuisset. 3. saluandi animas, qui erat illius cibus & potus. Nota, quod non petit, sed indicat tantum necessitatem sic præsertim religiosus representabit necessitates suas Deo, vel superiori, indicasse satis habens, non flagitans. sitietiam illa triplici debet ardere.

PUNCTVM III.

SPONGIAM aceto plenam, cum amara hyfopo in arundine exhibent. Non fuit, qui refrigerium exhiberet: sed magis affligeret sitientem: vt ego liberer ab illa epulonis siti æterna, cui nec gutta datur. Ad hunc modum peccatores potant Christum, quando cor ei præbent inane, vt spongiam, & à peccatis acerbum, & amarulentum, in hastili vanitatis, & inconstantie quæ res magis Christum contristat, quam acetum & hyfopus. At ille, quanto aliam nobis potionem præbet sanguinem suum? *Calix tuus inebrians quàm præclarus est!* optasset pia Mater filium refrigerare, at non licebat, & intellexit illa sitim filij esse præcipuè aliam, de qua supra: sed & illam veniendi ad Patrem, & *inrandi in gloriam suam.*

MEDITATIO L.

De sexto verbo: Consummatum est.

PUNCTVM I.

AD tria Christus respexit, ac in primis ad labores, & poenas, quas ordinauerat Deus, vt per omnem vitam pateretur, & gratulans, quod expleffet omnes dixit: *Consummatum est* nam & propterea dixerat, *sitio* vt ea etiam impleretur, quæ restabat, sicut ait scriptura: *Sciens, quia consummata sunt omnia, vt impleretur scriptura dixit: sitio* Ergo bone Iesu, impletum iam est illud desiderium, quo auctas baptizari: vt angustia tibi essent, donec perficeretur, & sicut spes dilata affligit animam, ita lignum vitæ desiderium veniens & impletum, ô beatum, qui in fine vitæ id dicere poterit.

PUNCTVM II.

DEINDE respexit ad finem, ob quem missus fuerat: nempe vt consummaretur prauaricatio, & finem acciperet peccatum, & deleteretur iniquitas terræ, & adduceretur iustitia sempiterna: quod per illius mortem completum est, attrito serpentis capite, destructa morte, spoliato inferno, cœlo reserato, noua lege condita, nouis Sacramentis & sacrificio nouo; vitæque perfectæ norma tradita, exemploque firmata. O consumma in me propter quod venisti, destrue penitus peccatum, perfice charitatem.

VI.

Verbum
est tripl. eis
Consum-
mationis.

I.

Laborum.

Luc. 12. 50.

Prou. 13. 12.

II.

Officij.

Dan. 9. 24.

3.
Figurarum
& Prophe-
tiarum.

Matt. 5. 18.

In fine mū-
di dicitur,
Consum-
matum est.

2. Tim. 4. 7.

VII.
Verbum
summæ
Pietatis.
Clamat al-
ta voce.

Ioan. 10. 18.

PUNCTVM III.

TANDEM respexit ad Prophetias & figu-
ras veteris Testamenti, quæ erant de
Christo, quæ, adueniente veritate, cessarunt.
de quibus dixit: *non veni soluere legem, sed im-
plere: Et iota vnum non prateribit, donec omnia
fiant.* Facta sunt & consummata.

Veniet idem in fine mundi, diciturq;: *Con-
summatum est.* Transijt gloria mundi, expira-
uit tempus benè merendi, agendique poeni-
tentiam, desijt regnum diaboli, completus est
numerus electorum. idem vnique dicitur
in morte: quia quoad singulos tunc omnia fi-
nem accipiunt. O dicere tunc valeam: *Bonum
certamen certavi, cursum consummaui, fidem
seruaui: vt liceat etiam dicere, quod sequitur:
Reposita est mihi corona iustitia.*

MEDITATIO LI.

*De septimo Verbo, commendat. &
emittit spiritum.*

PUNCTVM I.

COMMENDAT spiritum, clamans voce
magna: Idèd voce magna, vt testaretur,
sibi vim esse ad producendam vitam, sed ani-
mam spontè reddere, sicut dixerat: *Nemo tol-
lit animam meam à me, sed ego pono eam à me
ipso.*

ipſo. Deinde vt exprimeret naturalem ſentum animæ in ſeparatione à corpore. Denique in ſignum triumphi de diabolo, peccato, & morte: ſicut Gedeon, *confractu lagenis, clamorem edidit victoria de Madianitis.* Fuit autem ea vox miraculoſa in corpore exanguis. Gratiâ agam pro illa emiſſione ſpiritus voluntaria, petam confortari in ſeiunctione animæ meæ per mortem; gratulabor de victoria per mortem reportata.

Judic. 7. 19.

PUNCTVM II.

VERBA clamoris: *Pater in manus tuas commendo ſpiritum meum;* ſunt ex *Pſalmo 30.* Credi poteſt, recitaſſe illum totum: cumque ad hæc verba venit, vocem extuliſſe.

*Mysteria
ſeptimi
verbi.*

1.

Pſal. 30. 6.

Patrem appellat, in fiduciâ, & affectus filialis ſignum, qualis in morte nobis neceſſarius eſt: & eſt idem, ac petere, vt adſit nobis, vt Pater, atque ad hæreditatem æternam inducat.

Commendat *in manus*, quæ plasmaverunt ipſum, in quibus ſunt *ſortes noſtræ*, & vera ſecuritas: nam quis eſt, qui nos de manu tua poſſit eruere? At ego meum etiam in tuas commendo, bone Ieſu, qui expansas habes in amplexum ad te confugientium, & *nemo poteſt rapere de manu tua.*

2.
Pſal. 30. 10.

Ioan. 10. 28.

Non honorem aut corpus ſuum commendat, ſed ſpiritum, cui cum benè eſt, per

3.

1. Cor. 6. 17.

omnia bene est, dum suum commendat, simul nostrum, quem pro suo habet. nam, *qui adheret Deo, sit vnus spiritus cum illo.* Deponit in manus Patris, post triduum corpori redditurum. Discam mori.

Causæ inclinationis
capitis
Christi.

PUNCTVM III.

ET hac dicens, *inclinato capite, tradidit spiritum.* 1. Inclinat spontè, in signum obedientiæ, quam perficiebat, moriendo. 2. humilitatis, & paupertatis. 3. peccatorum nostrorum, prægrauantium Christum ipsum vsque ad mortem. 4. designans lymbum, quod spiritus pergebat.

Quomodo
tradidit
spiritum.

Psal. 18. 6.

Psal. 4. 9.

B. Virg.
dolor.

Tradidit autem spiritum ita spontè sua, & non coactus, vt tamen cruciatus sufficerent ad naturalem mortem. Perfecit *gigas viam suam, à summo cælo egressio eius, & occursum eius vsque ad summum eius.* ab Oriente ad Occidentem, *in pace in idipsum, dormiit & requieuit.* Quid Mater sensit? quæ cum illo mori desiderasset, & pro illo. Fortè adstetit Sathan: sed & multitudo Angelorum ad reuerentiam. Adsit mihi morienti ad defensionem, ne tunc inimicus meus præualeat aduersum me.

MEDITATIO LII.

*De prodigijs in Christi morte
factis.*

Edita sunt ad clarificandum Christum, ad
sceleris detestationem, ad effectus indicandosex morte Christi prouenturos.

PUNCTVM I.

VELVM templi scissum est in duas par-
tus à summo vsque deorsum. 1. sicut Cai-
phas scidit vestes, quòd Christus se dixisset
Filium Dei, ita Pater æternus scidit velut ad
enorme facinus, quòd crucifixus & occisus
fuerit Christus, quòd se talem diceret. O
Deus, scinde cor meum, vt sentiat tantæ rei
indignitatem. 2. quia per mortem Christi pa-
tebant arcana mysteria Regni Dei, discussis
vmbri, & figuris, atque via ad cœlum ape-
riebatur. O accipiam ego lumen, ad illa in-
telligenda, & ad viuendum iuxta illa.

Veli scissio
quid notet.

1.

2.

PUNCTVM II.

ET terra mota est, & petra scissa sunt, &
monumenta aperta sunt. 1. ad duritiem il-
lius populi detestandam, quæ maior esset,
quàm petrarum, & ad redarguendum me,
qui non scindor, aut emollior à Christi pas-
sione, cum videam illum in cruce tremiscen-
tem; & qui verè est petra, diuisum per separa-

Terræ cō-
motio, &
scissio
petrarum,
&c.

tionem spiritus à corpore, & denique apertum, & hiantem vulneribus.

2. II. Significatur fore, ut per Christi mortem terrena corda concutiantur, & quasi sepulchra mortuorum pateant ad sinceram culparum confessionem, sicque resurgant ad vitam gratiæ.

PUNCTVM III.

CENTVRIO, & qui cum eo erant custodientes IESVM, his visistimuerunt valde, dicentes: Verè Filius Dei erat, & insus: & turba percutientes pectora sua reueriebantur.

En effectus prodigiorum, nec non orationis Christi, qui pro illis orauerat in cruce. percutiam ego pectus, qui Christo causa extiti mortis meis peccatis.

MEDITATIO LIII.

De lateris apertione.

PUNCTVM I.

IVDÆI rogauerunt Pilatum, ut frangerentur crucifixorum crura, ne remanerent in cruce sabbatho. Non tam zelo Religionis, quam quòd vellent, Christum citò extinctum, nouoque tormento affectum, sublaturamque ex oculis plebis, quam videbant compunctam;

visis

Feria sexta
post Octa-
uam Pa-
schæ.

visis prodigijs. scilicet Pharisei, & Sacerdotes inde indurabantur, vnde simplices compungebantur. O, absit à me tam peruersa obstinatio.

Iubebat quidem lex, vt cadauer suspensi eadem die sepeliretur: quia *maledictus esset Deus, qui pendeat in ligno*, & ne contaminaret terram. Atque hoc est, quod S. Paulus ait, *Christum pro nobis factum esse maledictum*, Mi-
ra dignatio: vt in ipso nos benediceremur. *Deut. 22. 23. Galat. 3. 13.*

Latronum crura frugerunt, Christi autem Christi minimè, quod inuenissent eum mortuum, cura non sed præcipuè, quia prædictum fuerat: Os fracta ob
non comminueris ex eo. quod ad literam de mysteriũ.
Agnò Paschali, sed tanquam figura Christi *Iohan. 19. 36.*
mandatum fuerat. Videlicet charitas, fortitudo, patientia Christi frangi nequiverunt in *Exod. 12. 46.*
passione. ita etiam seruos suos Deus ex omnibus tribulationibus suis liberat, & custodiet
omnia ossa eorum, vnum ex eis non conteretur. *Psal. 33. 21.*
Contingat id mihi.

Sed & Diuinitas per ossa significata est, quæ non est passa.

PUNCTVM II.

CV M vidissent mortuum, vnus militum *Causæ a-*
lancea latus eius aperuit, vel insultandi *partitioni;*
gratia, vel explorandi, an esset mortuus? Non *I.*
sensit dolorem exanime corpus, at sensit Ma- *Crudelitas*
ter illius, in hoc implens, quod deerat passionum *militum.*
Christi. sentiam & ego. *Coloss. 1. 24.*

Voluit ipse Christus ita suum cor trans-

II.
Peccata

figi, in remissionem peccatorum, quia ex corde exeunt, quæ coinquinant hominem; ex Christi autem corde vita procedit. tale sit cor meum.

II I.
Christi
charitas.
Cant. 4. 9.

Deinde, ad testandam charitatem, qua passus fuerat tanta, cor ipsum quasi effundit, *vulnerasti cor meum soror mea sponsa, vulnerasti cor meum.* primò vulnerasti amore, quia te summè dilexi, secundò vulnerasti lancea, unde pateret tibi cor meum, amor meus. Tu vicissim vulnera cor meum, Deus, charitate, ut dignè amem te, & introduc me in cor tuum, tanquam in clibanum charitatis, ubi totus ignescam.

Psal. 54. 7.
Cant. 2. 10.
14.

Hæc vulnera sunt *petra refugij herinacis*, hoc est, peccatoribus, qui peccatis horrent tantumquam spinis, sunt iustis requies, & quasi nidus. *Quæ dabit mihi pennas sicuti columba, & volabo & requiescam?* *Elongavi fugiens & mansi in solitudine. surge, prope amica mea, & veni, in foraminibus petra, & in caverna maceria.* Figam mihi tria tabernacula, vnum in pedibus, considerans gressus tuos, ut sciam, quâ mihi tendendum sit ad vitam sempiternam; alterum in manibus, considerans opera tua propter me; tertium in latere, ibi æstimans charitatem tuam.

Sed ubi alæ columbæ, ut istuc volare queam? *æ sunt cogitationes sanctæ, & affectus puri, gemitus autem columbæ, sunt dolor offensus, & suspiria ad Deum.*

Ostium Ar-

Vulnus lateris, est ostium in latere arcæ à

Noc

Noe positum, quo ingrederentur animantes cæ Noe si diluuium euasuræ: Est ostium, quod oues egrediuntur & ingrediuntur, & pastua inueniunt. gura huius vulneris.

Vulnera hæc, sunt lapides quinque de torrente, quibus superbus Goliath prosteritur.

PUNCTVM III.

ET *continud exiuit sanguis & aqua.* 1. Ad significandam vim Christi mortis, per quæ aqua abluimur à peccatis, sanguinis eius virtute, nec non extinguitur in nobis ardor prauarum cupiditatum, & vt in deserto percussâ petrâ, fluxerunt aquæ largissimæ, quibus refocillati sunt filij Israel, ita hîc. vnde impletur illud: *haurietis aquas in gaudio de fontibus saluatoris.* 2. Ad significanda Sacramenta vim habentia ex Christi sanguine. aqua enim regeneramur in nouam creaturam. Et in Eucharistia aqua vino miscetur. 3. Si significatur, quod sicut ex Adami latere dormientis formata est Eua, ita Ecclesia ex Christo per mortem consopito.

Facta sunt hæc, vt impleretur Scriptura, videbunt, in quem transfixerunt. videbunt peccatores, qui ipsi causa extiterunt. Utinam videant ad compunctionem, ne serò videant ad confusionem. Absit à me

Domine Iesu.

* * *

V.

Causa trinitio sanguinis.

Isa. 12. 3.

VI.

Sacramentorum vis.

VII.

Impletio Scripturæ.

MEDITATIO LIV.

Depositio Christi de Cruce. Mat 27. 56.

PUNCTVM I.

Próviden-
tia Dei erga
suos.

CONSIDERANDA & admiranda pro-
videntia Dei erga suos. nam, cum Mater
cum alijs sollicita esset de acquirendo cor-
pore ad sepulturam, ac ne indignè mortuus
etiam à militibus tractaretur, providit in
tempore de viro diuite, & nobili Iosepho, qui
auctoritate valeret, nec non bono & iusto, qui
& ipse expectabat Regnum Dei, uti decebat
sanctitatem illius funeris; qui *erat disci-
pulus Christi, sed occultus, propter metum Iu-
deorum:* cui addidit animos ad petendum au-
dacter corpus Christi à Pilato.

Christus
obediens
post mor-
tem.

Itaque Deus solatus est afflictos, & consu-
luit gloriæ Christi tunc statim à morte. dis-
posuit autē, ut sicut ex obedientia Patris Chri-
stus ascenderat crucem, ita non nisi ex obe-
dientia Magistratūs, iuxta legem, deponeretur
cruce.

PUNCTVM II.

Societatis
utilitas.

IOSEPHO ab Arimathia adiunxit se so-
cium alter Discipulus item occultus, Ni-
codemus, vir etiam nobilis, & iustus; ut sic al-
ter alterum animaret. *Ioseph emit Sindonem
novam, ad inuoluendum, quia non decebat, ut
vsi fuisset. Nicodemus autem contulit mix-
turam Myrrhæ & aloes quasi libras centum ad*

vngen-

ungendum. Qui se addicit Christo, ostendat id operibus, ea autem sint pura, cum mortificationis studio, & deuotionis, quæ sunt aromata.

PUNCTVM III.

DEPONITVR è cruce manibus illorum duorum, & in demendis clauis ipsi sacrum corpus sustentant, deuotione ac reuerentia maxima, nec sine lachrymis. Depositum excipit Mater, & impletur illud: *Fasciculus Myrrha dilectus meus mihi, inter vbera mea commorabitur.* quantum illic dolorum, gemituum, lachrymarum? quid dictum factumque circa sacrosanctum spoliū, tum à Matre, tum ab alijs mulieribus, & Ioanne? æstimetur ex amore.

Depositio
pia.

Cant. 1. 13.

MEDITATIO LV.

De Christi Sepultura.

PUNCTVM I.

VBI satisfactum est amorī, sacrum corpus vngitur per totum, & munda Sindone inuoluitur, caput sudario. coronam spinēam, & clauos chara pignora Mater sibi seruat. Vnctio significat, Christum per omnem vitam multā mortificatione & laboribus fuisse exercitum, vt corpus suū mysticum à corruptione seruaret. in quo imitandus nobis est, vt mortificationem Iesu in corpore nostro circumferamus, quò vitæ eius manifestetur in nobis. Habuit Christus in sua sepultura omnia

Vnctio
corporis
Christi
quid notat.

2. Cor. 4. 10.

alie-

aliena, sepulchrum, & alia: in hoc etiam paupertatis præferens exemplum.

PUNCTVM II.

Funeris
diuini
portatio.

Comitatus

FFFERTVR ad sepulchrum prosequente Matre cum pijs mulieribus, sicut Vidua apud Nain ciuitatem, quam solatus est Dominus, resuscitato filio. sed oportebat Mariæ filium manere in corde terræ tribus diebus ac noctibus. Comitabantur funus etiam Angeli pacis, amarè flentes, vt hinc etiam sepulchrum eius redderetur gloriosum.

PUNCTVM III.

Sepulchri
qualitates.

1.

2.

3.

4.

QVALE fuerit sepulchrum. 1. in horto, vt sicut primus Adam in horto peccauit, & mortem incurrit, ita secundus, qui morte sua sustulit peccatum, in horto mortuus locaretur. 2. fuit nouum, quia nouus Adam, & sicut veniens, elegit vterum virginalem, ita decedens, simile sepulchrum. 3. excisum erat in petra inferni, quia sepeliebatur in illo vera Petra multis ictibus dolata. 4. Infertur in specum splendor gloriæ, vt nos à tenebris eruiamur.

Preparatio
ad S. Communionē.

Applica ad sacram communionem. Nam illius consecratio exhibet Christum passum, & pro nobis mortuum: si donec specierum inuoluitur: conditur in nobis: qui ideo esse debemus instar horti amoeni; & sepulchri noui, à foeteribus immunis, & excisi in petra, per tolerantiam mortificationum, & laborum;

Et iuxta montem Caluariæ positi per assiduam crucifixi memoriam. Tunc ad nos Christus libenter veniet per sacram communionem. Apponitur autem lapis ad ostium monumenti, per custodiam diligentem cordis & sensuū.

MEDITATIO LVI.

Solitudo B. Virginis post sepulturam.

PVNCTVM I.

RECEDIT à sepulchro, comitantibus Iosepho, & Nicodemo, atque ex itinere reuolvens crucem, supplex eam adorat, vt in qua peracta fuisset redemptio olim in suo vtero inchoata, & quæ suis brachijs excepisset Christum iam virum, quem infantem ipsa gestauerat: cauit autem, ne vestigia cruoris sparsi ipsa aut alij calcarent. Reuersa domum, gratias egit viris illis, simile quid precata. *Benedicti vos à Domino, qui fecistis misericordiam hanc cum Domino vestro, & sepeliuistis eum.*

B. Virgo
crucem ad-
oratur.

2. Reg. 2. 2.

PVNCTVM II.

TRANSEGIT eam noctem, partim sola inter lymbū & sepulchrum filij discurrens, partim cum Ioanne, & alijs commemorans acta eius diei, ac ex Ioanne audiens, quæ super coenam acta dictaque fuissent. *Plorans plorauit in nocte, ac lachrymæ eius in maxillis eius; non est qui consoletur eam ex omnibus charis eius.* Age, solatium cape: nam granum hoc, terræ conditum reddet fructum vberimum.

Thren. 1. 2.

Inspi-

B. Virgo
corroborat
Apostolos
in fide.

Inspirauit Christus Apostolis tuis, vt conuenirét, vbi erat Mater: ante alios Petrus, qui humi procidens, defleuit, & veniam petijt suæ negationis, tum alij. Collegit illos, vt gallina pullos suos, quando ad conspectum milui fugiunt. Confirmauit in fide resurrectionis; quando quidem passus esset, vt prædixerat, fore, vt similiter rediuiui cernerent, iuxta promissum ipsius. Indoluerunt omnes, cum aduerterent, deesse ex ipsis vnum, qui Magistrum prodiderat.

PVNCTVM III.

Magdalene
& sociarum
deuotio.

MAGDALENA, & aliæ sedentes contra sepulchrum, diligenter obseruarunt, quomodo poneretur corpus cogitantes, transacto sabbatho, venire ad vngendum. quare iuerunt, vt adhuc eo die emerent aromata, non contentæ centum libris, quæ fuerant insuptæ. Imperfectio quidem fidei, sed pia affectio. Ita oportet, recepta sacra comunione, cum quiete expendere, quomodo ad nos Christus veniat; tum ad paranda vnguenta excurrere, ad opera boni odoris se accingere, pro vtilitate corporis Christi mystici, & gloria Dei.

MEDITATIO LVII.

De custodia sepulchri.

PVNCTVM I.

Inimicorum
Christi fe-
ritas.

SACERDOTES, & Pharisei ipso sabbatho manè conuenerunt apud Pilatum, petentes,

vt iu-

vt iuberet custodiri sepulchrum: *quia seductor ille dixerat: post triduum resurgam.* Concitati odio, & inuidiâ, non curant Sabbathi obseruantiam, *seductorem* vocant veritatis doctorem, vanè timent, ne à discipulis corpus auferatur, fingantque resurrexisse illum. Frustra conantur obfuscare gloriam Christi, quam magis sic illustrarunt.

PUNCTVM II.

ILLI ergo *munierunt sepulchrum signantes lapidem cum custodibus.* Nec istis crediderunt, ideoque sigillum apposuerunt suum, tam anxij erant. Signabo ego cor, postquam Christum in Eucharistia accepero, ne euanescat deuotio.

PUNCTVM III.

MANSIT corpus in Sepulchro tribus diebus, & noctibus, sumpta parte pro toto. fuere duæ noctes integræ & vna dies: per illas significata est mors duplex, animæ, & corporis, à quibus nōs Christus sua morte liberauit; per diem autem vita gratiæ, quā nobis acquisiuit. Non fuit corruptum corpus iuxta vaticinium: *non dabis sanctum tuum videre corruptionem*, quia si corruptum fuisset, vtique & à persona Verbi destitutum. nihil autem reliquit, quod semel assumpsit. Vtinam à corruptione peccati ego præseruer, ne à Deo vnquam deserar. Amen.

Corpus Christi cur mansit in sepulchro duabus noctibus & die vno.

Psal. 15. 10

PARS QUINTA

MEDITATIONVM.

DE RESVRRECTIONE
Christi, & consequentibus
mysterijs.

INTRODVCTIO

V. PARTIS.

De Scopo viae Vnitivae.



1. Cor. 6.

EDITATIONES *Viae Vnitivae* finem seu scopum habent, *Vnitivae* cum Deo, de qua S. Apostolus: qui adharet Deo, unus Spiritus est cum eos. Et quamvis haec proprie *perfectorum* sit, tamen ad eam etiam *incipientes* ac *Tirones* suo modo aspirare debent. Quod uti facilius intelligatur, sciendum est *vnitionem* tribus praecipue modis fieri. 1. *intell.* 2. *voluntate*. 3. *Vita* ac morib⁹ ipsis. Intellectu fit, cum Deū intra nos ipsos portam⁹, memoria nostra quasi hospitio illū excipiendo, cumq; cognitione plena atque integra percipiendo, ut paulatim intellectus noster fiat *viua* quaedam imago, atque exemplar *viui* ipsius Dei, in quem, *revelata facie transformemur tanquam à Domini Spiritu.* & addit *speculantes*, ut intelligamus

2. Cor. 3.

hanc

hanc transformationem per meditationem præcipue fieri, conando, vt ea quotidie in nobis clarior, atque perfectior euadat. 2. *Voluntate* fit ista vnitio, cum illa, à seipsa egrediens, bonitatem intellectu cognitam amplectitur, eam amando, in ea sibi complacendo, & quàm coniunctissimè fieri poterit, eadē perfruendo; prout in Magno illo mādato (*Diligēs Dominum Deum, ex toto corde, anima, mente, viribus*) indicatur, omnes videlicet affectiones, desideria, atque intentiones in eum trahendo, atque transferendo. Ex quo varij affectus sequi solent, quales sunt isti. 1. *admirationis* tantæ maiestatis & perfectionum eius. 2. *gaudium*, eò quòd Deus tam excellens sit, & tanta faciat. 3. *laus & gratiarum actio* pro tot donis, cum desiderio eum videndi, possidendi, honorandi, eiūque obediendi, optando vt omnes illum agnoscant, ament, illiq; seruiant. 4. *Zelus* seruens diuinæ gloriæ & salutis animarum. 5. *Fiducia* de eius bonitate, prouidentia; vnā cum timore non illo seruili (quem *caritas foras mittit*) sed filiali, verendo, ne ab eo vnquam separetur, aut quid committat, vnde iustè tanta maiestas offendatur; dolendo etiam de peccatis omnibus, quibus iustam eius offensionē olim potuit incurrisse. 3. Vnitio est similitudo quædam *in vita & moribus*, fundata in perfecta conformitate voluntatis humanæ cum diuina, in omnibus, tam prosperis, quàm aduersis: Ex qua oritur exercitatio virtutum omnium ad Christianam

Luc. x.

1. Ioan. 4.

Matt. 5.

1. Cor. 3.

Psal. 83.

S. Tho. 21.

S. Dionys.

S. Bern.

Bonau.

Gerson.

Psal. 33.

Ephes. 5.

Sap. 10.

perfectionem spectantium, quibus homo Deo assimilatur, dicente Domino: *estote perfecti sicut & Pater vester cœlestis perfectus est.* Vnde etiam sequitur illud S. Apostoli, *ut speculantes gloriam Dei per meditationē transformemur in eandem imaginem transeuntes à claritate cognitionis ad claritatem affectus*, ac imitationem virtutum, donec ille *Deus Deorum* clarè tandem à nobis videatur *in Sion.*

Et quoniam cognitionis Dei in hac vita modus (sicut rerum spiritalium Magistri docent) duplex est: *vnus speculatiuus*, procedens à naturali intellectus nostri lumine, per fidem illustrato, meditando Dei ipsius perfectiones, adhibito duplici speculo, creaturarum scilicet, ac S. Scripturæ, quibus in hac vita ad cognitionem iuuamur *alter practicus*, procedens à supremo dono Spiritus sancti, quæ *Sapientia* dicitur, quasi sapida scientia, ut in introduct. partis 4. dictū est) fundaturq; in experiētijs admirandis, quas nos ipsi, in animabus nostris quotidie sentimus ex illustrationibus cœlestibus & affectibus internis charitatis, & amoris Dei, quibus aliquando *gustamus ac videmus* etiam in hac vita, quàm *suavis sit Dominus cōprehendēdo* & experientia quasi palpando *quæ sit latitudo caritatis, longitudo æternitatis, sublimitas diuinæ essentia*, ac *profundum Sapientia* Dei quem *noſſe, consummata iustitia est*, & *radix immortalitatis*: quia vita immortalis ex æterni Dei cognitione & virtutū illius imitatione procedit; quæ quidē

cognitio optimè eam experiendo addiscitur, sicut dulcedo mellis, aut vini efficacia nuncquàm melius, certiusq; cognoscitur, quàm si delibetur, atq; gustetur. Ideoq; optare possumus (teste D. Thoma) *Dei voluntatem bonam, beneplacentem ac perfectam* cognoscere, ne ab ea vnquam reflectamus.

S. Thom. 2.

2. q. 9.

Rom. 11.

Hinc cognoscitur, quis sit finis principalis meditat. 5. & 6. part scilicet, prima Dei cognitio, vt secundam assequamur, ac fruamur v-nitione bonitatis & voluntatis eius. Et quamuis *Contemplationis* præcipuus *scopus* sit ipsa Diuinitas, atq; infinite perfectiones Dei, cum quo homo vnus spiritus efficitur, ad eam tamen etià spectant mysteria humanitatis, atq; incarnationis filij Dei, ipsomet testante, *hanc esse vitam æternam, vt cognoscamus Deum verum, & viuû, & quem ille misit*, Iesum Christum, qui & delicias spirituales in sacra humanitatis suæ cognitione constituit dicens: Ego quàm homo sum ostium, per quod ingredi licet ad Deum: *per me si quis introierit*, vera fide credens in me & in patrem, saluabitur, & *ingredietur, & egredietur* à mysterijs humanitatis ad altissima secreta supremæ diuinitatis, & *pascua inueniet* spiritualis deuotionis ad animæ refectionem, &c.

Ioan. 17.

Ioan. 10.

Et quoniam Christus duplicem vitam traduxit, vnã mortalem & patibilem; alteram immortalem, & impatibilem; meditationes quintæ partis (quæ sunt de vita eius gloriosa) propriè pertinent ad perfectos, qui *Christum*

2. Cor. 5.

*norunt non secundum carnem patibilem, sed
secundum spiritum glorificatum.*

MEDITATIO PRIMA.

*Descensus Animæ Christi ad
inferos.*

PUNCTVM I.

Lymbus
quid.

ERAT lymbus locus in inferioribus
terræ partibus, vnde etiam vocatur in-
fernus, in quo detinebantur animæ om-
nium Iustorum iam purgata, expectantes re-
demptionem per Christum: quarum erat oc-
cupatio, desideria illius ardentissima, qualia
fuerunt Prophetarum in hac vita, imò &
multò feruentiora. & ita dicebant: *Ostende,
nobis, Domine, Misericordiam tuam, & saluta-
re tuum da nobis*, & similes voces: quos Ioan-
nes Baptista ante Christum defunctus, spe so-
latus fuerat aduentantis Saluatoris, ad ipsos
liberandos. In quo etiam præcursoris munus
exhibuit. Cogitabo, similiter me ipsum in hoc
corpore, tanquam carcere detentum, cupiam-
que dissolui, & esse cum CHRISTO, inge-
miscens cum D. Paulo: *infelix ego homo, quis
me liberabit de corpore mortis huius? & cum
Dauid: fuerunt mihi, lachrymæ panes die ac
nocte: dum dicitur mihi ubi est Deus
tuus? & educ de custodia animam
meam ad confitendum
tibi.*

Suspiria.

Psal. 8. 48.

Documen-
tum.

Rom. 7. 24.

Psal. 41. 4.

14 1. 8.

PUNCTVM II.

AD hunc lymbum descendit anima Christi, statim ac in cruce expirauit, unita hypostaticè Verbo, sicut & corpus in cruce mansit unitum. Poterat absque personali suo descensu liberare illas animas, vel solo verbo, vt Lazarum ex monumēto, vel per Angelos; at quæ bonitas illius est, & charitas, voluit per se id præstare, sicut scriptum erat: *Tu quoque in sanguine testamenti emisisti vin- cios tuos de lacu, in quo non est aqua.* Sic etiam poterat saluare nos, absque descensu de coe- lo, sed non erat satis suæ charitati. Nec chari- tatis tantum fuit, sed humilitatis, eò se di- mittere, vt non ad terram solùm homo factus descenderet, sed etiã *ad inferiores partes terræ*, vt ait Paulus: vnde meruit ascendere super om- nes coelos, quia, *qui se humiliat, exaltabitur.*

PUNCTVM III.

DESCENSVS iste fuit gloriosissimus cū magno Angelorum comitatu, qui cogi- tari possūt præeuntes dixisse infernalibus po- testatibus: *Attollite portas & introibit Rex gloria:* ac quærentibus, *qui est iste Rex gloria?* respondisse: *Dominus fortis & potens, Dominus potens in prælio, Dominus virtutum ipse est Rex gloria.* Dominus est virtutum, quia omnes eminentissimè habuit, & ex- ercuit; sed & virtutum cœlestium, qui sunt Angeli nam ei omnia parent, cū sit omni- potens. Ergo, *confiteantur Domino misericordia*

Christi del-
cendentis
ad lymbū
I.
Charitas.

Zach. 9. 11.

II.

Humilitas.

Ephes. 4. 9.
Luc. 14. 11.

Descensus
qualis.
Psal. 23. 10.

Christus est
Dominus
virtutum.
Psal. 108. 15.

esui & mirabilia eius filiis hominum, qui con-
trivit portas areas & vias ferreos confregit. ò,
idem faciat in me, c. nterendo, & frangendo,
quidquid obstat in animam meam ingressui,
ut sunt peccata, prauæque affectiones, & con-
suetudines.

PUNCTVM IV.

Lymbum
Christus il-
lustrauit.

Eccles. 24.

Lætitia a-
marum.

Apoc. 5. 12.

Lætitia a-
nimæ Chri-
sti.

Isaï. 53. 11.

QUOD ad ingressum suum illuminauerit
loci illius tenebras, & multò mirabili-
us animas ipsas Iustorum, impertiens illis cla-
ram visionem diuinitatis, sicque illud implens
de sapientia æterna dictum: Penetrabo omnes
inferiores partes terræ: & inspiciam omnes dor-
mientes, & illuminabo omnes sperantes in Do-
mino. quantum illic gaudium? quales gratia-
rum actiones? per choros distributi Patriar-
chæ, Prophetæ, Sacerdotes, Reges, Martyres;
& in his innocentes ab Herode interfecti, ob-
stupefacti tanta circa se bonorum affluentia,
laudabant auctorem vno ore diceptes: Dig-
nus est Agnus, qui occisus est accipere virtutem
& Diuinitatem, & sapientiam, & fortitudi-
nem & honorem & gloriam, & benedictionem
Inter quos plausus sanctæ illius beatitudinis
ipsa Christi anima mirificè exultauit, imple-
tum videns promissum illud: Pro eo, quod la-
borauit, anima eius videbit & saturabitur: ideo
dispertiam ei plurimos. & fortium diuidet
spolia pro eo, quod tradidit in mortem animam
eius. & cum sceleratè reputatus est. ò, vti-
nam sum ego ex spolijs CHRISTI; exijs,

quos

quos ille eximit à potestate diaboli. Discant etiam hinc longanimis esse, sperando, ut sancti illi, quia tandem venit laborum finis, & interminabilis succedit requies.

PUNCTUM V.

MANSIT Christus in limbo vsque ad Resurrectionem suam per horas circiter quadraginta. Interea aduenit anima latronis boni, quam Christus beatificauit, iuxta promissum: *Hodie mecum eris in paradiso.* quin eorum coetu illo sanctorum eum collaudauit de cōfessione sibi exhibita inter contumelias crucis: & sancti ipsi valdè ei propterea gratulati sunt. Deinde fit credibile, animas ex purgatorio liberatas à Christo fuisse, applicato sui sanguinis pretio, atque ad reliquos sanctos, & beatos fuisse aggregatos.

Damnati sine solatio relictī sunt, imò confusione affecti, quod medijs salutis uti noluerunt, ac nominatim Iudas, qui tam proximus Christo fuerat; & malus latro, qui etiam Christo illuserat.

Denique fremebant tartareæ potestates, cernentes se vinctas, & impotentes ad resistendum, & tot spolia per annos fere quinquies mille congregata vnico momento sibi detrahi à fortiore superueniente; qui expoliatus principatum traduxit confidenter, palam triumphans illos in semetipso.

Quamdiu
in limbo
mansit.

Luc. 23. 43.

Purgatorio
solatio.

Damnato.
um rabies.

Confusio.

Luc. 11. 22.
Colos. 2. 15.

MEDITATIO II.

De Resurrectione Christi.

PUNCTUM I.

In festo
Resurrecti-
onis.
Resurrectio
Christi
accelerata.

Cum nocte
mortuus
manere re-
surgit?
Rom. 4. 25.
Psalm 136.

Lætitia a-
nimæ Chri-
sti egredi-
entis.
Gen. 32. 10.
Exod. 15. 1.

NON integris tribus diebus & noctibus distulit resurrectionem, sed secundum partem, quia acceleravit lætificare suos mœstos de eius morte, & mundum totum gloriâ suâ illustrare. vitæ tempus fuit dies, mortis verò fuit nox. *exultavit ut gigas ad currendam viam*, diei per triginta tres annos, noctis autem horis triginta sex. Festina, obsecro, animam meam tuâ gratiâ visitare.

Circa noctem voluit mori, circa manè surgere, quia moriebatur propter delicta nostra, quæ tenebræ sunt: *resurgebat autem propter iustificationem nostram*, quæ est lux, utque luctum abstergeret, gaudium conciliaret. *ad vespærum de morabitur fletus, & ad matutinum lætitia.*

Egressa est ex limbo anima Christi cum insigni & numerofo illo comitatu mirificè læta, vsurpans illud: *In baculo meo* (crucis) *transiui Iordanem* (passionem) & *nunc cum duabus turmis regredior*. Cui accinebant turmæ: *Cantemus Domino, gloriosè enim magnificatus est: equum & ascensorem deiecit in mare, fortitudo mea, & laus mea Dominus.*

PUNCTVM II.

PERREXIT anima Christi cum suis comitibus ad sepulchrum, eisque ostendit corpus exangue, & lacerum; ut intelligerent, quanti ipsos fecisset: quo spectaculo obstupuerunt, & laudauerunt pariter suum Redemptorem.

1.

Collegit Christus ministerio Angelorum omnem sanguinem per loca varia sparsum, & suis venis reddidit: tum etiam capillos euulsos, ut dictum eius in ipso quoque impleteretur, *capillus de capite vestro non peribit.*

2.

Sanguis
Christi collectus.

Post hæc resumens Anima corpus, vnguenta, & pædorem omnem absterxit, & longè melius, quàm in monte Thabor, illud immutauit. nam primò animales imperfectiones depulsi; mortalitatem, & patibilitatem, nec non ponderositatem, ad ima: dein claritate affecit præ quauis creata luce, etiam solis: & emicabant præcipuè illa quinque foramina fulgore mirifico. subtilitatem etiam contulit, quæ factum, ut ex sepulchro clauso egrederetur, quemadmodum nascens ex utero Virginis. nam & hæc fuit quædam natiuitas, testante ipso æterno Patre de hac die: *ego hodie genui te.* sicut in Actis exponitur. Nisi quod in prioribus natus est ad labores, & humanis subiectus miserijs; in posteriore autem ad meram felicitatem & gloriam: quare iam gloria & honore coronatus gratias egit Patri, sic eum allocutus: *Conuertisti planctum meum in gaudium*

Luc. 21. 18.
Transfigurationis
corporis resumpti.

Subtilitas.

Act. 13. 33.

Psal. 29. 12.

mihi, omni diu saccum meum, & circumdedit me letitia, vt canter tibi gloria mea, & non compungar.

PUNCTVM III.

Angelorū
occurtur.

Heb 1. 6.

Luc. 2. 14.

Psal 127 2.

AD huius actus celebritatem conueniunt Angeli magna frequentia; gratulantes Christo, eiusque triumphum celebrantes. nam sic illud Pauli intelligi potest: *Cum iterum introducit primogenitum in orbem terre, dicit; & adorent eum omnes angeli eius;* primò enim introduxit Pater æternus Filium, quando in Bethlehẽm natus est nunc secundo, quando resurrexit. Atque ita canticum illud Angeli iterarunt: *Gloria in excelsis Deo, & in terra pax hominibus bonæ voluntatis.* Gratulemur igitur & nos: quia hæc dies, quam fecit Dominus, exultemus & latemur in ea.

PUNCTVM IV.

SS. quorū-
dam antici-
patur re-
surrectio.

Documen-
ta.

I.

VOLUIT Christus glorificationem corporis cum alijs communicare, quorum monumenta in ipsius morte fuerunt aperta. id fecit pro bonitate sua, quæ auebat se alijs quoque communicare. Deinde, vt in eo nos confirmemur, in spem similis gloriæ participandæ. Præterea, vt adumbraret resurrectionem spiritualem nostram: *Vt quomodo Christus resurrexit à mortuis per gloriam Patris, ita & nos in nouitate uitæ ambulemus.* Ac in primis, *vti Christus resurgens à mortuis, iam non moritur:* ita nos ad priora peccata nō amplius reuertamur, vt ille impatibilis resurrexit: ita

nos

nos passionibus prauis non simus obnoxii, et claritate corporis illius, ut intus illustremur; pro agilitate, ut simus quam promptissimi ad voluntatem Dei exequendam; pro subtilitate, ut nihil terrenum nos retardet, quin ad coelum penetremus ibique sit conuersatio nostra; atque ita glorificati corporis dotes ad animam pro hac etiam vita transferemus.

Sed considerandum, quod illi tantum resurrexerunt, quorum sepulchra aperta fuerant in Christi morte, hoc est, qui Christi passione operante, conscientias suas rite aperiunt confitendo, & dolore cordis scinduntur. Neque tunc omnes iusti resurrexerunt, sed qui in morte illius, corde scissi sunt, ut illae petrae, nam si *compatimur & conglorificabimur.*

Licet etiam obseruare, quod, qui resurgunt, alij quidem ligati institis, ut Lazarus; alij, ut Christus, relicta sindone, & sudario: illi sunt, qui non deposuerunt prauas affectiones, & impedimenta: isti autem, qui expoliantes veterem hominem cum actibus suis, induunt penitus nouum, qui secundum Deum creati sunt.

MEDITATIO III.

Apparet Matri, & annuntiatur ab Angelis Resurrectio.

PUNCTVM I.

TRES manifestationis modi. i. per sanctos, qui tunc simul resurrexerunt, & apparuerunt multis in Ierusalem, ut habet Matth. te-

stifican-

Resurrectio
Christi ma-
nifestatur
tripliciter.

Mat. 27. 59.

Rom. 8. 17.

3.

Colos. 3. 9.

2.
3.
Ahor. 1.3.

stificantes Christi resurrectione, & gloriam.
2. Per Angelos ad sepulchrum: 3. Per seipsū,
præbens seipsum viuum in multo argumentis
per dies quadraginta pro maiore confirmatio-
ne & solatio suorum, atque ad testatiorem fa-
ciendam resurrectionem suam.

Solet Deus se animæ manifestare similibus
modis, per viros sanctos, per Angelos, & per
seipsum. de quo ait: *qui diligit me, diligitur*
à Patre meo, & ego diligam eum, & manifesta-
bo ei meipsum.

Ioan. 14.21.

PUNCTVM II.

I.
Apparet
Matri.

Psal. 56.9.

APPARET primū Matri, vt certissimè
credenti, ita ardentissimè desideranti,
& expectanti conspectum filij; illudque vsur-
panti: *Exurge gloria mea, exurge Psalterium*
& cythara: hoc est, laus & gaudium meum,
adest enim dies tertia, & dixeras: *exurgam*
diluculo.

Psal. 16. 15

Psal. 93. 19.

Cor. 2. 9

In hac expectatione defixæ Matri apparet
Christus in omni claritate, quam habebat,
confortans illius sensus, vt ferre possent illius
maiestatem: impletumque in Virgine ex parte
illud est: *satiabor, cum apparueris gloria tua.*
Ineffabile est, quod illa sensit; æstimari autem
ex parte potest, eò quod *secundum multitu-*
dinem dolorum eius in corde suo consolationes
diuine letificauerunt animam eius. quæ mutuo
tunc dicta, & acta, quis memoret? Haud du-
biè sacra vulnera, quæ cor Matris perfode-
rant, suauissimis osculis demulsit, hausitque
inde, quantum *in cor hominis non ascendit.*

Adfu-

Aduere cum Christo tres chori: Angelorum vnus, alter animarum sanctarum, tertius Sanctorum resuscitatorum, qui gratulati sunt Virgini, & dignitatem à tali Filio, & de Resurrectione eius gaudium, gratiasque egerunt pro obsequijs in vita mortali exhibitis, in quo fuisset cooperata redemptioni mundi. Excepti eos Virgo magno sensu lætitiæ, conspecto iam in ipsorum liberatione tam insigni fructu mortis Filij sui. Nec abs re credi potest, multitudinē cœlestis exercitus, qui aderant, sicut nascenti Domino occinuerunt laudes apud pastores, ita resurgenti in hac corona, & congressu Filij cum Matre, similiter fecisse, decantantes illud: *Regina cœli lætare alleluia, &c.* nam & hanc Antiphonam ab Angelis acceptā fuisse, traditum est.

Insigni comitatu.

PUNCTVM III.

SV B idem tempus Magdalena & reliquæ mulieres venerunt ad monumentum, vt vngerent Iesum. In quibus laudāda est. 1. Obedientia legis, quia Sabbatho quieuerunt, licet maximè desiderarent quàm primùm hoc officium præstare. 2. Diligentia: quia, cum adhuc tenebræ essent, dederunt se itinerrī, sexus alioqui timidus. sic vult quæri Deus: *qui mane vigilant ad me: inuenient me*, & ante solis ortum colligi debebat manna. 3. Perseuerantia in cœpto, licet euntibus offerret se difficultas: *quis reuoluet nobis lapidem ab ostio monumenti?* & respondit Deus perseuerantiæ illarum, reuoluto lapide.

1.
Obedientia.

2.
Diligentia.

Pro. 8. 17.
Sap. 16.

3.
Perseuerantia.

PUNCTVM IV.

Matt. 28, 2
 Apparet
 Angelus.

CVM appellerent ad monumentum: Angelus Domini descendit de celo, & reuoluit lapidem ab ostio monumenti, & sedebat super eum: erat autem aspectus eius sicut fulgur, & vestimentum eius sicut nix. Extremi autem sunt custodes, & facti velut mortui. sed mulieres idem Angelus confortauit: Nolite timere vos: timeant illi, qui Christo aduersantur, non vos, qui ipsum quaeritis. Verumtamen non est hic: surrexit enim, sicut dixit. Venite, videte locum, ubi positus erat Dominus.

Cum Maria
 ieffiat.

Luc. 24, 4

Sumpto animo, mulieres ingressae sunt cryptam, & consternatae, cum haerent, quod in sepulchro, quod excauatum erat in petra, non inuenissent corpus IESU: ecce duo viri steterunt iuxta illas, ad caput & pedes sepulchri in veste fulgenti. cum timerent autem & declinarent vultum in terram, dixerunt ad illas, quid quaeritis viuentem cum mortuus? non est hic, sed surrexit; atque ad excitandam eius rei fidem, subdunt: Recordamini. qualiter est locutus vobis, quia oportet filium hominis tradi & crucifigi, & tertia die resurgere? & recordatae sunt verborum eius. Confirmarunt posteriores duo Angeli idem, quod prior affirmauerat, & utrique allegarunt praedictionem a Christo factam.

Christi cognomen.

Obserua: quod Angelus vocat Iesum crucifixum Nazarenum: quasi nouum cognomen sortitus sit, ut nominetur Crucifixus.

Quae-

Quærent Iesum crucifixum, qui profitentur
cum D. Paulo: *se nihil scire, nisi Christum, &*
hunc crucifixum Idem Christus est Nazare-
nus, siue floridus, cuius floribus fulciri petit
spensa, cum languet amore.

1. Cor. 2. 2.

Cant. 2. 5.

Angeli boni est reducere verba Christi in
mentem, ad excitandos bonos motus, & ad
docendum: item suauiter redarguere vacil-
lantem, vt hic: *quid quæritis viuentem cum*
mortuum?

Iubet renuntiari resurrectionem *discipulis*
& Petro. huic præsertim, vt erigeretur eius
animus; & intelligeret suam poenitentiam
fuisse acceptam Deo. *Regressæ igitur sunt mu-*
lieres à monumento, cum timore & magno gau-
dio currentes, vt nuntiarent Apostolo.

Marc. 16. 7

Marc. 28. 8.

MEDITATIO IV.

*Apparet Magdalena.*Feriâ 5. post
Pascha.

PUNCTVM I.

MAGDALENÆ, ex qua septem Dæmo-
nia Dominus eiecerat (hoc est, pecca-
torum multitudinem) primò, apparet: quia
præteritæ culpæ non obstant, quando nouis
obsequijs & charitatis seruire compensatur.
quod fecisse, præ reliquis, Magdalenam satis
constat.

PUNCTVM II.

MAGDALENA cæteris abeuntibus, Magdale-
mansit apud sepulchrum, fuit quidem
næ feruor.

ex imperfectione fidei, quod Angelis non crederet, Dominum surrexisse, sed ex feruore tamen amoris, quod Christo carere nequireret, & quo viuo frui non poterat, mortuo volebat.

Stabat ad monumentum, non sedebat, quippe anxia & sollicita, & circumspiciens omnia, inclinauit se, & prospexit in monumentum, quamuis antea vidisset eum abesse. amor nunquam sibi fecit satis, nec destitit ab iisdem studijs pietatis, pro inueniendo dilecto.

Matt. 7. 8.

Vidit duos angelos ad caput & pedes sepulchri, qui eam interrogant: mulier, quid ploras? non cohibuit impetum lachrymarum angelicus aspectus, sed irritauit magis ea interrogatio? quomodo non plorem! Quae mihi consolatio contingere potest sine illo! ita affecti esse debemus. Si dedero somnum oculis meis, donec inueniam locum Domino in corde meo, ita sponsa per vicos & plateas querebat dilectum. Hæc iusta lachrymarum causa, amissio Dilecti. Id autem fit, vel per peccatum mortale, vel quando se subtrahit etiam iustus.

Psal. 131. 4.

PUNCTVM III.

*Consolatur
Magdalenam
sensum.*

Ioan. 20. 14.

Isa. 30. 21.

CHRISTVS compellat Magdalenam. Non statim se manifestat, sed per gradus & sensum. Primò ad aliquem velut aduentantis sonitum, conuersa retrorsum vidit Iesum stantem. sic eos, qui Deo verterunt dorsum, solet ille, quasi à tergo commonere, vt apud Isaiam: *Aures tuae audiunt verbum post tergum monentis. Hæc est via ambulate in ea. & ad*

ipson-

sponsam: *Reuertere, reuertere Sulamitis, vt intueamur te.* Cant. 6. 12.

Non agnouit Christum Magdalena: quia alieno habitu se ostenderat, ob imperfectam eius fidem. sic nos, quia tepidè credimus, præsertim in Eucharistia, quasi non agnoscimus, nec pro tali reueremur: vt hortulanum se exhibet, quia egemus cultura.

Deinde alloquitur eam. Christus: *Mulier quid ploras? quem quæris?* cum Deus quærit, subest aliquid, quod improbat. quod quasi nescire videtur, quia non scit ita, vt probet. Ita Magdalena non rectè quærebat mortuū, quem resurrexisse credere debuerat: vnde tacitè arguitur. Docemur examinare causas nostrorum affectuum; quæ sæpe non sunt synccræ; & nos magis, quàm Deum cognoscimus; aut non, sicut oportet.

PUNCTVM IV.

MAGDALENA existimans, quia Hortulanus esset, dixit ei: Domine, si tu sustulisti eum; dicito mihi, vbi posuisti eum: & ego eum tollam. Apparet feruor amoris. i. quod tota in dilecto posita, loquitur de illo; quasi de re omnibus nota. *si tu sustulisti eum.* quemnam? videlicet, *vbi est thesaurus, ibi & cor.* 2. quod amor inducit obliuionem sui, vt homo loquatur, aut agat quædam minùs in speciem conuenientia. vt cum *Dauid saltabat coram arca;* vnde etiam irrisus est. sic ista quærit: an sustulerit; cum non esset probabile, vt, cum

Cur Magdalena Christum non nouit.

Quid interrogando Christus intendit.

Ioan. 20. 13. Vis amoris Magdalene apparere.

1.

Matt. 6. 21.

2.

2. Reg. 6. 1.

16.

3.

2. Cor. 4. 10.

1. Cor. 6. 20

Dominus horti ibi sepeliuntlet Christum, hortulanus abstulisset. 3. Amor audet difficilia. quomodo tolles tu? & an, quem Pilatus custodire iussit, ne auferretur, tu tolles? tollam ego eum, sicuti hortatur Paulus: *semper mortificationem Iesu in corpore nostro circumferentes, & ut vita Iesu manifestetur in corporibus nostris. & alibi: empti estis pretio magno, glorificate & portate Deum in corpore vestro.*

PUNCTUM V.

Christus se
manifestat
Magdale-
næ
Hebr. 4. 12.

CHRISTVS se manifestat Magdalena, tantum compellans nomine proprio, *Maria. sermo Dei viuus & efficax*: abstergit lachrymas, mentem illuminat, replet gaudio ita contingit ijs, quos Deus nouit ex nomine. Magdalena vicissim verbum verbo reddit, *Rabboni*: Magister mi, vocabulo aliàs ei usitato compellat, ideo etiam, quod ipsam tunc compleffet scientiâ sui Magister bonus.

Accidit ad pedes, sed prohibetur tangere docetur iam non agendum, ut aliàs, quando mortalis inter homines versabatur. Amor non minuat reuerentiam Maiestatis. depellitur etiam ob imperfectam fidem, nam rationem reddit: *Nondum enim ascendi ad Patrem meum*: hoc est, apud te existimor, qualis antea fui, non iam, ut glorificatus, & mox ad Patrem ascensurus.

Iubet renuntiare Apostolis: *Ascendo ad Patrem meum, & Patrem vestrũ, Deum meum*

& Deum

Deum vestrum. ô, amica salutatio! Pater meus per naturam, vester per adoptionem, Deus meus vnitate essentis, vester vnione charitatis:

MEDITATIO V.

Apparet alijs Mulieribus.

PUNCTVM I.

MAGDALENA ad sepulchrum remanente, reliquæ mulieres festinarunt renuntiare Apostolis, quæ viderant, nempe Christum in sepulchro non esse; & visionem Angelorum. Interea Magdalena, cum vidisset Dominum, læta properauit, assensuta est socias (vt quidam probabiliter putant) quas accendit desiderio videndi Christum, narratione apparitionis sibi factæ. Christus ergo sedulitatem illarum, adeundo sepulchrum, & excitatum in eis desiderium, vti est bonus, frustrare noluit, simulque progredientibus, ac de ipso loquentibus exhibuit sese, ita salutans: *Auete*: & quia verbum eius est efficax, impertijt, quod eis precabatur, verum cordis gaudium & pacem, tale precatus Gabriel Mariæ: *Aue gratis plena.* Nimirum benedictio illa, quam inchoauit Incarnatio, consummauit Resurrectio. Disce, quod Deus, studiosè, & perseueranter ipsum desiderantibus tandem se præbet. Opta tibi illud, *Aue*, à Domino.

Magdalena
alijs nunciat
resurrectionem.

PUNCTVM II.

Mulierum
reuerentia.

ACCEDENTES mulieres tenuerunt pedes eius, & adorauerunt eum. summa reuerentia accesserunt, & ita permissæ sunt tangere, & osculari, ac pro studio, quod voluerant Dominum in sepulchro ungere, & ipsæ vnctæ sunt oleo lætitiæ, & exultationis à Domino.

PUNCTVM III.

Matt. 28, 10.

Iubentur
ire in Gali-
læam.

TVNC ait illis IESVS, nolite timere. ite, nuntiate fratribus meis, vt eant in Galilæam, ibi me videbunt. Idem prorsus Angeli monuerunt. sic solet Deus seruorum suorum astruere dicta. Iubet in Galilæam ire, vt in locum quietiorem, quod melius ipsius præsentia fruantur. Ita, licet inter distractiones occupationum ostendat se aliquando nobis, oportet captare tamē secessum quietum. id etiam monet vocabuli notio. Nam *Galilæa* significat transmigrationem, quæ debet fieri & à vitijs, & à tumultu, vt videatur Deus.

Dulce autem, quod fratres vocat. non ita Angelos, quia non hos, sed semen Abraham apprehendit, homo factus, non Angelus. ô, sim etiam frater similitudine virtutis & sanctitatis. Dicit mihi IESVS, frater meus es, & fac quod dicis, vt sim verè.

MEDITATIO VI.

*Petrus & Ioannes adeunt sepulchrum,
& apparet Dominus Petro.*

PVNCTVM I.

MVLIERES nuntant Apostolis lugentibus & flentibus, & non crediderunt illis: *sed visi sunt, quasi deliramenta.* Tam ægrè homo auellitur a sensibus: quamvis prædixisset Dominus Resurrectionē suam, & Lazarum atque alios ab ipso resuscitados viderent Apostoli, totque alia miracula; tamen hærerent. extrema vitanda sunt: leuitas credendi, & durities, nec pro deliramento habendum, quidquid à simplicioribus affirmatur, sed prudenter examinandum.

PVNCTVM II.

PETRVS & Ioannes accurrunt ad sepulchrum, qui quidem non deliramento habuerant reuelationē factam mulieribus, sed inuesigare indicia prudenter voluerunt. Et ausi sunt ipsi quoque, non obstante custodia sepulcari, illuc pergere. Non apparuerunt eis Angeli, quia sufficiebat relatio mulierū, & indicia sudarij & linteaminum. Vnde etiam reduxerunt ad mentem Christi prædicationem.

In Petro & Ioanne signantur fides & charitas, per quas Christus quærendus. Petrus prior ingreditur, quia & fides, mox sequitur

Sabbatho
post Pa-
scha.

Luc. 24. II.
Fides. quā
difficilis.

Duorum
discipulorū
prudētia.

Eorundem
fides &
charitas.

charitas; vtraque autem roboratur, vilo le-
pulchro. In iisdem exprimitur vita actiua &
contemplatiua, illa ad hanc disponit per ex-
ercitium virtutum.

PUNCTVM III.

LUC. 24. 12.
Petri dili-
gentia.

CVM redirent Petrus & Ioannes, vide-
tur Petrus solitarius ambulasse, vt ait
Lucas: *secum mirans, quod factum fuerat.*
Talia igitur meditati apparuit Christus. sæ-
pè magni peccatores existunt digni maiori-
bus fauoribus, ob feruorem conuersionis suæ
quàm alij, qui non ita ceciderunt. Primi mu-
lier & primus vir, quibus in Euangelio legi-
tur apparuisse, fuerant tales; Magdalena &
Petrus: vbi abundauit delictum, superabun-
det & gratia. Hinc confidam, quamuis pec-
cator, sed sui victoriâ præclarâ opus est.

Petri pu-
dor.

Petrus confusione plenus procidit ad pe-
des Christi, qui illum suauissimis verbis so-
latus est, & animauit, tum iussit, vt con-
discipulos confirmaret in fide resurrectionis.

Præstitit id Petrus: vnde iam non pro de-
liramento habebant, sed assueueranter dice-
bant: *Quia surrexit Dominus verè, & appa-
ruit Simoni.* tantum potuit testificatio

Petri præ mulierum asse-
neratione.

(S)

MEDITATIO VII.

Apparet euntibus in Emaus.

PUNCTVM I.

Feria 2.

Paschæ.

DVo illi discipuli tristitiâ & timore affecti ob ea quæ circa Christum acciderunt, secesserunt Ierosolymâ, solatium aliunde quærentes. Non est idcirco à consortio discipulorum Christi recedendum propter adueriâ.

Adfuit autem illis Christus, tum pro sollicitudine sua circa oves suas errantes, tum, ut afflatis solatium afferret: tum, quia de ipso colloquebantur: *Vbi sunt duo vel tres congregati in nomine meo, ibi sum in medio eorum.*

Matt. 18. 20

Non agnouerunt illi Christum, quia fidentabant; & quia nimia tristitia tenebantur. sæpe Deus adest tribulatis, quando ipsi non putant.

PUNCTVM II.

CHRISTVS suauiter discipulis se innuat; *Qui sunt hi sermones, quos confertis ad inuicem, & estis tristes?* ex ipsis intelligere vult, quod aliqui nouit: ita delectatur talibus sermonibus de Deo, ut sibi repeti velit. Respondent autem, de Iesu Nazareno, qui fuit potens opere & sermone corâ Deo & omni populo. magnifica æstimatio: quæ cōsistit in quatuor circumstantijs: *potens opere & sermone.*

Luc. 2. 19.

Suauis in agendo Christus.

prius coepit facere, postea docere. Doctrinam factis confirmavit, tum miraculis, tum exemplis: *coram Deo*, ad placandum ipsum, nobis: *coram populo*, ad conuertenda hominum corda, vel Deo, & hominibus comprobantibus. Studeam esse talis, potens exemplo & verbo apud Deum studio orationis, vnde valeam etiam homines conuertere.

Imbecillitas in fide.

Sed, quæ est imbecillitas humana, ostendunt, se excidisse à spe. *Nos autem sperabamus, quia ipse esset redempturus Israel.* ita nos, quando ex sententia nostra non fit, putamus rem perditam. scilicet non assequebantur illi, quomodo Christi mors cedere posset, præsertim tam ignominiosæ, ad Redemptionem Israel.

PUNCTVM III.

Asperè reprehendit illos Christus.

Profunda dicti ratio.

CHRISTVS eos acriter redarguit, ut fidem excitet. *ô stulti, & tardi corde ad credendum. Stultos* vocat, quod, cum toties prædixisset de sua morte, tamen diffident de Redemptione, eò quod mortuus esset. *Tardos* autem, quod, cum indicia haberent de resurrectione ipsius, nihil eis mouerentur. nam retulerant testimonium mulierum, quæ ab Angelis de resurrectione didicisset. Reddit autem rationem. cur debuerit mori: *Nonne oportuit Christum pati, & ita intrare in gloriam suam?* suâ, quia alioqui debitâ. quod Filius Dei. esset. Quod si ille sic per passionem debuit intrare; quomodo non etiam nos? quare *stulti & tardi corde* sumus; si in tribulationibus deficimus,

non

APPARET EVNTIB. IN EMAVS. 612

non attendentes, quia ita oportet intrare in gloriam Dei. Tandem, incipiens à Moysè, & omnibus Prophetis interpretabatur illis scripturas, quæ de ipso erant; idque tam efficaciter, ut cor eorum exardesceret, sicut postea professi sunt. Opto, Domine, ut mihi similiter mysteria tuæ mortis aperias, ut totus ignescam.

PUNCTVM IV.

INVITATVR Christus ad manendum ille *se finxit longius ire*, indicium præbens pergendi ulterius, nam etsi cupit nobiscum esse, vult tamen desiderari, & rogari, & per ipsum opus hospitalitatis, dum rogant, voluit dignos reddi, qui ipsum exciperent.

Disimulat
Christus
habitum.

Christus
cogi gau-
det.

Genes. 32. 26

Oratio il-
lorum.

Quin *coegerunt illum*, vult cogi Dominus instanti oratione, ut Iacob Angelum coegit: *non dimittam te, nisi benedixeris mihi* Et est in negotio salutis tam studiosè agendum, ac si Deum cogere velimus. Agunt etiam ratione; *Mane nobiscum Domine, quoniam ad vesperas cit & inclinata est iam dies*, Appellant Dominus conceptâ ex sermone eius reuerentia. Ad vesperas cit in anima, quando illa tepescit, & propinqua est morti: appropinquatio etiam ad mortem corporis vespera est. Diligam te, Domine, ut venias ad me, & facias mansiorem apud me.

PUNCTVM V.

AGNOVERVNT Christum in fractione panis. i. voluit agnosci in exercitio

Luc. 24. 30.
1.

Hospitali-
tas.

2.
Eucharistia.

1 Reg. 14. 27

Iob 7. 18.
Euanuit
statim.

Feria 3.
Paschæ.

I.
Cur serô
apparuit.
Habac. 2. 3.
Iob 11. 17.

II.
Cur clausis
ianuis.

boni ope 1; vt commendaret hospitalitatem erga pauperes, & peregrinos. 2. quia ea vis est panis cœlestis, illuminare mentes, multo magis quàm *mellis à Ionatha degustati*. Creditur enim Eucharistiam porrexisse.

Vbi *aperti sunt oculi eorum, & cognouerunt eum, euanuit ab oculis eorum*. quando maximè frui aspectu illius voluissent. *Visitas hominem diluculo, & subito probas illum*. Solent huiusmodi visitationes esse breues; & vult Deus, nos bonis operibus intendere. Sic isti confestim aduolarunt, vt Apostolis nuntiarent.

MEDITATIO VIII.

*Apparet discipulis congregatis
eodem die.*

PUNCTVM I.

SERò apparuit: distulit ob tarditatem quorundam ad credendum: & vt desiderium magis acueret credentibus, & vt minùs iam expectatus, plus lætitiæ afferret. *si moram fecerit, expecta eum, quia veniens veniet & non tardabit. & cum te consumptum putaueris, ori-
etur vt Lucifer.*

Venit clausis ianuis, vt intelligeretur, corpus eius esse glorificatum, & dono subtilitatis affectum, ad penetrandum quæuis corpora; & quòd similiter possit in animam ingredi, & pro libitu eam inspicere, nullo obstaculo præualente, & quòd placeât sibi illi, atque ad eos libenter ingrediatur, qui clausas habent

fores.

fores cordis, nempè sensus, seque collectos
feruant. Ingredere ad me, Domine, perrumpe
obstantia, fac sim tibi custoditus, clausus
vanitatibus.

Stetit in medio eorum, sic dictum suum im-
plens: *Vbi fuerint duo vel tres congregati in no-
mine meo, ibi sum in medio eorum*. In medio est,
vt sol collustrans, ac Magister docens, vt pa-
stor congregans, & prouidens ouibus; vt me-
diator inter Deum & homines, ipsos inter se
pacificans: Denique, vt protegens sub alijs su-
is. Contingant eadem mihi; & sit anima mea
vt domus clausa, in qua tres animę facultates,
memoria, intellectus, & voluntas congregen-
tur in nomine Christi ad orationem: ad erit il-
le haud dubiè in medio illarum.

PUNCTVM II.

SALVAT discipulos: *Pax vobis, ego sum*, Salutatio.
nolite timere. pacem impertit acquisitam.
morte sua, quam aliàs promiserat, *pacem me-
am do vobis*. Ego sum ille ipse, qui aliàs vobis-
cum versatus proinde facessat timor omnis,
me protegente, tuti eritis aduersus furorem,
& insidias Iudæorum, omniumque inimico-
rum. Vel, *nolite timere*, tanquam ab umbra a-
liqua: ego ipse sum, & hunc sensum probant
sequentia: nam, *conturbati & conterriti exi-
stimabant se spiritum videre*.

Domine imperti mihi quoq; hanc pacem, quā
mundus non potest dare; pacem cū Deo: pacē
cū fratribus meis; pacē mecū ipso, vt caro ob-
sequatur spiritui, nō contrā, & cesset rebellio.

Porro

III.

Cur in me-
dio stetit.

Christi be-
nignitas.

Porro Christus turbatos discipulos benigne demulcet, inuitans ad palpandum copus: *quia spiritus*, inquit, *carnem & ossa non habet*: & ad inspicienda vulnera, *ostendens eis manus & pedes, & latus*. Hæc vulnera reservata sunt ad sanandam infidelitatem, & pusillanimitatem discipulorum: & ita euenit: nam ad ea accedentes cum magna reuerentia, atque tangentes confestim illuminati sunt, & in fide roborati: nam subditur: *Gaui si sunt ergo discipuli, viso Domino*.

Olim, qui tangebant Arcam, moriebantur: iam qui meliorem tangunt Arcam, ipsam Christi humanitatem, viuificantur, scilicet veteri timoris legi noua succedit Amoris. O si mihi inter illos accedere licuisset, contingere, osculari? facio id modò ex intimo corde, sperans inde sanitatem animæ meæ.

PUNCTVM III.

Mira amoris vis.

COMEDIT, ad testandam veritatem corporis; aliquibus adhuc non credentibus, quamuis palpassent, esu mellis & piscis fidem facit. Mira dignatio, pro lucrandis incredulis, facit rem suo statui non conuenientem, vt edat. sic oportet remittere de gradu nostro, & iure pro salute proximorum.

Mysterium comestionis.

Habent etiam mysterium *piscis assus & fauus mellis*: ille humanitatem Christi igni passionis assam, hoc autem diuinitatem omnis fontem dulcedinis significat. Vtrumque hoc, ante mortem suam, Christus in cœna vltima

come-

comedit, deditque discipulis suis in cibum, quo animæ fumentium charitate flagrent, & spiritali dulcedine repleantur.

Petijt ipse Christus dari sibi aliquid *ad manducandum, oblatumque ei est piscis, & mel.* Nempe hic diuinus cibus est etiam sacrificium, quod in gratiarum actionem Deo offerimus, oblatumque semel, de altari eius sumimus in æternitatis alimentum. nam & Christus oblatus cibi reliquias dedit Apostolis edendas.

Domine & ego piscis sum in mari huius sæculi, multo concupiscentiæ humore diffluens: assa me igne Spiritus sancti, & condi gratia tua quasi melle, vt sim gratus tuo palato.

Tandem, ad reliqua exprimenda, adiecit Christus testificationem sacrarum Scripturarum, ad quas intelligendas, aperuit eis sensum, sicut euntibus in Emaus, & arsit similiter proculdubio cor eorum.

MEDITATIO IX.

Christus dat discipulis Spiritum sanctum in prima apparitione.

PVNCTVM I.

DIXIT illis iterum: *Pax vobis.* primò dixerat: vt, mentis turbationibus discussis, apti redderentur ad capiendum mysterium Dominicæ Resurrectionis, pacata enim debet esse anima ad diuina excipienda. secundo pacem precatur, quòd necessaria sit ad munus Apostolicum, ad quod eos destinauit: pax nimirum cum Deo, & secum, nec nõ cum

Ioan. 20. 21.

Pax his impertita.

homi-

hominibus, qui iuuandi sunt operâ nostrâ Petam ergo mihi bis pacem.

Munus A-
postolatus.

Subiungit: *sicut misit me Pater, ita ego mis-
to vos.* magnâ omninò dignitas, succedere
Christo in opere suâ missionis: non quidem
per omnia, nec cum pari potestate, sed tamen,
quò ad annuntiandum mundo Regnum Dei,
2. Cor. 5. 20. sicut dicit Paulus, *pro Christo legatione fungi-
mur tanquam Deo exhortante per nos:* in quibus
posuit verbum, *reconciliationis: Obsecramus i-
gitur pro Christo, reconciliamini Deo* in quo
munere alij atque alij semper succedunt. deinde
comparatiua illa, *sicut*, non similitudinem
tantum officij significat, sed modum missionis,
vt quemadmodum Pater filium suum ita
misit, vt per multos labores & dolores perficiendum
ei fuerit opus suum; ita & Apostoli & quicumque
alij se missos intelligant. Ad quod me offeram
paratissimum.

PUNCTVM II.

Cor insuf-
flauit.

INSUFFLANDO dat Spiritum sanctum:
*Insufflauit & dixit: Accipite Spiritum san-
ctum.* Idèd insufflando dat, vt significet Spi-
ritum sanctum à se quoque procedere. Deinde
quòd idem ipse sit, qui Adæ insufflauit spiracu-
lum vitæ, præbens animæ vitam, nitorem,
motû, sensus, circa spiritualia & diuina. & illo
recedente maneat anima instar cadaueris de-
formis. Quàm mihi hunc optem!

Præterea flatu abigimus à corpore, aut ab
aliâ re quapiam leuiora quædam, vt floccum,
aut puluisculum: ita hoc spiritu imperfectio-

nes

nes ab anima etiam minores sufflatur.

Hęc in sufflatio est pignus magni illius ventī, quo datus est postea idem spiritus in Pentecoste: nam modò tantum ad remittenda peccata, postea verò ad complures effectus datus est: ideo *in spiritu vehemēti.*

PUNCTUM III.

TRIBUIT potestatem remittendi peccata: *quorum remisertis peccata, remittuntur eis, & quorum retinueritis, retenta sunt.* Potestas Dei propria: nam eius est remittere iniuriam, cui facta est. vnde ait; *Ego sum, ego ipse sum, qui deleo iniquitates tuas propter me.*

Hanc autem non communicauit Angelis; sed hominibus, ac in Veteri Testamento illius Sacerdotibus; nec à lepra mundandi, (quæ typus erat peccati) potestatem fecit; sed declarandi tantum, an mundatus quis esset. nunc autem etiam mundandi hominem ab ipsis peccatis: & committit hanc potestatem hominibus, etiam peccatoribus.

Sed poterat saltem hæc potestas restringi: at est quàm latissimè patens, ad omnes omnino peccatores, ad omne genus peccati, etiam contra Spiritum sanctum, quod dicitur alioqui irremissibile, dum modò tamen ritè subiiciatur Sacerdoti, & ad omnem denique numerum criminum: vt dixit Dominus Petro, vsque *septuagies septies*; id pro infinito usurpans. quam potestatem ab Apostolis in alios transmitti voluit, vsque ad consummationem seculi Domine liberalises, & profuse dare,

Potestas remittendi peccata.

Isai 43. 25.

Quanta potestas.

quæ tibi magno constitit: sed videlicet non exhauritur, dum communicatur quibuscunque.

Quali iam sensu & feruore mihi accedendum est ad tribunal absolutionis, per veram peccatorum confessionem?

MEDITATIO X.

In Octaua
Paschæ.

*Apparet secundo Apostolis die octaua,
præsente Thoma.*

PVNCTVM I.

Quatuor B.
Thomæ
defectus.

1.
2.
3.

4.

QVAEDAM imperfecta in Apostolo Thoma. 1. quod à cœtu aliorum se subduxerit: Vnde, prima vice non vidit Christum. Nolum à communitate recedere, vel esse singularis. 2. Incredulitas, cum pertinacia, quidquid omnes alij testarentur. 3. præsumptio, ut non aliter velit credere, nisi digitos, & manus inferret in vulnera. Non oportet Deo præscribere, quid permittere debeat, aut quibus modis nos iuuare. 4. quod in ea dispositione mansit per octo dies, & flecti non potuerit, fortè etiam ipsa Christi Matre contestante Cauebo ab his quatuor. Permisit hoc Deus ad roborandam fidem suæ Resurrectionis, ex Thomæ increduli testimonio. Et confirmatur hinc

Ioan. 5. 44.

Christi dictum: *Nemo venit ad me, nisi
Pater meus traxerit illum.* quod
fides sit donum Dei.

* *
*

PVN-

PUNCTVM II.

BONITAS Pastoris Christi, quærentis o-
uem perditam. Redit, ingreditur ianuis
clausis, salutatur prius: Pax vobis. voluit, in
præsentia aliorum, sanare Thomam: vt intel-
ligeretur, id ei conferri ob bonorum societa-
tem: & vt omnes viderent Magistri charitatē;
indeque consolationem acciperent & vt qui
fuerant testes Thomæ infidelitatis & incre-
dulitatis, fierent etiam fidei, vnde ipsimet cō-
firmarentur magis.

Ob seruā etiam comitatem, qua alloquitur
Thomam; atque illius cogitationum se con-
scium probans, inquit ad tangendum: *Infer
digitum tuum &c.* & quia propter Thomam
apparebat, cæteris omisisis, hunc alloquitur.

PUNCTVM III.

CONFESSIO Thomæ. An tetigerit, non
est expressum; quia ad aspectum tantum
cicatricum potuit illustrari. sed credibile,
quod voluerit Christus, vt tangeretur; manum-
que Thomæ tenuerit & applicuerit.

Visis ergo, tactisque, Diuino lumine per-
fusus est; & ardore charitatis incensus, exclamauit: *Dominus meus, & Deus meus.* non ait: *Christi.*
noster; sed, *meus*, pro singulari amore sibi ex-
hibito. Non prædicatur beatus à Christo ob
hanc confessionem, sicut Petrus: quia incre-
dulus fuerat, & extorsit illam inspectio. *illos*
autem beatos dicit; qui non viderunt & credi-
derunt; qui non requirant à sensibus testimo-
niū; neq; suo arbitratu exigunt indicia à Deo.

Fidei meritum.

Dixit alibi Christus: *Beati qui vident, quae vos videtis*: sed id tantum significat, beatos esse nos, qui exhibito iam Christo, & eius gratia, & Sacramentis fruimur: quae *Reges & Propheta desiderauerant videre, & non viderunt*, quia eis datum non est, ut illorum diebus veniret Saluator. Et deniq; beati censendi sunt, qui vident Christum, sed non, qui idem credunt, quia vident, alioqui non credituri. ac ita quoque Thomas fuisset beatus censendus; si, quamvis non viso Christo, credidisset: etsi inde tamen beatus, quia videre licuit. Visio ergo Christi non adimit beatitudinem, sed adfert; aufert autem, si visio requiratur ad fidem. Nec qui vident in Eucharistia Christum, idcirco non beati, quando etiam, non videntes, credunt: imò dupliciter beati; &, quia vident, &, quia credunt, licet non videant.

MEDITATIO XI.

Cur reservauerit Christus cicatrices in corpore glorificato?

PUNCTUM I.

I.
Causa ob fidem.

Iob 19. 26.

II.
In signum triumphi.

Gala. 6. 17.

I. **A**D fidem Resurrectionis confirmandam in eodem prorsus corpore, quantumvis conciso & male affecto, ut Iob, qui dicebat: & in carne mea videbo Deum Salvatorem meum. II. in signum triumphi, quod per ea vulnera vicisset, & quod de passionibus gloriaretur. unde nos excitaret ad patientiam, & gloriandum cum Paulo dicente: Ego signata Domini mei Iesu in corpore meo por-

to. Domine ego seruus tuus, nota me charactere tuo, vnde agnoscar tuus, nec subducere me valeam à tuo seruitio.

PUNCTVM II.

III. CAUSA. Vt ei esse nt memoriale, quantum nos amaret, quantique redemerit: vnde ad benè nobis faciendum excitaretur: nam in manibus suis descripsit nos. significat etiam apertas sibi esse manus, ad benedicendum nobis largiter; idq; ab hianti corde, ex summo in nos amore. *Ponā ego vicissim te, vt signaculum super cor meum. & signaculum super brachium meum:* vt omnia opera mea ex amore tuo fiant, & ad te dirigantur. IV. causa Vt essent in signū tanquā arcus celestis, & recordaretur Deus fœderis sui nobiscū, quod pepigit in Christo. *Protektor noster aspice Deus, & respice in faciem Christi tui.* Ergo anima mea, vide arcum, & benedic eum, qui fecit illum; valde speciosus est in splendore suo, gyravit cœlum in circuitu gloriæ suæ, manus excelsi aperuerunt illū. V. causa. vt eorū aspectu nos vicissim commoueremur ad amandum & seruendum ipsi, intendentes, quantum ille nos amauerit, quantaq; pro nobis egerit, quod larus, manusq; perfosæ loquuntur. Inuitamur etiam, vt columba ad foramina petra, ad cauernam maceria: si milui infernales adorianatur nos; si mundus, & caro infestet, vt huc confugiamus, si turbentur, hic requiem requiramus, & pacem.

Aperit cor suum mihi, vt aperiā ipsi meū,

III.

Ad memoriale Passio-
nis.

Isa 49. 16.

Can. 8. 6.

IV.

In signum
reconcilia-
tionis.

Gen. 9. 14.

Psal. 83. 10.

Ecl. 43. 12.

V.

Ad inci-
amen-
um amo-
is.

Isai. 12. 3.

VI.
Ad confu-
sionem
dānato-
rum.

ostendit apertas manus, vt vicissim ego pugne
pro gloria ipsius. denique pedes, vt dirigam
ego passus meos ad obsequium ipsius vsque in
finem perseveranter. Atque ita *hauriam aquas
de fontibus Saluatorū*, aquas refectionis.

PUNCTVM III.

VI. **C**AVSA. Ad confusionē damnatorum
Cin die iudicii, dum sic ostendet, quā-
tum pro eis fecerit, quantumq; cōtempserint
ipsi. Cōtrā verò, ad solatiū saluandorū, quibus
illa profuerunt, & ad solatium sempiternum,
dum aspicient in omnem æternitatem talia a-
moris erga se documenta.

Fac Domine, vt in his ego commorer, & re-
quiescam. Discam sic amare te, operibus meis
placere tibi, & tuis vestigijs vsq; ad finem in-
sistere. Amen.

MEDITATIO XII.

*Apparet in Galilea septem discipulis
piscantibus.*

PUNCTVM I.

PETRO inuitante, reliqui se offerunt. Do-
cumentum concordie animorum, pesca-
tum eunt, causa paupertatis, & vitandi otij.
imitabor has virtutes.

*1. Cor. 3. 7.**Ioan. 15. 5.*

Tota nocte nihil capiunt, vti alias contigit,
donec veniret Christus. Frustrā sine Christo;
neq; *qui plantat est aliquid, neq; qui rigat, sed
qui incrementum dat Deus.* Operarius ita in
humilitate sit fundatus, quòd *sine me nihil po-
test facere.*

Nocte

Nocte nō capiunt, quia vsque ad lumen Euangelij nō successit conuersio animarū: in nocte etiā peccati non proficitur ad vitā æternā.

Discipulos credibile est memorasse tunc, quomodo aliās Christus in simili casu adfuisse, & prouentum dedisset, & expectasse eius præsentiam faciam idem, cū fructus non respondet labori. nam *desiderium pauperum exaudiet Dominus.* Psal. 9. 37.

PUNCTVM II.

STETIT Iesus in littore, & petijt ab eis *pulmentarium.* Non tardat Deus visitare suos: in littore stat tanquam extra mortalitatem iam positus; petijt, *num haberent pulmentarium,* cū sciret eos non habere. sic solet, vt agnoscat homo egestatem suam, quando succurrere vult sic petijt etiā à *Samaritana* aquā

Ad dexteram nauigij iubet iactare rete, in typum piscationis animarum pro vita æterna, quæ significatur per dexteram. Obediunt, & ecce non valebāt trahere *præ multitudine.* hic fructus obedientiæ. *Vir obediens loquetur victoriam* vindicatis animabus à perditione. In altera piscatione agnouit Petrus Christum, & dixit: *in verbo tuo laxabo rete.* in hac nō agnoscit, & tamen paret, cum simili prouentu. Quia vult Deus etiam hominibus præstari obedientiam, & similiter remunerat. *Obedite,* Ioan. 4. 7.

inquit idem Petrus, *omni humana creatura propter Christum.* 1. Pet. 2. 13.

PUNCTVM III.

Ioan. 21. 7.

IOANNES agnoscit Christum, & ait Petro, Dominus est: Petrus autem tunicā succinxit se, & misit se in mare, vt adnataret ad Christū. In Ioanne lumen vitæ cōtemplatiuæ exprimitur, perspicacis, ad agnoscendū Deum, & indicantis eum alijs. In Petro feruor vitæ actiuæ, properantis ad terram viuentium, & tardum nimis ducentis motum nauigantium in sæculi mari, ideoque quibusuis laborum fluctibus se obijcientis, pro assequenda æternitate.

vers. 12.

Luc. 5. 7.

Trahitur rete ad lictus, & Petrus extraxit in terram plenum magnis piscibus, centum quinquaginta tribus, & cū tantū essent, nō est scissum rete. Piscatio ista differt ab altera Lucæ 5. quōd priore significaretur vocatio ad Ecclesiam, posteriore autem peruentio ad gloriam: ideo illa facta est ad omnem partem, hæc autē ad dexteram tantū, ad quam consistent electi, in illa implebātur duæ naues, vario pisciū genere, in hac exponuntur pisces in terram, & magni tantū sunt, quia omnes in cœlo magni erunt, & extra fluctus: in illa rumpebatur rete, quia patitur scissuram nunc Ecclesia, tūm verò nullam.

Ioan. 21. 10.

Prandium interea Christus discipulis parauerat, ministerio Angelorum. viderunt prunas positas, & piscem superpositum, & panem. quin inuitat amanter: venite prandete. quin distribuit ipse, accipiens panem dabat eis, & piscem similiter. Mira cura suorum, laboran-

tibus

tibus in hac vita parat conuiuium in altera.
Beati qui manducabunt panem in Regno Dei.

Luc. 14. 15.

MEDITATIO XIII.

Committit Petro oves in eadem
apparitione.

PUNCTVM I.

ANTEQUAM oves tradat, & Vicarium suum constituat, examinat illū de charitate. *Amas me?* quia Prælati debent præcellere charitate, compellat autem: *Simon Ioannis*, nam *Simon* significat *obedientem*; *Ioannes gratiam*, siue *Ionas columbam*, quia idem esse debet fide, gratia, & obedientia præditus.

Examinat
Petrum,

Ter examinat pro triplici negatione, quæ ex præsumptione manauit. Vnde cautior & humilior redditus, non respondet: se plus amare cæteris, sed ad ipsum Dominum se refert: *Tu scis Domine, quia amo te*: veritus, ne forte aliter se haberet. Placet Deo humilitas, condiens charitatem, & vt homo cum D. Paulo dicat: *nihil mihi conscius sum, sed nō in hoc iustificatus sum, quia qui iudicat me Dominus est.*

Trina negatio quid
notet?

-6 IIII

1. Cor. 4. 4

Ter etiam examinat, quia talis debet in charitate esse fundatus, secundum triplicem gradum Purgatiuæ, Illuminatiuæ, & Vnitiuæ viæ, exutus imperfectionibus, exercitatus in virtutibus, & Deo vnitus, & denique præstare charitate erga Deum, & proximū, & erga seipsū.

Petrus Pastor
vniuersalis
Ecclesiæ.

Christus, cū bis dixisset: *Pasce agnos meos*, ad tertium Petri responsum subiunxit: *Pasce oves meas*, quod non tantum communes fide-

es, sed reliquos etiam pastores, tanquam matres, ipsius curæ committeret.

Non dixit tuas, sed *meas*: ut intelligeret, se non constitui Dominum, sed Vicarium, & ut tanquam Christi ipsius oues curaret. Mirae lucet Christi erga nos charitas, quando inde probatam esse vult charitatem pastoris erga ipsum, si bene pascat ipsius oues, & tunc se vere amari existimat, si ouibus prospiciatur suis, hoc est, nobis.

Ter ait, *pasce*: quia vult iuuari oratione, doctrina, exemplo: seu doctrina, sacramentis & exemplis pasci: seu beneficijs, tum spiritualibus, tum corporalibus. Seuerè minatur per Ezechielem illis, *qui se, non oues pascunt*.

PUNCTVM II.

Ezech. 24.

Verum amoris signum.

Ioan. 10. 11.

c. 15. 13.

Ioan. 21. 18.

Psal. 114. 13.

Ps. 118. 143.

PRAEDICIT Dominus Petro mortem, & illius genus tanquam certum signum amoris, quem professus fuerat. *Bonus enim Pastor animam suam ponit pro ouibus suis, & maiorem hac dilectionem nemo habet.*

Significat Dominus duo genera passionum, aliae spontè suscipiuntur, ut mortificatio carnis, maxime ab incipientibus, de quibus illud: *utrum esses iunior, cingebas te, & ambulabas ubi volebas.* Aliae inferuntur ab alijs, ad quas extendit vir perfectus manus suas, libenter acceptans, sed *alius eum cingit & ducit, quod non vult secundum carnem*, licet velit secundum spiritum. De primis sumi potest illud: *Tribulationem & dolorem inueni.* de secundis: *Tribulatio & angustia inuenerunt me.*

Quod

Quod Dominus parabolicè dixerat, quod esset cingendus ab alio, declarat Euangelista, significasse Dominum: *qua morte Petrus clausuraturus erat Deum. mors Sanctorum, glorificatio est Dei. moriatur anima mea morte iustorum.* Num. 23. 10

PUNCTVM III.

POSTHAEC ait Dominus Petro: *sequere me.* Videtur Christus progredi coepisse, eoque actu exprimere voluisse peculiarem sequelam Petri ad mortem crucis, vt & in officio pascendi. Ioannes autem, exemplo Petri, coepit etiam sequi, licet ei non fuisset intimatum. Videlicet, nolebat separari à Christo, & inuidebat Petro sanctè. Est vocationis genus ab exemplo coniunctorum, sed non absque diuina motione.

Festo S. Ioannis Euangelistæ.

Petrus pro Ioanne sollicitus, quærit: *Hic autem quid? an non similiter sequetur?* Redarguitur à Domino: *sic eum volo manere, donec veniam, quid ad te? tu me sequere.* Ne simus curiosi, & vt coniunctorum curam Deo relinquamus: & vt nostris rebus finis inuenti, alienis relictis.

MEDITATIO XIV.

Apparet in monte Galilææ omnibus Discipulis, &c.

PUNCTVM I.

APOSTOLI, vt Dominus iusserat, læti in Galilæam migrant, fructuri ibi præ-

Zelus Apostolorum.

sentia Magistri iuxta ipsius promissum. Renuntiant etiam alijs per Galilæam dispersis discipulis de Resurrectione, & futura apparitione in monte, ad quam adeo conuenerunt plusquam quingenti fratres.

In monte apparet Deus, quia mens tunc illuminatur, quando ad perfectionem affurgit. & iuuat ad hoc consociatio bonorum, & mutua charitas, & cohortatio.

Mons putatur fuisse Thabor, vbi aliàs se gloriosum exhibuit tribus Apostolis; & credibile, tunc etiam aliquid sue gloriæ ostendisse. certè eos ineffabili consolatione perfudisse, vt figere ibi cum Christo tabernacula sibi bonum ducerent.

Matth. 28. 10. Et videntes eum adorauerunt, quidam autem dubitauerunt, non ex Apostolis; sed illi ipsi mox sunt confirmati à Domino.

RVNCTVM II.

*Matth. 28. 18.
Marc. 16. 15.*

PROFITETVR, datam sibi potestatem omnem in cælo & in terra. Habuit omnem, quia Deus, vt homini etiam debebatur, propter vnionem Personæ VERBI, sed ampliùs obtinuit illam iure suorum meritorum.

In cælo: vt illud aperiret hominibus, & dominaretur Angelis. In terra, ad remittenda peccata, & quæuis dona impertienda, & ad disponendum in Ecclesia.

*Missio A.
postolorum.*

Secundùm hanc potestatem mittit Apostolos in mundum vniuersum, vt doceant omnes gentes, & Euangelium pradicent omni creatu-

re. non

ra. non Iudæis tantum, nec tantum magnis & potentibus, sed omni creaturæ. Nam sicut solem istum oriri facit Pater cælestis super bonos & malos: ita Christus solem Euangelij non minus patere vult in omnes plagas, atque illuminare omnem hominem venientem in hunc mundum.

PUNCTVM III.

PRAECIPIT baptizare in nomine Patris, & Filij, & Spiritus sancti. Baptismus succedit Circumcisioni, & est ianua ad Euangelium, sicut illa ad legem. Circumcisio inurebat corpori notam, cum acri dolore, Baptismus signaculum spirituale imprimit, & tangendo corpus, abluit animam. per Circumcisionem fiebat homo obnoxius toti legi seruandæ, quæ erat onus importabile, vt ait S. Petrus: per Baptismum subditur Euangelij suauis iugo. quare subdit: *docentes eos seruare omnia quæcunque mandauimus vobis.* Confertur in nomine Trium Personarum Diuinarum, quia efficitur Patris æterni adoptione Filius, Christi frater & coheres, & à Spiritu sancto desponsatur exornaturque donis cœlestibus *sponsabo te mihi in sempiternum, & sponsabo in fide, & iustitia & misericordia.*

PUNCTVM IV.

PROMISSIONEM addit: *qui crediderit, & baptizatus fuerit, saluus erit, quin & minas: qui vero non crediderit condemnabitur.* Non promittit bona temporalia, aut intentat

Matt. 5. 45.

Mat. 28. 19.

Comparatio baptismi & circumcisionis.

Personæ SS. Trinitatis quid operentur in Baptismo.

Ose. 2. 19.

Mar. 16. 16.

Promissio erum spiritualium.

mala: sed vtraque æterna. ô, qui perciperet latentia illis duobus verbis! *saluus erit, & condemnabitur.*

PUNCTVM V.

Marc. 16. 17

PROMITTIT signa, qui crediderint, in nomine meo demonia eijcient, &c. nimirum quatenus ad fidei confirmationem opus erit: iuxta Dei consilium. Fiunt etiam omnia illa spiritualiter. De qua re legendus Lud. de Ponte hic.

MEDITATIO XV.

De mansionem Christi vobiscum vsque ad consummationem seculi, &c.

PUNCTVM I.

1.
Consolatio
discipulo-
rum.

2.
Animatio.

3.
Excitatio.

CAUSAE huius promissionis, 1. vt solaretur discipulos, à quibus parabat discessum in coelum; & quibus per intervalla tantum se ostendebat tunc. 2. vt animaret ad expeditionem, ad quam eos mittebat, certos faciens de sua praesentia & auxilio. 3. vt attentos & diligentes redderet in opere, vt qui testem habituri essent ipsum Christum. eadem applicabo mihi.

PUNCTVM II.

Præstantia
promissio-
nis.

VERBA promissionis: Ego: non sicuti Moysi, promittit Angelum, qui præcedat &

culto-

custodiat in via; sed ipsemet adesse vult: Et e- Exodi 32. 30
 go: Deus vester, Saluator, debellator inferni, 32 34.
 peccati & mortis: *Vobiscum sum.* 1. vt in rebus
 omnibus dans esse, viuere, operari. 2. per gra-
 tiam conferens vitam supernaturalem. 3. per
 specialem prouidentiam, quò fiet, vt Ecclesia
 nunquam deficiat 4. in Eucharistiæ Sacra-
 mento, *Vobiscum*: & aded in Ecclesia, quam
 repræsentatis; & in omnibus, qui vos sequen-
 tur.

PUNCTVM III.

VSQVE ad consummationem seculi, non Præsentia
 ad certos annos; sed ad omnes nec in- Dei sempi
 terpolatè; sed continuatè, & semper. ò sit me- terna.
 cum! neque absit vnquam.

MEDITATIO XVI.

De varijs apparitionibus per eos dies.

PUNCTVM I.

PRÆBVIIT se ipsum viuum post passionem Actu. 1. 3.
 suam in multis argumentis, per dies quadra- Christus
 ginta apparens eis. Erat semper inuisibiliter semper præ
 cum eis, sed visibiliter etiam se ostendebat, sens, sed
 variè confirmans veritatem resurrectionis nō semper
 suæ. Ita agit cum seruis suis per spacium huius visibilis.
 vitæ: vt, cū semper sit cum illis, subinde
 certis argumentis probet, se præsentem, illu-
 minando, & consolando animas. idque singu-
 lariter in sumptione SS. Eucharistiæ. ò ita il-

lam sumam, vt sentiam, ibi esse Deum, & non, ac si communem panem sumerem. quod mihi contingit culpâ meâ, & defectu dispositionis. Petam etiam, vt vera præsentie diuinæ signa ita discernam, vt à sathana, transfigurante se in Angelum lucis, non deludat.

PUNCTVM II.

QUALES Christi sermones, cùm apparebat. *Loquebatur de Regno Dei*: Reuocabat eis in memoriam, quæ prius docuerat; noua reuelabat; scripturas aperiebat, illuminabat, confortabat, accendebat, mirificè illuminatos relinquebat. nihil curiosi, aut otiosi, aut ad rem non pertinens, recenserebat, sed tantum de *Regno Dei*, quod est *Iustitia, Pax, & Gaudium in spiritu sancto*. Inde manant illa, quæ ex traditione Apostolorum in Ecclesia habentur. Similia loquitur & agit in anima iusti. Igitur *audiam: quid loquatur in me Dominus, quoniam loquetur pacem in plebem suam: quando ducet illam in solitudinem, & ibi loquetur ad coreius.*

De regno
Dei quo-
modo
Christus
locutus.
Et semper
de rebus se-
rijs.
Rom. 14. 17

Psal. 84. 9.

Osea 2. 14.

PUNCTVM III.

PROPRIETATES quædam illarum apparitionum. i. quod non continuatæ erant, sed interruptæ, & plus minùs frequentes, pro dispositione, & desiderij seruire. quod & seruat Deus, in communicando se animæ interius. Ergo exardeſcam Christi desiderio, & ad

iura-

iurabo Angelos beatasque animas: *si inuenieritis dilectum meum, nuntiate ei, quia amore langueo.* 2. Aparebat inopinato: & similiter subducebat se: mora que erat brevis, sicque alebat desiderium sui. idem euenit in visitationibus spiritualibus. vnde ait Bernardus: gaudium in hac vita ex sponsi presentia esse posse, non saturitatem. Modicum & videbitis me, & iterum modicum, & non videbitis me. 3. Locus & tempus apparitionum erat varium: sic & visitationes internæ, aliquando in oratione, aliàs in lectione, aliàs in negotio. *Spiritus enim, ubi vult spirat.* 4. Modus etiam fuit diuersus, nam aliquando præcessit visio Angelorum; aliquando in aliena figura visus; & nõ eadem claritate semper; sed iuxta dispositionem, aut bene placitum providentiæ diuinæ. Idem contingit animæ. Nos interim fidenter orabimus cum Moysè: *Ostende te mihi ipsum.* fortè audiemus: *Ego ostendam tibi omne bonum.* & cum Dauide; *Tibi dixit cor meum: exquisiuit te facies mea: faciem tuam Domine requiram:* & cum Philippo: *Domine ostende nobis Patrem & sufficit nobis;* & cum Sponsa: *indica mihi ubi pascas, ubi cubes.*

Cant. 5. 8.

Serm. 32. in
Cant.

Ioan. 3. 8.

Exod. 13. 18.

Psal. 26. 8.

Ioan. 14. 9.

Cant. 1. 7.

MEDITATIO XVII.

Apparet Apostolis die Ascensionis.

PUNCTVM I.

*Mar. 16. 14.**Actu. 1. 4.**Ioan. 14. 2.**Ver. 28.**Gal. 16. 7.*

ACCUMBENTIBVS Apostolis apparuit: simulq; conuiescens de habitu suo significauit, vsus fortè similibus sententijs, atque super vltimam coenam: *Vado parare vobis locum. & iterum veniam. & accipiam vos ad me ipsum, vt vbi ego sum & vos sitis. Item: si diligeretis me, gauderetis vtrique, quia vado ad Patrem. Et, expedit vobis, vt ego vadam, si enim non abiero, Paraclitus non veniet ad vos; si autem abiero, mittam eum ad vos.*

PUNCTVM II.

Luc. 24. 49.

I.

SEDETE. inquit, *in ciuitate, donec induamini virtute ex alto.* Iubet sedere. in quiete expectare, tam mentis, quàm corporis, non huc illucq; obeundo, aut anxie desiderando; sed rem Deo committendo. vnde nec præfiniuit tempus, etsi *post dies haud multos* futurum prædixit.

II.

In ciuitate Ierusalem. quietior locus fuisset extra frequetiam: at Spiritus sanctus dari debuit, vbi mox illius virtus innotesceret, & quia dabatur ad promulgandam Euangelicam legem: de qua Isaias: *De Sion exhibet lex & verbum Domini de Ierusalem.* Et quia solitudo cordis est præcipua, quæ potest etiam in fre-

Isai. 2. 3.

quentia

quentia conseruari. vnde illa ciuitas vocatur *Ierusalem*, id est. *visio pacis*. Sim talis: vt in omni loco leuare valeam purū cor, & manus ad Deū.

Donc induamini virtute ex alio, tanquam armatura forti, ad expeditionem Euangelicam, qualis è cœlo tantū dari potest. Discam hinc 1. humilitatem; qua agnoscam imbecillitatem meam ex me. 2. temerarium esse, absque tali præsidio aggredi opus Euangelii. 3. vbi induiti fuerimus, non morandum; *donec*, inquit, induamini: & sic Apostoli fecerunt.

PUNCTVM III.

EDPXIT eos foras in Bethaniam, in montem qui dicitur Oliueti. Non liquet, an ipse simul cum eis visibilis exierit; an tantū iusserit, ire; & disparuerit vsq; ad locū ipsum. Haud dubiè properarunt mixto tristitiæ gaudio; & eundo recoluerunt, quomodo ante passionem ex eodem cœnaculo prodissent cum Magistro suo ad eundem montem.

Elegit Christus pro ascensione sua montem, quem elegerat pro principio passionum, ibi enim vsque ad agoniam sanguinis tristatus est; proditus, & captus; atque à Discipulis suis derelictus; nempe significat, sibi per passionem ascensum ad cœlum parasse. Et quia ibi erat Bethania: (quæ domus obedientiæ interpretatur) vtique intelligi vult per obedientiam, & per excelsam charitatem, monte ipso significatam; & per misericordiam oliua adumbratam conscendi in cœlum.

Tim 2. 8.

3.

Luc. 24. 50.
Diuersitas
exitus ex
Cœnaculo.

Mons Oliueti.

In festo
Ascensio
nis,

MEDITATIO XVIII.

Ascendit in cælum.

PUNCTVM I.

Amabilis
Christi
discessus.

EXHIBUIT se Christus in monte Oliuarum splendidiorem, quàm antea; & pro complexu dari solito in discessu, permisit sacra vulnera osculo attingi: quod præ aliis fecit Mater ardens, oprans cum filio ascendere; sed eius se voluntati committens.

Benedi-
ctio qualis

Et eleuatis manibus benedixit eis: quo ritu significauit, non terrena, sed coelestia ipsis bona precari, & largiri, atque ad abundantiam largitionis indicandam, ambas eleuat manus: Benedictus Deus & Pater Domini nostri Iesu Christi, qui benedixit nos in omni benedictione spiritali in cælestibus in Christo.

Ephef. 1.3

Fortè benedictio fuit, qualis olim à Deo præcepta fuit, cum benediceretur populo Israel à Sacerdote: *Benedicat tibi Dominus, & custodiat te: ostendat Dominus faciem suam tibi, & misereatur tui, conuertat Dominus vultum suum ad te, & det tibi pacem.* Vel sicut in vltima coena precatus est; *Pater sancte, serua eos in nomine tuo, vt sint vnum sicut & nos.* Et proculdubio dixit, & factum est. ð, sim particeps tuæ benedictionis, quia non solum præsentēs, sed etiam absentes in re credituros complecti haud dubiè voluisti.

Num. 6.23

*Ioan. 17.11.
22.*

(§)

PUNCTVM II.

ET ferebatur in cœlum, non curru, aut equis,
 vt Elias, sed propria virtute sustollente. *Luc. 24. 51.*
 Hærebant oculis & animis in illum intenti qui *Ascensio*
 aderant. Obstupescabant rei miraculo, exulta- *qualis.*
 bant gaudio, ob gloriam Magistri: Rapiebantur
 simul desiderio, vt ipsis etiam conueniret illud: *Psal. 67. 19*
captiuam duxit captiuitatem: quod re ipsa im-
 pletum est in comitatu Sanctorum, quos è lym-
 bo duxerat, cum ipso ascendentium. Sed &
 multitudo Angelorum hunc ascensum cele-
 brauit, non minus, quàm descensum in ter- *Deut. 32. 21*
 ras. Ergo abit sicuti aquila prouocans ad volo-
 tum pullos suos: vt ibi nostra sint corda, vbi vera
 sunt gaudia. Domine, da mihi alas sicut aquilæ.

PUNCTVM III.

ET nubes suscepit eum ab oculis eorum: fuit *Actu. 1. 9.*
 hæc dubiè lucida & pulchra, qualis de-
 cebat in ea ascendentem, & impletum est cor- *Psal. 103. 3.*
 poraliter illud, qui ponis nubem ascensum tu-
 um, qui ambulas super pennas ventorum. Potui-
 ssent clamare, vt Elisæus ad Eliam ascenden- *4. Reg. 2. 12*
 tem: Pater mi, Pater mi currus Israel & auriga
 eius. &, excipiar ego in istam nubem, & rapi-
 ar tecum! Nubes hæc postmodum occultauit
 Christum, & abstulit ab oculis discipulorum. Id
 facit etiam nubes peccatorum, vt apud Ieremi- *Mysteriū*
 am: *opposuisti nubem tibi, ne transeat oratio ad*
cœlum. Aliquando, sine peculiari nostra culpa, *nubis.*
Thre. 3. 44.

le subducit ipse Deus aspectui nostro. Seu & corpus, quod corrumpitur, & curæ mortales idem efficiunt. Discute Domine, quidquid obstat, quò minùs videam te.

P V N C T V M . IV.

Actu. 1. 10.
Documēta Angelo-
rum data
Apostolis.

HÆSI SSENT discipuli diutius intenti in coelū, postquam etiā ab oculis subductus erat, nisi interpellassent Angeli duo, in vestibus albis, tacitè redarguentes: *quid statis, afficientes in cœlum?* vult Deus, nos à contemplatione redire ad officium. Deinde ingerunt cogitationem secundi aduentūs: *sic veniet, quemadmodum vidistis eum euntem in cœlum,* gloriosus hic ascensus fidem facit futuri aduentus cuius expectatione oportet nos circumspicere vivere. Nec definiunt tempus, ut simus semper solliciti; & quòd ita etiā veniet, ad gloriam spectat, non ad Personæ speciem: tunc enim ut severus Iudex; cūm modò abeat ut Pater amantissimus à filiis. Ergo *in die bonorum memor esto malorum*

Ecc. 11. 27.

Luc. 24. 52.

Gaudij
causæ.

Et adorantes regressi sunt in Ierusalem cum gaudio magno: ad verba Angelorum prostrati in terram præ reuerentia; adorauerunt, quem assumptum in coelum, iudicemque venturum audierant.

Gaudij illius causa triplex. 1. fides in ipsis confirmata ex tam glorioso exitu Magistri sui. 2. Spes roborata, recipiendi Spiritum sanctum & aliquando perueniendi, quo præcesserat magister. 3. Amor Christi de cuius gloria exultabant, ac de propria.

Proficiam in iisdem, ut volare possim ad Christum tamquam aquila: ubi enim corpus erit illuc congregabuntur & aquilae: nimirum, quorum iuuentus renouatur ut aquila; & etiam, qui sperant in Domino, mutant fortitudinem, assumunt pennas, sicut aquila.

Mat. 24. 28

Psal. 102. 5.

Isai. 40. 31.

MEDITATIO XIX.

*Triumphalis ingressus Christi in
caelum & sessio.*

PUNCTUM I.

ASCENDENS Christus in altum captiuam duxit captiuitatem: iustos, quos ex limbo liberauerat; & captiuos nihilominus ducebat in funiculis Adam, in vinculis charitatis. Hi ad ingressum caeli Empyrei obstupesciti, loci pulchritudine; cumque lympi squalore conferentes, haud dubie exclamarunt; *Quam dilecta tabernacula tua Domine virtutum, concupiscit & desit anima nostra in aeterna Domini.*

Psal. 67. 19

Osee 11. 4.

Triumphus

Christi.

Psal. 38. 2.

Non defuit in hac pompa cantus iubilatio-
num: nam scriptum est; *ascendit Deus in iubilatione, & Dominus in voce tubae.* quare semituum cohortantes, dicebant: *Psallite Deo nostro, psallite, psallite Regi nostro: psallite quoniam Rex omnis terre Deus; psallite sapienter.* Psallite Deo, qui ascendit super caelum caeli ad Ori-

Psal. 46. 6.

Vers. 7.

Psal. 67. 34.

Psal. 67. 18

Psal. 23. 7.

Isai. 63. 1.

Apoc. 5. 12.

Gaudium
Christi.

Luc. 15. 6.

entem. applaudebat simul multitudo Angelorum. Nam currus Dei decem millibus multiplex, millia latantium. Instar currus triumphaliserant millia Angelorum, non ad subiectionem; sed ad Maiestatem. Et hi, ceteros alloquētes, qui in coelo manserant, dicebant: *Attollite portas principes vestras, & introibit Rex glorie.* quarentibus autem: *quis est iste Rex glorie?* Respondent: *Dominus fortis & potens, Dominus potens in praelio:* conspicati Christum, interrogant: *Quis est iste, qui venit de Edom tinctis vestibus de Bosra?* iste formosus in stola sua, gradiens in multitudine fortitudinis sue? nam virtute sua Christus ascendit in coelum. Tinctus autem humanitatis indumento ex passione sua qui respondet: *Ego sum qui loquor iustitiam, & propugnator sum ad saluandum.* Tunc simul omnes acclamarunt: *Dignus est Agnus, qui occisus est accipere virtutem & diuinitatem, & sapientiam, & fortitudinem, & honorem, & gloriam, & benedictionem, & laudem in secula seculorum.*

Præ cæteris exultabat ipsemet Christus gaudens, quod ouem perditam humeris suis reportaret, ob quam descenderat in terram, Dicebatque Angelis; *congratulamini mihi, quia inueni ouem quæ perierat.*

PUNCTVM II.

CHRIſTvs ad Thronum Patris perueniens, offert ei ſpolia inferno detracta, luſtorum cœtum. Dein, quaſi conſecti operis rationem reddens, ſic eum alloquitur: *Pater maniſeſtaui nomen tuum hominibus, & te clarificaui ſuper terram, opus conſummaui, quod dediſti mihi vt facerem. Et nunc clarifica tu me Pater apud ſemetipſum claritate, quam habui prius quàm mundus fieret, apud te.*

Ingreſſus
Chriſti in
cœlum.

Ioan. 17.4.

Pater oblatum donum gratanter accepit, aitque Filio: *ſede à dextris meis, ſupra omnem creaturam conſtituens eum, vt in nomine eius ſcietur omne genu.* Fiduciam concipiam, quando os meum & caro mea ſedet à dextris Dei, illuc perueniendi, tantùm, vt illud impleam, *quaſurſum ſunt querite, vbi Chriſtus eſt in dextera Dei ſedens, quaſurſum ſunt ſapite, non quaſuper terram.*

Pſal. 109.1.

Phil. 2.9.

Coloſ. 3.1.

PUNCTVM III.

VBI conſedit Chriſtus ad dexteram Patris, mox Sanctis, quos adduxerat, proprios thronos aſſignauit inter Angelorum choros, pro merito cuiuſq; & impletæ ſunt ruinæ Luciferi, & ſociorū, gratulantibus Angelis.

SedesSan-
ctarum a-
nimarum
in cœlis.

Ex eo item tempore munus ſui Pontificatūs obire Chriſtus cœpit, interpellans aſidue pro nobis, ſacratiffimas cicatrices Patri re- præſentando. Non enim in manu facta *ſancta*

Heb. 9.12.

Iesus introiuit, sed in ipsum cœlum, vt appare-
at nunc vultui Dei pro nobis.

Heb. 4. 14

Habentes ergo Pontificem magnum, qui pene-
trauit cœlos, Iesum Filium Dei, teneamus spei no-
stræ confessionem. Filioli, inquit Ioannes, hæc
scribo vobis, vt non peccetis, sed & si quis pecca-
uerit, Aduocatū habemus apud Patrem, & ipse
est propitiatio pro peccatis nostris.

1. Ioan. 2. 1

MEDITATIO XX.

Expectatio Aduentus Spiritus sancti

PUNCTVM I.

Receperunt se discipuli in coenaculum; &
ibi orabant, vt mererentur accipere Spiri-
tum sanctum: nam etsi Christus promiserat eū,
intelligebant tamen, per media debita impe-
trandum.

Vnanimi-
tas in ora-
tione.

Erant perseverantes vnanimiter in oratione.
Oratio concordium est efficax. Vbi duo consen-
serint, fiet illis à Patre meo. est etiam vnanimis
oratio, quando exterior & interior homo con-
spirant, pariter collecti.

1.
Act. 2. 13.
Mat. 18. 19.

2.
Luc. 18. 5.

Deinde erant perseverantes, vti Christus mo-
nuit: Oportet semper orare, & non deficere. &
Deus, saltem ob importunitatem, exaudit, vt iu-
dex malus viduam illam: & cum nescirent tē-
pus aduenturi Spiritus sancti, sine intermissio-
ne instabant orationi, vt inuenirentur parati.

Cum mulieribus, & Maria Matre Iesu, & fra- *Act. 1. 14.*
tribus eius. Magni interest, quod Maria simul
orat.

Igitur oratio mea sit collecta extra turbam
in cenaculo, vnanimis per charitatem cum o-
mnibus, perseverans usque ad importunita-
tem, Matre Dei suffragante. Cœnaculum illud
fuit typus Ecclesiæ, in qua orationes sunt ef-
ficaces propter communionem Sanctorum.

PUNCTVM II.

IGITUR Apostoli se collegerunt in cen- *Causæ col-*
aculo. 1. quia Christus iusserat eos *lectionis*
cœnate, & quiete delitescere. ibi cœmora- *Apostolo-*
bant, quæ Christus in eo loco fecerat & dixe- *rum.*
rat; & sicut ille, ante prædicationem per qua- *Luc. 24. 49.*
draginta dies in desertum se recepit; ita ipsi
illuc, ut reciperent Spiritum sanctum. 2.
quia conscij propriæ imbecillitatis, ut in
passione CHRISTI apparuerat, & de
sicuti præsentia Christi, non sibi fidebant, &
tandem cupidius Spiritum sanctum postula- *Psal. 50. 12.*
bant. Postulabo etiam ego: *Cor mundum crea*
in me Deus, & spiritum rectum innoua in vis-
ceribus meis. Redde mihi lætitiā salutaris tui,
& spiritu principali confirma me. Emitte spiri- *Psal. 103. 30.*
tum tuum, & renouabis faciem terræ, animæ
meæ.

Ipsæmet Spiritus sanctus faciebat eos postu-
lare gemitibus inenarrabilibus; tantoque ar-
dentioribus, quod propinquabat magis illius
aduentus. Desideria sancta prænuntij sunt ad- *Psal. 96. 3.*
futuræ gratiæ. Ignis enim ante ipsum præcedit.

Causa di-
lectionis
Spiritus S.

PUNCTVM III.

Habac. 2. 3.

Bar. 4. 28.

Dilatatus est aduentus vsque ad dies decem, is numerus significat multitudinem, vt vel quàm diutissimè expectandum esse dicamus; quia plus satis compensauit omnem moram vel modica eius præsentia. Et quod ægriùs obtinetur, cautiùs custoditur, plus multò meretur doni magnitudo, quare non deficiam, *si moram fecerit, qui veniens veniet & non tardabit*. Denique denarius numerus significat perfectionem, vnde monemur, quàm perfecto studio quærendus sit Spiritus sanctus: nempe, vt quidam Propheta ait, *decies tantum conuer- tentes requiretis Deum, quàm erraueritis ab ipso*.

In festo S.
Matthiæ
Apostoli.

MEDITATIO XXI.

De electione Matthiæ in locum Iudæ.

PUNCTVM I.

Apoc. 3. 11.

Psal. 108. 8.

PROVIDENTIA Dei circa Ecclesiam, sup- plendo semper necessarios pastores, & cum aliqui deficiunt vel etiam ipsæ prouinciæ, substituendo alios, iuxta illud: *tene quod habes, vt nemo accipiat coruam tuam*; & de Iuda: *Episcopatū accipiat alter*: Similem prouidentiam exhibet erga ordines Religiosos, aliasque congregationes, pro earum conseruatione. Concipiam salutarem timorem, ne alteri cedam locum meum.

Suau-

Suauitas etiam prouidentia spectatur in eo, quod non ipse per eos quadraginta dies constituere alium pro Iuda voluerit, sed per ipsos Apostolos, ad commendandam eorum auctoritatem.

PUNCTVM II.

IN hac electione eminet 1. obedientia, quæ congregatio illa sancta acquieuit Petro, tanquam capiti, proponenti de electione faciendâ, cum opponere potuissent, expectandum esse Spiritus sancti aduentum: sed nimirum Deus illustrauerat Petrum, ita fieri oportere iuxta Scripturam: *Episcopatum eius accipiat alter.* 2. concordia, qua conuenerunt in duos, & humilitas, nemine pro se ambiente: unde solet turbari concordia. 3. Oratio ad Deum, qui nouit corda hominum, & quid expediat.

Apostolo-
um

1.
Obedien-
tia.

2.
Córdia.
3.

PUNCTVM III.

D I V I N O calculo prælatus est Matthias Barsabæ, qui ob sanctitatem cognominabatur Iustus, tamen hic primo loco fuisse nominatus. Videtur Deus fauere voluisse humilitati, quia Matthias non ita eminebat, ut alter. Et ita legitur ea die Euangelium: *Confiteor tibi Pater, quia reuelasti ea paruulis.*

Humilitas
S. Matthiæ
causa ele-
ctionis.

Non est indignatus Barsabas, nec elatus Matthias: ita ego sperare, acquiescere diuinæ dispositioni, meque indignum iudicabo; si promouear, ne idcirco putem me digniorem, cum ob alias causas fieri possit: & cum timore suscipiam.

MEDITATIO XXII.

*De beneficio dati Spiritus sancti,
& cur?*

PUNCTUM I.

Causæ mis-
sionis.

1.

Ioan. 3. 16.

2.

Ioan. 14. 16.

3.

4.

Psal. 67. 19.

CAUSÆ dandi mouentes fuere. 1. Bonitas Dei, qui ita dilexit mundum, vt Filium suum vnigenitum daret. & quamuis hunc tam malè tractasset mundus, nihilominus etiam daret Spiritum sanctum. 2. Meritum Christi, qui passione sua nobis illum promeruerat, & assistens iam ad Patris dexteram impetrauit, sicut dixerat: *ego rogabo Patrem, & alium Paraclitum dabit vobis.* 3. Misericordia, ex parte Dei, ex parte verò nostra ingens necessitas & miseria. 4. Quia per ipsum consumari debuit opus redemptionis, exhibendo nobis illius fructum. Misit eum Pater, misit eum Filius: qui captiuam ducens captiuitatem dedit dona hominibus, sed & Spiritus sanctus dedit semetipsum: & ita est donum & donans. *Veni dator munerum, veni lumen cordium.*

PUNCTUM II.

In quem fi-
nē missus.

Ioan. 14. 16.

FINIS & effectus istius donationis. 1. Vt esset aduocatus, & consolator pro Christo. *Alium Paraclitum dabit vobis, vt maneat vobiscum in æternum.* Aduocatus est: hoc est, postulare facit & orare. Solatur autem, & arguit in aduersis. *Manet in æternum*, inuisibilis Christus autem, cum esset apud illos visi-

biliter, sic non conueniebat, vt in æternum. 2. Vt doceat: Cùm venerit Paracletus, ipse vos docebit *Ioan. 14. 6.*
omnia, & suggeret vobis omnia quacunque dixerit vobis. Reducet in memoriam & faciet intelligere, quacunque dixerim vobis, apud vos manens. 3. Vt testificaretur de Christo: ille testimonium perhibebit de me, illuminans & mouens ad credendum, quis ego sim, & per vos testificans coram mundo; nam & vos testimonium perhibebitis de me, quia ab initio mecum estis. 4. Vt arguat mundum de peccato & de iustitia, & de iudicio. De peccato quidem, conuincens eos impiè agere, quòd in me non credant; de iustitia, confirmans innocentiam meam, ac legis meæ sanctitatem; de iudicio, quod feci expellens Diabolum, cuius tamen castra homines sequuntur. Sic in anima operatur Spiritus sanctus, coarguens malum, inducens ad iustitiam, discernere faciens inter Christum & diabolum, & sequi in omnibus meliora.

PUNCTVM III.

DATVR ipse dator donorum, vt nunquā deficiant dona, quando ipse possidetur: deo Spiritus sanctus comparatur perenni fluuio: qui credit in me, flumina de ventre eius fluent aqua viuæ indeficientis. Et aqua, quam ego dabo, fiet in eo fons aquæ salientis in vitam eternam. Ioannes etiam vidit fluuium aquæ viuæ splendidum tanquam crystallum, procedentem de sede Dei, & Agni, qui est Spiritus sanctus, à Patre & Filio procedens ad cuius ri-

Spiritus S.
dator donorum Dei.
Ioan. 7. 38.
Ioan. 4. 14.
Apoc. 22. 1.

Gal. 5. 22.

pas lignum vite confitum est, proferens duodecim fructus, singulos per menses singulos. Hæc sunt dona Spiritus sancti, & speciatim, quæ Paulus vocat fructus Spiritus sancti.

Concipiam fiduciam. nam si fontem nobis largitur, quomodo non omnia nobis cum ipso donabit? Petam duodecim illos fructus, singulos speciatim.

Quibus
detur Spi-
ritus san-
ctus.

Ioel. 2. 28.

Gen. 6. 3.

Act. 10. 34.

PUNCTVM IV.

OVIVVS datur? Idiotis piscatoribus, sed & omnibus hominibus, quamvis barbaris pessimis, dum ritè velint. sicut promissum est: *Efundam Spiritum meum super omnem carnem.* Nec prohibet, quod aliquando dixerat: *Non permanebit Spiritus meus in homine, quia caro est,* dum secundum carnem vivit. *Non est, personarum acceptor Deus, sed in omni gente, quæ timet eum, & operatur iustitiam, acceptus est illi.* Hoc dixit Petrus, cum super Centurionem & alios gentiles Spiritus sanctus descendisset.

In festo
Penteco-
stes.

MEDITATIO XXIII.

De modo, quo datus est Spiritus sanctus.

PUNCTVM I.

Spiritus
sanctus
datur fide-
libus.

Gen. 8. 9.

CIRCUMSTANTIAE loci & temporis. **I.** In cœnaculo, quod soliti erant convenire. est typus Ecclesiæ, in qua solum datur Spiritus sanctus, sicut columba non inuenit.

ubi requiesceret pes eius, nisi in arca Noe, & Christus ait: Quem mundus non potest accipere. Erant autem ad centum viginti perleuerantes in oratione, quæ petebatur ipsum donum, quæ oratio ascendit in conspectu Dei.

Ioan. 14. 17.

Erat dies quinquagesima à Paschate Iudeorum, Pentecoste, qua recolebatur memoria legis datæ in monte Sinai inter fulgura & tonitrua, & scriptæ in tabulis lapideis. Nunc autem dabatur lex noua, lex charitatis, inscripta in tabulis cordis carnalibus, non duris instar lapidis, sicut promiserat Dominus: *Auferam cor lapideum, & dabo cor carneum molle ac flexile.*

Cur die 50. post Pascha.

Quinquagesima autem dies (qui numerus Iubilæum ac remissionem significat (nota est plenæ remissionis peccatorum. Nam in Iubilæo debita relaxabantur, & captiui. Vnde dicitur de Spiritu sancto, *quia ipse est remissio peccatorum.*

Eze. 36. 26.

PUNCTVM II.

MODVS veniendi: *Factus est repente de cælo sonus tanquam aduenientis Spiritus vehementis. Repente visitatio diuina non habet præfixum tempus, omni tempore expectanda, & expectanda: sed repente & ignorantibus aduenit de cælo: non ab aliqua plaga mundi, nam omne datum optimum de sursum est. Tanquam Spiritus vehementis: id est, venti. Habet Spiritus sanctus similes vento effectus. Inspiratione aëris conseruatur vita, & ardor internus mitigatur. Sic Spiritus sancti gratia*

Modus veniendi.

Act. 2. 2.

1.

2.

Jacob. 1. 17.

3.

con-

conseruat vitam spiritualem, & concupiscen-
tiae mitigat ardores. Ventus efflat paleas &
triticum, & promouet impellendo: sic Spiritus
sanctus efflat imperfectiones, & inuitat ad
bonum: *Veni auster & perfla hortum meum, &
fluant aromata*, exempla benevolentia virtu-
tum. Fiat *medium fornacis* (sicut tribus pue-
ris) *quasi*, ventus roris flantis, ne ignis contri-
stet, aut quidquam molestiae inferat. *Vehemen-
tis*, nescit enim tarda molimina Spiritus san-
cti gratia. excutit torporem vehementer, sed
suauiter. *qui Spiritu Dei aguntur hi sunt filij
Dei.*

4. Factus est sonus: instar tonitruui, vt tota vr-
be audiretur. typus praedicationis Euangeli-
cae: *in omnem terram exiuit sonus eorum*, & in
Rem. 10. 18. *fines orbis terrae verba eorum*. Iode illi duo
Marc. 3. 17. apostoli à Christo nominati sunt, Boanerges si-
gnificat tonitruui.

PUNCTVM III.

Myſteria
huius re-
pletionis.
Act. 1. 7.
1.
Isaia. 11. 9.
2.
Sapi. 1. 7.
Ioel. 2. 28.
3.
4.

ET repleuit totam domum, ubi erant se-
dentes. 1. Significatur abundantia do-
norum collata Ecclesiae, vt praedixit Isaia: *Re-
pleta est terra scientia Domini sicut aquae ma-
ris cooperientes eam*. 2. Quod nemo exima-
tur ab hac gratia: *Quoniam Spiritus Domini
repleuit orbem terrarum. Et effundam Spiritum
meum super omnem carnem*. 3. Quod cum in
animam venit, omnes illius potentias sic im-
plet, vt omnia interiora benedicant domino.
4. Vbi erant *sedentes*, non implet animam va-
gam, atq; ad exteriora effusam, sed collectam.

PUNCTVM IV.

APPARVERVNT *illu dispersita lingua, tanquam ignis.* In varijs formis apparuit Spiritus sanctus, ad diuersos effectus significandos. In Baptismo Christi in forma columbæ, ob innocentiam, & foecunditatem bonorum operum, quam tribuit. in Transfiguratione, vt nubes lucida; quia obumbrat & protegit, nec non fundit vmbra scientiæ. In apparitione post Resurrectionem in sufflatione; quod sit Spiritus vitalis, qui per Sacramenta confertur. In Pentecoste, vt ignis.

1. Quia purificat, & scoriam reijcit ab auro & argento, videlicet peccatorum. 2. Illuminat, vt de mysterijs fidei certiores faciat, quam si cernerentur oculis corporeis. 3. Accendit charitate in Deum & proximum. 4. sursum eleuat mentes, vt conuersatio in coelis sit. 5. transformat in se, quæ apprehendit, vt anima fiat vnus spiritus cum Deo. De hoc dixit Christus; *Ignem veni mittere in terras & quid volo, nisi ad accendatur?* linguæ erant, non cor; quia non dabatur, vt ipsi soli ament; sed vt linguis suis, & prædicatione cæteros purificarent, illuminarent, accenderent, sursum proueharent, Deoque vnirent. Lingua etiam ignea est deuotio in affectus prorumpens admirabiles.

Apparuerunt dispersita, quia diuisiones gratiarum sunt. idem autem Spiritus. In Ecclesia alius aliam accipit gratiam, omnes autem

I.
Cur in forma ignis.

1.
2.
3.
4.
5.

Luc. 12. 49.

II.
Cur dispersa linguæ.
1. Cor. 12. 3.

sunt in utilitatem singulorum membrorum, ut in corpore naturali, in quo bonum oculi est etiam manus & vicissim.

III.

Ioan. 14. 16.

Sap. 1. 5.

Sedit autem super singulos eorum. sicut dixit Christus: ut maneat vobiscum in aeternum. nam, quantum in ipso est, non recedit, nisi à nobis repellatur. Spiritus sanctus disciplina effugiet fictū, & auferet se à cogitationibus, quæ sunt sine intellectu, & corripitur à superueniente iniquitate.

PUNCTUM V.

Psal. 76. 11.

Psal. 80. 11.

ET repleti sunt omnes Spiritu sancto. cum essent inæqualis meriti, omnes tamen repleti sunt, ut nihil extra Deum optarent aliud. Repleti sunt, quoad omnes facultates animæ, ut in omnibus perfecti repente eaderent. *Mutatio dextra excelsi.* Cæterum repleti sunt pro capacitate vasorum, & dispositione, ac ita plus accepit Christi Mater, tum Apostoli, tum cæteri. Proinde dilatabo cor meum, ut quam plurimum capiat. *Dilata os tuum, & adimplebo illud.* iuuant ad hoc quatuor. 1. Puritas conscientiæ. 2. Humilitas cordis. 3. Fiducia dilatans. 4. Feruens oratio.

Denique repleti sunt, quisque pro officij, & gradus sui mensura.

PUNCTUM VI.

Act. 2. 4.

ET cœperunt loqui varijs linguis, prout Spiritus sanctus dabat eloqui eis.

Linguarum donum eis datum est, ut omnibus gentibus Euangelium prædicarent. Et sicut *confusio linguarum* à Deo immissa est ob superbiam, in cælum usque ædificantium, ita ad culmen perfectionis contendentibus, & ciuitatem ædificantibus, ad visionem Dei pertingentem, quæ est Ierusalem coelestis, data est omnium notitia linguarum.

Loquebantur autem, prout Spiritus sanctus dabat eloqui illis: nempe sicut dicit Paulus: *Nō sumus adulterantes verbum Dei, sed ex sinceritate, sed sicut ex Deo coram Deo in Christo loquimur.* Vbi quatuor circumstantiæ recti sermonis indicantur. 1. Ut ex sincera intentione ad Dei gloriam. 2. Ut sicut ex Deo, non à perturbato affectu. 3. Ut tanquam Deo adiuuante. 4. Ut in Christo, qualia non sunt verba vana & impertinentia.

Tandem hinc discimus, quales affectus in anima excitet Spiritus sanctus, sicut dicit Apostolus: *Implemini Spiritu sancto loquentes vobismetipsis in psalmis, & hymnis, & canticis spiritualibus. cantantes & psallentes in cordibus vestris Domino: gratias agentes semper pro omnibus in nomine Domini nostri Iesu Christi, Deo & Patri.* Fecerunt hoc illa die sancti illi, ac præ omnibus Beatissima Virgo. O, si audire licuisset voces laudis & gratiarum!

Donum
linguarum.
Gen. 11. 17.

2. Cor. 2. 17

Ephes. 5. 28.

Coloss. 3. 16.

MEDITATIO XXIV.

De gestis ab Apostolis ipsa die Pentecostes.

PUNCTVM I.

Act. 2. 5.

AD sonitum Spiritus vehementis conuenit multitudo. sic Diuina inspiratio facit accurrere quod vocat.

Apostoli autem, accepto Spiritu sancto, mox prodeunt in publicum. quia vult Deus, vt gratiam eius non sinamus esse otiosam. Et sicut superbiæ est semet ingerere absque virtute ex alto in opus Euāgelij, ita pusillanimitatis & vitij, gratiā suppetente, velle delitescere.

Loquebantur autem magnalia Dei: id fecit lingua Spiritus sancti: lingua autem mundi, & carnis loquuntur sua magnalia, & loquebantur Apostoli linguis ignitis, feruore ingenti, vt stuperent omnes, & mirarentur ad inuicem dicentes: *quidnam vult hoc esse?*

PUNCTVM II.

1. Reg. 1. 13.

ALII iridentes dicebant, quia musto pleni sunt. Nunquam defunt irriores boni operis. Heli sacerdoti visa est Anna temulenta præ feruore orandi. Et cognati ipsius Christi dicebant: *eum in furorem versum*, cum prædicaret, sic isti modò. Iuuat ad humilitatem irrisio, & vt sic discamus, quàm aberrat

Mar. 3. 21.

iudi-

iudicium mundi, & vt non facile damnemus. quæ à Iustis fiunt extra ordinem.

Ex irrisione captant Apostoli occasionem docendi veritatem. ac primus Petrus, tanquam caput, loquitur, & modeste redarguit calumpniam, quod tam manè non sit præsumenda ebrietas, sed melius esse mustum à Spiritu sancto, qui per Ioëlem promissus fuerat. O Domine, *introduc me in cellam istam, & ibi ordina in me charitatem*, tu qui inuitas: *Bibite & inebriamini charissimi.*

PUNCTVM III.

SERMO efficax, quo Petrus testimonium dedit Christo in quo elucet miræ virtutes Petri. 1. Sapientia in Christi mysterio astruendo, & confirmando ex scripturis. 2. Libertas & fortitudo animi qua Christum confitetur, quem ipsi crucifixerint quod etiam postea fecit coram ipsis Pontificibus, Anna, & Caypha, eisq; prohibentibus, respondit: *si iustum est, vos potius quàm Deum audire, indicate.* idemq; alij fecerunt loquentes verbum Dei cum fiducia. 3. Zelus & ardor dicendi, vt compuncti corde dicerent: *quid faciemus, viri fratres?*

Conuersi sunt circiter tria millia baptizati, non absque mysterio sanctissimæ Trinitatis: vt alia vice quinque millia pro quinque Christi vulneribus. Quæ exultatio Apostolorum, Matris, Angelorum, Christi ipsius.

Irrisio occasio prædicandi.

Ioel. 2. 28.

Cant. 2. 4.

Cant. 5. 1.

S. Petri virtutes.

1.

2.

Act. 4. 19.

3.

MEDITATIO XXV.

De vita primorum Christianorum.

PUNCTVM I.

Act. 2. 42.

Tria exercitia virtutum.

1.

2.

3.

Act. 6. 44.

ERANT perseverantes in doctrina Apostolorum, & communicatione fractionis panis & orationibus his tribus vita spiritualis & nutritur, & augetur. 1. Audiendo, & legendo, unde magis instruamur. 2. Frequentatione sacrosanctæ Eucharistiæ. 3. Assidua oratione. In Actis legitur Spiritum sanctum datum fuisse, vel inter audiendum verbum Dei, ut Centurioni; adhuc loquente Petro cecidit Spiritus sanctus super omnes, qui audiebant verbum Dei. vel in receptione Sacramentorum, imponebant manus super illos, & accipiebant Spiritum sanctum. Sermo est de Confirmationis Sacramento vel in oratione, cum orassent, motus est locus, in quo erant congregati, & repleti sunt omnes Spiritu sancto. His igitur ego insitam medijs.

PUNCTVM II.

Act. 2. 44.

Act. 4. 33.

Iere. 3. 39.

Ioan. 17. 11.

PERFECTIONEM consiliorum, quâ Christus commendauerat, Spiritus sanctus adueniens induxit in primis Christianis. ait enim: omnes qui credebant erant pariter. communem vitam agebant, sicut omnium erat cor vnum, & anima vna. id promissum fuerat: dabo eis cor vnum, & animam vnam, & pro hoc Christus orabat ut sint vnum sicut & nos, sic impletum

illud

illud Isaïæ: *Habitabit lupus cum agno, pardus
cum hædo, vitulus & leo & ouis simul morabun-
tur, & puer paruulus minabit eos. Homines di-
uersi ingenij & morum, imò feri & intracta-
biles consuescent mansuetis. Videte opera Dei,
quæ posuit prodigia super terram.*

Isai. 11. 6.

Psal. 45. 9.

Deinde paupertatem Euangelicam com-
plexi sunt: *vendebant possessiones, pretia ante
pedes Apostolorum ponebant, nullus eorum, quæ
possidebat, aliquid suum esse dicebat, diuideba-
tur inter omnes prout cuius opus erat, nec quis-
quam erat egens inter ipsos. sic fiebat, ut qui
nihil habuerant, omnia possiderent; & qui
sua reliquerant, centuplum acciperent. Et
sanctæ huius paupertatis transgressor Ananias
cum uxore, quod de pretio fraudasset terribili
exemplo à S. Petro morte mulctatus est: quia,
inquit, non est mentitus hominibus, sed Deo.*

Act. 4. 32. 24

c. 5. 2. 4.

PUNCTVM III.

RELIQUA Christianorum vita. quotidie
erant perdurantes unanimiter in templo,
& frangentes circa domos panem sumebant ci-
bum cum exultatione, & simplicitate cordis,
collaudantes Deum, & habebant gratiam ad
unam plebem. 1. frequentatio loci sacri cau-
sa orationis, cum perseverantia vno animo. 2.
fraterna coniunctio, & conuiuatio, qualis à
Dauidè exprimitur: *Iussi epulentur & exultet
in conspectu Dei, sine fictione aut duplicitate
cordis; mutuo se excitantes, ad laudandum*

Actu. 2. 46.

Vita Chri-
stianorum
in tribus.

1.

2.

Psal. 67. 4.

3.

Deum pro impertita sibi gratia Euangelij. 3. Redundabat in plebem ædificatio magna ex sancta, & fraterna conuersatione, quam inter se colebant, erantque in pretio. Disce, Religiose.

MEDITATIO XXVI.

De Spiritus sancti inspirationibus.

PVNCTVM I.

Spiritus S.
effectus in
enatis.
Ioan. 3. 6.

QUOD homo gratiâ Spiritus sancti fit Spiritus, sicut ait Christus, *quod natum est ex carne caro est, & quod natum est ex spiritu, spiritus est*, quæ summa est perfectio Nempe, uti homo secundum naturam fit similis generanti: ita natus ex spiritu sancto, fit eidem similis. Porro sicut homo non statim ac est genitus, habet omnem perfectionem agendi naturalem; sed acquirit per incrementa, ita spiritus sanctus, quos sibi assimilauit, sensim perficit in operando: quod præstat inspirationibus suis, quarum tres sunt proprietates à Christo Nicodemo insinuatæ apud Ioannem ex similitudine venti.

Ioan. 3. 6.

I.

Spiritus S.
quomodo
spirat.

1.

2.

3.

PVNCTVM II.

PRIMA proprietas: *Spiritus. ubi vult, spirat*, quibus vult, quando vult, sicut vult. 1. inspirat non petentibus, nec cogitantibus. 2. immerentibus. & indignis. 3. etiam contradicentibus, ut Paulo, præcipuè tamen filiis, qui Spiritu Dei aguntur. His inspirat optima quæque,

& UT

& vt cum libertate spiritûs, illa faciant, non cum tadio, non ex timore, non sicut mercenarij; sed studio placendi Deo, quæ est libertas spiritus. Et quemadmodum Deus omnibus benefacit: ita iustus ab eodem spiritu motus etiam inimicis & persequentibus reddit bona. Et quia vult idem quod Deus dum facit, quod Deus vult, suam semper implet voluntatem, quod est quodammodo esse omnipotentem.

PUNCTVM III.

SECVNDÆ proprietas est: *Et vocem eius audis*. sic est potens, vt nullo obstaculo prohiberi possit, quin audiatur; & penetrat ad intima mentis & voluntatis, illam illuminans, hanc mouens, tametsi in potestate hominis sit non consentire motioni. sed & flectere eum potest, ne dissentiat; idque suauiter, vt etiam cum voluptatē ducatur, dicatque: *Domine, quid me vis facere?* Est auris quædam interior, discernens verba spiritus sancti: nam is mutat cor in melius semper; & à caducis abducit, eiulque finis est iustitia, gaudium, & pax: contra quam malus spiritus agit.

II.

Libere spirat.

Actu. 9. 6.

Habet etiam homo, in quo manet Spiritus sanctus, voces suas; vnde agnoscitur Spiritus inhabitans, & sunt exempla virtutum.

PUNCTVM IV.

TERTIÆ proprietas: *Nescis vnde veniat, aut quò vadat*. Vnde minimè putatur, sc-

III.

Occulte venit.

Actu. 20 22.

pe inspiratio oboritur. finis etiam peculiaris, quem Spiritus sanctus intendit, latet: ut cum dicebat S. Paulus: *alligatus spiritu vado in Ierusalem, quæ in ea euentura sunt mihi ignorans.* Ego autem inspiratione bene utar ad profectum animæ.

MEDITATIO XXVII.

De septem donis Spiritus sancti.

PUNCTVM I.

Doni S.
Spiritus.

IN regeneratione spirituali hominis, præter virtutes Theologicas, Fidem, Spem & Charitatem, quibus perficitur ipsa iustificatio; infunduntur etiam animæ dona septem Spiritus sancti, quæ à virtutibus distinguuntur: quod hæc sint habitus, per quos operamur; dona autem sunt qualitates quædam, animam reddentes aptam diuinis motionibus & inspirationibus excipiendis, ad insignes quosdam actus. Sunt autem hæc dona cum charitate coniuncta; & illa amissa, perduntur. Iuuant autem, tum ad declinandum malum, tum ad faciendum bonum.

PUNCTVM II.

Vfus diuer-
sus donoru.

I.

IVVANT ad malum declinandum, & expellendum, iuxta diuersas tentationes, afflictionesq; malas, quæ solent animam exagitare.

I. est *tadium* fastidiumque diuinorum, ut planè desipiant: & ita anima ad sensualia se

conuer

conuertit, & effundit. Sic Israëlita *nausebant* supra manna, tanquam cibo leuissimo, & expe-
tebant ollas Aegypti. huic morbo medetur
donum Sapientiae, quæ rationes diuinas sugge-
rit, vt coelestia sapiant magis; despiciant car-
nalia & terrena. Vocatur iste morbus, stultitia:
quæ verè est maxima in illa inappetentia
diuinorum, praua quæ estimatione.

Num. 21. 5.

II.

II. Est *ruditas* siue obscuritas quædam men-
tis circa res fidei capiendas; vnde existunt du-
bia, perplexitates, torpor ad credendū & spe-
randum. Huic medetur donum *intellectus*, il-
lustrans, nebulasque dissipans, vnde pacem &
gaudium habeamus in credendo.

III.

III. *Hesitatio*, in subitis præsertim tenta-
tionibus. vnde periclitamur. Huic occurrit
donum *Consilij*, suggerens expeditam ratio-
nem euadendi: vt cum Ioseph *reliquit pallium*
in manu adulteræ.

Genes. 39. 12

IV

IV. *Ignorantia*, & incircumspectio, vnde à
dæmone circumuenimur, & in fraudem in-
ducimur. Opponitur donum *Scientiæ*, quò il-
luminati discernimus imposturas Diaboli;
carnisquæ & mundi fallacias.

V.

V. *Imbecillitas* animi ad ferenda damna
potius, quàm peccandum, si vitæ aut rerum
iactura sit facienda. Roborat donum *Fortitu-
dinis*, vt sanctos Martyres.

VI.

VI. *Durities* cordis, ad compatiendum
proximis, & ferendum ab eis quidpiam. E-
mollit donum *pietatis*.

VII.

VII Motus *superbie*, & *arrogantia*

frænat

frānat *Timor Dei*: qui conspicitur ex intelligentia iudiciorum diuinorum, & notitia illius Maiestatis: vnde anima se humiliat. Studebo tam necessaria dona conseruare, & in quauis illarum tētationum ad Spiritum sanctum pro oportuno auxilio confugere. *Impulsus euerfus sum, vt caderem, & Dominus suscepit me.*

Psal. 117. 13.

PVNCTVM III.

Modus quo
Spiritus S.
suis donis
iuuat.

1.

2.

3.

4.

Eccl. 34. 6.

IVVANT eadem dona ad prosequendum bonum etiam perfectum. 1. *Sapientia*, ad diuinas perfectiones subtiliter intelligendas, cum gustu affectuque amoris. 2. *Intellectus*, ad penetranda fidei mysteria, & quæ in eis latent altissimas rationes, simulque credenda certitudine tanta, ac si cernerentur, vnde copia suauissimarum cogitationum, quibus exardescit ignis salutaris in meditatione. 3. *Scientia* rerum creatarum, quatenus à Deo, & in se sunt, atque in Deum ducunt, moresque formant. Atque hæc tria dona iuuant vitam contemplatiuam, & illius exercitationes, quæ sunt *Lectio, Meditatio, Oratio, Contemplatio*. sed quia hæ ipsæ debent spectare pax in virtutum, accedit donum *consilij*, quo dirigimur in illis, vt sigillatim & in particulari concipiamus proposita opportuna, & efficacia; alioqui vaga & arida erit mens, vt est apud Sapientem: *Sicut parturientis cor tuum phantasias patietur, nisi ab altissimo fuerit emissā visitatio.*

Restant alia tria dona, quæ perficiunt nos

in

in operibus vitæ actiuæ erga proximos.

Donum *Pietatis* nos perficit, vt erga superiores, tanquam filij nos geramus, erga inferiores, vt matres, erga æquales, in visceribus charitatis.

Donum *Fortitudinis* perficit nos ipsos ad ardua quæque pro diuino obsequio aggredienda intrepidè.

Donum *Timoris* in ordine ad Deum, per intimam reuerentiam illius maiestatis, gloriam ei reddendo pro omnibus bonis.

Inter hæc septem dona donum *consilij* medium est tanquam sol inter planetas, vtrique vitæ consulens, tum contemplatiuæ, tum actiuæ, vt in vtraque optimum eligamus, nec à Sathana, se in angelum lucis transformante, deludamur. Et quia periculosum est, sibi met credere ac fidere, eodem *consilij* dono impellimur, vt aliorum ductu præsertim superiorum dirigi velimus, iuxta illud; *Cor boni consilij statue tecum, credens quòd anima viri sancti enuntiat vera, quàm septem circumspectores sedentes in excelso ad speculandum.*

Eccle. 37. 17.

MEDITATIO XXVIII.

De S. Stephano Protomartyre.

FVIT Stephanus post missionem Spiritus sancti inter celeberrimos post Apostolos, vnus ex septem Diaconis delectis ab Apostolis, de quo apud Lucam leguntur quatuor in-

signia.

In Festo S.
Stephani
Protomartyris.

Act. 6. 8.

signa. 1. dona eximia ei collata. 2. quod excellenter illis vsus fuerit. 3. extraordinarij fauores Dei erga illum. 4. exitus vitæ clarissimus, adde præmium. Ferè in alijs sanctis possunt similia considerari.

PUNCTVM I.

Liberalitas
Spiritus S.
in Stephanum.

DONA ei collata intelligi possunt ex eo, quod dicitur, *plenus Spiritu S.* In quo continentur quatuor ipsi nominatim attributa, quod plenus esset gratia, sapientia, fide, & fortitudine. *Gratia*, qua Deo gratus & amicus erat in præcipuis. *Sapientia*, in diuinis excellenter percipiendis, communicandisque in alios. *Fide*, fiduciæ plena & operatrice mirabilium. *Fortitudine*, qua inuictus reddebatur in profitenda, propugnandaque veritate. Accipit ista à Deo gratis: sed, haud dubiè, disposuit se, vt acciperet, disponente illum ipsamet gratia Dei, quam per illius merita flagitabo, vt aliquo modo etiam ego replear Spiritu sancto, quod ille persecutori suo Paulo, in terra adhuc positus impetrauit. Deinde considerandum, quàm benè vsus fuerit acceptis donis. 1. Sapientia, pro Christi gloria ad reuincendos Iudæos: vt non possent resistere sapientia & spiritui, qui loquebatur, iuxta Christi promissum: Non vos estis qui loquimini, sed spiritus Patris vestri, qui loquitur in vobis. 2. Fide eminenti faciebat prodigia & signa magna in populo: ad confirmandam doctrinam. 3. Fortitudinem exhibuit singularem in cōcilio malignantium

Quomodo
vsus donis
suis.

1.

Act. 6. 10.

2.

Mat. 10. 20.

3.

Iudæo-

lucorum, intrepidè eos redarguens, & mis-
 si gloriam prædicans, quâdo & apparuit vul-
 tus eius tanquam Angeli, quippe modestè, &
 grauitè, & seruata mentis & oris serenitate
 loquebatur, vt verum in eo esset illud Iob:
Lux vultus mei non cadebat in terram. Non
 concidebat nec confundebatur, sed mira gra-
 tia atque constantia inter furentium contra-
 dictiones, & contumelias perseverabat; obij-
 ciens illis, quòd *semper Spiritui sancto resistis-
 sent, prophetas occidissent, & ipsum Dominum:*
quare stridebant dentibus in eum.

Iob 29. 24.

PUNCTVM II.

EXIMI fauores, quibus illum Deus pro-
 secutus est. Refert enim Scriptura: *Cum
 esset plenus Spiritu sancto, intendens in cælum,
 vidit gloriam Dei.* Vbi obserua, quòd plenitu-
 do spiritûs, hoc est, gratiæ & sanctitatis, & in-
 tenta in cælum mens per orationem, valent
 ad obtinendum eiusmodi extraordinarios fa-
 uores, quales, etsi non sunt expetendi, curan-
 dum tamè, ne illis reddamur indigni, sed ap-
 temur potius: nam dispositiones illas promit-
 tit Dominus: *Effundam super domum Dauid,
 & super habitatores Ierusalem spiritum gratiæ
 & precum.* 2. obserua, quòd dicitur: *Vidit glo-
 riam Dei, & Iesum stantem à dextris Dei.* Ad
 hoc in primis datur cœleste lumen, vt Diui-
 nitatis gloria in tribus personis, & Humani-
 tatis in Christo exaltatæ dispensatio intelliga-
 tur; nam *hæc est vita æterna, vt cognoscant te*

Fauores
extraordi-
narij.

I.

Act 7. 55.

II.

Ioan. 17. 3.

Deum

2. Cor. 3. 18.

III.

Deum verum, & quem misisti Iesum Christum.
 Vidisse autem dicitur, quo notatur sublimior
 intelligentia diuinorum, qualem significat
 Paulus, cum dicit: *Nos verò omnes reuelata fa-*
cie gloriam Domini speculantes, in eandem
imaginem transformamur. (vtique per amo-
 rem) *à claritate in claritatem tanquam à Do-*
mini spiritu. Nempe proficiendo semper à lu-
 mine in lumen, & de virtute in virtutem, o-
 perante Spiritu sancto. 3. Visio hæc à Deo con-
 cessa fuit tunc Christi Athletæ: primò, vt re-
 muneraret illius constantiam in reddendo te-
 stimonium Christo. Nam solet etiam nunc
 vicem reddere, etiam centuplam in hoc sæcu-
 culo. Secundo, ad roborandum magis pugnan-
 tem: vnde Christus se exhibet stantem, quasi
 ad auxiliandum paratum. Tertiò, vt conspe-
 cta veritate eorum, quæ annunciabat, magis
 magisque accenderetur ad testificandum. Vn-
 de erumpit clamans: *Ecce video cælos apertos,*
& Iesum stantem à dextris Dei.

PUNCTVM III.

i.
 Patitur pro
 Deo.

2.

MORS Stephani pretiosa. i. sumpsit oc-
 casionem ex illo fauore singulari, quo
 se Christus illi exhibuerat, sicut & venditio
 Ioseph Patriarchæ ex viso diuinitus oblato.
 Ita Deo gratum est, vt causâ illius patiamur,
 siquidem eò dirigit impertitos fauores. Vnde
 & nos quoque debemus eadem referre, vt
 comparemur ad plus patiendum. 2. per sum-
 mum furorem est illata ei mors: nam pro eo,

quod

quod debuissent in cœlum oculos leuare, vbi Martyriū
 Christus se ostendebat, etiam aures obturaue- S. Stephani
 runt, ne verba audirent dicentis, se *videre* quale?
Christum stantem à dextris Dei: atq; impetu
 facto extra ciuitatem eiecerunt. & lapidibus
 necarunt. quos ille placidissimè excipiebat
 fixus in cœlo: vnde & lapides ei dulces fue-
 runt. contingat etiam mihi, vt præ gustu
 contemplationis Dei dulcescant labores &
 dolores.

PUNCTVM IV.

ORAT pro lapidatoribus suis. Imitatur F. ruor S.
 Magistrum. & præceptum illius exequi- Stephani.
 tur: *Orate pro persequentibus vos.* Spiritum Matt. 5. 44.
 quoq; suum cōmendabat exemplo Magistri.
 Orat autem instanter, quippe *flexis genibus, &* Orat pro
voce magna clamens: cū pro se stans oraue- se stās, pro
 rit, nec tali clamore: [quippe necessitas erat inimeis
 maior; & illi obsistebant gratiæ tulit autem flexis ge-
 fructum Conuersionem Pauli; prius tamen nibus.
 pro se orauit; quā pro inimicis: cū Chri-
 stus prius pro inimicis: tum verò spiritum
 suum Patri commendauerit: nam Christus
 non egebat gratia in eo transitu; sed Step-
 hanus, qui antè de se debuit esse sollicitus; orans
 pro inimicis, meretur exaudiri pro seipso.
 Tandem de eo dicitur: quod *obdormiuit in*
Domino; in charitate & vnione cum Deo vel
 pro confessione Domini *Beati, qui in Domino* Apoc. 14. 13.
moriuntur: opera enim illorum sequuntur illos
 Singulariter Stephano conuenit: *Posuisti* Psal. 20. 4

Domine super caput eius coronam de lapide pretioso.

In Festo.
Conuersio-
nis S. Pauli.

MEDITATIO XXIX.

Conuersio Pauli.

PUNCTVM I.

Act. 7. 57.

Cap. 8. 3.
Saulus
quantus
peccator.
Gen. 49. 27.

Act. 9. 1.

Cur permi-
serit Deus
Saulo per-
sequi Ec-
clesiam.

1. Tim. 1. 13.
1. Cor. 1. 9

Eccl. 42. 14.

QVALIS fuerit, summus persecutor, vt præzelo contra Christum *custodiret vestimenta lapidantium Stephanum*, quin, vt testatur Lucas, *deuastabat Ecclesiam per domos intrans, & trahens viros & mulieres tradebat in custodiam*. In quo impletum: *Beniamin lupus rapax, manè comedit prædam, & vespere diuidet spolia*, manè & vespere, semper in hoc intentus, vt lanicaret. Nec contentus Hierosolymis id agere. Damascum petijt, vt inde victos adduceret, *spirans minarum & cadis*.

Primò quidem perinisit Deus, Saulum ita insanire, vt quoniam ad magna illum elegerat, sic fundaret illum in magna humilitate, quando meminisset, qualis fuisset: quod & memorabat humili grataque recordatione: *Qui prius blasphemus fui & persecutor & contumeliosus*. vnde etiam se vocabat *minimum Apostolorum, & indignum vocari Apostolum*, quòd persecutus esset Ecclesiam Dei. Hunc fructum humilitatis ex peccatis præteritis colligere oportet. quod qui facit, de eo dicitur: *Melior est iniquitas viri, quam mulier benefa-*

ci. us.

ciens. Vir est, qui ex peccatis surgit ardentior, mulier, qui languet in opere bono.

Secundò, vt ipsemet ait, *Idèd misericordiam consecutus sum, vt in me primò ostenderet Christus Iesus omnem patientiam, ad informationem eorum, qui credituri sunt illi in vitam æternam.* nec modò patientiam in sustinendo, sed charitatem in amando tam infestum inimicum; bonitatem inuocando ita auersum, & fugientem; potentiam in rebellem compellendo; misericordiam in recipiendo poenitentem; gratiæ vim in commutando in virum alterù. Et voluit, sicut in teera degens insignes peccatores verbo conuertit, Magdalenam, Matthæum, Zachæum: ita è cœlo documentum dare eiusdem pietatis, vt peccator non diffidat.

Tertiò demum ad exemplū nobis, ne sinamus nos abripi ab impetu vehementis nature, vel ab indiscreto zelo, vel ab ira, quamuis per boni speciem, vt Paulus, ac si tale quid contingat, redeamus ad cor, Christo dante, quàm primùm, & feruenter.

PUNCTVM II.

CHRISTVS apparet Saulo appropinquanti Damasco. de qua apparitione ipse scribit: *Novissimè autem omnium tanquam abortiuo visus est & mihi, id est, tanquam immaturo fœtui, & præter ordinem, ac violenter edito.* Mira Dei charitas & dignatio, quòd iam à dextris Maiestatis sedens in excelsis

II.

Causa.

i. Tim. 2. 16.

III.

Causa.

Charitas

Christi er-

ga Saulum.

i. Cor. 15. 8.

ipſemet Chriſtus in vero ſuo corpore ſe præſentem exhibuerit acerrimo perſecutori. Nam quòd Apoſtoliſ poſt reſurrectionem apparuerit, minus fuit, tum quia terras nondum reliquerat, tum quia amantibus & deſiderantibus ipſius præſentiam. Verè impleuit illud paſtoris boni officium, qui *relictis nonaginta nouem ouibus in deſerto, vadit ad illam, quæ perierat*, quanquam deſeruiffe cœlum non eſt credendus. Multum eſt, quòd *inueniri ſe faciat à non querentibus*; at quòd etiam à perſequentibus, id verò eſt ſupra omnem modum.

Luc. 15. 4.

Iſai. 65. 1.

Rom. 10. 20

Proprietates
illustrationum
cœleſtium.

1.
Iob: 6. 32.

2.

Act. 22. 6.

Gal. 2. 20.

Deinde conſiderandus apparitionis modus. 1. *ſubitò circumfulſit eum lux de cœlo*. Subitò, inquit, non ſolum, quia repente, inſtar fulguris, ſed, quia inopinanti, & immerenti contigit. Sic Deus agit, vt eſt apud Iob: *In manibus abſcondit lucem, & præcipit ei, vt rurus adueniat. Annunciat de eâ amico ſuo, quòd poſſeſſio eius ſit, & ad eâ poſſit aſcendere*. 2. Immiſſa eſt lux, *cùm iâ appropinquaret Damasco*, in ipſo aggreſſu intercipientes cohatuſ. Aliàs Deus peccatoribus ſepit viam ſpinis, vt reuocet ad ſe obijciens difficultates, & impedimenta cupiditatibus. Saulum blandè allexit, luce perfuſum. Et accidit *circamæridiem*, vt ipſe refert, qua hora Chriſtus crucem ſubiit, nempe in feruore charitatis præuenit illum Deus: quod agnoſcens ipſe Paulus ait: *quòd vino in carne, in fide viuo Filij. Denique dedit me & tradidit ſemetipſum pro me*. Ali-

ter etiam in meridie id factum, cum ad summum peruenerat persecutoris rabies. quo augetur beneficij magnitudo, & Paulus dicere iure potuit: *Nisi quia Dominus adiuuit me, paulo minus habitasset in inferno anima mea.* 3. *Circumsulsi eum:* quaua versus valla-uit, vt nusquam pateret ad alia intuitus, nisi per eam lucem. Id fit, quando anima sic est illustrata, vt nihil extra Deum, nisi propter Deum cogitet: aut velit. 4. *blandè compellat: Saule, Saule, quid me persequeris?* nomine proprio appellat, vt notum, & ad emollicendum. Causam rogat, veluti paratus satisfacere, si quam dederit, persequendi. Ita Iob: *si contempsisti subire iudicium cum seruo meo, & ancilla mea, cum disceptarent aduersum me;* quæ est suprema dignatio: & id facit Deus cum peccatore. Porro persecutionem seruorum suorum ducit suam; & qui in cruce non est questus de crucifixoribus suis, nunc queritur de membris suis. Felix peccator, cui Deus ita ad cor loquitur, vt intelligat, quem offendit.

Psal. 93. 17.

3.

4.

Iob 31. 13.

PUNCTVM III.

PAULI interrogatio, *quis es Domine?* qui interiorius à Deo illuminatur, continuò appetit magis magisque nosse eum, qui loquitur in ipso, Dominum autem vocat pro reuerentia erga eum iam concepta. *Respondet ei Dominus, ego sum Iesus Nazarenus, quem tu*

Cognitio
Dei & sui-
ipsum

persequeru. Vbi duo aperit: Et quis ipse sit, & qualis sit Saulus. Ego, inquit, sum Saluator, & tu Saluatoris perlecutor. Hoc intelligat probè peccator, vnde bonitas eminet Dei, qui ita benignus est erga contemptores sui, & iniquitas peccatoris, qui talem non veretur offendere. O nouerim te, Domine, & nouerim me, vt te solùm amem, detester verò meipsum. Addidit Dominus: *Durum tibi est, contra stimulum calcitrare.* nam tibi met noces, te cruentas, non exstimulantem. Ita qui obsistunt motionibus diuinis, suo malo faciunt.

PUNCTVM IV.

Act. 9. 6.
Stupor
Sauli.

Psal. 76. 19.
Et 96. 4.

Psal. 76. 11.
Luc 18. 41.

Interroga-
tio Sauli
qualis?

EFFECTVS diuini responsi: Et Saulus *Extremus ac stupens dixit: Domine, quid me vis facere?* Tremet ex conscientia facti, stupet de misericordia Dei erga se; & quòd ita cæcutiuerit. Hæc duo operatur diuina lux in anima peccatoris. *Illuxerunt coruscationes tue, commota est, & contremuit terra.* Offert tandem se paratum ad omnia. *Hæc mutatio dextera Excelsi.* Nolim Domine, me interrogas, vt cæcum illum: *quid tibi vis faciam?* sed tu mihi dicito, *quid me vis facere?* quia non mea, sed tua debet voluntas fieri.

Iubetur itaque ingredi ciuitatem, ibi docendus, *quid oporteat eum facere.* Vult Deus per otium, & accuratè, nos cognosce-

re diuinam voluntatem, non obiter, & perfunctorie.

Tandem ex comitibus non dicitur aliqui conuersus, sed quod *stupescit stabant, audientes quidem vocem, neminem autem videntes*. Ea est profunditas diuinorum consiliorum. Quanquam nec indicium vllum datur, quod omnes permanserint in perfidia, neque est verosimile, quin à Saulo postea instructi, saltem aliqui in Dominum crediderint.

MEDITATIO XXX.

De ijs, quae secuta sunt Sauli conuersionem.

PUNCTVM I.

SVRGIT de terra: *apertisq; oculis nihil videbat, ad manus autem trahentes introducunt Damascum.* 1. Iacuerat toto tempore visionis in terra prostratus à lumine & voce.

Act. 9. 8.

Et 22. 11.

1.

Humiliatur

Saulus.

Humiliari enim debuit, & cum reuerentia excipere mandatum Dei. sed & in talibus debilitari solent vires corporis, vt contigit Danieli, & Iacob *claudicauit* ex visione Dei.

Dan. 10. 8.

Gen 32. 31.

2.

Obedit

Deo.

Ephes. 5. 14.

Act. 22. 11.

3.

Fit cæcus

corpore.

Languet caro, vigente spiritu. 2. Ad iussu dicentis: *Surge*, resumptis viribus, surrexit,

non è terra tantum, sed ex terrenis affectibus, roboratus spiritu. *Surge qui dormis, & exurge à mortuis, & illuminabit te Christus.*

3. *Apertis oculis, nihil videbat*: quia mens cælitus illustrata, despicit terrena, & ad ea non attendit, nec mouetur.

PUNCTVM II.

Actor. 9. 9.

1.

Myſterium
tridui Saul.

v. II.

2.

3.

Gratiæ
Sauli datæ.
Galat. 1. 12.
Actor. 22. 14

1. 9. 12.

1.

Modi reue-
lationem
varijs.

QUID egit illo triduo à viſione? Erat ibi
tribus diebus, non videns, & non mandu-
cans, neque bibit, ſed orauit, vt Chriſtus Ana-
niæ dixit: Ecce orat. 1. Tribus diebus erudiri
debuir de Myſterio SS. Trinitatis, in cuius no-
mine baptizandus erat. Et ſicut Chriſtus tri-
duo iacuit in ſepulchro ante reſurrectionem
ſuam: ita Paulus in illo ſeceſſu contemplatio-
nis, priuſquam reſurgeret per Baptiſmū. Ac
Apoſtoli per decem dies præparati ſunt ad
recipiendam plenitudinem Spiritus ſancti.
Paulus autem triduo tantum; quòd feſtina-
ret Deus illum adhibere ad opus prædicatio-
nis. 2. Præparatio fuit triplex: viſus exterioris
priuatio, & abſtractio à viſibilibus, ieiunium,
oratio. 3. Illo triduo eruditus eſt à
Chriſto de omnibus excellenter, non externo
magiſterio, ſed interno. Vnde ait: *ſe non ab
homine accepiſſe & didiciſſe Euangelium, ſed
per reuelationem Ieſu Chriſti.* Et hoc ipſum in-
dicauit Ananias, cū ad eum veniens dixit:
*Deus præordinauit te, vt cognoscereſ voluntatē
eius, & videres iuſtum, & audireſ vocem ex ore
eius, quia eris teſtis illius ad omnes homines, eo-
rum, quæ vididiſti & audiſti.* Et inter alia etiam
didicit: quòd per *Ananiam viſus ei foret re-
ſtituendus.*

PUNCTVM III.

ANANIAS interpellatur à Domino. 1.
Monetur in viſu vel ſomno, cū Saulus

vigi-

vigilans vocatus fuisset. nempe siue vigilantes, siue dormientes, decet nos ita esse compositos, vt idonei simus recipiendo diuino lumine. *Nox illuminatio mea in delictis meis.* Et, *Psal. 138. II. ego hormio, sed cor meum vigilat.* 2. Designatur vicus, vbi diuersabatur Saulus, quod vocaretur *Rectus*, & dominus domus *Iudas*, quod est confessio, siue peccatorum, siue diuinæ laudis. Aptè omnia, nam ceperat gressus suos rectos facere, & agnoscēs sua peccata, laudabat Patrem misericordiarū. 3. Inbetur Ananias adire Saulum, nō accersire ad se, quia ægrotus adeundus est à medico, & quia vult Deus quærì oues suas, & quadrat nomen *Ananie*, quod est *Nubes Domini*, quales esse debent prædicatores, nempe veloces, agilesque, & imbre cælesti pleni, ad irrigandas animas.

PUNCTVM IV.

ANANIAS obtendit difficultates, quas diluit Dominus. 1. Ait: *Domine audiui de viro hoc, quanta mala fecerit.* Non oportet conceptas opiniones de proximo, præsertim ex solo auditu, tenaciter retinere, maxime cum potuerit interea emendari. Et Ananias audierat ex ore Domini de Saulo, *Ecce orat*: quod erat signum mutatæ mentis. 2. Videtur Ananias affectu humano ductus, quod timeret sibi à lupo. Vnde velut interruptit initio sermonē Domini, obijciendo difficultates. Licet quidem difficultates proponere, vt discamus modum eas vincendi; non verò, vt de-

Psal. 138. II.

Cant. 5. 2.

2. 1. 1. 1.

Mysterium in vocibus.

3.

1.

Fallacia iudicia relinque.

2.

Tergueratur Ananias.

3.
Christi ad
eum re-
sponsio.

Eccl. 43. 2.

2. Cor. II. 23

Suaui pro-
videntia
Dei.

clinemus executionem mandati. Neque Ana-
nias sic proposuisse putandus est, sed vt cogno-
sceret, quo modo agendū sibi cū Saulo. 3. Do-
minus respondit: *Vas electionis est mihi iste.*
Verē electionis, hoc est, modo singulari, nul-
lisq; eius meritis electum, & ad summa quæq;
electum. Vas autem, hoc est, instrumentum,
ad portandum nomen meum coram gentibus, &
regibus, & filiis Israel: & quod de Sole dici-
tur: *Vas admirabile, opus excelsum.* Nec portabit
modō nomen meum, sed pro illo etiam multa
patietur. *Ostendam enim illi quanta eum oporteat pati pro nomine meo.* Recenset ipsemet,
qui tulit: *In laboribus plurimis, in carceribus abundantius.* &c. Et quidem iure optimo ita
Deus disposuit. Primō, vt lueret in se, quæ alijs
intulerat sanctis, & per hæc præpararetur ad
insignem gloriæ coronam, ipsā Deo destina-
tā. Deinde, vt discamus extraordinarios gra-
tiæ fauores non conferri, nisi multa pro Chri-
sto passis, aut per afflictiones disponi hominē
ad illos. Denique, ne foret discipulus supra
Magistrum, aut Apostolus, præ eo, qui misit
illum.

PUNCTVM V.

ANANIAS exequitur mandatū Domi-
ni. 1. Adit Saulum. potuerat Deus, qui
tam potenter vocauerat, absq; ministerio cu-
iusquam reddere Saulo visum, sed amat sub-
iectionē in quolibet, quantumvis magno. Vn-
de etiam per Ananiam Saulo denuntiat, quòd
esset munus eius, *testificari de Christo in omne*

gentes.

gentes. Compellat Ananias eum benignè, vocans fratrē: sed cū authoritate tamē agit: *Saule frater respice, Deus praordinavit te, vt cognosceres voluntatem eius, exurge, baptizare, & ablue peccata tua; inuocato nomine ipsius.* 2. Voluit Deus, illuminari eum ante baptismū, vt magis gauderet, conspecto baptizante, & inde intelligeret effectum baptismi, qui illuminat, & squamas peccatorū abstergit. Accepit simul donum linguarum, aliāq; Apostolis impertita. Quomodo exultauit? quas Deo gratias egit? pro Epistolis autē, quas attulerat ad vinciendos credentes, ipse factus est viua epistola, ad Christi gloriam euulgandam. 3. *Continud ingressus synagogas predicabat Iesum, quoniam hic est Filius Dei. Non acquieuit carni, & sanguini, vt ipse ait, sed absque respectu suorum* (quibus leuis, & inconstans videri poterat, & quorum indignationem ac persecutionē metuere) tanquam multo plenius statim profiliit, vt Apostoli, post acceptum Spiritum sanctum: *& conualecebat, & confundebat Iudeos affirmans, quoniam hic est Christus.* Ita nimirum redimere volens priorem culpam, & refarcire damna illata, implereque, quod alijs postea ipse praescripsit: *Sicut exhibuistis membra vestra seruire immunditiae & iniquitati ad iniquitatem, ita nunc exhibete membra vestra seruire iustitiae in sanctificationem.*

Actor. 22. 13.

2.
Baptismi
virtus ostē-
datur.

3.
Feruor Sau-
li conuersi.
Actor. 90.
Gal. 1. 16.

Rom. 6. 19.

MEDITATIO XXXI.

Illustres Pauli virtutes.

PUNCTVM I.

Paupertas

B. Pauli.

1. Tim. 6. 8.

2. Cor. 6. 10.

c. 11. 27.

2. Thess. 3. 8.

PAUPER TAS eximia. 1. reliquit omnia, ut ceteri Apostoli; & impleuit, quod suavit: *Habentes alimenta, & quibus tegamur, his contenti simus; & tanquam nihil habentes, & omnia possidentes:* nam bonum paupertatis erat ipsi præ totius mundi possessione. 2. sustinuit multam egestatem; *infame, & siti, in ieiunijs multu, in frigore & nuditate* 3. ne grauarer fideles, cum posset viuere de Euangelio; *sibi, & socijs victum labore manuum quæsiuit.*

PUNCTVM II.

1.
Castitas.

1. Cor. 7. 7

2.
c. 9. 5. 12.3.
Interua
pugna.

2. Cor. 12. 7.

CASTITAS inconcussa. 1. se proponit Exemplum cælibatus: *Volo omnes vos esse, sicut me ipsum: ut essent sancti corpore & spiritu; & possent sine impedimento Dominum obsecrare.* 2. noluit mulierem circumducere (quod alij faciebant) quæ sibi necessaria supeditaret, ad cautelam & exemplum. 3. Probarus fuit tentationibus, *Angelo Sathanae eum colaphizante;* & roganti pro liberatione responsum fuit: *Sufficit tibi gratia mea: nam virtus in infirmitate perficitur:* nempe, dum oppugnata vincit. Et continet tentatio hominem in humilitate: *Ne magnitudo, inquit, re*

uelati

uelationum extollat me, datus est mihi stimulus carnis. Eodem spectat, quod dicebat: sentio aliam legem in membrum meum, repugnantem legi mentis mee. Verum, ut alibi ait: Deo gratias, qui dedit nobis victoriam per Dominum nostrum Iesum Christum.

Rom. 7. 22.

1. Cor. 15. 17

PUNCTVM III.

MORTIFICATIO carnis, & sensuum, custos castitatis, ait enim: Ego sic pugno, non quasi aërem verberans, sed castigo corpus meum, & in seruitutem redigo: ne cum alijs predicauerim, ipse reprobus efficiar. Et alibi: semper mortificationem Iesu in corpore nostro circumferentes, ut & vita Iesu manifestetur in corporibus nostris. Nam ille multa tulit in corpore suo propter nos. Vnde etiam dicebat: Ego stigmata Iesu in corpore meo porto, ipsum imitor ferendis carnis afflictionibus.

Pœnitentia

1. Cor. 9. 26.

2. Cor. 4. 10.

Gal. 6. 17.

PUNCTVM IV.

HVMILITAS demississima. I. Nam sibi alios præferebat: Christus venit peccatores saluos facere, quorum primus ego sum. Et: Ego sum minimus Apostolorum, qui non sum dignus vocari Apostolus. Et: mihi omnium sanctorum minimo data est hac gratia Sanctorum, inquit, id est, credentium. Videlicet confidebat in se quod suum erat, peccata: non dona gratiæ, quæ erant Dei. In alijs autem gratiam suspiciebat, non infirmitatem naturæ attendebat.

Humilitas

B. Pauli.

I.

S. infimū

elegit.

1. Tim. 1. 15.

1. Cor. 15. 9.

Ephes. 3. 8.

II.

Confiteatur
peccata.

1. Tim. 1. 13.
Actu. 22. 19.
2. Cor. 12. 11.

P. 6.

III.

Deo glori-
am tribuit.

1. Cor. 5. 10.
2. Cor. 12. 5.

Act. 14. 13.

1. Cor. 4. 7.

IV.

Timor in
Christum.

1. Cor. 13. 12.

Colos. 4. 3.

Rom. 15. 30.

Colos. 4. 3.

II. Palam sua peccata confitebatur, Blasphemus fui, & persecutor, & contumeliosus, & persequabar Ecclesiam Dei. Et: Cum funderetur sanguis Stephani, ego constabam; & consentiebam, & custodiebam vestimenta interficientium illum. Quod si pro se dicere cogeretur: inuitus faciebat: Factus sum insipiens: vos me coegistis. Et reticebat tamen multa: Ne quis, inquit, me existimet supra id, quod videt in me, aut audit aliquid ex me. Nimirum humilis est promptus ad sua imperfecta manifestanda: tardus ad ea, vnde commendatur; quod ipsum, cum facit: humiliat se, dum idcirco ab aliquibus vanus reputatur.

III. Bona, quæ habere se nouerat, in Deum referebat. Gratia Dei sum id, quod sum Abundantius omnibus laboravi; non ego, sed gratia Dei mecum. Et: Pro me nihil gloriabor, nisi in infirmitatibus meis. Et cum ei deferrentur diuini honores, scissa tunica exiliens in turbas clamabat: Viri, quid hoc facitis; Et ego homo mortalis sum: similis vobis. Meminerat illud suum: Quis habes, quod non accepisti? & si accepisti, quid gloriaris, quasi non accepisti?

IV. Quod sibi non fideret, sed sancto timore afficeretur. Vt cum dicebat: Nihil mihi confusus sum: sed non in hoc iustificatus sum. Et: ne forte reprobis efficiar. Et idcirco studiosè petebat preces fratrum pro se; & ne per se aliquod obijceretur impedimentum diuinæ circa se, & Euangelium dispositioni. Et tandem cum ac-

cepit

cepisset Euangelium à Christo, subiecit se alijs Apostolis, ne forte in vacuum curreret

V. Quia gaudebat contemni se: Mibi absque gloriari, nisi in cruce Domini nostri Iesu Christi, per quem mihi mundus crucifixus est, & ego mundo. Et: Pro minimo mihi est, ut à vobis iudicer, aut ab humano die. Et: An quero hominibus placere? si adhuc hominibus placerem (placere quærerem,) seruus Christi non essem.

PUNCTVM V.

PATIENTIA inuicta. 1. Labores fuerunt maximi. Grauari sumus supra modum & supra virtutem, ita ut taderet nos etiam viuere, nullam requiem habuit caro nostra, sed omnem tribulationem passi sumus. foris pugna, intus timores. 2. Sic ferebat: ut ad maiores paratus esset: Ego non solum alligari, sed & mori paratus sum propter nomen Domini Iesu. 3. inter labores fiduciam magnam erigebatur in Deum: Ut non simus confidentes in Deum nobis, sed in Deo, qui nos de tantis periculis eripuit, & eruit; in quem speramus, quoniam & adhuc eripiet. Et scio abundare & penuriam pati: omnia possum in eo, qui me confortat. 4. Reficiebatur diuinis solatijs: Benedictus Deus, qui consolatur nos in omni tribulatione nostra, ut possimus & eos consolari, qui in omni pressura sunt. Et: Repletus sum consolatione, superabundo gaudio in omni tribulatione nostra. Et: Placeo mihi in infirmitatibus meis, in contumelijs, in necessitatibus, in persecutionibus, in angustijs pro Christo. Sic Deus compensat tolerantiam.

Galat. 2. 2.

V. 10.

Mundum

contemnit

1. Cor. 4. 3.

Galat. 1. 10.

Patientia.

1.

2. Cor. 1. 8.

c. 7. 5.

2.

Actu. 21. 13

3.

1. Cor. 1. 9.

Philip. 4. 17.

4.

1. Cor. 1. 4.

c. 7. 4.

c. 12. 10.

PUNCTVM VI.

Oratio & contemplatio.

1.

Rom. F. 9.

1. Tim. 2. 8.

2.

1. Cor. 14. 15.

Phil. 3. 20.

3.

2. Cor. 12. 2.

v 7.

c. 2. 12 7.

c. 5. 13.

4.

ORATIO & Contemplatio. 1. assidue orabat. *Testis est mihi Deus, quod sine intermissione memoriam vestri facio semper in orationibus meis.* quod & alijs suadebat: *Volo vos orare in omni loco leuantes puras manus ad Deum* 2. orabat affectuose, nam dicebat: *Orabo spiritu, orabo & mente.* Videlicet *conuersatio eius in cœlis erat.* 3. contemplatio eius fuit altissima: *Raptus ad tertium cœlum, audiuit arcana verba: quæ non licet homini loqui.* ait: *Ne magnitudo reuelationum extollit me.* & illud: *si mente excedimus Deo,* vbi significantur extases mentis 4. Hinc prouenerunt altissimi sensus, quos de Christo, & eius gratia, de arcanis prouidentix, de Deo, & Angelis, de quæ alijs rebus protulit; & inde factum: vt omnia alia parui penderet: *Existimo omnia detrimentum, propter eminentem scientiam Iesu Christi Domini mei, & arbitror vt stercora.* Age anima mea, contende in studium orationis, vnde affluit tanta bonorum copia.

PUNCTVM VII.

Amor vni-
tionis cum
Christo.
Gal. 2. 19.

CHARITAS erga Christum: quæ erat ei summo vniõis gradu coniunctus; quod expresse, dicens: *Christo confixus sum cruci. Viuo autem iam non ego, sed viuit in me Christus.* Vbi significantur duo vniõis modi; alter per amorem crucifixi, eiusque imitandi in

omnibus

omnibus studium. Vnde dicebat: *Non iudica-* 1. Cor. 2. 2.
ui me scire aliquid inter vos, nisi Iesum Chri-
stum, & hunc crucifixum: Hoc cogitat, hoc lo-
 quitur, hoc agit, vt se conformet crucifixo.
 Alter modus est abstractior, ac si Christus, e-
 ius anima esset, omniaq; in ipso operaretur.
Viuo ego. iam non ego: viuit verò in me Chri-
stus. O tunc beatum meum viuere, si Christus
 in me viuat, non ego.

Ab hoc amore veniebat ille ferror: *qui nos* Rom. 8. 35.
separabit à charitate Dei? vbi enumeratis ad-
 uersis omnibus, còcludit: per nullum eorum,
 nec per omnia simul, se tantillum dimoueri
 vnquam posse. *Multa, videlicet, aque nò pote-* Cant. 8. 7.
runt extinguere charitatem, neq; flumina ob- Prov. 30. 16.
ruent illa. Est ignis, qui nunquam dicit: sufficit.

PUNCTVM VII.

CHARITAS feruens erga proximos. 1. Zelus ani-
 marum. Hæc ex charitate Christi accendebatur
 in corde ipsius: vnde dicebat: *Charitas Christi*
vrget nos 2. Præ se tulit eam varijs modis. 2. Cor. 5. 14.
 Nam Epheseos alloquens ait: *per triennium* 2.
nocte & die non cessavi, cum lachrymis monens Act. 20. 31.
vnumquemq; vestrum. Et: *Omnium me ser-* Cor. 9. 19.
uum feci, vt plures lucrificerem. Et: *Per om-* 22.
nia omnibus placeo, non quarens, quod mihi vi- c. 10. 33.
tile est, sed quod multis, vt saluisiant. Ideo
 tot peregrinationes suscepit, & tot labores
 exantlauit. 3. Inde afficiebatur alienis malis
 tanquam proprijs: *Quis infirmatur, & ego*
non infirmor? quis scandalizatur, & ego

Rom. 9. 2.

Gala. 4. 19.

4.

Phil. 1. 21.

Rom. 9. 3.

1. Cor. 4. 12.

2. Cor. 12. 15.

Phil. 1. 18.

Alie vir-

tutes.

Obedientia

1. Cor. 9. 16.

Luz. 17. 10.

II.

Solicitude.

2. Cor. 1. 17.

non vror? Et: Tristitia mihi magna est, & continuus dolor cordi meo propter Iudaeos incredulos. Et: filioli mei, quos iterum parturio, donec formetur Christus in vobis. 4. Anteferebat salutem proximorum suo spiritali commodo dicebat enim: Dissolui, & esse cum Christo, multo melius: permanere autem in carne, necessarium propter vos. Quin optabat anathema esse à Christo pro fratribus. 5. non excludebat eius charitas inimicos: Maledicimur, & benedicimus: blasphemamur, & obsecramus. Superimpendar pro animabus vestris: licet plus vos diligens minus diligar. Non aegre ferebat, quod alij prædicarent Christum, ad ipsius invidiam & pressuram: sed in hoc, inquit, gaudeo & gaudebo, ut Christus annuntietur, siue per occasionem, siue per veritatem.

PUNCTVM IX.

EX ista charitate oriebantur alie virtutes. I. Obedientia ad nutum, cum aliquo se conferre iubebatur; licet se offerret difficultates, & pericula: nec inde gloriabatur. nam si, inquit, euangelizauero, non est mihi gloria; necessitas vero mihi incumbit; & Vae mihi, si non euangelizauero. Meminerat illud. Cum feceritis omnia, dicite: serui inutiles sumus, quod debuimus fecimus:

II. Circumspectio verborum Non sumus adulterantes verbum Domini, sed ex sinceritate, sed sicut ex Deo, coram Deo in Christo loquimur. Ita agebat siue in prædicando, si-

do, siue in conuersando: quippe semper habens Deum in intentione sua.

III. Studiū proficiendi semper in melius: Ego me nō arbitror comprehendisse Vñ autem, quæcūq; retro sunt obliuiscens, ad ea verò, quæ priora sunt, extendens me ipsum ad destinatum persequor bratium supernæ vocationis Dei.

IV. Dexteritas in tenendo medium, inter virtutes, quæ ægrè copulantur, puta inter humilitatem & magnanimitatem; inter mansuetudinem, & zelum; inter misericordiam & iustitiæ rectitudinem.

V. Desiderium æternorum. Gemebat libertatem filiorum Dei expectans. Mihi viuere Christus est, & mori lucrum. Voluntatem habemus magis peregrinari à corpore, & præsentem esse ad Dominum, & ideo contendimus, siue absentes, siue præsentem, placere illi.

VI. Fiducia obtinendæ beatitudinis. Bonū certamen certavi: in reliquo reposita est mihi corona iustitiæ. Hinc illa alacritas per omnem vitam ad offerendum se in pericula. semper nos qui viuimus, in mortem tradimur propter Iesum. Et: quotidie morior per vestram gloriam fratres, quam habeo in Christo. I. su.

VII. Constantia moriendi cuius mors ideo lenior à Deo ordinata fuit, quod tota vita fuisset

CRUX.

III.

Desideriū
profectus,
Phil. 3. 12.

IV.

Dexteritas.

V.

Phil. 1. 21.
2. Cor. 5. 8.

VI.

Fiducia.
2. Tim. 4. 7.
1. Cor. 4. 11.
Cor. 15. 31

VII.

MEDITATIO XXXII.

*Vocatio Cornelij. & visum Petri, de
vocatione Gentium.*

PUNCTVM I.

I.
Cornelij
virtutis ad
Baptismū.

Actu. 10. 1.

1.

2.

3.

4.

II.
Modus vo-
cationis.

Hebr. 1. 14.

Tob. 12. 12.

1.

Actor. 10. 4.

Ecl. 35. 21.

Ecl. 29. 15.

2.

QVOMODO Cornelius se disponebat ad fidem, & vocationis modus. 1. dicitur fuisse *religiosus*, nempe sedulus circa cultum Dei; nam etsi gentilis, verum Deum colebat. 2. *timens Deum*; cauens peccata, quibus Deus offenditur: ac eius exemplo, tota domus erat talis. 3. *faciens eleemosynas multis plebi*. 4. & *deprecans Deum semper*, frequenter, & statis horis. Vnde hora nona oranti adfuit Angelus. Talia is faciebat prauentus gratiā Dei, vt per ea præpararetur ad percipiendum, quod ipsi de erat.

Modus vocationis fuit per Angelum, manifestē hora diei nona apparentem. Nam sunt ad-
ministratoꝝ spiritus in salutem hominum; & ipsi offerunt orationes & bona opera nostra ante Deum. 1. dicit Cornelio: *Orationes tue, & eleemosyna tua ascenderunt in memoriam in conspectu Dei*, videlicet oratio humiliantis se nubes penetrabit; & donec propinquet, non cōsolabitur; & non descendet, donec Altissimus aspiciat. Rursum: *Conclude eleemosynā in sinu pauperis*; & hac pro te exorabit ab omni malo. 2. iubet accersere Petrum; & ab eo discere,

quid

quid oporteat ipsum facere. Non Angelus eum docet; sed remittit ad hominem, vt commendetur subordinatio inter nos, & humilis subiectio *Misit ergo Cornelius duos ex domesticis, & militem timentem Deum.*

PUNCTVM II.

PETRVS sub aduentum nuntiorum orat: *Modus orandi.*
Ascendit autem in superiora domus hora sexta, vt oraret. Locus secretus ad orationem quæri debet *Intra in cubiculum, & clauso ostio, ora Patrem tuum.* *Matt. 6. 6.* Tempus etiam aptum, & statum debet esse. Antiquis fuere in vsu hora tertia, sexta, & nona: vt Danieli, & Dauidi; & maxime Apostolis. Tertia ob spiritus sancti aduentum; Sexta, quòd tunc erat Christus cruci affixus; Nona, qua expirauit, atque ad Inferos descendit. Constituam mihi certa tempora, quibus reliqua negotia postponam. *Inter orandum cecidit super Simonem mentis excessus,* qui est abstractio à sensibus; & supra naturæ conditionem eleuatio quædam animæ ad superna contemplanda. Solet Deus maxime inter orandum ita se communicare.

PUNCTVM III.

VISVM Petro oblatum. Sicut inter nos agēs Dominus utebatur parabolis, ad representandas res: ita nunc per obiectas imagines idem facit: ita cum Ioanne in Apocalypsi, & iam cum Petro agit. Nos talia requirere non cōuenit: iuuat tamen mysteria Chri-

Similia
 spiritalia.

iti Humanitatis repræsentare nobis ad meditando, efformatis per imaginationē eiusmodi imaginibus: in quibus velut res cernamus sed citra capitis offensionem & vitata illusione.

I. *in linteo quatuor intus submisso de celo in terrā, inerat quadrupedia & serpentina terra & volatilia cæli.* Linteam est Christi humanitas, quam de cælo veniens assumpsit. Ad linteam istud colliguntur ex quatuor cæli plagis mortales, dum per Baptismum Christo incorporantur, eiusque fiunt membra: Omnia insunt animalia, quia nemo excluditur, si velit: & nominatim exprimuntur tria illa genera, quibus notantur auari, carnales, & superbi: quos non auertitur Christus, sed sanctificat.

II.
Occide,
manduca,
mysticè
quid?

III.
Responsio
Petri.

II Facta est vox ad Petrum: *surge, occide, & manduca.* Occidere iubet peccatores, vt peccato moriantur: manducare autem illos, hoc est, Christo incorporare per nouam vitā.

II. Auerfatur Petrus, quia, inquit, nunquam manducaui commune & immundum. Erant quippe ibi multa ex animalibus lege prohibitis: Sed non animalia, sed per illa significatas intelligebat Deus gentes, quæ Iudæis habebantur immundæ. Igitur respondet: *Quod Deus sanctificauit, tu commune ne dixeris.* quo significauit, gentibus etiam communicari oportere gratiam Euangelij. Deus sanctificauit, eò quod elegit, vt participarent gratiam. Hoc esto motiuum, vt non auerferis vllum peccatorem: sed lucrari magis satagas, quando

quando Deus omnes recipit.

IV. Per ter factum esse dicitur, ut Petrus detrectaret manducare, & nihilominus iuberetur: sicut tertio interrogatus fuit de charitate, *Amas me?* voluit Deus docere, ratam sibi esse eam voluntatem admittendigen-tes, & velle, id esse quam testatissimum. Vas autem siue linteum receptum est in coelum, ut intelligeretur propalatum esse omnibus, quamuis inmundis, viam ad coelum.

PUNCTVM IV.

HAESITANTE Petro, quidnam esset visio, adfuit à Cornelio nuntius, & cum eis iubetur ire. Venit, prædicat, credunt, & descendit super eos Spiritus sanctus, cum dono etiam linguarum, & baptizantur. Deus non semper manifestat statim visorum intelligentiam, vel, ut humilietur homo, & oratione impetret; vel, ut commodiore occasione Deus rem aperiat, ut hic contigit, per euentum, dum accersitur Petrus à gentilibus, & ipso prædicante, attestatur Deus etiam gentibus poenitentiam dari.

VI

MEDITATIONES

DE B. VIRGINE.

MEDITATIO XXXIII.

*Qualiter vixerit post aduentum
Spiritus sancti.*

PUNCTVM I.

I.
B. Virgi-
nis pauper-
ras.

EVANGELICA vota seruauit, non soli-
tariam agens, sed communem vitam, quò
alijs etiam prodesset. I. *Paupertatis* votum fecit
(nisi antea fecerat): viuens ex communibus,
quæ diuidebantur; prout cuique opus erat,
contenta tenui victu & vestitu, memor fellis
& aceti, atque nuditatis Filij sui in cruce.

II.
Obedientia

II. *Obedientiam* perfectè coluit, non solum
circa mandata Euangelica Filij sui, verum et-
iam circa omnes Petri & Apostolorum con-
stitutiones & decreta, exprimens in seipsa vi-
uam imaginem obedientiæ Filij sui, & sic eum
in spiritu suo quasi iterum parturiens. pariat
utinam illum etiam in me.

III.
Castitas.

III. *Castitatem* Angelicam perseuerauit
custodire. Vnde meruit ab Ecclesia inuocari
Virgo virginum, imò virginitas ipsa, cum
canit: *Sancta & immaculata virginitas, quibus
te laudibus efferam?* Porro vt Arca Testamenti
ex lignis impuerilibus compacta, auro in su-
per contexta fuit, ita Virgo Mater Castitati
adijecit aliarum custodiam virtutum.

IV. Inc-

IV. Inerat *modestia* in omni motu, gen-
que corporis, index internæ compositionis.
Parca sermonis: non nisi necessaria, & ea pau-
cis, submisſeque proloquens: quam ei laudem
tribuit ſponſus, *sicut vitta coccinea labia tua*,
quippe aſtricta, & minimè diffuſientia, &
charitate rubſcſcentia. *Abſtinens cibi*, vſque
quò viuere poſſet, & quidni ieiunaret, ablato
ſponſo? *Vigil* ſemper, niſi grauante neceſſita-
te, & tunc quidem *cor eius vigilabat*, verſans
mente cœleſtia, quæ in vigilia tractauerat
Sollicita in externis obſequijs, vel diuini cul-
tus, vel commodi proximorum, vel domeſti-
corum. Denique *omni cuſtodia ſeruans cor*
ſuum, quia ex ipſo vita procedit, intenta ſenſi-
bus foris cuſtodiendis, ſoli Deo intus placere
ſtudens. Solita, inquit Ambroſius, arbitrum
mentis non homines, ſed Deum quærere.

IV.
Modestia.

Can. 4. 3.

V.
Vigilantia.
Can. 5. 1.

VI.
Cuſtodia
cordis.
Prou. 4. 23.

PUNCTVM II.

STVDIVM *orationis & contemplationis*
viguerunt ſemper in B. Maria: ſed vt aliæ
virtutes, ita etiam ipſæ incrementum indies
acceperunt. i. aberant illa quatuor impedi-
menta, quæ Bernardus recenſet, *culpa mor-*
dens, cura pungens, ſenſus egens, irruentia i-
maginum corporearum phanſmata. Mala
quadriga animam à Deo abducens: in quam
conuenit illud ſponſæ: *Anima mea conturba-*
uit me propter quadrigas Aminadab. i. inerant
ſummo gradu omnes illæ virtutes, quibus
tanquam aliſ eleuatur anima in contempla-

Oratio &
Contem-
platio.

1.
Sine impe-
dimentis.

Can. 6. II.

2.
Quibus
virtutibus
Oratio fe-

Can. 3. 6.

3.

4.

5.

6.

Communica-
tione quo-
tidie.Salutem a-
nimarum
curat.

Orando.

tionem: *Fides* myſteriorum viua, *Fiducia* in Deum magna, *Humilitas* profunda, *Charitas* ardens, *Sapientia* & reliqua Spiritus ſancti dona eximia: vt admirantes Angeli dicerent tunc maximè, ſi vnquam alias: *qua eſt iſta, qua aſcendit per deſertum ſicut virgula ſumi ex aromatibus myrrha, & thuris, & vniuerſi pulueris pigmentarij.* 3. Obibat loca, vbi myſteria Redemptionis patrata fuerant, magno ſenſu illa recolens, & inde mirificè illuſtrata. 4. Continuabat orationem etiam inter labores manuum, & in ſomnis etiam erudiebatur, vt Patriarcha Iacob. 5. Percipiebat extraordinarios ſapè fauores præ ſanctis alijs, de quibus legitur, vel quòd facie ad faciem eis loqueretur Deus, vt Moyſi; vel quòd ad tertium cœlum rapti, audierint arcana verba, vt Paulus; vel quòd ſpiritu eleuati fuerint ad prænoſcenda futura, vt Ioannes; vel quòd gloriam Dei viderint, vt Stephanus. 6. Communicabat quotidie cum fide, reuerentia, & deuotione incredibili, memorans, quomodo eundem olim vtero geſtaſſet, lactaſſet, contraſtaſſet, fructumque referens, qualem oportebat ex tam excellenti diſpoſitione, quâ ad communicandum accedebat.

PUNCTVM III.

ZELVS gloriæ Dei, & ſalutis animarum.
1. Cooperabatur, ardentiffimè orando; tum pro ipsis Euangelij præconibus, vt eſſent

effi-

efficaces, tum pro conuertendis, vt emolli-
rentur, & pro ipsorum martyrum constantia,
ita vt tantæ illæ primi temporis conuerfio-
nes peculiariter ipsi acceptæ referendæ sint.

2. promouebat salutem proximorum ipsa
eius vitæ sanctimonia, vt stupori esset, & di-
uinum quid sicut ait Areopagita, præferret.

3. iuuabat etiam verbo doctrinæ, quando illa
præ ipsis Apostolis altius erat de diuinis edo-
cta, & conueniebatur à remotioribus quoque
partibus, vnoquoque illam videre ac alloqui
desiderante, vt affirmat Ignatius. quin est
traditio: sicut olim ad montanæ excurrit, vt
sanctificaret Præcursores; ita per hoc tem-
pus ad varia loca fuisse profectam, vt fideles
confirmaret.

4. patiebatur à Iudæis obtrecta-
tiones, sicut eius filius, & de illorum increduli-
tate, & aliorum lapsibus angebatur, zelo
Dei ipsam comedente.

2.
Exemplo.

3.
Verbo.

4.
Aduersa
patitur.

PUNCTUM IV.

QVOMODO B. Virgo operabatur. Ni-
mirum toto conatu, secundum omnem
virtutem à Deo acceptam, & quia charitas
illius erat intensissima, eliciebat actus inten-
sissimos. Porro Deus benè agentes statim re-
munerat incremento gratiæ, & charitatis quo
fiebat, vt proximi actus elicerentur duplo
perfectiores, atque ita progrediendo, fieret
auctio meritorum inæstimabilis.

Hinc est, quod B. Virgo perfectissimè im-
pleuit præceptum dilectionis Dei ex tota men-

Augmen-
tum virtu-
tum.

Dilectio
Dei in
summo
radu.

Deut. 6. 5.
Matt. 6. 10.

Cant. 7. 1.

Cant. 6. 9.

te, co, de, anima, & viribus. Item illud: *Fiat voluntas tua, sicut in cælo & in terra*; idque in parvis æque, ac magnis rebus. Denique nouis semper profectibus intenta fuit, quotidie mutatas fortitudinem, nouasq; pennas assumens, & exultans ad currendam viam. *Quam pulchri sunt gressus tui, Filia Principis*; progrederis quasi aurora consurgens vsque ad perfectam diem.

MEDITATIO XXXIV.

Transitus B. Virginis à vita mortali, &c.

PUNCTVM I.

Ardens desiderium
videndi
Deum.

Psal. 119. 5.

Psal. 41. 2.

Psal. 141. 8.

Cant. 5. 8.

Phil. 1. 23.

PRAEPARATIO per ardentia desideria videndi Deum. Nam, cū semper arsit post ascensionem Filij, tum maximè postremis annis, cū impropinquabat tempus, nec id tardio laborum, sed puro amore Dilecti. Et quia versata erat in sacris litteris, inde seipsam magis accendebat. Modò sibi ipsi loquens dicebat: *Heu mihi, quia incolatus meus prolongatus est. Nunc Deo: Quemadmodum desiderat ceruus ad fontes aquarum. Educ de custodia animam meam ad confitendum tibi.* Interdū Angelis ipsam visitantibus: *Nuntiate dilecto meo, quia amore langueo.* Nihilominus voluntatem suam diuinæ subijciebat: *desiderium habens dissolui, & esse cum Christo*; parata tamen per manere in carne, si propter alios esset

neceſ-

necessarium, quod & Paulus sentiebat, & Martinus: sed ubi appropinquare diem sensit, tum verò se totam in affectus effundens dicebat: *Fulcite me floribus, stipate me malis, quia amore langueo.* Nunc prodeant flores fragrantissimi internorū affectuum, & mala pulcherrima bonorum operū, quibus deficiens præ amore anima reficiatur. Pudeat me illius summi boni non tangi desiderio, atque ad illud non anhelare.

PUNCTVM II.

QUOD debuerit mori: nam etsi ab originali labe fuerat præseruata, non ideo à debito moriendi. etenim *statutum est omnibus hominibus semel mori*; & Filius eius mortuus est, supra quem non conueniebat illam esse. Et experiri ac vincere debuit ad maius meritum illam mortis difficultatem, eò quòd *nolumus spoliari, sed superuolari*. atque in ea etiam re exemplum nobis relinquere, quòd etiam fidentiùs eam interpellaremus. *Maria, mater gratiæ, mater misericordiæ, tu nos ab hoste protege, & hora mortis suscipe.* Fuit proculdubio denuntiata ipsi hora dormitionis, & quidem per Gabrielem Archangelum, qui secundo eam salutauerit: *Aue gratia plena, Dominus tecum*, simulq; exposuerit, quanto eius desiderio tenerentur omnes cælites. Quis valeat concipere, quanto fuerit gaudio perfusa *Latata sum in his, quæ dicta sunt mihi, in domum Domini ibimus.* Et submitit se diuinæ dispositioni-

Nouus feruor ante mortem.
Cant. 2. 5.

Cur mori debuit.

2. Cor. 5. 4.

Mortis hora ei denuntiata.

Psal. 121. 1.

fitio-

Apostolo-
rum præ-
sentia.

Christus
moritura
apparet.

Cant. 2. 10.

Gaudium
B. Virg
vultu suo

Mors eius
pretiosa.

1.

2.

Luc. 2. 35.

Sap. 3. 1.

tionem, *Eccē ancilla Domini, fiat mihi secundū
verbum tuum.*

Ad hæc voluit Christus, vt Matris discessui
Apostoli interessent, ad illius honorem, & i-
psorum solatium, quos solata est, & benedi-
ctione sua impertijt, precata Deum pro illis,
conuenerunt autem sub id tempus, Deo mi-
rabiler eos transferente.

PVNCTVM III.

EXPIRAT. Adfuit Filius cum multo An-
gelorum comitatu, inuitans ad nigran-
tibus verbis: *Surge, prope amica mea,
formosa mea, & veni. Iam hyems transiit, imber
biit & recessit. Veni de Libano ab excelso cul-
mine perfectionis, quam tenuisti. veni: coro-
naberis.* Ad filij conspectum supra quàm co-
gitari potest, exhilarata, & memor horæ, qua
Filiū viderat expirantem. Fili, inquit, *in
manus tuas commendo spiritum meum.* Overè
retiosa mors in conspectu Domini. 1. Quia
non morbus, aut agritudo, sed amoris vis ani-
mam eduxit è corpore, deficientibus viribus.
Quia sine doloris sensu separata est anima,
ita Christo providente, pro doloribus acer-
bissimis, quos in ipsius morte apud crucem su-
stinuerat, quando *eius animā pertransiuit gla-
rias.* Sed & gaudium ex præsentia Filij, & ex
amoris magnitudine, ademerat omnem, ex
dissunctione Animæ à corpore, doloris sen-
sum. Vt in eam præcipuè illud conueniat:
ustorum animæ in manu Dei sunt, & non tan-

get eos tormentū mortu. 3. Quia, si beati mor-
tui, qui in Domino moriuntur, quod opera illo-
rum sequuntur illos: quā beata fuerit mors
Virginis, quā tot tantaque comitabantur
merita? Verē Virgo prudentissima quam Do-
minus vigilantem inuenit, & affluentem oleo.
Moriatur anima mea morte iustorum, & fiant
nouissima mea huius similia.

3.

Luc. 12, 45.

Num. 23 10

PUNCTVM IV.

FVNVS eius gloriosissimum fuit. Elata
est, tum Apostolis, alijsque discipulis de-
ducentibus, hymnosque diuinitus inspiratos
in eam concinentibus, tum Angelorum cho-
ris eandem celebrantibus. Patrata sunt ad
eius sepulchrum miracula. & Apostoli mira
suauitate cælitus perfusi de gloria suæ Magi-
stræ, & quod eam nacti essent aduocatam apud
Filium.

Funus S.
defertur
comitantibus Ange-
lis.

MEDITATIO XXXV.

Glorificatio animæ B. Virginis.

PUNCTVM I.

INTRODUCTIO animæ in cælum empy-
reum. Id quamuis momento peractum est,
licet per partes contemplari. I. Exeuntem a-
nimam Christus complexu suo excepit, & qui
hactenus eam *laeva sub capite* eius quasi su-
stentauerat, nunc *amplexatur dexterâ*: hoc
est, quam fouerat contemplatione operum
mirabiliū Dei, (presertim in assumpta carne)

In Festo
Assumptio-
nis Deiparæ
Virginis.

I.
Amplexus
Matris &
Filij.
Cant. 2. 6.
c. 8. 3.

nunc

Cant. 3. 4.

2.

Angelicus
comitatus.*Luc. 1. 28.**Iudith. 15.**II. 20.*3.
A Filio de-
portatur.*Cant. 18. 5.**Phil. 3. 14.*Essentialis
gloria B.
Virginis.

nunc complet clara sui visione. Tunc dixit B. Mater: *Inueni quem diligit anima mea, tenui eum, nec dimittam.*

2. Effusi obuiam cœlites salutant, gra- ulantesque deducunt. Gabriele præcinente: *Aue gratia plena, Dominus tecum: Benedicta tu in mulieribus.* quin ego me illis misceo, & pariter occino: *Tu gloria Ierusalem, tu lætitia Israel, tu honorificentia populi nostri, quia fecisti viriliter, & confortatum est cor tuum, eò quòd castitatem amaueris, id eò eris benedicta in æternum.*

3. Non Angelorum manibus portatur, vt *Lazarus in sinum Abrahe*, sed ipsius Christi, reddentis ei vicem, quòd olim infans fuisset in vlnis ab eà gestatus: quod vt insolitum, mirantes Angeli, dicunt: *Quæ est ista, quæ ascendit de deserto, delitijs affluens, innixa super dilectum suum?* Sic ouans ingreditur cœlum empyreum, adblandientibus ipsi diuinis Personis. Pater excipit, vt filiam dilectam, Filius vt Matrem, Spiritus sanctus sicut sponsam. quales ibi sensus? excedit cogitationes mortalium. Adsectabor euntis vestigia. Relinquam desertum huius mundi, pro nihilo habendo eius voluptates, & commoda. Progrediar innixus Deo, non meis viribus, *ad anteriora me extendens.*

PUNCTVM II.

MAGNITUDO gloriæ animæ Mariæ æstimari potest ex eo, quod omnibus iustis

tultis dicitur *Mensuram bonam & confertam, Luc. 6:38.*
 & coagitatam dabunt in sinum vestrum: qua-
 lera igitur Dei Matri? Item ex eo, quod: *quæ*
mensura mensi fueritis, remeietur vobis. At
 quali D. Virgo mensa est; quæ sic amavit, sic
 vixit? talia pertulit! Nostit sola ipsa, quæ ac-
 cepit, quantum acceperit. supra Cherubim
 videt; supra Seraphim amat; satiatur à tor-
 rente deliciarum præ omni spiritali creatu-
 ra: quæ Deum ipsum lactauerat; quæ eius
 causa calicem passionis amarissimum haufe-
 rat: quid non ei rependit Filius? aliqui so-
 litus nec frigida: haustum indonatum relin-
 quere.

PUNCTVM III.

EXALTATIO & coronatio B. Virginis. I.
 exaltata est supra nouem choros Angelo-
 rum, & collocata in throno ad dexteram Filij:
 multò dignius, quàm Solomon matrem suam,
 similiter collocavit. Huc spectauit Dauid,
 quando ait: *Astitit Regina à dextris tuis in*
vestitu deaurato circumdata varietate. Nam
 sicut Christus à dextris Patris sedere dicitur,
 (quòd præ omnibus post Deum emineat):
 ita Maria à dextris Filij, quòd excellat om-
 nes alias creaturas; quantò videlicet glorio-
 sius est nomen Matris quàm serui. Vestis eius
 aurea & omni distincta varietate: quia cæte-
 rorum omnium gratias, & prærogatiuas in v-
 nam illam simul Deus contulit: sicut de præ-

Coronatio
 B. Virgi-
 nis.

Psal. 44 in.

Ezech. 28. 12

uaricatore Angelo dicitur: *operimentum eius fuisse omnem lapidem pretiosum.*

II.

Coronata à sancta Trinitate.

SS. Trin-
taic.

Psal. 8. 6.

II. Multiplici corona decorata est à sacro-
potestatis supra omnes creaturas post Chri-
stum, vt ei etiam conueniat: *Constituisti eam
super opera manuum tuarum.* A Filio coronam
sapientiae, quæ deceat Aduocatam omnium,
vt omnibus prodesse queat. A spiritu sancto
coronam charitatis, qua zelet ardentissime
pro omnibus.

III.

Tres lau-
reolæ.III. Donata est tribus laureolis, *Virginitatis,
Martyrij, & Magisterij*; nam fuit Virgo Vir-
ginum, Regina Martyrum in Christi passione
sustinenda, & Magistra Apostolorum. Atque
ita tulit fructum trigesimum cum Virgini-
bus, sexagesimum cum Doctoribus, centesi-
mum cum Martyribus.

IV.

Prou. 31. 29.

Cant. 3. 11.

Luc. 1. 46.

IV. Accessit corona *Stellarum duodecim*,
quia vna omnium virtutum, quarum alijs a-
lij Sancti floruerunt, simul omnes coronas re-
portauit. *Multa videlicet filia congregauerunt
diuitias, tu supergressa es vniuersas.* Egredi-
mini ergo, & videte Matrem Salomonis in co-
rona, quibus coronauit eam Filius eius in die so-
lennitatis & letitiae. Tunc illa vetus instaura-
uit canticum: *Magnificat anima mea Do-
minum, quia fecit mihi magna,
qui potens est.*

MEDITATIO XXXVI.

Assumptio in corpore.

PUNCTVM I.

CARO eius in sepulchro non vidit corruptionem. 1. Ob gloriam Virginitatis, Virginis vt, quæ caro Virgo pepererat, incorruptione incorru- donaretur. 2. Ob animæ puritatem ab omni ptum. prorsus labe, cuius habitaculum debuit ita honorari. 3. Quia Christi caro de carne illius erat, vnde decuit, vt sicut Christi caro, ita Matris non corrumpetur.

Corpus B.

Virginis

incorru-

ptum.

1.

2.

3.

PUNCTVM II.

CVR resuscitari debuit. 1. Vt expleret Resurre- cionis B. cinnatum desiderium animæ illius san- ctissimæ, resumendi corpus. Nam pro amore Virginis singulari, quo Matrem prosequabatur, id ei præstare conueniebat. 2. Ad spem nobis faciendam, seu confirmandam futuræ resurre- ctionis. 3. Vt nomen ei seruaretur Matris, quod in animam separatam non conuenit, & vt pro nobis interpellando exhibere posset ventrem & vbera, quæ Dominum portauerunt & lactauerunt, quin & corpus, vnde ipse Christus suum accepisset. ita Christus Patri ostendit cicatrices, &c.

Resurre-

ctionis B.

Virginis

causæ tres.

1.

2.

3.

PUNCTVM III.

ASSUMPTIONIS modus, qualis olim Quomodo eleuatio Arcæ testamenti, cum hymnis assumpta. & canticis Angelorum, inter manus Cheru-

bim ac Seraphim, excipiente illam Christo in empyreo coelo, cui per hoc accessit alterum luminare maius, ipso coelo splendidius. quæ omnium gratulatio? quæ exultatio Virginis? quæ actiones gratiarum? quanta celebritas?

MEDITATIO XXXVII.

*De humilitate B. Virginis, qua meruit
ita exaltari.*

Ephes. 4. 9.
Actus Hu-
militatis
B. Virginis.

I.
Occultaie
dona.

QUOD ascendit; quid est, nisi quia & descendit? Verba sunt Pauli de Christo, & possunt aptari B. Virgini, quod eò exaltata est super omnem creaturam, quia se humiliavit infra omnem. Corona duodecim stellarum responder totidem insignibus eius actibus humilitatis.

Porrò est quædam humilitas erga Deum, quædam erga alios.

PUNCTVM I.

Isa. 24. 6.

Cant. 4. 12.

PRIMVS actus est occultare dona, nec nisi mera necessitate gloriæ Dei, aut salutis proximi vrgente, vllum indicium dare. quia, vt dicit Gregorius, spoliari vult, qui publice thesaurum portat. Illud Isaia commendatum habeat humilis: *secretum meum mihi, secretum meum mihi.* inculcat bis, ob rei necessitatem. Hoc ita executæ est B. Virgo, vt mysterium concepti Verbi nec dilecto spòso Iosepho indicauerit. Erat omnino *hortus conclusus, fons signatus.*

Hinc

Hinc nascitur *secundus* actus, vt horreat laudari. nam, vel non agnoscit in se causam laudis, & tunc velut indebitam auersatur; vel, si subest, meruit complacentiam, & ne sic recipiat mercedē suam. Hinc B. Virgo, cū salutarētur à Gabriele tam honorifice, *turbata est.*

Tertius similis, vt, si contingat manifestari, totam laudē velit esse Dei: *Nō nobis Domine, sed nomini tuo da gloriam.* & studeat, vt similiter ab alijs laudetur Deus. *Magnificate Dominum mecum. Exultent, qui volunt iustitiam meam. & dicant semper: magnificetur Dominus.* Ita B. Virgo, cū Elisabetha propalasset mysterium concepti Verbi, prorupit in laudes Dei, & sui abiectionē: *Magnificat anima mea Dominum, quia respexit humilitatem ancillae suae.*

RVNCTVM II.

HVMILITAS versus Deum. *Quartus* Ergo actus, cū à Deo euehimur, præoptare infima, & recumbere in nouissimo loco. Ita, cū fieret Mater Dei, voluit esse ancilla, & in Bethleem stabulum elegit.

Quintus actus: subicere se Dei, & Superioris ordinationibus, quando etiam iure quis posset eximi, ac licet sibi inde aliquid decedat, & nolle gaudere priuilegijs. Ita B. Virgo impleuit legem Purificationis, sicut Filius Circumcisionis, cū neuter lege teneretur, & inde nota contraheretur peccati.

Sextus, etiam aequalibus & inferioribus se

2.
Odisse laudes.

Luc. 1. 29.

3.
Deo dat gloriam.
Psal. 118. 9.
Psal. 33. 4.
Psal. 34. 27.

Luc. 1. 46.

4.
Elegit abiecta esse.

5.
Subiecit se legibus.

6.

Submittere

se inferioribus.

Rom. 12. 10

1. Pet. 2. 13.

7.

Seruire alijs.

Mat. 20. 28.

Marc. 6. 3.

Ioan. 23. 5.

8.

Recusare dignitates.

9.

Libenter esse pauperem.

Luc. 2. 7. 24.

10.

Patienter ferre ignominias.

submittere, cedendo prima loca, & praeueniendo eos honore. quod suadet Paulus: *Honorem inuicem praeuenientes*: & in humilitate superiores sibi inuicem arbitantes. Et Petrus: *subiecti estote omni humanae creaturae propter Deum*. Hinc B. Virgo detulit Elisabethae honorem, visitando, salutando, & ubique id agebat.

Septimus, obsequia etiam humilia exhibere alijs, sicut *Filius hominis non venit ministrari, sed ministrare*: & exercuit *fabrilem*, inde etiam victum parans. denique *laui pedes discipulorum*. Non secus eius Mater ancillabatur domi, ministeria omnia obiens.

Octauus praecedenti affinis, recusare functiones, & omnia honorifica. Idcirco B. Virgo semper delituit, nunquam palam docuit, nec vlla fecit miracula.

PUNCTVM III.

SPECTATVR etiā humilitas in humiliatōnibus ferendis, vel vltro exercendis. Vnde existit actus *novus*, cum quis libenter habet, quod tractetur, vt pauper, & abiecta conditionis homo. Vt talis B. Virgo in Bethleem exclusa est hospitio, vt diuersari in *stabulo* debuerit, & in Purificatione non agnum, sed *columbas offerre voluit*, quod erat pauperum.

Decimus, in ferendo ignominiam, & contemptum cum silentio. Vbi sunt gradus. 1. Cum nobis euenit tale, quid ob culpam nostram. 2. cum absque culpa, & per falsa testimonia. 3.

quan-

quando per calumniam, propter opus, unde laudari debueramus. 4. cum sustinemus non ab inimicis tantum & alienis; sed à fratribus & coniunctis, ut Christus in passione: & cum eum cognati quasi furiosum vincere voluerunt. Similia per occasionem Christi mater ferre debuit, maxime propter Filium.

Mar. 3. 21.

Vndecimus, cum pace cordis & serenitate vultus tolerare reprehensiones, punctiones, & insulsa responsa à quocunque tulit B. Virgo nonnunquam à Filio minus placidas in speciem responsiones, ut illic: *Quid est, quod me querebatur?* Et: *quid mihi & tibi est, mulier?* Et: *quæ est mater mea, & qui sunt fratres mei?* In quibus nec culpa suberat Virginis, nec offensio Filij: sed documentum mysterij, & quedam probatio virtutis.

11.

Ferre reprehensionem.

Luc. 2. 49.

Ioan. 2. 4.

Matt. 12. 48

Duo lectus actus est, non se subtrahere, cum ij, qui nobis coniuncti sunt, contemptum aut calumniam patiuntur, quasi nolimus videri ex illis esse, nec participemus simul in commodum confusionis. Non ita B. Virgo, quæ cruci astitit, matrem se professam ignominiosè crucifixam; eoque nomine à furentibus Iudæis appetita contumelijs. Itaque B. Virgo perfectè implevit illud Sapientis consilium: *quandò maior es humilia te in*

12.

Participem se facere iniuriarum alienarum.

omnibus, & coram Deo inuenies gratiam.

Ecc. 3. 20.

** * **

MEDITATIO XXXV II.

De deuotione erga B. Virginem.

PUNCTVM I.

Cur aman-
da B. Vir-
go.

I.
Quia à SS.
Trinitate
amatur.

II.
Quia mater
Christi.

Matt. 25. 40

III.
Quia Ma-
ter nostra.

Ioan. 19. 27

IV.
Matt. 15. 14
Quia bene-
fica.

HANC deuotionem conciliare possunt multa. i. quòd sanctissima Trinitas præ cæteris omnibus, tam hominibus, quàm Angelis amat hanc Virginem, tanquam illis omnibus sanctiorem Vnde æquũ est, à me etiam summè amari post Christum; ac de illius sanctitate, bonisq; excellentibus gaudere, ei que gratulari, ac Deo gratias agere.

II. Quòd sit Mater Christi Domini, & ab eo summè dilecta: qui proinde vult eã ab omnibus amari & coli pro tam excellenti dignitate. Ac si de quibusuis pauperibus idem Dominus dixit: *Quod vni ex his fratribus meis minimũ fecistis, mihi fecistis*: quantò magis, quod Matri suæ delatum fuerit, quasi proprium reputabit?

III. Quòd sit Mater omnium nostrũ, & quidem amantissima nostri, & indulgentissima, debetur autem matri amor, & præsertim tali, ac tantæ. Imitabor Ioannem, cui cùm à Domino dictum fuisset, *Ecce Mater tua*, cupide illam in sua accepit, pro magna felicitate habens, quòd interuire ei posset.

IV. Quòd ab ea accipiamus multa bona. Nam *assidue orat pro populo, & vniuersa sancta ciuitate*: hoc est, Ecclesia; multò magis, quàm Ieremias faciebat. Deinde, non solum

repræ-

repræsentat Filio petitiones suorum clientum; sed gnara necessitatum, præuenit orationes; vt in nuptijs innuens Filio: *Vinum non habent.* Præterea est potens ad impetrandum; & quia soli misericordiæ est intenta, per eam facilius contingit impetrari à filio, vt ait Anselmus, quàm si ipse Filius rogetur, qui, cum iustitiæ quoque rationem habeat, vt iudex abnuat interdum ob demerita nostra, quæ Matri supplicanti libenter largitur. Accedit, quòd (vt idem dicit Anselmus.) deuotio erga Dei Matrem quoddam est peculiare electionis signum. eò nimirum, quòd illa circa suos deuotos valdè sollicita sit, & intenta, vt à peccatis præseruentur; dum ipsi respondere velint gratiæ. Denique est omnium mortalium, in qualibet necessitate singulare perfugium. Ille soius, inquit Bernardus, *ô Virgo beata, tuas laudes fileat: qui te fideliter inuocatam senserit vnquam in suis necessitatibus sibi defuisse.* quasi dicat, fore neminem, quis ergo non amet te, beata Mater? quis non ambiat tuus esse? Age: *In Iacob inhabita, & in Israel hæreditare, & in electis tuis mitte radices.*

Ecc. 24. 13.

PUNCTVM II.

QVOD Spiritus sanctus singularem erga B. Virginem toti Ecclesiæ deuotionē inspirauerit, quæ apparet. I. in genere cultus eidem exhibiti, qui vocatur *hyperdulia*: supra cultus aliorum sanctorum, infra diuinum. Vnde etiã cõpellat eã peculiaribus titulis: *Mater mis-*

I.

Cultus Hyperdulæ.

cordia, vita, dulcedo & spes nostra petit etiam ab ea, quæ muneris diuini sunt: *Solue vincula reis, profer lumen cæcis, mala nostra pelle, bona cuncta posce*: & *Iesum fructum ventris tui nobis ostende* Nam pro gratia, quâ pollet apud Filium, velut in potestate sua habere omnia existimatur. 2. apparet generalis deuotio ex tot templis, tamque magnificis in illius honorem extructis; & tot eius imaginibus piè dedicatis ac sumptuosè ornatis; approbante cœlitus Numine per innumera miracula: nec non ex Ordinibus integris Religiosorum sub eius nomine militantibus; totque alijs fodalitatibus eidem consecratis; quin & regnis totis.

II. Ex solenni frequentique memoria, quæ colitur in Ecclesia, tot diebus festis institutis per menses ferè singulos, ac hebdomadatim in sabbatis; proprio item de Virgine officio ad recitandum omnibus proposito cū Indulgentijs: quotidiano, & eo terno ad salutandā Virginem, signo publicè dato; Psalterio Virginis, & Corona in vsum receptis; officium Canonicum haud aliter ritè claudendo, quàm antiphona ad Virginem: præter alia complura pia erga illā deuotionis exercitia. Qui certè sensus totius Ecclesiæ tam generalis & propensus mirè commendatam reddit deuotionem erga sacratissimam Virginem Dei matrem.

De modis recitandi Coronam B. Virginis vel Rosarium.

Principio accersenda est ante oculos diuina præsentia: exhibitaque intima reuerentia, pe-

tenda

II.
Templa æ-
dificantur.
B. Virgini.

III.
Festa mul-
ta B. Virgi-
nis.

I.
Quid faci-
endum an-
te lectionē
Rosarij.

tenda est gratia hoc obsequium dignè & fructuosè perficiendi, &c.

II. Deinde dirigenda intentio ad honorem diuæ Matris, & gratiarum actionem pro acceptis beneficijs, & pro impetrandis nouis; & denique ad satisfactionem pro peccatis, quæ vltima pars cum applicatur alicui alij, nihilominus priores semper locum habent.

III. Deinde percurrenda est vnaquæq; decas attentione adhibita ad verba singula; non solum vt rectè pronuntientur; sed vt bona aliqua cogitatio, sensusq; eliciatur. Post vnâquamq; verò decadè interponenda est brevis meditatio velut condimentum, & excitamentum deuotionis, quæ triplex esse potest; atque inde tres modi recitandi coronam, siue Rosarium, existunt.

I. Sumi potest salutatio Angelica in tot particulas diuisa, quot sunt Decades in corona, atque ad singulas Decades interponi debet vna ex particulis meditanda: quod fiet iuxta modum orandi traditum, in introductione totius compendij. Aliàs adhibenda erit Oratio Dominica in petitiones distributa similiter secundum Decades, de quæ singulis meditandum, sicut p. 3. Medit. 14. ostenditur. Inuat etiam variare, Cantico Virginis, Magnificat, secundum versiculos distributo, post quamlibet decadem: de quo p. 2. Medit. 12.

II. Modus vix differt ab isto, nisi in materia meditandi: nam sumuntur quindecim mysteria B. Virginis: quorum tria dicuntur gau-

II.

III.

I.

Modus cum
Meditationis
salutationis
Angelica.

II.

Modus cum
15. mysterijs
B. Virg.

dio-

diosa: *Annuntiatio, Visitatio, Natiuitas* Christi, *Presentatio, Inuentio* in templo: tria dolorosa, *Oratio* Christi in horto, *Flagellatio, coronatio, baiulatio crucis, crucifixio*: tria gloriosa: *Resurrectio, Ascensio, Aduentus Spiritus sancti, Assumptio* ipsius Virginis, *coronatio eiusdem*: quæ quoniam sunt quindecim, conueniunt Psalterio B. Virginis, quod quindecim constat decadibus, ac ita post singulas potest vnum mysterium interponi, meditando. Nec opus est continuatè totum Psalterium decurrere, at sufficit per partes Imò, si libeat in vno mysterio post plures decades hærrere, commodè fit. Quia licebit, præter dicta mysteria, subinde alia interponere, velut *Circumcisionem Christi, adorationem à Magis, fugam in Aegyptum, & reditum*; sed & ipsius Virginis *Conceptionem, Natiuitatem, & Presentationem*. Porro modus circa ista meditandi est, qui solet; cum ex professo tractantur in oratione, eliciendo documenta, & affectus, & semet per colloquia excitando, nisi quoddam carptim hoc loco, non exactè ista fieri possunt.

III.
Modus
cum vir-
tutum B.
Virg. me-
ditatione.

Tertius modus, vt virtutes B. Virginis sint materia interponendæ meditationis. Vbi heroici actus singularum in B. Virgine expendendi erunt. Deinde mei defectus circa easdem. deniq; feruentia proposita concipienda meliorum.

Cæterum isti modi diuturnius requirunt tempus, nec videntur subuenire tædio, quod ex eiusdem precationis tam frequenti

re-

repetitione concipi solet, nec iunare attentionem circa verba ipsa, cum decurritur Decas. Quare, cum difficile sit, & non necessarium inhaerere semper verbis, consuleretur difficultati, & tempori parceretur, praesertim ab hominibus occupatis, si inter ipsam recitationem cuiusque Decadis voluerent mente mysterium illud, conando affici. Tenebit autem quisque modum, quem sibi utilissimum sentiet. Porro illi modi tres utiles videntur, maximè illis, qui ægrius meditantur, & tamen vellent conari: nam per eam alternationem orationis vocalis, & aliqualis meditationis, vitabunt fastidium, & exalterutro aliquatenus afficientur, & quasi manu ducentur ad meditandum.

MEDITATIO XXXIX.

Pro Festis Sanctorum.

Aliqua puncta generalia sunt, quæ aptari facile poterunt.

PUNCTVM I.

AETERNA electio, & illius exequendæ modus, ac ratio, quam significat Paulus illis verbis: *Quos praedestinavit, hos & vocavit, & quos vocavit, hos & iustificavit, quos autem iustificavit, illos & glorificavit.* Prima igitur est electio gratuita ante mundi constitutionem, ut essent Sancti, & immaculati in conspectu Dei: ut in eis ostenderet diuitias gloriæ

Electio Sanctorum.
Rom. 8. 29.

II.
Vocatio.

fuæ. nam cum id omnibus, qui saluantur, conueniat, præcipuè illis, quos Deus mirificare voluit etiam in terris.

III.
Iustificatio

Secunda est *Vocatio*, quæ varia extitit in diuersis Sanctis, & habuit semper aliquid singulare, quod in vnoquoque erit obseruandum.

Tertia est *Iustificatio*: vbi consideranda sunt specialia dona cuiusque, & insignia sanctitatis. Agendæ porro erunt Deo grates pro donis in eos collatis, gratuladumq; ipsismet, nobis autem ex imitatione fructus colligendus.

IV.
Glorificatio.

Quarta est *Glorificatio*: vbi recolli poterit pretiosa illorum mors, & transitus ad beatam æternitatem.

PUNCTVM II.

SS. mortificatio.

Mat. 16. 24.

QVOMODO responderint gratiæ Dei sibi communicatæ, exequentes illud: *si quis vult venire post me, abneget se et ipsum, tollat crucem suam, & sequatur me*. Vbi continentur tria: *Abnegatio sui, gestatio crucis Dominicæ, sequela Christi*: in quibus sancti excelluerunt. *Abnegatio* est mortificatio carnis, & appetitionum: In hac excelluerunt Sancti nam si aliquando in peccato vixerunt, post conuersionem acri poenitentia vindicarunt: quod si ab initio præuenti gratiâ fuerunt, nihilominus contenderunt, carnem domare, & subiectam spiritui reddere, & leues etiam culpas seuerè castigare, *carnem suam crucifigentes cum vitijs & concupiscentijs*. Nec modò appetitiones circa illicita frenarunt, verum

Gal. 5. 24.

etiam

etiam circa concessa, vt violentè cœlum raperent.

Bainlatio autem *crucis* in laboribus pro Dei gloria fortiter lubeundis, difficultatibus superandis, atque aduersis tolerandis præcipuè spectatur Denique *sequela* Christi, in studio illum imitandi, & voluntatem illius accuratè implendi, consistit. Ex quibus colligam confusionem mei ipsius, & proficiendi desiderium.

Imitatio
Christi.

PUNCTVM III.

QUIBUS fauoribus Deus illos affecerit? Huc pertinent *visiones*, *revelationes*, *gratia sanitatum*, *operationes virtutum*, aliæque extra ordinem communem. Deinde in ipsa morte peculiaris visitatio diuina, aut Angelorum, & prægustatio coelestis suauitatis; post mortem autem honores publici decreti, & veneratio eis exhibita à potentatibus qui eos olim despexissent. Præterea in die iudicii honorifica sessio, & exaltatio, præter id, quod intrinsecus la-
ret.

Liberalitas
Dei in San-
ctos.



PARS

PARS SEXTA
DE PERFECTIONIBVS
Dei & Beneficijs.

INTRODVCTIO AD ME-
ditationes VI. Partis.

DE MYSTERIIS DI-
*uinitatis, & feruentibus amoris
& gratitudinis affe-
ctibus.*

Scopus hu-
ius partis
sextæ.



EDITATIONES, quæ in hac
sexta parte tradentur, specta-
bunt potissimum diuinitatem,
Trinitatem, & opera, quæ à Deo
in hominum vtilitatem proce-
dunt, non exclusis tamen nonnullis humani-
tati proprijs, quæ his ipsis, propter connexio-
nem, quam cum illis habent, adiunguntur.

Et quamuis eæ, quæ in alijs partibus (circa
Christi Humanitatem versantes) continentur,
debili nostræ naturæ magis conueniant, præ-
sentes tamen sextæ partis considerationes in
seipsis longè sunt excellentiores, quibus An-
geli, Beati in cœlis, ac perfecti omnes in hac
vita degentes maxime delectantur, atque in
seipsis flagrantem *Dei amorem*, (qui est pro-
prius huius sextæ partis ac *vite vnitius scopus*)

rerum

rerum celestium meditationem augent, atque perficiunt.

Qualis autem hic affectus, quo Deo serui-
mus, esse debeat, tradit breuiter S. Basilus, di-
cens, debere esse *desiderium vehemens, insa-
tiabile, stabile, atq; immotum seu perseverans*.
Quatuor, videlicet, illius condiciones insina-
ans, quarum prima est, vt sit *desiderium non
trepidum* aut remissum, quale pigrorum esse so-
let; & de quo Sapiens: *Desideria occidunt pi-
grum*; sed *vehemens*, forte, efficax, quale fer-
uentium esse solet, vt non desistat, nisi opere
perficiat, idque perfectè atque exactè. 2. Vt
sit *insatiabile*, ne in faciendo, aut perfe-
rendo paucis contentus sit; sed ad plura
se extendat, remoto non tantum tadio atque
fastidio, sed excitata fame, quæ numquam di-
cat: *sufficit*. 3. Sit *stabile*, ne facillè moueatur,
vt is, de quo Sapiens: *vult, & non vult piger*, qui
varia experitur, eaque præ tadio relinquit si-
ne vlla stabilitate, quæ ad perfectionem om-
nino requiritur. 4. Sit constans & perseverans
ad mortem, non dimittendo, laxando, inte-
pescendo, ob tentationes aut persecutiones,
sed pectore firmo se opponat: sicut ceruus ad
fontes aquarum contendens per dura & as-
pera, donec sitim restinguat. Has conditio-
nes habet Christus D. (vt ex 3. & 4. parte con-
stat) cuius exemplum, vt Domini ac Magistri
nobis sufficere deberet. Quanquam S. Basilus
ibidem duas adhuc considerationes adijciat.
1. vt versetur circa magnalia, perfectiones at-

In Reg.

Breuior.

Reg. 157.

Desideria
pia qualia
esse debe-
ant.

1.

Prou. 2.

2.

Prou. 30.

3.

Prou. 17. 4.

4.

Psalm. 4.

Aliæ duæ
conditio-
nes.

Eccij. 43. 32

I.

Epectus
harum cō-
sidera-
tionum.

Eph. 5. 17.

Rom 8. 39.

atq; excellentias Dei, quibus affectus amoris, laudum, seruitij & obedientię excitatur, si non modo infinito (prout Deus mereretur:) at *pro nostra fragilitate* agnoscentes eū superualere.

II. Ut occupetur præcipuè circa beneficia, quæ ex tali amore (scilicet vehementi insatiabili, constanti) nobis donantur: sic enim lege gratitudinis ad similia reddenda (si nobis possibile foret) obligaremur.

Ex his S. Basilius colligit, sensim hisce considerationibus generari perfectum amorem, quo Deus à nobis diligi desiderat, scilicet ex toto corde mente, anima, fortitudine, omnibus viribus; si omnes nempe sensus interni & externi, cunctaque membra in eius amore (eo quo possunt modo) occupentur; dum scilicet memoria intellectus, appetitus sensusq; oēs affectui amoris deferuiunt, donec ita radiceretur, ac fundetur, ut nulla creatura separare possit, imò nec flumina (Cant. 8. 7.) obruere valeant, sed potius augeant. Hæc complectetur via vniuersa, quæ huius sextæ partis finis est. Quamuis enim amor ille præcipuè Spiritus S. donum sit, ex parte tamen nostra cellæ diuini amoris propinquamus, binis quasi alis sublatis, putà, meditatione perfectionum Dei, ac beneficiorum eiusdem in nos, & vtriusque meditatio

ita connexa est ut vna sine altera
perfectè non habeatur.

MODVS MEDITANDI

Dei beneficia ex affectu
gratitudinis.

VT beneficiorum infinitatem agnoscas, te-
que gratum exhibeas, quinque potissi-
mum considerata sunt. 1. *infinita* Dei ma-
gnitudo: unde fit, vt minimum beneficium a
tanto Domino magni faciendum sit. 2. *infi-
nitās amoris*, ex quo confert, & seipsum quasi si-
mul donat, rem amatam ingrediendo, semper-
que paratus est maiora adijcere. 3. *ipsius bene-
ficii magnitudo*, quæ suo modo infinita est. vel
numero, vel excellentia. Quia quædam conti-
nent bona innumera, vt mundi creatio, con-
seruatio: quædam complectuntur excellenti-
am infinitam, vt Incarnatio, redemptio. SS. Eu-
charistia, glorificatio; proque his omnibus gra-
tiæ agenda: pro pusillis (ait S. Bernardus serm.
in Cant.) quia numero, sunt infinita, & quam-
uis parua videantur, alio nomine sunt maxi-
ma. 4. *infinita* eius, cui conferuntur, *vilitas ho-
minis*, scilicet miseri, ingrati, & indigni, cuius
Deus memor sit, vt iure cum S. Augustino (Soli-
loq. t. 10.) dicat: *quis ego sum Deus. vt laudem
te? nempe puluis & cinis, putredo & vermis*.

5. *Infinita Dei* in conferendo beneficio *libe-
ralitas*, quia gratis donat non expectando cō-
modum ab eo, cui donat, idq; tribuit, non tan-
tū immerenti, sed sæpē mala merito, & hoc
non vno, sed infinitis modis propter peccata
atq; ingratitudinem. Et cū peccator tantus

Quinque
considera-
tiones de
beneficijs
diuinis.

1.

2.

3.

4.

5.

Ioan. 3. 6.

ut Der hostis, tamen non fatigetur ei benefa-
ciendo quotidie. Hæc indicauit Christus illa
sententia, *Sic Deus dilexit mundum, ut Filium
suum vnigenitum daret.* In qua quinque sunt
verba, quæ hæc quinque indicant, vt 2. p. med. 2.
dictum. Pro his beneficijs ex parte nostra restat
sola *gratitudo*, cuius tres sunt actus, 1. agnosce-
re beneficium 2. laudare benefactorem. 3. præ-
stare obsequia gratis.

Quin imò *gratitudo* nostra, vt plena sit, de-
bet esse *vniversalis*, vt (1. Tim. 2.) *pro omnibus
gratia agantur*, nullo beneficio prætermissio,
nec pro me solo, sed etiam pro omnibus ho-
minibus.

Tria gene-
ta creatu-
rum.

1.

2.

3.

Et quoniam *creaturarum tria sunt genera*,
1. quædam creaturæ gratias agere volunt, &
possunt vt *Angeli & Beati* in cælo, in d. & *ani-
ma purgatory*, & iusti in hac terra versantes. 2.
quædam possent gratias agere, sed nolunt, idq;
vel ex ignorantia (vnde in idolatrijs, qui De-
um verum ignorant, & infidelibus) aut ex ma-
litijs sicut accidit in damnatis, tam Dæmoni-
bus, quàm hominibus. 3. ac postremò quædam
non possunt aut velle, aut actu ipso gratias
reddere (quia intellectu carent, vt beneficia
comprehendant) quales sunt cæli, elementa,
plantæ, animantes.

Pro beneficijs ergo, quæ his omnibus con-
feruntur, gratiæ nobis agendæ, coniungendo
nos cum creaturis primi generis, & supplen-
do ignorantiam & malitiam secundi generis,
atque impotentiam tertij, inuitando tamen

eas ad laudes, vt hac ratione nos ipsos excitemus ad laudandum & glorificandum Deum vtendo ea forma, *Deo gratias*, quam ex Apostolo (Ephes. 5. 4.) sæpè vsurpat Ecclesia in Missa & horis, quamq̃ue S. Aug. (Ephes. 7. 7) vehementer laudat.

MEDITATIO I.

Quòd Deus sit.

PUNCTVM I.

I. **A**CCEDENTEM ad Deum oportet I.
credere, quia est. id omnes creaturæ Heb. 11. 6.
 clamant; ac, si per singulas percurras, audies Omnes
 dicentes. *Ipsè fecit nos, & non ipsi nos.* Quem creaturæ
 admodum, si perelegantem, imaginem, aut o. Deum esse
 pus aliud insigne perspicias, statim cogitas, & dicunt.
 peritissimo artifice, profectum fuisse, & aues psal. 99. 3.
 illum nosse, ac de ipso quæris: ita còspecto hoc Simile.
 admirabili cœli terræq̃ue globo, quæq̃ue in eo
 sunt, subit animum, esse quoddam primum, &
 inaspectabile principium, & effectorem, qui
 non frustra, sed certi finis gratiâ id opus molitus sit, & assidua gubernet prouidentia: cuius
 pernoscenti, fruendiq̃; desiderio meritò exardescas.

II. Ergo oculos in altum attolle, & audi, II.
 quemadmodum. *Cœli enarrant gloriam Dei* Psal. 18. 1.
 & opera manuum eius annuntiat firmamentum.
Dies disci ernat verbum, & nox nocti indicat Job. 12. 7.
scientiam; quin interroga iumenta, & docebunt
te, & volatilia cœli, & indicabunt tibi: loquere
terre, & respondebit tibi, & narrabunt pisces

maris. Respondebunt autem: *Quis ignorat quod omnia hæc fecerit manus Domini?* O audiam hæc voces, & ferar in auctorem totus

II.

Inuitatio
ad laudā-
dum Deū.
Da. 3. 57.
Isai. 12. 6.

Act. 14. 16.

III. Quin prouocabo creaturas omnes ad laudandum opificem suum: *Benedicite omnia opera Domini Domino, laudate & superexaltate eum in secula.* O habitatio Sion: exulta & lauda, quia magnus in medio tui sanctus Israel. O anima mea, ascende tanquam super speculam & contemplare quicquid est, et vide, quia in medio omnium Deus est, ut in singulis cognosci valeat. Non enim sine testimonio semetipsum reliquit benefaciens de cælo, dans pluias & tempora fructifera, implens cibo, & letitia corda nostra. Gratias agam quod hanc sui cogitationem impertiuierit,

P U N C T U M II.

1.
Homo ex
se Deum
cognoscit
Psal. 138. 6.
1. salm. 4. 7.

Q UOD peculiariter ex homine ipso, tanquam minori mundo cognoscatur Deus, iuxta illud. *Mirabilis facta est scientia tua ex me.* In primis, *signatum est super nos lumen vultus tui, Domine, dedisti letitiam in corde meo.* Hoc est, lumen rationis, tanquam splendor quidam Diuini vultus, ab eo procedens, per quod cognoscimus, quid sit bonum, & amplectendum, ac præcipue ipsum, qui est summum bonum, & regula in nostris actionibus omnis bonitatis. Nam proprium est, & solius hominis, præ cæteris creaturis corporeis, ut Deum cognoscat.

2.
Ex poten-
tiji & sen-
sibus.

2. Hoc lumen consequitur inclinatio homini indita, ad bonum cognitum prosequendum,

dum, ac proinde ad rectè viuendum secundum rationem, ac præcipuè ad Deum amandum, quod est prima, ac summa rectitudo, vnde cæteræ actiones regulantur. Huius luminis fulgurationem prohibent peccata illud obnubilantia, & simul lætitiâ cordis, quæ ex testimonio bonæ conscientie solet oriri, ac potissimum ex dilectione Dei; nam fructus Spiritus sunt charitas, gaudium, pax. Contrâ autem ex malefactoris oritur aculeus conscientie.

Gal. 5.22.

3. Deinde ipsa corporis humani architectura, partium innumerabilium proportio, connectio, officia, tum sensuum, ac potentiarum externarum ac internarum mira varietas, in vnâ conspirans finem, planè supremum quendam Architectum digito demonstrant; vt verè Dauid: *Omnia ossa mea dicent, Domine quis similis tibi?*

3.

Ex corporis structura.

Psal. 34.10.

4. Sed præ his, Spiritus ipse immortalis corpori inspiratus, ducit hominem in supremi ac purissimi Spiritus noticiam, quo mundus iste continetur, ac viuificatur, de quo scriptum est: *Spiritus Domini repleuit orbem terrarum, & qui continet omnia, scientiam habet vniuersi:* præbens nimirum lumen, vt ex effectis suis cognoscatur, & prædicetur Deus. Igitur in spiritu hominis considerandæ sunt tres nobilissimæ potentie, *Memoria, Intellectus, & Voluntas*, quarum operationes minimè sunt corpori alligatæ, sed exspatiantur libere ad cælos vsq; & naturæ abdita rimantur, quod sensus ipsi non perueniunt, excogitant artes, inueniunt di-

4.

Ex spiritu hominis.

Sap. 1.17.

ciplinās, rerumq; agendarum, ac moderandi hominum ipsorum mentes modum rationemq; reperiunt. Ex quibus efficitur, hominis animū extra ordinem corporeorū esse immaterialem, inuisibilem, atq; immortalem, qui proinde corpore soluto, subsistat, ipse, atq; permaneat.

5.

5. Hinc idem ipse noster spiritus intelligit, necessariū esse alium quendam spiritum, ex quo ista participet, siquidem ea non habet ex se, & qui similiter totum mundum regat, impertiatq; vitam, & motum, tamen non ut forma, aut pars ipsius mundi, & qui tandem sine mundo esse possit, ut ante illū fuit, multo melius, quam anima sine corpore. Namq; hæc naturali caret perfectione, cum exuta est corpore. *Verè Domine, mirabilis facta est scientia tua ex me.*

Psal. 138. 6.

PUNCTUM III.

1.
Motus
subluna-
res Deum
demon-
strant.

NON solum bona utriusq; mundi, magni & parvi, sed mala etiam nos in Deum ferunt. Terrores de cœlo, fulgura, fulmina æris iniuriæ, & intemperies, maris tempestates, terræ motus, morbi, bella, fames, & quicquid ingruit malorum, dum, velut naturali instinctu permouent ad quærendam ex alto opem, quasi arrepta manu ad Deum nos ducunt: quare sapienter & piè Iosaphat Rex: *cū ignoremus quid agere debeamus, hoc solum habemus residui, ut oculos nostros dirigamus ad te.*

2. Para. 20.

12.

2.
Pugnæ in
corpore.

2. Deinde, in ipso quoque paruo mundo, interna pugna, carnis & spiritus, passionum & rationis, pronitasq; ad peccandum, admo-

nent

nent nos supremi opitulatoris Dei, ad quē oportet confugere, modò vincere velimus. Quamobrem homo inter prospera & aduersa constitutus, ex vtrisque ad Deū contendat: Dum bona ab vno Deo auctore recognoscit, mala autem non nisi eiusdem ope amoliri posse confidit, quod est pugnare, vt ait Paulus, *per arma iustitia, à dextris & à sinistris*, & ex vtrisque, siue bonis, siue malis, fructum capere cognitionis Dei.

2. Cor. 6. 7.

Hæc viua notitia, quodd Deus sit, & assidua eius veritatis memoria, frænum est vitiōrum, calcar virtutum. Attestatur David; *Dixit insipiens in corde suo, non est Deus.* quid autem inde consecutum? *corrupti sunt, & abominabiles facti sunt in studijs suis.* Nam si in aliqua Republica nec superiorem, nec vindicem esse vllum homines intelligerent, planè in vitia diffluērent; ita nisi credant, & præ oculis habeāt, Deum esse, *Sic*, inquit Iob, *via omnium qui obliuiscuntur Deum.* Contrà verò: *Memor fui Dei, & delectatus sum, & exercitatus sum; defecit spiritus meus.* Porriō peccatores confitentur, se nosse Deum, factis autem negant. Ego & verbo, & opere confitebor

Psal. 13. 1.

Iob. 8. 13.

Psal. 76. 4.

Tit. 1. 16

MEDITATIO II.

Quodd Deus sit æternus, & Qui est.

PUNCTVM I.

I.

EST æternus; quod significatur illo Dei Deus æternomine: *Qui est.* nam Moyſi quærenti ternus.

Exod. 3. 14.

Ante mū-
dum.

Dan. 7. 9.

2.

Immuta-
bilis.

Mala. 3. 6.

Iacob. 1. 7.

3.

Psa. 91. 28.

fine fine.

Apoc. 4. 8.

nomen ipsius, qui apparebat in rubo, respon-
dit. *Ego sum, qui sum* Et dicitur Filiis Israel:
Qui est, misit me ad vos. Vocatur ergo: *Qui
est*: quia nunquam non est. Fuit ergo ante
mundum, & omnem creaturam, non paruo
aliquo interuallo, sed si annorum millia mil-
lionum fingas, ante illa fuit, quia semper fuit,
vnde & vocatur: *Antiquus dierum*; quia
quidquid aliquando coepit esse nouum est.

2. Deinde perseverat esse absque mutatio-
ne vlla, & variatione: quod est, verè & sim-
pliciter esse, quippe nullatenus deficiente
ipsius esse, vnde iure vocatur *Qui est*. Ego
Dominus, & non mutor, & apud quem non est
transmutatio, nec vicissitudinis obumbratio.

3. Postremò: Erit semper. Tu Domine idem
ipse es, & anni tui non deficient. Atque hæc est
æternitas, fuisse semper, vt non cœperit ali-
quando esse, & desitutum esse nunquam, vt
nihil ei decedat, vel accedat, quia vtrumque
est imperfectionis, nam, si accedat, non habuit
esse perfectum, si decedat aliquid de esse, fuit
imperfectum esse.

Glorificabo igitur ipsum cum cælestibus
choris supplici confessione dicens: *Sanctus
sanctus, sanctus Dominus Deus omnipotens, Qui
erat, Qui est, & Qui venturus est*. Et quia pec-
cat or, quantum in se est, vellet quodammodo
Esse Dei destructum, quò impunè peccaret,
dolebo, me fuisse talem; gaudebo au-
tem de ipsius æterni-
tate.

PVNCTVM II.

I. QVod solus Deus sit æternus, quia essentialiter est *Qui est*, vnde dicitur; *qui solus habet immortalitatem*. Res ceteræ ex se ipsis habent, vt non sint: vnde ab alio debent accipere, vt sint: nempe à Deo, *Qui est*; & illo subtrahete manum, recidunt in suum nihilum. Vanitati creatura subiecta est, & sicut vestimentum omnes veterascent; *Auferes spiritum eorum & deficient, & in puluerem suum reuertentur, substantia mea tanquam nihilum ante te*

2. Hoc est fundamentum veræ humilitatis, & submississimæ subiectionis erga Deum: Diffidentia sui, fiducia in Deo, contemptus proprii, & Diuinæ excellentiæ admirationis. Nunquam efferetur ob vlla bonâ, qui serio cogitauerit, quid sit ex se.

PVNCTVM III.

Eò quod DEVS est, *Qui est*, continet in suo Esse omnes perfectiones absque compositione, modo simplicissimo & perfectissimo vt præ illo creata omnia *sint quasi stilla scutellæ, & quasi momentũ statere*, vt dicit Isaias. Tanti sunt res, quæ corda mortalium ad se rapiunt, posthabito ipso Deo! quin potius illi adhæresco, *Qui est*, vt, non deficiam, vt in eo omnia possideam, omnium post hac creaturarum detrimentum faciam, vt illum lucrifaciam.

O *Qui es*, qui nomen hoc ineffabile nõ Abraham, Isaac, & Iacob. sed Moyfi manifestasti pro

1.
Dei esse à seipso.

1. Tim. 6. 16

Rom. 8. 20.

Psal. 13. 19.

Psa. 101. 27.

Psal. 38. 6.

2.

Dei esse excedit omnia.

Isa. 40. 15.

Exod. 6. 3.

signu.

singulari beneficio: fac, illius vim penitus intelligam, vt post odorem illius curram.

MEDITATIO III.

Quod Deus sit infinitus & incomprehensibilis.

OPPORTUNE consideratio infinitatis & incomprehensibilitatis DEI suscipitur, vt circa Deum humana mens non præsumat, quâdo nouerit, eum non posse comprehendere. Sunt porro duo modi aliquid efformandi, vel appositione, vel detractiōe. Pictor apponendo colores figurat imaginem; sculptor detrahendo à rudi ligno, aut lapide segmenta. Sic Deum cogitare possumus; vel tribuendo ipsi perfectiones, quarum vestigia conspiciuntur in creatis; atque ita vocando bonum, sapientem, iustum; vel amouendo ab ipso imperfectiones creaturarum, dicendoque ipsum infinitum, incomprehensibilem, immensum. Est doctrina Areopagitæ de Mystica Theol. cap. 3. & de diuinis nominibus cap. 7. ac de hoc secundo modo cognoscendi Deum procedit ista meditatio.

PUNCTVM I.

DEVS non est, vt quæ sensibus percipi possunt; non pulcher, vt astra; non lucens, vt sol; non magnus, vt corpora; non suavis, vt cibi & concentus; non denique, vt ali-

quid

quid istorum: sed supra hæc. Quare ipse ait:

Cui similem fecisti Deum, & cui assimilasti, Isai. 40. 18.

& adæquastis me, dicit sanctus? dicant omnia 25.

ossa mea: Domine quis similis tibi?

Isai. 34. 10.

& 85. 8.

PUNCTVM II.

A S E N S I B V S externis ad internos
transi, vel etiam ad intelligendi vim,
tum hominis, tum Angelorum. Nihil est eo-
rum Deus; nec qualia sunt, quæ ab illis, capi-
untur; sed supra illa.

II. Proinde cogitabo, quod cognitio Dei in
hac vita, & ex creatis, dicitur caligo & nebu-
la, nam, cum supremum attigeris gradum: id
tandem intelligis, non esse Deum, ut ista; sed su-
pra ista: quod non est scire, quid sit; sed quid
non sit. Et hoc est, quod Moyses dicitur ascen-
disse ad caliginem, in qua erat Deus. Et ingres-
sus in medium nebulae ascendit in montem. Et
Dominus dixit, ut inhabitaret in nebula. Quia
et si lucem, inhabitat, at inaccessibilem.

3. Igitur non est bonus iustus, non sapiens,
non potens, non aliquid eorum, quæ homo aut
Angelus esse potest, aut quale intelligit: sed
quid inæstimabiliter maius. Vade Iob: Ecce
Deus magnus, vincens scientiam nostram. Nam
si, ut ait Sapiens: difficile æstimamus quæ in ter-
ra sunt; & quæ in prospectu sunt, inuenimus
cum labore: quæ in cælis sunt, quis inuestigabit?
in hac caligine & nebula libenter morabor,
gaudens, quod tantus sit Deus meus, ut non-
sim sufficiens cognoscendo. Supplebo aman-

do,

1. Cor. 13.
12.

do, quod minus valeo intelligendo. Suspirabo ad illum statum quando non iam in angustate; sed facie ad faciem cognoscam. sicut & cognitus sum.

PUNCTVM III.

Psal. 114. 3.
Prou. 3. 25.

1. Tim. 6.
16.

2.

3.

1. **N**ON solum Deus non est ut creata quantumuis perfecta; sed est infinite supra illa in quouis genere perfectionis, quod est dicere: nec solum est supra omnia, sed infinite supra omnia; Magnus Dominus & laudabilis nimis; magnitudinis eius non est finis. proinde & incomprehensibilis; nam Angeli, cum sint substantia & virtute finiti, quod infinitum est comprehendere nequeunt. Et ita quando etiam reuelata facie cernitur, non potest comprehendere. Quo sensu Apostolus dixit: *quem nemo vidit vnquam, sed nec videre potest*.

2. Vbi aduerte, quod in secundo puncto etiam dicebatur Deus non posse capi; sed id ex comparatione creaturarum: at modo consideratur incomprehensibilis simplicitate; etiam, cum in se ipso clare cernitur in gloria: quia creata intelligentia, etsi potest eleuari atque sustolli, ut non iam ab effectis, sed ipsam in se cognoscat diuinitatem; tamen, quia creata est & finita, non potest exhaustire cognoscendo infinitatem eius in Esse.

3. Hinc est, quod Seraphini apud Isaiam ex senis alis. duabus tantum volabant, duabus autem faciem Dei, & duabus alijs pedes operiebant: quia Deus incomprehensibilis est, tum

ex effectis suis, tum ex facie sua, quando eriam illam datur conspiceret: pedes sunt creaturæ ab eo conditæ; facies autem, visio beatifica: vbi cernitur sicut est: sed in vtraque cognitione opertus est: quia ex effectis non intelligimus, quid sit; sed, quod ex ijs non sit, quæ sensibus, aut mente percipiuntur. In visione autem clara etiam later incomprehensibilis Maiestas; quatenus exæquari intelligendo, nisi à se ipsa, non potest: vt nec infinitum à finito.

P V N C T V M IV.

1. **A**stimandum est beneficium, quod Deus nobis de se reuelauerit; tum ista, non excedentia humanum lumen, quod certius & sine errore à nobis perciperentur, tum alia, supra caput. *Incerta, & occulta sapientia tua manifestasti mihi*, & ad hoc misit filium: *Vnigenitus qui est in sinu Patris, ipse enarrauit.*

2. Hinc gaudium concipiam de tanta gloria Dei mei; gratusque existam, quod se mihi reuelarit. Deinde excitabo, exerceboque fidem, idè credens, quia ipse reuelauit.

3. Denique spem illuc perueniendi, vbi non ampliùs in ænigmate, sed apertè credita conspiciam facie ad faciem. Quin in hac vita assequi possum clariorem mysteriorum intelligentiam; dum studeam mentis puritati. Nam beati mundo corde: quoniam ipsi Deum videbunt.

1.
Dei bonitas in reuelando.
Psal. 50. 8.

Ioan. 1. 18.

2.

3.

Matt. 5. 8.

MEDITATIO IV.

*Quòd sit vnus Essentia, tri-
nus Personis.*

PUNCTVM I.

1.
Deus no-
ster vnus
est.

1. **Q**UOD sit vnus essentia. 1. quia vñum est summum bonum, in quo sunt omnes rationes boni. n. m. si aliud ab illo esset tunc careret ea ratione boni, qua alterum ab ipso differret; ita non esset omne bonum; sed limitatum, ac proinde, non esset Deus. 2. In hac veritate fundatur debitum amandi Deum ex toto corde, & supra omnia, quia ipse est vnus, summus, atque omne bonum, de quo participant creaturæ, quòd habent bonitatis. Et ita sicut ex Deo sunt bonæ, ita propter illum diligenda bonitas ipsarum, non aliter; quod est amare ipsum bonum creatum in suo fonte potius, quàm in se ipso; amatur enim in se ipso, non in Deo; quando ratio amandi, non est Deus ipse, sed sinit affectus in bono creato secundum se, quod facit omnis peccans; unde dicitur, *frui vtendis* à D. Augustino: frui enim est, ibi quiescere, non aliò referre; oportet autem vt bono creato ad fruendum bono increato.

2.
Deus vnus
& solus.

2. Quia vnus tantum Dominus, & gubernator mundi esse potest: alioquin si plures, dissidere possent voluntate, & alter alteri repugnare: ex quo mundi ordo non subsisteret.

Omnia

Omne enim regnum in se diuisum a solabitur quòd si subordinatus vnus esset alteri; iam non esset Deus. qui subijceretur: quia nec supremus Dominus. In hac veritate fundatur Præceptum illud: *Dominum Deum tuum adorabis, & illi soli seruiēs. Nemo potest duobus Dominis seruire*: quia possunt contraria præcipere; vnde oportebit vni obedire, & alterum contemnere. est igitur vnus Deus, vnus Dominus. vni seruiam.

Luc. 11. 17.

Deut. 6. 13.

Matt. 6. 24

III. Vnus supremus legislator, & Iudex, & finis vltimus esse debet. si plures legislatores: cuius conformari oporteret? Si Iudices: nulla foret suprema sententiā; si plures fines: vnus non expleret, satiarete hominē: & sic neuter esset finis vltimus. In hac veritate fundatur, quòd vna esse debet nostra intētio, & in vnum tendens. Colligam, quā infelices sint Idololatæ, qui vnum Deum ignorant. Item, qui, cum non ignorent, ventrem, aut pecuniā pro Dijs colunt. Studebo cogitationes, desideria, studia omnia in vnum dirigere. *quid turbatur erga plurima? Vnum est necessarium.* Complectar omnes charitate non ficta, quādo vnum omnes habemus Deum, principium, finem: *Numquid non vnus Deus creauit nos? quare ergo despicit vnusquisq; nostrum fratrem suum?*

III.

Deus legislator iupremus.

Luc. 10. 41.

Malac. 2. 10

PVNCTVM II.

I. QVOD sit trinus Personis. Hic debet captuari intellectus in obsequium fidei, licet autem ita ratiocinari: Deus est in-

Deus vnus, & trinus.

Medit. Compend.

A a a

nitum

utrum bonum, in quo sunt omnes creaturarum perfectiones eminentius, absque imperfectionibus earundem: Igitur est *unum*, sine diuisione: quæ est imperfectio; & *plures* sine diuersitate, quæ est etiam imperfectio. nam, quæ diuersa sunt, eorum quoduis caret alterius bono. Habent ergo vnam essentiam, sapientiam, potentiam, voluntatem, & quidquid boni est; nec in eo diuiduntur: sunt tamen plures, quod bono etiam societatis inter se fruantur; & plures sunt per communicationem; quæ Filius à Patre, & ab utroque accipit Spiritus sanctus Diuinitatem: Sicque illud etiam bonum in Deo reperitur, quod semel communicat, non ad extra tantum, per quandam participationem limitatam; sed intra etiam per totius substantiæ communicationem.

II.
Affectus.

II. Hinc primò concipiam admirationem ex incomprehensa Maiestate: cuius si sapientia, & iudicia incomprehensibilia sunt, quomodo non eius Esse & Diuinitas? Domine adauge fidem, quò valeam intelligere: intelligam, ut amem.

III.

Joan. 17. 1.

III. Deinde concipiam gaudium de arctissima illa vnitatem inter Diuinas personas: quibus associari, & vnum fieri, pro modulo, cupiam. Nam & Christus ita orauit: *ut sint vnum, sicut & nos vnum sumus*. Id etiam fiet, si quæ admodum Patris, & filij, & Spiritus sancti est vnum sentire, & velle: ita meum sic idem cum illis per omnia. Fiam etiam vnum cum superioribus meis, qui locum Dei tenent, confor-

mitate

mitate iudicij & voluntatis: tem cum fratribus meis, idem sapiendo, & dicendo. Quare exprimam viam imaginem illius vnitatis & amicitiae, qua inter se Diuinæ personæ communicant.

PUNCTVM III.

I. **M**ODVS processiois diuinarum personarum. PATER intelligendo se ipsum, clarè, & perfectè, format sui imaginem adæquatam; non accidentariam, vt quam format homo rei conceptæ; sed substantialem, quæ sit idem cum substantia Patris intelligentis; quodd in Deo nihil accidentale esse possit. Hæc igitur imago, vt prodiens à PATRE concipiente seipsū, dicitur, & est FILIVS Est etiā VERBUM quia mētis quidā partus; & sapientia, quia per notitiā, qua se PATER cōprehendit, exprimitur. Hinc *splendor gloriæ, & figura substantiæ eius, & imago inuisibilis* nominatur.

I.
Modus cōsiderandi mysterij.

Heb. 1.3.
Colof. 1. 1;
- II.

II. Rursum PATER hanc sui imaginem contemplans, in eaque communicatam cernens omnem suam perfectionem substantialiter; fertur in illā amore adæquato, hoc est, infinito. Et vicissim verbum cernens in Patre eandem naturam, tanquam in principio communicatæ, pari impetu amoris impellitur: isq; impetus reciprocos SPIRITVM SANCTVM spirat. Est enim ille impet' comunicatiuus illius ipsius boni, in quod fertur; & comunicādo producit terciā Personam diuinitatis, quæ vocatur AMOR, quia amādo producitur, & est amoris quasi termin', seu amor terminat'. Nā

& in creatis sicut intelligēdo producitur verbum, seu conceptus expressus; ita amando producitur quædam in rem amatam siue propensio, siue magis quies, sed in creatis utrumque est accidens; in Deo autem est ipsamet Dei substantiale.

III.

III. Igitur ab vna substantia, quam Pater in se habet, & ex se: Filius autem & Spiritus sanctus per communicationem, dicuntur omnes tres, & sunt vnus Deus, vnus creator, vnus sanctificator, vnus glorificator. Sunt autem ab æterno omnes, quia non liberè, sed naturaliter; eò quòd est PATER, generat: ipseque, & Filius spirant. Idcirco nulla est inter personas prioritas existentia; sed ordo tantum processionis. Quia verò omne ac infinitum bonum in se continent, non opus habent creaturis ad partem aliquam felicitatis: sed sui boni inamissibili possessione beatæ sunt: quo fruantur comprehendendo inuicem, & amando ex omni æternitate.

Colloquium ad Patrem.

I.
Cum Patre
Isai. 66.

I. Approbando quod ait; *Numquid ego, qui alios parere facio, ipse non pariam?* parit autem vnicum, non plures filios: quia est generatio adæquata; qua totum esse communicat; non simile, sed idem omnino: Neque idem pluribus communicare potest generando: quia vna est tantum sui ipsius notitia, & comprehensio, qua gignit; non alia, atque alia; & ita semel dicit PATER, quod cōprehendit; non sæpius:

proin-

proindeque vnum est tantum illius Verbum,
& Filius.

II. Porro, ô Pater æterne, quantopere tibi
complaces in hac generatione, in hoc Filio? Nā
fi filius sapiens lætificat Patrem, quando hic
magis te, cum sit, ipsa sapientia? ideo in Iorda-
ne, & in monte testificatus es: *Quia hic est Fi-
lius meus dilectus, in quo mihi bene complacui.*
Et ad ipsum ais, *Filius meus es tu: ego hodie ge-
nui te.* istud hodie omnem continet duratio-
nis differentiam, præteritum, præsens, & fu-
turum: quia æternitatem significat. Ergo ab
æterno, & nunc, & in perpetuum gignis filiū!
quia semper manet & est illa notitia, & com-
prehensio, qua procedit ex te Filius. Quin in
nobis, postquam mens nostra formauit verbū
intelligendo, dum hoc permanet, à mente for-
mante procedit, desinit autem, cum mens de-
sinis formare. Tu autem, PATER æterne, nū-
quam desinis, neque desinere potes compre-
hendere te; atque ita producis verbum inde-
fectibile, prout tu ipse es: *Verbum enim Domi-
ni manet in æternum* Hæc est paternitas, à qua
omni paternitas nominatur in cælo, & in terra
Ad exemplar istius nos quoque efficimur ad-
optione filij, fratres autem Christi. O totus
mundus transeat in adoptionem tuam, Pater
æterne. ô Pater luminum, cuius splendor est
filius tuus: per hunc, & propter hunc illumina
cor meum, vt *cognoscam te verum Deū, & Fi-
liū tuū Iesum Christū*: quo sim filius lucis & a-
liquādo te videā in lumine tuo facie ad faciē.

II.

Proh. 10. 1.

Matt. 3. 17.

Psal. 2. 7.

1. Pet. 1. 25.

Ephes. 3. 15.

Ioan. 17. 3.

Colloquium ad Filium.

O Fili æterni Patris, & Fili vnigenite; quã tibi congaudeo de hac Filiatione, qua es vnus Deus cum Patre? Verè & vnigenitus: nõ modò, quia vnus; sed quia nec esse plures potuerunt: quia non ex parte filius, sed ex toto: Deus de Deo. Tu vera imago Patris, totũ adæquatè representans; quia per id es imago Patris, per quod Pater est Deus. Ille enim, dũ cõttemplando se, exprimit sui verbum, & imaginem: suam tibi diuinitatem impertit: vt per hanc ipsam tibi communicatam representes Patrẽ, à quo accepisti diuinitatẽ. Quare tu es imago consubstantialis, Patriq; equalis: Quodd si vnigenitus & hæres. Verè vnicus hæres; qui totum, quod habet Pater, accepisti. ò sim ego ex participib⁹ tui. Vtiq; si filius existã, etiã hæres sicut dicit seruus tu⁹ *Quodd si filij, & hæredes: Hæredes quidẽ Dei, cohæredes autẽ Christi*

Rom. 8. 17

O vnigenite, quies in sinu Patris; & nõquam ab eius recedis sinu, ibi penetras secretũ Diuinitatis, & planè comprehẽdis; ibi amas pro eo, quod est infinitum bonũ: ibi gaudio frueris tanto quantus est Deus. ò sinus tantò melior, quàm Abrahæ: ò illic recipi merear, atque in id ipsum requiescere! Memento quodd dixeris: *Volo vt vbi ego sum, illic sit & minister meus*

Ioan. 12. 26.

In hoc sinu existens, & amorì Patris tui indulgens, vnà cum illo producis Spiritum sanctum, qui est Amor vtrique consubstantialis. ò spiratio beata! ò amem! ò spirẽ amorẽ! Flãmescat igne charitas, accẽdat ardor proximos.

Colloquium

Colloquium ad Spiritum sanctum.

Tu es per excellentiam Spiritus, vitam à Patre & Filio accipiens, qua illi viuunt, quæ est diuinitas ipsa: accipiendo autem gaudes, prout illi dando, omnes pari & vno gaudio gaudentes, quia vnus estis Deus, & de vno gaudetis bono, quod ipsimet estis.

Procedis, vt impulsus quidam, quia amando spiraris à Patre & Filio: sed non ideo foras prodis, sed in vtroque manes; procedis enim, vt amor Patris ad Filium, & vicissim Filij ad Patrem, & cum intra Deum procedas, & in eo maneas, necessarius es Deus.

Vocaris *sanctus*, quia es amor diuinus, qui est vera sanctitas, certè nos ed sancti sumus, quòd Deum amamus, sicut oportet. Huius igitur amoris inspirator, cum sis ipsemet amor, singulariter *sanctus* diceris, quippe fons sanctitatis.

Vocaris per excellentiam *Donum*, quia *charitas Dei diffusa est in cordibus nostris per Spiritum sanctum, qui datus est nobis.* Tu ergo donaris nobis, quando charitas donatur. Dona te mihi libenter, liberaliter, dilata cor meum, vt impleatur à te, & de te.

Rom. 5. 5.

PUNCTVM V.

QVOD oratio mentalis ad similitudinem istius mysterij conformari debet. *x.* vt mens Deum, quoad fieri potest, perfectè concipiat intra se ipsam, & in ea contemplatione

x.
De mentis oratione ad similitudinem Trinitatis.

2.

Can. 3. 4.

1. Ioan. 3. 2.

1. Cor. 13. 9.

3.

Psal. 45. 11.

1. Ioan. 5. 7.

Gen. 1. 6.

perseueret. 2. vt in apprehensam bonitatem totus ferar per amorem, ei que inhæream. Vt sponsa, *inueni quem diligit anima mea, tenui eum, nec dimittam.* Hinc sequetur fruitio, & gaudium, quale promittitur in coelo, ex similitudine diuina. Ibi enim *similes Deo erimus, quia videbimus eum, sicuti est.* quam similitudinem nunc ex parte assequi possumus, sicut *ex parte cognoscimus, & ex parte prophetamus.* 3. sicut diuinæ personæ ineffabiliter sibi inhærentes, vnum habent velle, & sentire: ita ego per hanc cum Deo internam communicationem non aliud velim, quam quod ille. Et quia Deus sic intra se sibi sufficientissimus est, vt tamen ad creaturas se diffundat; ita ego cupiam alijs quoque prodesse. Hoc vocatur otium animæ, quia vacat strepitu, & sollicitudine exteriorum; & est negotium omnium præstantissimum, ad quod inuitamur: *vacate & videte, quia ego sum Deus.*

Tres igitur sunt, qui testimonium dant in coelo, Pater, Verbum, & Spiritus sanctus: ipsi testificantur de se, vt in mundi creatione & præcipuè hominis, quem fecerunt ad imaginem & similitudinem suam, in Christi Baptismo, & transfiguratione.

MEDITATIO V.

Quod Deus sit infinitè perfectus.

PUNCTVM I.

Deus perfectissimus.

PERFECTVM dicitur, cui nihil deest, quod ei cōmunicari possit & debeat Deus. pro-

pro-

proculdubio perfectus est, ac proinde habet, quæ ei conuenire possunt: conuenit autem ipsi omnis omninò ratio Entis, quo fit, vt omnis in illo sit, siquidem est Ens perfectum, cui nihil deest, quod ad eius perfectionem faciat. Differt igitur à creatura, quacunque etiam possibili, quòd hæc, cùm limitata sit, perficitur certis rationibus, Deus autem cùm sit Ens illimitatum, non potest concipi perfectus, nisi omnia in se contineat. Quare dicitur: *ex ipso, & per ipsum & in ipso sunt omnia.* Deus meus, & omnia, cur quæram aliquid extra te, quando in te habeo omnia? in Deo igitur sunt tãquam in Ente simpliciter perfecto, & simul tãquam in Idea & principio efficiente, ex quo omnia: agit enim vnumquodque, secundùm quod habet in se: quia nemo dat, quod non habet, habet autem Deus omnia eminentiori modo, quàm sint in seipsis.

Rom. 11. 36.

PVNCTVM II.

ET reliqua huius Medit. Speciatim in Deo sunt omnes perfectiones corporum inanimatorum, ac proinde potest sine illis agere, quidquid illa agunt. Deinde viuentium, sentientium, & intellectualium creaturarum: omnes autem sunt in Deo vna simplex infinitaque perfectio, vti in aureo nummo continentur multi minuti nam si distinguerentur, vna excluderet alteram, & singulæ finitæ esset & limitatæ. Sic enitar omnes meas actiones, quasi vnum facere per intentionem, qua soli

In Deo eminenter perfectiones creaturarum.

Matt. 6. 22.

Deo placere in omnibus velim. *Si oculus tuus simplex fuerit, totum corpus tuum lucidū erit.* Item in quouis bono opere plures iungam affectus bonos. qui me ad id impellant, vt vnica actio sit multiplex virtus.

MEDITATIO VI.

Quòd Deus sit summè bonus.

Gen. 1. 31.

BONITAS est duplex, naturalis, & moralis. de priori: *Vidit Deus omnia, quæ fecit, & erant valde bona.* habebant scilicet, quicquid naturæ cuiusq; cōueniebat, quo fiebant amabilia. Moralis autem bonitas inest actionibus liberis, vt debitè fiant, & ex recta ratione. Cæterum Deo hæc etiam bonitas est naturalis, & essentialis, cūm homini sit aduentitia, ab eaq; possit defletere.

PUNCTVM I.

Dei bonitas
in tribus.

1.
Exod. 33. 19.

2.

3.

Luc. 18. 19.

Job 15. 15.

Isa. 6. 3. 45. 5

QUOD Deus est summè & infinitè bonus.
1. quia omnem rationem bonitatis in se cōtinet, sicut & essendi. Vnde ad Moysem Deus, *ostendam tibi omne bonum.* 2. quia per essentiā habet, ac proinde indefectibiliter. 3. quòd creaturæ, præ illo, non sint bonæ, sicut nec sunt: nam limitata est bonitas illarum, & participata, ac defectibilis, quare Christus, *Nemo bonus, nisi solus Deus.* & apud Iob: *Inter sanctos eius nemo immutabilis, & cæli non sunt mundi in conspectu eius.* Hinc quiuis coram Deo humiliari debet, licet sanctus: quia *Sanctus, Sanctus, Dominus Deus exercituum. Non est*

est sanctus, vt Dominus, nec est alius extra te. 1. Reg. 2. 2.
Sanctitas autem est bonitas moralis.

PVNCTVM II.

SPECIALIVS licet discurrere per singulas
virtutes, easque in Deo cogitare, absq; im-
fectionibus simulq; vnitas: nam hoc habet
virtutes, vt quando ad summum veniunt, sint
inuicem connexæ & colligatæ, trahantque se
mutuo, vt annuli in catena. Deinde quod vir-
tutes in Deo sunt exemplar nostrarum: quare
nostræ eò sunt perfectiores, quò exemplari di-
uino similiores. Cæterum solent quatuor ge-
nera virtutum distingui 1. *Moralium*, in qui-
bus spectatur conformatio ad regulam rectæ
rationis. 2. *sublimiorum*, quibus aspiratur ad
similitudinem Dei, cùm Christus dicat: *Estote*
perfecti, sicut Pater vester cælestis perfectus est. 3.
illarum, quæ hominem iam assecutum illam
similitudinem, comitantur, siue ex parte, vt in
viris valde perfectis in hac etiã vita; vel pla-
nè, vt in beatis. 4. Demum sunt ipsa exempla
virtutum in Deo, qui proinde est etiam
largitor virtutum, à quo & peti debent.

1. Idea
nitudo vir-
tutum.
2. Iuda reli-
quarum.

Mat. 5. 48.

PVNCTVM III.

HINC est, quod duplex illa iustitiæ pars,
declinare à malo, & facere bonũ, Diuinę
bonitati maximè conuenit, quoad 1. non po-
test ipse peccare, nec peccati esse causa, imò
nec in natura assumpta potuit peccare, quod
repugnet bonitati Diuinæ, & infinitæ quoad
Fidelis Deus in omnibus verbis suis, & iustus

Psal. 36. 27.
Virtutes
Dei purissi-
mæ.

Psal. 144. 13. 14. in omnibus vjs suis, & sanctus in omnibus op-
Leuit. 19. 2. ribus suis. Et: Sancti estote, quia ego sanctus
Deut. 18. 13. sum. æmulabor hanc sanctitatem, illud
Ephes. 5. 27. memorans: Perfectus eris, & absque macula
Cant. 4. 7. cum Domino Deo tuo. Talem voluit Eccle-
 siam suam esse, absque ruga & macula. Et
 talem laudat: Tota pulchra es, & macula non
 est in te. A sanctitate cognomen accipit ter-
 tia persona Diuina, vt Spiritus sanctus dicere-
 tur per excellentiam, & sub hoc nomine tota
 Trinitas laudatur: Sanctus, sanctus, sanctus.

MEDITATIO VII.

*Quod Deus sit, vt summè bonus, ita
 summè communicatiuus sui.*

PUNCTVM I.

*De Diuinis
 nomi. c. 4.*

Psal. 53. 8.

Psal. 15. 2.

BONVM est diffusiuum sui, teste Dionysio
 Deus autem cum sit summum bonum, ita
 maximè cōmunicatiuus sui, quod facit excel-
 lenter. 1. Quia liberè pro bona voluntate
 sua, non coactè. Vicissim, ego voluntariè sa-
 crificabo tibi, & confitebor nomini tuo, quoniam
 bonum est. 2. Quia nullo suo emolumento:
 Deus meus es tu, quoniam bonorum meorum non
 eges. sequitur autem, sanctis, qui sunt in terra
 eius, mirificauit omnes voluntates meas in eis:
 quasi dicat, quia non poteram ei benè facere;
 conuertit voluntatem meam, vt sanctis eius
 benefacerem pro ipso. 3. Quia summè se cō-
 municat pro modo suæ sapientiæ. sic & ego.

PVNCTVM II.

COMMVNICAT se, dans esse naturale
crebus, secundum quatuor gradus, sub-
stantiæ corporeæ, viuentis, sentientis, & intel-
ligentis; quos singulos diuersis creaturis tri-
buit, homini omnes, vt sint tanquam quatuor
flumina ex fonte paradyfi egredientia, ex
summo bono, & irrigantia vniuersum mun-
dum: quæ cum in vno homine colliguntur,
merito requiritur ab eo, vt Deum amet ex to-
to corde pro bono corporis, ex tota anima
pro bono vitæ, ex omnibus viribus pro bono
sentienti, ex tota mente pro bono intelli-
gendi.

PVNCTVM III.

COMMVNICAT ampliùs se, dans esse
supernaturali, idq, quatuor etiam mo-
dis. 1. Dans esse *gratia*, qua Diuinæ efficitur
confortes naturæ, & Filij Dei. 2. Esse *gloria*.
in qua *similes ei erimus, quia videbimus eum,*
sicuti est. 3. Esse *personale* Verbi diuini, vt ho-
mo sit verus Deus. 4. Hoc Verbum Caro factū
est, communicatur ineffabiliter omnibus vol-
lentibus in Eucharistiæ mysterio.

Ex his quatuor communicationis modis
duo posteriores soli homini concessi sunt, non
Angelis, quæ est prærogatiua singularis. Ita-
que homo non solum factus est ad imaginem
Dei per naturam, sed est factus imago Dei
substantialis per vnionem hypostaticam. O
si ego me vicissim totum communicem, red-

Excellen-
tius se cō-
municat.

. Per. 1. 4.

1. Ioan. 3. 2.

dam-

damq; Deo, vt vnde fluxerunt aquæ, ad Deum reuertantur.

Deinde obserua, quòd cùm conueniret, vt Deus hypostaticè se cõmunicaret cuius creaturæ, elegit hominem, in quo omnes creaturas sibi assumeret. quòd in eo sint omnes gradus essendi. Ergò omnes laudent illum: & ego præsertim exhibebo me sanctum, tum corpore, tum spiritu, quando in homine sic honorificauit Deus vtramque substantiam per vnionem Personalem.

MEDITATIO VIII.

Quòd Deus sit summè amabilis.

BONVM est, quod omnia appetunt, vt definit Philosophus, expetitur autè vel propter seipsum, vel propter vtilitatem, vel causa delectationis: vnde triplex bonum existit, honestum, vtile, delectabile.

PVNCTVM I.

DEVS est summè amabilis propter seipsum, quia est summè & infinitè bonus, & ipsa bonitas. Et est vltimatè propter seipsum amabilis, vt non ob alium finem debeat amari, cùm sit ipse summum bonum, sed alia omnia propter ipsum: siquidem est fons omnium, & idè finis vltimus. 1. Sequitur non posse amari à creatura, quantum est amabilis, siquidem est infinitè bonus, sed à seipso tantum. O amem saltem, quantum possum. 2. Debeat amari saltem super omnia alia, & ita ex to-

to cor-

to corde, mente, & viribus. 3. In illa bonitate posse spectari varias perfectiones, singulasq; infinitas, quasi totidē motiua amandi ipsum: est enim totus desiderabilis. 4. Quām detestabile sit odisse Deum, in quo nihil odio dignum. vnde Dominus ait: *oderunt me gratis* Ioan. 15. 25. sine causa. nam quando etiam punit, amabilis est illius iustitia.

PVNCTVM II.

EST amabilis etiam ob vtilitatem nobis ex illo prouenientem. 1. Propter esse naturale acceptum, & quod res omnes in vsum nostrum procreauerit. Cogita, te audire singulas tibi dicentes: *Da, & accipe, & iustifica* Eccl. 4. 10. *animam tuam*: accipe me ipsam, tanquam Dei munus & vicissim, da animum gratum largitori, sicque iustitiæ partes implebis. *caue, ne sit porrecta manus tua ad accipiendum, & ad dandum collata.* 2. Propter esse Gratiæ & Gloriæ. quod si amorem illi debeo ob naturalia, quantò maiorem ob supernaturalia? si propter temporalia, quid propter æterna? si ob res extra ipsum positas, quid pro eo, quod seipsum fruendum mihi dat? *o anima mea, da, & accipe!* 3. Quia omnis ratio boni utilis, quæ reperitur in creatis, in Deo est perfectiùs, & ab illo impertitur rebus. Si ergo amo creaturas, quā vtilis, ad finem aliquē consequendum, amem ipsum fontem magis, vbi bonum illud vtile est melius, & à quo accipio.

Cæterum motiuum hoc amandi Deum ob

vtili-

utilitatem sic vsurpabo, vt non Deum referam ad meum commodum, tanquam ad finem, sed vt illam ipsius Dei bonitatem præcipue amē, qua ille se in nos effundit.

PUNCTVM III.

DEVS est bonum summè delectabile. est autem delectatio actus quidam animi conquescentis, & gaudentis de bono possessio: sequitur autem cognitionem, & amorem Dei, per quæ possidetur Deus.

1. Hinc 1. **D**EVS ipse, qui seipsum perfectè comprehendit, & amat, adæquatam infinito bono suo delectationem ex seipso percipit hoc est, infinitam. Porro illius delectationis mens creata sit particeps, pro vt plus minus de notitia Dei, & amore participat. 2. Oblectatur

2. *Psal. 103. 31.*

Prou. 8. 30.

Gen. 1. 31.

Prou. 8. 31.

communicando seipsum creaturis: *Lætatur Dominus in operibus suis. & : delectatur per singulos dies, ludens in orbe terrarum;* quod significat approbatio illa circa creata: *& erant valde bona.* Atque hoc ipso, quòd de nobis delectatur, redditur nobis ipse valde delectabilis, siquidem ait: *delitiam ea esse cum filiis hominum.* 3. Quæcunque rationes delectabilium insunt creaturis, reperiuntur in Deo perfectiùs. Vnde potest per seipsum absque creaturis nos mirabiliùs delectare; quod & insinuat, quando promittit *centuplum.* quia inæstimabiliter maius gaudium confert relinquentibus terrenas oblectationes propter ipsum, quàm quod afferre possunt

omnia

omnia simul mundi delectabilia 4. Cum tam delectabilis sit Deus, & ipse tanta affluat delectatione, & delectabiliter se nobis cōmunicet, & nobiscum sit: planè conuenit vt, delectabiliter ipsi seruiamus. *Iubilate Deo: seruete Domino in letitia: & introite in conspectu eius in exultatione non enim habet amaritudinem conuersatio eius, nec tedium conuictus illius, sed letitiam & gaudium. & hilarem datorem diligit Deus.* Disce, quàm abominabile sit, ob delectationem ex creaturis, posthabere summū delectabile, & infinitum. Et sunt, qui sic agūt, innumerabiles. *Abstine à me. Ego in omnipotentē delectabor: & exultabo in Deo Iesu meo.*

4.

Psal 99.2.

Sap. 8.16.

2. Cor. 9.7

Job. 27.10.

Habac. 3.13.

MEDITATIO IX.

Qualem charitatem Deus habeat.

AMOR tres habet actus. 1. est *beneuolentie*, qua beneuolumus amato, & in eo, quod habet, acquiescimus. 2. *concupiscentie* in rem, quam alicui, vel nobis cupimus. 3. *amicitie* inter plures, ob bonum, in quo cōmunicant. quod si supernaturale sit, dicitur *charitas*. ex his oritur *beneficentia* erga amatum.

PUNCTVM I.

De Amore Diuino erga seipsum.

DEVS Amore beneuolentie amat seipsum, quantū est amabilis infinita eius.

Compend Medit.

Bbb

boni-

bónitas. qui amor rectissimus est & debitus non vt amor proprius, quo creatura amat se prae Deo, illius postponens voluntatem. nempe amor in creaturam debet esse subordinatus amor in summum bonum; alioqui viciosus est. 2. Inter diuinas personas est amor amicitiae perfectae. nam sunt aequales, & communicant in bono infinito, & habent vnum velle, quin vnum intelligere, & operari.

Gaudebo, quòd sit aliquis amor, quo Dei bonitas ametur, quantum est amabilis, nempe Diuinus, quo se Deus amat.

Deinde gratulabor mihi, quòd ex illo amore oritur, vt etiam amet nos, quasi quid sui. Ita vicissim amor noster erga Deum virgere debet nos ad amandum proximum, quem ille sic amat; amor enim noster debet esse participatio Diuini: ergo sicut ille se amando, conuertit amorem in hominem; ita nos, Deum amando, debemus similiter in proximum conuerti.

PUNCTVM II.

QUOMODO Deus amat alia extra se. I. Differt modus amandi à nostro, quoniam Deus amando confert creaturis id ipsum, vnde sint amabiles: quare amare & benefacere in Deo sunt coniuncta. Amando coelum, stellas, elementa, plantas, animales, hominem, dedit esse, quod sint; & sic amat spontaneè, non ex necessitate. At ego, Do-

mine,

mine, non valeo sic amare te, vt aliquid tibi conferam; amabo autem sic, vt, quod abs te accepi, totum in obsequium tuum impendam, nec non, vt proximis meis loco tui benefaciam.

II. Amat hominem præ alijs creaturis corporeis, quia homo est ad imaginem Dei conditus, similitudo autem est causa amoris. Hic dupliciter ad amandum Deum excitabor, & quia fecit mihi magna, imaginem sui me faciens, & quia, si *omne animal diligit sibi simile*, quantò magis ego Deum, cuius similitudinem gero, & cui similem esse, tantæ est excellentiæ?

Eccl. 12. 19.

III. Creaturas irracionales amat Deus amore concupiscentiæ, non amicitia, amat enim, vt seruiant homini, alioqui eas non producturus. Non sunt autem capaces, vt amentur amore amicitia, quia non possunt Deum redamare: voluit autem eas creare, vt ex illis, & in illis, homo amaret, laudaretque Deum. *Domine, quid est homo, quòd memores eius? omnia subiecisti sub pedibus eius, quàm admirabile est nomen tuum!* Ideo admirabile, quia sic hominem amasti. quot sunt res, in singulis amasti hominem, & ego non te vicissim in singulis amabo? totidem donarem corda, si suppeterent totidem vitas.

Psal. 8. 5.

(§)

PUNCTVM III.

Sap. 11. 25.

QUOD Deus nihil excludit à suo amore, sed amat omnem creaturam, eò saltem, quòd ab illo habet esse. Diligis omnia, quæ sunt: & *nihil odisti eorum, quæ fecisti*: vnde & tribuit singulis, quæ à natura ei còueniunt. Hominem quoque peccatorem amat, tamen minimè peccatum eius.

Iob 10. 8.

Hinc 1. petam à Deo, vt remoueat, quicquid ego mali adieci ad bonum naturæ, quod ipse contulit: *manus tuæ fecerunt me & plasauērunt me totum in circuitu, & sic repente præcipitas me?* Absit: sed tolle à me, vnde me præcipitas. 2. Discam amare omnes, & velle ijs suum bonum; tantùm peccatum odisse:

Matt. 5. 44.

Diligite inimicos vestros, benefacite ijs qui oderunt vos, vt sitis filij Patris vestri, qui in cælis est. 3. Imitabor Deum, qui omnia ex amore operatur, sicut ait Sapiens: *Neque odiens aliquid constituisti, aut fecisti.* & Dionysius:

Sap. 11. 25.

Cap. 4. de Diuin. No-
min.

Amor est causa omnium rerum, ac, si amare Deus desineret, interirent omnia. Ego vicissim omnia opera mea, vt in charitate fiant, elaborabo, vt suadet Apostolus: alioqui, *si charitatem non habuero, nihil sum*, perit fructus.

1. Cor. 13. 2.

PUNCTVM IV.

I.

QUOD Deus hominem non solum amauerit, sed amicum etiam suum fecerit. Amicitia autem conditiones sunt istæ I. Debet esse inter æquales, & quia creatura infini-

tè in-

tè inferior est Creatore, quò nos essemus ca-
paces amicitiae Diuinæ: *maxima & pretiosa*
nobis promissa donauit, vt per hac efficeremur
diuinæ naturæ consortes. vnde animam iusti
vocare dignatur, *sororem & sponsam*, quæ sunt
nomina æqualium, vt passim Filius, imò Deus:
Ego dixi, Dñs es & filij excelsi omnes. quòd si
Dauid iure miratur, quòd Deus hominē con-
stituerit super omnia bona sua, & paulò mi-
nus ab Angelis minorem fecerit, quantò istud
mirabilius, quòd æqualem Angelis per gra-
tiam, & suæ naturæ consortem effecerit.

2. Pet. 1. 4.

Cant. 4. 9.

Psal. 81. 6.

II. Amicorum est communicare in bonis.
vnde illud: amicorum sunt omnia commu-
nia: certè Deus communicat sua iusto, quan-
do naturam, gratiam, & gloriam confert, vt
verè vsurpet illud: *omnia mea tua sunt.* At
iustus ex parte sua non habet bona, quæ vi-
cissim communicet, nisi quæ à Deo ipso acce-
perit: hæc igitur reddet, agnoscendo ab il-
lo omnia, atque in illius gloriam iisdem v-
tendo.

Luc. 15. 31.

III. Amici sunt vnum, est alter ego, est v-
na anima in duobus corporibus, magis est
vbi amat, quàm vbi animat. hinc auent con-
uiuere mutuaque præsentia & colloquio frui,
nihil inter se celant. Ita qui adheret Deo
per amorem, *vnus spiritus cum illo fit*, teste
Paulo. pro pupilla sua iustos habet: *qui vos*
tetigerit, tangit pupillam oculi mei, quasi di-
cat: vos estis oculi mei. Porro *delitia* sunt
eius, *esse cum filijs hominum.* Et tandem to-

III.

1. Cor. 6. 17.

Zach. 2. 8.

Prou. 8. 31.

Ioan. 15. 14

Iob 7. 17.

tum se eis aperit. iam non dicam vos seruos, quia seruus nescit, quid faciat Dominus eius; vos autem dixi amicos, quia omnia quaecunque accepi à Patre meo, nota feci vobis. Quid autem, cum se reuelabit facie ad faciem? O Domine quid est homo: quia sic magnificas eum, & apponit erga eum cor tuum! O, valeam reddere vicem. sed quod minùs possum Deo exhibere, præstabo proximo meo propter ipsũ; imò ipsi Deo in proximo, exercens amicitia proprietates, & munia. Præstabo me æqualem & humanum etiam infimis: communicabo libenter cum illis quaecunque habuero, eisque proderunt, tum corporalia, tum spiritualia. Denique fiam cum illis vnum, vt & ipsi cum Deo sint vnum per charitatem.

MEDITATIO X.

*De quatuor excellentijs Diuinae
Amicitia, & Charitatis.*

Ephes. 3. 18.

EAE continentur verbis Apostoli: vt possitis comprehendere, quæ sit longitudo, & latitudo, & sublimitas, & profundum. Est autem longitudo amicitia æternitas; latitudo, quæ neminem excludit, sed omnibus patet; sublimitas, in cœlestium bonorum communicatione; profundum est abyssus secretorum, quæ amicis patefcunt.

Hæ proprietates & excellentiæ non in humana, sed in diuina tantum amicitia insunt de quibus aliquid insinuat in præcedent meditatione: sed nunc ex instituto.

PUNCTVM I.

AMICITIA & Charitas Dei sunt æterna ex parte Dei, nam ex quo est Deus, amauit, quos creare constituit; & gratia ac gloria donare, quantum in se erat, sed præcipuè prædestinatos vt verè dicat, *in charitate perpetua dilexite*. ô si, ex quo ego sum homo, amassem illum! saltem, ne vltius differam serio amare amicum tam antiquum. verè monet Sapiens: *Ne derelinquas amicum antiquum: nouum enim non erit similis ei.*

ler. 3. 8.

Ecc. 9. 14.

Iam qui ab æterno amauit, proculdubio amauit prior: in quo charitas eius commendatur, sicut ait eius dilectus: *in hoc apparuit charitas Dei in nobis, non quasi nos dilexerimus Deum, sed quoniam ipse prior dilexit nos.* Vnde sequitur, quod non amauerit propter aliquod suum commodum sed gratis: quia bonus est ipse. Colligit hinc Ioannes: *Nos ergo diligamus Deum, quia ipse prior dilexit nos.* Fiat, fiat.

1. Ioan. 4. 9.

Neque ab æterno solum amat; sed in æternum. Et *miser cordia eius ab æterno vsque in æternum*, utique & amor. *quis nos separabis à charitate Dei?* inquit Paulus. Quis efficiet, vt nos Deus non amet? à quo amore accipimus

Psal. 10. 27.

Rom. 8. 35.

Iere. 3. 1.

Ioan. 13. 1.

Matt. 5. 45.

Rom. 12. 20.

Sap. 11. 24.

Rom. 9. 13.

Isai. 5. 14.

virtutem; in omnibus superamus propter eum, qui dilexit nos. Quòd si à gratia excidamus; pergit amare, dum paratus est in gratiam nos recipere: Tu fornicata es cum amatoribus multis, tamen reuertere. & ego suscipiam te. ò Domine ita me àma, & ad hoc ama, vt te constanter amem; nec amandi te cursum interrumpam; multò verò minùs in fine abrumpam: sic fiet, vt neque mors, neque vlla creatura praualeat aduersùm ms. Cùm dilexisset tuos, in finem dilexisti eos. ò & me in finem dilige: da perfeuerare in charitate.

PUNCTVM II.

LATITVDO charitatis Dei est infinita, si-
nu suo complectens omnes omnino ho-
mines: quia omnes vult saluos fieri, quantum
in se est: & solem iustitiæ, Filium suum, oriri
facit super iustos & iniustos, & pluit doctrinæ
illius imbrem super bonos & malos; quin rece-
dentes à se blandè reuocat, & beneficijs de-
meretur: congregans carbones ignis, super ca-
put inimicorum suorum: dissimulans peccata
hominum propter pœnitentiam: ita cum illis
agens, ac si ignoraret eorum culpas, dum ad
pœnitentiam eos adducit, suæque restituit
amicitiæ. Nihilominus electos peculiari pro-
sequitur amore; vnde dicit: Iacob dilexi, Esau
autem odio habui. Sed heu, infernus dilatauit os
suum absque termino, ò, claude, claude Domi-
ne Deus; & cœlum potius pande, vt repleatur
domus tua.

Deinde

Deinde considera, quòd etsi amicitia humana, teste Philosopho, debeat esse inter paucos, quòd qui fideles amici sint, non est reperire multos; & quia familiaris conuictus non potest esse ad multos: at diuinæ alia est ratio: potense est enim Deus sibi multos parere sincere & fideles amicos: & ita singulis potest conuiuere, seq; ipsum cōmunicare, ac si vnus tantum foret. quare de multitudine fidelium, tanquam de vna persona, & ad vnam loquitur: *Vna est columba mea, perfecta mea.* ò sim

Cant. 6.8.

PUNCTVM III.

SUBLIMITAS charitatis est immensa, vt dona communicata. Nam *1. videte qualem charitatem dedit vobis Pater? vt Filij Dei nominemur, & simus.* quid sublimius? & porro ad dignitatem filiorum adiecit, quidquid decet Filio Dei: quod quantum sit, non assequimur modò, teste Ioanne: *Nunc Filij Dei sumus, & nondum apparuit, quid erimus.* scimus, quoniam cum apparuerit, similes ei erimus, quoniam videbimus eum sicuti est. *2. Amplius se extulit charitas Dei, sic enim dilexit mundum, vt filium suum vnigenitum daret, & in hoc apparuit charitas Dei in nobis, quia filiū suum v-*

1. Ioan. 3.1.

Ioan. 3. 16.

1. Ioan. 4.9.

Rom. 8. 33.

Philip. 1. 9.

gentium misit in hunc mundum, ut viuamus
 per eum. Voluit Deus ex hominibus sumere,
 qui esset simul verus Deus, & talem cum ho-
 mine amicitiam contrahere, quæ propria fo-
 ret illi, quæ diuinæ inter se personæ cohæres-
 unt. illæ enim sunt vnum essentia: Deus autē
 & homo per Incarnationem, sunt vnum per-
 sona. In qua coniunctione & amicitia Christi
 hominis cum Deo fundatur nostra, quam cū
 Deo contrahimus, nam quia Filiū suum nobis
 per Incarnationē dedit, ideo cum illo omnia
 nobis donauit. o charitas sublimis, quousque
 extolleris? qui est Deus verus, sit verus homo;
 ut in hoc Deo & homine adoptemur ipsi in fi-
 lios, atque in amicos intimos adsciscamur. Fia
 vnus ex istis! *Respice Domine in faciem Christi
 tui*, meque ad imaginem illius renoua. 3. adie-
 cit charitas ad hæc, ut Deus in assumpta hu-
 manitate abderet sese sub speciebus panis &
 vini: quod mirabiliter in pectus & animam ip-
 sam vniuscuiusque peruaderet, nexuque ines-
 fabili iungeretur singulis. 4. ipsum Spiritum
 sanctum suum donat nobis, donorū maximū;
 & charitatem ipsam: ut postquam cætera de-
 dit, fontem ipsum donorum effunderet in nos.
 Quid non hic concipiā desideriorū? quid non
 aggrediar? auscultabo monenti Apostolo: hoc
 oro, ut charitas vestra in ipsis ac magis abundet
 in scientia & in omni sensu spirituali, ut probe-
 tius potiora: ut sitis sinceri; & sine offensa, reple-
 ti fructu iustitiæ per Iesum Christum, in glori-
 am, & laudem Dei Amen!

PUNCTVM IV.

PROFUNDITAS charitatis tanta est, vt Deum, quo nihil excelsius, humiliauerit ad humanam conditionem. *Exinaniuit semetipsum formam serui accipiens & habitu inuentu* Phil. 2. 7.
vt homo, quia enim amicitia quandam requirit æqualitatem, demisit se Deus, *asimulatur per omnia nobis,* vt fiduciam præberet suæ amicitiae consequendæ. Hoc modo naturam nostram assumere propter nos voluit; sed etiam erumnas, quia *maiorē hac charitatem nemo habet, quā, vt animam suam ponat quis pro amicis suis.* Impleuit supremum officium amicitiae. Quanquam maius aliquid facit, non enim pro amicis id promerentibus mortem subiit, sed pro inimicis; vt sibi eos faceret amicos. Et in hoc *commendat charitatem suā: quoniam cū adhuc peccatores essemus, Christus pro nobis mortuus est.* ô charitas Dei verè patiens, verè benigna; sed & in mysterio Eucharistie Deus se profundè humiliat, vsque in nostra ipsa viscera se dimitti volens, secundū viscera charitatis suæ. Postremò, profunda etiā iudicia sunt Dei, & viæ, per quas deducit amicos suos ad optatū finē. *Nā diligentibus Deum omnia cooperantur in bonum,* etiā aduersitates, & tentationes; nec non subinde ipsi lapsūs; vnde cautiore firmioresq; resurgunt. Et quis possit inuestigare secreta prouidentie Dei erga suos amicos? Igitur *in charitate radicati & fundati* Ephes. 3. 17.
amulemur charismata meliora, has Diuinę charitatis quatuor Excellētiās; Lōgitudinē, vt ma-

neat per omnē vitā; *latitudinem*, vt nullū hominē, nullū genus officij nō cōplectatur; *sublimitatē*, vt nihil sapiat terrenū, Deū in omnibus intueatur: denique *profunditatem*, vt velit etiam conculcari propter dilectum suum.

MEDITATIO XI.

Quod Deus vult amari à nobis.

PUNCTVM I.

CHARITATIS quidem est amare potius, quàm velle amari; sed & hoc auct charitas Dei erga nos, vnde & præceptum cōdidit, quo iubet se amari, & quidem sine modo, *ex toto corde*, &c. Postquam ipse ita amauit, & de facto amat, & quò plus amatur, plus amat. Ego diligentes me diligo; & pro dilectionis modo ego etiam diligo: nam quantò magis diligitur, plura confert, vnde diligitur.

Hoc præceptum vocat Christus *primum & maximum*, pluribus de causis, 1. quia est *fundamentum* reliquorum, & omnis perfectionis. 2. *dignitate*: quia sine charitate reliquæ virtutes nihil sunt. 3. *merito*, quia si distribuerem facultates in cibos pauperum, & corpus tradam, ita ut ardeam, nihil mihi prodest sine charitate. 4. *suauitate*: hinc enim *iugum Christi* suauē est, & onus eius leue; & charitatis fructus est *gaudium in Spiritu sancto*. 5. *efficacitate*: quia facit implere omnia præcepta. Vnde Christus, in hoc *tota Lex pendet & Prophetæ*; & plenitudo

legis

legis est dilectio, & finis precepti charitas: qua- Rom. 13. 10.
re monemur: *Omnia vestra in charitate fiant.* 1. Tim. 1. 5.
Si quidem tanti est, satagam, vt illud impleam 1. Cor. 16. 14.
perfectè, quod fiet, si remoueam omnem ali-
um amorem à me, & quæcunque charitati
aduersantur, aut eius feruorem remittunt.
Deinde si accingar ad exequenda illa, vnde
conseruatur & augefcit.

Diligam igitur ex *toto corde*, mortificans
quidquid est amoris proprii, & meam abne-
gans voluntatem, vt impleam diuinam, ex *to-*
ta anima refrenans illius paffiones, & feruire
faciens Deo, ex *tota mente*, captiuans intelle-
ctum in obsequium fidei, & diuinæ volunta-
ris. Ex *omnibus viribus*, vt omnes facultates
animæ impendam in Dei seruitium.

PVNCTVM II.

NON præcipit solùm, vt amemus: sed ip-
sam infundit charitatem, quâ id præsta-
re possimus, & insuper inspirat per inspira-
tiones internas ad amandum, vtendumque
charitate infusa: vnde illa magis augeatur &
roboretur.

Ampliùs confert charitatis fontem, Spiri-
tum sanctum. *Deus charitas est, & qui manet* 1. Ioan. 4.
in charitate, in Deo manet, & Deus in eo, & in 13. 16.
hoc cognouimus, quoniam in eo manemus, & ip-
se in nobis, quoniam de spiritu suo dedit nobis.
Porro Spiritus sanctus est in nobis, fons
donum suum, & ad operandum secundùm il-
lud nos instigans.

Ioan. 14. 23. Quin Pater & Filius adueniunt: *Si quis diligit me, sermonem meum seruabit, & Pater meus diliget eum, & ad eum veniemus, & mansionem apud eum faciemus.* Conuiuunt personæ diuinæ amanti animæ per communicationem amicitiae singularis ac intimæ, quali vniuntur inter se ipsæ.

O diligam te Domine, fortitudo mea. Si Deus charitas est, quid ea potest esse melius? si is, qui est in charitate, est in Deo, quid potest esse securius? & si Deus in eo est, quid potest esse lætius? quid itaque diligis, si talem charitatem non diligis?

PUNCTVM III.

LICET Deus id non præcepisset, amari debuit: at imitat etiam præmijs amplissimis: nam cum posuisset dilectionis mandatum subdit: *Vt benè sit tibi.* non mihi inde benè, sed tibi. 1. mensura gloriæ datur pro mensura charitatis. *qui diligit me, ego diligam eum, & manifestabo ei meipsum.* prout dilectio fuerit, ita erit manifestatio sui in gloria, quæ est beatitudo essentialis. 2. Dona & fauores Dei peculiare in hac vita promeretur charitas. vnde Sapientia; *in vijs iustitiæ ambulo, in medio semitarum iudicij; vt ditem diligentes me, & thesauros eorum repleam.* 3. fouet Deus in nobis ignem charitatis, adiectione beneficiorum, tanquam materiæ optatæ: vnde magis inflammetur. *Ignem veni mittere in terrâ, & quid vol. nisi vt ardeat* hi sūt funiculi Adæ.

la cha-

vincula charitatis, quibus nos trahit ad amandum se: vult enim in terra habere suos Seraphinos. O sim. 4. Communatur supplicia, nisi amemus: vt vel sic adigat, qui non diligit, manet in morte. Et qui non diligit Dominum Iesum Christum, sit anathema, maranatha.

1. Ioan. 3. 14.

1. Cor. 6. 22

Porro Deus diligendus est, propter bonitatem suam præcipue; non propter spem mercedis, aut metum supplicij, licet tamen hoc quasi triplici vinculo se obstringere ad amandum; & propter bona quæ nunc recipimus; & propter futura sperata, & ob mala declinanda.

MEDITATIO XII.

Quod Deus sit infinite misericors.

PUNCTVM I.

IN operibus Dei misericordia & iustitia videntur; sed magis illa iuxta illud: *Misericordia super exaltat iudicium, vincit.*

Iacob. 2. 13.

I. Misericordia præcedit iustitiam: quia non plectuntur, nisi qui misericordia abasi sunt. *Numquid voluntas mea est mors impij, & non vt conuertatur & viuat? Deus mortem non fecit, nec delectatur in perditione viuorum.*

Ezec. 18. 23.

Eccl. 33. 11.

Sap. 1. 13.

II. Comitatur vbique iustitiam, etiam in puniendo admiscet Deus misericordiam. *Nūquid obliuiscetur misereri Deus, aut continebit in ira sua misericordias suas? quasi dicat nec in*

Psal. 76. 10.

ira teen-

Hab. 3. 2.

irascendo desinet misereri. *Cum iratus fueris, misericordia recordaberis.* Nempe offert veniam, etiam tunc; & ad hoc castigat, ut resipiscam, & infra meritum flagellat: quin in ipso inferno citra condignum mulctat. est igitur misericordia veluti finis iustitiæ: nam & ex damnatione reproborum intendit & procurat salutem electorum, qui inde proficiunt.

Psal. 144. 9.

III. Maiora Deus præstitit misericordię documenta, quàm iustitiæ, ut mox dicetur. *Miserationes eius super omnia opera eius.* Hinc fiduciam concipiam. oportet quidem iustitiam præ oculis habere, ne præsumam, sed præcipuè inhærebo misericordię: ad quam tanquam ad maius quodammodo tribunal prouocabo, hortante Paulo. *Adeamus ergo cum fiducia thronum gratiæ, ut misericordiam consequamur, & gratiam inueniamus in auxilio opportuno.*

Heb. 4. 16.

Psal. 114. 5.

Psal. 10. 8.

Exod. 20. 5.

Misericors Dominus & iustus, & Deus non ster miseretur quasi dicat: sed præcipuè miseretur; *iustus Dominus & iustitias dilexit, equitatem vidit vultus eius.* Ego sum Deus zelotes, visitans patrum iniquitatem in filios, in tertiam & quartam generationem. At sequitur: & *faciens misericordiam in millibus, qui diligunt me, & custodiunt præcepta mea.*

PUNCTVM II.

A MPLITVDO diuinæ misericordię, quæ omnes creaturas complectitur, & omnibus miserijs subuenit: unde misericordia

fun-

fundatur in omnipotentia. *Misereris omnium; quia omnia potes.* Bonum factum, quod ambæ adfunt; vtcum per misericordiam velit, per potentiam valeat opitulari. *Semel locutus est Deus, duo hæc audiui; quia potestas Dei est; & tibi Domine misericordia.*

Ad omnes creaturas extenditur: quia *miser-*
cordia Dei pleua est terra. omnes res habent
aliquem defectum; vnde misericordia Dei e-
gent. de brutis; homines, & iumenta saluabis
Domine, quemadmodum multiplicasti *miseri-*
cordiam tuam Deus. Et: qui dat iumentis es-
cam ipsorum, & pullis coruorum inuocantibus
eum. At quanto magis hominibus impenderet
vnde & ad Ionam ait, *Tu doles de bedera; &*
ego non parco Ninive?

Verè Domine, *melior est misericordia tua*
super vitas: quia nihil nisi abs te venit. Veni-
ant igitur mihi *miserationes tue & viam.*
Gaudeo, quia nihil est miseriæ, quod le-
uare non possit, & velit, pro ordinatissima
sua prouidentia, quantum expedit mihi.

PVNCTVM III.

SIGILLATIM misericordia Dei er-
ga peccatores expendenda est. De qua
Sapiens: *Misereris Domine omnium, quia*
omnia potes, & dissimulas peccata homi-
num propter penitentiam. Diligis enim omnia,
que sunt; parcis autem omnibus, quoniam tua
sunt Domine, qui amas animas. Hinc colliguntur

Medit. Compend.

Ccc

proprie-

proprietates misericordiae diuinæ. 1. est, quod neminem excludit. *Misereris omnium Domine.* duas tantum reddit causas. 1. quod omnes ab ipso facti. 2. quia amat omnes.

2. Ad omnia peccata extenditur, quantumuis magna & multa. 3. quod expectat patienter, dum resipiscat peccator: & non semel, aut *Mat. 18. 12. septies. sed septuagesies septies,* & infinities recipit poenitentem. Quæ benignitas Dei ad poenitentiam nos adducit, non fræna laxat peccandi. 4. Quod misericordia Dei maxime se impendit eis, qui & ipsi misericordes sunt erga proximos. *Matth. 5. 7. Beati misericordes, quoniam ipsi misericordiam consequentur.*

PVNCTVM IV.

MISERICORDIA Dei erga electos, quos Paulus vocat *vasa misericordiae.* 1. est aeterna, & usque in aeternum, *super timentes eum:* & quidem erga electos, omnino erga omnes quantum in ipso est. 2. Comitatur electos ab ortu, & *misericordia eius praeueniet me.* 3. est altissima, quia euehit ad summa: *Magna est in caelo,* & super coelos *misericordia tua.* Et secundum altitudinem caeli à terra corroborauit Deus misericordiam super timentes se.

PVNCTVM V.

DOCVMENTA diuinæ misericordiæ. 1. cūm Deus non esset capax affectus tristi-
titiæ, ex miserijs nostris: *voluit per omnia fra-*
tribus assimilari. vt misericors fieret. 2. non af-
fectu tantum, sed re cōmunicare voluit mise-
rijs nostris: *Non enim habemus Pontificem, qui*
non possit compati infirmitatibus nostris; tent a-
tum autem per omnia pro similitudine absque
peccato. 3. memoriā fecit mirabiliū suorū mise-
ricors & miserator Dominus, *escā dedit timen-*
tibus se. Summa hæc misericordia, qua voluit
esse cibus noster, medicina, hostia, & quid nō!
Confiteantur tibi misericordia tua. quia satiasti
animam inanem, & animam esurientem reple-
sti bonis.

Heb. 2. 17.

cap. 4. 15.

Psal 110. 4.

Psal. 106. 9

Siquidem Deus ita misericors est, imitabor
ipsum pro viribus erga proximum, quod mo-
net Christus ipse: *estote misericordes, sicut &*
Pater vester cœlestis misericors est: quare cu-
piam dari mihi occasionem exercendi, vt cūm
Dauid dicebat: *Numquid superest aliquis de*
domo Saul, vt faciam cum eo misericordiam
Dei? Dei inquit, qualē Deus exhibet. *O Pater*
misericordiarum, ostende nobis misericordiam
tuam: fac intelligamus illius magnitudinem,
& experiamur in nobis, quō tanquam
filij tibi similes in exercenda
reddamur.

Luc. 6. 36.

2. Reg. 9. 3.

2. Cor. 1. 3.

MEDITATIO XIII.

Quòd Deus sit infirè liberalis.

PUNCTVM I.

Iacob 1.5.
Dei liberalitas ex
quibus co-
gnoscitur?

Iob. 4.2.

Rom. 11. 35.
Psal. 15.2.

Luc. 18. 19.

2. Cor. 9.7.

Prou. 23. 16.

EST summè liberalis: quia dat omnibus affluenter, & non impropere. Spectatur in istis. 1. in multitudine donorum naturæ, & gratiæ. 2. in excellentia, siquidem se etiam ipsum dat. 3. erga omnes absque acceptione personarum. 4. nullo debito, tantum quia bonus est, & per se propensus ad largiendum, vnde ab eo coepit liberalitas. *quis autè dedit mihi, vt reddam ei?* ait apud Iob, sicut Paulus: *quis prior dedit illi, & retribuetur ei?* 5. non spectat compensationem; quia *bonorum nostrorum non eget*. Quòd si requirit gratitudinem, facit, quòd iustitia id postulet, & quòd plura largiatur. Similiter, si obedientiam, cum sit summus legislator, iubet autem quæ nobis expediunt. Itaque sicut *nemo bonus, nisi solus Deus*: ita neque liberalis.

Studebo vicissim liberalem me exhibere Deo in omnibus quæ ei grata fore cognouero: idque *non ex tristitia aut necessitate, bilarem enim datorem diligit Deus*: neque spe retributionis: sed pro bonitate ipsius; & quia is maxime cupit, imò petit: *Fili præbe mihi cor tuum*. illud ei tradam, quia non alibi melius locari potest; cumque illo omnia mea desideria &

affe-

affectus offeram, vti sponsa: *omnia poma noua & vetera, dilecte mi, seruauit tibi.*

Can. 7. 13.

PVNCTVM II.

SINGVLARITER liberalis est in eos, qui Sipsi se præstant liberales. 1. in eorū exaudiendis orationibus: siquidē ipsi prompti sunt, placita ei præstare. 2. si nos immemores sumus petēdi, ipse spiritus postulat pro nobis: inspiras, vt petamus, quia dare cupit. 3. dat etiam non petentibus: *antequam clament, ego exaudiam.* 4. replet consolationibus cœlestibus, in primis eos, qui eius causa reliquerunt omnia. 5. prouidentiam eorū gerit singularem, peculiaremque in tentationibus & periculis: assumit ad magna opera: virtutes meritaque accumulatur, quò liberaliùs remuneret; iuxta illud: *Date & dabitur vobis, mensuram bonam, & confertam, & coagitatam & superaffluentem dabunt in sinum vestrum.* Vincit immensum liberalitas diuina nostrum. Ergo non sit *porrecta manus tua ad accipiendum, & ad dandum collecta. Aperit enim ille manum suam, & implet benedictione.*

Deus liberalis erga eos qui ipsi sunt liberales.

Rom 8. 26.

Isai. 65. 24.

Luc. 6. 38.

Eccles. 4. 36.

Psal. 103. 28.

PVNCTVM III.

QVAM ego sim parcus erga Deum. Petenti aquam Samaritana non dedit, sitienti in cruce Iudæi obtulerunt acetum. Sic ego, aut non facio, aut vitiosa facio. Percurram præcepta, consilia, regulas Instituti, præscripta superiorum, inspirationes diuinas. Par-

Deus parcus in te, quia tu parcus.

Isa. 50. 2.

cum me praesto in omnibus, ut mirum non sit, si experiar Deum mihi parcum, si non exaudiar, si consolatione priuer, & bonis, quibus à Deo abundant liberales. Mihi dici cogitem à Deo: *nunquid abbreviata & parvula facta est manus mea, ut non possim redimere?* nequaquam, sed tua me prohibet parcitas, & dolet, sic se cogi, ne sit liberalis. O expergilcar à torpore isto.

MEDITATIO XIV.

Quòd Deus sit immensus, & ubique praesens.

PUNCTUM I.

Dei immensitas.

Iere. 23. 24.

Sap. 1. 7.

Psal. 138.

7. 8.

3. Reg. 8. 27

DEVS est in omni loco. *Nunquid non caelum & terram ego impleo? & spiritus Domini repleuit orbem terrarum.* quare quocunque vadam, per Deum ipsum vado, & illic eum inueniam. *Si ascendero in caelum, tu illic es; si descendero ad infernum, ades; si sumptero pennas meas diluculo, & habitauero in extremis maris, illuc manus tua deducet me, & tenebit me dextera tua.* Quin si millia millium orbium essent, omnes repletet: ita ut mundus hic pro puncto sit respectu spaci, quod replere potest. Quare Salomon: *Caeli & celorum te capere non possunt.* Viua fides huius praesentiae efficax est, & iuuat eleuationem mentis ad Deam, iaculatoriè per interualla. Si fiat, quod de Moyse scribitur: *inuisibilem tanquam videris sustinuit.* & huc respexit Paulus,

Volo viros orare in omni loco. O, Israel, quam magna est domus Domini, & ingens locus possessionis illius. Magnus est, & non habet finem, excelsus & immensus. Excelsior caelo es, & super stellarum verticem sublimaris, esq; profundior inferno.

PUNCTVM II.

MODVS existendi vbique. 1. Vbique est per essentiam, hoc est, per suam substantiam; &, quia substantia eius est etiam ipsius operatio, vbique est, seipsum comprehendens, amans, generans, spirans, gubernans, & creans omnia. Quare frui eo vbique potes, & perfectiones eius praesentes contemplari, amare. Non enim est diuisus, vt alia a libi illius pars existat, sed indiuisibiliter totus est vbique. 2. Per praesentiam: quia cognoscit, quidquid agitur vbique. Non enim est in loco, vt homo dormiens & ignorans, quid ibi agitur, nec vt anima nostra in corpore, nequaquam videns, quae in illo sunt. nec tenebrae obstant: quia *tenebra non obscurantur à te, & nox sicut dies illuminabitur.*

Quare o anima si oras: ipse videt in abscondito: si tentatio vrget, cogita, quod oculi eius sint mundi, ne videant malum. & respicere ad iniquitatem non possunt. Si affligeris, utiq; videt, & vult in tempore subuenire: si bonum operaris, non hominibus, sed omnia intuenti placere stude. nam oculi eius in omni loco contemplantur bonos & malos. 3. Per potentiam,

Heb. 11. 27.

1. Tim. 2. 8.

Bar. 3. 24.

Iob 11. 8.

Deus vbique.

1.
Per essentiam.

2.
Praesentiam.

3. *Sal. 138. 12.*

Mal. 1. 13.

Prov. 15. 3.
Eccl. 16. 2.

3.
Potentiam

Act. 17. 27.

qua dat omnibus esse, nec non etiam operari, & eos conseruat. *In ipso enim uiuimus, mouemur & sumus.* Itaque sicut intuens hominem, eiusque actiones, cogito animam in eo existentem, dantemque ei esse, & operari, ita res omnes, & singulas considerans, Deum in ijs communicantem, quod sint & agant, contemplanor; non tanquam sit forma, aut pars reru, sed modo eminentiori, ut prima causa omnis esse.

Iob. 17. 3.

Quare gaudebo, quod ita Deus creaturis suis coniunctus sit: ac, si pulchræ sint, non capiar tamen ab illis, sed dantem quod sunt, potius amabo, si foedæ & terribiles, nec multum mouebor, in eis contemplans Deum. *Pone me iuxta te, & cuiusuis manus pugnet contra me, si consistent aduersum me castra, non timebit cor meum.* Prouidebam Deum in conspectu meo semper, quoniam à dextris est mihi, ne commouear.

Psal. 26. 3.

Psal. 15. 8.

PUNCTVM III.

Deus.

I.

Circa me.

Deut. 4. 24.

2.

In me.

SPECIALIOR consideratio Diuinæ præsentiae in me. 1. Quod sit circa me, ambiens circum me totum, ut mare pisces, ut mater prolem utero claudit. Gaudebo, me sic vallatum, & conclusum à Deo, quasi intimis visceribus. Cogitabo, Deum tanquam ignem toto mundo effusum, (nam *Deus ignis consumens est*) & mirabor, si non ignescam. Item, ut lucem purissimam, à qua optem illustrari. 2. Quod sit in me, & intra me magis, quàm anima in corpore, & intimiùs, per triplicem modum,

dum, essentia, praesentia, & potentia. Ibi tres personae Diuinae sunt, & Diuinitas, ibi perfectiones. *bonitas* se mihi communicans; *sapientia*, mentem illuminans; *potentia*, faciens me operari, oculos videre, aures audire, &c. sum ego quasi domus continens Deum, sed quae, illo abscedente, mox corrui. Ibi est Deus tanquam in conclaui, ad quod proinde me recipiam, oraturus, ut Christus monet: *Cum oraueris, intra in cubiculum tuum. circumspiciam, ne quid ibi sit, quod displicere possit habitatori Deo. quid foris quaeram, qui intus habeo totum?* *Matth. 6. 6.*

PUNCTVM IV.

SVNT alij modi peculiare, quibus Deus est in certis locis. 1. In coelis est manifestus, ubi suam essentiam beatis ostendit, proinde dicitur *tabernaculum Dei cum hominibus, ubi ipsi populus eius erunt, & Deus cum eis erit eorum Deus.* 2. Specialiter est in locis alijs, ubi suae praesentiae singulare aliquod exhibet signum, ut cum apparuit Iacob in scalis; unde dixit: *Verè Deus est in loco isto. Non est hic aliud, nisi Domus Dei, & porta caeli.* quod in templa & orationis loca conuenit. 3. In iustis per gratiam. nam ait Ioannes: *qui manet in charitate, in Deo manet, & Deus in eo.* Vicissim in se manent, quia amans est ubi amat, amant autem se inuicem Deus & iustus. Deinde iustus in Deo est per protectionem, habitans in adiutorio Altissimi; Deus autem in iusto, operans in illo opera gratiae. 4. Est in

Alij modi
praesentiae
Dei.

1.

Apoc. 21. 3

2.

Gen. 28. 12.

3.

1. Ioan. 4. 16.

4.

quibusdam eximijs amicis modo singulari, insinuans se illis intimè. vnde existit in illis fiducia magna, securitas, gaudium, & quoddam internum testimonium gratiæ præsentis, & futurum gloriæ pignus.

Ex his modis tertius nobis sollicitè procurandus est, quartus autem suspiciendus.

MEDITATIO XV.

Quòd Deus sit infinitè sapiens.

PUNCTVM I.

Comprehendit seipsum, & omnia extra se in seipso.

COMPREHENDIT seipsum, & ita omnia, quæ per suam omnipotentiam facere potest, & omnes rerum euentus possibiles, & quidquid à se disponi potest circa creata, atque hæc in seipso cognoscit. Quæ est ipsius beatitudo. Congaudeo ipsi de tanto gaudio; & ô, sim aliquando particeps, non iam ipsum in creaturis, sed ipsum in se, & in eo creata contemplan. Tunc satiabitur illud inexplebile sciendi desiderium: *satiabor, cum apparuerit gloria eius.* Nam, vt ait Gregorius, quid non videt, qui videntem omnia videt. Tunc erimus sicut i Dî, scientes bonum & malum, sed minimè per experimentum.

Psal. 16. 15.

Gen. 3. 5.

Lib. 4. Dialog. cap. 33.

PUNCTVM II.

Sapientis per essentiam
Isa. 40. 13.

EST sapiens, non accidentali sapientiâ, sed per suam essentiam: vnde non ab alio didicit: *quis enim consiliarius eius fuit*, aut

Magi-

Magister? & est sapiens, non limitatè circa aliqua tantùm, vel aliquatenus, sed *sapientia eius non est numerus*. qui proinde solus est sapiens, sicut solus bonus. Humilietur ergo homuncio, & dicat cum Salomone ipso: *stultissimus sum virorum, non didici sapientiam*. Et quod Ieremias, *stultus factus est omnis homo à scientia*. vnde rectè Socrates: *hoc vnum scio, me nihil scire*. A natiuitate nullam habet scientiam homo; quod autem acquirit, tenue est; & quantum tandem, præ infinita sapientia? quare est insignis arrogantia, vt homo assequi velit Diuinæ Sapientia rationes. Quæ Dei sunt, nemo cognouit, nisi Spiritus Dei, & *sapientiam Dei præcedentem omnia quis inuestigabit? Abscondita est*, inquit Iob, *ab oculis omnium viuentium, volucres quoque cæli latet*, ipsos Angelos. vnde dicitur, *qui ascendit super Cherubim*: qui alioqui à scientia nomen acceperunt.

Psal. 14. 6. 5.

Prou. 30. 2.

Ierem. 10. 14

Eccl. 1. 3.

Iob 28. 21.

Psal. 57. 11.

PVNCTVM III.

PECVLIARIA Diuinæ Sapientia inuenta. *Meditabor in omnibus operibus eius. & in adinventionibus eius exercebor.*

Psal. 76. 13.

Sapientia diuinæ inuenta.

I.

Hebr. 11. 3.

I. Est opus orationis: Fide enim *intelligimus aptata esse secula verbo Dei*, vt ex inuisibilibus visibilia fierent: hoc est, quæ in arcano Diuinæ Sapientia latebant, foras prodirent. Vbi de opere sex dierum licet cogitare.

II.

Genes. 2. 7.

II. Opus sapientiæ est ipse homo: quem *ex limo plasmavit*; & inspirato spiritu incorporeo & immortali, *fecit in animam viventem*. Mira est in hominibus ingeniorum, propensionum, facierum varietas; & his excogitatas artes mirabiles, inuentæ scientiæ: quæ sunt omnia diuinæ sapientiæ participatio. Nam *Deus scientiarum Dominus est*.

I. Reg. 2. 3.

III.

III. Opus gratiæ: quod pertinet stupenda humanæ naturæ assumptio in personæ verbi unitatem: tum ineffabilis communicatio Dei cum singulis hominibus per Eucharistiæ mysterium: & viæ mirabiles, per quas deducit electos ad salutem: quæque cum singulis agit, intus, forisque disponit.

IV.

*Psa 103. 24.**Eccles. 1. 10.*

IV. Vniuersè in operibus Dei relucent ipsius perfectiones: quod est eximiæ sapientiæ inuentum, quod ita se Deus exhibet cognoscendum. vnde dicitur: *omnia in sapientia fecisti: & effudit illam super omnia opera sua*.

Isai. 3. 10.

Ergo in rebus licet deploratis non diffidam, quando Dei sapientia potens est exitum reperire. Ego quoque ad inuentiones excogitabo, magis quotidie Deo placendi, meque ipsum mortificandi: quoniam *iustus fructum ad inuentionum suarum comedit*.

PUNCTUM IV.

QVOMODO sapientia Dei omnia fecerit in numero, pondere, & mensura: nā comprehendit, & definiuit numerum dierum, rerumque omnium, vel minutissimarum: indi-

dit

dit rebus propenfiones, & dirigit in proprios fines; definitum perfectionis gradum vnicuique attribuit.

PVNCTVM V.

SAPIENTIA exæquat æternitatem. 1. nouit omnia præterita; & ita habet præfentia, vt non poffit in eum cadere obliuio, & nouit perfectè abfque errore, ambiguitate, aut dubitatione. *Oculi enim Domini multò plus lucidiores funt fuper folem.* Ac ita nihil boni, aut mali, quod egerim, ipfum later. 2. intuetur præfentia. *Viuis fermo eius & penetrabilior omni gladio ancipiti: omnia autem nuda & aperta funt oculis eius:* vnde circumfpectè megeram in oculis Dei, feruans illud: *Videant oculi tui recta, & palpebræ tue præcedant grefus meos.* 3. profpicit futura, quafi exiftentia.

PVNCTVM VI.

PRAETER dicta, nouit, quæcunque cadunt fub diuinam omnipotentiam, innumera- biles mundos, & alios alijs perfectiores. Por- rò de fua fapientia *communicauit* creaturis *fi ne inuidia*, præfertim Angelis & beatis; & ante omnes Chriſto homini: *in quo funt omnes theſauri fapientia & ſcientia Dei* ita vt nouerit prorfus omnia ab æternitate in æternita- tem: poſſibilia autem non poteſt comprehen- dere vt homo; quia nec omnipotentiam. *Verè magnus es Domine, vincens ſcientiam noſtram.* ò, doce me vtilia: *Mitte ſapientiam de cælo fan-*

cto tuo,

1.

Eccl. 23. 28.

2.

Iere. 17. 10.

Heb. 4. 12.

Pro. 4. 25.

3.

Cognofcit
omnia
poſſibilia,
Sap. 7. 13.

Coloſ. 2. 3.

Iob 36. 26.

Iſa. 48. 17.

Sap. 9. 10.

cto tuo, vt mecum sit, mecumq; laboret; vt sciam, quid acceptum sit ante te omni tempore.

MEDITATIO XVI.

Quod Deus sit omnipotens.

PUNCTVM I.

DEVS est omnipotēs, ita vt possit facere, quidquid non implicat contradictionem in genere entis, vt Philosophi loquuntur. Et hoc indicauit Gabriel: *quia non est impossibile apud Deum omne verbum.*

Luc. 1. 37.

1.
Excellentiæ
Diuinæ
omnipotentia.

Eccl. 43. 36.
Ver. 31.

2.
Ver. 30.

3.
Psal. 113. 11.

Quare. 1. potest plures res, & mundos absque certo numero facere, & perfectiores: vt quidquid factum est, præ eo, quod facere possit, quasi nihil sit. Nam diuina essentia est infinita: creaturæ autem sunt participatio quædam illius: cum igitur eius perfectio nunquam possit exhaustiri, aliæ atque aliæ sine fine res à Deo produci possunt. Vnde Sapiens, *multa abscondita sunt maiora his, pauca enim vidimus operum eius. Terribilis Dominus, & magnus vehementer. & mirabili potentia illius, glorificantes Dominum quantumcunque potueritis, superualet adhuc: & admirabilis magnificentia illius.* 2. potest circa res iam creatas facere quidquid libuerit. Ipse est omnipotens super omnia opera sua. Hinc miracula. 3. velle eius est posse: omnia quæcunque voluit Dominus

fecit:

fecit: subest ei cū voluerit, posse. Dicam ergo cum leproso illo: Domine, si vis, potes.

*Sap. 17. 18.
Matt. 8. 2.*

PVNCTVM II.

OMNIPOTENTIA est propria Dei. 1. quia est per essentiā potens: vnde & *solus potens*: creatura autem sicut ex se non est, ita nihil potest. *Non sumus sufficientes cogitare aliquid à nobis quasi ex nobis, sed sufficientia nostra ex Deo est.* 2. quia potest solus omnia facere, absque alicuius adminiculo: creaturæ autē, quod, Deo date, possunt: nō faciūt, nisi Deo mouente. *qui, vt ait Isaias, opera nostra operatur in nobis.* & Christus: *sine me nihil potestis facere.* 3. quod omnipotentiam suam communicat creaturis, maxime Angelis, & hominibus: vt Deo conſuncti, tanquam eius instrumenta, valeant quiduis. sic Paulus: *Omnia possum in eo, qui me confortat:* & Christus, *si credis: omnia possibilia sunt credenti.*

1.
1. Tim. 6. 15.
2. *Cor. 3. 5.*
2.
Isai. 26. 12.
Ioan. 15. 5.
3.
Philip. 4. 13
Matt. 9. 23.

PVNCTVM III.

QVOD Deus non otiosam habeat omnipotentiam; sed assidue exerceat, simul cum sapientia & bonitate; quibus tanquam *tribus digitis* appendit *molem terræ*, conseruat, gubernat. Nam sapientia disponit, bonitas vult, potentia exequitur. Hæc appropriatur Patri; sapientia Filio; bonitas Spiritui sancto, qui, vt vnum sunt principium, ac fons omnium, ita sunt vna sapientia, bonitas, & potentia. His respondent tres virtutes, sapientiæ fides; potentiæ spes, bonitati charitas.

Isai. 40. 12.

MEDITATIO XVII.

*De Omnipotentia Dei in creati-
one; & de huius bene-
ficio.*

PUNCTUM I.

Gen. 1. 1.

Ioan. 1. 3.

I.

2.

Prou. 16. 4.

3.

*Ex quatuor
relucet om-
nipotentia.*

I.

Rom. 4. 17.

PRIMVS articulus fidei hic est, quòd in principio creauit Deus cælum & terram; mare, & omnia, quæ in eis sunt, visibilia, & inuisibilia. Omnia per ipsum facta sunt, & sine ipso factum est nihil.

Circa quòd cogita. 1. quòd ante illud initium nihil extitit, nisi Deus solus; cætera nihil erant. Hoc fundamentum humilitatis propriæ. 2. quòd creauerit non necessitate, non commodo suo, non bonitate creaturæ: sed sua impellente. Vniuersa propter semetipsum operatus est Dominus. 3. quòd huius ordinis rerum exemplar ipse sibi fuit; non aliunde sumpsit; quòd ista, non alia; hoc modo, non alio fecerit; ipse sapientia & bonitate sua disposuit. Agnoscam, & gratus ero, quòd me inter ea esse voluerit, quæ ex nihilo euocauit, tot alijs sibi relictis in suo non esse.

PUNCTUM II.

IN Creatione mundi elucet omnipotentia multipliciter. 1. quòd ex nulla præcedente materia creauerit; Efficientia autem creata nihil agunt sine illa, vocat ea quæ non sunt, tan-

quam

quam ea quæ sunt. 2. quòd ex creatis rursum produxit alia; ex elementis plantas, & animantes. quòd disceremus potentiam illius super res à se factas, 3. quòd solus fecit; nec adhibito ministerio Angelorum. *Qui extendit cælos solus*, ait Iob: nempe, vt solus agnosceretur auctor: & ita Sancti dant illi gloriam in coelo: *quia tu creasti omnia; & propter voluntatem tuam erant*. 4. fecit sine resistantia, sine mora, verbo. *Dixit, & facta sunt*. ô, sic ego obediam creatori heu, sola resistit peruersa voluntas. ô, dic efficaciter, & fiet,

2.

3.
Iob 9.8.

4.

Apo. 4. 11.
Psal. 148. 5.

PUNCTVM III.

QUOD per intervalla sex dierum perficit, cùm momento potuisset; ita voluit. 1. vt sapientiæ Diuinæ dispositio melius à nobis attenderetur. 2. vt rerum ipsarum consequentia, & necessitas cerneretur: dum aliæ per alias perficiuntur. 3. ad insinuandû, quòd ita fit in sanctificatione hominis, per quosdam gradus deducendo hominem ad perfectionem.

Modus creationis,

1.

2.

3.

MEDITATIO XVIII.

Circa id, quod initio temporis creatum est.

IN principio creauit Deus cælum & terram; Genes. 1. 1.
terra autē erat inanis & vacua; & tenebræ
Compend Medit. D d d erant

erant super faciem abyssi; & spiritus Domini
ferebatur super aquas.

PUNCTVM I.

Creatio
cœli.

Isai. 40. 12.

Psal. 113. 16.

Psal. 83. 5.

Iob. 38. 7.

Psal. 48. 2.

IN Principio temporis creauit cœlum, corpus illud pulcherrimum & amplissimum, quod quantum quantum est, palmo ponderauit, vt ait Isaias: & cùm sit perfectè sphericum nullo fulciente stare iussit; omnes autem cœlestes orbes Empyreo circumdedit: qui foret aula & thronus Dei, sedesque sanctorum, tum Angelorum, tum hominum: vbi eis manifestaret gloriam suam. *Cœlum cœli Domino: terram autem dedit filiis hominum*, pro tempore viæ & peregrinationis. *Beati qui habitant in domo tua Domine: in sacula seculorum laudabunt te.*

Porro cœlum condidit non vacuum, sed refertum nouem ordinibus Angelorum, multitudine innumerabili, quos naturæ & gratiæ donis ornatissimos creauit; mox etiam donandos gloria: qui in auctorem suum conuersi, primo illo suæ creationis momento exultauerunt in Deo suo: nam de illis apud Iob Dominus ait: *vbi eras, cùm me laudarent simul astra matutina, & iubilarent omnes filij Dei?* Astra dicuntur matutina; quòd in primo exitu mundi, & quasi diluculo extiterunt. Gratulabor, & congaudebo ipsis; atq; ad Dei laudes celebrandas prouocabo. *Laudate Deum omnes Angeli eius, laudate eum omnes virtutes eius.*

PUNCTVM II.

SIMVL etiam creauit terram intra coelum, & in centro illius posuit, & quasi appendit: sicut dicit Iob: *& appendit terram super nihilum.* & Maïas: *appendit tribus digitis molem terra,* & *librauit in pondere montes,* & *colles in statera.* librata dicitur, quia in neutram partem reclinare potest *fundata est super stabilitatem suam, non inclinabitur in seculum seculi.* Sic terra mea; corpus meum non degrauiabit animum, si super nihilum suum steterit; & cogitauero, quia terra sum, & mox dissoluenda.

Porro terram operiebat abyssus aquarum, vt non conspiceretur: ita cor terrenum operiunt malorum gurgites. Quare ad Deum clamandum: *circumdederunt me aque Domine vsque ad animam: abyssus vallauit me, pelagus operuit caput meum: sed tu Domine Deus meus subleuabis de corruptione vitam meam.*

Creatio terræ.

Isai. 40. 12.

Psal. 103. 5.

Ioan. 1. 6.

PUNCTVM III.

TERRA, cum creata est, *inanis erat,* & *vacua* absque omni ornatu plantarum, & incolentium animalium: *Insuper tenebræ erant super faciem abyssi:* hoc est, spatium inter coelum & terram, quod aquis ac nebulosis vaporibus repletum erat, omni prorsus luce carebat.

Genes. 1. 2.

Ruditas terræ & aquæ.

Per hæc repræsentatur status hominis post Adæ lapsum; inanis à fine suo, frustratus fine,

vacuus gratiâ & donis, tenebris peccati & ignorantix obrutus.

1.
Psal. 8. 6.

2.

Psal. 83. 6.

Cur aliter cœlum Empyreum, aliter terra initio producta sit. 1. quod cœlum significat statum gratix: terra autem conditionem hominis ex se ipso. *uniuersa vanitas, omnis homo viuens.* 2. quod cœlum Empyreum est sedes perfectorum, qui finem suum consecuti sunt: terra autem viatorum, & pergentium ad finem, & pro tempore tantum habitanda. Nunc ego me peregrinum cogitabo in terra miseriæ: & suspiciam, quod tendam, *ascensiones in corde meo disponens in valle lachrymarum: donec videam Deum Deorum in Sion.*

PUNCTUM IV.

Genes. 1. 2:
Spiritus
sanctus super
aquis.

QUOD Spiritus Domini, ferebatur super aquas, quas vocauerat abyssum, nimirum virtutem tribuens: ut ex aquis gigneretur volatilia, & pisces, & terræ etiam fecunditatem imperiens. Significabatur etiam sanctificatio aquarum ad regenerandos in Christo homines, quam postea Spiritus sanctus operaturus erat. Et quod idem Spiritus peccatoribus, gratia vacuis & in obscuro positis, se communicat, ut ad meliorem statum reuocet. *Ferebatur*, inquit, quo significatur irrequieta cura prouidentix circa nos, & ferebatur quasi consonans aquas ad gignendum; sicut gallina sub alis pullos, ut succrescant & solidentur.

MEDITATIO XIX.

De opere primæ diei.

DIXIT Deus: fiat lux; & facta est lux: Gen. 1. 3.
 & vidit, quod esset bona: & diuisit lucem
 à tenebris, appellauitq; lucem, diem: & tene-
 bras, noctem.

PUNCTVM I.

OPVS fuit luce in mūdo, qui licet omnem
 aliam accepisset perfectionem; sine lu-
 ce inutilis fuisset: nam eius pulchritudo non
 fuisset homini perspecta; nec homo ipse suis
 functionibus, ad vitam necessarijs, commodè
 vti posset Lux exhilarat omnia, præcipuè ho-
 minem, vnde Tobias dicebat, *quale gaudium*
mibi erit, qui in tenebris sedeo, & lumen cæli
non video? per lucem quoque in mundo infe-
 riori gignuntur, & fouentur omnia. Ergo gra-
 tias Deo agam pro hoc dono, & bene illo v-
 tar, ad cognoscendum Deum ex omnibus o-
 peribus suis. Contrà detestabor eos, qui abu-
 tuntur ad peccandum, vel, *qui oderunt lucem,*
vt malefaciant, & ne arguantur opera eorum. Tob. 5. 12.

Est & lux spiritualis, qua pellantur ex ani-
 ma tenebræ peccati, & ignorantix, qua Deum
 ipsum cognoscimus, & agenda à nobis. Sig-
 natum est super nos lumen vultus tui Domine,
 dedisti latitiam in corde meo. per hanc gignū-
 tur fouenturque virtutes. ô Pater luminum!
 gratias tibi ago pro hac potissimum luce. ô
 fons luminis, *illumina tenebras meas.* Fiat in Ioan. 3. 20.

me sicut lux splendens, quæ procedit, & crescit,
Prou. 4. 18. vsque ad perfectam diem.

PUNCTVM II.

I.
 Tria in lu-
 ce perpen-
 denda.

Psal. 126. 3.

Sap. 16. 28.

PRIMA die lux facta est; quia nec dies fuisset sine luce; ac proinde principium dierum à creatione lucis esse debuit. Potuisset tamen creari post alium mundi ornatum; sed voluit in luce creare cætera, nam & in spiritualibus lux præcedit omnem actionem. *Vanum est vobis ante lucem surgere.* ô Domine, præueni me luce tua, quò te agnoscam & amem. *Præueniam & ego solem ad benedictionem tuam, & ad ortum solis te adorabo*, nam ita faciendum. monet Sapiens exemplo Israelitarum, qui manna ante ortum solis colligere debebant.

II.

Eccl. 24. 5.

Nihil præter lucem prima die creauit; quam obire circum totum mundum voluit. diemque efficere. Sat operis pro vna die existimans, diem constituisse. Docemur & nos magnificare lucem spirituales; & bene diem esse collocatum, quo in luce profecerimus. Quod studium constanter adhibendum vsque ad extremum vitæ periodum, quasi ad summum diei. O Sapientia, quæ fecisti in Cælis, *ut oriatur lumen indeficiens*; oriatur, obsecro, in me etiam, vt nunquam occidat. ô Lucifer, qui nescis occisum, tu mihi nunquam occidas.

III.

Dixit, fiat lux Dixit Pater per Verbum

suum

suum, qui est eius Filius. *Vidit* Filius, qui est sapientia: *quod esset bona*; & Spiritus sanctus qui est amor, complacuit in ea. Tota Trinitas vnus Deus, iussit fieri, & facta est; vidit, & in opere complacuit. O Domine dic quoque, vt in anima mea fiat lux.

PUNCTVM III.

DIVISIT *lucem à tenebris*: voluit vicissitudinem esse, vt die operarentur homines, & animalia, noctu quiescerent, in hoc etiam gerens curam nostri. quare *benedicite lux & tenebra Domino, benedicite nox & dies Domino.*

Sed & spiritualiter idem contingit. in primis Deus est serena illa lux, de qua Ioannes, & *tenebra in eo non sunt vlla.* Et qui illam vident sancti, semper in luce sunt, absque vicissitudine tenebrarum. *Nox enim non erit illic*, ait Ioannes. At in terra alij ambulant sicut in die filij lucis, alij in nocte. quin idem homo nunc lucis, nunc tenebrarum filius est. Diuidet autem Deus inter vtrosque (nam *qua societas luci ad tenebras?*) cum ad iudicandum venerit. O pertineam ad lucem, & ad hanc diem!

Præterea in ipsis iustis datur diuisio lucis & noctis: quin in vno atque eodem, dum modò aduersa, modò prospera accidunt, & consolationum, ac desolationum vices alternant, feram vtramque sortem cum gaudio de manu Dei.

Ipse, qui dixit de tenebris lucem splendescere,

Diuisio lucis à tenebris.

Dan. 3. 71.

1.

1. Ioan. 1. 3.

Apo. 21. 25.

2. Cor. 6. 14

2.

3.

2. Cor. 4. 6.

Isai. 1. 20.

re, luceat in cordibus nostris ad illuminationem scientia claritatis Dei, in facie Christi Iesu. claritatis inquam, qualis relucet in facie Christi. *Va qui dicitis, malum bonum, & bonum malum, ponentes tenebras lucem, & lucem tenebras.* Non sic ego, sed quod Deus lucem dixit, mihi erit lux; similiter de tenebris.

MEDITATIO XX.

De opere secundæ diei.

Gen. 1. 6.

DIXIT Deus: Fiat firmamentum in medio aquarum, & diuidat aquas ab aquis, & factum est ita: vocauitq. Deus firmamentum cælum, & factus est mane & vespere dies secundus.

PUNCTVM I.

Aëris elementum.

FIRMAMENTVM est aër fusus inter cælum & terram, cuius elementi miræ sunt vtilitates: in eo stamus, & mouemur, respirationem & vitam ducimus, per illum species rerum ad sensus deferuntur colorum, sonorum, odorum: & de cælo lux transmittitur cum reliquo in fluxu planetarum; ibi coalescunt pluuiæ, niues, ros, & venti, ne siti inferiora torpescant, atque marcescant, in omnem partem adspirant. igitur & propter hunc gratias agam Auctori, quoties respiro.

Cur aër firmamentū.

Cæterum etsi est corpus tenuissimum, & maxime instabile, vocatur tamen firmamen-

tum;

tum: quia constanter ac firmiter obit sua munia, & locum suum tenet, omnia replens, quocunque accessus datur, nec diffungi inter se corpora, vacuo interuallo, vllatenus sinens. Ergo assignatam stationem sibi immobiliter tuetur, non secus, atque ipsi cœli, licet secundum partes huc illucque agitatus.

PUNCTVM II.

DIVISIT *aquas ab aquis*. oportebat enim discooperriri terram propter germina, & nihilominus irrigari ad fœcunditatem. in hunc ergo finem super aëra coëgit nubes, seu locum nubium, quæ sunt aquæ supra firmamentum.

Nubes.

Nec id modò, sed nubes ipsas dispensat, & prouocat, promouetque, sicut placet eius prouidentia. Nam apud Iobum de nubibus dicitur. *quæ lustrant per circuitum, quocunque eas voluntas gubernantis duxerit, ad omne quod praeceperit illis super faciem orbis terrarum.* Et quasi glorians ait: *quis est pluuie Pater, vel quis genuit stillas roris?* O qui pluis super iustos, & iniustos, ne quæso ab anima mea subtrahas imbrem salutarem gratiæ tuæ.

Iob 37.12.

Eccl. 38.28.

Matt. 5.45

Aliter etiam Deus est mirabilis in nubibus cœli, quòd tantas moles sustinet suspensas, cumque defluere finit, guttatim demittit, ne obruant animantes, & terrâ eluuione destruant. vtrumque Iob deprædicat: *Qui ligat aquas in nubibus suis, vt non erumpant pariter deorsum.*

Iob 26.8.

Iob 37. 11.

Amplius, nubes pro umbraculo sunt, excipientes lumen solis, & ardore à terra arcen-tes. vnde illud: *frumentum desiderat nubes, & nubes spargunt lumen suum*: reflectunt videlicet, ne feriat aduratque fruges. En quot, & quanta bona ab huius diei opere.

PUNCTVM III.

Cur firmamentum
coelum.

FIRMAMENTVM appellauit coelum. Nam aer aspectu similis est orbibus celestibus, vt nihil oculus distinguat. Est enim diaphanus pariter, & lucem, astrorumque influxus transmittit. Firmamentum hoc, seu coelum est anima iusti, illustrata à Deo secundum intellectum, firma & stabilis in bono per gratiam, licet conditione sua mobilis. In ea diuiduntur aquæ, dum spiritus coelestia petit, caro autem ei subiecta obedit: sed & hæc à spiritu irroratur, vt etiam *exultet in Deum viuum*.

Psal. 83. 3.

At cur Deus opus huius diei non approbauit, vt præcedentis? quia non illud hac die perfecit, sed sequenti, quoad aquarum diuisionem: postera enim die congregauit aquas inferiores in certa loca, vt detegeretur terra. Nempe docet, non qui coeperit, sed *qui persequerauerit*, atque perfecit, laude dignum.

Mat. 16. 22.

Aliqui putant, hac die peccasse Angelos, & separatos bonos fuisse supra firmamentum, à malis in abyssu: de quibus apud Iob: *Ecce gigantes gemunt sub aquis, & qui habitant cum*

Iob 26. 5.

eiu.

eis. Atque in odium peccati illorum reticeri laudem huius diei. Adde, quòd hæc dies initium dedit disunctioni diei à die, cùm sit secunda: Deus autem amat vnitatem, atque concordiam.

MEDITATIO XXI.

De opere tertiæ diei.

PUNCTVM I.

DI X IT Deus: congregentur aquæ, quæ sub cælo sunt, in locum vnum, & appareat arida. Emituit Omnipotentia. 1. quòd momento, aut imperceptibili tempore paruerunt aquæ voci creatoris. *Abyssus sicut vestimentum imictus eius*, nempe terræ: *super montes stabant aquæ*: nam & hos operiebant. *Ab increpatione tua fugient, à voce tonitruï formidabunt.* Et quasi trepidæ festinatò parebunt. 2. quòd quamuis naturali inclinatione appeterent superstare terræ, eâ postpositâ recesserunt. O sic abnegare discam propriam voluntatem & propensionem. Et quando etiam ad humiliorum locum detrusus fuero, obsequar libenter. *Non queram, cum Paulo: quod mihi vtile est, sed quod multis.* 3. quòd ibi se continent, nec excedunt: *circumdabat mari terminum suum & legem ponebat aquis, ne transirent fines suos.* de quo etiam gloriatur Deus apud Iob: *quî conclusit ostiûs mare, quando erumpebat quasi*
de

Genes. 1. 9.

1.

In aquis
maris patet
Omnipo-
tentia Dei.
Psal. 103. 6

2.

1 Cor. 10. 33

3.

Psal. 103. 9.

de vulua? circumdedit illud terminis meis, & posui vectem & ostia, & dixi, hic confringes tumentes fluctus tuos.

Admirabor potentiam, & timebo, cùm dicat ipse: *me non timebitis; & à facie mea non dolebitis, qui posui arenā terminum maris, &c.* Timebo offendere tantum Dominum, & dolebo, quòd toties offenderim. Tu Domine cor meum tanquā mare procellosum timore tuo, & protectione tua circumda, & contine. Sperabo in te: quoniam sic potens es, & mensus es pugillo aquas.

PUNCTVM II.

Montes & valles.

1.
Psal. 10. 3.
Iob 9. 6.

Matt. 17. 19

2.

Iob 40. 16.

QUOMODO terra iussu Dei aperit amplissimos sinus ad recipiendas aquas, & repente montes, vallesque existunt. *Ascendunt montes, & descendunt campi in locum, quem fundasti eis. Qui commouet terram de loco suo, & columna eius concutiuntur?* quis non timeat à potentia illius. At & fiduciam concipiam, quando is promittit: *si habueritis fidem, dicetis monti huic: transi illuc, & transibit; & nihil impossibile erit vobis.*

Illud quoque Omnipotentiae: quòd subito terra siccata est, non per dies multos, vt post diluuium; nec immisso vento vrente, vt mare rubrum, sed nutu Dei. & exsiccet etiam in me humores prauarum cogitationum & affectionum, ne locum inueniat ille, qui *sub umbra dormit, in secreto calami, & locis humentibus.*

Sed

sed ita Deus aquas congregauit in maria, 3.
Fontes.
vt quasi venas in terra ipsa aperuerit, per quas aquæ dulces commearent. vnde fontium ac fluuiorum varietas, vel ex ipsis rupibus prodeuntium. Nec temporariæ sunt scaturigines, sed perennes. Et cum flumina ex mari prodeant falso, percolata dulcescunt ad humanos vsus, qui multiplices sunt ad rigandam terram, ad potum animalium, ad lauandum, ad temperandum æstum, ad sanandos morbos. quare benedicite Deo, maria, flumina, fontes, terra, montes, & colles.

Postremò terram ipsam ita disposuit, vt pars esset pinguis, ad alendas plantas, & fruges; pars duresceret in metalla, quorum varia foret vtilitas, pro quo etiam gratias agam.

Verum hæc non sunt recensita, vt reliqui terræ fructus, quòd intra terram abdita sint, & nolit Deus eorum nos cupiditate teneri. nam in cupidos dicitur: *Domine à paucis de terra diuide eos in vita eorum.* Hoc est, ne partem illi habeant cum electis tuis, qui sunt pauci. quoniam inhiarunt & repleuerunt se thesauris, quæ tu extra oculos posueras, ne concupiscerentur. Cur nihil
de metallis
Psal. 16. 14.

PVNCTVM III.

VBI terra detecta fuit, placuit Deo & dixit: *Germinet terra herbam virentem.* Gen. 1. 11.
Plantæ.
Noluit ornatum terræ differre in diem alterum, sed postquam aquis quasi vestimento fuerat nudata, noluit rudem relinquere, sed super-

Dei prouidentia erga creaturas.

1.

perueniri meliori veste. Ita vult exuere nos veterem hominem, vt statim nouum nos induat. neque plantas ex nihilo creauit, sed ex materia terræ produxit, quia vult nos cooperari ad iustificationem nostram. sed quæ, & quomodo fecit ex terra? multa, & mirabiliter.

1.

1. Produxit innumerabiles species plantarum, herbarum, florum, nec quiduis vbiq; sed conuenienter ad clima, coeliq; temperamentum. Sic omnia suauiter disposuit. Vnde etiam dona gratiæ attemperat naturis, vt suauius, & constantius operentur homines

2.

2. Perfecit totum momento, per omnia terræ spacia, subitoq; apparuit terra conuestita pulcherrimè. vnde ait: *pulchritudo agri mecum est.*

3.

Psal. 49. 11.

3. Produxit iam perfectæ, non per incrementa, quia ita decet Deum. vnde arbores extiterè subito adultæ, folijs, fructibusq; decoræ.

Ecles. 11. 23.

O, sic Domine perfice me: *facile est enim in oculis tuis subito honestare pauperem.*

4.

4. Talia fecit, vnde nobis utilitates maximæ prouenirent. nam & sunt, quæ singulos sensus oblectant, & vitam sustentant, & vtraq; non vnus generis, sed multiplicia. quin ad curandos morbos virtutem indidit mirificam, & quæ carere fructu videntur, vt quædam arbores, habent vsus necessarios ad ædificia, ad instrumenta varia conficienda, ad alendum ignem. Et quæ ipsi per se homini non sunt vsui, seruiunt brutis in commodum hominis.

Psal. 105.

14. 27.

qui produxit scænam iumentis, & herbam seruituti hominum. omnia à te expectant, vt des

illis

*illis escam in tempore. aperis tu manum tuam,
& imple omne animal benedictione. 5. Ut cō-*
modum foret perpetuum, dedit plantis virtu-
tem seminalem ad propagandum se.

Ergo his tot nominibus *benedicam Domino,* *Psal. 115. 12*
pro omnibus quæ retribuit mihi.

PUNCTUM IV.

INTER hæc plantavit Paradisum volupta-
tis hac ipsa die, in sedem peculiarem ho-
minis, antequam ipsum conderet. 1. Is locus
fuit in optima cœli temperie, & terræ quali-
tate. 2. Omnigenis confitus plantis ad omne
oblectationem & alimentum, ut carniū v-
sus nunquam foret. 3. In medio erat lignum
vitæ à morte & corruptione præseruans, do-
nec fuisset Deo visum, transferre hominem ad
statum immortalem. 4. Interfluebat amœ-
nissimus fluuius, & saluberrimus ad potum,
atque ad fœcundandam eam terram, qui mox
in quatuor partiebatur, ad vicinas circum o-
ras irrigandas. 5. Fuit locus hand dubiè am-
plissimus, ad plurimorum incolatum, instar
prouinciæ alicuius. Gratus existam, quia non
Adæ soli, sed mihi etiam Paradisum hunc cō-
didit Deus. Et quando inde eiectus sum, adi-
piscor pro eo cœlestem. illum amisi interue-
niente culpa originali, qua iam deleta per Ba-
ptismum, satagam, ne proprijs actibus excidā
à spe cœlestis. Conserua me Domine in Ec-
clesia tua, tanquam in Paradiso deliciarum,
& præbe fructum ligni vitæ in cibum, quo

Gen. 2. 8.
Paradisi
terrestis
excellentiæ.

1.

2.

3.

4.

5.

præ-

præseruatus, tandem assumar ad te, vbi viuis
& regnas in æternum.

PVNETVM V.

Omnes res
bonæ.
Vfus ma-
lus.

(Tim. 4. 4.)

ET vidit Deus, quòd esset bonum, quidquid
hac die fecerat. Bona sunt, quæ Deus in
alimentum hominis creauit; vñs autem ali-
quando malus esse potest: quando scilicet pro-
hibetur, vt lignum scientiæ boni & mali, ad
probationem obedientiæ, vel cùm ob alios
fines, vel ab Ecclesia, vel spontè interdicitur
ad mortificationem carnis, vel cùm inordina-
tè rebus vtimur. Alioqui omnis creatura bo-
na est, & nihil reijciendum, quod cum gratia-
rum actione percipitur. Sanctificatur enim per
verbum Dei & orationem. Nam verbo diui-
no approbatur, vt bonum, & oratione in su-
mendo benedicitur.

Inter alia spinæ & herbæ mortiferæ crea-
tæ sunt, sed hæc etiam ipsa bona sunt, si non
homini, alijs saltem animantibus, vel ob alios
fines vniuersi. quin ipsi homini conducunt
pro antidotis. & tandem instrumenta sunt ius-
titiae Diuinæ, cui etiam seruiunt res alioqui
nobis vtilissimæ, vt aqua, dum suffocat, ignis
dum exurit. Quare, vt ait quidā, omnes crea-
turæ dicunt homini: *accipe, redde, fuge*. Ac-
cipe beneficium; redde debitum; fuge sup-
plicium, quasi dicat: si non ob benefi-
cium, saltem ob supplicium
bene vttere.

MEDITATIO XXII.

De opere quarta diei.

PUNCTVM I.

QUOD creauit solem, luminare ma-
 ius: in quo multa insunt miranda. 1. *Commoda*
 magnitudo lucis, vt ad eius ortum obfuscen- *ex sole.*
 tur reliquæ stellæ, qui & fons lucis dicitur, *1.*
 quod ab eo astra eam mutuuntur. 2. lux eius *2.*
 perpetua est, & constans, absque vlla varia-
 tione: quod Lunæ non conuenit. 3. ampli- *3.*
 tudo corporis, vt sexies millies superet lu-
 nam; terram autem centies. 4. efficacitas,
 quâ momento totum hemisphærium per-
 uadit sua luce: motu verò diurno diem con-
 ficit, totam obiens illustransque terram. 5. *4.*
 vis calefactiua, qua omnia gignit, & viuifi-
 cat. 6. distinguit tempora: facit annum *6.*
 proprio motu; & in eo statas temporum vari-
 erates, veris, æstatis, autumnii, hyemis. Ob
 hæc vocatur *vas admirabile, opus excelsi*: per
 excellentiam *procedit vt sponsus; exultat vt* *Ecccl. 43. 2,*
gigas ad currendam viam. Est symbolum Di-
 uinitatis. quare dicitur: *In sole posuit DEVS* *psal. 18. 6.*
tabernaculum suum. Et conueniunt DEO mul-
 tō amplius prædictæ solis excellentiæ. Ani-
 ma quoque perfecta est quasi Sol, *electa*
vt Sol, & radios fundit bono-
 rum operum.

(* *)
(* *)

PUNCTVM II.

Lunæ excellentia.

1.

2.

Ecc. 43. 8.

3.

4.

Cant. 6. 9.

Luna symbolum animæ sanctæ.

ITEM creauit Lunam, luminare minus: cuius sunt excellentiæ. 1. Magnitudo aspectabilis, & pulchritudo singularis, cum plena est, à sole, & à quo suum lumen accipit; quod non intra se continet, sed noctem pro sole illustrat. 2. AEquabilis respectus ad solem, à quo pars ei obiecta semper illustratur, *cre-
scens mirabiliter in consummatione*, vt ait Sapiens: hoc est, sensim deficiens, donec consummetur eius lux. 3. Vires habet magnas in mare, & corpora, quas experimur. 4. Suo motu efficit menses, varietates temporum inducit, & particulares effectus gignit.

Symbolum est animæ sanctæ, de qua dicitur: *Pulchra vt Luna*, nam respicit semper Solem iustitiæ, & ab eo illuminatur, crescit in consummatione, dum proficit in cognitione propriæ obscuritatis, & vilitatis, vsque ad defectum luminis, nihil se habere de suo intelligens. Crescit vicissim in studio virtutum, *vsque ad perfectam lucem*. O, decrescam per veram humiliationem, crescam autem, vadens de virtute in virtutem!

PUNCTVM III.

Stellarum excellentia.

1.

Psal. 146. 4.

CREAVIT etiam stellas, in quibus miræ sunt. 1. Multitudo innumerabilis, unde pro magno dicitur de Deo, *qui numerat multitudinem stellarum, & omnibus eis nomina vocat*, qui admirabiliter eas disposuit, tanquam

quam aciem castrorum ordinatam: nec des-
ciunt, vt ait Sapiens, in vigilijs suis. 2. Præ-
sunt etiam nocti cum luna, ac mirificè coelum
ornant, *species cæli gloria stellarum, mundum*
illuminans in excelsis Dominus. Præterea diri-
gunt nauigantium cursum, & viarum duces
sunt 3. Influunt in hæc inferiora, etsi nobis
minus notæ sunt illarum vires. de ijs dicitur:
in verbu sancti stabunt ad iudi-ium, nempe pa-
rata ad agendum secundum inditam ipsis à
Deo vim, & præscriptum. & alibi: *vocata*
sunt, & dixerunt: adsumus, & luxerunt ei cum
iucunditate eius, qui fecit illas.

Eccl. 43. II.

2.

vers. 10.

3.

Bar. 3.

Pro his gratias agam, & laudabo Deum,
porrò qui ad iustitiam erudiunt multos, quasi
stella fulgebunt in perpetuas aternitates. quã-
tò pulchrius erit coelum empyreum à gloria
sanctorum! quàm ibi ordinatissimè dispen-
tentur secundum merita cuiuscunque! Luceam
nunc in Ecclesia militante, itè in vigilijs meis,
vt illuc transferar aliquando.

Dan. 12. 3.

PUNCTVM IV.

VIDIT Deus, quòd esset bonum. Vtique
Domine, & eo vsque bonum, & pulcher-
rimum est, vt aliqui pro Deo habuerint hæc
creaturas. At *si horum specie delectati,* Deos
*putauerunt: sciunt quantò his dominator eo-
rum speciosior est. Speciei enim generator om-
nia hæc constituit.* Igitur in hoc ipso errore
disce, qualis quantusque sit Deus in se, qui

Sap. 13. 3.

Deut. 4. 19.

fic in effectis suis est admirabilis. Anna illum, qui istam pulchritudinem produxit ad obsequium tuum. nam monet Moyses: *Attende, ne fortè eleuatis oculis ad cælum, videas solem & lunam, & astra: & errore deceptus, adores ea, quæ creatiuit Dominus Deus tuus in ministerium cunctis gentibus, quæ sub cælo sunt.*

PUNCTVM V.

Creatio
ignis.
Eius com-
moda.

- 1.
- 2.
- 3.
- 4.

ELEMENTVM quoque ignis non est committendum, quod cælis proximum est: sed à Moysè non commendatum, nec commemoratum, quòd non sit nobis conspicuum. Licet autem ignis ille ab inferiore differat: huius hinc proprietates considerare opportunum fuerit, quòd Soli persimilis sit. 1. Vicem solis noctu supplet intra ipsa cubilia. 2. Pro sole per hyemem distante calefacit fouetque corpora. 3. Impertit se sine diminutione sui, cum ignis ignem accendit. 4. Plurima comoda præstat, tanquam quædam vniuersalis causa: decoquit cibos, purgat metalla, absumit humiditates, emollit, liquatque dura, & plura alia præstat: vt deceat inde glorificare datorem.

Psal 135. 1. 7.

Ergo *consitemini Domino: quoniam bonus, qui fecit luminaria magna, solem in potestatem diei, lunam & stellas in potestatem noctis, quin & ignem. vt luceret eis per noctem.*

Ignis est symbolum Diuinitatis: vt in aduentu Spiritus sancti consideratum fuit, &

nunc

nunc in eo, quod supplet defectus creatur-
rum, vt dictum de igne, cum humana desunt
auxilia, & communicat seipsum liberaliter.
Accedite ad eum & illuminamini, & facies ve- Psal. 33, 6.
stra non confundentur.

MEDITATIO XXIII.

De opere quintae diei.

PUNCTVM I.

PRODVcant aqua reptile anima vi- Gen. 1. 20.
uentis. Ad hoc imperium repleta sunt rilces.
maria, & flumina piscibus supra numerum
terrestrium, & volatilium animantium, figu-
ra & specie diuersissimis, magnitudine ex-
cedentibus quauis terrestria. Hoc mare ma- Psal. 103. 25.
gnum & spatiosum manibus: illic reptilia, quo-
rum non est numerus, animalia pusilla cum ma-
gnis: illic draco, quem formasti ad illudendum
ei. & hæc ad vsum & delicias hominis, & ob-
lectationem in capiendis. Vt præffet, inquit, Gen. 1. 26.
piscibus maris. & Noë dixit: omnes pisces Cap. 9. 2.
maris manui vestrae traditi sunt, & erunt vobis
in cibum.

Atque vt beneficium esset perenne, bene-
dixit illis, dicens: Crescite & multiplicami-
ni, & replete aquas maris. Lauda po-
tentiam atque proui-
dentiam.

PUNCTVM II.

Gen. 1. 20.
Aues.

ET aqua producant volatile super terram, sub firmamento cœli. Ex eadem materia, qua pisces; sed subtiliori, & magis aërea, ut aër etiam concurreret ad animantes, quarum sedes erat. agnosce potentiam.

Commo-
da.

At sprouidentiam ex commodis. Aliæ aues delicatè nutriunt nos, aliæ cantu demulcent, aliæ plumis suis ornant, aliæ docent, dum artificiosè nidos construunt. prouident pullis, tempora obseruant. Et Deus ipse talibus se similem facit: Aquilæ *prouocanti pullos ad volatum*; Gallinæ *congreganti sub alas*. Discere autem vult nos ex miluo agnoscente tempus suum, & turture, hirundine, cyconia, *populus autem meus non cognouit iudiciâ Domini*. Vtimur quibusdam ad venandum alias, & sagacitatem ab eis discimus. Apis verò qualis industria, quod regimen, quæ utilitates?

Deut. 32. 11.
Matt. 23. 37

Ier. 8. 7.

Gratias agam: imitabor aues pernicitate in Diuino seruitio, volatu ad coelestia, & reliquâ industriâ.

PUNCTVM III.

VIDIT, quod bonum esset. Probauit Deus. conuenit, ut simul aquæ, & aër repleantur, & ornarentur, quia sunt affinia: ita Deus benefacit coniunctis charitate, sed & significatur, quod ex regeneratis aqua baptisimi alij in sæculo manent, alij coelestem vitam amplectuntur: *ex aquis ortum genus par-*

tim remisit gurgiti, partim leuas in aera. duplex est vita, actiua, & contemplatiua priores sunt, vt Martha; qui turbantur circa plurima, vt qui in mari; posteriores, vt Magdalena, quā partem optimam elegit; vtrosque probat Deus; sed hos maximè, illi in falsis & amaris aquis manent, quia poenitentiae lachrymis opus habent assiduū: istorum etiam lachrymae sunt aquae dulces, vt ex quibus aues extiterūt. prius narratur de piscibus, quia in actiua prius exerceri oportet. & Lia prior ducta fuit, quā Rachel.

Benedixit eis, vt multiplicarentur: vtraque vita gignit Christo filios: sed Actiua plures; vti & pisces, quā aues; & Lia, quā Rachel; sed hae perfectos. Cupiam iungere vtramque, vt & vna die pisces & aues.

MEDITATIO XXIV.

De opere sextae diei.

PUNCTVM I.

DIXIT Deus: producat terra animam viuentem. i. post aquas, & aërem repleuit terram animantibus; ex ipsa similiter productis pro imperio, alia alijs potissimū locis, vt conueniebat naturis, ac de alimento conuenienti prouidit illis, & quidem singulis. Quanta potentia, & prouidentia! tria re-

Genes. 1. 24.

I.

Animalia
terrestria.

2.

Tria gene-
a.

Iob. 38.
ex tribus
seqq:

3.
Commoda
Prou. 6. 6.

cenſet genera: iumenta, ſic dicta, quòd iuuent
hominem; vt ſunt domeſtica, reptilia, à motu;
beſtias ſylueſtres, & feras. In quouis genere
diuerſas ſpecies, & verò multa, cū miris pro-
prietatibus. de quibus gloriatur Deus apud
Iob, & de prouidentia circa illa. quantò am-
plioſiorem habeat hominis, propter quem illa!
3. *commoda ex eis multa, & magna percipit*
homo: nutritur, veſtitur, calceatur, ornatur,
iuuatur, docetur: *Vade ad formicam piger.*
Gratias agam pro bono conſeſſo iſtis ani-
mantibus, quæ nequeunt per ſe agnoſ-
cere Auctorem: & quia id eſt totum me-
um.

PUNCTVM II.

Sap. 16. 24.

VIDIT, quòd eſſet bonum: etiam repti-
lia, licèt venenata; & beſtiæ, licèt noce-
ant: nam ita ſubiecerat homini, vt niſi peccaſ-
ſet, lædi nequiuiffet. Et nunc iuſtitia inſtru-
menta: ſed & in ijs conſpicitur prouidentia:
dum non lædunt, niſi permiſſu, vt ſignificat
Sapiens: *creatura tibi factori deſeruiens, ex ar-
deſcit in tormentum aduerſus iniuſtos: & leni-
or fit ad benefaciendum pro hijs, qui in te conſi-
dunt.*

Matt 10. 15.

Pſal. 72. 22.

Pſal. 48. 13

Pſal 31. 9.

Deinde docent hominem, quid ſequen-
dum, aut fugiendum: *eſſote prudentes, ſicut*
ſerpentes. & à iumento diſcimus ſubijci diui-
næ legi. *vt iumentum factus ſum apud te.*
Contra verò vitare ſtoliditatem: Homo cū
in honore eſſet, non intellexit, comparatus eſt iu-
men-

men-

*mentis insipientibus. & nolite fieri, sicut equus
& mulus.*

PUNCTVM III.

CVR non benedixit terrestribus anima-
libus, sicut alijs. 1. Quia eadem die erat
facturus hominem, ei que benedicturus: & in
homine etiam istis, ut quæ cū homine in terra
habitarent. 2. Quia benedictio istorum pende-
bat ex iustitia hominis. Quare Iudæis promi-
sit multiplicationem vtilium animalium, si le-
gem custodirent. aut contrā fore, ut deficeret;
feræ autem, & venenata auferentur. Attamen
ibidem similiter de fructibus terræ loquitur,
& aliæ etiam animantes possunt cedere ad
præmium & pœnam.

Intelligam, quod passiones brutales in ho-
mine inualescunt, cū secundū voluntatem
rationalem ipse non est subiectus Deo: contrā
verò debilitantur, & cicurantur, obsequentel-
que sunt rationi, cū Deo homo subiacet; a-
deo, ut etiam iuuent ad virtutem, & *caro ipsa*
exaltet in Deum viuum.

1.

2.

*Deut. 28. 1.
6. 32. 24.*

Psal. 83. 3.

MEDITATIO XXV.

De creatione hominis.

PUNCTVM I.

EADEM die cum bestijs creauit hominem,
ut commonefaceret humilitatis, dum
considerat, se cum illis participare naturam
animalem, & sensitiuam.

*Creatio
hominis.*

Deus in creatione viuientium coepit ab imperfectioribus, & sensim ad perfectiora progressus est. quo monemur profectus quotidiani in virtutibus; & vt cantemus DEO quotidie canticum nouum, ex nouo profectu.

Postremò creauit hominem, vt perfectissimum, & in quo omnem naturam copulabat, & cuius causa erant cetera ac ita, vt statim eis frui possit, veniens ad habitationem plenè instructam.

PUNCTVM II.

Mysteria.

1.

ALITER in creatione hominis loquitur Deus. I. non ait; *FIAT*, aut, *producat* terra, quòd homo secundum animam non fieret ex aliquo, sed à solo Deo ex nihilo, quo monemur, vt & ipsum super omnia diligamus, à quo solo sumus. ò Deus, *perfice vineam* hanc, animam istam, *quam plantauit dextera tua*.

Psal. 79. 35.

2.

ait, *faciamus*. ad insinuandum mysterium diuinarum personarum, quarum imaginem refert homo, & quasi deliberarent de creando homine, quem prauiderent fore ingratum, & tanto reparandum opere, & tamen concludunt, *Faciamus*. Quid tibi retribuam?

3.

Eccl. 32. 24.

omnia cum consilio agere, praesertim grauias. *Fili, sine consilio nihil facias: & post factum non po-*

Eccl. 6. 6.

nitebis. Consiliarius autem sit tibi vnus de mille;

Psal. 18. 24.

4.

Deus potissimum. *Consilium meum iustificatio est tua* Secundum has consilia captanda.

4. Insinuat, se facere hominem tanquam capacem consortis cum Deo ipso, & amicitiae illius. Nempè *delitiae* eius ab initio fuerunt esse *Prou. 8. 31.*
cum filiis hominum.

PUNCTVM III.

EXCELLENTIAE sex, secundum quas anima hominis est imago Dei. 1. Deus est Spiritus, & ita inuisibilis, & indiuisibilis; proinde totus in quauis rei parte; & dat esse, vitam & motum rebus. Sic anima nostra inuisibilis est, & indiuisibiliter existens in quauis corporis parte; dant singulis vitam, & operationem, pro cuiusque partis exigentia. *Excelsentia*
Auferes spiritum eorum & deficient, & in puluerem reuertentur. gratias ago, quod talem mihi dederis ut adorem te in spiritu, & veritate. Da, ut etiam *spiritu facta carnis mortificem.* 2. Quod sit immortalis, ut à corpore non pendeat vita eius; & eo pereunte, Spiritus redeat ad DEVM; qui dedit illum, à quo recipit locum pro meritis: O DOMINE, qui mihi dedisti Spiritum immortalem secundum naturam, da etiam secundum gratiam, quæ est vita beata. Porro Deus est immortalis per suam essentiam; homo per participationem; ac ita ex voluntate Dei pēdet. *2.*
Soli Deo immortalis & inuisibili honor & gloria. 3. Anima refert Trinitatem, quod una existens, habet tres potentias, intelligendi, me-

*Psal. 103. 29**Rom. 8. 13.**1. Tim. 1. 17.*

SIO PARS VI. MEDIT. XXV.

3.
Tres po-
tentia ani-
ma.

4.

5.

6.

morandi, quæ intellexerit, & volendi. Et sicut Pater intelligendo producit Verbum, & amando cum Filio producit Spiritum sanctum: ita anima format Verbum ipsius Dei, & amorem spirat in illum. 4. Prædita est libertate, quod sequitur ex præcedenti, ut à nemine cogi queat. 5. Est capax sapientiæ & gratiæ, ut à solo Deo expleri possit. 6. habet Dominium in omnia visibilia, & est finis proximus illorum: nam & compendio continet in se totum mundum, ut Deus eminentissimè omnia possibilia. Hæc est dignitas hominis. Cuius est imago hæc? si Dei, rede eam Deo. Agnosce homo dignitatem tuam.

PVNCTVM IV.

Ecc1. 7. 30.

1.

2.

3.

QVOD Deus creauit hominem ad similitudinē suam, secundum gratiam & dona spiritualia. Vnde dicitur: quod *Deus fecerit hominem rectum*. Nam opera Dei sunt perfecta, cum ergo homo capax esset supernaturalis similitudinis cum Deo, conueniebat, ut talis conderetur, accepit autem perfectam. 1. Quia anima perfectæ subdebatur Deo, per gratiam. 2. quia dominabatur appetitui per iustitiam originalem, ut nullam sentiret rebellionem. 3. in ipsum corpus redundabat immortalitas, qua posset non mori. nec mortuus fuisset homo, nisi Adam peccasset. Hæc data primis parentibus, at & mihi, & omnibus in illis, ex diuina dispositiorum, si Adam persti-

stitis-

tisset. quare, vt pro acceptis, seu mihi exhibitis gratias agam.

PUNCTVM V.

QUOD Deus fecit hominem aliarum rerum Dominum, quam dignitatem miratur Dauid: *quid est homo, quodd memor es eius: omnia subiecisti sub pedibus eius.* vnde eis vti potest pro libitu, & mactare pro vsu, vel ad voluptatem. *Dominamini*, inquit, *piscibus maris,* &c. quare etiam adduxit ea ad Adam, velut ad homagium ei præstandum, & vt nomina imponeret.

Post peccatum etiam ius habet vtendi, & industriã à Deo accepit, vt sibi subijciat, etiã feras, vt ait S. Iacob, *Omnia natura bestiarũ, & volucrum, & serpentium, & reliquorum domantur & domita sunt à natura humana.* Vt nam & passiones bestiales ego domarem, in animalibus significatas, in piscibus concupiscentiam carnalem, in volatilibus ambitionem & superbiam, in serpentibus cupiditatem terrenorum, in feris, & bestiis iram & vindictæ appetitum. Vna est lingua, quam *nemo domare potest*, vt idem

subijcit Aposto-
lus,

Excellentiæ hominis.

Psalm. 8. 5.

Iacob. 3. 7.

MEDITATIO XXVI.

De formatione corporis Adæ, & inspiratione animæ.

PUNCTVM I.

Corpus
formatum
ante ani-
mam.

QUOD Deus voluit seorsim narrari formationem corporis, & quidem prius quàm animæ infusionem. Nempè, vt intelligeretur, cùm reliquæ animantes ex terra sint secundum animam & corpus, hominem non nisi secundum corpus. Non creauit autem ex nihilo, sed *formauit ex limo*, vt intelligeret fragilitatem suam, & quodd ex se mortalis sit.

Docume-
ta.

Ecc. 10. 9.

Rom. 9. 20.

Isai. 64. 8.

Iere. 18. 6.

Gen. 3. 19.

Hinc 1. humiliabitur, sibi met dicens: *quid superbus terra & cinis?* 2. non obloquetur Deo, quidquid sibi eueniat: *Nunquid dicet figmentum ei, qui se finxit, quid me fecisti sic?* 3. confidit: & *nunc, Domine Pater noster es tu, nos uerò lutum, & fictor noster tu, & opera manuum tuarum omnes nos. Ne irascaris Domine satis.* 4. vt me resignem Deo, *ecce sicut lutum in manu figuli, ita vos in manu mea, dicit Dominus.* 5. Vt cogitem, vas istud confringi per peccatum, & in suum redigi puluerem, *puluis es, & in puluerem reuertetur.*

PUNCTVM II.

Corporis
excellentiæ.

OMNIPOTENTIA Dei in corpore humano formando ex tam rudi, viliq; mate-

materia. 1. quia tot & tam diuersis partibus, tamque delicatis constat, & coaauerunt omnes momento: *Domine omnia ossa mea dicent: Quis similis tibi?* Eadem membra in utero formantur ex vili quoque materia, sed per interuallum, à Deo tamen, ut mater Machabæorum professâ est: *Non ego membra compegi, sed mundi Creator, qui formauit hominis ueritatem.* 2. Quod tam pulchrum corpus, & complexionis tam eximiae in iustam magnitudinem subito eduxerit, cum alias per triginta annorum incrementa perfici soleat. 3. quod figura erectum, & spectans in coelum, quod mens & cor sustolli debent. At sunt, quos alligauit Sathan, ut mulierem illam, quam Dominus soluit, & inclinati ad terram incedunt, nec possunt sursum respicere. 4. quod tamen si ob perfectam complexionem corpus formatum est nudum, & inerme, cum reliqua animalia vestita, & instructa ad sui defensionem ferè sint à natura tamen defectum hunc omnem supplet industria, qua pollet homo, ad se contegendum, muniendumque.

PUNCTVM III.

ET inspirauit in faciem eius spiraculum vitae. quo in primis significatur, animam hominis non esse ex terra, ut corpus, vel ex alia quapiam reproductam, sed creatam à Deo ex nihilo, atque ex præcordijs Dei procedere, ex amore singulari, & per os eius. quod de sapientia diuina dicitur: *Ex ore altissimi prodij,* nempe

1.
Psal. 34. 10.2. Mac. 7. 22
Eccl. 11. 5.

2.

3.

Luc. 13. 16.

4.

Gen. 2. 7.
Anima ex
nihilo.

Eccl. 24. 5.

nempè quòd anima sit imago Dei, vt ipsa sapientia: sed hæc increata, & consubstantialis. Tanta est animæ nostræ nobilitas; de qua gloriari oporteat, non de profapia maiorum, & glorificare largitorem, & illuc contendere, vnde exiuit, nempè ad Deum, in eoquæ esse per charitatem.

Animam vocat *spiraculum vitæ*, quia inspirata corpori, facit illud viuere, & respirare, quod est signum vitæ. In faciem autem inspirauit, quia in ea vigent præcipui sensus, & ipsa respiratio, quibus maximè vita constat. Igitur quoties respiro, suspirabo ad illum, qui respirationem dat mihi. Nam sicut corpus absque animæ spiraculo non potest viuere, ita nec anima mea, nisi Deo illam conseruante, & quasi semper spirante.

Vita gratiæ,

Cogita etiam esse aliam vitam spiritualem gratiæ, quam similiter inspirat Deus, & fortè idè in Hebræo dicitur: *quòd inspirauit spiraculum vitarum*: hoc est, vitæ naturalis, & gratiæ. nam primus homo accepit simul ambas, creatus in gratia. Quanquam & naturalis vita est multiplex, vegetans, sentiens, & rationalis. Ad significandam inspirationem vitæ gratiæ, Christus dedit *Spiritum sanctum per insufflationem*. Nam Spiritus sanctus sanctificator animarum procedit à Patre per os Filij, tanquam diuinus flatus. O hunc, Deus, assiduè mihi affla, vt hac vita viuam.

Ioan. 20. 22.

PUNCTVM IV.

QVIS sensus Adæ, vbi se primū, | & creata circumspexit, cœlos, solem, astra, & conuestitam terram amœnitate admirabili? vbi in paradysum inductus? vbi animalia ad eum adductas? quibus & nomina dedit? & acceperat diuinitus scientiam, qua æstimare posset donorum magnitudinem! O quid erit in cœlestem illum Paradysum introduci! & tantò meliorem mundum spectare!

PUNCTVM V.

CVM aues, & terrestria animalia Deus creauerit in vtroque sexu: hominem non item; sed virum tantum. 1. quòd homo creabatur, vt Deo vacaret, non generationi; etsi id tunc erat necessarium ad propagationem; sed quasi per accidens. vnde & in sopore ex eius latere Eua est producta: quòd coniugium non debet impedire studium orationis, & qui habent vxores, sint tanquam non habentes. 2. ad fouendam internos charitatem: quòd ex vno omnes, ex vno Patre in cœlo, & ex vno Patre in terris, Vnde Malachias: *Nunquid non vnus Pater omnium nostrum? numquid non vnus Deus creauit nos? quare ergo despicit vnusquisq; fratrem suum?* 3. Significatur vnus Pater in esse gratiæ, Christus Dominus Pater futuri sæculi: ex huius latere sopiti, in cruce formata est Ecclesia, dum sanguis & aqua fluxit, in lauacrum regenerationis, quo illa redifi-

Creatio viti prior.

1.

2.

1. Cor. 7. 29.

Malachia

10.

3.

Ephes. 5. 27.

catur, & efficitur *sine ruga & macula*, ex quo capite tantò plus. ad mutuum amorem excitari debemus.

MEDITATIO XXVII.

De approbatione totius operis, ac de Sabbatho.

PUNCTVM I.

Reflexio
Dei super
opera sua.

POST opera singula, vidit Deus, quòd essent bona: in fine autem reflectens se super omnia, vidit: quòd essent valdè bona, nempe vnaquæque res in se bona fuit, & in ordine ad perficiendum mundum, qui ex illis constat, valdè bonus.

Marc 7. 37.

Iacob. 3. 2.

Ioan. 14. 9.

Solus Deus potest ita loqui de omnibus suis operibus: tùm etiam Christus, qui peccare non potuit, quòd esset Deus. de quo dicitur: *benè omnia fecit.* & B Virgo, quæ non peccauit, ex singulari priuilegio. Alij quantumuis iusti: *in multis offendimus omnes.* Debemus opera nostra examinare, primò singula, vbi aliquod perfecimus; deinde ad vesperam, quæ per diem. tertio in fine hebdomadæ pro confessione; quartò quotannis. pro generali;

demum in fine vitæ, vt *P. inceptus huius mundi* in nobis, quòd suum sit, inueniat nihil.

PUNCTVM II.

DIE septimo requieuit ab omni opera, quod pararat. Non quasi non posset plura facere; sed, quia iam istud perfectum erat. Nec requieuit in ipsis creaturis, vnde nihil accepit; sed in se ipso gaudens, quod expleuisset æternum suum consilium creandi mundum. Sic ego in Deo, non in creaturis quietem ponam, lætari licet de illis: nam & *lætatur Deus in operibus suis. Et delectasti me Domine in factura tua, & in operibus manuum tuarum exultabo.* Sed non requiescere in illis verum ad Deum referre. *Requieuit Deus,* non quasi laborasset: sic mihi ne sit labori, propter Deum operari. *Et benedixit diei septimo.* De est benedicere, benefacere. Cessauit à creando, sed non à conseruando, & gubernando, quod fecerat, sed extunc vsque modò semper operatur, quæ est noua benedictio. Creaturæ quoque ipsæ secundum acceptam virtutem deinceps operari coeperunt, atque ad fines suos tendere: neque enim conditæ sunt, vt cessarent, ac imprimis homo ipse, cui præcipue sanctificatus est dies Sabbathi, vt moneretur æternæ quietis, & sabbatissimi, quò adspirare deberet.

Benedictio
diei septi-
mæ.

*Psal. 103. 31.
Psal. 91. 5.*

PUNCTVM III.

PRÆCIPIT Deus Iudæis: *memento, vt diem Sabbathi sanctifies:* idque ad memoriam beneficij creationis. Huic successit dies

*Exod. 20. 10.
Mysterium
cessationis
ab omni
opere.*

Ioan. 8. 35.

Colos. 3. 16

Dominicus in memoriam renouationis, quam sua redemptione Christus perfecit, & illius, quam speramus in resurrectione corporum, & gloria cœlesti. Porro sanctificatur dies Dominicus. 1. abstinendo à peccatis, quæ sunt opera maximè seruilia. Nam *qui facit peccatum, seruus est peccati*: nec maior potest esse ingratitude, quàm tunc offendere Deum, cum recolenda est memoria illius beneficiorum. 2. meditando acceptum beneficium per exercitium orationis. 3. laudando Deum etiam voce, quod fit in Ecclesia, quò conuenire oportet, *cantantes in cordibus nostris, & gratias agentes Deo, & Patri misericordiarum per Christum*. 4. offerendo sacrificium, quod fit ad cultum Dei in gratiarum actionem, & ad impetranda beneficia. Offerre autem cum sacerdote quisq; debet, iungendo intentionem suam, & preces, vt acceptabile fiat Deo sacrificium nobisq; salutare. Addi etiam debet sacrificium spiritus contribulati, & cordis contriti, nec non sacrificium iustitiæ, & bonorum operum, quia non sufficit cessare à seruilibus, nisi adijciamus bona.

Quando nos ita sanctificamus diem, vicissim Deus benedicet illi diei, replens nos benedictionibus cœlestibus, ac etiam temporalibus. Ergo *conuertere anima mea in requiem tuam, quia Dominus benefecit tibi*: recole accepta, adspira ad futura.

(§)

MEDITATIO XXVIII.

De conseruatione rerum, & dependentia à Deo.

PUNCTVM I.

OMNIA pendent à Deo in conseruatione sui esse, quæ est quasi cōtinuata quardam creatio, sicut lumen in aëre, vt sole subtrahente concursum, statim pereat; ita, &c. Hoc est, quod Paulus ait : *portansq; omnia verbo virtutis sue.* Et Isaias : *conseruata sunt, & nunc creata sunt, & non ex tunc.*

Omnes
pendent à
Deo.

Heb. 1. 3.

Isa 48. 6.

Hinc fiduciam concipiam ex Deo, vt ille : *Nos in omnipotente Deo confidemus, qui potest & venientes aduersus nos, & vniuersum mundum vno nutu delere.*

Mach. 8. 18.

Item *timorem* à tam potenti, cū iustus sit. *Corripe me Domine, verumtamen in iudicio, & non in furore tuo, ne forte ad nihilum redigas me.* Quomodo timerem offendere eum, qui me tribus digitis appensum teneret in sublimi.

Iere. 10. 24.

Item affectum concipiam *humilitatis* : cū ex me non subsistam, nisi quā sustentor, & simul *charitatis* erga sustententem me.

PUNCTVM II.

Beneficia
ex conser-
uatione.

AD conseruationem etiam hominis concurrunt omnia à Deo creata, cœli, astra, motores, elementa & tot alia; unde cibis, & quæcunque faciunt ad conseruationem hominis. quod in particulari applicabo ad quasuis res, quibus vtor pro sustentatione, & commodo, quæ licet exiguæ, non erant tamen absque multis causis, tum particularibus, tum vniuersalibus, à cœlo, &c.

Genes. 6. 7.

Item quòd Deus nunquam aliquid in nihilum redigit, sed ex vno aliud existere facit, nec peccatores & dæmones ipsos: quamuis aliquando dixerit: *pœnitet me fecisse hominem.*

Item quòd multa nos latent beneficia Dei, pro conseruatione nostra auertendo pericula mille: nec est malum, quod aliquis patitur, quin ego similiter possem: latere autem ea vult & doceamur benefecere, non quæsitæ laude.

PUNCTVM III.

Actiones
retrium à
Deo pen-
deat.Isai. 26. 12.
Ioan. 5. 17.

QUOD res omnes pendent à Deo, non in esse tantum conseruando, sed vt operari possint. Vbi admiranda omnipotentia, quæ assistit omnibus in operando, ac si vni tantum. Applicabo mihi, discurrendo per singulas operationes meas. *Omnia opera nostra operatus est Dominus in nobis.* Et *Pater meus vsque modo operatur.* Et hæc assistentia est infalli-

bilis,

bilis, nisi quando subtrahat ad gloriam suam manifestandam. vt cū ignis non combusit res *Dan. 3. 50.*

pu. ros in fornace; & concurrit ad ipsasmet actiones, quibus inest culpa; ne derogat humanæ libertati. O, ego non abutar tuo concursu ad malum. ac siquidem in te mouemur *Act. 17. 28.*

& sumus: quod ago, & sum, tibi seruiat.

Hinc humiliabor, quod nihil planè agere ex me possum. Non sumus sufficientes cogitare aliquid à nobis, quasi ex nobis, sed sufficientia nostra ex Deo est. &, sine me nihil potest facere. Vt homo non gloriatur: Numquid potest gloriari securus contra eum, qui secat in ea? *2. Cor. 3. 5. Ioan. 15. 5.*

Ergo humiliamini sub potenti manu Dei, vt vo: *1. Pet. 5. 6.*

MEDITATIO XXIX.

Quid sit prouidentia, & quæ bona ex ea proueniant.

PUNCTVM I.

PROVIDENTIA est dispositio mediōrū per quæ fines suos consequantur res creatæ, ac præsertim homo. Vbi 1. considerandū, in Deo ex parte intellectus inesse illi perfectā notitiā finium, & mediōrum nec non & impedimentorum, quæ obijci possunt, & qua ratione eis occurrendum. vnde ex ignorance non potest falli diuina prouidentia, sicuti potest humana. *Cogitationes mortalium timida, Sap. 9. 14.*

& incerta prouidentia. 2. Ex parte voluntatis, quæ est summè bona, voluit rebus præfigere

Quid prouidentia?

1.

2.

3.

excellentissimū finem, qualis est manifestatio suæ gloriæ. sed præterea singulis rebus proprium & accommodatum, cū opportunis medijs: homini autem, vt & Angelis, claram suam visionem, qui finis supra naturam est. 3. Ex parte potentia nihil Deo deest ad præstandū, quod ordinauit. Quare prouidentia vtitur his tribus: *Sapientia, Bonitate, Potentia*: quibus tanquam tribus digitis sustinet mundum.

1. Pet. 5. 7.

Cant. 2. 16.

Hæc ad me applicabo, atque ita *omnem sollicitudinem proiciam in ipsum, quia ipsi est cura de me. Dilectus meus mihi. & ego illi*, ipse mea curabit, ego, quæ illius sunt.

PUNCTUM II.

Bona Prouidentia Dei.

QUOD Diuina prouidentia est mihi omnia; dat esse vt mater; gestat vlnis vt nutritrix; instruit vt pædagogus, est vt Magister, Consiliarius, Rector, Amicus, Medicus, Iudex, Pastor: & quæcunque officiorum genera cogitari possunt, ex charitate & misericordia prouenientia, mihi præstat. Ab eadem proficiscitur quidquid animæ, & corpori boni obuenit: mala autem auertit, vel ex eis eripit.

PUNCTUM III.

Curam gerit suorum.

Sap. 6. 8.

PROVIDENTIA Dei. 1. Tota est circa creaturas; non etiam circa se, cū nihil aliunde accipiat. 2. Est circa singula vel minutissima. *Pusillum & magnum ipse facit. & equaliter cura est illi de omnibus.* vnde confidā 3. Per se exequitur etiam prouidentiam quia etsi vtitur ministerio, tamen ipse adest o-

mnibus, & sine illo nihil fit, etiam ex liberis.
4. Nihil casu euenit respectu prouidentiae Di-
uinæ.

MEDITATIO XXX.

De prouidentia in gubernatione mundi.

PVNCTVM I.

PROVIDENTIA in creatione mundi re-
colenda. antequam ipsum hominem con-
deret, ædificauit prius illi domum.

PVNCTVM II.

QVI creauit, idem gubernat. *Quem con-*
stituit alium super terram? ait Iob, & Iob 34. 13.
Sapiens. *Tua pater prouidentia gubernat à* Sap. 14. 3.
principio omnia. Communicat tamen partem
aliquam cum creaturis. quare, *qui potestati* Rom. 13. 2.
resistit: Dei ordinationi resistit. ipse autem ut
supremus gubernator, dirigit illos ipsos mi-
nistros suos.

PVNCTVM III.

EXCELLENTER gubernat. 1. Ut Pater. Excellentia
& ita suauiter dans rebus propensionem guberna-
ad fines, ad quos eas dirigit. Vnde homini in- tionis.
didit ad virtutem inclinationem, cumque ab
appetitu retardari posset: ideo cum iustitia
originali eum creauit. 2. Efficaciter: ut face
re possit, ut velimus, quod ipse vult, salua li-
bertate. 3. Iustè: cum alioqui fit Dominus ab-
solutus, & quiduis possit de creatura. hinc

4.

Psal. 21. 1.

supplicia & præmia proponit, & reddit pro merito. 4. Vtiliter: impertit participationē suæ bonitatis, conseruat, promouet ad profectum. *Dominus regit me, & nihil mihi deerit.* imitentur, qui regunt, has proprietates prouidentia circa suos.

PUNCTVM IV.

*Luc. 22. 18.**Matth. 10. 30*

EXTENDITVR ad omnes creaturas, à supremo Angelo ad vermiculum. *Numerati sunt capilli, nec vnus perit, neq; solum sine voluntate Dei.*

MEDITATIO XXXI.

De prouidentia in victu, cultu & bonis fortune.

Sumitur hac meditatio ex verbis Christi, Matth. 6. Luc. 12.

PUNCTVM I.

Matth. 6. 25.

*N*on curate
licitudo.

Luc. 12. 20.

NE solliciti sitis anima vestra, quid manducetis, neq; corpori vestro, quid induamini: quæ sollicitudo reprehenditur. 1. De superfluis ad vitam, vel statum. 2. Si nō in tempore. 3. Si malo modo, cum iactura spiritualium, aut præ illis, aut per media illicita, aut ob malos fines, aut si in eis constituitur finis. 4. Si anxia, & cū turbatione, vt Marthæ: quia est signum inordinati affectus ad rem, & parū fiduciæ erga prouidentiam Dei. Examinabo me de his, ne sim, vt cui dicitur: *stulte, hac nocte repetent animam tuam & qua parasti cuius e-*

runt?

rant? sequar illud: *Omni sollicitudinē pro-*
icientes in Deum quia ipsi est cura de vobis. nō
 tamē reprehenditur debita diligentia in pro-
 uidendo, quā careat prædictis vitijs.

PUNCTVM II.

RATTO reddita à Christo: *nonne anima*
plus est quàm esca; & corpus plus quàm
vestimentum? tria insunt. 1. Quod præstat a-
 nima esca, corpus vestimento, quibus conti-
 nentur omnia ad vitam & cultum. 2. Quod
 sicut ex Deo habemus animam & corpus, ita
 ex eius dispositione venit, quod egeamus esca,
 & veste. 3. Quod qui dedit illa, dabit ista, ac
 proinde ei fidendum. Collige hinc, quod esca
 & cultu vtendum, quatenus non obsint potio-
 ribus, sicut ait Paulus: *noli propter escam de-*
struere opus Dei; &, quid prodest homini, si vni-
uersum mundum lucretur; anima verò suā de-
trimentum patiatur? Item, collige vniuersè,
 quando præbet Deus aliquod insigne donum,
 daturum etiam quæ illuc spectant. Sic Pau-
 lus: *qui filium suum tradidit, quomodo non o-*
mnia cum illo? sic, qui ad perfectionem voca-
 uit, dabit media, & qui seipsum in Sacramen-
 to ad alimentum, etiam, corporalem cibum.
 Item collige, quod siquidem de cibo & ami-
 ctu Deus prouidet, etiam curam gerit eorum,
 vnde ista nobis proueniunt, agrorum, peco-
 rum, &c. nec non pluuiæ, venti, & influxuum,
 vnde illa pendent. Itaque vt propriam rem
 Deus curat.

1. Pet. 3. 7.

Matt. 6. 25.
Pro anima
ollicitum
tē.

Rom. 14. 20.

Matt. 16. 26.

Rom. 8. 32.

P V N C T V M III.

Matt. 6. 26.

Luc. 12. 7.

Iob. 38. 41.

Iob. 29. 29.

Psal. 144. 15.

Psal. 103. 21.

Psal. 54. 25.

Matt. 6. 27.

Luc. 12. 26.

ALTERA ratio ab exemplo animalium. *Respicite volatilia cœli, & considerate coruos: quia non seminant, neque metunt, neque congregant in horrea, & Pater vester cœlestus pascit illa: nonne vos pluris estis illis? de coruis Iob: Qui præparat coruo escam suam, quando pulli eius clamant ad Deum, vagantes: ed quod non habeant cibum: & tamen illi non sunt filij, sicut vos: & sunt tantò viliores. Deinde aues non serunt, neque metunt: & tamen habent. Aquila contemplatur escam, & pulli eius lambunt sanguinem, quo nutriuntur. hiru ndines per aëra pinguescunt: depone erga anxietatem.*

Pariter nutrit. *Tu das escam illorum in tempore opportuno, quid as iumentis escam ipsorum: catuli leonum vt raptant, & querant à Deo escam sibi. Ergo iacta super Dominum curam tuam: quia ipse te nutrit.*

P V N C T V M IV.

QVIS vestrum cogitans potest adjicere ad staturam? Si ergo nec quod minimū est, potest: quid de cæteris solliciti estis? Statura cuique decreta est à Deo. & succrescit, ipso nihil agente: quid ni det nutrimentum ad eam necessarium? & dat sæpe modis occultis: vt magis aduertamus eius prouidentiam. Item ait: sicut frustra est sollicitudo pro statura; ita pro esca: si Deus non prouideat. Frustra ergo an-

geris

geris. Hinc etiam collige, quemcunque contentum esse debere etiam statura, & alijs corporis qualitatibus, uti à Deo. *ipse fecit nos & non ipsi nos.*

PUNCTVM V.

DE vestimento quid solliciti estis? omnia viuentia vestiuit Deus, pisces squamis, aues plumis, pecora lanis, aut dura cute, plātas etiam cortice. Hominem autem vestiuit iustitia originali; qua tutus erat, & nihil indecori inde patiebatur. Hac exutus per culpam cū esset, prouidit de pellibus, docuitque modum se vestie ndi. adeo non deserit hominem prouidentia, quamuis gloriosam stolam abieciisset.

Matt. 6. 28.

Considerate lilia agri; nec Salomon sic fuit coopertus in omni gloria sua. Non ex animalibus sumpsit exemplū; sed ex floribus, qui sunt ornatisissimi. 1. Ut indicaret, non ad necessitatem tantū, sed etiam ad splendorem prouidere de vestimentis. 2. quōd si rem mox interituram sic ornat, quantō magis tibi prouidebit. *si fœnum agri, quod hodie est, & cras in clibanum mittitur.* Potest referri ad reprobos mox perituros: quos non destituit prouidentia sua: quomodo Electos?

PUNCTVM VI.

NOLITE solliciti esse dicentes: quid manducabimus? toties abducit à superflua sollicitudine, tanti id facit. Lucas addit: &

Matt. 6. 31.

Luc. 12. 29.

nolite

nolite in sublime tolli. 1. vetat sollicitudinem de excellentia nominis, honoris, dignitatum. 2. ne de talibus inflemur, si obueniant, Deo largiente. 3. ne supra nostram paruitatem eleuari optemus, aut procuremus. 4. ne in astra cœli curiosè intenti, inde speremus; sed à Deo, *in cuius manu sunt sortes nostræ*, & qui eas temperat. 5. ne velut absorpti præ sollicitudine incedamus. 6. ne quasi vices Dei nobis arrogantes, ac si nostra cura assequi possimus sine Deo.

Iob. 22. 13.

Psal. 72. 11.

Luc. 12. 0.

Prou. 12. 21.

Addit duas rationes. I. *Hæc enim omniæ gētes inquirunt*, qui prouidentiam negant, dicentes: *quid enim nouit Deus? nec nostra considerat*; vel etiam carnales, qui facto ipso dicunt: *quomodo scit Deus?* 2. *Scit enim Pater vester cœlestis, quia his omnibus indigetis*. Scit, est Pater, & potest. Hæc basis fiduciæ. quòd si secus acciderit, quàm opto; *Non contristabit iustum quidquid ei acciderit*: dum reputat, ex prouidentia diuina venire.

PUNCTVM VII.

Matt. 6. 33.

QVAERITE ergo primum regnum Dei, & iustitiam eius, & hæc omnia adjicientur vobis. Ordo seruandus, vt promereamur Deo curæ esse. *Primum*: Hæc prima cura & præcipua, & cuius causa curæ ceteræ. *Quærite*: non ait: solliciti estote: quia & in hoc vitanda anxietas ex diffidentia.

Regnum Dei, cœleste & æternum, vbi cum Deo regnetis, sed & vt ipse modò regnet,

lon-

longè lateque in hominibus, & in re

Et iustitiam eius: quia hæc est medium absolutè necessarium, perveniendi ad regnum.

Et hæc omnia adijciuntur vobis promissio est certa. At diuites eguerūt & esurierunt: *inqui- Psa. 33. 31.*
rentes autem Dominum non deficiunt omni bo-
no quòd si defectum patiantur, certò credant ita eis expedire.

Non ait; *querite regnum Dei;* & postea hæc alia, quia nec tunc vult sollicitè quæri. sed *qui vtuntur hoc mundo, tanquam non vtentes sint,* nec ait: dabuntur vobis; sed *adijciuntur,* vt auctuarium; non, vt præmium. 1. Cor. 7. 31.

PUNCTVM VIII.

EXTRA ordinē etiā Deus prouidet de talibus, ad testandam suam curam Filijs Israel pluit manna. 40. annis petra potum dedit, *Exod. 16. 3.*
vestimenta & calceamenta non sunt consump- c. 17. 6.
ta. Eliam aluit mane & vesperi, *carnes & pa-*
nes per sororum suppeditando, alioqui voracis- *Deut. 29. 5.*
simum, sic peccatores, alioqui cupidi, Deo a- *3. Reg. 17. 6.*
gente, nutriunt seruos Dei.

Aliàs per pauperem viduam, cui nihil erat, *Ibidem.*
sed locupletauit eam, vt posset alere seruum suum. Prouidet suppeditando pijs, vnde alant seruos Dei.

Item per Angelos: sic Eliæ fugienti apposuit Angelus panem, & aquam. Et alius portauit Habacuc in Babyloniam ad Danielelem cū prandio. Tres hi modi singularis prouidentie

MEDITATIO XXXII.

*De prouidentia Dei in aduersis &
malis, tum culpæ, tum
pænæ.*

PUNCTVM I.

Aduersa
curobueni-
ant.

1.

2.

3.

OMNIA mala, tum culpæ, tum pænæ ca-
dunt sub diuinam prouidentiam, quæ
nouit; ex omnibus elicere bonum, præsertim
triplex 1. manifestat Deus suam excellentiam
in subueniendo malis. 2. conseruatio mundi
id fert: quæ ex vicissitudine pender, dum alia
corrumpuntur, generantur alia. Sic naturalis
inimicitia inter animalia ipsa, vt alia ex alijs
nutriantur. 3. peculiare bonum hominis, tum
naturale, tum supernaturale: quod vtrumque
ex malis contrarijs perficitur: nam virtutes
inde eminent: itaque inter mala intendam a-
nimus ad bonum, quod Deus inde elicit.

PUNCTVM II.

Diaboli
tentationes

1.

2.

3.

DE prouidentia in Diaboli impugnationi-
bus. 1. sine permissione Dei nihil po-
test, nec in porcos: cum autem permittit, cer-
to id limite, vt nihil vltra possit. 2. cum dæ-
mon intendat perdere nos; Deus elicit bonū,
vt sic ad orationem, mortificationem, aliasque
virtutes exercendas excitemur; & vnde vole-
bat nos ad luxuriam, vel impatientiam im-
bellere, reddamur in vtroque solidiores. 3. at-

tempe-

DE PROV. DEI IN ADV. ET MAL. 8, 1

temperat impugnationem viribus naturæ & gratiæ: *vt possimus sustinere*; cū & proficiamus inde: adest autem per viros spirituales, & per Angelos, & per internas inspirationes ac motus. Hinc non attendam ad Dæmonem impugnantem, sed ad Deūm permittentem, de cuius manu venit: vt Iob, quid dicebat, *Dominus dedit, Dominus abstulit*. Deinde non respiciam ad mala, quæ Dæmon spectat; sed ad bona; quæ Deus inde parat mihi conferre.

1. Cor. 10. 13.

Iob. 2. 10.

PUNCTVM III.

DE providentia circa mala, quæ ab alijs Persecutionibus hominibus patimur. 1. quod nihil possunt, nisi quantum Deus suo consilio finit. *passer non cadit in terram sine patre vestro; nec est in obliuione coram Deo. Sed & capilli vestri numerati sunt; nolite ergo timere*. Vbi duplex ratio continetur: quia, si vitæ passerum est tanta cura Deo, & si capillus nihili in numero est, quantò magis homo, & quæ huius præcipua sunt? *qui tetigerit vos, tangit pupillam oculi mei*. Ergo custodi me, vt pupillam oculi tui. *sub umbra alarum tuarum protege me*. 2. quod Deus inde nobis procurat bonum, contrarium malo intento ab aduersarijs: & illosmet aliquando iuuat. Sic Ioseph per occasionem venditionis *exaltatus est*; & fratribus succurrit, quod vtrumq; ipse obseruat. proinde dicam: *Obmutui, quoniam tu fecisti*. Et vt Dauid de Semel; *Dominus præcepit ei*. dicitur præcipere: quia permittit consulto in bonum tuum.

1.

Mat. 10. 29.

Luc. 12. 6.

Zacha. 2. 8.

Psal. 16. 8.

2.

Gen. 50.

Psal. 38. 10.

2. Reg. 16.

10.

Compend Medit.

Ggg

PVNC-

PUNCTVM IV.

Corporis
aduersita-
tes.

Amos 3. 6.

Ecc. 38. 2.

Eccl. 11. 14.

Osee 6. 2.

1 Reg. 2. 16.

2. Cor. 12. 9.

Ioan. 18. 12.

DE Prouidentia circa mala corporis, siue communia, siue priuata; & ex quacunque causa, siue naturali, siue malitiosa, siue incuria. Quia *non est malum in ciuitate, quod Dominus non fecerit.* 1. Igitur cogitabo, minuta quæque euenire ex prouidentia, & in numero esse apud Deum. *A Deo est omnis medicina. Vita & mors à Deo sunt. percutit & sanat, mortificat & viuificat.* 2. ista permitti in bonum animæ, dum sic purior fit à culpis, vincit passionibus, exercet virtutes. *virtus in infirmitate perficitur: & libenter gloriabor in infirmitatibus meis, ut inhabitet in me virtus Christi.* Quare si caro refugit, dicam: *Calicem, quem dedit mihi Pater, non vis, ut bibam illum.*

PUNCTVM V.

Animi mi-
seria.

DE Prouidentia circa mala animæ; quorum alia sunt inuoluntaria, pugna carnis & spiritus, vagæ cogitationes, & inordinati motus, oborientes ex peccato originis; quæ relicta sunt ad exercitium virtutum, & meritum, & Deus dat gratiam. Alia sunt voluntaria quæ permittit, ut constet humana libertas; & inde surgit homo humilior, cautior, feruentior. Alia, ut à malis, qui peccant, exerceantur boni & perficiantur. Item, ut bonitatem suam ostendat, expectando peccatorem, & recipiendo; vel iustitiam, puniendo. Denique omnia cooperantur in bonum iustis, qui ex alienis etiam peccatis sunt cauti, & ex

venia

venia aut poena laudant misericordiam, aut iustitiam Denique multa nos latent diuinæ providentiæ effecta, ob quæ laudari debet, & gratiæ agi.

MEDITATIO XXXIII.

*De Providentia in orationibus
exaudiendis.*

PVNCTVM I.

ORATIO est medium à Deo institutum ad obtinenda bona omnia, & auertenda omnia mala sancitum à Deo infallibili promissione: *Petite, & accipietis.* Est autem medium efficacissimum, quia nititur Diuina promissione; suavisissimum, quia nihil facilius, quam petere; & quidem à nostri amantissimo; & vniuersalissimum, quia valet ad omnia. Item per hoc medium Deus manifestat suas perfectiones, communicando se, miserando, remunerando, & mirabilia patrando supra naturam. Item quæ creauit, perficit per hoc medium, amolens nocitura, & indulgens proficua; temperiem aeris, multiplicationem segetum & animalium, &c.

Oratio me-
dium im-
petrandi.
Matt 7. 7.

PVNCTVM II.

PROVIDENTIA. concedit petenti vtilia, alioqui negat, pari charitate, *Si filius petierit panem, numquid Pater dabit ei lapidem?* Et quando res petita non expedit, dat tamen aliud melius; vt Paulo petenti, vt *stimulus carnis*:

Matt. 7. 9.
Luc 11. 13.
2. Cor. 12. 8.

ale discederet: data est gratia ad vincendum.

PUNCTVM III.

DAT opportunè; vel statim, si expedit; vel differt in tempus opportunius; cum nō sumus dispositi ad accipiendum; vel ob alias causas; & perseveranti præbet copiosius, ut illi *petenti tres panes dedit, quotquot habuit necessarios, ob improbitatem.*

Luc. II. 8.

PUNCTVM IV.

v. 9.

PROVIDET omnibus hoc medio: *Omni qui petit, accipit; & ita singulis attendit, ac vni soli; & oblectatur orantium concursu, quin vrget nos: petite, querite, pulsate: quia desiderat nobis benefacere. nec exterius tantū pro-uocat sed intus mouet, quod oremus nescimus, sed spiritus postulat pro nobis gemitibus inenarrabilibus.* Nec peccatores excluduntur, dum benè petunt, rem bonam, ob finem bonum, amoto obice rei petitæ, & perseveranter.

Rom. 8. 26.

MEDITATIO XXXIV.

De providentia in custodia Angelorū.

PUNCTVM I.

Causæ.

I.

Amor Dei.

Heb. 1. 14.

CVR assignauerit Angelos custodes. i. vt intelligamus, quantopere nos amat, quātiq̃ue facit, & quā cupit incolumitatem nostram, vt non satis ei fuerit, quod cælum & reliqua homini seruiant, nisi etiam administratorios spiritus exhiberet, propter eos, qui *hereditatem capiunt salutis.* quare cauet, ne con-

temnatis

temnatis vnum ex pusillis, quos tanti ipse facit: vt *Angeli eorum videant faciem Patris.* *Mat. 18. 10.*
 Quid ergo mirum, quod *subiecerit alia omnia sub pedibus eius; & paulò minus ab Angelis hominem fecerit;* quando illos etiam ministros fecit nostræ salutis? quia imbecilles eramus, & multis periculis cincti; ac, licet per se poterat custodire: decuit potius per Angelos. *Non accedet ad te malum, & flagellum non appropinquabit tabernaculo tuo; quoniam Angelis suis mandauit de te: quidnam? vt custodiant te in omnibus vijs tuis, in omni loco, & negotio: & in manibus portabunt te: ne forte offendas ad lapidem pedem tuum.* præseruabunt à periculis Nec vni, sed pluribus *Angelis mandauit de te.* 3. propter Dæmones, hostes inuisibiles: vt vicissim auxiliares inuisibiles haberemus, *plures sunt pro nobis,* aiebat Elifæus. *4. Reg. 6. 17.*

2.
Infirmetas
nostra.
Psal. 90. 13.

PUNCTVM II.

QUOD omnibus omnino hominibus exhibetur hoc beneficiū: non prædestinatis tantū, sed etiam reprobis; nec iustis tantū, sed peccatoribus, quia vult omnes saluos fieri. & cum vnus Angelus sufficeret toti ciuitati, aut regno, vult tamen singulis propriū assignare: qui vbique adsit, vt pædagogus; id quæ ab ipso conceptu, quo nomine neminē contemnā, sed magis honore afficiam. vitabo offendere quæcunq; reuerentiā Angeli ipsius. Ampliū, non singulis tantū suum præfecit, sed ciuitati, Regno, coetui propriū: qui ipse curā gerit singulo-

rū, etiam vt membra eius corporis; nec nō peculiarem Principibus & capitibus congregationum; & non ex infimo tantū ordine; sed etiam ex Archangelis, Principatibus; denique, qui præsint etiam singulis speciebus rerum conseruandis.

PUNCTVM III.

1.
Tob. 12. 15.
Psal. 102. 20

2.
Apoc. 19. 10.
Eccl. 22. 9.

3.

QUOD Angeli magna voluptate præsint hoc ministerium. 1. præcipuè, quia ita Deus vult, quo ipso illud habent pro honoratissimo. Videre licet in *Raphaele*, ex *septem vno*, qui *Tobiam* duxit; nec minùs cupide mancipiū custodit, quàm alius Regem. *Potentes virtute ad faciendum verbum illius*. 2. ex charitate erga hominē, quem vident sic amari à Deo. Ideo Angelus veruit *Ioannē*, ne se adoraret. *conseruus tuus sum. & fratrum tuorum, qui habent testimonium Iesu*. In hoc glorior: ac ita pro vno de vobis tractari volo, non iam pro spiritu cælesti, & beato. 3. quia cupiunt repleti sedes malorum Angelorum: vnde magnum gaudium in cælo super vno peccatore penitentiam agente hinc vrgear ad profectum, vt lætificem Angelum meum; & ne contrā contristem.

PUNCTVM IV.

Vigilantia.

BONA spiritualia à custode Angelo. Is, quod videat faciem Dei, habet notitiā necessariā ad prouidendū; & pro bonitate sua volūt, ac etiā possunt. Si quādo eis non cōstet de volūtate diuina, cōtingit, vt contraria velint, donec innotescat. Sicut inter Angelos Israëlitis & Persarum.

rum. Ergo ne dicas coram Angelo, non est providentia, ne forte iratus Deus dissipet cuncta opera manuum tuarum. Dan. 10. 19
Eccli. 5.

Tria sunt eorum officia, purgare, illuminare, persuere. Purgant ab erroribus. & peccatis abducendo, & ad id remedia suggerendo. Seraphim accepto calculo ignito, tetigit labia Prophetæ, & auferetur, inquit, iniquitas tua. Illuminant per illustrationes internas, atque ad virtutum exercitium permouent. Suggestunt etiam, ut discere velimus à spirituali Magistro, & hunc edocent. Perficiunt per exercitia vnitiva homines cum Deo, & orationes nostras Deo offerunt. In conspectu Angelorum psallam tibi. Denique auertunt à nobis pericula. Immittit Angelus Domini in circuitu timentium eum, & eripiet eos. Officia tria
Isai. 6. 6.
Psal. 137. 1.
Psal. 33. 7.

PUNCTVM V.

PROVIDET etiam in temporalibus & corporalibus, quatenus expedit saluti, ut videre est in Raphaële. Hinc 1. intelligam, quantum illi debeam, ut meritò dicere possim cum Tobia: si me ipsum tradam tibi in servum, non ero condignus providentia tua. 2. geram illum assidue in oculis, & cauebo ne quare oculos eius offendam; & quoniam aliquando ex latere discedit, accersam amicum. 3. Consulam in dubijs, implorabo in difficultatibus, gratias agam sæpè, gratulabor ipsi de suis bonis, & in tempus mortis conciliare curabo defensorem, quòd maximè fiet, si in vita ipsi obtemperauero. Tob 6. 4.
c. 9. 2.

MEDITATIO XXXV.

*De prouidentia in reparatione hominis
per Christum.*

PUNCTVM I.

Primi pa-
rentis la-
psus quātus

CONSIDERANDA prouidentia erga hominem in statu innocentiae. Nam creauit Adamum, vt caput totius generis, quo persistente in iustitia, facile etiam ceteri. nam ex Iustitia Originali carebant triplici impedimento, rebellionem carnis, & spiritus, &rumnis mortalitatis, & impugnatione ab extrinseco inimico. nam etsi daemon oppugnare potuit, at non sicut modò, ipsum corpus alterando, & ingerendo phantasiae species, sed exterius tantum proponendo & suadendo.

Porro, etsi homo hanc prouidentiam à se auertit peccando, non illum tamen deseruit Deus, sed aliam orsus est excellentiorem. nec enim permisisset illum labi cum totius generis ruina; nisi reparandi modum habuisset. fuit etiam sic magis occasio ostendendi bonitatem suam, quando etiam inimicis benefaceret, & eundem solem oriri faceret super eos, quem propter amicos condiderat. Elegit autem ex pluribus istum modum, vt ipse per se in assumpta carne fieret Redemptor.

PUNCTVM II.

COMPARATIO delicti, & doni. quāto
 præstat Christus Adæ, tantò donum de-
 licti. 1. in statu primo nati fuissent infantes in
 gratia, nunc in maiori per Christum renas-
 cuntur, & ea non gratuita, sed debita infini-
 tis Christi meritis. 2. tunc homines caruissent
 rebellionē, nunc etiam illam vincere possunt
 per Christum. 3. caruissent miserijs mortali-
 tatis, nunc istæ sunt materia virtutum maxi-
 marum, & in felicitate reponuntur, post-
 quam Christus pro nobis illas experiri vo-
 luit. 4. Misericordia vicit miseriam, & plus
 potuit Christus conferre, quàm Adam aufer-
 re. vnde sunt, qui nobis inuidere possent, qui
 tunc erant futuri, quia non solum expiamur à
 delicto Adæ, & à proprijs, sed amplissimis fa-
 uoribus cumulamur, pro quibus Deus homo
 factus est, & passus, tanquam admirabile sa-
 crificium perfecit, & Sacramenta insti-
 tuit.

Gratia ma-
 ior post la-
 psium.

1.

2.

3.

4.

PUNCTVM III.

CHRISTVS ipse gubernat nos, vt caput
 nostrum, qui factus est nobis sapientia, iu-
 stitia, sanctificatio, redemptio. 1. Est guberna-
 tor sapientissimus, qui perspicit necessitates
 nostras, & quomodo subueniendum; propen-
 siones nostras, & quomodo obsecundandum,

1 Cor. 1. 30.

*Rom. 8. 30.**Iacob. 1. 5.**Isai. 11. 9.**Ioan. 6. 45.**Psal. 71. 7.**Isai. 48. 28**1. Pet. 1. 10.*

qui & nos sapere facit, non sapientia mundi, sed diuina, quam dat omnibus affluenter Terra enim repleta est scientiâ Domini, & omnes sumus docti à Domino. 2. est iustissimus in se: per excellentiam iustus, in quem non potest cadere peccatum, qui proinde gubernat in iustitia, illuc spectans, vt iustificet multos: de cuius tempore dictum est: *in diebus eius orietur iustitia & abundantia pacis.* Et, attendent mandata eius, & fiet illis sicut flumen pax eorum, & iustitia eorum sicut gurgites maris. 3. sanctissimus: Sanctus Sanctorum, de cuius plenitudine omnes accipiunt Hoc est, non solum iustitiam impertit, qua mundamur à peccatis, sed sanctitatem, qua assimilamur Deo. *Sancti estote, sicut ego Sanctus sum.* 4. potentissimus, ad saluandum ab inimicis, à peccato, diabolo & mundo, & ad nos asserendos in libertatem spiritûs.

MEDITATIO XXXVI.

De prouidentia in Ecclesia fundanda.

Circa illa verba: *Sapientia adificauit sibi domum, Prouerb. 9.*

PUNCTVM I.

Ecclesiæ
anis.

FINIS Ecclesiam fundandi fuit, vt in ea esset remedium à peccato, & inferno, quæ sunt maxima mala; & adeptio gratiæ, & glo-

ria,

ria, quæ sunt illis contraria; quin vt esset velut quædam domus voluptatis Filio Dei, ad conuersandum cum Filijs hominum in terris. Quodd si pro vita corporali tuenda tam mira fecit, quantò mirabiliora pro spirituali præsertim cùm corporalia non nisi propter spiritualia prouiderit.

PUNCTVM II.

MEDIA ad finem reduci possunt ad septem: excidit columnas septem. 1. est fides, vt cognoscant te solum verum Deum & quem misisti Iesum Christum. Nam sine fide impossibile est placere Deo. Nec aliud nomen est sub cælo, in quo oporteat nos saluos fieri, quàm Christi. 2. Lex pura & sancta, qua continentur præcepta & consilia. 3. est cultus externus, qui olim multis sacrificijs constabat in vnico templo, nunc vnico sacrificio in multis templis. 4. sunt septem Sacramenta, in quibus est mensa ad solidum animæ nutrimentum. 5. chorus virtutum sacer, quarum Theologicales tres, morales quatuor, cum eximio illarum studio, & exercitatione, quasi pulcherrima varietate. 6. promissiones amplissimæ, & certissimæ, tum minæ, & supplicia. 7. sacra Scriptura, fons prædictorum omnium & mensa opifera, qua reficiuntur animæ. Nam quæcunque scripta sunt, ad nostram doctrinam scripta sunt, vt per patientiam & cōsolationem scripturarum spem habeamus. His omnibus frui datum est mihi, & omnibus, qui in Ecclesia Christi sunt.

Media salutis.

Sap. 3. 1.

1.

Ioan. 17. 3.

Heb. 11. 6.

Act. 4. 12.

Roma. 15. 4.

PUNCTVM III.

Ecclesia
vna.

Ioan. 10. 9.

HAE C domus est vnica, sicut vna Arca Noë, sicut vnus Deus, & vnus finis vltimus omnibus. Habet vnicum ostium, quod est Christus. *Ego sum ostium, per me si quis introiuerit, saluabitur: qui crediderit & baptizatus fuerit, saluus erit.* Gratulabor mihi, quòd ibi sim, tot extrà relictis.

MEDITATIO XXVII.

De prouidentia in vocatione ad Ecclesiam & fidem.

PUNCTVM I.

Vocatio
diuina quid
sit.

Ioan. 6. 44.

c. 11. 43.

Hebr. 11. 6.

Rom. 8. 24.

Ecles. 1. 28.

2. Tim. 1. 9.

VOCATIO est interna illuminatio, & motio, quæ præuenitur, & adiuuatur homo ad gratiam iustificationis percipiendam. Et est donum Dei. *Nemo potest venire ad me, nisi Pater meus traxerit eum:* instar illius vocis Christi: *Lazare veni foras.* Hac fit, vt homo credat: quia *sine fide impossibile est placere Deo;* & vt confidat de remissione peccatorum: *spe salui facti sumus:* & vt salutarem timorem concipiat. nam, *qui sine timore est, non potest iustificari;* tum demum doleat, & amet. Contingit autem vocatio absque meritis proprijs: *Qui nos vocauit, non secundum opera nostra, sed secundum propositum suum, & gratiam, quæ data est nobis.*

PUNCTVM II.

QUOD media & modi vocationis sint varij, & quòd omnes suo modo vocat: quia *est lux illuminans omnem hominem*, vnde in *linteo illo Petri continebatur omne genus animalium*, & *sapientia in plateis dat vocem suam*; & vocat per omnem vitam, *prima, tertia, sexta, nona, & vndecima* hora, vt nunquam sit de quoquam desperandum. Non ideo præsumā. Nam Deus finem suum assequitur, quamuis ego damner, quòd ei duo sint brachia, vnum misericordiæ, alterum iustitiæ. *Laeva eius sub capite meo*, vt timore suo me sustineat, *dextera autem amplexetur me*, vt in amplexu providentiæ ipsius, & spe æternorum conquiescam.

Media vocationis.

Ioan. 1. 9.

Act. 19. 11.

Prou. 1. 20.

Matt. 20. 1.

Cant. 2 6.

PUNCTVM III.

OBLIGOR ad obsequendum vocanti. 1. Quia vocat non vllò suo commodo. sed meo tantum, quia ipse bonus est, & benè mihi vult, quia Creator, Dominus, & Pater meus est. 2. Quia bonum mihi & honorificum, quòd dignetur vocare me: alioqui dignum, qui deserar. 3. Quia ex miseria peccati, quæ est maxima, eripere vult, & auertere æternā. 4. Quia vocat ad maxima: ad vitam gratiæ, ad pacem super omnem sensum, ad arrham æternæ vitæ. 5. Quia suauiter vocat intus, & exteriùs miris modis. 6. Quia si obsurdescam, iurauit, quia *non gustabo cœnam eius*. Ex his ipsis

Cur obligor parere vocationi.

Luc. 14. 24.

æsti-

æstimandum beneficium vocationis, & gratiæ agenda.

MEDITATIO XXXVIII.

De providentia in Sacramentorum institutione.

Zach. 4. 2.

AVREVM candellabrum repræsentat Ecclesiam; super caput eius lampas, quæ est Christus: & circum septem lucerna, quæ est multitudo fidelium. Infusoria autem aurea etiam septem, quæ sunt Ecclesiæ Sacramenta, vasa Diuinæ gratiæ, ad sanandos morbos, & ad roborandos, perficiendosque fideles.

PUNCTVM I.

PARTICVLARES ac proprii fines cuiusque Sacramenti considerentur.

PUNCTVM II.

EXCELLENTIA Sacramentorum nouæ legis. 1. Quòd non sint egena elementa, vt antiqua, sed gratiam continent, & conferunt, quam significant. 2. Quòd faciunt ex attrito contritum, supplendo defectum contritionis. 3. Ex opere operato dant gratiam, ita vt præter gratiam respondentem actibus suscipientis detur propria, ratione Sacramenti.

PUNCTVM III.

OFFERVNTVR omnibus pro cuiusque indigentia; sunt vasa, nō vitrea, & fragilia, sed aurea & solida semper duratura. nunquā

desi

deficiet in eis oleum, & gratia, quam continent, quamvis innumeris hominibus conferantur. sicut oleum pauperis viduæ propter verbum Elisæi, *nunquam cessavit fluere, quamdiu fuerunt vasa vacua*, in quibus reciperetur. Possunt etiam frequentari ad augmentum gratiæ.

4. Reg. 4. 6.

MEDITATIO XXXIX.

De providentia in institutione venerabilis Sacramenti.

In Feste
corporis
Christi.

PUNCTVM I.

CONFERAM cum providentia erga Adamum: quando præter tot alias arbores, dedit lignum vitæ, quo posset non mori: at multò hoc præstantius, quod dat vitam animæ, & est simile cœlesti, *reddenti fructus duodecim per singulos menses, & folia illius ad sanitatem gentium*. Nam in hoc Sacramento Christus ipse sumitur, *qui est via, veritas & vita*; & esus illius parit in nobis duodecim fructus Spiritûs: qui sunt *Charitas*, &c. Folia autem, id est, verba de hoc Sacramento, ut ait Christus, *Spiritus & vita sunt*, ad sanitatem gentium.

1.
Collatio cū
ligno vitæ.

Gen. 2. 9.

Apoc. 22. 2.

Ioan. 14. 6.

Gal. 5. 22.

Ioan. 6. 64.

PUNCTVM II.

CONFERAM cum providentia erga filios Israël, quibus dedit manna, *panem de cælo*, & panem Angelorum eorum ministerio præparatum. At hic verus de cælo est, &

2.
Cum Man-
na.
Exod 16.

Spiri-

Num. 11. 8.

Psal. 71. 6.

Gen. 3. 19.

Sap. 16. 20.

Psal. 104. 37.

Ioan. 6. 55.

1. Cor. 11. 3.

Sap. 16. 20.

Spiritus sancti operâ paratus in vtero Virginis. manna erat vt ros, *minutum, & in similitudinem pruina cadebat super terram*: hic autem descendit sicut ros, & sicut stillicidia stillantia super terram. Illud frangebatur mola, & coquebatur in olla, Christus laboribus attritus, & in aqua afflictionum, ab igne charitatis excoctus fuit, vt melius in cibum esset. quare pro maledictione illa: *in sudore vultus tui vesceris pane tuo, panem de cœlo præstiti eis sine labore.*

Manna erat medicina etiam præseruans à morbis: vnde *non erat in tribus eorum infirmus*. at hic melius sanat morbos peccatorum, & præseruat ab illis: quin dabit etiam corpori vitam: *qui manducat & bibit, habet vitam æternam, & ego resuscitabo eum in nouissimo die*. Igitur per cibum incurrimus mortem: per hunc cibum vitam acquirimus. O, ne hic ipse fiat in mortem, indignè sumptus! *sunt enim inter nos infirmi multi, & imbecilles, & dormiunt multi*: quia sumunt non iudicantes corpus Domini.

Manna erat vnius saporis ex natura, vt panes oleati; at hic panis cœlestis præbet iustis omne delectamentum suauitatis: ita Eucharistia palato sapit panem, at Spiritui omnes suauitates: quia eius dulcedo super omnes est corporales, & quia facit, vt nobis sapiant omnes virtutes.

Manna sicerat: vt nec qui plus colligeret, præscriptâ mēsurâ haberet amplius; nec, qui

minus

minus parauerat, reperiēbat minus, ita in Eucharistia: tantum enim sub fragmento, quantum toto tegitur; & manet tamen Christus totus sub vtraque specie.

PUNCTVM III.

Quod manna debebat colligi ante ortum solis: alioqui liquefiebat, & peribat: quoniam oportet praeuenire solem, ad benedictionem tuam accipiendam, & ad ortum lucis te adorare; surgendum diluculo. 1. ad colligendum manna deuotionis, per sanctas huius Sacramenti meditationes, ante diurnas occupationes & distractiones. 2. ad memorandum beneficium, assistendo huic sacrificio. nam si dati mannae voluit Deus extare memoriam, dum ex eo Gomor vnum asseruari voluit in Exo 16. 13. Arca: multo magis huius, quo nos pauit, non iam 40. annis, sed millenis, vsque in finem. 3. praecipue diebus communionis id agendum: & sicut ante sabbathum colligebatur duplex portio: quod in sabbatho non decideret: ita sex diebus vitae praesentis studiosè colligam fructus huius Sacramenti, vt in aeterno sabbatho frui possim, reuelata iam facie. Ad haec praestanda iuuabunt sequentes Meditationes de hoc Sacramento.

MEDITATIO XL.

Quod Sacramentum Eucharistiae sit memoria mirabilium Domini.

MEMORIAM fecit mirabilium suorum misericors & miserator Dominus: csi a Psal. 100. 4.

Compend Medit.

H h

dedit

dedit timentibus se. reducuntur ad septem.

PUNCTVM I.

Col. 2. 9.

EST memoriale ipsius Diuinitatis, quæ in Christo habitat corporaliter; & totius Trinitatis, quia ubi vna est persona, etiam reliquæ ob naturæ unitatem: & quia omnes simul operantur, quidquid ibi est mirabile. proinde etiam ibi sunt omnes thesauri, sapientiæ & scientiæ Dei, nec non bonitatis, aliarumque perfectionum.

PUNCTVM II.

EST memoriale operû omnipotentiae Dei.
 1. Dum accidentia separantur à substantia, ac sine illa conseruantur, ipsa desinente.
 2. Quòd conuertitur in corpus Christi, quale habet in cœlo. 3. Quòd hoc sit sub speciebus indiuisibiliter. totum in quauis particula. 4. Quòd manens in cœlo, tot locis reponatur, per admirabilem conuersionem.

PUNCTVM III.

EST memoriale officiorum, quæ Christus præstitit in vita mortali, & in hoc Sacramento etiam exhibet: vt sunt Medici, Magistri, Redemptoris, Pastoris.

PUNCTVM IV.

EST memoriale virtutum, quas exercuit in vita, atq; hic etiam *Humilitatis*, quæ se demittit ad species panis; *Obedientia* ad verbû sacerdotis; *Manfuetudinis & patientia*, ob ea, quæ perfert ab hæreticis, & indigne cõ-

muni-

municantibus, & malis sacerdotibus; *Charitatu* & misericordiæ, sic se donando in testimonium, quod mortuus sit pro nobis, & applicare volens nobis fructum suæ mortis; *Perseuerantia*, dum species durant, & in finem sæculi manendo nobiscum per hoc Sacramentum. Has quinque virtutes à Christo petam, præsertim in communicando, intendendo ad quinque plagas. Per pedum plagas, petam humilitatē & mansuetudinē, per manuum obedientiam & perseverantiam, per lateris charitatem.

PUNCTVM V.

EST memoriale trium maximorum Dei operum: Redemptionis, Sanctificationis, Glorificationis. Recolitur memoria passionis eius, mens impletur gratia, & futuræ gloriæ nobis pignus datur. de quibus sigillatim meditandum.

MEDITATIO XLI.

*De Eucharistia, ut memoriali
Passionis.*

PUNCTVM I.

CIVR Passionis amaræ memoriale voluit esse convivium. 1. Ut bonitatē & charitatem suam erga nos patefaceret, qui sibi amara, nobis dulcia servat. ita qui benè præsumunt. 2. Ut intelligeremus instar convivij fuisse sibi, pati pro nobis; unde dixit: *Desiderio*

Cur memoriale
passionis?
Luc. 12. 18.

desideravi hoc Pascha manducare vobiscum: & quia dies passionis fuit ipsi desponsationis, qui proinde conuiuium celebrandus fuit. 3. Ut quod ipse benignior, nos accendamus magis ad amplectenda in suauia propter ipsum. Memoria memor ero, & tabescet in me anima mea. 4. Ut commendaret suauitatem suæ legis: iugum meum suauis est, & onus meum leue.

PUNCTVM II.

Cur ipse
Christus
verè & rea-
liter in Sa-
crameato.

Apoc. 11. 8.

2. Cor. 4. 10.

Rom. 8. 36.

1. Cor. 15. 31.

Psal. 110. 3.

CVR voluit ipsemet esse memoriale, cum sufficisset panis & vinum, sicut aqua Baptismi repræsentat sepulturam. 1. Ut intelligeremus, quanti sit, quod pro nobis mortuus sit, siquidem per semet voluit esse monitor. 2. Ut indicaret se paratum sæpius pro nobis, & quotidie mori, si opus foret, aut expediret: ideo voluit quotidie immolari incruentè. sicut *ab origine mundi dicitur* occisus in typis sacrificiorum. Quid ni æmulemur? *semper mortificationem* In su in corpore nostro circumferentes: & *quasi oues occisionis*: ut Paulus: *quotidie morior per vestram gloriam fratres.* 3. Quia nos non sufficimus gratijs agendis, voluit supplere ipsemet pro nobis. Unde vocatur **EUCHARISTIA**: *Confessio, & magnificentia opus eius*: hoc inquam opus est plena confessio laudis, & gratiarum, ac verè magnificentissima erga nos liberalitas.

PUNCTVM III.

CVR sub speciebus panis & vini, i. Vtrū-
que conficitur ex pluribus, conterendo
& premendo, in vnum coalescentibus. ex quo
memores simus passionum eius, qui in torcu-
lari crucis pressus & calcatus pependit exan-
guis. 2. Sicut in Baptismo per immersionem *Rom. 6. 8.*
significatur mors, & sepultura Christi, qui *Psal. 68. 15.*
immersus est in profundis passionum velut
aquarum. Ita, dum in hoc Sacramento teri-
tur dentibus, significatur passio, & sepultura
illius. O, sim dignum sepulchrum, glorio-
sum, nouum, & excavatum in lapide per imi-
tationem Christi, qui est petra!

MEDITATIO XLII.

*De Eucharistia, ut signo & causa
sanctificationis.*

PUNCTVM I.

QVOD inter septem instrumenta nostræ
sanctificationis voluit Christus ipse per
se in vno eorum latere, & sanctificationem
perficere. Ita est medicus, vt ipsemet appli-
cet medicinam; Mater, vt per se lactet in-
fantem.

PUNCTVM II.

MAIOR gratia datur, quam in alijs
Sacramentis. velut cum Rex manu
ua præbet eleemosynam. ibi exhibet animæ

spirituale conuiuium, replens gaudio, & sanctis desiderijs.

PUNCTVM III.

Ioan. 6. 54.

VNI MVR ipsi intima charitate; qui manducat meam carnem, & bibit meum sanguinem, in me manet, & ego in illo.

PUNCTVM IV.

vers. 58.

EFFECTVM huius Sacramenti explicat Christus altissima similitudine: *sicut ego uiuo propter Patrem; ita, qui manducat me, uiuet propter me.* Viuit ille propter Patrem, quia ab illo accipit vitam Diuinitatis, & cum illa omnia: ita manducans, ut non iam ipse uiuat, sed in eo Christus. *Propter me*, inquit: est enim ipse causa efficiens in nobis spiritualis uitæ; ipse exemplar, ipse finis, ac tandem materia, circa quam omnis nostra actio, cogitatio, affectusque uersetur: *ut nihil sciat, nisi Christum, & hunc crucifixum.*

1. Cor. 2. 2.

PUNCTVM V.

Iacob. 2. 21.

INTELLIGI etiam possunt effectus Sacramenti à similibus. 1. Ut cibus suas imperit corpori qualitates: ita Christus animæ. 2. Tanquam viti Christo palmes inseritur, qui inde trahit succum salutarem omnium uirtutum. 3. Est *insitum uerbum*, quod saluat animam. ut cum trunco sterili surculus bonæ arboris imponitur, producit fructum bonum.

PUNCTVM VI.

CVR in pane & vino. 1. quia sunt alimentum quotidianum: vt sic moneret frequenter sumendum. vnde peti iussit, *panem nostrum quotidianum: & nisi manducaueritis, non habebitis vitam in vobis.* 2. quia commune omnibus, etiam vulgaribus: huc omnes inuitantur. 3. ad commendandam mutuam charitatem: quod ex granis pluribus conficiatur vtrumque. Hæc vestis nuptialis. 4. quia panis cor hominis confirmat, vinum lætificat, neutrum parit fastidium. ita hoc. *Qui edunt me, adhuc esurient, & qui bibunt, adhuc sitient. non sic manna, super quo nauseabant.*

Matt. 6. 11.

Ioan. 6. 53.

Ecc. 24. 29.

Num. 25. 5.

MEDITATIO XLIII.

De Eucharistia, vt est pignus futuræ gloriæ.

PUNCTVM I.

AD faciendâ pacta, vel promissa, solet dari pignus pretiosum, & aliquando obfides: ita Pater æternus, & ipsemet Christus dat se pignus: vnde certi sumus promissorum. *Nam si dedit Filium, quomodo non cum illo omnia donauit? pro iam donatis haberi debent.*

Est pignus.

Rom. 8. 32.

* * *

PUNCTVM II.

ITA est pignus, vt simul ducat ad promissa: quia minuit concupiscentiam, præseruat à lapsu, nutrit, ac roborat ad perseuerandum: quin vnit cum Christo: quæ iam est quædam inchoatio gloriæ, & *tanquam fons saluens in vitam æternam.* Vnde etiam est arrha illius: est autem arrha, quæ ita in pignus datur, vt non repetatur, quamuis reddito promisso. sed manet penes eum, qui accipit: *charitas* quippe *nunquam excidit.*

Ioan 4. 14.

1. Cor. 3. 8.

PUNCTVM III.

EST pignus sui ipsius, & eò præstantius. Nam quod edunt & bibunt sancti in regno Patris, exhibetur etiam hîc; sed alio modo pro statu. illic *præcingit se, & ministrat Christus discumbentibus:* quia, etsi reuelata facie vident Diuinitatem & humanitatem Christi, illam tamen præcinctè, quia non potest comprehendî. In Sacramento etiam magis, quando velatum se exhibet. Præingam & ego me ipsum, cohibendo fluxa desideria: vt dignè accumbam isti mensæ. nam & ideo prius orare iubemur: *fiat voluntas tua*; tum vbi in hac profecerimus, *Panem nostrum da nobis hodie.* Et quia vt conuiuium, est pignus æterni conuiuij; simul est viaticû, in cuius fortitudine cû Elia pertingere possumus *vsque ad montem Dei Horeb.* Quare quoties fumo, ita me comparabo, quasi nunc profecturus. quò potest ap-

Luc. 12. 37.

3. Reg 19. 8.

tari illud : quando sederis, vt comedas cum Principe, statue cultrum in gutture tuo. morituum te puta, & sic ad Christi Regis mensam accumbe.

Prou. 23. 2.

MEDITATIO XLIV.

Applicatio sensuum ad Sacrosanctam Eucharistiam.

PUNCTVM I.

ASPICIAM species illas, considerans, consistere sine subiecto ; & eius rei fidem exercens, ac Omnipotentiam Dei laudans: aspiciam sub illis Christum gloria coronatũ; & penetrabo ad intima, quod sit *splendor gloria Patris, & figura substantia eius.* Item, quomodo sacra illa humanitas coniuncta sit illis speciebus ineffabiliter.

Heb. 1. 3.

PUNCTVM II.

AVDIAM, quid ibi existens loquatur mihi: audiam inuitantem: *Venite, comedite panem meum, & bibite vinum, quod miscui vobis. Relinquitte infantiam; & vixite, & ambulate per vias prudentia. Et comedite, amici, & bibite, & inebriamini charissimi. Et omnes sitientes venite ad aquas, & comedite bonum & delectabitur in celsitudine anima vestra.* Item exhortantem *Discite à me, quia mitis sum, & humilis corde.* Audiam Angelos, cum iam communicaturus sum, dicentes; *Ecce spõ-*

Prou. 9. 5.

Cant. 5. 1.

Isa. 55. 1.

Matt. 11. 29.

c. 25. 7.

1. Reg. 3. 9.
Psal. 84. 9.

ſ. venit, exiſte obuiam ei cum lampadibus. Et cum accepero: Loquere, Domine, quia audit ſeruus tuus; & audiam, quid loquatur in me Dominus.

PUNCTVM III.

Mat. 14. 28.

Cant. 1. 3.

ODORABO ſuauiſſimam ſacriſicii: dum ſe Chriſtus in hoc Sacramento offert Patri, in odorem ſuauiſſimæ. Item fragrantiam virtutum ipſius: & tanquam *aquila congregabor ad corpus*; quod faciunt animæ contemplationi deditæ. *ô trahere me poſt te; curremus in odorem vnguentorum tuorum.*

PUNCTVM IV.

GVSTABO: quàm ſuauiſſimus eſt Dominus præ omni manna; facit dulceſcere virtutum exercitia, quàm ſuauiſſima amara ſenſibus. Quin ipſe Dominus paſcitur ſuauiſſime, dum editur à nobis, quia eſt panis viuus, & delectatur, dum manditur.

PUNCTVM V.

Luc. 6. 19.

Mar. 5. 28.

Cant. 1. 1.

TANGAM ſpiritu, tangam & manu, cum oportet, quia virtus de illo erit ad ſanandum omnes; vt quæ dicebat: *ſi tetigero, ſaluaberò.* Quin oſculum petam in ſumendo, *oſculetur me oſculo oris ſui, quia meliora ſunt vbera tua vino, fragrantia vnguentis optimis.* Hæc ſunt ſpecies Sacramentales, quæ continent ſuauiſſimas præ omnibus terrenis. Ampli-

us Spiritu penetrabo ad sacras cicatrices.
mittensque digitos & manus, exclamabo, *Do* *Ioan. 20. 28.*
minus meus, & Deus meus, &c.

MEDITATIO XLV.

*De supplicatione Corporis
Christi.*

PUNCTUM I.

COGITABO, Christum obeuntem ciui-
tates, & villas, *benefaciendo, & sanando* *Act. 10. 38.*
omnes oppressos à Diabolo; & quò affectu fu-
issem tunc illum comitaturus: faciam iam, nec
dubitem etiam nunc bene eis facere, qui i-
psum glorificant; & relinquere suæ præsentia
effectus, quocunque procedit.

PUNCTUM II.

COGITABO ingressum Ierosolymita-
num; & pompam illam cum ista confe-
ram: vehabatur autem tunc asinâ, iam exi-
guis speciebus clausus. cantabo: *Hosan-*
na.

PUNCTUM III.

COGITABO ignominiosas processio-
nes, quibus Christus ab horto Gethse-
mani per tribunalia circumductus est: pro
quibus redditur ei iste honor. *Sic honorabitur,* *Acto. 6. 9.*
quem

Apoc. 4. 11.

2. Reg. 6. 14.

vers. 6.

quem voluerit Rex honorare. Dignus es Domine accipere honorem, & gloriam & virtutem. Sic Deus clarificat, à quo clarificatus est. Quòd si Arca à Dauide, quantò magis hic? Nec curàda Michol obtrectatio, quin tantò plus gestiendum, sed cauendum exemplum Oze, si irreuerenter attingatur.

PUNCTVM IV.

Apoc. 4. 8.

COGITABO cœlestem plausum, quo excipitur ibi Christus, ad cuius æmulationem nos in villa nostra aliquid faciamus. Ieniores deponunt coronas ad pedes eius. *Quatuor animalia die ac nocte*, absque requie dicunt: *Sanctus, Sanctus, Sanctus, qui est, erat, & venturus est.* alij offerunt phialas odoramentorum. denique per plateas Ierusalem perpetuum Halleluia cantatur. Sic ego coronam deponam ante pedes per affectum humilitatis, agnoscens, ex me nihil habere. Acclamabo, Sanctus, Sanctus, viua fide profitens: quia venit in carne, & venturus est iudex. Offeram phialam cordis auream ex charitate, plenam odoramentis thuris & myrrhæ, fœruentis orationis & mortificationis.

(S)

MEDITATIO XLVI.

*De providentia Dei in assignando
cuique statum.*

PUNCTVM I.

PATERNE Deus etiam providet de statu
cuique accommodato, dum ipse se regi si-
nat, cum non quivis cuilibet conveniat, & a-
lioqui sint, sicut in corpore, multa membra, ita
in Ecclesia, & Republ. civili diversi status. Alij
sunt velut caput ad regendum; alij vt oculi,
qui eminent doctrina; alij manus in vita acti-
ua; alij pectus in recondito contemplatiua;
alij pedes in humilioribus. Ergo qui non su-
scipit certum statum, ad Deum confugiat, &
qui iam habet, in Deo confidat, se in illo sal-
uum fieri, & *vnusquisque in qua vocatione vo-
catus est, in ea permaneat.*

PUNCTVM II.

PROVIDENTIAE diuinæ suauitas specta-
tur in eo, quod varias hominibus indit pro-
pensiones ad diuersa, vt nunquam desint, qui
spontè amplectantur conditiones, quamuis
molestas, & seruiles, ne in publicum desidere-
tur aliquid. Quod si aliquādo imponat aliquid
à propensione naturali alienum; sic illud dul-
corat, vt reddat suaue, velut statum religio-
sum. Et quando non sic faciat delectabile, ita
ratione persuaadet, vt inspirata lux vincat na-
ture

1 Cor. 7. 20

turæ repugnantiam. Ergo me illi totum committam.

PUNCTVM III.

Num. 11. 37

Marc. 12.

QUOD Deus iuxta statum prouidet de medijs ad ferendum. vnde cùm Moyſes delegiſſet adiutores regiminis, dictum ei à Deo eſt: *Auſerã de ſpiritu tuo, tradamq; ſeptuaginta ſenioribus, vt ſuſtentent tecum onus populi tui.* Quare ſi mihi duplicatur onus, etiam virtus. Hinc periculolum eſt amplecti ſtatum, nō ex voluntate diuina, quæ inquirenda eſt. nam deſtituitur is conuenientibus ſubſidijs. ſi tamen erratum eſt, nec licet regredi, recurrendum eſt ad Deum, qui non deſtituet nos. Alioqui omnis plantatio, quam non plantauit Pater cœleſtis, eradicabitur.

MEDITATIO XLVII.

*De prouidentia circa ſtatum
Religioſum.*

PUNCTVM I.

Cur diuerſi
ſtatus Reli-
gioſi.

Pſal. 23. 6.

Ecc. 3. 1.

FINIS inſtituendi hunc ſtatum fuit multiplex. i. vt eſſet ſchola perfectionis, quæ in charitate Dei, & proximi conſiſtit. vbi prouide amouentur omnia impedimenta perfectionis charitatis. *Hæc eſt generatio quærentium Dominum, & faciem eius ſemper.* Eſt Eccleſia filiorum ſapientiæ, quorum natio & conditio eſt obedientia, & dilectio. quare nituntur imi-

tari

tari Deum, & Christum. *Estote perf. Et sic ut* Matt. 5. 48.
Pater, qui est 2. finis, 3 est domus refugij, a pe-
riculis mudi 4. est domus solatij, quod diuertat
 Deus. *Delicia mea esse cum filiis hominum.* 5. *Prou. 8. 31.*
est lucerna super candelabrum, & ciuitas super Matt. 5. 14.
montem posita, ad exēplum virtutis: vt sitis sine Philip. 2. 15.
querela, &c. 6. est officina meritorum, quorum
 ampla seges, vt & gloria. Hæ sunt *sex ala Se-* *Isai. 6. 2.*
raphin.

PUNCTVM II.

PROVIDIT, vt essent varia Religiosorum In ordi-
 instituta: quia cū plura sint officia chari- bus Regu-
 tatis, non potuit vna in omnibus excellere, fa- la.
 cilius autem alia sine alio. & cū Christus sit
 exemplar perfectissimum omnium virtutum,
 non potuit per omnia exprimi ab vna aliqua
 Religione, & dum alia aliter eminet, redditur
Regina amicta varietate. Et denique sunt ho- *Psal. 44. 10*
 minum propensiones valdè diuersæ, & vires,
 ac facultates variæ, vt oportuerit modos as-
 sequendi perfectionem proponi diuersos.

PUNCTVM III.

VOCAT ad Religionem ipse: non enim Vocatio
 est humanarum virium. *Non omnes ca-* Dei.
piunt verbum hoc, sed quibus datum est. Et re- Matt. 19. 11
mo potest venire ad me, nisi Pater traxerit. Ioan. 6. 44.
 Non vocat omnes, quia non est status ad salu-
 tem necessarius, & vocat non ex merito, sed
 quia vult: *non vos me elegistis, sed ego elegi vos.* cap. 15. 16.
 Hinc aliquando relinquit meliores, vocat au-
 tem

Luc. 14. 24.
cap. 9. 6.

tem imperfectiores, vt eos perficiat. gratias agam. proinde inurbanum est, & ingrati animi, non sequi vocantem, imò periculosum, quando ideo vocat, quòd hunc statum ducat vocatis opportunum ad salutem. Quare de re-nuentibus dicit: *non gustabūt cœnam meam & respiciens retro non est aptus Regno Dei*. Porro in vocando Deus spectat duo, & commodum Religionis, ad quam vocat, & congruentiam ipsius vocati: nam prouidet tū bono publi-co, tū priuato: quare magnus error est, reniti,

MEDITATIO XLVIII.

De bonis status Religiosi.

PVNCTVM I.


Mundus
quid?


1. Ioan. 2. 16.

Matt. 15. 24

Genes. 15. 7.

QVIA eruit à periculis mundi: est autem mundus multitudo seruientium concupiscentiæ carnis, oculorum, & superbiæ vitæ: quorum alij per infidelitatem sunt extra Ecclesiam, alij autem per fidem, membra Ecclesiæ, sed putrida; inter quos viuunt quidem iusti, sed cum periculo ab occasionibus, ab exemplis conuiuentium, à rebus ipsis, siquidem facilius est, teste Domino: *Camelum intrare per foramen acus, quàm diuitem intrare in Regnum Dei*. Gratias ago tibi Domine, quia eduxisti me de Vr Chaldaeorum, ab igne concupiscentiæ illius. triplices porro varij & miri sunt modi educendi ex mundo, etiam per tentationes,





DE COELESTI GLORIA.

MEDITATIO LI.

Quid sit, De loco, & socijs.

PUNCTVM I.

QUID sit, Est status bonorum omnium aggregatione perfectus, in quo nulla mala culpæ, aut poenæ, & omnia bona, quæ desiderari possunt. Nam, teste Augustino, ille est beatus, qui habet omnia, quæ vult, & non vult aliquid mali. Porro est æternus, securus, absque metu, quod Deus mutet decretum, immutabilis sine diminutione, satians absque fastidio. Contrà, status vitæ præsentis, quantumvis foelix, admiscetur multis malis, est ad tempus anxius, variabilis. Ideò, *nolite vobis thesaurizare in terra, &c.*

Quid sit?

Matt. 6. 19.
Luc. 12. 33.

PUNCTVM II.

PRÆSTANTIA loci. Describitur Apocalypsis 2. c. *Ex auro & lapide precioso*, quia apud nos nihil præstât ius. At excedit immensū. 1. est lucidissimus, suavi quadam luce. 2. temperatissimus, absque vicissitudinibus. 3. firmissimus, absque metu ruinæ, aut rimæ. 4. amoenissimus, nam si Adæ confitus locus deliciarum, & si tot hæc inferior habitatio communis, cum bestijs habet commoda, quid lo-

Locus.

Psal. 83. 2.

cus ille? *O quam dilecta tabernacula tua, Domine virtutum!*

PUNCTVM III.

Societas in
celis quæ?

Apoc. 7. 9

CONVICTVS iucundissimus beatorum, Angelorum & hominum. Nam se omnes inter se noscunt, & communicant. Sunt autem Angelorum millia millium, & hominum turba *quam dinumerare nemo potest.* 2. sunt Angeli omni virtute ornatissimi, & amabilissimi. 3. varietas graduum, vt stella differt à stella in claritate. Ibi ordines Angelorum, ac inter eos permixti ex hominibus; quin aliqui supra omnes, ob vitæ meritum. Ibichori Sanctorum, Patriarcharum, Prophetarum, Apostolorum, Martyrum, Sacerdotum, Confessorum, Virginum, &c. 4. mira concordia: quia vnusquisque gaudet de bono cæterorum, ac de proprio.

MEDITATIO LII.

De essentiali gloria animæ & corporis.

PUNCTVM I.

Bonum a-
nimæ &
potentia-
rum.1.
Psal. 44. 7.

2.

ANIMA repletur Deo, vt ferrum candens. 1. memoria sic occupabitur, vt diuertere nequeat à præfenti bono; tum memorabit omnia accepta à Deo, & recipienda, nec vllius recordatio affliget. *memoriam abundantie. suauitatis tuæ eructabunt, & iustitia tuæ exultabunt.* 2. intellectus replebitur clara visione Dei in seipso, & intuebitur diuinam essentiam, & personas, attributa, modum Incarnationis; & quomodo Deus mirabiliter o-
pera

peratus sit, quæcunque fecit. Vnde celsabit
 des, & spes, re iam possessa. Ibi intelliget arca-
 num diuinorum consiliorum, & rationem pro-
 uidentiam circa se. 3. Voluntas ineffabiliter Deo
 adhærebit, atque in eum transformabitur a-
 more, qui fit omnis amor, filij, sponsæ, ami-
 ci, &c. vnde immensitas gaudij redundabit,
 & *inebriabitur ab ubertate domus Dei*, & verè *Psal. 35. 9.*
 intrabit in gaudium Domini sui, vndique cir-
 cumfluens. Ab hoc amore ordinabitur volun-
 tas ad omnem rectitudinem, vnde obedientia
 exactissima, humilitas profundissima, religio
 subtilissima existant. 4. Tandem cogita, in-
 de te beatum fore, vnde ipse Deus est: quod se
 videt, & amat. Collige. exercitium orationis
 esse adumbrationem quandam illius status,
 quando in illa studemus easdem animæ po-
 tentias circa Deum occupare pro modulo.

PUNCTVM II.

DOTES corporis gloriosi. 1. *Claritas. in*
hi fulgebunt sicut Sol; membrorum pro-
 portio, figura, color, & nitor mirabilis. inspi-
 cientur etiam internæ partes, & harmonia
 totius corporis, tanquam crystallum. 2. *Im-*
patibilis & immortalitas: *non esurient, neq.*
sitient: nec ab ullo extrinseco lædi poterunt
 3. *Agilitas*; etenim Anima ita dominabitur
 corpori, vt sine repugnantia illud celerrimè
 transferat quocunque, *sicut scintille in arun-*
dinetis discurrent. 4. *Subtilitas*, vt instar Spi-
 ritus non subiaceat necessitatibus vitæ vege-

Dotes cor-
poris glo-
riosi.1.
Matt. 13. 43.2.
Apoc. 7. 16.3.
Isa. 49. 10.4.
Sap. 3. 7.

Matt. 22.

Matt. 22. 30

2. Cor. 4. 12.

Rom. 8. 18.

tatiuæ; sed erunt sicut Angeli Dei, ait Christus. poterunt etiam penetrare per quoduis corpus: vt Christus ex sepulchro, & ad discipulos. O, verè non sunt condigna passionibus huius temporis, quidni mortificationem Iesu nunc in corpore nostro circumferamus?

PUNCTVM III.

I.

Iob 19. 25.

2.

Psal. 149. 5.

3.

Mat 24. 28.

4.

5.

Psal. 93. 19.

Psal. 121. 1.

GLORIA sensuum. 1. *Visus*, ex aspectu tot glorificatorum corporum, in primis Christi, quo Iob solabatur se: *scio quòd in carne mea videbo Deum Saluatorem meum.* 2. *Auditus*, ex colloquijs sanctorum plenis gratiæ & ex laudibus Dei. nam *exultationes Dei in gutture eorum.* 3. *Odoratus*, à fragrantia corporum beatorum, quia hic fuerunt bonus odor Christi: cuius in primis est fragrantissimus. *Vbi fuerit corpus, illuc & congregabuntur aquilæ:* coeleses nimirum, attractæ à suauitate illius. 4. *Gustatus*, vt absque cibis omne delectamentum suauitatu percipiat, siquidem tale manna in terris dedit. 5. *Tactus* toto corpore diffusus, purissimo perfruetur sensu.

Ergò, secundum multitudinem dolorum meorum consolationes tuæ letificauerunt animam meam. Ergo & tu, corpus, letare in his, quæ dicta sunt tibi; sustine modicum.

MEDITATIO LIII.

*De gloria cælesti, & respondet octo
beatitudinibus.*

PUNCTVM I.

PAVPERIBVS spiritu, & persecutionem
patientibus promittitur regnum Dei, quod
est iustitia, pax, & gaudium in spiritu sancto,
ex visione clara Dei, quod intra ipsos est, ut au-
ferri nequeat, & ita cuiusq; proprium, ut citra
consortium aliorum quisque Rex foret. Hinc
Ecclesia dicitur *Regina assis* iens à dextris Dei. Matt. 5. 3.
Eccl.
Rom. 14. 7.
Psal. 44. 10.

PUNCTVM II.

MITIBVS promissa est terra, nō ut hæc
morientium, & vallis lachrymarum,
& subiecta maledicto; sed viventium, in qua
nemo ampliùs mori potest, affluens omni sola-
tio: *ubi non est amplius neq; luctus, neque dolor:*
quam irrigat fluius aque vitæ, ex sede Dei pro-
cedens, ad cuius ripā arbores cēsitæ sunt, feren-
tes fructum in singulos menses: hi sunt beati
ipsi. Terræ pos-
sessio.
Apoc. 22. 1.

PUNCTVM III.

LVGENTIBVS est plena consolatio: ubi
labsterget Deus omnem lachrymam, ubi
semper lætissimum Halleluia cantatur,
ubi gaudium non tolletur
ab eis. Consola-
tio.
Apoc. 21. 4.

PUNCTVM IV.

Saturitas.

Psal. 16. 15.

Apoc. 7. 16.

ESVRIENTIBVS & sitientibus iustitiam
est saturitas sine fastidio. Nunc nihil hominem satiat; non terrena, quia inania; non scientia, aut virtus, quia imperfecta. Satiabor autem, cum apparuerit gloria tua. Non esuriunt, neque sitient amplius.

PUNCTVM V.

Plenitudo
misericor-
diae.

MISERICORDIIS est misericordia: sunt enim alia vasa irae, alia misericordiae, sicut quaedam honoris, quaedam contumeliae: haec inferis, illa coelo dicata, ubi coronat eos misericordia, & miserationibus. nam etsi beatitudo est corona iustitiae, tamen est misericordia maxima, quia inde sumit initium. Haec sunt vasa aurea, & argentea à charitate & puritate: reliqua lignea, & fictilia, quia casum admittunt, & franguntur.

PUNCTVM VI.

Visio Dei.

Psal. 35. 10.

Psal. 88. 16.

Eccl. 11. 7.

MVNDIS corde est visio: nam pro fide datur lumen gloriae, in lumine tuo videbimus; lumen; & in lumine vultus tui ambulabunt & exultabunt tota die: quoniam gloria virtutis eorum tu es: quam dulce lumen, & quam delectabile oculis videre solem?

Cant. 3. 4.

Cant. 2. 16.

Prospe datur comprehensio, & omnimoda possessio. Inveni quem diligit anima mea, tenui eum, nec dimittam.

Charitati demum accedet fructio. Dilectus meus mihi, & ego illi.

P V N-

PUNCTVM VII.

PACIFICIS est adoptio filiorum. Nam est duplex: vna imperfecta, & in hac vita: altera perfecta, ad quam aspirant ipsi filij gementes, & adoptionem filiorum Dei expectantes. Prior significata in Baptismo Christi, cum audita est vox: *Hic est Filius meus.* Posterior in gloriosa transfiguratione, cum eadem vox repetita, de vtraq; Ioannes: *Nunc filij Dei sumus, & nondum apparuit, quod erimus. scimus autem, quoniam cum apparuerit, similes ei erimus, quoniam videbimus eum sicuti est.*

Adoptio
filiorum Dei.

Rom. 8, 23.

1. Ioan. 3, 2.

MEDITATIO LIV.

De gloria cœlesti, vt datur vincenti. Apocal. 2.

PUNCTVM I.

VINCENTI dabo edere de ligno vitæ, quod est in paradiso Dei mei. Lignum vitæ est Deus ipse. Quia in ipso vita erat. editur de illo per visionem claram. *Hac est enim vita æterna: vt cognoscant te verum DEVM, & quem misisti IESVM Christum.* Paradisus est ipsum cœlum Empyreum: locus deliciarum Beatis: vbi suam gloriam Deus patrefacit, fruendamque exhibet.
sed datur vincenti.

Alia præmia.

I.

Fervor.

Apoc. 2, 7.

Ioan. 1, 4.

Ioan. 17, 3.

* *
*

PUNCTVM II.

II.

Corona

vitæ.

Apo. 2. 10.

ESTO fidelis vsq; ad mortem; & dabo tibi coronam vitæ; & qui vicerit, non ladeitur à morte secunda. Promittit coronā vitæ, hoc est, immortalem & immarcescibilem. Nec ladeitur à morte secunda; quæ est damnatio perpetua, atque æterna.

PUNCTVM III.

III.

Manna ab-

sconditum.

Apo. 2. 17.


Psal. 30. 20.


Matt. 25. 34.

Rom. 8. 16.

Sap. 5. 5.

VINCENTI dabo manna absconditum; & dabo illi calculum candidum; & in calculo nomē nouum scriptum: quod nemo scit, nisi qui accipit. Manna est ipsa diuinitas, verè habens omne delectamentum suauitatis; & est absconditum: Quam magna multitudo dulcedinis tuæ, quam abscondisti timentibus te! hi sunt beati. Calculus candidus est approbatio rata, & immutabilis: qua Deus beatos certos reddit, ac securos de æterna sua felicitate: est illud: *Venite benedicti, percipite Regnum* Quod si nunc internum testimonium Spiritus sancti, quod sumus filij Dei, sic afficit iustos, quid tunc illud manifestum, & immutabile? Contrà, nigrum calculum reprobationis referent peccatores: *Ite maledicti.* Nomen nouum, est nomen Filij: quia tunc demum sancietur æterna adoptio, quæ modò nutat, & imperfecta est: perficietur autem, cum hæreditatem adibimus, *Nam si filij: & hæredes per Christum.* Tunc lamentantes dicent impij: *Ece quomodo computati sunt inter filios Dei.*








961194 **Bibliotheca 950,-**
P.P. Camaldulensium in Bielany

Depozyt w Bibliotece Jagiellońskiej



02721

l. III. 36



Libro di Pontefice S. S.

di Pontefice S. S.

Temporale Pontefice S. S.

1523

i - III - 36